

**SUMMA
QUAESTIONUM
REGULARIUM SEU
DE CASIBUS
CONSCIENTIAE AD...**

Juan Bautista : de Lezana, Giovanni
Battista Coccini





14 11

8

13-10-0-21



S V M M A
Q V E S T I O N V M R E G V L A R I V M .
seu
D E C A S I B V S C O N S C I E N T I Æ

*Ad Personas Regulares vtriusq; sexus
spectantibus.*

vbi

*Multa Præsertim iuxta noua Decreta
sumorum Pontificum et S. Congregationum.*

Ad Cms. et R. Dnm.

D. CARDINALEM PIVM

EPISCOPVM PORTVENSEM


per

P. MAGISTRVM F. IOANNEM BAPTISTAM
de Leana Hispanum, Saxoniz Prouinciale,

Ex libris Socii Generalis Carmelitarum.

Bernardus


*Monasterii
ad Thelmas*




ROMÆ

Typis Hæredum Gulielmi Facciotti.

M. D C. XXXIII.





EMINENTISSIMO PRINCIPI,
ET REVERENDISSIMO DOMINO
D. CAROLO EMMANVELI PIO
S. R. E. CARD. AMPLISSIMO,
ET EPISCOPO PORTVENSI.



Fr. Ioannes Baptista de Lezana Carmelita .



V A M (Emin.^{mc} Princeps) sibi
auspicata lucem , in lucem pro-
dit mea hæc Quæstionum Re-
gularium Summa , rata se , aut
nullam perpeſſuram eclipſim.
Tuæ benignitatis , vel ſemel ir-
radiatam fulgoribus , aut quam-
plurium quæſtionum inuolucris digeſtam cõgeriem ,
notam adulterinæ euitaturam , tuto Aquilæ Tuæ (quæ
falli haud nouit) experimento . Nulli verò potiori iu-
re , quàm Tibi fuiſſe inſcribendam , qui non videat , vel
ſi Linceus ſit , in medio Sole iudicabitur cæcutire . Tua
enim ſingularis illa humanitas , & beneficiorum mu-
nifica manus , qua non totum modò Carmeliticum
noſtrum cœtum , ſed me etiam inter Sacræ Congre-
gationis de Indice Conſultores Theologos , Tuo co-
optatum auſpicio , benignè fouiſti , qualecunque hoc
tributarix deuotionis monumentum expoſtulabat .
Principum namque beneficentia , & ſi parem mercede

✠ 2 dem

dem (quod Regium est) non expectet, officiosam tamen grati animi Theseram, non dedignatur. Accedunt egregiæ illæ Tuæ animi dotes, clarissimi generis splendore clariores, prærogatiuæ virtutum omnigenæ litteraturæ notitia præclaræ, cæteræq. veræ, ac generosæ Pietatis Tuæ notæ, quas mihi aliquando ad tanti Principis oracula assumpto licuit experiri. Accedunt incomparabilis illa prudentia, constans doctrina, & mira Ecclesiasticarum notitia rerum, quibus dum Purpuratorum Patrum Confessibus, quasi Luminare maius præes, *Pietas ad omnia utilis*, iuxta Paulinum dictum, iure nouo prædicatur: Quæ omnia ad Te non modò me excitatum concitare, sed impellere potuissent reluctantem, vt simul munificentissimo Patrono deuincti animi redderem argumentum, & plurimum operi à sapientissimo Principe, nanciscerer authoramenti. Minus dignū fateor munus eo Cardinali, cui familiaris à Iuuenili æuo Senatoria Purpura fuit. Excipias tamen exoro, qua soles benignitate, & qua consueuisti Pietate foueas, dum ex corde voueo, & Deum enixè deprecor, vt valeas, & Elianos potiùs, quàm Nestoreos viuas annos.

Nos Fr. Theodorus Stratius Magister, ac humilis Generalis totius Ordinis Carmelitarum, Auctoritate nostrarum serie Tibi dilecto nobis in Christo Adm. Reuer. Patri Magistro Ioanni Baptista de Lezana, nostræ Prouinciæ Castellæ Nouæ professo Sacerdoti, Prouinciali Saxoniz, & Socio nostro, licentiam, & facultatem concedimus, vt seruatis seruandis, typis mandare possis librum, cui Titulus est, Summa Quæstionum Regularium, seu de Casibus Conscientiæ, ad Regulares vtriusque sexus spectantibus; recognitum, & approbatum à Viris doctis nostræ Religionis, quibus id commisimus. In quorum Fidem, &c. Dat. Romæ die 6. Martij 1633.

Fr. Theodorus Stratius Generalis totius Ordinis Carmelitarum.

Locus ✕ Sigilli.

Fr. Ioannes Baptista Cerutus Secret. Ordinis.

EX Commissione Reuerendiss. Patris Theodori Stratij Prioris Generalis totius Ordinis nostri Carmelitarum perlegi opus cui titulus est, Summa Quæstionum Regularium, à Reu. Adm. Patre Magistro Ioanne Baptista de Lezana Prouinciæ Castellæ Nouæ eiusdem Ordinis, & Prouinciali Saxoniz, compositum, in quo tantum abest, vt aliquid Orthodoxæ Fidei, & Sanctis Moribus repugnans offenderim, vt potius omnia, tum Sacris Canonibus, & Summorum Pontificum Decretis, tum Sanctorum Patrum, & Eruditorum Theologorum doctrinæ coherentia repperim. Et quoniam, quæ ad moralem Theologiam pertinent, & in pluribus diuerforum authorum Voluminibus leguntur dispersa, in hoc vno summa eruditione, breuitate, & dilucidatione reperiuntur collecta, ita vt hoc vnum pro omnibus computari merito possit, dignissimum censeo, vt ad communem vtilitatem, maioremq. commoditatem tam fructuosæ laboris opus in lucem prodeat, typisq. manderur. In quorum fidem mea manu subscripsi. Dat. Romæ in Conuentu nostro Tranpontinæ die 15. Ianuarij 1633.

Ego Fr. Dominicus Campanella Ordinis Carmelitarum Magister, & Lector publicus Metaph. in Gymnasio Romano.

Ex

EX Commissione Reuerendissimi Patris nostri Generalis per-
legi Volumen hoc, cui Titulus est, *Quæstiones Regulares,*
siue Summa de Casibus Conscientiæ ad Religiosos pertinenti-
bus, Auctore R.Ad.P. Magistro Ioanne Baptista Lezana nostræ
Sac. Religionis Alumno, ac Saxoniz Prouinciali. Et in eo nihil
inueni, quod Fidei, aut bonis moribus repugnet: imò iudico
esse opus, & doctrinæ subtilitate, & styli nitore, & rerum co-
pia valde insigne, & Religiosis omnibus summo opere utile, quod
& typis excudi, & immortalitati debeat commendari. Dat.
Romæ die 2. Martij 1633.

*Fr. Ioseph Pandulphus Prouincialis Tuscia, & Regens Sanctæ
Mariæ Transpontina de Vrbe.*

Imprimatur,
Si videbitur Reuerendiss. P. Magistro Sacri Palatii Apostolici.

A. Tornius Vicegerens.

DE mandato Reuerendissimi Patris Fr. Nicolai Riccardij Sa-
cri Palatii Apostolici Magistri, legi hanc Summam *Quæ-*
stionum Regularium, siue Casuum Conscientiæ ad Regulares
spectantium, quam Adm. Reu. Pat. Mag. Fr. Ioannes Baptista de
Lezana, illustrissimi Ordinis Beatæ Mariæ de Monte Carmelo
alumnus, Saxoniz Prouincialis, & Reuerendissimi Patris Prio-
ris Generalis eiusdem Sodalitij Socius, in lucem edere inten-
dit. Nihil in ea offendi, quod offendant, aut à vera doctrina,
& probis moribus dissonet; plura, quæ ad formandam vitam
veri religiosi iuuare possint; & plurima, quæ authoris doctri-
nam, & pietatem ostendant; qui cum Hispanos, & Italos ope-
re, & sermone docuerit, vniuersos his scriptis informabit, &
instruet. Romæ die 2. Aprilis 1633.

Fr. Thomas de Herrera Heremita Augustinianus.

Imprimatur.
Fr. Nicolaus Riccardius Sacri Palatii Apostolici Magister, Ordinis Prædicatorum.

INDEX

INDEX CAPITVLORVM

QVÆ IN HOC VOLVGINE

CONTINENTVR.



Cap. I.	D E obligationibus Regularium ratione status perfectionis,quem Profitentur. pag. 1
<u>Cap. II.</u>	<u>De obligationibus Regularium ratione Professionis trium Votorum Religionis in communi.</u> 6
<u>Cap. III.</u>	<u>De Regularium immunitatibus,& Præilegijs in communi.</u> 17
<u>Cap. IV.</u>	<u>De obligationibus Religioſorum ratione Voti obedientiæ emiſſi in Professione.</u> 30
Cap. V.	De obligationibus Religioſorum propter Votum Caſtitatis. 40
<u>Cap. VI.</u>	<u>De obligationibus Religioſorum ratione Voti Paupertatis.</u> 45
Cap. VII.	De obligationibus Religioſorum ratione Regulæ ſui Ordinis. 75
Cap. VIII.	De obligationibus Religioſorū ratione Conſtitutionum, ſeu Statutorum Religionis. 86
Cap. IX.	De obligationibus Religioſorum, quæ habentur in Iure, vel Concilijs. 98
Cap. X.	De obligationibus Regularium ad Conſtitutiones, & Decreta Summorum Pontificum, & S. Congregationum. 116
<u>Cap. XI.</u>	<u>De his, in quibus tenentur obedire Religioſi Dominis Episcopis, & Principibus ſecularibus.</u> 138
<u>Cap. XII.</u>	<u>De Religioſis quoad obligationem recitandi Diuinum Officium.</u> 149

De

Cap. XIII.	De obligationibus Regularium, quo ad habitum Religiosum portandum.	167
Cap. XIV.	De obligationibus Regularium, quo ad Sacros Ordines suscipiendos.	17
Cap. XV.	De obligationibus Religiosorum, quo ad electiones faciendas.	179
Cap. XVI.	De obligationibus Regularium ad manendum in Monasteriorum clausura.	194
Cap. XVII.	De obligationibus Regularium, si fiant Cardinales, Episcopi, Abbates, &c.	207
Cap. XVIII.	De obligationibus Prælatorum Regularium, facultatibus, & Privilegijs ipsorum.	216
Cap. XIX.	De Confessoribus Regularibus; eorumq. facultatibus, & obligationibus.	269
Cap. XX.	De Concionatoribus Regularibus, eorumq. obligationibus.	293
Cap. XXI.	De obligationibus Sacerdotum Regularium.	302
Cap. XXII.	De Regularibus transeuntibus ex una Religione ad aliam.	318
Cap. XXIII.	De obligationibus Religiosorum ab ordine eiektorum.	329
Cap. XXIV.	De Novitijs, eorumq. obligationibus, & Privilegijs.	337
Cap. XXV.	De Monialibus, earumq. obligationibus, & Privilegijs.	358
Cap. XXVI.	De Abbatissis, seu Priorissis Monialium.	384
Cap. XXVII.	De Iudice Regulari, seu modo Procedendi iudicialiter in Causis Regularibus.	390



S V M M A
QVÆSTIONVM
REGVLARIVM,

S E V

DE CASIBVS CONSCIENTIÆ
ad personas Religiosas vtriusque
sexus spectantibus.



DE OBLIGATIONIBVS REGVLARIVM
ratione status perfectionis, quem profitentur.

C A P. I.



IX triplici statu in Ecclesia reperto; quorum primus est coniugatorum, qui vitam communem, & adimpletionem solùm præceptorum communium exigit: & secundus Religiosorum, qui ad perfectionem tendere, consiliaq. Evangelica sectari profitentur: & tertius Episcoporum, seu Prælatorum, qui perfectionem consummatam, & in factum esse debent habere; certum est omnes personas Regulares cuiuscumque sexus sint, in secundo statu esse, sub eoque militare. S. Thom. 2. 2. q. 183. & 186. Hic autem status bene sic definitur, *status hominum ad perfectionem Christianam per paupertatis, castitatis, & obedientia vota tendentium*. Bellarm. 10. 2. l. 2. de Monach. cap. 2.

² Adumbratus est in lege Moyssi, & in lege naturæ. Plat. de bono stat. Relig. l. 2. cap. 19. Perfectus, & consummatus à tempore
A Chri.

Christi, & Apostolorum, qui fuerunt veri, & perfecti Religiosi. Vasquez 1.2. *disp.* 165. *cap.* 5. Et amplexatus à Sanctissimis nostris Patribus Elia, & Eliseo, filijsq. Prophetarum successoribus eorum. D. Hieronym. *in epist. ad Paulin.* D. Isid. 1.2. *de offic.* *cap.* 16. Sixt. IV. Gregor. XIII. & alij Pontifices.

3 Hinc omnis persona Religiosa quæcumque illa sit, tenetur ex vi suæ professionis, tendere, progredi, & niti ad perfectionem. Ratio est; quia hæc est obligatio sui status, & in quo differt à laicis: unde statui laicorum solum dicitur à Christo *Serva mandata*; statui verò Religiosorum, qui insinuat in illis verbis: *Si vis perfectus esse*, ulterius dicitur: *Vade, & vende omnia, &c. & sequere me*, per quod denotantur Consilia, ac per consequens perfectionis sequela. Suarez *lib.* 1. *de obligat. Religiosorum.* *cap.* 4.

4 Non tamen tenetur Religiosus ex vi suæ professionis esse perfectus in facto esse. Ratio est: quia status Religionis non est status perfectionis iam acquisitæ, qualis est status Episcoporum, sed est status perfectionis acquirendæ. Ideò enim vocatur Religio schola perfectionis. Quemadmodum ergo studentes in schola non tenentur esse docti, & sapientes, sed tendere, & conari ad doctrinam, & sapientiam acquirendam, ita etiam Religiosus non tenetur esse perfectus, sed tendere ad perfectionem. S. Thom. 2.2. q. 184. *ar.* 5. & 186. *ar.* 2. Abulen. *in cap.* 19. *Matthæi*.

5 Nec etiam tenetur Religiosus niti, aut tendere ad perfectionem per omnia opera consiliorum, aut supererogationis, sed per illa tantum, quæ sunt secundum Regulam, & Observantias sui Ordinis. Ratio est, quia non se obligavit ad aliam perfectionem nisi eam, quæ medijs institutis suæ Religionis comparari potest: neque Ecclesia obligat illum ad aliam. Solum ergo obligatur ad eam perfectionem, quæ media observantia suæ Regulæ, & Constitutionum acquiri potest. S. Thom. 2.2. q. 186. *ar.* 2. Sanchez 1.6. *in Decalogum* *cap.* 5. *nu.* 2.

6 Nec præterea tenetur Religiosus sibi persuadere se facere profectum quotidie in perfectione. Quia hoc pugnat cum humilitatis exercitio, per quod indicare debet oppositum. Hieronym. Gratian. *de Discipul. Regul.* *cap.* 9. §. 1.

7 Perfectio Christiana, quam profitentur Religiosi, & ad quam procurandam tenentur, consistit principaliter in actibus charitatis erga Deum, & proximos; minus principaliter in actibus aliarum virtutum. Ratio est; quia perfectio hominis in hac vita est illud bonum, quod est ipsi optimum; exercitium autem charitatis principaliter, & exercitiū aliarum virtutum minus principaliter est optimum homini, cum nihil illi melius. S. Thom.

2.2.q.184.ar.1.Hinc finis Religiosi status est vnio per charitatem cum Deo , & proximis . Indicatur hoc Act.5. vbi de Apostolis , qui erant veri Religiosi , & eorum discipulis dicitur : *Multitudinis credentium erat cor vnum, & anima vna.* Hieronym. Gratian. in *Discipl. Regular.cap.4.*

8 Hæc obligatio procurandi perfectionem , seu tendendi ad illam , in Religiosis est sub mortali peccato . Ratio est ; quia est de re grauissima , quam vouerunt , & in qua consistit substantia status Religiosi . Cordub. in *Reg. D. Francisci. cap.1.* Rodriguez 3.10. *Quest. Regul.q.48.ar.1.* Ista veritas (secundum Nauarr. in *cap. quia portio 12.q.1.nu.10.*) est terribilis multis Religiosis, qui neque actu , seu actualiter ; nec virtute , seu virtualiter habent animum se in dies magis perficiendi in charitate ; neque curant plusquam boni clerici seculares, vel laici, ad eam tendere . Sanchez *lib.6.in Decalog.cap.5.nu.10.*

9 Num verò huiusmodi obligatio tendendi ad perfectionem in Religiosis sit distincta ab obligatione seruandi vota , & obseruantias Regulares, vel sit eadem cum illa ? Probabilius est esse eandem , & imbibitam in illa , sicut obligatio obediendi Deo , placendi Deo, & constituendi in ipso nostrum vltimum finem , non est obligatio distincta ab obligatione seruandi mandata Dei, sed in illa includitur . Ratio est , tum quia vt diximus *nu.5.* non tenetur Religiosus ad aliam perfectionem comparandam , nisi ad eam , quæ medijs institutis suæ Religionis haberi potest . Tum etiam , quia alias quoties Religiosus transgrederetur votum aliquod peccaret duplici peccato , altero contra votum , altero contra perfectionem , quam tenetur procurare . Sanchez *lib.6.in Decalog.cap.5.nu.5.*

10 Peccat tamen Religiosus mortaliter contra hoc præceptum procurandi perfectionem . Primò, quando contemnit ea, quibus venit ad perfectionem . Quia hoc est contra votum professionis , quo Religiosus promissit vitam Regularem . S. Thom. 2.2. q.186. ar.2. & 9. Caietan. *ibid.* Secundò, quando transgreditur Regulam (etiam si ad venialem solam, vel ad nullam culpam obligaret) eo fine , vt impediat perfectionem . Quia hoc etiam est directe contra id , quod promissit . Valentia 1.2. *disp. 7. quest. 5. puncto 6. vers. primus casus est.* Vasquez 1.2. *disp. 158. cap.6.nu.57.* Tertio, quando firmiter statuit apud se , nullo modo curare de perfectione sui status . Propter eandem rationem . Quarto ad idem, quando in animum inducit non progredi ad vitæ perfectionem, ita vt apud se statuat , & dicat : Nolo ad perfectionem tendere. Quia in hoc deficit à fine suæ professionis. Bartholomæus

à S. Fausto de *Vit. propriet. cap. 1. nu. 10.* Tandem quinto, quando eius prauo exemplo alios induceret ad deprauatam vitam, vel relaxationem Regulæ. Quia tunc graue nocumentum Religioni, quam professus est, inferret. Sanchez *lib. 6. in Decalog. cap. 4. nu. 18.*

11 Addunt etiam alij peccare Religiosos, si intendāt nunquam proficere in perfectione, seu non facere alia bona, neque alio modo meliora, quam Regula, vel Constitutiones præcipiunt. Quia hoc est ponere obicem gratiæ Spiritus sancti. Cordub. in *Regul. B. Franc. cap. 1. q. 3.* Tho. de Iesu in *Epilog. Regul. Carmelit. §. ex his ergo.*

12 Tunc censetur Religiosus contemnere perfectionem sui status, ac per consequens peccare mortaliter contra hoc præceptum, quando transgreditur leges suæ Religionis ex animo, aut voluntate non se subijciendi illis; aut Superioribus præcipientibus. Ratio est, quia contemptus est actus formalis inobedientiæ, includens duo, scilicet transgressionem præcepti, & intentionem nolendi se subijcere præcepto, aut præcipienti, tanquam causam transgressionis. Lessius de *Iussit. & iur. cap. 41. dub. 9. nu. 76.* Vasquez 1. 2. *disp. 158. cap. 4.* Vide dicenda *cap. 8. nu. 17.*

13 Transgredi verò Regulam, & Ordinationes Religionis ex prauo usu, aut consuetudine in rebus paruarum, aut leuius materiæ non est peccatum mortale contra hoc præceptum. Ratio est, quia actus isti quantumuis replicati ob paruitatem materiæ solum possunt esse peccata venialia. Azor. *lib. 4. Instit. moral. cap. 9. q. 11.* Quando autem per accidens possit hæc consuetudo esse peccatum mortale dicimus *cap. 8. nu. 18.*

14 Non tenetur Religiosus ex vi huius obligationis, seu præcepti, domitas, seu superatas habere omnes suas inordinatas passiones; sed sufficit, ut ad eas vincendas, quantum potuerit conetur. Hoc declaratur exemplo à S. Thoma adducto de duobus militibus, quibus Dux præcipit, ut fortiter pugnent, ac dimicent; quorum vnus ita hoc adimplet, ut inimicum vincat, & occidat: alter verò, etsi fortiter dimicet, & pugnet, inimicum tamen non occidit, aut vincit. Vterque enim suæ obligationi satisfacit. Sic ergo in nostro proposito. Ludouic. Mirand. in *Man. Prælator. to. 1. q. 3. ar. 5.*

15 Peccata Religiosi absolutè loquendo debent censi grauiora, cæteris paribus, peccatis secularium. Primò, quia Religiosus cum sit specialiter dicatus Deo tenetur habere maiorem aduertentiam ad non peccandum, & placendum Deo. Secundò ratione aliqualis ingratitudinis ob maiora beneficia recepta.

Calet.

Caiet. 2. 2. q. 187. ar. 4. Suarez 4. 10. de Relig. cap. 11. Per accidens tamen erunt aliquando leuiores. Quia si talia peccata sunt venialia, multitudine bonorum operum, in quibus Religiosus versatur veluti obruuntur. Si verò fuerint mortalia, facilius ob pristinam consuetudinem bonorum operum, & bonum exemplum aliorum retractari solent. S. Tho. 2. 2. q. 186. artic. 10. Valentia 2. 2. disp. 10. q. 4. punct. 6.

16 Aliqui dicunt, eo ipso quòd Religiosi ex vi sui status, & professionis deputantur ad aliquos actus, v. g. chorum, vel spirituala ministeria; vel opera corporalia, si sint conuersi; teneri ex iustitia illa non omittere, ita vt si ommittant peccent mortaliter. Eo quòd inter Religionem, & Religiosum interuenit pactum quoddam, vt scilicet Religio ministret omnia ad vitam necessaria, Religiosus verò munus suum exerceat. Quemadmodum ergo Prælatus, si non tribuat vitæ necessaria Religioso, peccabit contra iustitiam, sic & Religiosus si non efficiat ea, quæ sui muneris sunt. Hoc verò ad minus erit verum, quando Prælatus præcipiat Religioso aliquid rigorosè, & exigendo ius suum. Suarez 4. 10. de Relig. tract. 8. lib. 1. cap. ult. nu. ultimo.

17 Præter obligationem communem omnium Religiosorum, tendendi ad perfectionem, Mendicantes specialiter tenentur ex præcepto charitatis salutem proximorum subuenire, scilicet confessionibus, prædicationibus, lectionibus, &c. Ratio est, tum quia finis prædictorum est salus animarum. Tum quia sunt coadiutores Episcoporum, quorum proprium est hoc munus. Vt habetur in Conc. Meld. cap. 3. Rotomag. apud Burchard. lib. 1. cap. 88. & in Clement. dudum §. ceterum de sepulturis. & in Extrauag. sup. Cathedra §. finale eodem tit. iuncto cap. inter cetera de offic. ord. Bannez 2. 2. q. 33. art. 3. dub. 3. Thomas de Iesu sup. cap. non dicatis par. 5. cap. 1.

18 De specialibus autem obligationibus Religiosorum ad perfectionem quærendam in specialibus materijs, seu medijs ad illam acquirendam, agimus sigillatim in sequentibus capitulis.

De obligationibus Regularium ratione professionis
trium votorum Religionis in communi.

C A P. I I.



AD substantiam, & essentiam veri, & proprii Religiosi, quatuor conditiones requiruntur. Prima est, profiteri obedientiam, paupertatem, & castitatem. Innoc. III. in *c. cum ad Monast.* Secunda, ut hæc tria voto aliquo firmentur. S. Thom. 2. 2. q. ult. Tertia, ut tale votum emittatur in

Religione aliqua per Sedem Apostolicam (saltem his temporibus) approbata. Nauarrus *comm. 1. de Regularib. nu. 18.* Vnde Professio facta in Religione reprobata solum habebit vim voti simplicis. Quia ad hoc solum potest obligare. Sanchez *lib. 5. in Decal. cap. 4. nu. 86.* Vide dicenda infra *num. 28.* Quarta, ut promittens hæc vota constituatur sub iurisdictione, & potestate alterius. Vazquez 1. 2. *disp. 165. cap. 4.* Vnde Religiosus ex vi trium votorum, quæ in professione emittit, non est tam suus, & sui iuris, quam Religionis, sub cuius potestate, & iurisdictione se constituit. Rursus, nuntium prorsus sæculo remittit, ei moritur, & ad vitam Spiritualem se omnino transferens, Dei obsequio se mancipat. Sanchez *lib. 5. de precept. Decal. cap. 1. nu. 16.*

2 Etiam vota, quæ emittunt milites S. Iacobi, & S. Ioannis, & c. constituunt illos veros Religiosos. Ratio est, quia promittunt obedientiam, & paupertatem accomodata instituto ipsorum: & castitatem, vel simpliciter, ut milites S. Ioannis; vel secundum quid, scilicet conjugalem, ut milites S. Iacobi, & c. Sunt ergo veri Religiosi, siquidem profitentur statum non vitæ ordinariæ, & communis, sed altioris. Nauarr. *consil. 11. de Regul. Suarez to. 4. de Relig. tract. 9. lib. 1. cap. 4.* Dicuntur tamen habere, saltem aliqui illorum, privilegium Pontificium, ut non comprehendantur sub iure aliquo Religiosorum, quantum ad odia, & rigores. Quaranta in *Summ. Bull. verb. Monast.*

3 Non solum vota solemnia, qualia fiunt in omnibus Religiosis transacto anno novitiatus; sed etiam vota simplicia, quæ emittunt Patres Societatis Iesu post biennium approbationis constituunt verè Religiosum vouentem. Ita definitum est à Gregorio XIII. *Extravaganti Ascendente Domino.* Vnde de hoc non licet dubitare. Ratio etiam est, nam illis conveniunt quatuor con-

condiciones assignatæ supra nu. 1. Neque obstat, quòd talia vota non sint perpetua ex parte acceptantis, cum sic vouentes à societate expelli possint. Sufficit enim quòd ex parte vouentium sint perpetua. Vazquez 1. 2. *disput.* 165. nu. 19. & *alibi*. Sanchez de *præcept. Decalog. lib. 5. cap. 1. nu. 6. & sequent.*

4 Etiam conuersi, oblati, seu donati Religionum, qui veram professionem trium votorum sub Regula approbata emittunt, sunt verè Religiosi. Quia id sufficit ad statum Religiosum. *Grafis 1. par. Decis. lib. 3. cap. 5. à nu. 85.* Hinc tales sunt etiam personæ Ecclesiasticæ, & gaudent priuilegio canonis, & fori. *Siluest. verb. Ecclesia 1. q. 5. Miranda in man. 10. 1. q. 29. art. 3. Vide dicenda cap. 3. nu. 18.*

5 Non solum professio expressa (illa scilicet, quæ fit verbo, vel scripto vouentis tria vota) sed etiam tacita (illa scilicet, quæ fit portando habitum proprium, vel exercendo propria professorum) constituit verum Religiosum, seruatis conditionibus à Concil. Trid. *sess. 25. cap. 15.* designatis. Ratio est, quia antiquitus vtrique erat valida, & per Concilium non est sublata professio tacita. *Nauarr. comm. 4. de Regul. Miranda in Man. tom. 1. q. 24. art. 12.*

6 Quamuis obligatio orta ex votis solemnibus emisiss in professione Religiosorum sit perpetua, potest nihilominus Summus Pontifex ex suprema potestate, quam habet, in illis dispensare, Tum quia id sæpius fecisse testantur historici; tum à simili de matrimonio rato, in quo etiam potest idem Pontifex dispensare: tum etiam, quia in tali dispensatione nihil fieret contra ius naturale, aut diuinum. *Caict. 2. 2. q. 88. art. 11. & in quodlibet. Michael Medin. de Sacror. Homin. contin. lib. 4. contr. 7. cap. 9.* Vt hoc licitè fiat, desideratur publicæ utilitatis causa, & urgentissima. *Sanchez. lib. 5. de præcept. Decalog. cap. 2. nu. 5.* Vbi etiam insequentibus, an sit integrum Pontifici dispensare cum Professo, vt matrimonium ineat ad tempus, ad habendum prolem.

7 Post Concilium Trident. quinquenij tempus determinatum est Religiosis ad reclamandum, seu allegandum non esse professos; quo tempore elapso, nullatenus id possunt facere. *Concil. Trid. sess. 25. cap. 19. Bonacina in tract. de clausur. q. 2. punct. 19. præsertim diff. 4.* Hoc tamen intellige, nisi allegauerint legitimas causas, ob quas non potuerint intra prædictum tempus reclamare. Quia ita piè interpretanda est mens Concilij. Ita probabiliter *Nauarrus comm. 4. de Regular. à nu. 71.* Intelligitur etiam quoad forum exterius: nam quoad interius forum, si professio fuit nulla propter metum, vel consensum coactum, nulla

erit per se obligatio. Cum nec Summus Pontifex possit efficere, ut consensus coactus, durante coactione, sit liber, & spontaneus, qualis requiritur ad professionem. Nauarrus *ut sup. nu. 71. & 72.* Miranda *in man. to. 1. q. 30. art. 1.* Hoc tamen decreto non obstante, poterunt Prælati Religionum, etiam transacto quinquennio, eijcere Religiosum, quem nouerint habuisse in professione defectum alicuius conditionis irritantis illam. Quia Concilium solum videtur determinare illud quinquennium pro reclamatione Professorum. Laurentius de Peirinis *to. 1. de Subdito q. 1. de obedientia cap. 25. §. 4.* Ipse autem Religiosus inualidè professus, dum ei tempus non vacat ad reclamandum, quia est transactum quinquennium, tenetur ad ratificandum professionem, saltem, quando sua culpa inualidè professus est. Ratio est, quia cum à Religione habeatur ut professus verus, ipse ut talis se gerere debet erga ipsam, ne illam decipiat. Rodriguez *2. p. Summ. cap. 92. nu. 5.* Bonacina *ut supra diff. 1. à nu. 2.* Ad quam ratificationem licet requiratur nouus consensus ex parte professi, cum prior fuerit inualidus, probabile tamen est, non requiri nouum consensum Religionis, cum iam illa ex parte sua verum consensum præstiterit. Sanchez *lib. 7. de matrim. disput. 37. nu. 6.* Bonacina *ut supra à nu. 3.*

8 Ut reclamationis professi audiatur, oportet, quod fiat cum habitu. Ita statuit Concil. Trident. *sess. 25. cap. 19.* Hoc tamen intellige, in foro exteriori, non in interiori, si causa subsit aliter faciendi. Quia ita piè interpretanda est mens Concilij. Nauarr. *in cap. statum. comm. 4. de Regular. nu. 77.* Bonacina *de clausura q. 2. punct. 10. diff. 3.*

9 Cum aliquis fecit professionem inualidam ob defectum ætatis, anni approbationis, vel aliam causam, non censetur ratificare illam, etiam si portet habitum proprium professorum, aut faciat actus solum ad professos pertinentes, nisi hoc faciat sciens, volens, & prudens, & cum animo ratificandi dictam professionem. Ratio est, quia ista omnia non inducunt professionem, etiam tacitam nisi fiant isto modo. Nauarr. *in cap. statuimus nu. 71. & lib. 1. Consil. de his qua vi consil. 6.* Miranda *in Manuali to. 1. q. 30. art. 3.*

10 In quacunque Religione tam virorum, quam Mulierum professio non fiat ante decimum sextum annum expletum: nec qui minori tempore, quam per annum post susceptum habitum in probatione steterit ad professionem admittatur. Professio autem antea facta sit nulla, nullamque inducat obligationem ad alicuius Regula, vel Religionis, vel Ordinis obseruationem, vel alios quoscumque
effi-

effectus. Ita Concil. Trident. *sess.* 25. *cap.* 15. Hoc decretum non comprehendit Ordines Militares. Quia ita dicitur declarasse Sacram Congregationem Cardinalium. Azor *lib* 13. *Instit. moral.* *cap.* 4. *q.* 2. Tantum ergo comprehendit alios Religiosos, etiam illos, qui in Societate Iesu post biennium profitentur. Sanchez *lib.* 5. *de precept. Decal.* *cap.* 4. *nu.* 7. Etas pro nouitiatu requisita etiam includit diem illum superadditum in anno bisextili. Quia anni computandi sunt secundum ritum Ecclesiæ. Bonacina *de clausura* *q.* 2. *punct.* 10. *diff.* 2. §. 3. Computanda etiam est etas professionis à die natiuitatis extra vterum. Quia communis vsus ita habet. Sanchez *lib.* 4. *in Decalog.* *cap.* 35. *nu.* 4. Bonacina *ut supra*. Professio facta ante legitimam etatem, vel non completo nouitiatu, neque per modum voti simplicis valet, vt colligitur ex verbis Tridentini adductis, & constabit ex dicendis *nu.* 28.

11 Nouitiatus non continuatus per annum integrum non est sufficiens ad professionem, si sit interpolatus per notabile tempus. Propter doctrinam Concilij. Graffis *Decis. p.* 1. *lib.* 3. *cap.* 5. *nu.* 14. Quidam tamen dicunt propter priuilegium Iulij II. Minoribus concessum sufficere annum interpolatum. Quod non audeo affirmare. Rodriguez *to.* 3. *q.* 15. *art.* 8. Miranda *to.* 1. *q.* 22. *art.* 4. In casu tamen, quod Nouitius cum licentia Prælati, & cum habitu, aliqua de causa rationabili, extra Monasterium, per aliquod tempus commoretur, non propter hoc discontinuabitur annus probationis. Ratio est, quia eo ipso, quod manet cum licentia, & habitu Religionis, est sub obedientia illius; ac per consequens tale tempus reputatur pro Nouitiatu. Nauarr. *lib.* 3. *Consil. de Regular. conf.* 42. dicens Congregationem Cardinalium idem censuisse. Vide dicenda *cap.* 24. *nu.* 22. Semper tamen requiritur, quod Nouitius portet habitum Religionis, tum propter auctoritatem Concilij adductam, tum quia aliàs non rectè experiretur austeritatem Monachalem, quæ precipuè consistit in habitu Religioso. Siluest. *verb. Relig.* 5. *q.* 5. Bonacina *de clausur.* *q.* 2. *punct.* 10. *diff.* 2. §. 2.

12 Professio facta in Religione reddit omnino in capacem Religiosum ad contrahendum postea matrimonium. Ita habetur in Concil. Trid. *sess.* 24. *can.* 9. & alijs Concilij. Sanchez *l.* 7. *de Matrimon. disp.* 26. *nu.* 1. Idem dicendum est de professione, quam emittunt Patres Societatis peracto biennio. Quia ita habetur in proprio motu Greg. XIII. qui incipit: *Ascendente Domino*. Valentia *to.* 4. *disp.* 10. *q.* 5. *puncto* 3. Quin etiam professus, qui contrahit Matrimonium excommunicatur 27. *q.* 1. specialiter *cap.*

cap. impudicas. cap. si quis sacrum, ca. monacho. Et punitur à Sacrae Inquisitionis tribunali. Simanc. *de Catholic. instit. tit. 40. de matrim.* Toletus *in summ. lib. 7. cap. 4.* Et est irregularis iuxta dicenda infra *cap. 5. nu. 2.*

13 Qui facit professionem in aliqua Religione, parentibus in extrema necessitate constitutis, eiusque auxilio, & ope indigentibus, peccat mortaliter: imò etiam si necessitas non extrema, sed tantum gravis sit, dummodò possit filius illis subuenire in seculo. Ratio est, quia praecepta praeponi debent consilijs; subuenire autem parentibus in praedictis casibus est praeceptum naturale: esse verò Religiosum solum est consilium. Grassi *p. 1. De off. lib. 3. cap. 5. nu. 37.* Si verò ex huiusmodi seruitio, & obsequio parentibus exhibendo, sequatur filio notabile dispendium salutis spiritualis, potest providendo animae suae intrare Religionem, & in ipsa profiteri. Quia bonum spirituale filij debet praeferrì bono corporali, aut temporali parentum. S. Thom. 2. 2. q. 101. *art. 4.* Caiet. *ibidem.* Idem dicendum est de Patre habente filios in necessitate constitutos. Propter eandem rationem. S. Thom. 2. 2. q. 189. *art. 6.* In casibus autem, in quibus Pater, aut Filius non possunt intrare Religionem, aut profiteri in illa, sed peccant ita facientes, possunt ad minus, facta professione, egredi è Religione (servatis tamen servandis) ut succurrant praedictis necessitatibus: imò forsan tenentur. Hoc enim petit ius naturae, & vinculum obligationis, quod est inter Patrem, & Filios. Toletus *in Sum. lib. 5. cap. 1. nu. 6.* Vide dicenda *cap. 24. de Novitijs num. 40.*

14 Non tamen possunt reclamare professi, eo quòd habeant, vel etiam habuerint tempore professionis parentes, aut filios in extrema necessitate constitutos. Ratio est, quia licet talis professio fuerit illicita, ut vidimus supra nu. 13, tamen fuit valida. Nauarr. *lib. 3. consil. de Reg. cons. 3.* Tenentur tamen illis succurrere modo congruo, & non contrario suae Regulæ. Quia hoc est praeceptum naturale. Cordub. *sup. cap. 2. Reg. D. Francisci q. 6. art. 2.* Vide dicta supra nu. 13.

15 Professio facta ob malum finem, qui non sit contra substantiam Religionis valida est. Ratio est, quia nullus malus finis, qui non sit contrarius substantiae Religionis potest illi derogare. Silvester *verbo Religio 3. q. 6.* Professio etiam facta ab excommunicato valida est. Ratio est, quia per excommunicationem non tollitur facultas faciendi contractus cum Deo, qualis professio. Vincent. Villicius *p. 3. tract. 12. cap. 8.* Professio etiam Religionis per Simoniam facta est valida. Ratio est, quia licet potue-

potuerit ab Ecclesia irritari, non tamen irritata est. Suarez 1. to. de Relig. lib. 4. de Simon. cap. 57. Professionem tamen emit- tens Simoniacè expellendus est ab eo Conuentu, in quo illam emisit. Suar. *vsupra*. Vide dicenda cap. 24. nu. 29. 30. & 31. 16 Religiosus professus licet quoad possessionem propriæ vo- luntatis, & bonorum temporalium dicatur mortuus seculo, vt diximus nu. 1. non tamen quo ad nobilitatem. Ratio est quia, cum nobilitas sit quoddam ius sanguinis, & sequatur naturam non potest deperdi per professionem. Guilel. Bened. cap. Ray- nutius. Rebus. de Nominationibus q. 12. nu. 31.

17 Per professionem in Religione approbata vacant quæcun- que beneficia ante habitæ. Ex cap. Beneficium, de Regularibus in 6. Sanchez lib. 7. in Decalogum cap. 29. nu. 2. Non tamen reddun- tur Religiosi incapaces ad obtinenda beneficia secularia etiam, curata ex vi professionis. Cum ex natura rei non sint incom- possibilia obligatio votorum, & obtentio beneficiorum. Les- sius lib. 2. de Iustitia cap. 41. dub. 12. De factò tamen nullus Re- gularis potest suscipere beneficium curatum sine licentia Papæ. Tum quia ita consuetudine obtentum est, tum quia ita videtur declarasse Sacra Congregatio Cardinalium. Sanchez lib. 7. in Decalogum cap. 29. nu. 71. Idem etiam dico de beneficijs sim- plicibus. Grasis 2. p. Decis. lib. 3. cap. 20. nu. 12. Idem quoque dico de Pensionibus. Istæ enim solum à Papa conceduntur. Sor. lib. 9. de Iust. & Iure q. 7. art. 2. Casu etiam dato quòd Regula- ris præsentatus esset Episcopo ad Ecclesiam aliquam parrochia- lem à suo Superiori, posset ab eodem, etiam sine consensu Epi- scopi, remoueri. Quia etiam sic præsentatus non liberatur à iu- go obedientiæ. Nauarrus comm. 2. de Regularib. nu. 65. Vide dicenda cap. 24. nu. 37.

18 Debita contracta à Professo ex licentia superiorum debent solui à Monasterio. Illa enim sunt quasi debita ipsius Monaste- rij. Idem dico si talia debita sunt, vel fuerunt vtilia Monaste- rio, saltem quoad illam partem. Propter eandem rationem. Sanchez lib. 7. in Decalog. cap. 31. nu. 9. Debita verò orta ex delicto Religiosi Professi, etiam si Prælatus sit, non debent solui à Monasterio, nisi quatenus ex illo delicto aliquid utilitatis ipsi obuenerit, vel in illud consenserit. Quia aliàs nullo pacto spe- ctat illud delictum, aut damnum ex illo secutum ad Monaste- rium. Nauarr. comm. 62. de Regular. Molina to. 1. de iust. di- spul. 140. Hinc tenetur Monasterium soluere expensas necessa- rias factas à Monacho Professo, qui de licentia Superiorum est extra Monasterium in aliquo negotio, vel itinere, verbi gratia, medi-

medicinas, quas expendit pro infirmitate, &c. Ratio est, quia eo ipso, quod Religio dat illi Monacho licentiam existendi extra Monasterium videtur ea omnia concedere, sine quibus vivere non potest. Nauarr. *comm. 2. nu. 65.* Molina *ut sup.* Pro debitis contractis à Religiosis Apostatis, seu fugitiuis vide *cap. 16. num. 19.*

19 Bona Religiosi, qui propter fraudem, dolum, & cupiditatem Prælati Religionis ad ipsa inhiantis, emisit professionem, non pertinent ad Religionem, sed ad hæredes. Ratio est, quia ita deceditur in *cap. fin. 20. q. 3.* qui textus est vniuersaliter ab Ecclesia admissus, ut constat ex communi sententia DD. illum explicantium. Nauarr. *comm. 2. nu. 31. de Regular.* Azor *to. 1. Instit. mor. lib. 12. cap. 20.* Imò nulla exigitur iudicis sententia, ne Monasterium succedat in talia bona. Couarrub. *4. decret. 2. par. cap. 28. §. 1. nu. 9.* Sanchez *lib. 7. in Decalog. cap. 34. nu. ult.* Desideratur tamen ad hoc quòd decisi prædicti textus locum habeat, primò ut dolum, seu fraudem sit causa professionis, ita ut ea non esset, fraude, & dolo cessante; secundò ut decipiens ductus fuerit cupiditate obtinendi bona professi. Sanchez *ut supra num. 3. & 4.*

20 Professio illius, qui e mentito sexu in aliquo Monasterio proficitur, ut si vir in Monasterio Monialium, aut fœmina in Monasterio virorum profiterentur, est omnino inualida. Ratio est, quia ad valorem professionis requiritur non solum consensus profitentis, sed etiam admittentis professionem; at verò in hoc casu, etiam si detur fuisse consensum profitentis (cum tamen semper fîctum illum habuisse credendum sit) adminus tamen deficit consensus ex parte admittentis, cum nullus Prælatus talem Professionem admittere possit, nec Ecclesia ad id concedat auctoritatem. Nauarr. *lib. 1. consil. in 1. edit. tit. de atat. & qualitat. conf. 8. nu. 1. in 2. lib. 3. de Regular. conf. 47. nu. 1.* Henriquez *lib. 14. de Regular. cap. 8. nu. 6.* Hermaphroditi autem professio, si in eo præualeat sexus virilis, valida erit in Monasterio virorum, si præualeat sexus fœmineus in Monasterio Monialium. Ratio est, quia hic indicatur vir, aut fœmina iuxta sexum prædominantem. Si verò vterque sexus sit æqualis, & aptus ad coitum in neutro Monasterio potest etiam valide profiteri. Quia tunc respectu fœminarum erit vir, & respectu virorum fœmina. Henriquez *ut sup.* Sanchez *lib. 5. de præcep. Decalog. cap. 4. nu. 41.* Qui bene animaduertit, etiam in casu quòd hermaphroditus haberet sexum prævalentem, v. g. viri, non esse admittendum inter illos, quia afferret maximum periculum incontinentiæ Religiosis,

giosis, sed expellendum esse. Rodriguez 2. to. Sum. cap. 6.

21 Professio serui sine licentia Domini sui est inualida. Quia non est sui iuris. Cum ea tamen valida est. Quia nullo iure interdicitur, imò id supponitur. cap. si quis incognitus 17. q. 2. Sanchez lib. 5. in Decalog. cap. 4. nu. 42. Si seruus ingrediatur Religionem, & à Domino, id sciente, intra triennium non repetatur, non potest transacto triennio ab ipso repeti. *Disso cap. si quis incognitus*. Et ratio legis est, quia censetur Dominus tacite consensisse. D. Antoninus 3. p. tit. 16. cap. 3. §. 4. Vnde professio ipsius valida erit transacto illo triennio, licet non antea. Eo quòd transacto triennio, & non antea cessauit ius, quod habebat Dominus ad reclamandum, & repetendum seruum. Sanchez ut sup. nu. 44. & 49. Vide dicenda cap. 24. nu. 20.

22 Professio illius, qui prae morbo, aut senectute impotens est ad seruanda Regulæ præcepta, valida est. Tum quia potest seruare tria Vota, quæ sunt essentialia Religioni; tum quia erunt multa in Regula, quæ ab isto absdubiè seruari poterunt. Rodriguez 2. to. Sum. cap. 6. nu. 13.

23 Defectus, seu morbus corporalis non repugnans substantiæ Religionis, vt si quis lepram, vel aliam infirmitatem, etiam interrogatus, occultaret; non facit Professionem irritam. Ratio est, quia talis defectus, & occultatio illius non tollunt aliquid de essentialibus Religionis. Nauarr. lib. 3. *Consil. tit. de Regul. consil. 25. vel 48.* Nec ob id delictum potest expelli. Cum enim expulsio sit res grauissima maiorem exigit causam. Rodriguez 3. to. *Quæst. Regul. q. 17. art. 9.* Secus verò quando illi protestatum fuit tempore professionis, quòd si talem defectum haberet, professio nulla esset. Quia tunc deficit consensus Religionis ad professionem requisitus, ac per consequens illa est nulla. Iuxta dicenda cap. 24. nu. 26.

24 Dementia, quæ non in vna, vel altera materia, sed omnino mente priuat, Professionem irritam reddit. Quia impedit liberam voluntatem ad illam necessariam. Situeft. verb. Religio 5. q. 2. Bonacina in tract. de clausur. q. 2. punct. 10. diff. 2. §. 1. Si autem post factam professionem, vel per naturam, artem, aut miraculum ad sanam mentem redeat, consciusque professionis à se emissæ non contradicat, non statim reuiuiscit eius professio, sed tenebitur portare habitum, & habere nouitiatum, & postea profiteri. Quia cum talis professio irrita fuerit, necessarium erit facere de nouo ea, quæ ad ipsius valorem sunt requisita. Azor. lib. 12. *Instit. mor. cap. 2. q. 5.* Vide dicenda cap. 24. nu. 18.

25 Redditur Professio nulla si non sit facta in manus Prælati, vel alte-

alterius habentis potestatem admittendi Religiosos ad Ordinem. Sicut enim Professio includit traditionem potentis se tradere Religioni, ita etiam debet esse aliquis, qui habeat potestatem acceptandi. Sanchez *lib. 1. de precept. Decal. cap. 4. nu. 62.* Quamvis autem, quoad illos, ad quos spectat hæc autoritas, attendendum sit ad iura propria Religionis (Idem *num. 64.*) de iure, tamen communi non sufficit consensus Prælari, sed etiam maioris partis Conuentus. Tum quia sic habet consuetudo plurimum Religionum; tum quia res est ex gravioribus Monasterij, & ita ad totum illud spectare videtur. Sa *in Summ. verb. Religio nu. 65.* Rodriguez *to. 3. q. 17. art. 7.* Vide dicenda *cap. 18. nu. 66.* Professio etiam facta in manus Episcopi inualida est. Cum ille non sit Prælatus Regularium exemptorum. Rosella *verb. Nouit. nu. 21.* Azor *lib. 12. Instit. mor. cap. 5. q. 4.* Professio verò acceptata à Laico habente commissionem à legitimo Prælato valida erit. Sicut potest beneficium nomine alieno acceptare, & esse Procurator in causa Spirituali. Rodriguez *to. 3. art. 17. nu. 12.* Quando Professio est inualida solum ex defectu potestatis in admittente, satis est, vt habens talem potestatem eam ratam habeat, non mutata Professi voluntate. Ratio est, quia ratihabitio retrahitur, & comparatur mandato. *Regul. ratihabit. de regul. iur. in 6.* Nauarr. *lib. 3. Consil. de Regul. conf. 6. vel 40.* Azor *lib. 12. Instit. mor. cap. 5. q. 7.* Incipiet autem valere illa professio à die ratihabitiois. Quia sine illa non erat valida. Sanchez *lib. 5. in Decal. cap. 4. nu. 80.*

26 Professio facta sub conditione de futuro (quæ validè apponitur) licet obligationem suspendat; adueniente conditione statim absque nouo alio consensu est valida. Ratio est, quia iam ille consensus conditionatus transit in absolutum, ergo dum modo non sit retractatus sufficiet ad professionem. Sanchez *lib. 5. in Decal. cap. 4. nu. 88.* Professio autem facta sub conditione contraria eius substantiæ, vt si quis profiteatur sub conditione habendi proprium, vel non seruandi castitatem, sine dubio est irrita. Ratio est à simili de Matrimonio, & Voto simplici, si fiant cum conditione contraria substantiæ illorum. Azor *lib. 12. Instit. moral. cap. 5. q. 2. & lib. 11. cap. 15. q. 9.* Rodriguez *3. to. q. 17. art. 6.* Vnde si quis dum emittit professionem intendat sibi retinere dominium alicuius rei, ita vt non sit paratus reddere illam, quando Superior voluerit, inualidè proficetur. Quia de ratione professionis est abdicatio dominij, aut vsus independentis à Superiore. Lessius *2. de Iust. cap. 41. dub. 8.* Si verò profiteretur quis sub hac conditione reseruandi sibi aliqua quoad vsus,

vsus, & dependenter à voluntate Superioris, valeret talis Professio, saltem quantum est ex natura professionis; cum illa conditio non derogat eius substantiæ. Ita tenent iidem authores, & Nauarr. *Comm. 2. de Reg. nu. 16.* Idem dico de eo, qui profiteretur sub conditione manendi in propria domo. Propter eandem rationem. Nauarr. *ut sup. Sa in Summ. verb. Religio. nu. 6.* Vide dicenda *cap. 6. nu. 29.*

27 Professio facta fictè, id est, sine intentione profitendi, quoad Deum non est valida, quia non est vera, sed ficta promissio, sicut homo pictus non est verus homo. Quoad Ecclesiam, verò, & forum exterius valida est, quia Ecclesia non iudicat nisi de externis, signa autem externa huius professionis, ut supponimus, eam esse veram indicabant. Professio autem facta animo promittendi, sed non se obligandi, quoad Deum & homines valida est. Quia ex natura promissionis sequitur naturaliter obligatio, sicut illuminatio ex Sole. Secus verò si talis professio non fuit cum animo promittendi, quia eo ipso destruxit se ipsam, cum enim de ratione essentiali professionis sit promissio, si promissio non est, nec professio erit, ac per cōsequens valida non erit, saltem quoad Deum. Professio verò facta animo non adimplendi, quoad vtrumque forum obligat. Ratio est, quia cum professio sit essentialiter promissio, quæ intrinsecè includit rationem obligationis, non potest impediri per extrinsecam voluntatem, non adimplendi promissum; Azor *to. 1. Instit. moral. lib. 12. cap. 3. dub. 7.* & in simili de contractu Sponsalicio. Cornexo *to. 2. in 3. p. tract. 6. de Matrim. disp. 2. dub. 5.*

28 Quando Professio est invalida ob defectum ætatis legitimæ, aut anni novitiatus nondum expleti, non obligat, neque ut Votum simplex ad Vota promissa. Ratio, quia Conc. Trident. loquens de illa *sess. 25. cap. 15.* inquit, *nullam inducat obligationem ad alicuius Regula, vel Religionis, vel Ordinis observationem, vel alios quoscunque effectus.* Caietan. 2. 2. q. 88. art. 9. Sotus 7. de Iust. q. 3. art. 2. Idem dico de eo, qui sic profitens invalidè, expressè voluerit solum obligari ad illa Vota in Religione. Quia eo ipso declaravit se nolle obligari ad illa, ut Vota simplicia. Sanchez *lib. 5. in Decal. cap. 4. nu. 105.* In casibus autem, quod Professio sit nulla ex defectu acceptantis illam; propter servitutem eius, qui profitetur; propter sexum ementitum; vel similes causas, talis Professio habet vim Voti simplicis, & ut talis obligat. Ratio sumitur ex regula tradita *cap. unico de desponsat. impuber. in 6.* nempe, quando actus non valet eo modo, quo fit, valet eo modo, quo valere potest: ac proinde cum talis

Pro-

Professio non valeat vt Professio, ad minus tamen valebit, vt simplex promissio, & Votum. Nauarr. *lib. 3. Consil. tit. de Regular. consil. 18. vel 19.* Azor *lib. 12. Instit. mor. cap. 1. q. 3.*

29 Professio facta per Procuratorem valida est. Nullibi enim excipitur ex his actibus, qui per Procuratorem fieri possunt. Idem dico de Professione facta ab absente. Propter eandem rationem. Siluest. *verb. Relig. 3. q. 15.* Miranda *tom. 1. Man. Pralat. q. 24. art. 1.* Idem etiam dico de Professione facta nutibus, aut scripto sine verbis. Propter similem rationem. Vnde infertur mutum posse validè profiteri. Sanchez *lib. 5. in Decalog. cap. 3. nu. 2.*

30 Professio etiam illius, qui fecit Votum ingrediendi Religionem strictiorem, & ingressus in laxiorem professus est in illa, valida est. Ratio est, quia Votum illud simplex Religionis strictioris commutatum fuit per solemnem professionem iuxta dicenda *cap. 3. nu. 7.* Grassi *1. p. Decis. lib. 3. cap. 5. num. 31.* Suarez *2. to. de Relig. lib. 4. de Voto cap. 16.*

31 Professio etiam facta à coniugatis etiam post consummatum Matrimonium, si fiat cum consensu vtriusque coniugis, valida est. *Ex cap. qui uxorem 33. q. 5.* Et ratio est, quia cum vterque possit cedere iuri suo, si cedat vnus, alter manet liber. Henrriquez *lib. 11. cap. 8.* Bonacina *q. 3. de matrimon. punct. 4. propos. 3.* Imò quando vnus coniux potest facere perpetuum diuortium propria autoritate, potest etiam ingredi Religionem, & validè profiteri, inuito altero coniuge. Quia sicut in tali casu potest perpetuo abstinere à consorcio illius, ita liber manet ad dicendum se Deo per professionem. Rebell. *lib. 3. q. 4.* Bonacin. *vt sup. nu. 10.* Altero autem coniuge nesciente, vel consentiente per dolum, aut per metum, non potest alter profiteri validè. Deficit enim in his casibus consensus necessarius alterius compartis. Bonacin. *vt sup. nu. 9.* Cornexo *to. 2. in 3. p. tract. 6. de matrim. disp. 6. dub. 2.* Vide dicenda *cap. 3. nu. 3.*

32 Religiosi facti Cardinales, Episcopi, aut Abbates manent etiam post assumptionem cum eadem obligatione trium Votorum Professionis, iuxta dicenda *cap. 17. nu. 2.* Eiecti etiam, & expulsi à Religionibus manent etiam cum eadem obligatione Votorum Religionis sicut antea, iuxta dicenda *cap. 23. num. 11.* Qualiter ad eadem Vota obligentur, vel non, Nouitij, dicitur *cap. 24.* Qualiter etiam Moniales *cap. 25. nu. 1. & sequentib.*

De Regularium immunitatibus, & Priuilegijs in
communi.

C A P. I I I.



INTER multas Religioſæ profeſſionis præro-
gatiuas illa videtur primum locum tenere,
quòd per illam, profeſſus, omnium peccatorum
ſuorum antea commiſſorum condonationem,
quoad omnem pœnam temporalem pro illis in
Purgatorio debitam, obtineat. Ita enim habet
fere communis Sanctorum Patrum, antiquorum Monachorum,
& Scholaſticorum, quaſi per traditionem, conſenſus. S. Thom.
2.2. q. ult. art. 3. Thom. Vuald. de Sacramental. tit. 9. cap. 80. nu.
8. & 9. Non tamen per eam remittuntur peccata quoad culpam.
Cum nec ſit Sacramentum, nec actus contritionis, aut charita-
tis. Sanchez lib. 5. in Decalog. cap. 5. nu. 3. Nec reuiuſcit, ſi fuit
facta in mortali peccato, per ſubſequentem iuſtificationem.
Quia hoc ſolum competit Sacramentis. Caiet. 2. 2. q. ult. art. 3.
Huiusmodi autem condonatio non eſt per modum indulgentiæ
plenariæ. Quia etſi in effectu illi aſſimiletur, non eſt ex appli-
catione meritum Chriſti ab eius diſpensatore Summo Ponti-
fice facta, ſed ex vi, & merito ipſius profeſſionis; eo quòd per
illam profitens renuntiet mundo, & ſe cum ſuis omnibus perpe-
tuò dedicet Deo. Nauarr. De Indulgent. notab. 20. nu. 17. Platus
De bono ſtat. Relig. lib. 1. cap. 13. Similiter hæc condonatio, non
quoties profeſſio renouatur, ſed ſola prima vice obtinetur. Ta-
bienſa verb. Nouitiuſ in fine. Sanchez ut ſup. nu. 5. Addens nu. 7.
hanc prærogatiuam etiam competere profeſſioni factæ in Socie-
tate Jeſu biennio Nouitiatus tranſacto.

2 Deinde per profeſſionem in Religione approbata tollitur ir-
regularitas, quæ eſt ex defectu natalium; ita vt, qui in ſeculo
erat irregularis, quia illegitimus, factus profeſſus habilis ſit ad
Ordines ſuſcipiendos. Suar. 5. 10. in 3. p. diſp. 41. ſect. 1. Nauar.
Com. 2. de Regul. nu. 60. Cornexo 10. 2. in 3. p. diſp. 15. de Irregul.
dub. 2. Extendit hoc in ordine ad uſum Ordinum ſuſceptorum,
ante profeſſionem Sanchez lib. 5. de Præcep. Decal. cap. 5. nu. 10.
Non tamen hæc irregularitas tollitur quantum ad dignitates
Eccleſiaſticas, & Præſecturas, ſeu Prælatias. Ita habetur in cap.
1. de Fil. Preſb. Sotus in 4. diſp. 25. q. 1. art. 3. Nauarr. in cap. Non

B

dica.

dicatis num. 60. Quicquid immerito dicat Rodrig. *tom. 1. quæst. Regul. q. 13. art. 5.* Nec etiam competit hoc Privilegium ingressui Religionis per Novitiatum. Quia textus *c. 1. de Fil. Presbyt.* petit ad hoc illegitimos fieri Monachos, per ingressum autem in Religionem, qui est per Novitiatum non fit homo verus Monachus, aut Religiosus. *Suar. to. 5. in 3. p. disp. 50. sect. 5. à nu. 12. Graffis 1. p. Decis. lib. 4. cap. 27. num. 54.* Extenditur tamen hoc Privilegium etiam ad professionem quæ fit in Societate Iesu per Vota simplicia. Quia per illa Proficiens fit verus Religiosus. *Sanch. lib. 5. in Decal. cap. 5. nu. 13.*

3 Similiter per professionem Votorum solemnium non solum dissoluntur Sponsalia de futuro, eò quòd fortius vinculum fit professio quàm contractus Sponsalitiis. *Sot. 7. de Iust. & Iur. q. 5. art. 3.* Sed etiam dissolvitur Matrimonium ratum præcedens. *Sylu. Verb. Religia 2. q. 9. & Verb. Matrimonium 8. q. 12.* Per professionem autem Votorum simplicium Societatis non dissolvitur. *Vasq. 12. disp. 165. cap. 10.* Nec etiam dissolvitur Matrimonium quomodocumque cõsummatum per quamcunque professionem. Quia nullo iure hoc constat, imò oppositum habetur. *27. q. 2. can. si quis coniugatus. Rebellus lib. 1. sect. 2. num. 17. Reginald. lib. 3. nu. 39.* Probabiliter tamen quidam putant, quòd sponsa cognita per vim, aut metum intra bimestre possit ingredi Religionem, & validè profiteri. Par enim est, ut non patiatur damnum ob alterius culpam, & iniuriam sibi illatam. *Reginald. lib. 3. nu. 39. Bonac. de Matrimonio q. 3. punct. 4. propos. 1.* Vir tamen per vim cognoscens uxorem non potest, illa renitente, Religionem ingredi. Quia per voluntariam cõsummationem Matrimonij ammisit ius ingrediendi Religionem. *Cornexo 2. to. in 3. par. tract. de Matrimon. disput. 6. dub. 2.* Probabile etiam est Matrimonium quantumvis cõsummatum infidelium dissolvi per Votum solenne Religionis. Cum strictius vinculum sit Matrimonium ratum fidelium, quàm cõsummatum infidelium, si ergo illud dissolvitur per Vota solennia, etiam istud dissolvitur. *Sotus in 4. d. 39. q. unica art. 4. Cornexo ut supra dub. 3. Vide dicta cap. 2. nu. 31.*

4 Præterea per Professionem in Religione approbata expiatur macula quo ad actus temporales, ita ut ineptus ad testificandum ob perjurium, vel furtum cõmissum, fiat per Professionem aptus ad testimonium ferendum. Quia ita intelligi potest *auth. de Monach. in princ.* *Sanch. lib. 5. in Decal. cap. 5. nu. 27.* Hoc etiam extendens ad simplicia Vota in Societate Iesu, post biennium Novitiatu.

5 Tollitur etiam per Professionem crimen Ingratitudinis Filij profitentis erga Patrem, ob quam exheredari poterat. Quare ob illam exheredari nequibit, etsi in testamento Patris ante Professionem facto exheredatus sit. Quia ita deciditur in *cap. fin. 19. q. 3. Molina to. 1. de Iust. disp. 176. dub. ult. Rodr. to. 1. q. 13. art. 3.* Idemque probabiliter tribuit Votis simplicibus Societatis post biennium Sanch. *lib. 5. in Decal. cap. 5. nu. 34.*

6 Per Professionem etiam Filius Familiars à Patria potestate liberatur. Eò quòd omnino transit in Abbatis potestatem, ac proinde Patria potestas in ipsum cessat. Silu. *verbo Patria potestas nu. 1. Nauarr. Com. 3. de Regul. nu. 41.* Hoc etiam Privilegium extendit ad professos Societatis post biennium Sanch. *lib. 5. in Decal. cap. 5. nu. 31.*

7 Per Professionem etiam Votorum Religionis omnia Vota in Seculo facta commutantur in illam. Ita habetur *cap. Script. de Voto.* D. Tho. 2. 2. q. 88. *art. 12. ad primum.* Ad hoc autem non requiritur aliqua intentio in Profitente commutandi talia Vota. Eò quòd ex natura professionis id oriatur: quia est mors vitæ præteritæ. Caiet. & Aragon. 2. 2. q. 88. *art. 12.* Similiter extinguuntur tam vota realia, quàm personalia. Propter eandem rationem Petrus de Ledesma 2. to. *tract. 10. cap. ult.* Extinguuntur etiam Iuramenta de rebus pijs ad Deum solum facta. Quia hæc se habent quasi Vota quædam. Suar. 2. to. *de Relig. lib. 6. de Voto c. 14. nu. 12.* Si autem iuramentum esset homini præstitum, & ab eo acceptatum non posset in Religionis Professione commutari. Quia est ius acquisitum tertio. Sanchez *lib. 5. in Decal. cap. 5. nu. 45.* vbi multa de hoc Privilegio. Vide dicta supra *cap. præced. nu. 30.*

8 Gaudent etiam Religiosi, præsertim Professi, Privilegio fori, ita vt, etiam in debitis ciuilibus conueniri nequeant coram iudice seculari, sed coram suo Prælato. Quia ipse solus est verus ipsorum iudex. Nauarr. *comm. 2. de Regul. sup. cap. non dicatis.* Rodriguez *to. 1. q. 65. art. 13.* Coram Iudicibus Conseruatoribus bene possunt conueniri. Ita colligitur ex Bulla Greg. XV. adducenda infra *nu. 11.* Vbi ait: *Coram ipsis Conseruatoribus Regulares, ac persona suprascripta, conueniri quidem, aut trahi debeant.* Imò, & Religiosi extra Monasterium degentes possunt conueniri in causis ciuilibus mercedum, & miserabilium personarum coram locorum Ordinarijs, tanquam in hoc ab ipsa Sede Apostolica delegatis. Conc. Trid. *sess. 7. cap. 14.* Nauarr. *comm. 2. de Regul. nu. 63.* At verò Religiosi intra claustra degentes nullatenus possunt, aut debent conueniri coram Ordinarijs, etiam in causis ciuilibus, aut in prima instantia, aut propter *cap. Volentes de pri-*

privileg. in 6. aut etiam propter Conc. Trid. *sess. 24. cap. 10.* Ita declaravit S. Congregatio Cardinalium interpretum Concilij, & Pau. V. in Bulla *Religiosorum* ann. 1607. edita ad instantiam Procuratoris Generalis Carmelitarum 3. tom. Bullarij inter Bullas Pau. V. *nu. 34. alijs 23.* In illa autem præcipitur Ordinarijs in virtute S. Obedientiæ, ne Fratres nostros contra prædictam declarationem perturbare, vel inquietare audeant. Vnde à S. Congregatione Ann. 1586. sic declaratur. *Ordinarij in cognitionibus causarum Fratrum Mendicantium, tam civilium, quam criminalium minimè sese ingerant, pariter nec in visitatione eorumdem Fratrum, vel Ecclesiarum suarum, nisi quatenus eis per Conc. Trident. decreta conceditur. Quaranta in Summ. Bullar. verb. confessor.* Vide dicenda *cap. 11. à nu. 2.* & pro Novitijs *cap. 24. nu. 4.*

9 In favorem etiam status Religiosi, seu Clericalis habetur in Jure; quòd Laici Clericum (etiam intellige Religiosum) accusare non possunt, nisi suam, suorumve iniurias prosequantur. *cap. 2. & 3. cap. Laicos 2. q. 7.* Secus in criminibus publicis læsæ maiestatis diuinæ, vel humanæ, in Simonia, in Sacrilegio, in dilapidatione bonorum Ecclesiasticorum. Alderete *lib. 1. de Relig. discipl. cap. 4. à nu. 7.* Nec Laicus aduersus Religiosum testis idoneus est in criminalibus, licet non omnino reiiciendus maximè in civilibus. *cap. veniens. c. de cetero de testib. cap. Laicos 2. q. 7. Rodrig. to. 2. q. 10. art. 5. Alderete lib. 2. de Relig. discipl. cap. 3. nu. 14.*

10 Qui inferunt iniuriam Ordinibus Prædicatorum, & Minorum (idem dicito de alijs Ordinibus propter communicationem privilegiorum) in quinque casibus assignandis, sunt excommunicati. Primus, libellos famosos, cantilenas, vel rithmos edendo, vel retinendo, vel publicando in infamiam Ordinis. Secundus, dicendo, & defendendo, quòd Ordo illorum non sit in statu perfectionis, & quòd non liceat eis de eleemosynis vivere, prædicare, confessiones audire de licentia Papæ, aliorum Ordinum consensu minime requisito (id tamen non excludit approbationem à Conc. Trid. requisitam) Tertius, exercendo violentiam in locis illorum, impedièdo ne possint in suis Ecclesijs celebrare, recipere eleemosynas, vel prædicare. Quartus est, eos eiiciendo ab Universitate Parisiensi. Quintus, retinendo apostatas Ordinis Prædicatorum. D. Anton. 3. *par. tit. 24. cap. 70.* Vincentius Filiucius *to. 1. tract. 15. cap. 5.*

11 Habent facultatem Religiosi, præsertim Mendicantes eligendi sibi Iudices Conservatores pro suis causis. Quod constat ex multis Privilegijs, de quibus Casarubius *verb. Conservator. Ordin.* Sed illa sunt his temporibus valde restricta, & limitata.

Pri-

Primò enim S. Congregat. Concilij iussu Gregor. XII. declaravit, quòd *Regulares omnes in ciuitatibus Italie existentes sibi Conseruatores eligerent, coram quibus conuenirentur, ac semel electos, non nisi in Capitulis Prouincialibus mutarent.* Eorumque nouina intra mensem à die electionis Episcopis Locorum Ordinarijs indicarent. Alioquin coram ipsis Ordinarijs conueniri possent. Quarent. in *Summ. Bull. verb. privileg. Regular.* Postea Clem. VIII. in Bulla edita Ann. 1592. (habetur 3. to. Bullarj Laertij fol. 3.) renoucauit omnes, & quascumque Iudicum Conseruatorum deputationes, quæ nõ habuerint qualitates requisitas à Bonifac. VIII. in Constit. quæ incipit: *Statutum*, & quæ non fuissent factæ in Concilijs Prouincialibus, aut Diæcesanis. Maximè tamen modò seruanda est Gregorij XV. Constitutio de Conseruatoribus edita Ann. 1621. quæ incipit: *Sanctissimus in Christo Pater* 4. to. Bullarj inter Bullas huius Pontificis nu. 9. In ea verò in primis reuocat, ac nullas, & inualidas decreuit omnes, & quascumque Iudicum Conseruatorum electiones quomodocumque hæctenus factas. Deinde statuit, & decreuit vt in posterum Iudices Conseruatores huiusmodi, siue principales, siue subrogati, eligi, nominari aut deputari non possint, nisi non solum habeant qualitates requisitas, & descriptas in Constitutione similis recordationis Bonifacij Papæ Octauj, etiam Prædecessoris sui, quæ incipit: *Statutum*, ita vt vel Dignitate Ecclesiastica præditi, vel personatum obtinentes, vel Ecclesiarum Cathedralium Canonici existant, sed etiam in Concilijs Prouincialibus, aut Diæcesanis iuxta decretum Concilij, prædicti Iudices electi, seu designati sint. Quòdque deinceps littere Conseruatoria per Sedem Apostolicam concedenda, superscriptis tantum dirigantur, & si qua littera aliter expediantur, illæ, ac deputationes huiusmodi, omniaque exinde sequenda nullius sint roboris, vel momenti. Deinde; designatis pænis pro illis, qui contra præscriptam formam Conseruatores elegerint, aut illis rei ausi fuerint præcipit, Vt Regulares, ac persona huiusmodi in Italia infra duos, extra Italiam verò infra sex menses à die publicationis in Vrbe præsentis Constitutionis inchoandos, debeant sibi eligere, seu assumere Conseruatores iuxta formam superius propositam, eiusque electionis, seu assumptionis documentum infra tempus huiusmodi penes astra Curie Ordinariorum exhibere, & dimittere teneantur, alioquin eo termino elapso, quamdiu Conseruatores secundum formam præsentis Constitutionis non elegerint, coram eisdem Ordinarijs conueniantur, quòdque Conseruatores huiusmodi semel legitimè deputati, nisi ex legitima causa à Sede Apostolica, aut locorum Ordinarijs, prout ipsdem Regularibus, & alijs prædictis liberit, appro-



approbanda, durante quinquennio à die deputationis, amoueri, aut mutari nullatenus possint, aut valeant. Præterea sic statuit Sanctitas sua; ut coram ipsis Conseruatoribus Regulares, ac persona suprascripta conueniri quidem, aut trahi debeant, sed alios conuenire, aut trahere non possint: itaut memorati Conseruatores in causis, in quibus Regulares, & alij Actores fuerint, nullam prorsus Iurisdictionem habeant, sed in ijs tantum, in quibus Rei extiterint, neque extra Ciuitates, seu Dioceses, in quibus fuerint deputati, contra quoscunque procedere præsumant. Si qua verò inter Iudices Conseruatores huiusmodi, & locorum Ordinarios controuersia super competentia Iurisdictionis orta fuerit, nequaquam in causa procedatur, donec per Arbitros in forma Iuris electes super Iurisdictionis competentia fuerit iudicatum. Quòd si qui Conseruatores siue in hac parte, siue aliàs quomodolibet suos limites exceßerint per annum ab officio Conseruatoris huiusmodi suspensi sint, & pars quæ hoc fieri procurauerit sententiam excommunicationis incurrat, iuxta formam alterius Constitutionis eiusdem Bonifacii Prædecessoris, quæ incipit: Hac Constitutione, quam Sanctitas sua in his omnibus, quæ præsentì Constitutioni non aduersantur, innouauit, & innouat. Per hoc tamen non intendit Sanctitas sua prohibere, quominus Regulares, & alij supradicti in casibus à Iure permissis petant Iudicem non suspectum à Principibus, seu Magistratibus Secularibus, dum tamen hac trisa copulatiuè concurrant videlicet, ut Regulares, & alij prædicti sint Actores non autem Rei, utquæ agant contra Laicum, non autem contra Ecclesiasticum, vel aliàs à Iurisdictione Seculari exemptum, atque ut causa, in qua Iudex deputatur, fuerit profana, non autem Ecclesiastica, & in ea iuxta Sacrorum Canonum dispositionem Laicus, ut præfertur eligendus, Iudex competens existat. Vide Bullam cum multis ipsam concernentibus apud Peirinis to. 2. priuileg. Minim. in Cons. 5. Gregor. XV. aduertendo ulterius à S. Congregatione, & Sanctiss. D. N. Urbano VIII. ut patet ex Bulla inter Constitutiones ipsius 4. to. Bull. num. 78. declaratum fuisse, hanc Gregorij Constitutionem non efficere Religionem Hierosolymitanam, nisi quoad Iudices Conseruatores. Pro Iudicibus etiam Conseruatoribus vide Erasmus Chokier in speciali tractatu de hac re. Quia verò in prædicta Constitutione statuitur, *Ut coram Conseruatoribus Regulares conueniri quidem, aut trahi debeant, sed alios conuenire, aut trahere non possint*, itaut memorati Conseruatores in causis, in quibus Regulares, & alij Actores fuerint nullam prorsus Iurisdictionem habeant, sed in ijs tantum, in quibus Rei extiterint. Idcò dubitarem fuit, an per hæc verba sublata sit facultas, quam habent Conseruato-

uatores defendēdi Regulares, & alios à manifestis Iniurijs, & violentijs, quæ illis de facto inferuntur, dum à suis possessionibus deiiciuntur, & proprijs bonis uti, ac frui impediuntur. *Sacra Congregatio Cardinalium Concilij Tridentini interpretum censuit, eiusmodi verbis minimè sublatam fuisse facultatem, quam habent Conseruatores defendendi Regulares à manifestis iniurijs, ac violentijs, dummodò obseruent formam præscriptam Constitutionibus Innocentij IV. & Bonifacij VIII. relatis in cap. 1. & fin. de offic. deleg. in sexto.*

12 Canonica portio Parochialis (quæ debetur de omnibus, quæ obueniunt ratione fûneris, seu in die funeris, & de omnibus Legatis factis Ecclesiæ, ad quam quis eligit sepulturam. (Silu. verbo *Can. Port. nu. 7. q. 9.*) Non debetur solui à Regularibus propter multa priuilegia de quibus Casarubius in *Comp. verb. Can. Portio*. Maxime ex priuilegio Nicolai V. & Sixti IV. Carmelitanis concessio. Casarubius *ut sup.* Miranda in *Man. 2. tom. q. 48. art. 6.* Referens etiam decisionem Rotæ circa hanc causam. Nec huiusmodi Priuilegia abrogata sunt per Conc. Trid. nisi solum, quoad ea Monasteria, quæ ante annos quadraginta portionem, Canonica solita erant persoluere. Conc. Trid. *sess. 25. cap. 3.* Miranda *ut sup. art. 7.* Imò Conuentus, qui tenentur soluere Canonica portionem solum debent illam solnere de illis, quæ allata sunt cum corpore Defuncti. Ita habetur expressè in motu proprio Pij Quinti Anno 1567. edito, qui incipit, *Et si Mendicantium*. Qui non est reuocatus per Gregorium XIII. in Bulla, quæ incipit, *In tanta negotiorum mole*. Quamuis enim in ea reuocauerit Pontifex iste, & ad terminos iuris communis reduxerit omnia quæcumque concesserat suis prædecessor prædictus Pius Quintus contra formam Concil. Trid. non tamen reuocauit explicationes, & declarationes ab eodem factas circa dictum Conc. qualis est ista. Miranda *ut sup. art. 8.* Peirinis *to. 2. priuileg. Minim. in Const. 7. Pij V. nu. 3.* Addunt alij prædictam Constitutionem Gregorij XIII. non fuisse sufficienter promulgatam, nec in praxi rescriptam. Henrriquez *lib. 7. de Indulg. cap. 24. nu. 8.* Thomas à Iesu *de procur. omnium gent. salute lib. 12. cap. 8.*

13 Specialiter à solutione quartæ funeralium excepit Carmelitarum Conuentus à quadraginta annis ædificatos Paulus Quintus in Bulla, quæ incipit. *Decet Romanum* Anno 1605. edita per hæc verba. *Volumus, mandamus, decernimus, & declaramus, omnia, & singula huius Ordinis B. Marie de Monte Carmelo Monasteria, seu Domos in quibuscumque Mundi partibus à quadraginta Annis ædificata, illorumq; Conuentus, & Fratres, nullo modo, nul-*

laxe ratione teneri ad solutionem dicta Quarta Funeralium, & ob non solutionem huiusmodi aliquas sententias, Censuras, & pœnas incurrere posse. Extat etiam alia declaratio S. Congregationis Conc. Trid. videlicet Cōgregatio Concilij censuit non comprehendendi Monasteria edificata à quadraginta Annis, citra, aut quæ in dies edificantur, vel in futurum edificabuntur, præsupposito quod huiusmodi Monasteria sint eius Religionis; cui à Sede Apostolica indultum sit, ut Quartam Funeralem non debeant soluere Episcopo. Rodriguez to. 1. quæst. Regul. art. 39. q. 2. Aliam etiam declarationem Sacræ Congregationis ad instantiam, & fauorem Conuentus Sancti Ludouici de Neapoli Ordinis Minimorum refert Quaranta in Summ. Bull. ver. Priuilegia Regularium. Vide Augustinum Barbosa de Officio Parochi cap. 25. à nu. 4.

24 A solutione etiam gabellarum, & quarumcunque contributionum, onereque hospitandi milites, exempti sunt Ordines Mendicantium à Pio V. in Bulla Ann. 1566. edita, quæ incipit: *Dum ad vberes*. Nec hoc priuilegium derogatum est à Gregor. XIII. in Bulla edita Ann. 1573. de qua supra nu. 12. Vbi derogat priuilegia à Pio V. Regularibus concessa; quia non numeratus istud. Quaranta in Summ. Bull. ver. priuileg. Regul. Flau. Cherub. in 2. to. Compend. Bull. sup. prædict. Bull. Pij V.

15 A solutione quoque Decimarum sunt exempti Religiosi. Tum ex iure communi in cap. quæst. & in cap. decimas 16. quæst. 1. Tum ex multis priuilegijs, de quibus Casarubius in Compend. verb. decima, & Miranda in Manual. 2. to. q. 49. art. 12. & 13. Quoad hoc tamen attendenda est consuetudo patriæ, & Religionum. Vide Bullam Sixti. IV. *Dum attenta* pro Carmelit. Specul. Ord. fol. 85.

16 Percutiens quemcunque Religiosum est excommunicatus excommunicatione Papæ reseruata ca. si quis. 27. q. 4. Per Religiosum autem, seu Monachum intelligitur quicumque Regularis, etiam Conuersus. cap. non dub. de senten. excommunication. Imò Nouitius, quia in fauorabilibus Monachus reputatur. Tolet. in Summ. lib. 1. cap. 32. Nec solum iniicientes manus in Religiosos sunt excommunicati, sed etiam mandantes, ratificantes, consentientes, & potentes obuiare. Tolet. ut sup. Bonacina de Censur. disp. 2. q. 4.

17 Gaudent Religiones priuilegio Communicationis, quo communicant, & participant aliarum Religionum priuilegia, ac si illis fuissent concessa, ut videre licet in particularibus ipsarum Religionum Compendijs. Miranda in Man. 2. tom. q. 46. Specialiter Carmelitæ habemus priuilegium hoc Communica-

tio-

tionis à Leone 10. in Bulla, quæ incipit : *Dudum per nos*, vbi omnia priuilegia concessa, & concedenda Mendicantibus nobis concedit. Laert. Cherub. in *Bullar. to. 1. fol. 524*. Deinde ex Clement. VII. in Bulla, quæ incipit : *Ex Clementi*, Ann. 1530. Vbi etiam omnia priuilegia concessa, & concedenda quibuscunque Ordinibus, concedit Carmelitis. & inter ea maximum illud, quod scilicet : *Gloriosissima Dei Genitrix, semperq; Virgo Maria, Confratrum, seu Religiosorum, ac Sororum animas post earum transitum suis intercessionibus continuis, pijs suffragijs, & speciali protectione adiuuabit*. Laertius Cherub. *to. 1. Bull. fol. 599*. De alijs autem Religionibus Mendicantibus hoc ipsum probat Miranda in *Man. to. 2. q. 46. art. 5*. affirmans, idem etiam intelligi debere de priuilegijs concedendis alijs Religionibus pro tempore futuris. Ita quod ex vi priuilegij Communicationis, quod habemus ex Leo. X. & Clem. VII. possimus etiam vti priuilegijs concessis Societati Iesu, Theatinis, & Clericis ministrantibus infirmis, etiam si istæ Religiones aliquo tempore post istos Pontifices fuerint institutæ. In communicatione rursum priuilegiorum non tam vsus, quam ius vtendi debet attendi; ita vt Religiones habentes priuilegium Communicationis possint vti priuilegio concessio alteri Religioni, quo ipsa, propter aliquam causam non vtitur. Silvester *verb. priuilegium q. 21*. Deinde priuilegia Religionum, non tolluntur per non vsum, aut per vsum contrarium, nisi per spatium quadraginta annorum, vt patet ex Innoc. III. in *cap. secendentib. de priuilegijs*, vel per sexaginta, ex priuilegio Eug. IV. concessio Monachis Benedictinis Vallisoleti, (si illud non fuit vixæ vocis oraculum, alias nihil valebit, iuxta dicenda num. 21.) vbi habetur, quod *Contra priuilegia diſtæ Congregationis non incurrat præscriptio, nisi post lapſam sexaginta annorum*. Miranda in *Man. 2. to. q. 42. art. 4*. qui etiam ibidem *q. 46. art. 8*. adiungit, neque etiam in prædicto tempore amitti, si non casus euenierit vtendi huiusmodi priuilegio : neque quando quispiam ex aliquo legitimo impedimento, sua culpa non cauſato, eodem vti non potuit, aut interuenit ignorantia eiusdem. Laurentius Peirinis *to. 1. priuileg. Minim. in Const. 15. Iulij II. nu. 1*. Amitti autem prædicta priuilegia, saltem in foro conscientie, ex eo quod Religiosi non viuant regulariter, aliqui voluat. Miranda *2. to. q. 43. art. 3*.

28 Conuerſi etiam, Donati, seu Oblati Religionum, qui veram professionem trium votorum emittunt, gaudent omnibus priuilegijs aliorum Regularium respectiue. Ratio est, tum quia sunt verè Religiosi, tum ex concessione Sixti IV. Carmelitis facta.

habetur in *Compend. priuilegior. verb. Oblati fratrum*. Quod idem concessit idem Sixtus IV. Augustinianis. *Miranda in Man. to. 1. q. 29. art. 6.*

19 Quamuis multæ, variæque Indulgentiæ concessæ sint à Summis Pontificibus vtriusque sexus Regularibus, eas tamen reuocauit, & cassauit Paul. V. in Bulla edita Ann. 1606. quæ incipit: *Romanus Pontifex* & est 3. to. Bullar. 21. inter Bullas huius Pontificis, aliàs 16. vbi tantum quasdam ibi scriptas ipsis concedit. Addit insuper idem Pontifex. *Volumus autem, ut omnes supra dictæ Indulgentiæ, & gratiæ Religiosis Regularibus cuiusvis Ordinis tam Monastici, quàm Mendicantis dumtaxat, ut præfertur concessæ, etiam omnibus Monialibus cuiusvis Regule approbatæ, & intra claustra cum tribus votis solemnibus viuentibus, & perpetuam clausuram seruantibus, tam Ordinarijs locorum, quàm etiam Regularibus cuiuscunque Ordinis, Regule, & Instituti subiectis suffragentur.* Est verò aduertendum, quòd quamuis per hanc Constitutionem reuocentur omnes aliæ Indulgentiæ Regularibus concessæ præter assignatas, non tamen reuocantur Indulgentiæ concessæ Ecclesijs Regularium pro Sæcularibus. Ita enim declaratum fuit à S. Congregatione, ut refert Laurentius de Peirinis to. 1. de subdijs q. 4. §. ult. Pium etiam, & probabile est, nec esse reuocatas Indulgentias concessas Regularibus defunctis, aut etiam in articulo mortis constitutis. Nam ea, quæ specialia digna sunt nota, non censentur esse sublata, nisi expressè nominentur, ut colligitur ex l. item apud Libeon. §. ait Prætor ff. de iniurijs. In hac verò Constitutione non fit mentio harum Indulgentiarum. Sicque decet credere de Summorum Pontificum pietate. Peirinis to. 2. priuileg. Minim. in Const. 8. Pau. V. num. 10. Nec etiam videntur derogatæ Indulgentiæ concessæ Regularibus ipsis pro defunctis. Propter eandem rationem, & quia sic dicitur declarasse eandem Paulum V. Peregrinus 1. par. sui *Compend. verb. Indulgentia* nu. 9. Peirini's ut supra nu. 5. & in *Constit. 4. Clem. VIII. nu. 2.* Lege ipsam Peirinis super prædictam *Const. 8. Pau. V. à num. 1.*

20 In fauorem etiam Religiosorum Carmelitarum Clem. VIII. in Bulla edita Ann. 1599. quæ incipit, *Exponi nobis*, præcepit Dominis Archiepiscopis, & Episcopis, ut prædictis fratribus oleum pro ministranda extrema vnctione petentibus, promptè, ac liberaliter exhiberi faciant, ac quoscunque suffraganeos, ut id faciant moneant. 3. to. Bullar. 57. *Clem. VIII.*

21 Quamuis multa, variaque priuilegia Regularibus concessa sint per viuæ vocis Oracula, illaque eandem vim habeant, ac aliæ
Con-

Constitutiones Papales (Laurentius Peirinis *to. 1. privileg. Minim. in Constit. 17. Iulij 11. §. 1.*) imò reuocatis alijs privilegijs non reuocentur hæc viuz vocis Oracula, nisi aliud expresse specificetur (Henriquez *lib. 7. de Indulgent. cap. 24. nu. 8.*) nihilominus Gregor. XV. per suam Constitutionem, quæ incipit *Romanus Pontifex, to. 4. Bullarij inter Bullas huius Pontificis nu. 27.* reuocauit omnia, exceptis illis, quæ propria manu S. R. E. Cardinalium firmata essent, & de quibus *ijdem S. R. E. Cardinales testimonium in scriptis prabuerunt*. Postea verò SS. D. N. Urbanus motu proprio Ann. 1631. die 20. Decembris edito, omnia prædicta viuz vocis Oracula per ipsum, aut alios Summos Pôntifices data, etiam si à Cardinalibus firmata sint, quibuscunque Religiosis tam in particulari, quàm in vniuersali, cassauit, abrogauit, & annullauit, præcipiens sub excommunicatione, & alijs pænis ipso facto incurrendis, Superioribus Generalibus, vt infra, tres menses omnes, & singulos Prouinciales de prædicto motu proprio certiores facerent, & ipsi Prouincialibus, vt illum in Conuentibus suarum Prouinciæ publicare facerent sub eisdem pænis. Circa quam SS. D. N. Constitutionem animaduertendum est, per illam non videri cassari, & aboleri viuz vocis Oracula, quibus Sanctitas sua. aut alij Summi Pontifices, privilegia Religionibus cõcessa, aut decreta Summorum Pontificum, aut etiam Sacrorum Canonum, & Concilij Tridentini, aut aliorum Conciliorum, explicant, aut declarant in concernentibus ad Religiosos ipsos, dummodò prædicta viuz vocis Oracula non contineant aliquam gratiam, privilegium, aut indultum. Solùm enim reuocantur, & cassantur, *Omnia, & singula privilegia, facultates, licentia, & gratia quæcunque viuz vocis Oraculo concessa*, vt in eisdem litteris habetur. Alia ergo viuz vocis Oracula, quæ privilegia, facultates, licentiæ, & gratiæ non sunt, sed meræ declarationes, aut explicationes, non sunt abrogata à Sanctissimo. (Peirinis, *to. 2. privileg. Minim. in Constit. 8. Paul. V. num. 1.*) Deinde aduertendum, quòd quamuis per Constitutionem Gregorij XV. adductam non reuocentur concessiones factæ per viuz vocis Oracula, quæ sunt sortita suum effectum, ante prædictam Constitutionem, vt in illa habetur, & declarauit S. Congregatio Regularium die 2. April. 1625. (Peirinis *to. 2. privileg. Minim. in Constit. 3. Gregor. XV.*) per Constitutionem tamen SS. D. N. Urbani, cum nihil tale dicatur, videntur reuocari, saltem quatenus respiciunt effectum pro futuro tempore. Vnde si aliquis Religiosus habuit gratiam, v. g. à Pontifice, solo viuz vocis Oraculo, quòd esset Magister, Præsentatus, aut quid simile, à tempo-

pore huius Constitutionis SS. D. N. nequiquam potest vti tali concessione. Licet contrarium etiam probabiliter dici possit, cum id non exprimatur in constitutione SS. D. N. Urbani; si enim Sanctitas sua vellet in hoc coarctare constitutionem Gregorij debebat illud declarare. Sicque video aliquos sentire.

22 Possunt Religiosi, Mendicantes præsertim, dare habitum suæ Religionis personis Secularibus vtriusq. sexus, vocatis Tertiarijs, seu Tertij Ordinis. Primò enim quoad fratres, Minores id constat ex pluribus privilegijs relatis à Casarubio in *Comp. priuil. Mendican. verb. Tertiarij*. Et quoad fratres S. Dominici id constat ex privilegio Sixti Quarti inferius adducendo pro fratribus Carmelitanis. Imò referente S. Antonino 3. *par. Histor. tit. 23. cap. 14. §. 2. B. Dominicus* etiam instituit tertium Ordinem, seu Tertiarios fratres, seu Sorores de pœnitentia. Lege Baptistam Confestium in *collect. lit. apos. & Relig. mend. nu. 8. in Sixto Quarto*. De Augustinianis etiam, id quoque patet ex privilegio Pauli II. relato ab eodem Baptista Confestio in *predicto Paulo II. nu. 1. & in Sixto IV. num. 2.* Quoad Carmelitas autem constat primò ex Nicolao V. in Bulla relata ab eodem Baptista Confestio *nu. 1.* Secundò, & maximè ex Sixto Quarto in Bulla *Dum attenta*, quæ est mare magnum Religionis, Romæ apud S. Petrum Anno 1476. 4. Cal. Decembris, per hæc verba. *Statuentes præterea Apostolica auctoritate, & præsentium tenore concedentes, volumus, & ordinamus, quòd de cætero perpetuis futuris temporibus tam Magistro Generali, quàm cuilibet dicti Ordinis Officiali, ac Prioribus dicti Ordinis secundum morem, & instituta eiusdem Ordinis, in quibuscunque Prouincijs constitutis tam præsentibus, quàm futuris sit licitum, ac permissum, quascunque mulieres, & vtriusq. sexus personas, si alias sint idoneæ, & aliud Canonicum, non obstat, quæ habitum regularem predicti Ordinis ad instar mantellatarum, seu Pinzocherarum, aut fratrum de pœnitentia tertij Ordinis ordinum fratrum Minorum, & Predicatorum, necnon Heremitarum S. Augustini habere voluerint, & gestare, tam Virgines, ac matronas, quàm viduas, ac mantellatas, seu Pinzocheras, & vtriusq. sexus personas dicti Ordinis Carmelitarum recipere, & admittere; ac earum singulis habitum regularem, ac regulam eiusdem Ordinis Carmelitarum ad instar huiusmodi mantellatarum, seu Pinzocherarum vtriusq. sexus Ordinum, & vtriusq. sexus personarum Ordinum fratrum Minorum, & Predicatorum, necnon Heremitarum S. Augustini præfatorum, prout secundum Deum, salutem animarum earundem personarum salubrius visum fuerit expedire, etiam exhibere; quæ sic recepta, & in posterum recipienda auctoritate præfata*


fata gaudeant, & gaudere possint, & debeant tam exemptionis privilegijs, quàm omnibus immunitatibus, libertatibus, Indulgentijs, & alijs privilegijs quibuscumq; præfato Ordini Beata Dei Genitricis Maria de monte Carmeli,eiusq;fratribus, ac personis per Sedem Apostolicam iam concessis, & qua in posterum concedentur, quatenus huiusmodi exemptionis privilegium,immunitates, libertates, indulgentia,ac quæcumque alia privilegia ipsis Prioribus,& fratribus Ordinis de monte Carmeli competunt,vel competere possunt, seu poterunt, & Priores,& fratres, ac loca ipsa esse capacia. Eorundem, Constitutionibus Apostolicis,ac statutis,& consuetudinibus, tam vestri, quàm aliorum ordinum quorumcumque,& alijs contrarijs non obstantibus quibuscumq;Vide Bullam in speculo Ordinis fol.88. Religiosi quoque Minimi S. Francisci de Paula habent etiam suos Tertiarios ex multis privilegijs Summorum Pontificum, quæ refert Laurentius de Peirinis tom.1. *privil. Minim.* Huiusmodi autem Tertiarios Religionum, quantumvis privilegia Religionum illis concessa sint, ut patet ex authoribus relatis, observentque regulam sui ordinis iuxta eorum statum, nihilominus regulariter personas religiosas,non esse dicendos, constat ex eo, quia regulariter non promittunt tria vota essentialia Religionis, neque solemnia,neque simplicia, sed duo tantum, scilicet Castitatis, & Obedientiæ.Rodriguez 3.tom. *quæst. regul. q.72. art.3.* Licet illi, qui prædicta tria vota sub regimine Prælatorum promiserint veri Religiosi appellari possint. Rodriguez *ibid. art. 1. & 2.* Casarubius in *compend. verb. Tertiarij fratres num.7. & 24.* Possunt tamen huiusmodi Tertiarij Religionum Fratres, aut Sorores tertij Ordinis nuncupari. Primò quia sic vocantur aliqui ipsorum à Summis Pontificibus in Privilegijs relatis. Secundò specialiter de Carmelitis ex Privilegio Sixti Quarti adducto, vbi dicitur, posse Prælatos Carmelitarum concedere habitum, & Regulam sui Ordinis *ad instar Mantellatarum, seu Pinzoberarum, aut Fratrum de Pœnitentia tertij Ordinis Fratrum Minorum,& Predicatorum,&c.* Cum ergo prædictarum Religionum Tertiarij, Fratres, & Sorores tertij Ordinis nuncupentur, idem dici debet de Tertiarijs Carmelitarum, Heremitarum S. Augustini, & Minimorum, particula enim illa, *ad instar*, habet hanc vim, ut constat ex Suarez *lib.8. de legib. cap. 15. nu. 2.* Vbi inquit, quòd Privilegium *ad instar* significat *proprium, & adequatam similitudinem, ut mensura ad mensuratum, & concedit omnem favorem, & gratiam formaliter contentam in suo exemplari,& in eodem sensu, in quo in suo exemplari continetur, & cum eadem extensione.* Tertiò etiam id apparet ex etimologia nominis, tales enim personæ

tonæ, idè Tertiariæ, vel Tertiarij dicuntur, vel quia est triplex genus personarum, quæ regulam illius Religionis profitentur, scilicet Fratrum Religiosorum, Sororum Monialium, & Laicorum Secularium, ut inquit glos. in *Clem. 3. de Sent. excomm.* Vel quia Tertiarij isti sunt quasi quoddam tertium genus hominum quasi tertium, & medium inter Religiosos, & Laicos Seculares, quia etsi simpliciter Seculares sint nihilominus aliqua, quæ pertinent ad Religiosos observant, videlicet Regulam cum observantia duorum vororum. Et sanè cum omnes prædicti Tertiarij ab omnibus nuncupentur, & sint Tertiarij Ordinis, non est cur illis negetur posse vocari tertij Ordinis: hæc enim correlatiua videntur. Vide decretum S. Congregationis super huiusmodi Tertiarijs Ann. 1616. editum apud Erasmum à Chokier. *de iurisdic. Ordin. in exempt. p. 1. q. 17.*

23 De Privilegijs specialibus Regularium, quoad Officium Diuinum persoluendum agimus *cap. 12.* De priuil. etiam Prælatorum Regularium *cap. 18.* Confessariorum *cap. 19.* Concionatorum *cap. 20.* Sacerdotum *cap. 21.* Nouitiorum *cap. 24.* & Monialium *cap. 25.*

De obligationibus Religiosorum ratione Voti Obedientiæ emissi in Professione.

C A P. I V.



OBEDIENTIÆ Votum non solum est essentialiter Religioni iuxta dicta *cap. 2. nu. 1.* sed etiam est præcipuum inter tria substantialia Vota Religionis. Eò quòd per illud offertur Deo propria voluntas, quæ potior est, quàm corpus, quòd offertur per Castitatem, & exteriora bona, quæ per Votum Paupertatis Deo offeruntur. Præsertim, quia Votum Obedientiæ continet sub se Vota Castitatis, & Paupertatis. D. Tho. 2. 2. q. 186. *art. 8.* & *quæst. 104. art. 3.*

2 Obligatio Voti Obedientiæ solum extenditur ad res licitas, & honestas; ita ut cum certò constat, rem, quæ præcipitur esse illicitam, & malam, aut contra Regulam, aut Præceptum Superioris altioris, nullo pacto teneatur Religiosus obedire quantumvis ad Obediendum astringatur pœnis, & Censuris. Ratio est, non solum quia nulla lex humana obligare potest ad peccatum; sed etiam quia Religiosus solum tenetur obedire in his, quæ

quæ sunt materia Voti, materia autem Voti non est, nec potest esse res illicita, & inhonesta. D. Thom. *quodlib.* 10. *art.* 10. & 2.2. q. 104. *art.* 5. Lessius 2. *de Iust.* cap. 41. *dub.* 9. nu. 76.

3 Hinc si Prælati præcipiat res solum concernentes vtilitati temporali sui, aut suorum, & non vtilitati Spirituali, vt si præciperet subdito, vt ageret aliqua negotia alicuius sui consanguinei, aut amici, non tenetur subditus obedire, cum hæc non sint secundum Regulam. Hieronym. Grat. in *Discipl. Regul.* p. 2. cap. 1. §. 4.

4 Nec etiam tenetur Religiosus obedire Prælati præcipienti vana, & impertinentia, vel quæ explicite, siue implicite non pertinent ad Regulam. Ratio est, quia obligatio Obedientiæ in Religiosis solum confurgit ex Voto Obedientiæ, quod emiserunt, hoc autem Votum solum est secundum Regulam illius Ordinis: & ita quicquid est vanum, & impertinens nulloque pacto ad Regulam spectans non cadit sub obligatione. D. Thom. *quodlib.* 10. *art.* 10. Sanch. *lib.* 6. in *Decalogum* cap. 2. nu. 19.

5 Nec etiam est obligatus Religiosus obedire Superiori præcipienti actus mere internos, verbi gratia Fidei, Spei, Charitatis, &c. Ratio est, quia non potest Superior creatus, aut potestas humana præcipere, aut prohibere actus mere internos, cum Ecclesia non iudicet de illis, aut cogat ad illos. Quando tamen, actus internus est modus necessarius externi, qui præcipitur, tunc actus internus cadit sub eodem præcepto, quo externus, & obligatur Religiosus ad illum. Vt si Superior præcipiat Religioso, quod recitet Officium Diuinum, aut dicat Missam pro aliquo, tunc enim tenetur habere actus interiores attentionis, & intentionis, quia sunt modi necessarii actuum exteriorum, qui præcipiuntur. D. Thom. 2. 2. q. 104. *art.* 5. Angelus in *Summ. verb. Obedientia* num. 1.

6 Nec obligatur Religiosus ex Voto Obedientiæ ad Obedientiam Formalem, illam scilicet, per quam subditus exequitur præcepta Superiorum, quatenus præcepta sunt. Ratio est, quia non vult Religiosus Obedientiam sub motiuo Obedientiæ, sed solum Obedientiam materiale, idest executionem rei, quæ præcipitur. Ergo per illam sufficienter satisfacit suo Voto, sicut generaliter Fideles, hoc etiam modo satisfaciunt alijs præceptis humanis. Suarez 4. *to. de Relig.* lib. 4. cap. 14. Lessius *de Iust.* & *Iur.* lib. 2. cap. 46. *dub.* 6. nu. 12.

7 Nec tenetur ex vi Voti Obedientiæ Religiosus exequi id, quod scit suum Superiorem velle, vt faciat, nisi hæc voluntas aliquo præcepto manifestetur. Ratio est, quia non obligatur, nisi

nisi ad Obediendum præceptis sui Superioris, voluntas autem Superioris, nisi sit intimata, non habet rationem præcepti. Vafq. 1.2. *diff.* 155. *ad fin.* Tolet. *in Summ. tract. de Sept. pec. mort. cap.* 15. *num.* 10. Obedire autem voluntati Superiorum, etiam non intimata, est perfectissima Obedientia. Eò quòd sic faciens, non solum facit id ad, quòd tenetur, sed, & id, ad quod non tenetur, & quod tantum cadit sub Consilio. D. Gregor. *lib.* 35. *mor. cap.* 13. D. Thom. *in 2. diff.* 44. *q.* 2. *art.* 3.

8 Hinc etiam non tenetur Religiosus ad ea, quæ Prælatus proponit solum sub consilio. Ratio est; quia ea quæ sunt sub consilio, ut ex ipso nomine patet, ad nihil obligant; sicut Vota Obedientia, Paupertatis, & Castitatis, quia Secularibus sunt solum proposita ut consilia, ad nihil obligant illos. Valent. 2.2. *diff.* 7. *q.* 3. *punct.* Lessius *de Iust. lib.* 2. *cap.* 46. *dub.* 4. *nu.* 23. Obseruare tamen ea, quæ sub consilio solum à Prælati proponuntur, erit magna perfectio Obedientia, quam aliqui Superobedientiam appellant. Sanch. *lib.* 6. *in Decal. cap.* 1. *nu.* 2.

9 Obligatur ergo solum Religiosus ex vi Voti Obedientia, ad Obediendum præceptis suorum Superiorum, quomodocumque intimatis, siue ore tenus, siue scripto, siue alio modo. Ratio est, quia Obiectum Obedientia solum est præceptum Superioris. D. Thom. 2.2. *q.* 86. *art.* 9. Azor. *to.* 1. *Inst. Mor. lib.* 12. *cap.* 13. *q.* 1. Non tamen tenetur Religiosus ad Obediendum Superiori, nisi in ijs, quæ concernunt Regulam Religionis. Ratio est, quia Votum Obedientia Religiosorum, solum est secundum regulam Ordinis. Silu. *verb. Relig.* 6. *nu.* 6. Sanch. *lib.* 6. *in Decal. cap.* 2. *num.* 15.

10 Non tamen tenetur solum Religiosus obedire Prælato in illis, quæ expressè continentur in Regula, sed in illis etiam, quæ continentur implicite, qualia sunt illa, quæ necessaria sunt ad Regulæ Observantiam. Ratio est, quia ad hæc omnia se obligavit Religiosus eo ipso, quo fecit professionem secundum regulam. Vafq. 1. 2. *diff.* 154. *cap.* 4. Less. *lib.* 2. *de Iust. & Iur. cap.* 41. *dub.* 9.

11 Hinc si Prælatus præcipiat subdito ieiunare aliqua die, quæ non tenetur ex Regula, vel aliam Corporis afflictionem subire, vel in pœnam delicti commissi, vel in cautelam ne in aliud incidat, tunc tenetur Religiosus obedire. Ratio est, quia hoc totum pertinet, & est necessarium ad Regulæ observantiam. Vafq. 1.2. *diff.* 154. *cap.* 4. Angl. *in Flor.* 2. *p.* q. 1. *de Voto art.* 2.

12 Tenetur etiam Subditus obedire Prælato præcipienti præcepta communia omnibus Christianis, vel etiam omnibus Ecclesia-

clesiasticis, aut Religiosis, vt audire Sacrum diebus Festis, dicere Officium Diuinum, &c. Ratio est, quia quamuis ista non continentur in Regula, sunt tamen quasi præambula quædam ad illam necessaria . Caiet. 2. 2. q. 186. art. 5. id colligens ex D. Tho. ibidem .

13 Ea, quæ sunt omninò supra Regulam, vt sunt verbi gratia, nimis macerare Corpus, magnæ austeritates, subire Martirium, imò, & facere mortificationes aliquas extraordinarias, vel solum pro libito Superiorum, non possunt præcipi à Prælato Regularium, nec ad ea tenetur Religiosus. Ratio est, quia vt dixi Votum Obedientiæ solum obligat ad ea, quæ Regulam concernunt, siue explicitè, siue implicitè . S. Thom. 2. 2. q. 104. art. 5. ad 3. Gerf. less. 4. de Vit. Spir. alf. 62. litt. R. Imò nec Generalis cum toto Capitulo Generali possunt noua aliqua statuta Regulam non concernentia præcipere. Vasquez 1. 2. disp. 154. c. 4. nu. 25. Miranda in Man. 10. 1. q. 26. art. 10. Si tamen in Regula dicatur obediendum esse Superioribus, etiam si supra Regulam aliquid præcipiant (prout in Regula Minorum cap. 10. & in Constit. Societ. Ies. par. 3. cap. 1. §. 23. & par. 6. cap. 1. §. 1. videtur haberi) tunc Subditus tenetur obedire. Eò quòd in tali casu id, quod præcipitur, est conforme Regulæ. Less. 2. de Iuss. cap. 41. dub. 9. num. 77.

14 Si Prælatus imponat aliquam pœnitentiam subito propter suspicionem delicti, quod reuera non commisit, non tenetur subire talem pœnam. Eò quòd innocens, non debet puniri. In publico autem ratione scandali aliorum tenetur obedire. Nauarr. in Summ. cap. 23. Vasquez 1. 2. disp. 174. cap. vlt.

15 Similiter quando Regula non præcipit obedire Superioribus, etiam supra ipsam, Religiosi illam profitentes non tenentur ex vi Voti Obedientiæ obedire Superioribus præcipientibus ire ad remotissimas partes, videlicet Indiarum, ad conuertendos infideles ad fidem. Non solum quia id est expositum multis periculis corporis, & animæ, sed etiam, quia hoc nullo modo concernit Regulam, quam sunt professi. Ludouic. Lopez 1. par. Instruct. cap. 56. colum. 1. Rodriguez 2. 10. Summ. cap. 9. nu. 5. & 10. 3. quest. Regul. q. 19. art. 7. Excipiuntur ab hoc Religiosi Societatis, quia speciali voto ad hoc se alligant. Iidem Authores.

16 Tenetur Religiosus obedire Prælato iubenti, vt eat ad commemorandum in aliquo loco aëris intemperie laboranti. Quia hoc est conforme Regulæ, & necessarium pro conseruatione locorum Regularium. Excipe casum, quando subditus certò sciret Prælatum hoc illi præcipere solum ex odio, & mala voluntate erga ipsum

sum. Quia tunc Prælatus abutitur sua potestate. Laurentius de Peirinis *to. 1. q. 1. de Obedientia cap. 11.*

17 Tenetur etiam Religiosus obedire Prælato præcipienti, ut accipiat munus Prælati, seu aliquod officium intra Religionem. Ratio est, quia hoc est conforme Regulæ, & potest esse conveniens Religioni. Imò etiam si dubitet de sua sufficientia. D. Anton. *3. par. tit. 16. cap. 1. §. 7. & tit. 17. cap. 16. Palud. in 4. diffin. 19. q. 1. art. 1.* Si verò Religiosus habeat impedimentum aliquod, quod nec ipse, nec Prælatus præcipiens accipere officium possit amovere, ut si habeat aliquam incapacitatem, vel irregularitatem soli Papæ reservatam, non tenetur obedire. Eò quòd nemo obligari potest ad illicitum. S. Thom. *2. 2. q. 185. art. 2. ad 2.* Sor. *10. de Iust. q. 2. art. 1.* Secus est quando dubitat an sit dignus. Quia in dubijs obediendum est. Sanchez *lib. 6. in Decalog. cap. 3. nu. 11.*

18 Non tamen potest Prælatus Religionis Papa inferior præcipere suo Subdito, ut accipiat Episcopatum, (idem dico de quocunque alio officio extra Ordinem) neque iste tenetur obedire, licet laudabiliter satis Sancti aliqui viri suis Superioribus in hoc etiam obedientes fuerint, prout de B. Thoma de Villanova, & Illustribus Bartholomæo de Martyribus, utroque ex gravissima Augustinensi familia, dicitur, ille etenim Archiepiscopatum Valentinum, & iste Bracharensē, iubentibus Superioribus, acceperunt. Ratio est, quia fieri Episcopum non pertinet directè, aut indirectè ad observantiam Regulæ, quam professus est Religiosus, cum potius eximat ab illa; neque ordinatur per se ad bonum Religionis, sed tantum ad bonum Ecclesiæ. Solum ergo à Papa, ad quem pertinet cura Ecclesiæ, potest cogi Religiosus ad hoc munus subeundum. Valent. *2. 2. disp. 10. q. 3. punct. 3.* Sanch. *lib. 6. in Decal. cap. 2. nu. 49.*

19 Tempore Pestis, vel alterius mali Contagiosi, ex quo imminet periculum mortis tenetur Religiosus obedire Prælato suo. præcipienti, ut ministret infirmis Religiosis illius Religionis. Non tamen tenetur obedire illi si præcipiat ministrare extraneis, nisi in casu, quo deessent Parochi, qui illis ministrarent Sacramenta, vel Parochi, qui essent, non sufficerent ad id præstandum. Ratio primæ partis est, quia præstare Religiosos sibi invicem mutua hæc ministeria ad conservationem Religionis spectantia concernit Regulam, quam professi sunt, & ita tenentur ad ea, etiam cum periculo vitæ, sicut tenentur milites præliari, vel esse in tali loco, cum eodem periculo. Ratio secundæ partis est, quia Religiosum servire extraneis peste infectis, cum periculo vitæ, non est secundum Regulam, sed supra illam. Ratio etiam

tertiæ

tertiæ partis est, quia Religiosi, præsertim Mendicantes, & alij; quorum institutum est salutem proximorum incumbere, sunt coadiutores Episcoporum, & Parochorum in salute proximorum, procuranda, & ob id Fidelium Eleemosynis sustentantur. Rodrig. 3. to q. 31. art. 3. & 4. Sanch. lib. 6. in Decal. cap. 2. à nu. 54. Vide dicta cap. 1. nu. 17.

30 Idem dico de tempore hæresis, scilicet posse Prælatum præcipere Religiosis, ut assistant alicui loco ad prædicandum, disputandum, & defendendum Ecclesiam contra Hæreticos, etiam cum periculo vitæ. Ratio est eadem, quia hoc non excedit Regulam, quam professi sunt, sed potius concernit illam, cum ex illa sint coadiutores Episcoporum, & Parochorum. S. Thom. opus. 18. cap. 14. Rodr. ut supra.

31 Duobus Prælati contraria præcipientibus non licet obedire minori neglecto maiori. Quia potestas minoris subordinata est maiori, & ita illi subiecta, & minus obligans. Lancel. in Gnome Vit. Rel. lib. 2. sect. 1. art. 3. resol. 6. Si tamen contingeret (quod raro eueniet) quod duo Prælati æqualis omnino auctoritatis aliquid Religioso præciperent, tunc parendum vel ei, qui præcipit in ordine ad nobiliorem finem, vel ei qui primò præcipit, vel si cætera sint paria, cui magis placuerit. Laurentius de Peirinis 10. 1. q. 1. de Obedientia cap. 7.

22 Religiosi hospites, seu Peregrini in aliqua Prouincia, vel Conuentu non obligantur specialibus præceptis eius Prouinciæ, vel Conuentus. Ratio est, quia illa præcepta tantum sunt posita pro subditis. Attendendum tamen est in hoc, tum ad Constitutiones Religionis, tum ad consuetudinem, & ne inde oriatur scandalum. Suar. 10. 4. de Relig. tract. 8. lib. 2. cap. 8. num. 21. Oppositum affirmans de legibus: ita ut ad illas etiam obligetur Religiosi Hospites, & Peregrini. Idem nu. 23. Hoc tamen præcipue intelligo in foro exteriori. Eò quod si hospites, & forenses non se conformant habitatoribus, oritur turbatio, & scandalum. Rodriguez 10. 1. quasi 3. q. 68. art. 4. Miranda 2. 10. Manual. q. 29. ar. 6. Qui etiam bene addunt, etiam in foro interiori obligari, quando est scandalum, & non subest rationabilis causa illos excusandi.

23 Non tenentur Religiosi interrogati, etiam sub iuramento, ad manifestandum eum, quem deliquisse norunt, neque ipsi delinquentes tenentur se prodere, etiam ad quodcunque præceptum suorum Superiorum, quando adeo est occulta persona, ut nulla infamia laboret, iuxta dicenda cap. 27. num. 11. & 12. Ratio est, quia iudex, seu Prælatus non potest de tali persona delincente, quando est occulta, iuridicè interrogare. Ergo neque subditi ma-

nifestare. Caietan. 22. q. 33. art. 7. Suarez 4. to. de Relig. lib. 10. cap. 11. num. 7. & cap. 12. à num. 1. Secus verò, quando præcedit aliqua infamia. Quia tunc iuridicè interrogantur. Sotus 5. de Iust. q. 6. art. 1. concl. 1. Azor. to. 3. lib. 13. cap. 25. dub. 3. Vide dicenda cap. 27. nu. vi sup.

24 Non solum tenetur Religiosus Prælato suo obedire in rebus, quas certò cognoscit esse licitas, & honestas, sed etiam, quando dubitat, an res, quæ illi præcipitur, sit licita, nec ne: dummodò non sciat evidenter esse malam, & illicitam. Ratio sumitur, tum ex doctrina Divi Augustini lib. 22. contra Faustum c. 74. & 75. scilicet, quòd etiam Regi iniquo indidenti bellum obediendum est à subditis, dum non constat bellum esse iniustum: ex quo sequitur, idem dicendum esse de Obedientia Religiosi erga suum Prælatum. Tum etiam, quia quoties Subditus potest habere iudicium prudentiale, quòd res, quæ illi præcipitur sit licita, & honesta, tenetur obedire: in casu autem præsentis potest habere hoc iudicium, etiam si habeat dubium speculativum, an res, quæ illi præcipitur, sit licita, vel non; eò quòd, cum Prælatus habeat possessionem suæ iurisdictionis, & in dubijs melior sit conditio possidentis, poterit iudicare Subditus Prælatum licitè præcipere; ac per consequens ipsi tenere obedire. Navar. c. Si quis alit n. 114. de Pœnit. dist. 7. & in Sum. cap. 23. Bannez 2. 2. q. 40. art. 1. dub. 6. Male ergo Scioi quidam Religiosi, qui, vix Theologia, vel Casibus Conscientiæ à limine salutatis, arundine mathematica, quid Superiores ijs, vel illis præscribendis authoritatis habeant cum scandalo pusillorum factiosè metiuntur. Cùm, teste Divo Gregorio in primo Reg. lib. 2. cap. 4. Vera Obedientia, nec Præpositorum intentionem discutit, nec præcepta discernit, quia omne vita sua iudicium maiori subdidit. Nescit enim iudicare quisquis perfectè didicerit obedire.

25 Idem dico in casu, quo Subditus dubitat rem præceptam excedere Regulam, & limites potestatis Superioris, aut Prælatum non esse legitimè electum, aut confirmatum, esto sit in pacifica possessione. Propter eandem rationem. Sanchez lib. 6. in Decal. cap. 3. nu. 4. 29. & 30.

26 Item quando Religiosus iudicat probabiliter, vt malum id, quod Superior præcipit, dum enim hoc non constet ei evidenter tenetur obedire. Tum propter eandem rationem. Tum quia esset confusio, & destructio Communitatis, si prætextu Opinioni probabilis nollet, quis Superiori obedire. Tum etiam, quia aliàs cogendi essent Superiores ad non præcipiendum nisi ex certa, & evidenti noticia honestatis rei, quæ præcipitur, quod est supra humanum.

humanam facultatem. Cordub. lib. 3. *quest. q. 9.* Valentia 2. 2. *disp. 7. q. 3. punct. 2.*

27 Similiter quando Prælatus præcipit aliquid contra, aut supra Regulam, si tamen constet euidenter, aut etiam probabiliter, imò etiã si res sit speculatiuè dubia, & quòd possit in illo dispensare, tenetur Religiosus obedire. Ratio est, quia in his casibus tenetur credere, quòd præcipiendo illam rem dispensat in Regula, ac per consequens, quòd potest dispensare, quòd debeat ipsi se conformare. Angel. *v. Relig. nu. 29.* Silu. *v. Relig. 6. q. 6.* Idem dicendum est quando dubitat Religiosus, an Prælatus ex iusta causa dispense. Propter eandem rationem. Nauarr. *in Sum. hisp. cap. 23.* Less. 2. *de Iust. cap. 41. d. 9. nu. 77.*

28 Etiam cum Religiosus valetudine, aut aliquo impedimento probabili, dubius est, an teneatur, verbi gratia ieiunare, abstinere à carnibus, dicere Officium Diuinum, &c. tenetur obedire Prælato præcipienti ne ieiunet, aut quòd carnibus vescatur, aut quòd officium non persoluat. Propter eandem rationem. *Sot. de Secr. memb. 3. q. 2. concl. 1.* Salas 1. 2. *q. 21. tract. 8. disp. unica sect. 17. nu. 155.*

29 Imò generaliter loquendo, quòd subditi debeant, & possint stare determinationibus suorum Superiorum in dubijs, & scrupulis ipsorum subditorum conscientiam tangentibus, cum consilio aliquorum Patrum, si res magni ponderis fuerit, concessit Leo Decimus Franciscanis, & per consequens omnibus alijs, qui per communicationem ipsorum priuilegijs vtuntur. Cordub. *in Regula D. Franc. cap. 10. q. 2. punct. 3.* Miranda *in Manuali 10. 1. q. 26. art. 5.* Quæ concessio, licet quia vix Oraculo facta fuit, his temporibus nihil valeat quatenus nouam gratiam concedit; quatenus tamen explicatiua est iuris, quod habent Prælati supra subditos, vt veri ipsorum Pastores, & Doctores, deseruit ad intentum. Vide dicenda *cap. 18. nu. 56.*

30 Cum verò est dubium Religiosi circa factum in irregularitate, vt si dubitet an commiserit homicidium, tunc iussus à Superiore non potente in illa irregularitate dispensare, vt celebret, non tenetur obedire. Quia dubius de homicidio iudicandus est irregularis. *Ex cap. significasti, & ex cap. ad audientiam de homicid.* Vasquez 1. 2. *disp. 66. cap. ult. nu. 50.* Sairus *in clau. Reg. lib. 1. cap. 13. num. 38.* Cum verò dubium non est multum vrgens, si communicato cum prudenti Superiore, dixerit, illud non esse sufficiens fundamentum ad dubitandum, deponendum est, & standum iudicio Superioris. Vasquez *vt sup.* Sanchez *lib. 6. in Decal. cap. 3. nu. 22.*

31 Ex vi Voti Obedientiæ, quod Religiosi emittunt, tenentur obedire in his, quæ concernunt Regulam non solum Prælatis Religionis, sed etiam specialiter Summo Pontifici, non solum quatenus est Caput Ecclesiæ, quo titulo omnes etiam sæculares illi obedire debent, sed specialiter, etiam ratione Voti Obedientiæ emissi in professione. Ratio est, quia Summus Pontifex est supremus omnium Religionum Generalis, cum omnis potestas iurisdictionis Generalis, & aliorum Prælatorum Religionis ab illo deriuetur: atque ita per Obedientiæ Votum illi subduntur Religiosi, & tenentur obedire. S. Thom. 2.2. q. 186. art. 5. ad 3. Bañez 2.2. q. 11. art. 10. dub. 6. ad finem. Idem dico de S. Congregat. Cardinalium super Regulares, quia illa specialiter instituta fuit à Sixto V. & alijs Pontificibus pro regimine Regularium. Thom. de Iesu tract. 3. de visitat. Reg. cap. 17. num. 7.

32 Hinc si Pontifex, & Prælati Religionum contraria præciperent, obediendum est, etiam ex vi Voti Obedientiæ, Pontifici. Cum omnis iurisdictionis Prælatorum Religionis sit in illo principalis, & ab illo deriuetur. S. Thom. in 2. dist. 44. in expos. liter. Sanchez lib. 6. in Decal. cap. 1. nu. 10.

33 Hinc etiam quando Religiosus sit Generalis suæ Religionis, quamvis eximatur ab Obedientia inferiorum Prælatorum manet Votum Obedientiæ illius quoad Papam. Cum non eximatur ab ipsius Obedientia, nec dispensetur cum illo in Voto emissio. Aragon 2.2. q. 88. art. 11. Valentia 2.2. disp. 10. q. 3. punct. 8. Hinc quoque si Pontifex præcipiat aliquid, quod sit simpliciter supra Regulam, ita ut illam nullo modo concernat, non tenetur Religiosus obedire. Quia debitum speciale, quod habent Religiosi obediendi Pontifici ultra alios Christianos est solum ratione Voti Regulæ, quod emisserunt, ac proinde non poterunt obligari supra illam. Lessius 2. de Iust. cap. 41. dub. 9. num. 77. Sanchez lib. 6. in Decalog. cap. 2. num. 22. Hinc præterea potest Pontifex eximere quemcumque Religiosum ab Obedientia inferiorum Prælatorum, & sibi reservare. Quia hoc est uti iure supremi Prælati Religionum quod habet. Quamvis non possit licite hoc facere sine causa. Quia hoc esset potius in destructionem, quam in ædificationem. Suarez 4. to. de Relig. tract. 8. lib. 3. cap. 11. num. 7. & 8.

34 Non est contra Votum Obedientiæ, quod Religiosus gravatus à Prælato, causa querelæ recurrat ad Superiorem Prælatum, ut si est gravatus à Priore, quod recurrat ad Prouincialem, & à Prouinciali ad Generalem. Ratio est, quia potestas minoris Prælati est subordinata maiori, & illi subiecta, ac per consequens ab illo

illo discutienda . Nauarr. lib. 2. *Consil. in 1. edit. tit. de sent. & re iudicat. consil. 2. num. 8. in 2. tit. de appellat. consil. 5. num. 8.* Sairus lib. 12. *clau. reg. cap. 17. num. 38.* An autem liceat appellatio à Iudice Regulari, vel illum recusare, dicimus *cap. 9. à nu. 4.*

35 Si Prælatus præcipiat Religioso, vt celebret Missam pro Petro, v.g. & ipse celebret pro Francisco, licet sine dubio peccet sic faciendo, cum in re licita, & honesta, & conformi Regulæ transgrediatur præceptū Superioris, nihilominus Missa illa proderit Francisco, non Petro. Ratio est, quia Sacerdos in administratione Sacramentorum, & applicatione sacrificiorum operatur, vt minister Christi, & vt habens solum ab ipso potestatem, ergo solum illi subijcitur, non alij Superiori quoad has actiones. Suarez *to. 3. in 3. par. disp. 79. sect. 9.* Ledesma *1. par. Summ. de Eucharist. c. 18. conclus. 18.*

36 Non est contra Votum Obedientiæ, quòd aliquando subditi suos Prælatos corrigant, possunt enim id, & quandoque debent facere. Nam illud Matthæi 18. & Lucæ 17. *Si peccauerit in te Frater tuus corripe illum*, omnes comprehendit; tam subditos, quàm Prælatos. Valentia *to. 3. disp. 3. q. 10. punct. 4.* Rodrig. *to. 2. quasi. regul. q. 8. art. 2.* Quando tamen Prælatus est corrigendus propter aliquos defectus, corrigi debet à personis grauib, & autoritatis, & leniter, humiliter, & reuerenter. Probat id D. Thom. 2. 2. *q. 33. art. 4.* ex illo Pauli *1. ad Thimoth. 5. Senioremem ne increpaueris, sed obsecra vt patrem.* Valentia, & Rodrig. citati.

37 Præcepta Superiorum Regularium, etiam si adiunctas habeant censuras, ligant inferiores, quamuis existant extra eorum Monasteria, & Prouincias. Ratio est, quia Prælati Religiosorum non habent territoria diuisa sicut Episcopi, sed eorum iurisdic-tio est in ordine ad personas subditas secundum se, & vbicunque sint, cum ratione Voti Obedientiæ se illis absolutè subiecerint, ergo vbicunque fuerint possunt illis præcepta imponere. Siluest. *verb. excommunicatio 2. nu. 15.* vbi refert quosdam dicentes, totum mundum esse territorium Prælatorum Regularium. Cornexo *to. 2. in 3. par. S. Tho. tract. 5. de censur. disp. 6. dub. 2.*

38 Non tenetur subditus obedire suo Superiori excommunicato publico, seu non tollerato, quia tunc caret iurisdictione circa subditos. Imò neque potest licitè Superiori sic excommunicato obedire: quia hoc esset recognoscere in illo potestatem iurisdictionis, quam non habet, & communicare cum illo, quod non licet. Cornexo 2. *to. in 3. par. disput. 10. de excommunic. S. 3. dub. 1.* Vide Suarez *to. 3. de censur. disput. 15. sect. 7.*

39 De Obedientia debita à Religiosis Regulæ suorum Ordini-

num dicimus *cap. 7.* & de obedientia ad Constitutiones, seu Statuta *cap. 8.* & de obedientia ad decreta Conciliorum, Summorum Pontificum, & Sacrarum Congregationum *cap. 9. & 10.* In super, in quibus teneantur obedire Dominis Episcopis, & Prælati Ecclesiarum, aut etiam Principibus secularibus *cap. 11.* Deinde de Obedientia Regularium ad Episcopatum, vel alias dignitates assumptos *cap. 17.* Et de obedientia, quam Religiosi eiecti à suis Ordinibus obseruare debent, *cap. 23.* De Nouitijs *cap. 24.* Et de Monialibus, *cap. 25.*

De obligationibus Religiosorum propter Votum Castitatis.

C A P. V.



VI Castitatem in Religionibus vouerunt, non solum peccant contrahendo Matrimonium, sed & Matrimonium ipsum est irritum, & inualidum, etiam si consummatum sit. Ita habetur in Conc. Vien. *Clem. unica de Consang.* Trident. *sess. 24. Can. 9.* & alijs Concilijs. Sanch. *lib. 7. de Matrim. disput. 26.* Cornexo *to. 2. in 3. par. disput. 7. de Matrim. dub. 9.* Num autem Matrimonium celebratum post professionem sit irritum iure naturali, an solum iure Ecclesiastico alijs relinquimus. Less. *de Iust. & Iur. lib. 4. cap. 41. nu. 68.* Vide dicta supra *cap. 2. nu. 12.* & Cornexo vt supra, vbi etiam de excommunicatione ipso facto, quam incurrunt Religiosi, si scienter contrahant matrimonium, ex *Clem. unica de Consang. & Affinit.*

2 Religiosi professi aliquam, siue Virginem, siue Viduam in Matrimonium ducetes sunt irregulares irregularitate bigamiae similitudinariae. Ex *cap. Monacho 27. q. 1.* Ius enim interpretatur istos contraxisse duo Matrimonia, alterum spirituale cum Christo, & alterum carnale, licet inualidum, cum foemina. Sanchez *lib. 7. de Matrim. disp. 85. num. 5. & 6.* Cornexo *to. 2. in 3. p. disput. 10. de irregularit. dub. 2.*

3 Per Castitatem promissam tenetur Religiosus abstinere ab omni actu venereo, siue interno, siue externo, qualiscumque ille sit, vt à turpibus cogitationibus, delectationibus morosis, consensu, actibus externis, &c. Ratio est, quia Votum Castitatis est noua obligatio, quam sibi Religiosus imponit supra obligationem Iuris naturalis, & diuini. Ius autem naturale, & diuinum pro-

prohibet hæc omnia extra coniugium . Suarez *to. 1. de Relig. lib. 3. cap. 3.*

4 Hinc fit , quod omnis actus venericus , qui in secularibus extra coniugium est peccatum contra Castitatem , fit in Religioso sacrilegium . Eò quòd ratione voti emissi talis actus opponitur virtuti Religionis . Lessius *2. de Iustit. cap. 41. dub. 9. num. 78.* Hæc autem malitia sacrilegij est mortalis in illis actibus , in quibus malitia libidinis est in secularibus mortalis ; venialis verò , in quibus illa est venialis . Ratio est , quia circumstantia voti Castitatis non immutat obligationem iuris naturalis , sed solum addit circumstantiam sacrilegij , quæ circumstantia sequitur naturam actus , cui adiungitur . Lessius *ut supra . Sanchez lib. 5. in Decalog. cap. 6. nu. 9.*

5 Contingere tamen poterit , quòd actus venericus , qui in secularibus solum est venialis , v. g. verbum inhonestum , gestus impudicus , vsus vestis lasciuæ , &c. fit mortalis in Religioso ratione scandali . Ratio est , quia cum talia vident in Religioso seculares graue scandalum concipiunt . Eò præsertim , quòd Religiosus debet esse , & apparere omnimodè ab huiusmodi alienus . Imo credo tale peccatum mortale scandalum esse contra vorum Castitatis promissæ à Religioso (cum peccatum scandali reducatur ad eandem speciem , ad quam pertinet peccatum illud , ad quòd inducit) ac perinde in casu , quo violatio Castitatis sit casus reservatus Religioso , maneat quoque reservata hæc culpa . Quidquid dicat Sanchez *lib. 5. in Decalog. cap. 6. nu. 11.*

6 Castitas Religiosa non solum excludit commixtionem veneream , aut aliam actionem exterius consummatam ; sed etiam aspectum , locutionem , tactus , literarum , vel munusculorum missionem , frequentem accessum , aut locutionem cum sœminis . &c. Ratio est , quia sicut ista in secularibus sunt contra Castitatem , vel continentiam , ita in Religiosis sunt contra votum . Lancillottus *in gnom. vit. Relig. lib. 2. sect. 2. art. 1. resolut. 2.*

7 Probabile est Religiosorum militarè , v. g. S. Iacobi , &c. peccare contra Castitatem , quando debitam militiam omittit ex affectu ad rem vxoriam . Ratio est , quia licet votum Castitatis istorum militum nõ obliget illos , nisi ad Castitatem coniugalem , ac per consequens possint habere vxores ; obligat tamen illos etiam ad dimittendam vxorem , quando id necessarium est , vt bello intersint : si ergo id non faciunt , peccant contra votum Castitatis promissum . Suarez *4. to. de Relig. tractat. 9. lib. 1. cap. 4. num. 19.*

8 Religiosus Sacerdos , seu in sacris Constitutus peccans contra

tra Castitatem tenetur secundum aliquos manifestare in confessione circumstantiam voti Castitatis Religiosæ, & voti Castitatis annexi Sacerdotio, aut Ordini sacro. Videntur enim ibi esse duæ malitiæ speciei diuersæ, altera contra Castitatem Religiosam, & altera contra Castitatem debitam Sacerdotio, aut Ordini sacro. Petrus de Ledesma *cap. 19. de pœnit.* Alij verò probabilissimè docent oppositum, & dicunt sufficere, quòd dicat, se contra Castitatis Votum deliquisse. Eò quòd duplex illa malitia non est speciei diuersa, sed contra eandem virtutem: nec diuersitas præceptorum facit malitias diuersæ speciei. Sanchez *lib. 7. de Matrimonio disput. 27. à num. 22.* Bonacina *quæst. 4. de Matrimon. punct. ult. num. 28.* In casu autem, quòd Confessarius cognoscat pœnitentem esse Religiosum, Sacerdotem, aut Diaconum, nec tenetur dicere circumstantiam aliquam voti Religiosi, aut Ordinis Sacri. Eò quod Confessarius sciens pœnitentem esse Religiosum, Sacerdotem, vel Diaconum, &c. sufficienter, etiam scit peccata ipsius carnalia habere oppositionem cum Voto solemnī Castitatis, & esse sacrilegia. Bonacin. *ut sup. nu. 31.*

9 Religiosus, qui ultra votum solemnē Castitatis, fecit etiam votum simplex Castitatis, & peccat contra illam, licet secundum aliquos teneatur confiteri vtramque circumstantiam: eò quòd obligatio seruandi Castitatem ex Voto solemnī sit maior, & diuersa, quàm illa, quæ nascitur ex Voto simplici. (Aragon. 2. 2. q. 88. art. 7.) Alij tamen docent oppositū: Eò quòd vtrūque Votum est eiusdem speciei, solum accidentaliter diuersum, ac per consequens in tali peccato solum est vna malitia sacrilegij, quæ sufficienter explicatur, dicendo se violasse votum Castitatis. Sanchez *lib. 7. de Matrimon. disp. 27.*

10 Peccatum Religiosi contra Castitatem, seu *lapsus carnis voluntarius opere consummatus*, reseruari potest à Superioribus Regularium. Ità Clem. VIII. Ann. 1593. in decreto de reservatione, casuum, vbi inter eos, quos permittit posse reseruari, ponitur iste nono loco. *Quarant. in Summ. Bullar. verb. casus reseruatur.* Per lapsum autem carnis voluntarium opere consummatum, intelligitur non solum, fornicatio, adulterium, incestus, &c. sed etiam, quæcunque voluntaria pollutio, aut molliities. Eò quòd etiam est lapsus carnis in sua specie opere consummatus, licet aliàs in ordine ad alium actum, videlicet copulam, consummatus non sit. Suarez 4. to. de Religion. tract. 8. lib. 2. cap. 18. nu. 12.

11 Religiosus (quod absit) peccatum Sodomiz committens, non solum peccat contra Castitatem, vt constat; sed etiam ultra pœnas dispositas in Conc. Lateran. sub Alex. III. relato in cap. clerici

rici de excessu. pralat. incurrit in pœnas taxatas à Pio V. in Constitutione, quæ incipit: *Horrendum illud* Ann. 1568. edita in 2. tom. Bullar. nu. 72. vbi hæc habentur. Omnes, & quoscunque Presbiteros, & alios Clericos Seculares, & Regulares, cuiuscunque gradus, & dignitatis, tam dirum nefas exercentes, omni priuilegio clericali, omniq; officio, dignitate, & beneficio Ecclesiastico præsentis canonis auctoritate priuamus. Ita quod per iudicem Ecclesiasticum degradati, potestati statim seculari tradantur, qui de eis illud idem capiat supplicium, quod in laicos hoc in exitio deuolutos, legitimis reperitur sanctionibus constitutum. Extenditur præsentis Constitutionis dispositio, ad eum, qui fœminam præpostera libidine cognouerit. Quia hic etiam est verè Sodomita. Prosp. August. in addit. ad Quarant. in Summ. Bull. ver. Sodomia. Et ad illum, qui crimen bestialitatis perpetraverit. Propterea quod videtur esse eadem ratio. Rodriguez in Summ. par. 1. cap. 209. Limitatur tamen ab aliquibus vt non procedat huius Constitutionis dispositio in eo qui copulam Sodomiticam non consummauit intra vas contra naturam semen effundendo. Quia per hoc solum consummatur actus Sodomiticus. Nauarr. in Man. cap. 27. nu. 250. Prosper. Aug. in addit. ad Quarant. vt sup. In odium tamen tanti criminis existimo sufficere copulam, seu coniunctionem contra naturam cum alio habere, etiam sine effusione seminis. Quia tunc sufficientissimè intelligitur consummatus actus iste abominabilis. Rodriguez tom. 1. quæst. Regul. quæst. 30. art. 19. Consensio tamen prædictis authoribus, quatenus dicunt non sufficere ad incurrendas pœnas prædictæ Constitutionis habere cum alio pollutionem. Vide dicenda cap. 10. nu. 8.

12. Difficilius est decidere, an incurrendas illas sufficiat, quod quis, vel per vnâ vicem tantum hoc crimen perpetraverit. Multi, & probabiliter, dicunt, quod non. Eò quod non sine causa Pontifex posuit illam particulam *exercentes*, quæ denotat actum per aliquas vices continuatum. Nauarr. vt sup. Prosp. Aug. etiam vt sup. Quamuis autem per vnâ vicem solum non incurrantur pœnæ huius Cõstitutionis, incurrantur tamen aliæ taxatæ ab eodem Pontifice in alia Constitutione Ann. 1566. edita, quæ incipit: *Cum primum*, vbi dicit. *Si quis crimen nefandum contra naturam, propter quod ira Dei in filios diffidentia venit, perpetraverit, curia seculari puniendus tradatur, & si clericus fuerit, omnibus Ordinibus degradatus simili pœna subijciatur.* Rodriguez tom. 1. quæst. 30. art. 19.

13. De Religioso autem solum attentante hoc scelus perpetrare, & de facto non perpetrante ob resistentiam, vel impedimentum,

tum, quidam volunt incurrere pœnas supradictas; alij verò negant. Ego verò existimo, quoad forum conscientiae non incurrere illas, quia leges pœnales, maximè cum graues pœnas infligunt, non debent ampliari vltra id quod sonant: in his autem legibus solum est sermo de ijs, qui actum Sodomiticum committunt, non de ijs, qui solum committere attentant. Quoad forum verò exterius secus dicendum videtur, maximè si vsus patriæ ita ferat. Quia in delictis atrocissimis punitur affectus, & conatus, etiam si effectus non sequatur. Rodriguez, & Prosper Augustinus *vt suprà citati*.

14 Propter Castitatem à Religiosis viris conseruandam prohibitum est illis ab Ecclesia, præsertim Pio V. & Gregorio XIII. admittere intra sua monasteria fœminas cuiuscunque qualitatis, & conditionis sint. De quo late *cap. 10. d. num. 9.* Similiter propter eandem Castitatem à Religiosis fœminis, seu Monialibus obseruandam præcipitur etiam illis non admittere intra sua Monasteria quascunque personas, siue viros, siue fœminas, aut egredi è suis Monasterijs, paucissimis casibus exceptis. De quo *cap. 25. d. nu. 16.*

15 Ob maiorem etiam honestatem, & Religiosum decorem, conseruandum à viris Religiosis præcipiuntur hæc illis à Clem. VIII. in decret. pro reformat. Regular. Innouatis à S. Congregatione iussu SS. D. N. Urbani VIII. *Habeat Superior Clauem ita fabrefactam, ut cum sibi videbitur cellas omnes referare possit, & propterea nullus cellam, etiam noctu ita claudat, quin semper à Superiore aperiri possit.* Item. *In medio dormitorij totam noctem lampas colluceat.* Itemque. *Sigillatim suo quisque lecto cubet, neque vllibi duo eodem lecto dormire possint, qui omnes ad certam formam redigendi erunt.* Quæ quidem decreta vt pote concernentia Regulam, & votum Castitatis Religioforum, absdubiè obligant illos ad mortale, vel veniale iuxta materiæ grauitatem, & alias circumstantias temporis, loci, &c.

16 Religiosi, qui in peccatum carnis lapsi sunt, varias pœnas incurrunt, iuxta diuersa statuta Religionum, & pro nostra vide, 3. par. Constitut. cap. 7. De iure autem communi loquendo Religiosi fornicarij pœnam quidam volunt esse depositionem, quod multo magis est verum si fornicatio fuit sacrilega, quæ vocatur adulterium spirituale, scilicet cum Moniali. Nauarrus de pœnit. dist. 5. nu. 121. Alderete lib. 2. de Religios. disciplin. cap. 15. §. 1. Imo qui Virginem Deo sacram cognouit, iure ciuili vltimo supplicio traditur, iure autem Pontificio deponitur, atque incarcerationi. Alderete *vt suprà §. 4.* Similiter, qui stuprum commiserunt, iure ciuili

ciuili capite plectuntur , si per vim suprarunt : iure autem Canonico perpetuò deponuntur . Alderete *ut supra* §. 2. Adulteri etiam perpetuò sunt deponendi , & in Monasterium detrudendi . Rodriguez *to. 2. q. 28. art. 3.* Incestuosi etiam iure ciuili ultimo supplicio puniebantur olim, hodie verò variè puniuntur, sed iure Canonico perpetuò deponuntur. Rodriguez *tom. 2. q. 26. art. 1.* Alderete *ut supra* §. 4. illi verò, qui Sacramento penitentiz abutentes aliqua in confessione , vel circa illam, aut in loco ad confessiones deputato contra Castitatem perpetrari audent, à S. Inquisitione puniuntur, iuxta dicenda *cap. 19. num. 33.*

De obligationibus Religiosorum ratione Voti Paupertatis.

C A P. V I.

SANCTÆ , & Religiosæ Paupertatis excellentia ex eo conspicitur, quòd eam Saluator noster inter Beatitudines potiùs, quàm inter virtutes numerauerit , Mathæi 5. dicens: *Beati Pauperes spiritu , quoniam ipsorum est Regnum Cælorum .* Quasi ostendere volens, per ipsam quandam felicitàtis gradum homines in hac vita consequi posse, & Math. 19. ostendere volens adolescenti viam perfectionis dixit : *Si vis perfectus esse vade , & vende omnia qua habes , &c.* Sane ostendens primum perfectionis Religiosæ fundamentum Paupertatem esse. Cuius exacta cognitio maximè necessaria est Religiosorum conscientijs ; alijs laxiùs, alijs strictiùs de ipsa sentientibus, ex quo non mediocres scrupuli oriri solent, multaque peccata. Ideò ergo in hoc puncto accuratiùs plura nobis dicenda erunt.

2. Paupertas Religiosa est vltronea , & voluntaria rerum temporalium abdicatio , per quam Religiosus ipsorum proprietate priuatur . Ratio est, quia opponitur proprietati, quæ est facultas possidendi, & vtendi aliqua re ad libitum. S. Tho. 2. 2. q. 186. art. 3. Azor. *to. 1. Institut. mor. lib. 12.* Vnde Paupertas Religiosa priuat primò dominio cuiuscumque rei temporalis . Est enim dominium ius perfectè disponendi de re corporali : per paupertatem autem tollitur hoc ius perfectè disponendi . Priuat secundò usufructu , quod est ius vtendi , & fruendi aliena re , salva illius substantia . Nam per paupertatem etiam priuatur Religiosus hoc iure , nisi dependenter à voluntate Superioris . Priuat ter-

tiò

tiò vfu iuris, qui est ius vtendi aliena re. Propter eandem rationem. Non tamen pruat vfu facti. Quia iste non opponitur Paupertati, cum constet etiã seruos, qui nihil omninò habent proprii, habere hunc vsum respectu, v. g. vestium, & ciborum, quæ illis à Dominis suis conceduntur. Azor. *vt supra*. Lessius *2. de Iust. & Iure cap. 4. & 41.*

3 Ex quo inferitur Religiosum non solum non posse habere dominium, vsum fructum, aut vsum alicuius rei, prout important quid iuris, sed etiã neque possessionem, administrationem, aut peculium, prout etiã quid iuris important. Ratio est, quia ista omnia hoc modo sumpta denotant facultatem vtendi aliqua re ex propria voluntate, & independenter à voluntate alterius. Quod repugnat Voto Paupertatis. Quẽadmodum enim per Votum Obediẽtiæ Religiosus omnes suas actiones voluntati Superioris subiecit, ita per Votum Paupertatis omnem temporalium rerum vsum voluntati Superioris submisit. Nauarr. *com. 2. de Regular. Sanchez lib. 7. in Decalog. cap. 18. num. 25.* Solum posunt dici Religiosi habere vsum facti, id est, vsum rerum necessariarum dependenter à voluntate Superiorum. Quia hic vsum non pugnat cum Paupertate. Nauarr. *vt supra*. Rodriguez *tom. 3. quæst. Regul. q. 29. art. 4.*

4 Possunt tamen Religiosi dici habere dominium, seu proprietatem iurium, aut bonorum spiritualium, seu interiorum animi. Eò quòd per Votum Paupertatis non renunciant prædictis bonis, aut iuribus spiritualibus, sed solum bonis temporalibus. S. Tho. *2. 2. q. 186. art. 7. ad 4.* Lessius *de Iust. lib. 2. cap. 4.* Imò etiã quarundam rerum, quæ non sunt pretio æstimabiles, v. g. paucarum reliquiarum, Agnus Dei, &c. Quia per Votum Paupertatis solum abdicarunt à se dominium rerum pecunia, aut pretio æstimabilium. Ita colligo ex S. Tho. *vt sup.* Hinc si habeant, vel accipiant iura aliqua Ecclesiastica, v. g. facultatem excommunicandi, absoluedi, dispensandi, &c. sine licentia non erunt proprietarij. Propter eandem rationem. Nauarr. *com. 2. nu. 2. de Regular. Sanchez lib. 7. in Decalog. cap. 19. nu. 58.* Secus dico de iure moderandi cathedras in vniuersitatibus. Quia hoc est pecunia æstimabile, & habet annexam pecuniam. Sanchez *ibidem*. Qui hoc etiã extendit ad gradus Doctoratus, & Magisterij.

5 Possunt etiã dici Religiosi habere dominium bonorum temporalium in communi. Ratio est, quia hoc non repugnat Voto Paupertatis, quod solum dicit abdicationem domini priuati bonorum temporalium. Et ita Conc. Trident. *sess. 25. de Regularib. cap. 3.* sic habet. *Concedit S. Synodus omnibus Monasterijs.*

Herijs, & Domibus tam virorum, quàm mulierum, & Mendicantium, exceptis Domibus Fratrum S. Francisci Capuccinorum, & eorum, qui Minorum de Obseruantia vocantur, etiam quibus, aut ex Constitutionibus suis erat prohibitum, aut ex privilegio Apostolico non erat concessum, ut deinceps bona immobilia eis possidere liceat, &c. Prædicti autem Minores de Obseruantia, nec in particulari, nec in communi dici possunt habere dominium bonorum, quæ possident. Quia ita determinarunt Nicolaus III. *cap. exijt de verb. significat. in 6.* & Clem. V. *elem. 1. §. proinde cum vir Sanctus*. Quare dominium earum rerum, quas isti Patres possident, pertinet ad Summum Pontificem, vel Sedem Apostolicam, maxime post Bullam quandam Martini V. & Pauli III. Rodriguez 2. *tomo quæst. Regul. q. 125. art. 6.* Vel saltem dominium pecuniarum, quæ illis dantur pertinet ad dantem illas, dominium verò aliarum rerum, quas possident, ad Summum Pontificem. Quia hoc videtur determinatum à Pontifice prædicto *cap. exijt §. caterum, cum in eadem*. Sotus 4. *de Iust. q. 1. art. 1. Rebells de Iust. p. 1. lib. 1. q. 7. sess. 4.* Domus etiam professæ Societatis Iesu nequeunt habere, nec in particulari, nec in communi redditus aliquos, aut bona stabilia, vel possessionem, præter eam, quæ illis ad habitationem, vel usum fuerit necessaria. Ita habetur in Bulla Iulij II. & in *Constit. Societ. par. 6. cap. 2. §. 5.* Non obstante etiam, quòd Religiosi Mendicantes in communi bona quamuis immobilia possident, possunt tamen dici Mendicantes. Ita declarauit Pius Quintus in Bulla, quæ incipit, *Romanus Pontifex* Anno 1567. edita, & est in secundo tomo Bullarij Laertij *nu. 44.*

6 Non solum tenentur Religiosi ad non habendum proprium ex vi Voti Paupertatis, quod emiserunt; sed etiam ex vi præcepti Ecclesiastici, illis, hoc prohibentis. Paret hoc *ex cap. Non dicatis 12. q. 1.* & *ex cap. Cum ad Monasterium de statu Monac.* vbi sic habetur. *Prohibemus in virtute Sanctæ Obedientia, ne quis Regularis proprium aliquo modo possideat, sed si quis aliquid habeat proprij totum in continenti resignet.* Idem habetur in *c. Monach. de statu Monac.* & in *c. Super quodā.* Insuper in Conc. Trid. *sess. 25. c. 2.* sic habetur. *Nemini Regularium tam Virorum, quàm Mulierum liceat bona immobilia, vel mobilia cuiuscumque qualitatis fuerint, etiam quouis modo ab eis acquisita tanquam propria, aut etiam nomine Conuentus possidere, vel tenere, sed statim ea Superiori tradantur, Conuentuique incorporentur.* Sunt etiam alia Decreta Pontificum circa hoc, de quibus infra.

7 Nec solum tenentur Religiosi quomodolibet nō habere proprium, aut seruare Paupertatem, sed etiam specialiter viuendo vita

vita communi in victu, vestitu, lectisternijs, & alijs, dispensatis, & distributis à Superiore, inspectis ætatibus, & necessitatibus singulorum. Ratio est, quia licet sine tali vita communi possit observari simpliciter Votum Paupertatis, cum substantialiter in eo consistat, ut non habeatur dominium alicuius rei temporalis, aut usus ipsius sine licentia Superioris. Navarrus *comment. 3. de Regularibus num. 25.* Thomas de Iesu *super cap. non dicatis 4. par. cap. 3.* nihilominus tamen Ecclesia à Spiritu sancto edocta videns, quod sine prædicta vita communi difficilè observari possit Paupertas religiosa, ideo omnibus Religiosis istum specialem modum Paupertatis, qui in vita communi consistit observandum præscripsit. Primò in Conc. Trid. in loco supra adducto, ubi postquam dixit. *Nemini Regularium, tam virorum, quàm mulierum liceat bona immobilia, vel mobilia cuiuscunque qualitatis fuerint, etiam quovis modo ab eis acquisita, tanquam propria, aut etiam nomine Conventus possidere, vel tenere; sed statim ea Superiori tradantur, Conventuique in corporentur:* Subiungit immediatè. *Nec deinceps liceat Superioribus bona stabilia alicui Regularium concedere, etiam ad usumfructum, vel usum, administrationem, vel commendam. Administratio autem bonorum Monasteriorum, seu Conventuum, ad solos officiales eorundem, ad nutum Superiorum amovibiles, pertineat. Mobilium verò usum ita Superiores permittant, ut eorum suppellex statui Paupertatis, quam professi sunt, conveniat. Nihilque superflui in ea sit; nihil etiam, quod sit necessarium, eis denegetur.* Quod decretum iuxta hoc intentum intellexit Concil. Mediol. *parte tertiâ. de Comm. Vit. usu.* Loquens de Monialibus sic inquit. *In omnibus Monasterijs, quoad cibum, potum, somnum, vestitum, ceterasque res attinet, omnes communiter vivant, ut à Sancto Concil. Trident. decretum est.* Et Concil. Camerac. *t. de Monach. cap. 9. & 10.* dicens: *Cum Sacrosancta Synodus Tridentina præceperit ea, quæ ad communem vitam, victum, & vestitum pertinet fideliter observari: mandat hæc Synodus omnibus Religiosis, ut diligentissimè Paupertatis Votum, tanquam ineffabilis cuiusdam, & dulcissima quietis causam custodiant: neque proprietatis vitio violent. Caveant igitur ne quid sibi ita retineant, vel retinere desiderent, ut communitati nolint esse commune, neque ad peculiare usus eo utantur sine Superioris consensu.* Thom. de Iesu *ut sup. cap. 2.*

8 Secundò ex Clem. VIII. in decretis pro Reformat. Regul. quæ habentur inter Bullas huius Pontificis in 3. tom. *Bullar. num. 60.* & nuper approbata, & innouata sunt à Sacra Congreg. Concil. autoritate S. D. N. Papæ Urbani Octavi in *Decr. de Apostat. &*
Etc-

Eiectis per hæc verba . Quò Tridentini Concil. Decreta de Paupertatis Voto custodiendo fidelius obseruentur, præcipitur, ut nullus ex Fratribus, etiam si Superior sit, bona immobilia, vel mobilia, aut pecuniam, prouentus, census, eleemosynas, siue ex concionibus, siue ex lectionibus, aut pro Missis, tam in propria Ecclesia, quàm ubicumque celebrandis, alioud ipsorum iusto labore, & causa, & quocumque nomine acquisita, etiam si subsidia consanguineorum, aut piorum largitiones, legata, aut donationes fuerint, tanquam propria, aut etiam nomine Conuentus possidere possit : sed ea omnia statim Superiori tradantur, & Conuentui incorporentur, atque cum cæteris illius bonis, redditibus, pecunijs, ac prouentibus confundantur, quò communis inde victus, & vestitus omnibus suppeditari possit . Neque Superioribus quicumque illi sint, vllò pacto liceat, eisdem Fratribus, aut eorum alicui bona stabilia, etiam ad vsumfructum, vel vsum, administrationem, aut commendam, etiam depositi, aut custodiæ nomine concedere . Eorum verò, quæ ad necessitatem concessa erunt, nullus quicquam possideat, ut proprium, neque ut proprio utatur . Qui in præmissorum aliquo deliquerit, pœnas nedom à Concilio Tridentino præscriptas, sed alias quoque multò grauiores, Superiorum arbitrio imponendas, incurrat . Nulla quæcumque Superiorum dispensatio, nulla licentia, quantum ad bona immobilia, vel mobilia, fratres excusare possit, quominus culpa, & pœna ab eiusdem Concilij Decretis imposita, & ipso factò incurrenda, obnoxij sint, etiamsi Superiores asseuerent butusinodi dispensationes, aut licentias concedere posse, quibus in ea re fidem minimè adhiberi volumus . Fratrum vestitus, & suppellex cellarum, ex communi pecunia comparetur, & omninò uniformis sit Fratrum, & quorumcumque Superiorum, statuiq; Paupertatis, quam professi sunt, conueniant : ita ut nihil superflui admittatur, nihil etiam, quod sit necessarium, alicui denegetur . Quæcumque Fratrum vestes, siue laneæ, siue lineæ, omnisque alia suppellex in aliquem commodum Conuentus locum deferantur, ibiquè ab vno, vel duobus Fratribus huic muneri deputatis diligenter custodiantur, ut inde Superioris arbitrio, prout unicuique opus fuerit, subministrari opportunè possint .

9 Neque audiendi sunt aliqui dicentes mentem Concilij, Summorum Pontificum, & SS. Congregationum, eam solummodò esse, quòd Religiosi nihil habeant inamouibile, & independens à voluntate Superiorum, non verò quòd non possint habere quæcumque bona siue mobilia, siue immobilia, amouibiliter tamen, & dependenter à voluntate Superiorum . Hæc enim doctrina non solum est contra praxim Monasteriorum, & Regularium,

D

refor-

reformatè viuentium , sed nec stat vilo modo cum verbis Concilij , Pontificum , & S. Congregationum , quin potius inuenta videtur ad illudendum ipsa , & illaqueandas animas Regularium . Intentum enim Ecclesiæ , nisi cæci esse velimus , in his , & alijs testimonijs , non solum est quòd Religiosi nihil habeant independentè à voluntate Prælatorum , (hoc enim intrinsecum est , & essentiale naturæ Voti Paupertatis , neque erat necessarium illud præcipere ,) sed , vt dicitur in prædictis Decretis , quòd omnia quæ Religiosi quomodocumque adquisierint *statim ea Superiori tradantur , Conuentuique incorporentur* , ac cum alijs ipsius bonis *confundantur* , ita vt administratio illorum tam in recipiendo , quàm in retinendo , seu expendendo *ad solos Officiales Monasteriorum* , non ad ipsos Religiosos priuatim , pertineat , vt inde *communis victus* , & *vestitus omnibus suppeditari possit* , non obstante quacunque licentia , seu dispensatione Superiorum . Vide dicenda inferius à n. 21 . Vbi etiam dicitur , an in aliquo casu , quando scilicet Monasteria de necessarijs non prouident Religiosis , liceat oppositum , non obstantibus Decretis adductis .

10 Vt verò vita hæc communis exactius obseruetur , in *Monasterijs* , & *Domibus tam virorum , quàm mulierum , bona immobilia possidentibus , vel non possidentibus , is tantum numerus constitutur , ac in posterum conseruetur , qui , vel ex redditibus proprijs monasteriorum , vel ex consuetis elemosynis commodè possit sustentari* . Ita ad Verbum in Conc. Trid. sess. 25. de Regular. cap. 3. Quod idem de Monialibus statutum fuerat in c. unico §. sanè de statu Regular. in 6. Et in Constitutione Pij V. Ann. 1566. quæ incipit: *Circa pastoralis officij* . Idem quoque tam de Monasterijs virorum , quàm mulierum determinatum fuit in Conc. Arelatenfi 4. cap. 8. & in Mogunt. cap. 19. Et à Clem. VIII. in decretis adductis supra numero præcedenti , approbatis , & innouatis à S. Congregatione Concilij iussu SS. D. N. Urbani VIII. per hæc verba . *In vno quoque Conuentu Fratrum is tantum deinceps constitutur , & in posterum retineatur numerus , qui ex redditibus illius proprijs , vel ex communibus consuetis , vel etiam singulorum elemosynis , alijsve quibuscunque obuentionibus , in commune , vt præfertur , conferendis , commodè possit sustentari* . Idem etiam præcipitur à Paul. V. in Bulla Sanctissimus in Christo Ann. 1605. Vbi etiam præcipit Superioribus Religionum sub pœnis grauissimis , vt habita ratione introituum , & expensarum per decem Annos , cuicunque Conuentui prædictus certus numerus Fratrum , qui commodè possit sustentari tantummodò præfigatur , & infra Annum omnia hæc in authenticam formam redacta ad S. Congregationem Re-

forma-

formationis mitterent . Tandem S. Congregatio Concilij *in decretis de celebrat. Missarum nu. 7.* Idem præcipit observandum, auctoritate SS. D. N. Papæ Urbani VIII. Ratio verò huius tam Sanctæ legis ea est, ne ob multitudinem Religiosorum, qui commodè in vno Monasterio, sustentari non possint, cogantur, vel vitam communem relinquere, vel à Monasterijs abesse, vel pluræ stipendia Missarum, quàm illa, quibus satisfacere possunt, recipere, vel tandem cum sæcularibus implicari, nimium rebus temporalibus acquirendis addicti. Vnde hoc præceptum sine dubio obligat ad mortale, vt pote de re grauissima, valdeque necessaria statui Religioso . Sanchez *lib. 7. in Decalog. cap. 23. per totum* . Thom. de Iesu *in cap. non dicatis par. 4. cap. 6.* Addit verò Sanchez *num. 6.* posse excusari Prælatos plures admittentes, si iusta causa subsit. Quod non concederem, nisi valde rationabilis talis causa esset.

11 Religiosus dicens aliquid esse suum, v. g. mea vestis, meus liber, secundum aliquos peccat mortaliter, secundum alios non. Veritas est, quòd si id dicat intendens se habere dominium illius rei, vel vsum independentem à Superiore, & mentitur, quia dicit falsum, & peccat peccato proprietatis, quod opponitur Paupertati. Grassis *2. par. decis. lib. 3. cap. 19. num. 8.* Si autem solum velit dicere illam rem esse suam quoad vsum dependentem à voluntate Prælati, nullo modo peccat, neque contra veritatem, neque contra Paupertatem. Nauarr. *comm. 2. num. 1. de Regular.*

12 Peccat etiam Religiosus peccato proprietatis, tenens, retinens, aut possidens quamcumque rem sine licentia sui Superioris, etiam si talis res, sit ex illis, quæ vsu consumuntur. Ratio est, quia per Votum Paupertatis astringitur ad non exercendum actum aliquem proprietatis. Est autem præcipuus actus proprietatis tenere, possidere, aut retinere aliquid sine licentia Superioris. Maior. *in 4. dist. 38. q. 9.* Azor. *to. 1. Instit. lib. 12. c. 12.*

13 Similiter nec possunt habere, etiam de licetia suorum Superiorum, Religiosi, aliquid superfluum, aut non necessarium naturæ, aut personæ, aut statui. Ratio est, tum quia secundum tutiorem sententiam Theologorum non possunt sæculares habere superflua, quanto minus Religiosi Paupertatem professi. Tum, etiam, quia Votum Paupertatis solum permittit ea, sine quibus vita transigi non potest. Siluest. *verb. Religio 6. quæst. 7. Valent. to. 3. disput. 10. q. 4.* Tum præcipue, quia Prælati non possunt talem licentiam concedere, & lethalter peccant concedendo. Cum enim non sint Domini, sed dispensatores debent prudenter suam potestatem exercere. Vfus autem superfluus non potest

test esse secundum prudentiam. Nauarr. *comm. 2. de Regularib. nu. 21.* Thomas de Iesu *super cap. non dicatis par. 4. cap. 7.* Imò credo peccare peccato proprietatis tam Religiosos habentes superflua, etiam cum licentia Superiorum, quam Superiores talem licentiam concedentes. Quia ex vi Voti Paupertatis sicut astringuntur Religiosi ad non habendum nisi necessaria secundum decentiam status, sic etiam Prælati ad non dispensandum nisi eodem modo. Nauarr. & Thom. de Iesu *ut supra.* Bartholomæus à S. Fausto *in opusc. de vitio proprietat.* Prælato autem dicenti se posse concedere licentiam Religioso ad habendum superflua, non est credendum. Ita declarauit S. Cõgregatio Eminentiss. Cardin. Quarant. *in Summ. Bull. verb. cas. reseruat. fol. 157.* Bartholomæus à S. Fausto *ut sup.* Si autem non constat de excessu, & superfluitate standum est iudicio Prælatorum. Quia in dubijs stare debent subditi sententiæ suorum Prælatorum. Iidem Authores *ut supra.* Habere tamen Religiosum picturas sumptuosas, tapetes mundaños, specula inaurata, raritates Indicas, horologia, statuas, & alia monilia huiusmodi sine dubio est graue peccatum. Cum moraliter loquendo non possint non esse superflua ista. Lancillottus *in gnom. Vita Relig. lib. 2. sect. 3. art. 5.* Idem dici debet si Religiosus haberet res non convenientes statui Religioso, ut puta arma, vestes pretiosas, aut curiosas, & alia huiusmodi. Propter similem rationem. Hieronym. Gratian. *Discipl. Regul. par. 2. capite 8. §. 3.*

14. Vt vero hæc, & alia inferiùs dicenda magis elucescant placuit declarationes Eminentiss. Cardinalium S. Congreg. afferre, quæ sunt sequentes. *Quaritur primò, An ex dispensatione inferiorum à Summo Pontifice liceat Regularibus possidere, vel tenere agros, annuos redditus, aliaque bona, immobilia videlicet, & mobilia superflua, non obstante decreto Concilij sess. 25. de Regular. c. 2.* *Secundò, An propter talem dispensationem, seu scientiam Superiorum, possidentes, vel tenentes immobilia, vel mobilia superflua à culpa, vel à pœna excusentur?* *Tertiò, An Superioribus assueuerantibus huiusmodi se licentias posse concedere fides adhibenda sit.* *Quartò, An Superiorum arbitrio, & præfinitioni stare debeant Regulares quoad mobilia superfluitatem, & convenientiam?* *Quintò, An Superiore quantumuis requisito necessaria suis Regularibus negante, vel subtrahente, liceat ipsis clam, vel inuito eo, illa sibi comparare, seu retinere?* *Sextò, Et quatenus liceat, an ibidem liceat, cum necessaria idèò negantur, vel subtrahuntur, quia Monasterij facultates non suppetunt?* *Septimò, An dicti Superiores regulares dictum Capit. 2. declarare, & interpretare possint. Ad primum Congrega.*

gregatio Concilij respondit non licere. *Ad secundum non excusari neque à culpa, neque à pœna ipso facto incurrenda . Ad tertium minimè adhibendam . Ad quartum nisi de excessu arbitrij constiterit, utique stare debere, habita videlicet ratione Personæ, officij, & regula, statusque paupertatis, quam professi sunt, &c. qualitatam .* *Ad quintum non licere .* Hoc verò solùm intelligo de rebus non simpliciter necessarijs, pro quibus Vide dicenda num. 31. *Ad sextum licere, si præcisa necessitas sit ad individui sustentationem, ceterum communem penuriam ab omnibus percipiendam, usque adeo, ut si quid priuatim alicui delatum, vel ab ipso partum fuerit, id omne ad Superiorem rectè deferri oporteat, qui ex eo primum succurrat eius necessitati cuius intuitu illud obuenerit, si peculiari aliqua necessitate ultra communem prematur, reliquum Conuentui incorporetur, & in communem cedat utilitatem .* *Ad septimum non posse .* Vide Quarantam verb. *Casus reseruati* pag. 156. & Bartholomæum à S. Fausto de *Voto Paupert.* q. 193.

15 Nec potest Religiosus habere, aut prælatus ipsi permittere res pretiosas, v. g. vasa aurea, aut argentea, gemmas, annulos, vestes sericas, pretiosas picturas, scriptoriola curiosa, & alia huiusmodi. Primò ex *Clement. 5. de statu Monachor.* vbi illis interdicitur omnis cultus, & ornatus pretiosus . Secundò ex Concilio Trident. *sess. 25. cap. 2.* illis verbis *Mobilium verò usus ita Superiores permittant, ut eorum suppellex statui Paupertatis, quam professi sunt conueniat.* Tertiò ex decretis Clem. VIII. & Sanctiss. D. N. Urbani VIII. adductis illis verbis . *Fratrum vestitus, & suppellex cellarum ex communi pecunia comparetur, & omnino uniformis sit Fratrum, & quorumcunque Superiorum, statuique Paupertatis, quam professi sunt conueniat, ita ut nihil superflui admittatur, nibiletiam quod sit necessarium alicui denegetur.* Quartò ratione ex Voto Paupertatis petita, cum illud solùm petat necessaria secundum naturam, personam, & decentiam status, ac perinde excludat omnia ista pretiosa, omninò superflua. Nauarr. *Comm. 4. de Regular.* num. 27. Rodriguez *to. 3. q. 19. ar. 11.* Nec audiri possunt qui dicunt se illa possidere cum licentia Prælatorum . Cum enim hoc non solùm sit prohibitum iure positiuo ut constet, sed etiam iure naturali, scilicet natura Voti Paupertatis, nullus prælatus potest concedere talem licentiam, nec talis concessio esset dispensatio, sed dissipatio. Turrecremat. *cap. non dicatus* num. 4. Aluarus Pelagius *lib. 2. de planct. Eccles. cap. 64.*

16 In taxatione autem, seu dispensatione rerum necessariarum Religiosis attendenda est in primis necessitas naturæ, quæ est communis omnibus; deinde necessitas personæ, quæ est parti-

cularis in singulis, ut si est senex, vel iuuenis, sanus, vel infirmus, doctus, vel indoctus, delicata, vel debilis complexionis, &c. Similiter usus approbatus inter prudentes, & timoratos Religionis: ac tandem omnes circumstantiæ temporis, loci, officij, &c. Ratio est, quia si ad hæc omnia non attendatur non potest esse prudens dispensatio. Cordub. in *Regul. B. Francisc. cap. 6. quest. 1.* Thomas de Iesu in *cap. non dicatis par. 4. cap. 7.*

17 Religiosus etiam habens de licentia Superioris, qui fuit sui Conuentus, aliquid, & illud celans, & occultans præsentis Prælato ne videat, & auferat illud, est proprietarius. Ratio est, quia retinet aliquid contra voluntatem Superioris præsentis sui Monasterij, qui hic, & nunc est Superior verus ipsius. D. Antonin. 3. p. tit. 16. cap. 11. Grassi par. 1. Decis. lib. 3. cap. 5. num. 48. Imo generaliter loquendo Religiosus occultas à suo Superiori aliquid, quod possidet, vel non manifestans, quando Prælatus id interrogat, vel visitat cameram, vel præcipit ut fiat inuentarium rerum, quas possidet; peccat peccato proprietatis contra Paupertatem. Ratio est, quia sic faciens vult retinere aliquid contra voluntatem sui Superioris, quod est esse proprietarium. Cordub. in *Reg. D. Francisc. cap. 7. q. 4.* Mendoza in *quodlib. quest. 8. con. 4.* Imò etiam, propter eandem rationem, tenetur esse paratus ad dimittendum quicquid possidet, si id Superior præcipiat. Less. 2. de *Iust. cap. 4. dub. 5. num. 25. & cap. 41. dub. 9.* Nauarra 3. de *restit. cap. 1. par. 3. dub. 1.*

18 Habere peculium, siue redditus aliquos annuos, seu rem aliquam immobilem, dummodo hæc sint amobilia, & à voluntate Superioris dependentia, non est prohibitum Religiosis, neque ex natura Voti Paupertatis, nec ex vi iuris communis. Ratio primæ partis est, quia Votum Paupertatis solum excludit possidere, aut uti aliqua re independentem à voluntate Superioris. Ratio secundæ est, quia licet *cap. Ioannes de Regul. & cap. Monachi de stat. Monac. & cap. cum ad Monast.* prohibeatur Religiosis habere aliquod peculium, hoc tamen intelligitur, tum de peculio concessio sine rationabili causa, tum de peculio irrevocabili, & independenti à voluntate Superioris. Cuius signum est quòd dicto *cap. Monac.* permittitur Monachis peculium habere pro administratione iniuncta, & *cap. fin. Qui Clerici vel vouentes* approbatur professio Religionis sub conditione permanendi in propria domo cum omni sua substantia, quoad usum illius. Nauarr. *Com. 2. num. 14. & Com. 3. num. 27. de Regul. Azor. tom. 1. Instit. Moral. lib. 12. cap. 9. q. 2.* Cordub. in *Sum. q. 54. Op. 2.*

19 Nihilominus attentò nouo Iure Conc. Trid. & Summorum Pon-

Pontificum, non licet Religiosis habere annuos redditus, peculium, seu aliquam rem immobilem, etiam à voluntate Superioris dependentem, aut reuocabilem. Ratio est primò, quia sine dubio hæc fuit mens Concilij Trident. *sess. 25. cap. 2.* illis verbis. *Nemini Regularium liceat bona immobilia, vel mobilia cuiuscunque qualitatis fuerint, etiam quouis modo acquisita, tanquam propria, aut etiam nomine Conuentus possidere, vel tenere; sed statim ea Superiori tradantur, & Conuentui incorporentur.* Vbi pondero primò illud *etiam nomine Conuentus*, quo denotatur, nec Conuentum ipsum, aut Superiorem posse talem licentiam concedere. Secundò illud *statim ea Superiori tradantur, & Conuentui incorporentur.* Quid enim est incorporari, nisi confundi, aut misceri cum alijs bonis communitalis Conuentus, sine vllò discrimine peculij? Tertiò, quia intentum Concilij sine dubio fuit extirpare abusus, qui erant in aliquibus Religiosis ante ipsum Concilium, sed hic abusus non tantum consistebat, in hoc quòd Religiosi haberent peculium, aut annuos redditus independentes à voluntate Prælati, (quia hoc semper est, & fuit euidenter peccatum proprietatis) ergo præcipue in hoc, quòd haberent peculium, vel annuos redditus, etiam dependentes à voluntate Prælati. Vnde quartò id colligitur ex his, quæ subdit Concilium. *Nec deinceps liceat Superioribus bona stabilia alicui Regulari concedere, etiam ad vsum fructum, vsum, administrationem, vel commendam.* Quasi diceret, si ante Concilium hoc licebat, modò non liceat. Ac tandem quintò ita intelligunt Concilium, & obseruari ab omnibus Regularibus præcipiunt Summi Pontifices Clem. VIII. & Sanctissimus D. N. Urbanus VIII. in decretis adductis supra *num. 8.* Vnde clarè constat mentem Ecclesiæ esse tollere à Religiosis omne peculium, annuos redditus, & omnia bona immobilia. Molina 2. *to. de Iust. disp. 276.* Lessius 2. *de Iust. lib. 4. dub. 5.*

20 Hanc verò esse mentem Concilij Tridentini constat clarè ex declarationibus Sacre Congregationis supra *num. 14.* adductis. Quibus adiungo alias ad idem intentum. Primò enim, cum Domina Aldonza de Toledo, viro mortuo, facta fuisset Monialis, si-bique referuasset ducentos aureos annuos, interrogata Sacra Congregatione Cardinalium, an securè id posset facere? Respondit, esse contra Concilium illam Dominam annuos redditus apud se retinere, sed potius dandos esse Abbatisæ, quæ illius necessitatibus prouideret. Thom. de Iesu in *cap. non dicatis par. 4. cap. 5.* Deinde adiungo alias ex Quaranta in *Summ. Bull. verb. casus reseruat*, pag. 157. per hæc verba. *In aliquibus Monasterijs Monialium*

lium reperiuntur nonnulla Moniales, quæ census, & annuos quosdam redditus, & proventus, seu fructus percipiunt sub diuersis contractuum speciebus. Nam aliqua in ipsarum persona emerunt certos redditus à personis laicis. Aliquæ ab alijs Monialibus. Aliquæ ab ipsis Monasterijs. Aliæ vero dederunt pecuniam Monasterio, ut ex earum pecunijs fieret emptio nomine Monasterij ad rationem septem, vel octo pro centenariis, & Abbatissa dabant dictis Monialibus illos redditus, quos ex dictis emptionibus exigebant singulis annis. Aliquæ Monasterijs, seu eorum Superioribus certas pecuniarum summas manualiter pro Monasterij indigentis dederunt, pacto adiecto, vel etiam tacita conventionione adhibita, ut Monasterium, seu Abbatissa certos redditus ad rationem tot pro centenariis, eorum vita durante, concedat. Queritur, an huiusmodi casibus liceat Monialibus dictos redditus, fructus, & proventus percipere absque incurso proprietatis, vel potius tanquam proprietaria incurrant in pœnas per Conc. Trid. sess. 25. cap. 2. de Regularib. in proprietarios inflictas, etiam si de licentia Abbatissæ, & Abbatissæ nutu, vel Conuentus, seu Monasterij nomine percipiant. Congregatio Concilij censuit: In nullo supradictorum casuum licere Monialibus dictos fructus, seu redditus percipere, & si perciperint incidere in pœnas propositas decreto dicti. capitu. 2. sess. 25. de Regul. neque ab huiusmodi pœnis excusari ob licentiam Abbatissæ, quæ tam, dicti Concilij decreto, in supradictis casibus concedere quidem prohibetur, sed debet pro suo munere ex Monasterij redditibus, vel elemosynis, Monialium necessitatibus in dies subuenire. Quarantavt sup. 21. His tamen non obstantibus. In illis Monasterijs, in quibus, vel ob nimiam paupertatem, quæ premuntur, vel ob malitiam, incuriam, aut negligentiam Superiorum, non potest observari vita communis, dando singulis, & omnibus Religiosis ea, quæ sunt simpliciter ipsis necessaria secundum decentiam status; vel de facto non dantur, potest permitti Religiosis aliquod peculium, etiam rei stabilis, annuus redditus, vel census, &c. in ordine tantum ad vsus simpliciter necessarios, & amobileriter à voluntate Superiorum, si aliter commodè vivere non possint. Ducor ad id primò, quia cum habere ista modo prædicto non sit contra naturam Voti Paupertatis, aut iuris communis, ut vidimus num. 18. sed solùm contra præcepta Ecclesiastica Concilij Tridentini, & Summorum Pontificum, ut vidimus num. 19. præcepta autem, Ecclesiastica non obligent cum morali impossibilitate, qualis censetur esse in casibus propositis, videtur tunc non obligare prædicta præcepta. Ducor secundò, & est confirmatio præcedentis. Nam eatenus Concilium Tridentinum, & Summi Pontifices

fices post ipsum prohibuere Religiosis prædicta omnia , quatenus, vel supponebant Monasteria , vel Superiores ipsorum, concedere singulis Religiosis omnia necessaria, vel præcipiebant illis ut ita facerent, ut constat ex mente , & verbis ipsorum decretorum. Ergo in casibus à nobis propositis, in quibus, vel Monasteria non possunt ita de necessarijs providere, vel de facto non provident , cessat hæc lex Ecclesiastica . Ducor etiam ad id tertio, quo etiam declarantur præcedentia . Nam in prædictis Monasterijs, tam ipsa, quàm eorum Superiores , tenentur concedere Religiosis ea, quæ necessaria sunt ad vitam, & decentiam status. Pono ergo aliquem Religiosum ad hoc indigere viginti scutis . Tenetur ergo Monasterium, aut Superior ipsius totidem illi concedere . Si ergo hoc, vel ob Paupertatem Monasterij fieri non potest, vel ob malitiam , aut negligentiam Superiorum de facto non fit, si aliàs Religiosus non possit alio modo prædictæ suæ necessitati succurrere, nisi mediante aliquo peculio, aut re stabili, censu scilicet , aut annuo redditu , &c. poterit illi permitti peculium, aut res stabiles prædictorum viginti scutorum . Cum non sit quid maius hoc peculium viginti scutorum, quam ipsa viginti scuta, & totum hoc pendeat à voluntate Superioris, & propter subleuandum necessitatem Religiosi, cui alio modo subueniri non potest in prædictis Monasterijs , ut suppono . Hæc vero dixerim non ut abusus anam præbeam , sed ut timoratis conscientijs Religiosorum, qui in prædictis Monasterijs aliter viuere non possunt, satisfaciam. Valentia 2.2. disp. 1. q. 4. puncto 3. Vega 2. tom. Summ. cap. 32. cas. 19. Rodriguez 1. to. Sum. in 2. edit. cap. 90. nu. 9. conclus. 4.

22 Similiter in prædictis Conuentibus, in quibus non providetur Religiosis de necessarijs simpliciter ad vitam , & decentiam status, licita est aliquarum Religionum consuetudo , in quibus de bonis Monasteriorum certi annui redditus , aut certa portio pecuniarum, taxantur Religiosis. dum modò aliter sustentari non possint, & hoc sit ad vsus solùm necessarios , & dependenter à voluntate Superiorum . Propter rationes adductas supra num. 21. Præsertim , quia hoc non est aliud , quàm Superiorem applicare de bonis Monasterij necessaria Religiosis, quod sine dubio est licitum . Nauarr. comm. 3. num. 26. & 27. & 32. de Regular. Sanchez lib. 7. in Decalog. cap. 22. num. 14. Idem dico de administratione alicuius boni stabili, vel possessionis Monasterij, in prædictis casibus, & cum prædictis conditionibus . Propter easdem rationes. Grassi 1. p. decis. lib. 3. cap. 5. à num. 53.

23 Idem etiam dico, loquendo de prædictis Conuentibus, & ca-

sibus, & cum eisdem conditionibus, de depositis pecuniarum, quæ solent esse in aliquibus Monasterijs, ex his, quæ Religiosi adquirunt, aut Monasteria ipsis concedunt, ex quibus extrahuntur expendenda pro singulorum necessitatibus. Propter similem rationem. Ita Respondit Azor à quadam Religione de hoc interrogatus *ann. 1593. die 10. Maij.* In talibus autem Monasterijs, ubi à Superioribus assignantur Depositarii, id hoc quòd apud illos reponant Religiosi suas pecunias, si id non faciant, sed apud se retineant, peccant peccato proprietatis. Quia possident illas contra voluntatem sui Superioris, & contra decreta Summorum Pontificum afferenda infra *num. 25.* Quæ omnia constant ex decreto S. Congregationis Apostolicæ visitationis iussu SS. D. N. Urbani VIII. *die 13. Julij Ann. 1627.* pro Franciscanis Conuentualibus Monasterij SS. Apostolorum Romæ per hæc verba. *Pecunia verò, aliaque res quacunq; Fratrum intra viginti quatuor horas tradantur Superiori in commune Conuentus Aerarium, reponenda triplicique clauis custodienda, quarum una penes Guardianum pro tempore existentem, alia vero, alia penes duos alios Fratres singulo quoque anno per Conuentum eligendos conseruentur, ex quibus subministrato exhibitori, quantum Religiose eius necessitates (status, valetudinis, laborumque ratione habita) expostulare videbuntur, reliquum penes Aerarium remaneat, & arbitrio duarum ex tribus partibus Capituli, seu Congregationis Prouincialis singulis annis facienda erogetur.* Quo decreto videntur approbari prædicta deposita, positis tamen conditionibus à nobis adductis.

24 Similiter dico, loquendo de prædictis Conuentibus, & casibus, & cum eisdem conditionibus assignatis, non esse contra paupertatem, sed licitum, quòd ea, quæ Religiosi proprio labore, industria, aut donatione adquirunt, concedantur ipsis ad vsus necessarios, & honestos. Propter easdem rationes assignatas. Valentinia *to. 3. disp. 10. q. 4. punct. 3. Grassi p. 1. lib. 3. cap. 5. num. 55. 25* Semper tamen, etiam in prædictis Monasterijs, & casibus assignatis, seruari debet, quoad fieri possit, quòd pecuniæ, ex prædicto peculio, bono stabili, vel censu, provenientes, vel quas Monasterium ipsis Religiosis concessit, vel quas ipsi suo labore, aut industria adquisuerunt, vel ab alijs acceperunt, non possideantur, colligantur, aut expendantur ab ipsis Religiosis, sed à publicis Officialibus Monasterij ab ipso ad id munus designatis. Primò, quia id maximè videtur intendere Concil. Trid. *sess. 25. cap. 2.* dicens: *Administratio autem bonorum Monasteriorum, seu Conuentuum ad solos Officiales eorundem ad nutum Superiorum amouibiles pertineat.* Secundò, quia id expresse prohibent Clement,

ment. VIII. & SS. D. N. Urban. VIII. in decretis adductis supra num. 8. illis verbis . *Nullus ex Superioribus locorum, administrationem bonorum, aut altarum rerum, dispensationemq; pecuniarum, & reddituum sui Conuentus, etiam nomine Conuentus, per se ipsum habere, siue exercere possit; sed vniuersum id onus tribus Fratribus eiusdem Conuentus, à Generali ita demandetur, ut onus rerum, & bonorum, reddituumq; colligendorum, ac exigendorum curam habeat; alter tanquam depositarius, pecunias, ac cetera ab illo collecta, & exacta fideliter asseruet: alius de pecunijs, & rebus à Depositario acceptis Priori, & Fratribus, ac Conuentui vniuerso de necessarijs, mandante tamen ipso Priore, non secundum proprium affectum, sed iuxta charitatis regulam veluti bonus dispensator provideat, officiorum huiusmodi confusione penitus interdicta. Caterum hi tres tam impensi, quam accepti singulis mensibus Superiori locali, adhibitis etiam duobus, vel tribus fratribus eiusdem Conuentus probatoribus, rerumq. usu peritis, rationem reddant. Deinde ipsimet rursus, presentibus Priore, & peritis prædictis, Generali cum aduenerit: denique ipse Generalis, in quolibet proximo Capitulo Generali saltem coram tribus Iudicibus, ab ipso Capitulo ad hoc constitutis, illorum omnium, vniuersamq; sue administrationis tam publicam, quam priuata rationem reddere teneatur, cuius etiam exemplum autenticum ex actis Capituli describatur, ad hoc ut ad omne mandatum nostrum, vel Sedis Apostolica Romam transmitti possit. Quod etiam antea ordinatum fuerat à Pio V. in motu proprio, Ad extirpandos Ann. 1568. edito pro Minoribus Conuentualibus S. Francisci. Tertiò, quia alias non saluaretur illa confusio, & incorporatio bonorum Religiosorum cum bonis Monasteriorum, quam Concilium, & prædicti Summi Pontifices intendunt. Præsertim, quia si huiusmodi bona pendeant hoc modo quoad administrationem solùm ab Officialibus Monasterij, non solùm tollitur occasio proprietatis Religiosis; sed etiã censentur esse in potestate Superioris, & ex eius voluntate administrari, quod maxime etiam Concilium, & Pontifices intendunt. Sorbus in compend. priuileg. mendic. verb. paupertas ad finem. Nauarra lib. 3. de restit. cap. 1. par. 1. in noua edit. dub. 1. num. 161. Lessius 2. de iustit. cap. 4. dub. 5. num. 31.*

26 Numquam tamen potest Superior concedere Monacho aliquam rem, quæcunque illa sit, ad vsum irrevocabilem. Ratio est, quia hoc est esse directè proprietarium, cum de essentia paupertatis sit nihil habere nisi dependenter à voluntate Superioris. Ludouic. Lopez 1. par. Instruct. cap. 154. Cordub. in Summ. q. 54. notab. 2. Qui etiam bene addunt nec Summum Pontificem posse hanc

hanc licentiam Religioso concedere, nisi cum ipso dispenſet in Voto Paupertatis. Propter eandem rationem. Sanchez *lib. 7. in Decalog. cap. 17. num. 29.* Veleſtiam niſi fortè Pontifex auferat Superioritatem omnium aliorum Prælatorum Religionis, & veleſt peculium illud Religioſo conceſſum ſolùm eſſe reuocabile ab ipſo. Cordub. *in Summ. q. 54.* Nauarrus *conf. 47. de Regul. nu. 1. & 3.* Vnde Religioſus, qui accepit aliqua à Pontifice, tenetur manifeſtare ſuo Superiori. Quia ſemper eſt credendum Pontificem velle ſeruari iura Ordinis. Niſi conſtet ipſum concedere illa ſolùm dependenter à ſe, tanquam à Superiore Religionis: quia tunc non poteſt dici Religioſum poſſidere aliquid contra voluntatem ſui Superioris, cum illud poſſideat voluntate Papæ, qui eſt ſupræmus Superior Religionum. Vide dicenda *num. 41. & 42.* & Auguſtinum Barboſam *de Canonis. & dignitat. cap. 1. nu. 24.* Si autem Superior conceſſit aliquid Religioſo promittens ſe non reuocaturum, ſi reuocat, tenet reuocatio, eò quòd vitur iure ſuo, peccabit tamen contra promiſſionem, quia non ſtat promiſſis. Silueſt. *verb. Abbas q. 4. num. 7.* Nauarr. *lib. 3. Conſil. in 1. edit. tit. de Regular. conf. 20. & in 2. tit. de Stat. Monach. conf. 14. 27.* Peccat etiam ſemper Religioſus contra Votum Paupertatis, ſi Superiori volenti ea, quæ illi conceſſa ſunt, auferre, reſiſtat, aut ſi non ſit paratus ad eius nutum ſe illis abdicare. Ratio eſt, quia tunc eſt manifeſta proprietas, cum velit aliquid tenere, aut poſſidere contra voluntatem ſui Superioris. Nauarra *lib. 3. de reſtit. cap. 1. par. 3. in noua edit. dub. 1. num. 160. & 161.* Leſſius *2. de iuſt. cap. 4. dub. 5. num. 31. & 32.*

28 Similiter eſt propriarius ille Religioſus, qui cellam, quam proprijs expenſis, vel parentum, aut conſanguineorum conſtruxit, non vult dare alij, cui illam concedit Superior, vel non eſt paratus illam relinquere ad nutum Superioris. Propter eandem rationem. Graſſis *lib. 2. decif. lib. 3. cap. 19. num. 27.*

29 Poteſt Religioſus, ſaltem ex licentia Pontificis, facere profeſſionem ſub hac conditione, quòd poſſit habere aliquod peculium, ſolùm quoad uſum facti. Ratio eſt, quia hoc non repugnat eſſentix paupertatis, vt vidimus ſupra *num. 18.* cuius ſignum eſt, quòd *in cap. ſin. qui clerici, vel vouentes*, approbatur ſimilis profeſſio. Sanchez *lib. 7. in Decalog. cap. 22. nu. 24.* Nauarr. *comm. 2. num. 16 de Regularib.* referens ſe ita conſuluiſſe, & permiſiſſe Pium V. cuidam nobili ſæminæ. Similiter Nouitius profeſſionem facturus, qui erat uſufructuarius per vitam aliquorum reddituum, vel multa bona reliquit Monafterio, poteſt illud obligare, vt ſibi ſoluat quotannis aliquam pecuniam, vel illum uſufructum pro ſuis

fuis necessitatibus, cum conditionibus tamen afsignatis supra à num. 21. & pro Conuentibus, de quibus ibidem loquimur. Propter eandem rationem. Laurentius de Peirinis to. 1. de subdito q. 2. de paupertate cap. 2. §. 1. Vide dicta cap. 2. num. 26.

30 Ex vi Voti Paupertatis obligantur Religiosi ad nō recipiēdū aliquid à quocumque sine licentia Superiorum, ita vt sine tali licentia aliquid accipientes peccent peccato proprietatis. Ratio est, quia accipere aliquid independenter à voluntate Superioris est actus proprietatis. Vnde ita est illis prohibitum ab Ecclesia in cap. Cum ad Monasterium de stat. Monac. illis verbis. *Si cuiquam aliquid fuerit specialiter designatum, non presumat illud accipere, sed Abbati, vel Priori assignetur.* Mendoza in quodlib. q. 8. conc. 5. Rodrig. to. 3. q. 29. art. 10. Extenditur hoc etiam respectu domesticorum, aut aliorum Religiosorum eiusdem Ordinis. Propter eandem rationem Less. 2. de Iustit. & Iur. cap. 41. dub. 9. num. 79. Azor. to. 1. In st. mor. lib. 12. cap. 12. q. 7. Extenditur etiam ad Religiosum recipientem aliquid ab aliquo, quod apud se non retinet, sed deponit apud alium, & vtitur eo ad suum libitum. Quia totum hoc est actus proprietatis, si non fiat de licentia Superioris. Sanch. lib. 7. in Descalogum cap. 19. num. 48. Extenditur ad res quoque comestibiles. Quia cum illæ sint quoque pretio æstimabiles, accipere illas, sicut & retinere, sine licentia Superiorum, est actus proprietatis. Idem Sanchez vi sup. nu. 53.

31 Quando tamen Superiores, vel Monasteria non dant Religiosis ea, quæ sunt necessaria simpliciter ad vitam, quia vel non possunt, vel nolunt, possunt ipsi Religiosi accipere taliter sibi necessaria, si sibi cōcedantur, tū ab alijs Religiosis sui Ordinis, quā etiam ab extraneis, etiam sine licentia suorum Superiorum, & ip-sis inuitis. Ratio est, quia in tali casu Superiores iniuste negarent talem facultatem, cum non possint cogere subditos, vt careant necessarijs simpliciter ad vitam, nec ipsi ad hoc se obligauerint per professionem. Possūt ergo vti iure suo, sibi taliter concessa, accipiendo, imò, & postulando. Rodrig. 2. to. Sum. cap. 31. num. 6. Valent. 2. 2. disp. 10. q. 4. Imò etiam quando Conuentus commodè prouideri potest de simpliciter necessarijs, & Prælati malitiosè nolunt ea concedere, nō solum peccant grauiter, tales Prælati, quia præbent causam peculijs, (Siluester Verb. Religio 6. q. 7.) sed etiam tunc licitum est Religiosis vsurpare sibi simpliciter necessaria ad vitam, etiam inuitis Superioribus. Propter eandem rationem, qua supra. Nauarra lib. 3. de Resit. cap. 1. par. 3. dub. 3. Sairus in Claus. reg. lib. 9. cap. 16. Animaduertant tamen Religiosi, ne sub prætextu necessariorum simpliciter ad vitam, minus

minus necessaria etiam exquirant : ex Voto enim Paupertatis carere debent rebus aliquo modo necessarijs. Vnde usurpans sibi à Monasterio res non simpliciter necessarias peccat contra Paupertatem, quia vitur re sine vlla licentia, etiam præsumpta, sui Superioris, & etiã peccato furti, quia usurpat vsum rei, rationabiliter inuito vero domino ipsius. Petrus Navarra *lib. 3. de restit. cap. 1. num. 195.* Molina *disput. 276. & 140.* Vide dicta de declaratione S. Congregat. circa hoc supra *num. 14. ad 5. dubitationem.*

32 Si Religiosus seculari volenti illi dare aliquas pecunias dicat, quòd eas ponat in depositum apud alium, vt illis vtatur de licetia sui Superioris, & dominium illarum maneat apud secularem, non erit proprietarius. Ratio est, quia in tali casu non acquirit dominium, aut proprietatem talium pecuniarum, nec etiam vsum Iuris, sed solum vsum facti ex licentia Superioris, quod non repugnat Voto Paupertatis. Diu. Bonauent. in *Exposit. Regul. Min. cap. 4. & in questionibus q. 25.* Sanch. *lib. 7. in Decal. cap. 19. num. 50.* Vide infra *num. 48.*

33 Similiter Religiosus, qui furatur aliquid, & illud tradit Monasterio, vt vtatur illo cum licentia Superioris, licet committat peccatum furti, sed non proprietatis. Cum talis rei non acquirat sibi dominium, aut vsum sine licentia Prælati. Nauarrus *lib. 3. Consil. in prima edit. t. de Regul. consil. 75. num. 40. & in 2. t. de statu Monac. consil. 3. num. 40.* Sanchez *lib. 7. in Decal. cap. 19. num. 55.*

34 Si Religioso relinquatur aliquod legatum ea conditione, vt ad ipsum tantum, non autem ad Conuentum pertineat, credendum est testatorem solum velle vsum illius rei pertinere solum, ad Religiosum, & non ad Monasterium. Ratio est, quia voluntas testatoris semper est seruanda omni meliori modo, quo fieri possit, cum autem voluntas relinquentis hoc legatum non possit seruari quantum ad hoc, quòd Monachus acquirat dominium, aut proprietatem illius, quia hoc est contra Votum Paupertatis, solum erit seruanda modo dicto. Molina *tom. 1. de Iust. disput. 140. colum. 9.* Azor. *tom. 1. lib. 12. cap. 10. q. 3.* Si autem testator expressè ponat hanc conditionem, vt scilicet dominium, & proprietates talis legati solum pertineat ad Monachum, valebit legatum, & talis conditio habetur pro non adiecta. Ratio est, quia conditiones turpes adiectæ legatis non vitiant, sed vitiantur, ac proinde habentur pro non adiectis, hæc autem conditio est turpis, & sacrilega vt pote contra Votum, Paupertatis. Sanch. *lib. 7. in Decalog. cap. 17. num. 12. cum alijs.* Si vero Testator ultra procedat

cedat, & dicat se velle, quòd illud legatum pertineat solùm, & quoad dominium, & proprietatem ad Monachum, & non ad Monasterium, & quòd si secus fiat, pertineat ad alium extraneum, tunc tale legatum est validum pro Conuentu. & illa conditio habetur pro non adiecta. Ratio est, quia adiectio pœnæ actui interdicto est ipso iure nulla *leg. unica in fin. C. de his qua pœna nomine relinquuntur*, hic autem apponitur pœna actui malo, & per consequens interdicto, quale est quod Religiosus habeat propriũ. Ergo est nulla talis adiectio pœnæ, & habenda pro non adiecta. Silu. v. *Religio. 6. q. 7. dic. 3. Corduba in Sum. q. 154. Sanch. vt sup. num. 17.*

35 Religiosus, qui ex eo quod alteri ad vsum concessum est; clam sibi aliquid assumit, v. g. librum, vestem, imaginem, &c. peccat peccato proprietatis. Ratio est, quia sine consensu Superioris assumit sibi aliquid alteri destinatum. Azor. *to. 1. Instit. lib. 12. cap. 12. Llamas 3. p. Summ. cap. 9.* Si tamen constaret aliquem Religiosum habere aliquid superfluum, & contra voluntatem sui Superioris, & alius indigeret tali re, nec aliter subuenire posset suæ necessitati: si illam ab illo acciperet, non peccaret contra paupertatem. Ratio est, quia in tali casu debet præsumi voluntas Superioris, quòd talis res superflua vni, applicetur alteri indigenti. Attendendum tamen est, ne inde sequantur scandala, notæ, suscipiones, querelæ, & alia huiusmodi, quæ euenire solent.

36 Similiter Religiosus recipiens aliquid, quod Superior præcepit, aut nõ vult recipi nisi ab alio Religioso, vt qui recipit Missarum stipendia, quæ Prælatus non vult recipi nisi à Sacrista, vel Procuratore, peccat peccato proprietatis, etiamsi dicat tales Missas. Eò quòd recipit aliquid contra sui Superioris beneplacitum. Hieronym. Gratian. *in Discipl. Regul. 2. par. cap. 8. §. 3. Vide dicenda cap. 21. num. 4.*

37 Religiosus acceptans donationem, aut legatum absque licentia sui Superioris peccat. Ratio est, quia vel acceptat sibi, vel Monasterio; si sibi, est proprietarius; si Monasterio, si ad hoc non habet consensum saltem implicitum, vsurpat auctoritatem illius. Sanchez *lib. 7. in Decalog. cap. 31. num. 34.* Talis tamen acceptatio, si est in fauorẽ Monasterij tenet, quia semper præsumitur voluntas Monasterij, & Ecclesiæ, in illis, quæ cedunt in ipsius vtilitatem. Nauarr. *Comm. 2. num. 32. de Regular.* Azor. *to. 1. Instit. mor. lib. 12. cap. 12. q. 2.*

38 Religiosa recipiens aliquid ab aliquo ob inhonestum finem, (& idem dico de Religioso aliquid eodem modo à famina recipiente) non solùm peccat contra Castitatem ob periculum transgre-

grediendi hoc Votum, sed etiam contra Paupertatem. Eò quòd recipit aliquid contra voluntatem, & licentiam legitimam sui Superioris, quæ non potest esse in prædicto casu. Hieronymus Gratian. *de Discipl. Regul. 2. p. cap. 8. §. 3.*

39 Religiosus accipiens sine licentia sui Superioris aliquid à seculari, vt illud det pauperi alicui à seculari determinato, illique dans non peccat contra Paupertatem. Ratio est, quia in hoc casu se habet instar ministri, seu famuli non habentis dominium, aut administrationem, aut vsum iuris talis rei. Sanchez *lib. 7. in Decalog. cap. 30. num. 2.* Addit ipse à *num. 3.* nec etiam peccare contra Paupertatem, quando secularis dans talem eleemosynam non designat pauperem, cui dari debet, sed hoc remittit arbitrio Religiosi. Sed probabilius est, in hoc casu peccare Religiosum contra Paupertatem. Quia in eo habet se sicut administrator talis eleemosynæ, siquidem potest illam dare cui voluerit, quando, & quantum voluerit, quod est habere administrationem talis rei. Hoc autem est prohibitum Religiosis ex vi Voti Paupertatis, maximè sine licentia Superioris. Lessius 2. *de Iustit. cap. 41. dub. 9. num. 78.* Si autem in hoc casu eleemosynam, quam accepit applicandam pauperibus, sibi, aut suo Monasterio, verè indigentibus, applicaret, non peccaret sic faciendo. Cum intentio dantis eleemosynam solum fuerit, vt supponimus, vt veris pauperibus applicaretur. Nauarr. *lib. 3. Consil. tit. de Mendic. conf. unico num. unico.* Rodriguez in *Summ. tit. 1. cap. 202. in 2. edit.*

40 Regula generalis est, quòd *Quidquid Monachus acquirit Monasterio acquirit*, vt habetur argumento *l. placet de adquir. bared. & cap. in presentia de probation.* Cum enim non sit capax dominij, nec etiam vsus, nisi dependenter à Monasterij voluntate, illi acquirit totum. Nauarr. *Comm. 1. de Regul. num. 23.* Si verò Monasterium non est capax dominij, vt si est Minorum de obseruantia, tunc dominium acquiritur Papæ, detentio verò, & vsus facti ad Monasterium. Thom. de Iesu *sup. cap. non dicatis par. 2. cap. 5.* Extenditur ad ea, quæ Religiosus proprio labore, & industria acquirit. Propter eandem rationem. Nauarrus *cap. non dicatis num. 40.* De iniustè vero acquisitis distinguendum est, aut enim iniustè aliqua acquisiuit, quæ non solum acquirere non potuit, sed nec possidere, vt si per furtum, aut vsuram aliquid comparauit, & hæc, nec sibi, nec Conuentui acquirit. Eò quòd illa tenetur restituere veris dominis. Aut verò iniustè acquisiuit aliqua, quæ iustè retinere posset, vt si (quod absit) Religiosa per fornicationem aliquid comparauerit, & hæc acquirit Monasterio-

rio. Eò quòd quāvis iniuste cōparata, nō tñ tenetur ad restitutionem. Sotus 4. *de iust. q. 7. art. 1.* Thomas de Iesu *ut sup. §. mihi verò.*

41 Etiam quando Religiosus ex legitima sui Superioris, aut etiam Papæ, licentia, viuit extra Monasteriū, acquirit ipsi, & Religioni. Cum adhuc maneant verus Religiosus, & per consequens sit eadem ratio de illo, ac de alijs. Molina *to. 1. de Iustit. disp. 140.* Sanchez *lib. 7. in Decal. c. 32. n. 60.* Qui etiam bene addunt bona talis Religiosi è vita decedentis pertinere etiam ad Religionem. Propter eandem rationem. Hodie tamen, si talis Religiosus extra Monasterium decedat, bona illius post mortem pertinent ad Cameram Apostolicam, nisi habuerit facultatem testandi, & testatus fuerit. Propter motū proprium Greg. XIII. *Officij nostri.* Azor. *to. 2. Instit. mor. li. 8. c. 3. q. 15.* Sanch. *li. 7. in Decal. c. 32. n. 61.* Vide d. n. 26.

42 Similiter Religiosus habēs pensionē Ecclesiasticam ex Pontificis indulto acquirit Monasterio, cū per talem pensionem non extrahatur à iurisdictione Religionis. Emanu. Sā *in Summ. verb. Religio n. 27.* Cui autem adquirāt Religiosi facti Episcopi, Cardinales, Abbates, vel Prælati aliarum Religionū dicimus *c. 17. n. 12.* Cui etiam adquirant Apostatæ, & fugitiui dicimus *c. 16. n. 20.* Cui verò Eiecti dicimus *c. 23. n. 13.*

43 Licitū est Religiosis sine præiudicio Voti Paupertatis mendicare, seu ex elemosynis medicatis viuere: Ita definitur in Cōc. Constant. *sess. 8.* & in Bulla Mart. V. & à Leo. X. contra errores Lutheri. Et ratio est, tum exemplo Apostolorū, tum quia ipsa mendicatio est actus humilitatis, & paupertati Religiosæ conformis. Th. Vuald. *li. 4. Doctrin. fidei c. 3. §. 4.* Castro *cōtra hares. verb. mendicatas.* Vnde Innoc. IV. dantibus elemosynas Carmelitis decem dies Indulgentiæ concessit. Alij etiam Pontifices similia fecerunt. *Speculum Ord. Carm. f. 64.* Vide etiam magnum priuilegium Sixti IV. pro Carmelitis, de quo Rodrig. *to. 2. quæst. Reg. q. 57. art. 7.* Per accidens tamen potest esse malum, & prohibet Religiosis mendicare. Primò si id faciant, vt otiosā, & inutilem transigant vitam, a quibus Religiosis non insistendo. Eo enim fine dantur elemosynæ Religiosis à secularibus, vt religiosam vitam gerant, & bonorum operum ipsorum participes fiant. Quo fine defraudantur si prædicto modo viuāt. D. Th. 2. 2. q. 187. ar. 4. Caiet. *ibid.* Ledesma 2. p. 4. q. 15. ar. 8. Vnde in tali casu peccant Religiosi elemosynas accipiendo. Quia debēt illas accipere animo gratificandi per sua bona opera, quod non faciunt. Valentia 2. 2. *disp. 10. q. 5. punct. 3.* Sanch. *li. 7. in decal. c. 24. n. 8.* Non tamen tenentur ad restitutionē. Eo quòd non peccant contra iustitiam, cum nullū pactum ineant cum dātibz illas elemosynas. Valent. *ut sup. Angles in florib. 1. p.*

traſt. de eleemoſ. q. 9. de mēdicat. diff. 5. Secundò etiā peccabunt per accidens Religioſi viuendo ex mēdicitate, ſi id faciant animo ag-gregandi opes, vel vt laute viuāt, vel talibus eleemoſynis non in-digeant. Pro quo vide dicta à nobis *in lib. de reſor. Reg. c. 16. & 17.*
 44 Pro hac etiam doctrina extat declaratio S. Congreg. Conci-lij, qua decernitur, *Fratres Ord. Mendicantium nequaquam poſſe ab Episcopis prohiberi, quo minus per ſe ipſos in Dioceſibus ubi habent Conuentus, eleemoſynas quarant, ſed tantum ſi extra loca, ubi Monaſteria exiſtāt, quaritare voluerint, teneri ſuorum Superiorum licen-tiam Ordinario oſtendere.* Vide Laurentium de Peirinis to. 1. de pri-
uileg. Minim. in conſt. 4. Sixti IV. §. 8. à nu. 40.

45 Poſſunt Religioſi ſuccedere vt hæredes in bonis temporalibus, quæ ad illos iure ſpectant, vel ipſis legantur. Tum quia hoc non repugnat voto paupertatis, cum non ſibi, ſed Monaſterio ad-quirant; tū quia ita cōceſſit Prædicatoribus, & Minoribus Clem. IV. in Bulla quæ incipit *Obſerua diuini numinis.* Tum quia ita col-ligitur ex *l. ſ. §. hoc etiā C. de episc. & cleric. & ex l. regia 2. tit. 3. p. 6.* Molina to. 1. de iuſt. diſp. 140. Sanch. lib. 7. in Decal. c. 26. Excipiūtur tamen ab hac regula fratres Minores de Obſeruātia, & Capuccini. Quia nulla ratione ſunt capaces ſucceſſionis hæreditariæ, ſicut neque in particulari, neque in communi poſſunt habere aliquod dominium, vt habetur in *clem. exiuit §. cū enim de verb. ſignificat.* Corduba in *Regul. D. Franciſci c. 6. q. 11. punct. 1.* Rodrig. to. 2. q. 78. ar. 2. Nec poſſūt capere hæreditatem vt eam vendant. Quia in di-cta Clem. exiuit dicitur nullatenus eſſe capaces hæreditatis. Ro-drig. vt ſup. Poſteſt tamen ipſis aliquid legari. Quia hoc eſt expreſſè definitum in *c. exijt §. ad hæc quia fratribus de verb. ſignific. in 6.* Rodrig. to. 2. q. 125. ar. 6. Sanch. lib. 7. in Decal. c. 26. à n. 9. vbi multa in ſequentibus. Aliæ quoque Religiones habent peculiaria iura circa hæreditates, de quibus Th. de Ieſu ſup. c. non dicatis p. 3. à c. 2.

46 Peccant Religioſi cōtra paupertatem peccato proprietatis expēdētes aliquid, etiā ex his quæ habēt ad vſū, ſine licētia ſuorū Superiorū. Hoc enim modo diſponere de rebus temporalibus eſt actus proprietatis. Valen. 2. 2. diſpu. 10. q. 4. pun. 3. Mendoza quod-lib. 8. con. 3. Idem dico ſi permutēt, mutuent, aut accōmodent, aut alio modo cōtrahāt de illis ſine prædicta licētia. Propter eandem rationē. Leſſ. 2. de Iuſt. c. 41. dub. 9. n. 79. Sanch. lib. 7. in Decal. c. 19. n. 65. Idem etiā dico, ſi bona ſibi à Superiore deputata ad certos vſus, in alios expēdāt ſine prædicta licētia. Propter eandē etiam rationem. Nauar. lib. 3. de Reſtit. c. 1. n. 183. Rodrig. 3. to. q. 29. ar. 6. Peccāt ſimiliter cōtra paupertatē nō adhibētes diligētīā, quam homines ſolent cōmuniter adhibere, in cōſeruandis rebus ſibi ad vſum

usum permissis. Quia nō conseruare illas modo dicto est quasi expendere, & consumere contra volūtatem sui Superioris. *Less. 3. de Iust. c. 41. dub. 9. n. 79. Sanch. l. 7. in Decal. c. 19. n. 115.*

47 Si tñ Religiosus alicui seculari volenti sibi dare aliquā rem, v. g. pecuniā, dicat, obsecro vt des tali cōsāguineo meo, etiā si id faciat sine licētia Prælati nō peccat cōtra Paupertatē. Ratio est, quia in isto casu nihil donat, aut expēdit, sed solū rogat secularē, vt donet id quod sibi dare volebat. *Sāch. li. 6. de Matr. disp. 4. n. 7. & lib. 7. in Decal. c. 19. n. 74. & 75.* Qui bene etiā addit, posse tunc peccare contra charitatē illū Religiosum, si absq; iusta causa non acceptauit, quod sibi dabat secularis, siquidē priuauit Monasterium illa re, aut pecunia, quæ ad ipsum pertinebat si acceptasset.

48 Similiter si Religiosus petat ab amico, vt ponat in deposito apud aliquē aliquas pecunias, vt ex illis subuenire possit suis necessitatibus, si id intēdat facere de licētia sui Prælati nō est propriarius. Cū nō adquirat dominiū, aut vsū taliū pecuniarū sine licētia Superiorū. *D. Bonauent. in Regul. c. 4. prope finē. Cordub. in Reg. D. Franc. q. 8. & 9.* Addit etiā idē D. Bonau. id verū esse, etiam si ille, qui pecuniā deponit, intēdat se statim priuare dominio illius, & trāsferre in Religiosū. Quia quandiu ille nō acceptat dominium, manet semper penes dantem pecuniam. *Thom. de Iesu sup. cap. non dicatis par. 3. cap. 5. Vide dicta num. 32.*

49 Multi volunt Religiosos dātes, aut recipiētes literas sine licentia Superiorū peccare cōtra Paupertatē. Hoc verò intelligo, quādo literæ, quæ dātur, vel accipiūtur, sunt pretio æstimabiles, vt si esēt, auratæ, vel miniatæ, &c. vel quādo sūt cōtra vtilitatē Monasterij, vel alicuius Religiosi, aut expenditur aliquid in illis dādis, vel recipiēdis, tunc enim sūt materia proprietatis. In alijs verò casibus solū erit peccatū cōtra obedientiam, si id fiat cōtra præceptū Superiorū. *Nau. l. 3. cōsil. de stat. monac. Cōs. 3. & cōm. 2. de Regul. Peirinis to. 1. de subdito q. 2. de paupertate cap. 2. §. 10.*

50 Religiosi etiā ludentes pro pecunia, vel re pretio æstimabili peccant cōtra Votū Paupertatis. Quia expēdūt res, quas habent ad vsū, & exponunt iacturæ illicitæ, quod est actus proprietatis. *Sanch. li. 7. in decal. c. 19. n. 76.* Ludētes autē gratia honestæ recreationis moderatā aliquā quātitatē de licētia sui Prælati nō peccāt cōtrā Paupertatē. Quia tunc ludus est actus honestus, & ille vsus pecuniæ licitus. *Mayor in 4. d. 18. q. 13. in sol. ad 2. Ledesma 2 p. 4. q. 15. ar. 5.* Secus esset, si talis ludus esset prohibitus, vel à iure, vel à Regula, Cōstitutionibus, aut Superioribus Religionum, aut esset scādalous, &c. Quia tūc nec parua, nec magnā quantitatē liceret ludere, etiā de licētia Prælati. Cū nō posset illā cōcedere. *Salon 2. tract. de Dom. q. 5. ar. 6. aub. pennit. Molina to. 2. de Iust. disp. 520.*

51 Hinc ludens cū Religioso, & lucrās vltra eam quātitatē, quā Religiosus potuit ludere, & Prælatus cōcedere licētiā, tenetur ad restitutionē illius excessus. Ratio est, quia cū Religiosus nō possit perdere illā quātitatē, nec etiā ludēs corā illo poterit illā lucrari, ac perinde si accipiat, tenebitur ad restitutionē. Petr. Ledesma 2. p. *Sum. tract.* 3. 1. c. 1. post 10. cōcl. Alcozer *li. de ludo* c. 39. Similiter ē cōtra, si Religiosus ludēs vltra eam quātitatē, quā pōt ludere, & perdere ex licētia sui Prælati, vel quia nō habet talē licētiā, vel quia ludus est illi prohibitus, & cōtingat tunc lucrari, non pōt id accipere, & si accipit tenetur ad restitutionē. Ratio est (quidquid alij dicāt) quia ludus est quidam quasi cōtractus cōditionalis, in qua vnusquisque exponit suā pecuniā periculo perdēdi, & lucrādi. Qui ergo nō pōt perdere, nō pōt lucrari, sicut qui nō pōt lucrari nō pōt perdere. Ac per cōsequēs cū Religiosus nō possit vltra illā quantitātē perdere, nec poterit vltra illā lucrari. Salon 2. 2. post q. 6. 1. q. 5. de dominio ar. 6. dub. penu. Valen. 2. 2. disp. 5. q. 6. pun. 5. Limitatur tñ probabiliter hęc sententia, quōd in casu, quō Religiosus ludit cū illo, qui scit eū nō posse ludere, aut nō posse perdere vltra illā quātitē, si iste perdat vltra illam, posse Religiosū lucrari illā, nec teneri ad restitutionē. Nam eo ipso, quōd habēs talē scientiā ludit cū Religioso, cēsetur cedere iuri suo, ita vt possit perdere, & nō lucrari, cū sciētī, & volēti nulla fiat iniuriā. Angles in flor. 2. p. q. de ludi restit. ar. vn. dub. 1. Sair. in clau. reg. l. 11. c. 12 n. 9.

52 Nec etiā possūt Religiosi aliquid dare, seu donare alicui, siue de bonis Monasterij, siue de his, quę habēt ad vsū, aut quomodo libet adquisierunt, sine licentia Superioris. Quia dare aliquid hoc modo est actus proprietatis, & dominij. Cordub. in Reg. D. Frāc. c. 6. Mend. in quodl. q. 8. con. 3. Pro quo etiā extat Const. Clem. VIII. an. 1594. edita, in qua sub grauissimis penis huiusmodi largitionēs seu missionē munerū Religiosis interdicūt (in 3. to. bull. Laertij inter Const. Clem. V 111. n. 28.) Bonaci. de largit. mun. disp. 3. Neque etiā per modū elemosynę possunt aliquid dare sine prædicta licētia. Propter eandē rationē. S. Th. 2. 2. q. 32. art. 8. D. Antonin. 3. p. tit. 16. c. 1. §. 11. not 4. Quādo tñ pauper est in extrema necessitate pōt Religiosus, etiā sine licētia Superioris, illi subuenire; Quia in tali necessitate oīa sunt cōmunia. Angles in flor. 1. p. trac. de Eleemos. q. 4. Rodr. to. 2. q. 57. ar. 2. Similiter quādo Religiosus est cū licētia sui Superioris absens ā Monasterio pōt ex his, quę sibi sunt donata, facere aliquas moderatas elemosynas. Quia ad hoc præsumitur licētia tacita sui Superioris. Med. Cod. de Penit. tract. de elemos. q. de quib. bon. fit elemos. Ledes. 2. to. sum. trac. 4. c. 3. conc. 3 1. Idem etiam dico probabiliter quādo Religiosus etiam in Monasterio existens aliquid sibi subtrahit de his, quę sibi ā Monasterio

ad sustentationem tribuuntur, posse scilicet de illis eleemosynam facere. Propter eandem rationem. Valentia 2. 2. *disp.* 10. *quæst.* 4. *punct.* 3. Sanchez *lib.* 7. in *Decalog.* cap. 19. num. 100. & 101. Monasteria autem, & Superiores nomine ipsorum possunt, & tenentur facere eleemosynas de superfluis. Ratio est, quia obligantur præcepto communi dandi eleemosynam sicut alij. Mol. *to.* 2. *de Iust.* *disp.* 276.

53 Hinc fit, quod recipientes à Religioso aliquid, ad quod non habebat facultatem, tenentur ad restitutionem. Eò quod accipiunt aliquid ab eo, qui donare non potest. Nauarrus *lib.* 3. *Conf.* in 1. edit. t. *de Regul. conf.* 75. num. 33. Less. 2. *de Iustit.* cap. 41. num. 73. *dub.* 8. Vnde in prædicta Constituc. Clem. VIII. contra recipientes aliquid à Religiosis dicitur. *Ipso facto absque aliqua monitione, Iudicis decreto, sententia, aut declaratione ad illius restitutionem omnino in utroque foro teneantur, aded ut restitutione ipsa realiter non facta, neque etiam in foro conscientia absolui possint.* Bonacina *de largit. mun. disp.* 3. *punct.* 4. Si tamen daretur casus, quod Religiosus expenderet aliqua, quæ nullo modo pertinerent ad Monasterium, vt si de licentia Papæ haberet administrationem aliquorum bonorum independentem ab alio, tunc accipiens non teneretur ad restitutionem rei acceptæ faciendam Monasterio. Quia res illa non pertinebat ad Monasterium. Molina *to.* 2. *de Iustit.* *disp.* 520. Similiter si aliquis secularis Religioso alicui daret aliquam pecuniam solum sub conditione, vt ex illa luderet, aut fornicaretur, accipiens, nulli tenetur restituere. Cum illa pecunia solum pertineat ad secularem, & ille illam concesserit voluntariè. Abul. in *cap.* 6. *Matt.* q. 37. Sanchez *lib.* 7. in *Decal.* 19. num. 35.

54 Inter ipsos quoque Religiosos, ne praua ambitione impuls, pro consequendis in sua Religione gradibus, & dignitatibus alter alterius gratiam, aut benevolentiam aucupetur, quæcumque largitio, aut donatio munerum nisi rerum minimarum de licentia expressa, & in scriptis Superiorum, est penitus interdicta. Ita Clem. VIII. in *Const. Religiosæ Cõgregationes* An. 1594. edita de qua supra n. 52. D. Bonau. in *speculo Discip.* *to.* 2. *cap.* 4. Imò hæc largitio munerum inter ipsos Religiosos est peccatum proprietatis, si fiat sine licentia Superiorum. Quia sine illa est vsus rei temporalis contra voluntatem Superiorum, Papæ præsertim, qui est summus Prælatum Religionum. Hieronym. Gratian. *Discipl. Regul.* 2. p. *cap.* 8. §. 3.

55 Licentia autem Superioris, quæ requiritur, & regulariter sufficit ad hoc, quod Religiosus possit tenere, vel possidere, ac-

cipere, dare, vel expendere, sufficit, quòd sit tacita, vel prudenter præsumpta, quando scilicet prudenter creditur Superiorem ita velle. Ratio est, tum quia taciti, & expressi eadem est virtus, *leg. cum quid ff. de reb. cred. & cap. 2. de rescriptis*. Tum, quia id, quod sit cum licentia implicita, & prudenter præsumpta Superioris dicitur fieri cum eius consensu. D. Thom. 2. 2. *quæst. 32. art. 8. ad primum*. Corduba in *Sum. quæst. 109*. Quando tamen fuerit præceptum Superioris de non accipiendo, retinendo, vel dando sine licentia expressa, tunc non sufficit implicita, aut præsumpta. Quia Superior declarauit non aliter consentire. Ludouic. Lopez 1. *par. Instruct. conse. versu penult. cap. 156*. Rodriguez in *Sum. 2. t. cap. 31. num. 7*. Vnde quia in prædicta Constitut. Clem. VIII. prohibetur largitio munerum, aut quæcumque donatio Religiosis, ex quocunque prætextu, aut causa, nisi in *Generali Capitulo, aut alia Generali Congregatione, re mature discussa, unanimi consensu omnium, Superiorumque permisso, causa approbata fuerit*, ita obseruari debet, quoad fieri possit. Præsertim cum prædicta Constitutio Clem. VIII. videatur innouata à S. Congregatione Concilij, quæ in decretis *de Apostatis, & eiectionis* iussu Sanctiss. D. N. Urbani VIII. editis sic habet. *Curent Superiores, vt Constitutio interdicens largitiones munerum, & prescribens hospitalitatis formam ab omnibus in quolibet Cõuentu inuiolabiliter obseruetur*. Et ita nihil videtur ob stare, quòd illa Constitutio in partibus Hispaniarum recepta non sit, vt testatur Sanchez *lib. 7. in Decalog. cap. 19. num. 42. 100. & 105*. Et in Italiâ abierit in desuetudinem, vt testatur etiam Laurentius de Peirinis *tom. 1. de subdito q. 2. de paupert. cap. 2. §. 6.*

56 Consuetudo etiam aliquid retinendi, accipiendi, dandi, vel expendendi sine licentia Superiorum, quando est recepta, & viget, consentientibus ipsis, excusat Religiosum, saltem regulariter. Quia talis consuetudo habet vim licentiæ. Sanchez *lib. 7. in Decalog. cap. 19. num. 7*. Secus si talis consuetudo introducta est, aut viget, contra voluntatem Superiorum. Propter oppositam rationem. Graffius 2. *par. Decis. lib. 3. cap. 9. à num. 4*. Dixi etiam, saltem regulariter, quia quoad largitiones munerum, seu donationes attendenda est Constitutio Clem. VIII. adducta. Taciturnitas verò Superioris videntis Religiosum aliquid possidere, accipere, expendere, & c. sine licentia, & non contradicentis non excusat Religiosum, nisi quando ex alijs signis constat illam esse virtualem approbationem. Ratio est, quia huiusmodi taciturnitas sæpe nascitur ex pusillanimitate Superioris, vel ex proteruia subditi, ergo non semper arguit licentiam implicitam, nisi quando.

quando ex alijs signis id constat. Grassis *ut sup. cap. 19. num. 31.* Sanchez *num. 12.* Similiter non excusat Religiosum credere, quòd Prælatus concedet licentiam, si ab ipso petatur, quando scit ipsum velle ut petatur. Quia tunc non censetur habere licentiam, aut consensum Prælati. Nauarr. *Comm. 2. de Regular. num. 30.* Mendoza *q. 8. post 7. conclus.* Quando tamen Religiosus procedit sub spe rati habitationis, seu approbationis à Prælato, excusatur. Quia tunc operatur ex licentia saltem virtuali. S. Tho. *in 4. dist. 15. q. 2. ar. 5. q. 4.* Toletus *in Summ. de pecc. mort. cap. 28.* 56 Licentia ista requisita ad hoc, quòd Religiosus possideat, accipiat, det, aut expendat, &c. aliquid, debet esse voluntaria, & non coacta, vel precibus importunis, vel fauoribus, metu, aut dolo. Ratio est, quia aliàs talis licentia, potius esset violentia, nec Religiosus per eam operaretur secundum voluntatem sui Superioris, sed suam. Nauarr. *Comm. 2. num. 21. corol. 7.* Sanchez *lib. 7. in Decalog. cap. 19. à num. 16.* Idem dico, quando Prælatus dat istam licentiam subdito, eò quòd timeat ipsum, quia est usurarius, contentiosus, & excitabit rumores in Conuentu si non illi conceditur. Propter eandam rationem. Cordub. *in Summ. q. 54. Lessius 2. de iust. cap. 4. dub. 5.* Similiter debet esse legitima ista licentia, vnde, si sit ad prauos, inhonestos, aut inutiles vsus non est valida. Cum Superior nequeat illam concedere. Nauarr. *lib. 3. consil. in 1. edit. tit. de Regular. consil. 73. num. 33.* Molina *tom. 2. de iust. dist. 276.* Vnde neque etiam Monasterium potest concedere talem licentiam ad prædictos prauos vsus. Eò quòd quamuis Monasterium sit dominus suorum bonorum, hoc tamen est in ordine ad bonum status Religiosi. Mendoza *quodlib. 8. art. 6. Lessius 2. de iust. cap. 18. dub. 11.*

57 Quamuis aliqui putent in materia proprietatis non posse dari materiam leuem, propter quam solum peccetur venialiter (Viuald. *in Candelab. sacram. 3. p. cap. 14. num. 68.* Passarellus *sup. priuileg. Minim. tit. de propriet. abdis.*) tamen probabilissima sententia est, posse crimen proprietatis, quantumvis ex suo genere mortale, reddi veniale ex materiæ paruitate, ita ut si Religiosus aliquid leue possideat, accipiat, expendat, &c. sine licentia sui Superioris solum venialiter peccet. Ratio est, quia peccatum proprietatis solum habet malitiam quasi furti contra iniustitiam, quatenus importat vsum rei alienæ inuito domino, & malitiam sacrilegij, seu contra Religionem, quatenus est contra Votum. Vtroque autem modo est capax materiæ leuis, ut patet in furto vnus quatrini, & in transgressione Voti dicendi semel *Aue Maria*. Ergo etiam in peccato proprietatis, potest esse

materia levis, ratione cuius solum fit peccatum veniale. Cordub. in *Sum. q. 109. Mendoza quodlib. 8. conclus. ult.* Vnde illa materia, quæ infurto est levis, etiam in peccato proprietatis erit levis. Propter similem rationem. Corduba *ut sup.* Rebellus *tract. de Iust. p. 1. lib. 3. quest. 15. sect. 3. num. 22.* In furto autem communiter, & regulariter loquendo, & seclusis circumstantiis personarum temporis, loci, &c. duo Iulij, aut Reales Hispani, putantur grauis materia, & minus prædictis duobus Iulijs, seu Realibus, materia levis. Mendoza, & Rebellus *supra citati.* Addunt, aliqui, eam materiam, quæ in furto est dubium, an sit materia sufficiens ad peccatum mortale, esse sufficientem ad peccatum mortale proprietatis. Thom. de Iesu *sup. cap. non dicatis par. 3. cap. 6.*

58 Hinc Religiosi successiuè minima retinentes, accipientes, seu expendentes, &c. sine licentia Superiorum, peccant mortaliter contra Votum Paupertatis, quando peruenitur ad grauem, seu notabilem quantitatem. Ratio est ex similitudine furti. Sanchez *lib. 7. in Decalog. cap. 21. num. 30.* Limitatur hoc, ut non intelligatur de rebus minimis comestibilibus, aut potabilibus. Quia in his non est credendum Prælatos prudentes fore inuitos. Rebell. *de Iust. par. 1. lib. 3. q. 15. sect. 3. num. 22.* Grassi *1. par. decis. lib. 3. cap. 5. num. 51.* Limitatur etiam, ut hoc solum sit verum, quando illi actus expendendi, retinendi, &c. sunt aliquo modo vniti, vel ratione temporis, vel loci, si enim sunt omninò disparati, credo non committi peccatum mortale, etiam quando peruenitur ad magnam, seu grauem quantitatem, ad modum, quo multi Theologi loquuntur de furtis paruis. Nauarrus in *Summ. cap. 17. num. 139. vel 140. & lib. 3. consil. in 1. edit. tit. de Regular. consil. 75. num. 27. in 2. tit. de stat. Monaeb. consil. 3. nu. 27.* Lessius *2. de Iust. cap. 2. dub. 8.*

59 Pœnz communes proprietariorum, ultra illas, quæ habentur in propria Regula, aut Constitutionibus, sunt. Prima, quòd Religiosus tempore mortis habens proprium non potest sepeliri in loco Sacro *cap. Monaebi de stat. Monaeb.* sed debet in sterquilino sepeliri cum pecunia (saltem parte ipsius) per eum possessa. *cap. cum ad Monasterium eodem tit.* Insuper, si in loco sacro sepultus est, est extrahendus, si sine magno scandalo fieri possit. *cap. super quoda. cod. tit.* In his tamen aduertere debet, quòd debet esse certitudo, & non solum dubium, quòd Religiosus mortuus sit proprietarius, certitudo inquam moralis, quæ ex eius acta vita desumi potest. Laurentius de Peirinis *tom. 1. de subdito q. 2. de paupertate cap. 2. §. 9.* Barbosa *de offic. Paroebi cap. 26. num. 47.*

Secun-

Secunda est, ex Conc. Trid. *sess. 25. cap. 2.* quòd si quis deprehensus, vel conuictus fuerit de hoc peccato *is biennio ætius, & passiva voce priuatus sit.* Aliqui tertio dicunt Religiosum proprietarium esse ipso facto à iure excommunicatum. Sed talis excommunicatio non reperitur expressa, nisi solum in quibusdam Concilijs Prouincialibus Colonensibus. Thom. de Iesu *sup. cap. non dicatis p. 2. cap. 2.* Ex *cap. etiam Monachi de statu Monachor.* Monachus habens peculium à communione altaris iubetur remoueri. Bartholom. à S. Fausto *de Voto Paupert. q. 198.* Ac tandem ex *cap. cum ad Monasterium* de Monasterio est expellendus, licet *cap. fin. de Regular.* talis expulsio correctæ sit, & iubeatur talem monachum deputandum Monasterij ergastulo, quò poenitentiam agat. Sanch. *lib. 7. in Decal. c. 20. n. 12.* Sed notandum huiusmodi assignatas pœnas non incurri nisi solum ab illis, qui retinent, vel possident aliqua contra voluntatem Superiorum. Etsi enim, etiam dantes aliquid sine licentia peccent contra Paupertatem, imò incurrant pœnas Constitutionis Clem. VIII. adductæ supra num. 52. & 55. pœnæ autem modo assignatæ præcipue sunt impositæ pro prædictis retinentibus: Sanchez *7. in Decalog. cap. 20. num. 11. & 13.* Peirinis *to. 1. de subdito q. 2. de paupert. cap. 2. §. 9.* Potest præterea peccatum proprietatis, si sit mortale, referuari à Superioribus. Ex decreto Clem. VIII. *de reseruatis casuum.* Graffis *2. p. decis. lib. 3. cap. 19. num. 5.* Sanchez *lib. 7. in Decalog. c. 20. à num. 11.* Pro quo etiam vide Quarantam in *Summ. verb. cas. reseru.* Coriolanum *de casibus reseruatis 2. par.*

60. Si quæras tandem an Religiosi nõ obseruantes Vitam Communem, de qua egimus à num. 7. sint proprietarij, & incurrant prædictas pœnas? Dico primò: In illis Conuentibus, in quibus talis Vitæ Communis obseruantia viget, si aliqui Religiosi eam non obseruent, sunt proprietarij, & proprietariorum pœnis plectendi. Ratio est, tum ex dictis in Superioribus ex Decretis Summorum Pontificum, & Conciliorum, tum quia, cum prædicti Religiosi teneant, & possideant aliqua peculia, seu portiones, singularitatemque sequantur contra intentionem Regulæ, quàm profecti sunt, & voluntatem suorum Superiorum, præsertim Summorum Pontificum, qui supræmi Superiores Religionum sunt, abs dubio erunt proprietarij, & talium pœnis plectendi. Quod confirmatur ex Concil. Trident. *sess. 25. de Regularib. cap. 1.* vbi præcipit omnibus Regularibus tam viris, quàm mulieribus, vt *Cõmunem Vitam, victum, & vestitum fideliter obseruent.* Qui ergo hæc non obseruant, contra voluntatem Ecclesiæ, & Superiorum agunt, & si aliqua possident, vel retinent, contra Superiorum voluntatem

tem id faciunt, ac perinde proprietarij, & proprietariorum pœnis puniendi sunt. Bartholomæus à S. Fausto *de Voto Paupertat. q. 195.* Dico tamen secundò. In alijs Conuentibus, in quibus prædicta Communis Vita non viget, vel propter impotentiam, aut nequitiam Superiorum, qui nequeunt, aut nolunt dare singulis Religiosis necessaria ad vitam, licet prædicti Vitam Communem non obseruantes in periculo magno suæ salutis, & transgressionis ferè quotidianæ Voti Paupertatis versentur, excusari tamen possunt à peccato proprietatis, si alio modo commodè viuere non possint, positis tamen conditionibus, & propter rationes assignatas supra à *num. 21. & sequentibus.* Vide Bartholomæum à Sancto Fausto *de Voto Paupertat. q. 196. & 197.* Addendum tamen est, & valde notandum, Religiosos sic viuentes, quia commodè aliter viuere non possunt, aut Vitam Communem obseruare in prædictis Conuentibus, paratos esse debere ad recipiendum reformationem, & introductionem Vitæ Communis, si à Prælatis de nouo instituatur, seu restauretur, nec posse vllò modo tali reformationi, & institutioni Vitæ Communis resistere sub grauissimo peccato mortali. Ratio est, quia cum prædicta Vita Communis obliget omnes Religiosos sub peccato mortali, nec ab illius obseruantia excusari possint, nisi quia Prælati Monasteriorum non prouidēt illis de necessarijs ad vitam, abs dubiè cum constaret prædictis necessitatibus sufficienter prouidendum fore, nulla supererit ratio excusationis. Et hæc est communis sententia Theologorum, specialiter Siluest. *verb. Religio 6. q. 7. Valentia 2. 2. disput. 10. q. 4. p. 1. Lessij lib. 2. cap. 4. dub. 5. Nauarri Comment. 3. de Regularib. num. 36. Rodriguez 2. par. Summ. cap. 31. Bartholomæi à Sancto Fausto de Voto Paupert. quæst. 195. & 196.* Quorum plures præsertim loquuntur de obligatione Prælatorum ad prædictam Vitam Communem in omnibus Conuentibus introducendam, prout & nos dicimus *cap. 18. num. 4.* Vide etiam dicenda *cap. 7. num. 19.*

De obligationibus Religiosorum ratione Regule
sui Ordinis.

C A P. VII.

RE G V L A Religionum est quasi exemplar , & mensura eorum , quæ ex vi votorum tenentur exequi Religiosi , ita vt , sicut non tenentur obedire nisi in his , quæ aliquo modo Regulam professam concernunt , vt diximus *cap.4. num.9.* sic è contra , omnia , quæ ex vi votorum facere tenentur debent esse in Regula contenta . Dicitur enim Regula , vt inquit Isidorus *6. Etimol. cap.16.* eò quòd ducit , nec aliquando aliorum trahit , vel quòd regat , vel quòd normam rectè viuendi præbeat , vel quòd distortum , prauumque corrigat . Suarez *4. to. de Relig. lib.1. cap.1. §.1.*

2 Quicumque Religiosus astrictus est suam regulam obseruare . Eò quòd omnes profitentur Regulam , & promittunt obedientiam secundum Regulam : quemadmodum Carmelites , qui expressè dicunt in professione sua , promittere *Obedientiam , Castitatem , & Paupertatem secundum Regulam prædicti Ordinis.* Unde Regula imponit aliquam necessitatem operandi , siue ad culpam , siue ad pœnam , quia hoc est de ratione legis , & per quod differt à consilio . Suar. *4.to. de Relig. lib.1. cap.2. nu.2.*

3 Præter quatuor in Ecclesia approbatas Regulas , scilicet Sanctorum Basilij , Augustini , Benedicti , & Francisci , est etiam quinta alia Regula à Diuo Alberto Ierosolymitano Patriarcha Anno *1171.* Carmelitis tradita , approbataque , & confirmata ab Honorio III. Gregor. IX. Innoc. IV. Alexand. IV. Urbano IV. Nicolao IV. & Bonifacio VIII. Correcta , & mitigata ab Eugenio IV. Insuper ante illos approbata etiam , & confirmata ab Innoc. III. & Alexandro III. & implicite à Concilio Lateranensi *cap.13.* & Lugdunensi , vt refertur in *cap.unico de Religiosis domibus in 6.* Thomas de Iesu in *exposit. sup. Regul. p.2. dub.3.* Ioannes Pintus de Victoria in *Hierar. Carmelit. tract.2. cap.13.* Eius autem scopus est , tum vita contemplatiua , tum actiua , quæ ad proximorum salutem , & ipsorum conuersionem attendit . Thom. Vualdens. *de Sacramental. tit.9. cap.84. num.7.* Thom. de Iesu *vt sup. à dub.4.*

4 Tenentur etiam Religiosi ad obseruantiam Regule non solum , quia professi sunt secundum ipsam viuere , sed etiam , quia
Pon-

Pontifices approbantes illam, præcipiunt etiam, vel explicitè, vel saltem implicitè illius obseruantiam. Hoc patet in Regula Carmelitarum ab Alberto tradita, quam declarantes, & mitigantes nomine Innocentij IV. Hugo Cardinalis Sanct. Sabinæ, & Guillelmus Anteradenſis Episcopus sic dicunt. *Qua fungimur auctoritate mandamus, quatenus Regulam à nobis correctam, declaratam, & mitigatam, prout expedire vidimus, deuotè recipientes, eam firmiter obseruetis.*

5 Non verò tenentur Carmelitæ ad obseruantiam Regulæ Alberti, prout ab ipso tradita est, sed prout mitigata fuit ab Eugenio. IV. vt supra num. 3. visum est. Ratio est, quia ipse Eugenius hoc exposuit dicens: *Decernentes eos, & eorum singulos circa præmissa ad arctiorem obseruantiam, qua supra præmittitur, occasione professionis in dicto Ordine emissæ, vel in posterum emittenda, minimè teneantur.* Conditiones autem illæ à Pontifice assignatæ, (scilicet quòd concessio non valeat ijs, qui ex confidentia ipsius illicita perpetraverint, & quòd teneantur Religiosi per vnum annum, vna die septimanæ cuiuslibet ieiunare, vel simile opus efficere) non sunt positæ pro gratia mitigationis Regulę potièda, sed pro obtinenda Indulgentia Plenaria remissionis in articulo mortis, quam ijsdem Religiosis ibidem concessit. Ita enim inferitur ex contextu Bullæ, & ex alia simili ab eodem Pontifice Fratribus Benedictinis Vallisoletani Monasterij concessa. Ioannes Pintus de Victoria in *Hierarch. Carmelit. tract. 2. cap. 16.*

6 Non tenentur Religiosi obseruare omnia, quæ continentur in Regula sub culpa mortali, sed aliqua sub mortali, alia sub veniali, alia etiam neque sub veniali. Ratio est, quia eo modo obligantur Religiosi obseruare ea, quæ continentur in Regula, secundum quòd ipsa Regula præscribit: Regula autem quædam, præscribit vt obligatoria ad mortale, alia solum ad veniale, alia ad nullam culpam. D. Tho. 2. 2. q. 186. art. 9. Vasquez 1. 2. disp. 162. cap. 4. num. 16. De ijs autem modò dicemus.

7 Et in primis, ea, quæ sunt in Regula, & spectant ad obseruantiam Votorum essentialium Religionis, videlicet, castè, & sine proprio viuere, &c. sine dubio obligant ad mortale, quantum est ex genere suo, nisi forte ratione paruitatis materiæ solum obligent ad veniale. Ratio est, quia hoc modo obligant ipsa Vota. S. Thom. & Caietan. 2. 2. quest. 186. art. 9. Sanchez lib. 6. in Decalog. cap. 4. num. 8.

8 Ea autem, quæ sunt in Regula, & solum ab illa præscribuntur, vt opera supererogationis, & de cõsilio, qualia sũt abnegare se in omni-

omnibus, habere Deum præsentem, exercitia humilitatis, mortificationis, &c. non obligant ad culpam neque mortalem, neque veniale. Ratio est, quia ista opera non proponuntur ut præcepta, sed solum pertinent ad maiorem charitatem Religiosorum exercenda, non ergo obligant ad culpam; cum illa tantum sit in transgressionibus præceptorum. S. Thom. & Caiet. *ut sup.* Sanchez *ut sup.* nu. 10. 9 Quando Regula præscribit aliqua, quæ aliàs sunt sub præcepto, v. g. diligere Deum, aut proximum, dicere horas Canonicas, &c. illa obligant ad mortale, vel veniale secundum quod aliàs obligarent. Ratio est, quia Regulariter loquendo non proponuntur hæc in Regula tanquam noua præcepta, sed solum cum intentione reducendi in memoriam ea, quæ aliàs præcepta sunt à Deo, vel Ecclesia, & illa commendandi. Caietan. *ut supra.* Valentia 2. 2. *disput.* 10. *quest.* 4. *punct.* 5. Dato autem, quod in Regula ponerentur cum intentione inducendi nouam obligationem, seu præceptum, (quod ex circumstantiis attendendum est) transgressio talium includit duas malitias, alteram ex proprio obiecto, alteram ex circumstantia Voti, quod frangitur transgrediendo Regulam ex Voto promissam. Ratio est, quia licet diuersitas præceptorum non faciat diuersitatem specificam in peccatis, cum constet non committere duplex peccatum eum, qui frangit ieiunium die, quo est duplex præceptum ieiunandi, alterum ratione Quadragesimæ, alterum ratione Temporum, vel Vigiliæ) tamen quando peccatum habet oppositionem ad diuersas virtutes est in illo duplex malitia. In proposito autem transgressio Regulæ habet oppositionem ad virtutem Religionis ultra eam, quam habet ad illam, cui opponitur obiectum talis peccati. Valentia 2. 2. *disput.* 10. *quest.* 4. *punct.* 5. Sanchez *lib.* 6. in *Decalog.* cap. 4. n. 7. Hæc autem noua malitia ex circumstantia contra Religionem, sequitur naturam malitiæ ex obiecto, ita ut sit mortalis, vel venialis sicut illa fuerit. *Authores ut supra.*

10 Loquendo de obseruantibus Religionis à Regula præscriptis, quæ non proponuntur ut mera consilia, neque sunt directè de Votis promissis, aut de rebus aliis præceptis, sed sunt obseruantia quædam externæ ordinatæ ad obseruantiam Votorum essentialium, v. g. ieiunia, silentia, abstinentia à carnibus, ut talibus vestibus, sequela chori, & alia huiusmodi; si Regulæ Institutor mentem suam explicuerit, quod noluerit quoad illa Religiosos ad culpam obligare (prout dicitur in Regula Patrum Prædicatorum, *Nolumus obligare ad culpam*, & in Regula Minimorum, ut refert Passarellus in *privileg. Minim.* cap. 25. & in Regula Patrum Societatis, *ut habetur. 6. p. Constit.* cap. 25.) tunc talis Regula non obli-

obligat ad culpam quoad ista. Quia cum in potestate instituentis Regulam fuerit obligare, vel non obligare ad culpam, si ipse declarauit non habuisse intentionem obligandi, absque dubio non obligabit. Sanchez *lib. 6. in Decalog. cap. 4. num. 11. & sequentibus.*

11 Quando tamen Institutor Regulę non explicuit suam mentem circa obligationem, vel non obligationem ad culpam, attendenda est communis acceptio, existimatio, & sensus Religionis, cui Regula fuit tradita. Si enim communis sensus, & existimatio Religiosorum fuit illam Regulam obligare ad mortale, ad mortale obligabit, & si ad veniale ad veniale, & si ad solam pœnam, & non ad culpam, ad nullam culpam obligabit. Eò quòd communis acceptatio, & consuetudo est optima legum interpres, ut habetur *cap. cum dilectus de consuetud. l. si de interpretat. ff. de legibus.* Nec lex aliter obliget, quàm, prout communiter ab omnibus accipitur. Nauarr. *in Summ. cap. 23.* Valencia 2. 2. *disput. 10. quæst. 4. punct. 5.* Addens vix posse tradi aliam vniuersalem regulam quoad hoc, nisi istam.

12 Si autem nec Regulę Institutor, nec communis consensus, acceptatio, seu consuetudo Religionis declarauit modum obligationis Regulę, prout contingere poterit in nouis Religionibus, institutis, aut instituendis, tunc si materia, aut res quę præcipitur, vel prohibetur, non est grauis, sed exigua, aut leuis, non poterit obligare ad culpam mortalem. Cum enim peccatum mortale sit grauis offensã Dei, cadere non potest nisi supra materiam grauem, & sola illa est capax talis malitię, etiam si legislator intenderet oppositum. Castro *lib. 1. de lege pœnal. cap. 5. docum. 2.* Medina 1. 2. *quæst. 96. art. 4. in prima regula.* Quę verò materia sit grauis, licet difficilè assignetur, & prudentis arbitrio sæpius relinquatur, dicendum est illam esse grauem, quę, vel ratione sui, vel ratione circumstantiarum boni cõmunis multum conducit ad finem à legislatore intentum; e contra verò eam esse leuem, quę nec ratione sui, nec ratione talium circumstantiarum ad prædictum finem multum conducit. Suarez 5. *to. in 3. p. disput. 4. sect. 6. num. 11. & 12. & disput. 18. sect. 3. à num. 16.* Vasquez 1. 2. *disput. 158. cap. 6. num. 59.* Addendum verò est, quòd etiam dato, quòd res quę præcipitur sit materia grauis, & capax peccati mortalis, si tamen legislator declaret solùm velle obligare ad veniale, tunc transgressio solùm venialis erit. Ratio est, quia, probabilissimum est, etiam posita grauitate materię, posse in lege positiuã esse tantum transgressionem venialem; eò quòd tota obligatio legis positiuę pender ex voluntate legislatoris; si ergo de illa constet, transgressio talis legis solùm erit venialis. Suarez

de legibus lib. 3. cap. 27. & 4. to. de Religion. lib. 1. cap. 2. Sanchez lib. 1. de Matrim. disp. 9. nu. 6.

13 Similiter in eisdem casibus, quando nec Regula ipsa, nec consuetudo, aut consensus Religionis declarauit modum obligationis ipsius Regulæ, si res, quæ in illa continetur, non exprimuntur per verba præcepti, vt sunt, *mandamus, præcipimus, prohibemus, inbibemus*, nec præcepto æquipollentia, vt sunt *statuimus, ordinamus, decernimus*, sed per alia communia, v.g. *volumus, moneamus, hortamur*, tunc est probabilissimum ad nullam culpam obligare. Ratio est, quia cum illa verba communia sint præceptis, & consilijs, dubia sunt, & obscura, an scilicet obligent, vel non, ad culpam, in obscuris autem, & dubijs amplectendum est id, quod est minimum, vt habetur *regul. in obscuris de reg. iuris in 6.* quod maxime debet procedere in Institutioribus Regularum, qui cum summo per se curent vtilitati spirituali Religiosorum prospicere, illis autem sæpius sit nociva multiplicatio præceptorum ad culpam obligantium, credendum est, similibus verbis nolle obligare ad culpam. Vasquez 1. 2. disp. 158. cap. 3. Sanchez lib. 6. in Decalog. cap. 4. num. 42.

14 Ex his autem patet, quanta sit obligatio specialiter Regulæ Carmelitarum, quoad illas obseruantias, quæ conducunt ad seruanda Vota Religionis, dicendum enim est, quod quamuis secundum se obligare videretur ad peccatum mortale, eò quod sæpius vtitur verbis imperatiui modi, qualia sunt illa in confirmatione Innoc. IV. *Qua fungimur auctoritate mandamus, quatenus Regulam à nobis correctam, declaratam, & mitigatam, prout expedire vidimus deuotè recipientes, eam firmiter obseruetis, & in fine Regulæ. Hæc breuiter scripsimus vobis Religioni vestra formulam statuentes, secundum quam in posterum viuere debeatis.* Verba autem imperatiui supposita grauitate materiæ arguant obligationem sub mortali, iuxta dicta supra num. 13. Nihilominus, quia in Religione nostra nunquam fuit Regula cum tanta obligatione recepta, aut acceptata, vt inter pios, & doctos communiter circumferretur, dicendum est non obligare ad culpam mortalem, etiam quoad istas obseruantias, quæ deseruiunt ad Vota essentialia commodius seruanda, ieiunia videlicet, abstinentiam à carnibus, silentia, &c. obligare tamen ad minus ad culpam venialem. Tum propter dicta, tum quia est conforme doctrinæ S. Thomæ 2. 2. quæst. 186. art. 9. & quodlib. 1. art. 20. Tum etiam, quia iste videtur esse communis consensus Religionis. Thom. de Iesu sup. Regul. par. 2. tit. de obligat. nostra Regula. Ioannes Pintus de Victoria de Hierarchi. Carmelit. tractat. 2. cap. 23. Vnde bene Suarez

4. to. de Relig. tract. 8. lib. 1. cap. 3. num. 8. de Regula Carmelitarum loquens, dicit: *Consilia, & exhortationes per se nullam aliam obligationem inducunt, præter eam, quam ex natura rei, vel ex Evangelio habent res, de quibus sunt. Statuta verò videntur inducere obligationem saltem sub veniali culpa, ubi aliud non explicatur. Quamvis multum in hoc valeat consuetudo, & communis sensus Religionis. Cui doctrinæ congruit ea, quam adduximus supra num. 11. & in præsentì.*

15 Transgressio verò præceptorum Regulæ, quamvis ad lethale crimen non pertingat, intra limites tamen venialis offensæ, graue peccatum est. Ratio est, quia talis offensa est circa illam, quæ maximè pertinet ad Religiosum, & quæ illi sunt maximè propria. Thomas de Iesu, & Ioan. Pintus de Vi&. *ut sup.*

16 Quando Regula Religionis alicuius fuerit deformata, seu relaxata quoad substantialia Religionis, scilicet tria Vota Obedientiæ, Paupertatis, & Castitatis, tenentur Religiosi professores ipsius illam seruare non sic relaxatam, aut deformatam, sed in suo pristino rigore, quoad obseruantiam dictorum Votorum. Ratio est, quia quamvis Religiosi illam Regulam profitentes non habuerint intentionem expressam se obligandi nisi ad illam prout sic relaxatam, & deformatam, quia tamen habuerunt intentionem expressam profitendi statum Religiosum, & status Religiosus essentialiter includat obseruantiam trium Votorum, ideo virtualiter, & implicite habuerunt intentionem se obligandi ad illam Regulam integram, & perfectam quoad tria Vota, sicut suscipiens Ordinem Sacrum quantumvis non intendat ad Castitatem se obligare, manet tamen ad illam obligatus ex vi talis status, eò quòd illi est Votum Castitatis annexum. Maior. *in 4. distinct. 38. quæst. 20.* Nauarr. *in Summ. cap. 12. num. 50.* qui bene, propterea addit peccare eum, qui filios, vel filias offert Monasterijs ubi nimia cum libertate, aut licentia viuunt, & promissa secundum Regulam non obseruantur, intellige quoad substantialia Votorum. Nauarr. *ut sup. num. 51.*

17 Quando verò Regula Religionis est deformata, seu relaxata, non quoad Vota substantialia Religionis, sed quoad alias obseruantias Regulares, præsertim si talis relaxatio legitima consuetudine introducta sit, Religiosi, qui illam sunt professi non peccant obseruando illam sic relaxatam. Ratio est, quia nullo modo se obligarunt ex vi professionis nisi ad Regulam, prout erat in vsu, & prout de facto obseruabatur, neque ex vi status Religiosi, quem sunt professi aliud exigitur, cum solum obseruantia trium Votorum ad illud sufficiat. Corduba *in Reg. Diui*

Fran-

Francis. cap. 2. quæst. 16. p. 3. Azor. lib. 13. Inst. cap. 11. quæst. 16.
 18 Similiter, qui professi sunt in Religione cuius Regula relaxata est (saltem per legitimam consuetudinem) quoad modos, vel circumstantias trium votorum essentialium, non tenentur ad illam observandam in primo sui rigore, sed sufficit, si illam sic relaxatam obseruent. Propter rationem adductam. Præsertim, quia, voti obligatio non excedit vouentis intentionem, Religiosi autem isti, ut supponitur, non habuerunt intentionem vouendi nisi Regulam prout communiter in illa Religione observabatur. Sanchez *lib. 6. in Decal. cap. 2. num. 26. in fine.*

19 Si tamen Summus Pontifex, vel alij Superiores Religionum Regulam sic collapsam, & relaxatam reformare vellent, & ad suum pristinum rigorem reducere, Religiosi illam professi tenentur non resistere tali reformationi. Quia eo ipso quod sunt membra illius Religionis, & professi sunt illam Regulam, tenentur, etiam, cum proprio dispendio, bonum, & conseruationem ipsius procurare. Euidens autem est, bonum, & conseruationem Regule, & Religionis ex reformatione pendere, cum propter relaxationem, quotidie Religiones extinguantur. Præsertim secundò, quia, qui vouit Regulam, vouit etiã cõsequenter, & implicite ea, quæ concernunt regulam, reformatio autem Regulæ maximè illam concernit, cù experientia compertum sit, quòd Regula, & Religio, quæ non reformatur, quotidie ad ruinam, & maiorem relaxationem tendat. Vnde meritò Sûmi Pontifices conseruationi Religionum attendentes, eas sæpius ad pristinum decorem Decretis Pontificijs, & præceptis reducere conantur, quod non facerent, si Religiosi prædictæ reformationi resistere possent. Imò secundum aliquos ob prædictum finem possunt obligare Religiosos ad profectendum, & obseruandum clausuram, sicut Bonifacius VIII. Fœminas Religiosas ad illam obligauit. Hinc etiam Pius V. Ann. 1567. Fratres Minores Conuenticuales in Hispania cõmorantes, ut transirent ad aliquem Ord. Mendicantium coëgit. Multò ergo magis poterunt Religiosi ad recipiendam reformationem propriæ Regulæ, & Religionis obligari. Vasq. *l. 2. disp. 154. c. 4.* Sanchez *lib. 6. in Decalog. cap. 2. num. 35.* Vide dicta *cap. 6. num. 60.*

20 In tali tamen casu, Religiosi, qui ita sunt delicati viribus, ut non possint Regulam reformatam, & restitutam sustinere, non tenentur obseruare reformationem Regulæ. Ratio est, quia censendi non sunt se obligasse explicitè, aut implicite ad Regulam reformatam, propter impotentiam. Nauarr. *lib. 3. Consil. tit. de Regular. in 1. edit. consil. 9. in 2. 43.* & Sanchez *lib. 6. in Decalog. capit. 2. num. 38. & 39.*

21 Possunt Religiosi ex vi Regulæ suæ Religionis obligari ad Confessionem Venialium. Ratio est, quia seculares possunt hoc vouere, & aliàs potest hoc concernere Regulam. Emmanuel Sâ in *Summ. verb. Confessio num. 12*. Nulla tamen Regula est ad id obligans, saltem quoad omnia venialia. Vivaldus de *Confess. n. 51*.

22 Religiosum facere aliqua opera supererogationis supra Regulam sui Ordinis non est contra ipsam Regulam, nec peccatum, etiamsi fiat sine licentia Prælati. Ratio est, quia eo ipso, quod Regula, aut Prælatus non prohibent talia opera, cum aliàs sint bona, censi debent conformia statui Religioso. Maximè quando Regula consulit fieri talia opera, aut ea permittit, sicut in Regula Carmelitarum in cuius Epilogo sic dicitur: *Si quis autem supererogauerit, ipse Dominus cum redierit reddet ei*. Thom. de Iesu *sup. Regul. in Epilog. dub. 2*. Addens benè, consultius, & magis meritorium esse facere hæc opera de consensu Prælati. D. Benedictus in *sua Regul. cap. 49*. D. Basil. *Serm. 5. exercitat.*

23 Regula præcipiens Religiosis laborare, qualis est Regula Alberti Carmelitanis tradita, quæ *cap. 15*. sic habet: *Faciendum est vobis aliquid operis, ut semper vos Diabolus occupatos inueniat, ne ex otiositate vestra aliquem intrandi aditum ad animas vestras valeat inuenire*, sufficienter impletur laboribus, & exercitijs spiritalibus, ut sunt audire Confessiones, Prædicare, Legere, Scribere, Docere, &c. Ratio est, tum quia hæc agere est verè laborare, tum quia, ut docet S. August. *sup. Psalm. 118*. *Non est otiosus, qui verbo Dei studet, nec plurius est asstimandus, qui extra operatur, quàm qui in studio cognoscenda veritatis exercetur*. Thomas Vualdensis *lib. 4. Doctrin. Fidei cap. 22*. Miranda in *Man. Pralat. to. 1. quæst. 11. art. 5*. Laborare autem manibus non est vilo modo iure communi, aut etiam naturali, & diuino præceptum Religiosis, cum nullus textus, nullaque ratio id conuincat. S. Thom. 2. 2. *quæst. 187. art. 3. & 4*. Laborare autem aliquo genere exercitij, siue Spiritualis, siue Corporalis, ita ut choro designati Spiritualibus exercitijs incumbant, Laici verò, & Conuersi Corporalibus, adeò est necessarium Religiosis, ut aliqui putent peccare mortaliter Religiosos id omittentes. Quod ad minus est verissimum respectu illius Religiosi, qui nullo exercitio occupari vellet, sed vitam otiosam duceret. Nam iste peccaret primò contra iustitiam Religionis, per professionem enim fecit quasi quendam contractum cum Religione, ut ipsa eius necessitatibus succurreret, ipse verò in aliquo exercitio illi deferuiret. Secundò contra gratitudinem, cum regulariter Religiosi viuunt ex eleemosy-

eleemosynis secularium , quæ eo fine illis conceduntur , vt bonis operibus vacantes , ipsos illorum participes efficiunt , quo fine defraudantur , si viuant otiosè . Vide dicta supra *capit. 1. numero 16. & cap. 6. num. 43.* Sanctus Thomas 2. 2. *quæst. 187. artic. 4.* Thomas de Iesu sup. *Regul. Carmel. par. 4. de labor. manuum dub. 5.*

24 Quamuis de Oratione mentali habenda à Religiosis , iuxta præscriptum suæ Regulæ , & Constitutionum , non sit aliquod diuinum præceptum illos obligans , cum nullibi reperiatur expressum . Nauarrus in *Enchirid. cap. 20. num. 67.* Est tamen hoc exercitium Orationis mentalis moraliter loquendo , simpliciter necessarium Religiosis , ad consequendum finem intentum per Religiosum statum . Hoc latè probauimus in nostro libro *de Reformatione Regularium cap. 3. & 4.* Vnde Caietanus 2. 2. *quæst. 82. artic. 3.* dixit : *Non posse vocari Religiosum , qui saltem semel in die ad huiusmodi exercitium se non transfert .*

25 Silentium Regulare , quod per Regulas Religiosorum obseruari præcipitur , vltra obligationem Regulæ , videtur etiam maiorem aliam inducere . Eò quòd in *cum ad Monaster. de Stat. Monach.* Videatur præcipi Religiosis , illis verbis . *In Oratorio , Refectorio , & Dormitorio continuum semper silentium obseruetur .* Hieronym. Gratian. 2. *par. discipl. Regul. cap. 10. §. 3.*

26 Quamuis præceptum Ecclesiasticum ieiunij non obliget ante vigesimum primum annum , secundum communem sententiam , quia vsque ad illud tempus indigent adolescentes cibo ad nutritionem , & augmentum . (Toletus in *Summ. lib. 6. cap. 4.*) Ieiunia tamen Regulæ , & Constitutionum obligant professos iuuenes , etiam ante illam ætatem . Ratio est , quia ipsi se ad hoc voluntariè obligarunt per professionem Voti Obedientiæ , & Regulæ . Azor. *lib. 7. Instit. Mor. cap. 27. quæst. 3.* Sanchez *lib. 4. de præcept. Decalog. capit. 11. nu. 36.* Vnde meritò reprehenditur Medina *lib. 1. Summ. cap. 14.* oppositum affirmans . Vide Petrum de Ledesma 2. 10. *Summ. tract. 27. cap. 2. post §. conc. dub. 2.* Vnde ieiunare diebus præceptis ab Ecclesia tenebunt prædicti professi , non ratione Ecclesiastici præcepti , sed ratione Regulæ , vel Constitutionis , & iuxta modum obligationis , quem Regula , & Constitutiones præscribunt .

27 Similiter quamuis iure communi in casu , quo Natiuitas Domini inciderit in feriam sextam , (& idem est , si inciderit in Sabbathum , propter consuetudinem Ecclesiæ) licitum sit comedere carnes : qui tamen ex Regula , vel Constitutionibus sunt adstricti , quales sunt Religiosi , non possunt in prædicta feria 6. aut

etiam Sabbatho carnes comedere. Ratio est, quia in *cap. fin. de Obseru. ieiun.* dicitur: *Quòd illi, qui nec Voto, nec Regulari obseruantia sunt astricti, in sexta feria, si Festum Natiuitatis Domini die ipso venire contigerit, carnibus, propter festi excellentiam vesci possunt.* Vbi in communi præcepto non comedendi carnes feria sexta dispensantur omnes pro illa die, exceptis illis, qui Voto, vel Regulari obseruantia sunt astricti. Sanchez *lib. 4. in Decal. cap. 11. nu. 59.* An autem Religiosi prædictis diebus carnes comedentes peccent contra ius commune; an verò solùm contra Regulam, aut Cõstitutiones? Aliqui tenent priorem partem. (Medina *lib. 1. Summ. cap. 14. §. 10.*) Eò quòd intentum Ecclesiæ videatur esse dispensare in præcepto communi de non edendo carnibus feria sexta, pro die in quam inciderit Natale Domini, solùm cum illis, qui non sunt obligati ex Voto, aut Regulari obseruantia, ac proinde istos ex vi iuris communis teneri, ad non comedendum carnes, etiam illa die. Alij verò tenent posteriorem partem, dicentes cum omnibus fidelibus, etiam Voto, & Regulari obseruantia astrictis dispensari in illo capite, relicta solùm pro istis, Voti, vel obseruantia Regularis obligatione. Quia id videtur indicare verbum illud, *propter Festi excellentiam.* Sanchez *et supra num. 64.* sequens alios. Prior sententia conformior videtur textui, posterior verò intentioni Pontificis, & vtraque probabilis. Quod diximus de feria 6. & Sabbatho, dic suo modo de feria 4. pro Carmelitis. Pro quibus aduertendum, quòd quamuis, qui prædictis diebus carnes comederint, Regulam, & Cõstitutiones nostras transgrediantur, non ex eo tamen perdent priuilegium Bullæ vulgò Sabbathinæ, vt enim patet ex Bullis Sùmorum Pontificum, & decreto S. Cõgregationis Inquisitionis, ad lucrandum prædictũ priuilegium non est necessarium à carnibus abstinere feria 4. & Sabbatho, in quibus festũ Natalis Dñi occurrerit.

28 Circa obseruationem Regulæ, aliorumque Votorum Religionis hæc præcipit S. Concil. Trid. *sess. 25. de reform. cap. 1. Vt omnes Regularis, tam viri, quàm mulieres ad Regulam, quàm professi sunt præscriptum vitam insituant, & componant, atque in primis, quæ ad suam professionis perfectionem, vt Obedientia, Paupertas, Castitas, ac si quæ alia sunt alicuius Regulæ, & Ordinis peculiaria Vota, & præcepta ad eorum respectiue essentiam, necnon ad Communem Vitam, Victum, & Vestitum obseruanda pertinentia, fideliter obseruent. Omnisque cura, & diligentia à Superioribus adhibeatur, tam in Capitulis Generalibus, & Prouincialibus, quàm in eorum visitationibus, quæ suis temporibus facere non prætermittant, vt ab illis non recedatur, cum*

compertum sit ab eis non posse ea, qua ad substantiam Regularis vitæ pertinent relaxari. Si enim illa, qua bases sunt, & fundamenta totius Regularis disciplina exactè non fuerint conseruata, totum corruat adificium necesse est. Ex quibus primò habetur obligari Religiosos ad obseruantiam suæ Regulæ; etiam ex vi præcepti huius. Non credo tamen propter illud intendisse Concilium dare maiorem vim obligandi Regulæ, quam ipsa habet, ita vt, si illa non obligabat nisi ad pœnam; obliget ad culpam ratione huius præcepti, aut si obligabat ad veniale, obliget ad mortale. Habetur secundò Vitam Communem Religiosorum in victu, vestitu, &c. maximè esse intentam à Concilio, iuxta dicta supra cap. præcedenti num. 60. Qualiter autem, & quomodo Regularis obseruantia à Patribus commendetur, habetur ex nostro opere de Reformat. Regularium cap. 5. & 6.

29 Dispensare possunt in Regulæ obseruantijs Prælati Religionum, iuxta dicenda cap. 18. num. 54. Ad hoc tamen requiritur iusta causa. Cum potestas Prælatorum sit illis data in adificationem, non in destructionem 2. Corinib. 10. D. D. Thomas 2. 2. q. 88. art. 12. ad 2. Causæ autem istæ, licet variè assignentur, communius tamen occurrere solent. Prima ex parte temporis, quando nimirum propter tempus videtur conueniens Regulæ rigorem mitigare. Hac enim ratione in ieiunio feriæ 6. post Pascha dispensatur in nostris Constitutionibus par. 1. cap. 4. §. 1. Secunda ex parte personæ, vt si Religiosus sit infirmus, debilis, senex, &c. Tertia ad euitandum scandalum, murmurationem, vel iram grauis personæ, vt si Princeps, vel Prælatus inuitarent ad prandium Religiosum aliquem, & ipsi solum apponeret carnes die, quo secūdum Regulam nō potest illas comedere. De his tamen, & alijs. Siluest. verb. dispensatio q. 1. num. 3. Angelus num. 2. Imò quando adest causa rationabilis dispensandi tenetur Prælatus dispensare, maximè si Religiosus id petat. Quia potestas Prælatorum præcipuè attendere debet ad bonum subditorum, & finem charitatis. Sæ verb. dispensatio num. 2. Miranda to. 2. Man. quest. 30. art. 6. Si autem Religiosus habeat sufficientem, & certam causam, vt dispensetur, & non adest Prælatus, qui id faciat, multi dicunt posse tunc secum per Epicheiam dispensare. Rodriguez to. 1. q. 26. ar. 5. Laurentius de Peirinis to. 1. q. 1. de Obed. cap. 8. Addens, si manifesta necessitas, vel vtilitas adsit, & Prælatus ex odio, aut malitia nolit dispensare, ipso iure dispensatum esse. Henrriquez lib. 6. de Pœnit. cap. 13. num. 4.


30 Quando Prælatus præcipit aliquid cōtra Regulam, seu contra aliquod statutum Religionis, causa rationabili subsistente,

cenſetur diſpẽſare in Regula, ſi poteſt, & ſubditus tenetur obedire. Ratio eſt, quia præcepta Superiorum obligant in quantum poſſunt, cū autem Prælatus non poſſit præcipere quidquam contra Regulam, niſi in ea diſpenſando ex cauſa rationabili, ideo credendus eſt ſic facere, & obediendus à ſubdito. Caietan. 2. 2. q. 104. art. 5. ad 3. Prælatum autem poſſe in obſervantijs Regulæ diſpenſare dicimus *cap. & num. relatus.*

31 De obligatione ad Regulam, quam habent Religioſi ad Episcopatum, Cardinalatum, vel Abbatiam aliquam extra Ordinem aſſumpti, dicimus *cap. 17. num. 8.* De Electis dicimus *cap. 23. n. 17.* De Novitijs *cap. 24. num. 2.* De Monialibus autem *cap. 25. num. 1.*

De obligationibus Religioſorum ratione Conſtitutionum, ſeu ſtatutorum Religionis.

C A P. VIII.

ONSTITUTIONES, ſeu Ordinationes in Religione comparantur cum Regula, ſicut in naturalibus, perfectiones, ſeu formæ accidentales, cum forma ſubſtantiali, ſeu anima, quæ eſt perfectio ſubſtantialis compoſiti. Vnde licet non poſſit dari vera Religio ſine Regula, quia eſt quaſi anima Religionis, & ab ipſa Religioſi Regulares dicuntur, ſicut Canonici à canone, ut cõllat *ex Rubric. de Regularib.* tamen poteſt dari vera Religio ſine Conſtitutionibus, aut ordinationibus à Regula diſtinctis, qualis eſt Religio Carthuſienſium, Minimorum, & Societatis Ieſu. Suarez 4. to. de Relig. lib. 1. cap. 1. nu. 6.

2 Differunt præcipuè Conſtitutiones, & Regula, quia Regula, ut in plurimum eſt ab aliquo antiquo Patriarcha conſtituta, à Summis Pontificibus approbata, & in Religione perpetua. Conſtitutiones verò nõ ita, ſed à Prælatis, aut Capitulis Religionum ordinatæ ſunt, & multæ ſine Pontificia authoritate, aut approbatione, & pro temporum varietate mutari poſſunt, & de factò ſæpius mutantur. Suarez *ubi ſup. num. 5.*

3 Poſſunt in Religionibus condi, ſeu inſtitui Leges, aut Conſtitutiones obligantes Religioſos in conſcientiâ ad earum obſervantiam. Sumitur hæc veritas ex illo ad Rom. 13. *Omnis anima poteſtatibus ſublimioribus ſubdita ſit.* Ad Hebræ. 13. *Obedite præpoſitis veſtris, & ſubiaceſte illis.* Et ratio eſt, quia in Religionibus eſt poteſtas regendi, & gubernandi Religioſos, ad illam ve-

rò

rò spectat facultas hæc condendi Leges, seu Constitutiones. Vasquez 1.2. *disp.* 153. *cap.* 1. Hæc verò potestas condendi Leges, aut Constitutiones regulariter solum spectat ad Generalem cum Capitulo Generali pro tota Religione, vel ad Prouincialem cum Capitulo Prouinciali pro tota Prouincia. Ratio est, quia licet quilibet Superior, siue Generalis, siue Prouincialis, siue etiam localis possit imponere præcepta, aut mandata, quæ solum pro tempore determinato sui Officij durent (nisi aliud in specialibus Ordinationibus Religionum habeatur) Statuta tamen, seu Constitutiones non possunt edi in Religionibus nisi ab eo, quod representat totam communitatem, qualis est Generalis cum Capitulo Generali, vel Prouincialis cum Capitulo Prouinciali, tum quia condere Leges spectat ad Communitatem, vt docet S. Tho. 1.2. *quaest.* 90. *art.* 1. tum quia ita regulariter est illis concessum à Summis Pontificibus, & in praxi apud ipsas Religiones versatur. Vasquez 1.2. *disp.* 153. *cap.* 1. Sanchez *lib.* 6. in *Decalog.* *cap.* 2. *nu.* 17. Dixi autem *regulariter*, quia existente consuetudine, vel praxi Religionis, vel aliquo priuilegio, tunc poterit Generalis, aut alius Superior condere aliquas Leges, vel Statuta; præsertim cum habeant authoritatem quasi Episcopalem. Et in hoc sensu intelligendi sunt aliqui authores, qui hoc videntur concedere. Suarez *lib.* 4. *de legibus.* *cap.* 5. Bonacina *tract.* *de legib.* *disp.* 1. *q.* 1. *pun.* 3. Similiter quantum est ex natura rei, & iure communi, possunt Leges pro tota Religione cõdere Diffinitores in Capitulo Generali, etiam ante electionem Generalis. Tum quia Religionem totam repræsentant, tum quia semper est cum illis aliquis, siue Præses, siue Vicarius Generalis, qui simul cum Diffinitoribus repræsentent etiam totam Religionem. Suarez *to.* 4. *de Relig.* *trac.* 8. *lib.* 2. *cap.* 8. *num.* 9. Vide dicenda *cap.* 18. *nu.* 90.

4 Huiusmodi autem Constitutiones, seu Statuta Religionum, ad hoc quòd obligent in conscientia, debent esse de rebus concernentibus explicitè, vel implicitè Regulam; explicitè quidem, si illa etiam habeantur in Regula; implicitè verò, si sint necessaria ad Regulam obseruandam. Ratio est, quia vt diximus *cap.* 4. *nu.* 9. Religiosi non tenentur ex vi Voti Obedientiæ nisi ad ea, quæ aliquo modo ex prædictis concernunt Regulam, sub qua viuere professi sunt. D. Thom. *quodlib.* 10. *art.* 10. Cordub. in *expos.* *Regul.* D. Francisc. *cap.* 10. *q.* 2.

5 Hinc etiam ad hoc quòd obligent in conscientiam istæ Leges, aut Constitutiones Religiosæ, non debent continere peculiare asperitates, magnas corporis afflictiones, vigilias, aut diurnas orationes, quæ non concernunt Regulam explicitè, aut implici-

tè sed omninò sunt supra illam, iuxta dicta *cap. 4. num. 13*. Propter eandem rationem, scilicet, quia cum Religiosi solum vouerint obedientiam secundum Regulam, non possunt ad maiora obligari, etiam à Capitulo Generali Ordinis. Vasquez *1. 2. disp. 154. cap. 4. num. 25*. Sanchez *lib. 6. in Decalog. cap. 2. num. 18*. Nec etiam Summum Pontificem ex vi Voti Obedientiæ, quod ipsi Regulares emittunt posse tales Leges condere, tradunt Cordub. *in expofit. Regule D. Francif. cap. 15. quaest. 2. dicto 6*. Lessius *lib. 2. de Iustit. cap. 41. dub. 9. num. 77*.

6 Poterunt tamen non solum Summus Pontifex, sed etiam Prælati Religionum cum Capitulis condere Leges continentis austeriorem vitam omninò supra Regulam, obligantes in posterum profecturos. Cum enim isti nondum emiserint professionem non possunt conqueri, quòd obligentur ad ea, quæ non promiserunt, sicut conqueri possent ante istas nouas Leges professi. Sanchez *ut supra num. 20. & 23*.

7 Similiter possunt fieri Leges, aut Constitutiones obligantes Religiosos ad opera mortificationis, seu austeritates ob publicam necessitatem, v. g. bellum, pestem, famem, hæresim, &c. Ratio est, quia hæc non sunt censenda omninò supra Regulam, sed aliquo modo concernentia ipsam, ut potè conducentia ad utilitatem publicam. Cordub. *in Regul. D. Francif. cap. 10. q. 2*. Lessius *2. de Iust. cap. 41. dub. 9. num. 77*.

8 Obligatio obseruandi Constitutiones Religionum, aliquando est ad mortalem culpam, aliquando ad venialem, aliquando ad nullum peccatum, sed ad meram pœnam ab ipsis Constitutionibus taxatam, iuxta dicta *cap. precedenti à num. 6*. Quando enim Author Constitutionum declarauit se nolle ad culpam obligare, sed ad pœnas, qualiter in Constitutionibus Carmelitarum exprimitur *3. p. cap. 1*. dum dicitur: *Constitutiones nostri Ordinis neminem ex se intendunt obligare ad culpam, sed ad pœnas*, tunc certum est solum ad pœnas obligare. Quando verò nihil tale declaratum est, attendi debet ad communem sensum, & acceptionem Religionis, ex hoc enim capite præsertim defumitur quantitas obligationis. Si verò de hoc non constet; si materia, quæ præcipitur non est grauis, sed leuis, certum est obligationem non posse esse sub mortali, culpa enim mortalis necessariò petit grauem materiam. Similiter si verba, quibus ponitur lex non sint præceptiua, qualia sunt *Præcipimus, Mandamus, Statuimus, &c.* Sed alia communia præceptis, & consilijs, ut *Volumus, Monemus, &c.* tunc est probabilissimum non obligare ad culpam, præsertim mortalem. Solum ergo possunt esse obligatoria ad culpam

pam mortalem ea, quæ per verba præceptiua statuantur, & circa grauem materiam. Leuis enim materia solum poterit inducere leuem culpam, videlicet venialem. Vide dicta *cap. præcedenti à num. 6.* Thomas de Iesu de *Regul. Carmelit. p. 2. dub. 8. p. 1.*

9 Quando ea, quæ habentur in Constitutionibus, vel Statutis Religionum, sunt de rebus alijs præceptis iure naturali, diuino, aut positiuo, transgressio illorum est qualis fuerit transgressio talium præceptorum. Similiter quando fuerint res directe spectantes ad tria Vota, transgressio illarum est mortalis, nisi per accidens ratione paruitatis materiæ, vel inaduertentiæ, solum sit venialis. Quando fuerint res, quæ solum sub consilio proponuntur, ad nullam culpam obligabunt. Quorum ratio sumitur ex dictis *cap. præcedenti à num. 7.*

10 Etiam quando Constitutiones Religionum obligant solum ad pœnam, possunt dici obligare saltem indirecte ad aliquam culpam. Ratio est, quia adhuc tales Constitutiones obligant in conscientia ad patiendum pœnam impositam, & dant ius Superiori ad puniendum transgressionem illarum tali pœna, ergo si Religiosus resistat passioni talis pœnæ, peccabit iuxta grauitatem materiæ, & circumstantiarum; ac per consequens tales Constitutiones ad aliquam culpam obligant, saltem indirecte. Confirmatur, quia alijs prædictæ Constitutiones non differrent à mero Consilio, nec essent vera præcepta. Suarez 4. *to. de Relig. tract. 3. lib. 1. cap. 2. num. 6.*

11 Quotiescunque tamen, siue in Regula, siue in Constitutionibus, siue in alijs Ordinationibus, aut præceptis Superiorum, præcipitur, aut prohibetur aliquid in virtute S. Obedientiæ, vel in virtute Spiritus sancti, vel in virtute Voti, aut iuramenti facti, transgressio erit peccatum mortale. Vfus enim obtinuit, vt talia, vel similia verba obligationem sub mortali indicent. Azor. *tom. 1. Instit. mor. lib. 5. cap. 6. quest. 5.* Aragon. 2. 2. *quest. 62. art. 3.* Idem dico, si dicatur sub interminatione gehennæ. Quia ea comminatio solum debet correspondere culpæ mortali. Castro *lib. 1. de lege pen. cap. 5. docum. 4.* Sanch. *lib. 6. in Decalog. cap. 4. nu. 43.* Idem, si dicatur sub pœna maledictionis æternæ, aut indignationis Dei. Propter eandem rationem. Valsq. 1. 2. *disp. 158. cap. 5.* & Sanch. *ut sup.* Idem; ob eandem rationem, si dicatur sub pœna maledictionis Dei. Toler. *in fin. Summ. cap. 19. num. 6.* Idem, sub obtestatione diuini Iudicii. Propter similem rationem. Nauarr. *in Summ. cap. 23. num. 51. vel 53.* Valent. 1. 2. *disp. 7. q. 5. par. 6. & 2. 2. disput. 10. quest. 4. part. 5.* Non sic credo de verbo strictè, aut arctè mandamus, neque de verbo sub præcepto. Quia

hæc

hæc omnia indifferentia sunt ad peccatum mortale, vel veniale. Est autem prudenter sanè inter Patres Discalceatos nostri Ordinis statutum, Constitutiones, ac Superiorum præcepta, & mandata ad peccatum mortale non obligare, nisi per contemptum, aut nisi per Prælatus quidpiam præcipiatur in scriptis, in virtute Spiritus sancti, & S. Obedientiæ.

12 Si tamen Prælatus, vel aliqua Constitutio, seu Statutum Religionis præciperet rem parvi momenti, & circa materiã leuem, seu exiguam, prædictis modis, scilicet *in virtute Sanctæ Obedientiæ, in virtute Spiritus sancti*, transgressio non erit mortalis, sed tantum venialis. Ratio est, quia materia levis, seu exigua inobedientiæ, aut transgressionis Voti, non est capax obligationis sub mortali, etiam si Prælatus hoc intenderet. *Castro lib. 1. de leg. pœn. cap. 5. docum. 2. Sanchez lib. 1. in Decalog. cap. 4. num. 4.* Debet tamen certò, & indubitanter constare esse leuem materiam eam, quæ hoc modo præcipitur, vel prohibetur, ut iudicemus Constitutionem, vel Præceptum, quod aliis ex tenore verborum ad mortale obligabat, solum obligare ad veniale. Ratio est, quia in dubio semper est credendum Superiorem, aut Legislatorem rectè, & ordinatè præcipere. *Suarez 5. tom. in 3. par. disp. 4. sect. 6. num. 11. Aragon. 2. 2. q. 63. ar. 3.*

13 Similiter quoties in Constitutionibus, aut Statutis Religionum (idem dico de quocumque alio mandato) præcipitur aliquid sub pœna excommunicationis maioris latæ sententiæ, transgressio illius est mortalis. Ratio est, quia tam gravis pœna solum imponi potest pro culpa mortali. Vnde hoc etiam extenditur, si id quod præcipitur, aut prohibetur sit sub pœna excommunicationis ferendæ. Propter eandem rationem. *Salon. 2. 2. q. 77. art. 1. Henrriq. lib. 13. de Excommunicat. cap. 17. num. 2.* Quod intellige, nisi evidenter constet esse leuem materiam eam, quæ præcipitur, aut prohibetur, propter quam præsumatur talem excommunicationem ferendam exigere admonitionem. *Henrriquez ut supra. Sanchez lib. 6. in Decalog. cap. 4. num. 52.* Casu autem dato, quod pro re levi imponeretur maior excommunicatio, illa esset non solum iniusta, sed etiam inualida. Quia non solum esset contra Sacros Canones, sed & supra potestatem Prælati, ita ut dici posset continere errorem intolerabilem. *Cornexo tom. 2. in 3. par. tract. 5. de Excommunicat. disput. 3. dub. 3.*

14 Si tamen poneretur (quod non est admittendum) Constitutio, seu Præceptum sub pœna excommunicationis minoris, non inde inferretur transgressionem illius esse mortalem, sed posse esse venialem. Quia hæc levis pœna potest solo peccato veniali incur-

incurri, unde quod transgressio illius sit mortalis, vel venialis aliunde pensandum est, videlicet ex parte materiæ. Vasquez 1. 2. *disput.* 158. *num.* 40.

15 Item quoties in Constitutionibus, vel Statutis Religionum præcipitur, aut ordinatur aliquid sub pœna Suspensionis, Interdicti, vel Irregularitatis, transgressio illius est mortalis. Ratio est, quia istæ pœnæ sunt gravissimæ, atque ita nequeunt imponi nisi propter culpam mortalem. Suarez *tom.* 5. *in* 3. *par. disput.* 4. *sect.* 4. *num.* 7. Vasquez 1. 2. *disput.* 158. *cap.* 5. Excipe quando Suspendio, vel Interdictum essent alicuius rei levis, scilicet alicuius actus particularis, & ad breue tempus. Quia tunc non arguerent transgressionem mortalem. Suarez *ut supra*. Pœna autem degradationis, priuationis Ecclesiasticæ Sepulturæ, & similes, sine dubio arguunt transgressionem mortalem. Quia etiam sunt gravissimæ pœnæ. Castro *de leg. pan. cap.* 5. *docum.* 4. Medina *C. de Ieiun. q. de necess. seru. ieiun.*

16 Similiter si in aliqua Constitutione, vel Statuto Religioso statueretur pro aliqua culpa pœna mortis, mutilationis alicuius membri, carceris perpetui, triremium, & gravis infamiæ, credendum est transgressionem illius culpæ esse mortalem. Eò quod pœnæ tam atroces non possint poni nisi propter culpam mortalem. De pœna mortis, & mutilationis membri. Siluester *verb. præceptum quest.* 3. *in fine*. Sotus 1. *de Iustit. & Iure quest.* 6. *art.* 5. De pœna perpetui carceris. Cordub. *in Regul. D. Francis. cap.* 10. *quest.* 3. *punct.* 1. Azor. *tom.* 1. *Institut. moral. t.* 5. *cap.* 6. *quest.* 5. De pœna triremium Salon 2. 2. *quest.* 77. *art.* 1. *controu.* 7. Sanchez *lib.* 6. *in Decalog. cap.* 4. *num.* 64. De pœna gravis infamiæ Castro *lib.* 1. *de lege pœnali cap.* 5. *docum.* 4. & Azor. *loco citato*.

17 Similiter quoties Religiosus transgreditur aliquam Constitutionem, seu Statutum suæ Religionis, etiam alias non obligatæ ad culpam, ex cõtemptu, peccat mortaliter. Ratio est, quia cõtemptus est actus formalis inobedientiæ directè oppositus Voto Obedientiæ, quo in professione se altrinxit subijciendo se voluntati Superiorum. S. Th. 2. 2. *q.* 186. *ar.* 9. Caiet. *ibid.* Consistit aut huiusmodi cõtemptus, non in eo, quod quis ex malitia, prava consuetudine, indignatione, aut alia causa, transgrediatur præcepta, aut legem, sed in hoc, quod quis violet legem, aut præceptum, quia non vult subijci ipsi, aut Superiori præipienti, ita ut habeat duos actus, alterum quo vult non subijci legi, aut Superiori, alterum, qui ex illo oritur, scilicet transgredi tale præceptum, vel legem. S. Thomas *ut supra ad* 3. Caietanus *ibi, & in Summ. verb. contemptus*. Imò ad hoc quod cõtemptus sit peccatum

catum mortale, non sufficit quòd sit contemptus secundum quid, id est, quo Religiosus nolit subijci Superiori, aut præcepto, hic, & nunc, sed requiritur quòd sit contemptus simpliciter, id est, quòd nolit simpliciter subijci præcepto, aut Superiori. Caietan. *ut sup. vers. aduerte hic*. Val. *ut infra*. Si quis tñ transgredetur Constitutionem, aut Legem Religionis, non ex contemptu talis Legis, aut Constitutionis, sed ex contemptu executionis illius, quia scilicet reputat illam rem parui momenti, non semper peccaret mortaliter. Quia hoc non est velle non subijci legi Superioris, sed æstimare illam minus, quàm decet. Valentia 2. 2. *disput.* 10. q. 4. *puncto* 5. Sanchez *lib.* 1. *in Decalog.* cap. 15. num. 10. Vide *cap.* 1. num. 12.

18 Praua autem consuetudo, seu vsus non seruandi Constitutiones, aut Statuta Religionis, quæ non obligant ad culpam, vel solum ad venialem, non facit ex se, quòd transgressio illorum sit peccatum mortale. Ratio est, quia actus replicati sunt eiusdem speciei, ac proinde eiusdem malitiæ, si ergo prima transgressio Constitutionis Religiosæ fuit tantum peccatum veniale, etiam si millies replicetur, non fiet mortalis. S. Thomas 2. 2. q. 186. *ar.* 9. Caietanus *ibidem*. Potest tamen huiusmodi praua consuetudo, seu vsus transgrediendi Constitutiones fieri mortalis, primò ratione periculi, cui se exponit sic transgrediens, contemnèdi illas. Azor. *lib.* 4. *Instit. moral.* cap. 9. *quest.* 11. Secundò, quia si operans est valde perniciosus Religioni, suo prauo exemplo alios ad relaxationem inducens. Sanchez *lib.* 6. *in Decalog.* cap. 4. nu. 18. Vide *cap.* 1. num. 13.

19 Constitutiones, & Statuta Religionum non obligant quando sunt impeditiua operum Charitatis: vt si sit Statutum in aliqua Religione de non intrando in cellam alterius Religiosi, & contingat aliquem infirmari, potest Religiosus in illam intrare. Ratio est, quia nec aliæ Leges Ecclesiasticæ obligant in istis casibus. Rodriguez *to.* 1. *quest.* 9. 67. *art.* 3. Nec etiam obligant cum metu, aut probabili periculo vitæ. Quia nulla lex humana hoc pacto obligare potest. Vnde licet Carthusiani satis laudabiliter à carnibus abstineant, etiam cum periculo vitæ, postponentes bonum particulare vitæ bono communi Religionis in perpetua abstinentia à carnibus consistente. (Sanchez *libro* 6. *in Decalogus capit.* 15. *numero* 39.) Quod intelligo in casu quo est alius cibus, quo vti possint, nam si non est alius cibus, inhumanum est, & contra ius naturale, ita facere. Suarez 4. *tom. de Relig. tract.* 9. *lib.* 2. *cap.* 4. In nullo tamen casu tenètur à carnibus abstinere cum periculo vitæ. Quia nulla lex, aut etiam votum Religionis potest

test obligare contra præceptum naturale conseruandi vitam, cuius homo non est dominus, sed solus Deus. *Victoria in Relect. de temperantia à num.8.* Secus dicerem si esset scandalum, quia tunc lege naturali, & diuina teneretur illud vitare. *Bonacina de legibus disp. 2. q. 8. punct. 2. nu. 16.*

20 In casibus, in quibus obseruantia Constitutionis, seu Statuti Religionis ita deficit à ratione, vt repugnet bono communi dispositio ipsius, non obligat. Ratio est, quia tunc concurrunt duo contraria, scilicet lex naturalis, & lex positua, ac per consequens standum est legi naturali, quæ est strictior. *Caier. 2. 2. q. 12. art. 1. Rodriguez 1. 1. quest. Regul. q. 67. art. 4.* Non verò deficit Lex, aut Constitutio, quando ratio ipsius in particulari casu, & persona deficit. Eò quòd Lex, seu Constitutio respicit bonum commune. *Rodriguez vt supra, referens Sotum.*

21 Omnes Superiores Religionum, etiam ipse Generalis, tenentur Legibus, & Constitutionibus suorum Ordinum, quoad vim directiuam. Eò quòd sint membra Religionis, præsertim, cum Lex, siue Constitutio, non ab ipsis solùm, sed à Capitulis habuerit suam vim. *D. Thom. 1. 2. q. 96. art. 5. Sotus 1. 1. de Iust. q. 6. art. 7.* Imo aliquo modo dici possunt obligari ad illas, etiam quoad vim coactiuam, quatenus finito officio suo, vel tempore Capitulorum possunt ob earum transgressionem puniri. *Rodriguez 1. 1. q. 68. art. 3. Miranda in Man. Pralat. q. 29. art. 4.*

22 Constitutiones, seu Statuta Religionum confirmata auctoritate Papæ non possunt mutari ab ipsis Religionibus, seu Capitulis ipsarum. Eò quòd inferior non potest tollere facta à Superiore. *Nauarrus 1. 1. Consil. tit. de const. cons. 8.* Hoc tamen intellige, quando prædicta confirmatio Papalis fuit facta in bonum Religionis, seu per modum decreti, mandati, aut ordinationis: quando enim facta fuit in fauorem statuentium tales leges, tunc confirmatio Papæ habet vim cuiusdam priuilegij, & ita liberè ab illo possunt recedere priuilegiati. Ita probabiliter *Rodriguez 1. 1. quest. 10. art. 4. Miranda 2. 1. Man. q. 29. art. 8.*

23 Quamuis de iure communi non possint Superiores Religionum dispensare vniuersaliter in Legibus, Constitutionibus, aut Statutis ipsarum, nisi quando illis talis facultas conceditur expressè, vel intrepreatiuè; eò quòd inferiores non possunt in Legibus latis à suis Superioribus dispensare, Constitutiones autem Religionum factæ sint à tota Religione, vel Prouincia, quæ sunt Superiores Generali, & Prouinciali (*Siluester verb. dispensatio q. 4. & 9. cum sequentibus. Nauarr. in Man. pralud. 9. num. 15.*) In aliquibus casibus tamen id possunt, scilicet in casibus leui-

bus,

bus, in quibus recurrere ad Superiores, vel Capitulum esset intolerabile, & in casibus, qui frequenter accidunt, in quibus etiam durum, & asperum videtur tantum tempus spectare. Ratio huius est, quia in his casibus præsumitur licentia interpretativa concedi à iure, & maioribus Superioribus, idque consuetudine, quæ est optima Legum interpretatio, obseruatur. Medina 1. 2. q. 97. art. 4. concl. 3. Miranda in 2. tom. Man. q. 30. art. 11. Vide c. 18. nu. 54.

24 Consuetudo legitimè præscripta, & debitis circumstantiis vestita, v.g. quod sit rationabilis, vniuersalis, & cum notitia Superioris, habet vim legis, seu Constitutionis, & potest tollere legem contrariam, aut Constitutionem, seu Statutum, quod erat prius in Religione. Ratio est, quia consuetudo hoc modo censetur quasi quædam Lex, aut Constitutio Religionis. Rodriguez 1. tom. quæst. Regul. q. 69. art. 1. Miranda 2. tom. Man. q. 28. per totam. Præscribit autem huiusmodi consuetudo si est contra legem, quadraginta annis. Nauarr. in man. cap. 21. nu. 13. Si autem est præter legem, decem annis. Rodriguez tom. 1. quæst. 69. art. 1. Sa in Summ. verb. consuet. nu. 3.

25 Constitutio, seu Ordinatio Religionis permittens in eam Magistros, aut Doctores, tolerari potest, dummodo, qui accipit tales gradus sit idoneus, aliis, qui scit non esse idoneum, & petit illos, peccat mortaliter, sicut qui scienter admittit. Siluester verb. Doctor. q. 4. Sa in summ. verb. docere nu. 2. Auertendum etiam est Decretum Clem. VIII. & SS. D. N. Urbani circa huiusmodi graduatos, videlicet. *Nullus nisi actu legat, vel prædicet, aliquo sui gradus priuilegio gaudeat.* Vide alia circa illos cap. 20. nu. 20. & 24. Animaduerti tamen debet *actu legere*, dici etiam Lectores, quando tempore vacationum student vt legant. Laurentius de Peirinis tom. 1. priuileg. Minim. in Constit. 2. Iulij 2. S. 5. nu. 21.

26 De mandato Clem. VIII. in decretis pro reformatione Regularium innouatis à S. Congregat. iussu SS. D. N. Urbani præcipitur Generalibus, ac omnibus alijs quibuscunque Superioribus, ad quos hoc spectat, vt curent, ac efficiant, prædicta omnia decreta inter alias eorundem Ordinum Constitutiones perpetuò valituras redigi. An autem inde inferatur hæc Decreta non inducere aliam obligationem ad sui obseruantiam, quam Constitutiones Religionum? Mihi videtur verior pars negatiua. Ac proinde quòd de obligatione horum Decretorum loquendum sit iuxta generales regulas, quæ de iure communi sunt ad cognoscendam obligationem aliarum Legum Pontificalium, de quibus nos egimus supra, & cap. 7. à num. 7.

27 Ad hoc quod Leges, seu Constitutiones Religionum obligent

gent subditos requiritur aliqualis promulgatio ipsarum. Hoc enim necessariò requiritur pro cuiuscunque Legis obligatione. Licet autem promulgatio in singulis Monasterijs, seu Domibus Religionis optima sit, non videtur tamen necessaria, sed sufficit quòd in Capitulo Generali, vel Prouinciali respectiue, fiat. Sicut generaliter Lex Pontificia sufficienter promulgatur Romæ, Episcopalis in Cathedrali Ecclesia, Regia in Curia Regis. Suarez 4. tom. de Relig. tract. 8. lib. 2. cap. 8. nu. 15. & 16.

28 Immunitates, & libertates concessæ Religiosis in Constitutionibus (imo & Regula) Ordinum, possunt à Prælati ipsorum, aliquibus coarctari, ex iusta causa, nisi talis coarctatio sit expressè prohibita prædictis Superioribus. Ratio est, quia eo ipso quòd non est illis prohibita, censetur concessa; eò præsertim quia ad bonum regimen Religionis spectat ita facere, saltem in aliquibus casibus. Corduba in Regul. D. Franc. c. 10. q. 2. punct. 6. Sanchez lib. 6. in Decalog. cap. 3. nu. 9. Idem etiam dicendum est de Prælato inferiori respectu licentiæ, & immunitatis Religiosis à Superioribus Prælatis concessarum. Laurentius Peirinis tom. 1. q. 1. de obed. cap. 8. in fine.

29 Licitæ est, & honesta Constitutio præcipiens Religiosis studia literarum. Vt latè probauimus in tractatu de Reformat. Regular. cap. 11. Laurentius de Peirinis tom. 1. de Subdito q. 1. de Obedient. cap. 30. Religiosi etiam ad studia deputati notabiliter negligentes in studendo, sæpe peccant mortaliter. Tum quia occupant aliorum locum. Tum quia abutuntur commoditate illis ad studendum à Religione concessa, videnturque scientias contemnere. Nauarrus in summ. cap. cap. 25. nu. 59. Peirinis vt supra.

30 Licitæ quoque est Constitutio prohibens ne litteræ missæ ad Superiores aperiantur, vel detineantur à subditis. Vnde inter casus reservabiles à Superioribus designauit Clemens VIII. *malitiosum impedimentum, aut retardationem, aut aperitionem, litterarum à Superioribus ad inferiores, & ab inferioribus ad Superiores missarum*. Ratio est, quia per hoc impeditur maximè bonum regimen Religionis, & fraterna charitas inter Religiosos. Pro explicatione autem huius casus reservabilis, quando scilicet in eo quis peccet, consule Quarantam in Compend. Bullar. verb. casus reservat. num. 12. & Coriolanum in tract. de cas. reseru. par. 2. casu 11. Deinde qui aperit litteras obferatas, vel alienas scripturas animo nocendi, vel cum graui detrimento aliorum, peccat mortaliter. Quia in re graui offendit proximum. Rodriguez to. 2. quæst. Regul. quæst. 36. articul. 2. Non tamen peccat mortaliter qui

qui aperit litteras, ex quibus sibi vel alteri timet periculum, alicuius damni notabilis iniuste inferendi. Quia in tali casu præceptum naturale de euitando damno iniuste inferendo, præponitur præcepto de obseruando secreto. Nauarr. *in Summ. cap. 18. nu. 53.* Laurent. de Peirinis *tom. 1. de Subdit. quæst. 2. de paupert. cap. 2. §. 13.*

31 Scribere litteras ad Prælatum sine nomine, continentes delicta occulta contra aliquem, est ex suo genere mortale peccatum. Quia est reuelare crimen occultum fratris, quod mortale est. Nisi forsan hoc fieret ex charitate, non ex odio, aut maleuolentia: ultionem, & punitionem non quærens, sed solum correctionem, & emendationem, & celatur nomen scribentis, quia si forte perueniat ad notitiam illius contra quem scribitur, reddetur illi inimicus. Laurent. de Peirinis *tom. 1. de Subdito q. 2. de paupert. cap. 2. §. 12.* Non possunt tamen Prælati ex huiusmodi litteris, ad inquisitionem procedere delictorum, quæ continent. Probatur ex *cap. Inquisitione de accusat. §. 3.* ubi id habetur. Rodriguez *tom. 2. quæst. Regul. q. 6. art. 10.* Vide dicenda *c. 27. n. 4.*

32 De obligatione obseruandi Ceremonialia, seu Ordinalia Religionum phylosophandum est eodem modo, ac de alijs Legibus, Statutis, ac Constitutionibus Ordinum. Ac proinde dicendum, transgressionem eorum, quæ in illis præcipiuntur, esse peccatum mortale, vel veniale, iuxta quantitatem materiæ, & alias circumstantias, iuxta dicta in hoc capite, & præcedenti. Ex parte tamen materiæ, scilicet eorum, quæ in illis præcipiuntur, est sine dubio maior obligatio ea obseruandi, quam alia, quæ per alias Constitutiones ordinantur, ac per consequens transgressio magis peccaminosa; nam quæ in prædictis Ceremonialibus præcipiuntur immediatius, & proximius concernunt cultum Dei, in quo vix potest aliquid minimum reperiri. Specialiter verò de Ceremoniali Carmelitarum illud occurrit monendum, quòd quamuis in illo dicatur, *Sub obedientia præcepto vobis omnibus, & singulis, præsertim verò Superioribus, ad quos ista spectant, iniungimus, ut quibuslibet alijs minus congruis Ceremoniarum, & Rituum obseruationibus relictis, in omnibus, quoad melius fieri poterit, huic nostro Ordinario, & Ceremoniali conformemini, illudque ad unguem sequamini:* nihilominus, non obstante huiusmodi præcepto Obedientiæ, non erit peccatum mortale, vnam, aut aliam, aut etiam aliquas, saltem paucas, Ceremonias non obseruare, si non sit contemptus, aut voluntas non se conformandi prædicto Ceremoniali, aut notabilis, & magna negligentia in

nun-

nunquam studendo, addiscendo, aut legendo illud. Sic enim interpretatur hoc præceptum communis vsus Religionis, & Reuerendissimi Generales Ordinis à me super hoc interrogati, ita responderunt. Semper tamen erit veniale peccatum, nisi adsit negligentia, obliuio, aut ignorantia inculpabilis.

33 Pœnæ priuationis officiorum, dignitatum, graduum, & administrationum, &c. seu inhabilitatis, ad illa: seu alia, quæ apponi solent in Constitutionibus, & Statutis Religionum, etiam si ponantur sub verbis, *ipso facto, ipso iure, eo ipso*, aut similibus, non incurruntur in foro interiori conscientiæ, nisi præmissa declaratione Superioris, qua adminus. constet. Religiosum perpetrasse illud crimen, propter quod imponuntur tales pœnæ, iuxta dicenda *cap. 10. num. 30*: Eò quòd ita videtur esse praxis Ecclesiæ, saltem quoad plures doctos, & timoratos. Quando autem adduntur vterius illæ particulæ *absque vlla declaratione, absque vlla sententia, ante declarationem, vel sententiam, &c.* aut similia, tunc obligatur reus ad tales pœnas etiam in foro interiori, & conscientiæ soluendas, iuxta dicenda etiam eodem *cap. 10. num. 31*. Licet aliqui non improbabilius dicant contrarium, ve ibidem notabimus. Consuetudo tamen, & vsus, seu acceptio Religionum maximè attendenda est, seu declaratio illius, qui Constitutiones, seu Statuta fecit. In nostris autem Constitutionibus *par. 5. cap. 1.* sic dicitur: *Item cum in Constitutionibus Nostris frequenter ponatur pœna depositionis ab officio Prælatorum, & aliorum Officialium ipso facto, propter multa pericula, quæ possent inde contingere, declaramus, quòd intelligitur ipso facto, postquam in Capitulo, vel Visitatione fuerint conuicti, & confessi coram Superiore.* Idem habetur *cap. 8. 9. & 10.*

34 De obligatione, quam habent Religiosi assumpti ex Ordinibus ad Dignitates, ad obseruandum Constitutiones, & Statuta Religionum dicimus *capite 17. num. 8.* De Prælati, etiam Generalibus *capite 18. num. 11.* De Electis *capite 23. numero 17.* De Nouitijs *capite 24. numero 2.* De Monialibus *capite 25. num. 1.*

De obligationibus Religiosorum, quæ habentur
in Iure, vel Concilij.

C A P. I X.

IN primis *cap. 2. Ne Clerici, vel Monachi in 6.* excommunicantur Religiosi professi habitum suæ Religionis in Scholis, vel alibi temerè dimittentes. De quo latius agimus *cap. 13. à numero 2.* Solum est aduertendum huiusmodi excommunicationem nulli esse reservatam.

2. Secundò excommunicantur eodem genere excommunicationis nulli reservatæ, professi accedentes ad quævis studia, nisi à suo Prælato cum consilio Conuentus, vel maioris partis illius, licentia primitus obtenta. Ita habetur dicto *cap. 2. Ne Clerici.* Unde ad hanc excommunicationem incurrendam non requiritur, quòd Religiosus habitum deponat, sed etiam si cum habitu vadat, illam incurrit. Eò quòd textus non petit hanc conditionem dimissionis habitus. Sanchez *lib. 6. in Decalog. cap. 8. num. 72.* Nec requiritur, quòd studia sint aliàs prohibita, sed etiam si sint permissa, adhuc incurreretur talis excommunicatio. Quia textus expressè dicit ad quævis studia. Silvester *v. Excommunic. 9.* Non incurritur tamen hæc excommunicatio si Religiosus vadat etiam sine licentia ad alium Conuentum propter studia, quæ sunt intra suæ Religionis Claustum. Quia intentum huius Legis, solum videtur fuisse prohibere studia extra Claustra Religionis. Caiet. *in Summ. v. Excommunic. cap. 61.* Bonacina *in tract. de Clausura quæst. 2. punct. 6. §. 5.* Nec etiam incurritur si vadat ad studia extra Claustra Religionis, mansurus tamen in Conuentu illius Ciuitatis, vel Oppidi, vbi sunt talia studia. Eò quòd textus, solum videatur prohibere, ne Religiosus Studeat manens extra Claustra sui Monasterij. Suarez *5. tom. in 3. part. disput. 23. sect. 4.* Bonacina *vt supra §. 5.* Licentia autem, quæ ex hoc Capite requiritur, pensanda est secundum consuetudinem Religionum. Si enim fuerit talis consuetudo, quòd solum concedatur à Generali, vel Prouinciali, non sufficiet licentia immediati Prælati. Suarez *vt supra num. 37.* In quo casu non videtur necessarius consensus Monasterij, quia textus solum videtur loqui, quando licentia conceditur à Prælato immediato, non autem quando à Generali, vel Prouinciali conceditur. Silvester *v. Ex-*

v. Excommunic. 9. casu 25. num. 35. quæst. 2. Sanchez lib. 6. in Decalog. cap. 8. num. 87.

3 Deinde Religiosi de Claustis exeunt ad audiendam medicinam, vel Leges, nisi intra duorum mensium spatium redierint, sunt excommunicati, & reuersi ad Conuentum, in Choro, Mensa, Capitulo, &c. debent esse ultimi. Ita habetur in cap. fin. ne Clerici, vel Monachi. Bonacina in tract. de Clausura quæst. 2. punct. 7. Nulli verò est reseruata hæc excommunicatio. Nec comprehendit Religiosos intra Claustra audientes istas scientias; vel foris; manentes tamen intra Claustra. Nec comprehendit docentes illas, nec habentes priuatim in cellis Lectores Legum, nec eos, qui student Legibus, in quantum conducunt ad intelligentiam Canonum. Toletus in Summ. lib. 1. cap. 37. Extenditur hæc excommunicatio ad Doctores, siue Magistros, qui Religiosos, habitu suo dimisso, Leges, vel Physicam audientes, scienter docere, aut in Scholis suis præsumpserint retinere. cap. 2. ne Clerici, vel Monachi in 6. Caietan. in Summ. verb. excommunic. c. 61. Sanchez lib. 6. in Decalog. cap. 8. num. 89. Bonacina punct. 8.

4 Præterea, Religiosis omnibus maximè interdictum est à correctione suorum Superiorum appellare ad ludices extraneos. Primò quidem Iure Communi cap. ad nostram de appellationibus, & cap. reprehensibilis, eodem tit. in fine ibid. Ne Religiosi cum pro aliquo excessu fuerint corrigendi, contra Regularem Prælati sui, & Capituli disciplinam, appellare præsumant. Secundò propter multa priuilegia Religionibus concessa, specialiter Bonifac. VIII. pro Franciscanis, Sixti IV. pro Carmelitis, & Augustinianis, & Iulij II. pro Fratribus, & Sororibus Ordinis Prædicatorum, vt refert Casparubius in Compend. Priuileg. Mendicant. verb. appellare. Vbi etiam habetur Greg. XIII. in quodam motu proprio Anno 1575. Interdixisse Franciscanis de Obseruantia, sub pœna excommunicationis Summo Pontifici reseruata, & alijs pœnis, appellationem ad Tribunalia Secularia; concessisse tamen eis appellationem ad Generalem, vel Protectorem, vel Pontificem. Sac. quoque Congregationem Cardinalium edidisse Decretum, Ann. 1587. vt appellatio hoc ordine interponatur: à Guardiano ad Prouincialem, à Prouinciali ad Generalem, à Generali ad Protectorem, & ab hoc ad Cardinalium Congregationem, referrurque hanc appellationem esse permissam à Sixto V. Extat etiam Bulla Clem. VIII. quæ est. l. 10. in 3. tom. Bullarj edita Ann. 1604. Vbi appellatio prohibetur Carmelitis sub excommunicationis Lata Sententia pœna, à qua, non nisi à nobis, seu Romano Pontifice pro tempore existente, præterquam in mortis articulo absolui possint,

possint, nec non priuationis perpetuae Officiorum per eos obtentorum, ac inhabilitatis ad illa, & alia quaecumque dicti Ordinis Officia exercenda, ac vocis, tam actiue, quam passiuæ, eo ipso absque alia declaratione incurrere pœnis. Subiungit etiam Pontifex: *Districtius inibemus, ne ad ipsa Tribunalia Secularia, quouis pretextu, aut quæsito colore appellare, vel ad illa confugere, aut ea propterea quoquo modo adire audeant, vel presumant. Sed si se à Prælatiis grauari pretendant, ad Priorem Generalem ipsius Ordinis, seu illius Protectorem, aut Viceprotectorem in Romana Curia, vel ad nos, sius Romanum Pontificem pro tempore existentem, Supramum in Ecclesia Dei Iudicem, sicut antiquitus semper facere consueuerunt, recursum habeant, unde illis breui manu iussitua ministrabitur. Volentes, & ita Declarantes, quod nedum dicti Ordinis Regulares persona contra facientes, verum etiam consultores, easdem pœnas eo ipso omnino incurrant. Decernentes irritum, & inane quidquid secus super his à quouam, quauis auctoritate, scienter, vel ignoranter contigerit attentari.* Vide Bullam tertio tom. Bullarij pag. 159. Similem prohibitionem habent Augustiniani ab eodem Clement. VIII. in Bulla *Quoniam nostris*. Ann. 1604. edita, & Scrutæ in alia Bulla eiusdem tituli Ann. 1593.

5. Circa quæ aliqua animaduertenda sunt. Primum est, hæc Iura, & Decreta Pontificum congruentissima ratione pro Religiosis edita fuisse, vt ab eis abominabilis iste appellandi à suis Prælatiis vsus omnino exularet. Est enim appellatio à correctione Regulari, seu sententia Superiorum ad tribunalia secularia, inuentum Diabolicum, honorem Religionis inhonestans, & pacem, & tranquillitatem Religiosorum perturbans, signumque maximæ relaxationis, cum regulariter loquendo, solum apud aliquos ambitiosos, superbos, & deformatos locum habeat. Sotus de Iustit. & Iure lib. 5. quæst. 6. artic. 3. Aragon. 2.2. quæst. 69. art. 3.

6. Secundum est, Religiosis non solum esse prohibitam appellationem ad Iudices non competentes, vt ad Laicos, aut Seculares Magistratus, vel Iudices, hoc enim dese patet inquisitum esse, & omni pœna, & supplicio dignum, sed etiam aliquando ad Iudicem comperentem, scilicet Sedem Apostolicam, Dominos Nuncios, Legatos, &c. Ratio est, quia licet Sedes Apostolica, aut Apostolica Tribunalia, sint Suprami Iudices Ecclesiæ, tamen ipsi Summi Pontifices Ecclesiæ capita, attendentes maximum detrimentum Religiosæ disciplinæ ex prædicta appellatione oriri, Iuri suo cedentes, prohibent Religiosis præ-

prædictam appellationem, propter bonum Religionum. Cuius signum est, quod Cisterciensibus interdicta est appellatio, etiam ad Sedem Apostolicam sub pœna excommunicationis. Idemque, privilegium dicitur concessum Canonis Regularibus, & Minoribus à Iulio II. Suarez 4. tom. de Religion. tract. 8. lib. 2. capit. 11. num. 2. 13. & 16. Sanchez lib. 6. in Decalog. capit. 8. num. 108. & 109. Nota autem quod 5. Congregatio Regularium Iure Computari debet inter Tribunalia Religionis. Thomas de Iesu de visit. Regul. tract. 3. cap. 17. num. 7.

7 Tertium est, quod in raro, & graui casu, in quo euidenter constaret Religioso fieri notabilem iniuriam, in fama, honore, & reputatione à suis Superioribus, licita illi esset appellatio ad Summum Pontificem, vel 5. Congregationem. Ratio est, quia hoc videtur permissum à Summis Pontificibus, vt conforme Iuri Naturali, non solum in aliquibus Decretis ex adductis, sed à Iure in cap. de Priore de appellation. cap. licet de Offic. Ordinar. & capit. sup. quæst. versic. nos autem de Officio Legat. Nauarrus Comm. 3. de Regular. num. 51. & lib. 2. Consil. in 1. edit. tit. de Sentent. & re Indicata, consil. unico num. 6. & tit. de appellat. consil. 4. num. 1. Azor. lib. 12. Institut. Mor. cap. 11. quæst. 8. In tali autem casu appellatio executionem sententiæ regulariter suspendit, vt colligitur ex cap. venientes de Iure Iurand. & cap. Pastoralis §. præterea de Offic. Iudic. deleg. Nauarrus lib. 2. Consil. de appellat. cons. 6. n. 1. Necesse est etiã in appellatione causã grauaminis exprimere. Quia solummodò admittitur appellatio cum modus exceditur. Sanchez tom. 2. de præcep. Decalog. lib. 6. capit. 8. num. 105. Thomas de Iesu de Visit. Regul. tract. 3. cap. 17. nu. 8. Vnde si talis causa non assignatur, vel causa assignata triuola, vel iniusta visa, fuerit ipsi Iudici, & alijs ad hoc consiliarijs adhibendis, nihil de illa curare debet Iudex, quia talis appellatio non suspendit executionem sententiæ. Alderete lib. 2. de Discipl. Relig. cap. 28. n. 28. In alijs autem casibus non est toleranda appellatio Religioforum, etiam si illis aliqua iniuria fiat: cum recta, & bona æstimatio Religionis anteponi debeat, etiam secundum Ius naturale, bono priuato alicuius, sicut eodem Iure Naturali dictante, manus recipit idum, aut vulnus, ad seruandam incolumitatem corporis, vel capitis. Rodriguez tom. 1. quæst. Regul. quæst. 29. art. 3. Laurentius Peirinis tom. 1. quæst. 1. de Obed. cap. 20.

8 Idem etiam suo modo dicendum est, & propter eandem rationem, de facultate recusandi Prælatos Regulares, illam scilicet, esse omnino illicitam, & abominabilem Religiosis, nisi in casu rarissimo, quo licita esset appellatio, Videlicet quando euidenter

constaret, Prælatum Regularem omnino iniquè se gerere contra bonam famam, & opinionem alicuius Religiosi in materia graui. Sanchez *lib. 6. in Decalog. cap. 8. num. ultim.* Qualiter autem se gerere debeant tam recusans, quàm recusatus. Vide Laurentium de Peirinis *tom. 1. quæst. 1. de Obedient. cap. 19. §. 1.*

9 Nullus etiam Religiosus potest esse executor testamenti, seu testamentarius, siue ad causas prophanas, siue ad pias, absque ob-
tenta sui Superioris licentia. Quia ita habetur *in cap. 2. de testa-
mentis in 6. illis verbis: Religiosus executor ab aliquo in sua vlti-
ma voluntate deputatus, non potest, cum velle, vel nolle non habeat,
huiusmodi officium suscipere, vel exequi, nisi à Superiore suo peti-
ta super hoc licentia, & obtenta.* Sufficiet autem tacita licentia,
cum textus non dicat expressam esse necessariam. Siluest. *verb.
testament. 2. quæst. 2. dist. 3.* Sanchez *lib. 6. in Decalog. cap. 11. nu. 11.*
Eamque potest quilibet Superior, etiam immediatus, concedere.
Cum circa hoc nihil dicatur in prædicto capite. Molina *tom. 1.
de Iustit. disput. 247.* Nisi fortè in Religionibus hoc esset deter-
minatum, vt solum id ad Prælatos Superiores spectaret. Sanchez
lib. 6. in Decalog. cap. 11. num. 16. Fratres autem Minores de Ob-
seruantia nequeunt esse executores testamentorum, adhuc ob-
tenta suorum Superiorum licentia. Quia ita habetur *in Clem.
exiuit §. proinde cum vir Sanctus, versic. verum etiam de verbor.
significat.* Rodriguez *3. tom. quæst. Regul. quæst. 70. artic. 2.* Religiosi
verò executores testamentorum tenentur reddere rationem
Episcopo. Ex Concil. Trident. *sess. 22. cap. 8.* Alfonso Villagut *in
Spec. V. isitator. fol. 32. num. 9.*

10 Religiosi nequeunt sibi eligere sepulturas, nisi à proprijs
Monasterijs adeò forsitan sint remoti, quòd ad ea, cum moriun-
tur, non possint commodè portari. Ratio est, quia ita decidi-
tur *in cap. fin. de Sepult. in 6.* Siluest. *verb. Sepultur. quæst. 6.* Na-
uarrus *Comm. 2. num. 43. de Regular.* Augustinus Barbosa *de Of-
ficio, & Potest. Parochi cap. 26. num. 30.* vbi etiam alia ad inten-
tum. Prælatis autem concedunt id posse facere, forsan, quia in
suis Monasterijs habent auctoritatem, Tabiena *verb. Sepultura
quæst. 4. num. 5.* Rodriguez *tom. 3. quæst. Regul. quæst. 60. art. 1.*

11 Religiosi etiam non possunt comparere in iudicio, siue tan-
quam Acores ad agendum, siue tanquam Rei ad se defendendum
sine licentia sui Superioris. Ratio est, quia in hoc æquatur in
Iure Religiosi cum seruis, aut filijs familias, & quasi pro mortuis
habentur, vt tradunt Doctores communiter *cap. cum dilecti. de
rescript. & autentica causa, qua fit cum Monacho C. de Episcopo,
& Cleric.* Nauarrus *Comm. 2. de Regular. nu. 64.* & Sanchez *lib. 6.*

in Decalog. cap. 12. Vnde neque pro iniuria sibi illata, siue in persona, honore, aut bonis possunt in Iudicio comparere, sed hoc competit Prælato. Siluest. verb. Relig. 3. quæst. 4. Nauarr. Comm. 2. de Regular. num. 29. & 64. Quando tamen Monachus est extra Monasterium, videlicet in Studio, aut alibi, cum licentia sui Superioris, aut quando Superior est ita absens, vt commodè absque periculo in mora non possit habere eius responsum, tunc agere, potest in Iudicio, ratione licentiæ præsumptæ in istis casibus. Nauarr. Comm. 2. de Regular. num. 65. Azor. lib. 12. Institut. Moral. cap. 11. quæst. 9. Similiter si agere velit contra Prælatos, vt in Religione teneatur, vel vt ab ea repulsus admittatur, vel ne eis quæ de Iure Ordinis debentur, denegentur, tunc poterit sine licentiâ ipsius licem agere, seruatis tamen alijs seruandis. Quia in hoc casu ipsa Religio, vel Ius naturale dat talem licentiâ. Sanchez lib. 6. in Decalog. cap. 12. num. 16.

12 Nec potest Religiosus munus Aduocati, vel Procuratoris in causa aliqua tenere, nisi propter vtilitatem Monasterij, & iubente Prælato. Quia ita habetur in cap. Monachi el. 2. 16. quæst. 1. illis verbis: Nulius Monachorum forensis negotij susceptor, vel executor existat, nisi quod Monasterij posset vtilitas, Abbate sibi nihilominus imperante. Siluester verb. Aduocat. quæst. 6. Sairus Glau. Reg. lib. 12. cap. 22. num. 3.

13 Nec etiam potest exercere munus Tabellionis. Ratio est, quia ita habetur in cap. sicut ne Clerici, vel Monachi, & ex cap. ut inquisitionis §. verum quia versicul. ad conscribendas de heretic. in 6. Vbi tanquam quid speciale conceditur fauore Fidei, vt Monachus, qui in seculo erat Tabellio, possit etiam in Religione id munus exercere. Potest tamen Monachus, qui in seculo erat Tabellio complere, etiam post professionem, & signare instrumenta, quæ in seculo solum fecerat. Quia hoc non est tam exercere de nouo Officium Tabellionis, quàm supplere defectus factos in alio tempore. Nauarrus Comm. 2. de Regular. num. 42. Rodriguez to. 3. quæst. Regul. quæst. 8. art. vltim. Possunt etiam Religiosi exercere munus Notariorum in quibuscumque causis Sanctæ Fidei, & Inquisitionis. Ita decreuit Pius IV. in Bulla, quæ incipit Pastoralis Officij Ann. 1561. Affertur etiam alia Iulij III. similia concedentis Generali Ordinis Prædicatorum: Flau. Cherub. in Compend. huius Bullæ. Vide dicenda cap. 18. num. 95.

14 Nec etiam potest Religiosus esse Iudex, etiam Arbitrarius, in aliqua causa, nisi concurrente duplici conditione, scilicet licentiâ Superioris, & vtilitate Monasterij. Ratio est, quia ita deciditur in cap. Monachi el. 2. 16. quæst. 1. & cap. de præsentium 16.

quest. 1. & cap. 2. de postuland. Ita communiter Summistæ *verb. arbit.*, & Sanchez *lib. 6. in Decalog. cap. 13. à num. 55.* ubi multa de hoc. Possent tamen Prælati Religionum eligi in Iudices Conservatores aliarum Religionum. Propter Privilegia illis concessa, de quibus Rodriguez *tom. 1. quest. Reg. quest. 65. art. 3.* An autem modò post decreta Summorum Pontificum, præsertim Gregorij XV. hoc ita sit tenendum, constat ex dictis *cap. 3. n. 11.* Possunt similiter Religiosi esse Assessores. Eò quòd Assessor non est Iudex, sed Consultor, aut Instructor Iudicis, quod nullibi est illis prohibitum. Sanchez *lib. 6. in Decalog. cap. 13. num. 85.* Possunt etiam Religiosi, saltem ex vi Iuris Communis, esse Vicarij Episcoporum, duabus illis conditionibus subsistentibus, scilicet licentia Superioris, & utilitate Conventus. Cum enim munus Vicariatus sit Officium pertinens ad Iudicia, erit prohibitum Religiosis, nisi subsint illæ duæ conditiones. Azor. *10. 2. Instit. Moral. lib. 3. c. 43. quest. 10.* Rodriguez *tom. 3. quest. Reg. quest. 76. articul. ultimo.* Contrarium verò tenet Peirinis *tom. 1. Privileg. Minimor. in 4. Constit. Sixti IV. §. 10. nu. 48.* Ab ijs tamen muneribus Arbitri, Assessoris, & Vicarij Episcoporum arcent multi Frânciscanos propter Clementinam *Exiui*. Arcentur etiam illi, quibus propter speciales Constitutiones sui Ordinis est hoc prohibitum. Sanch. *lib. 6. in Decalog. cap. 13. à num. 66.*

25 Religiosi non possunt vllò modo exercere artem Chirurgiæ cum incisione, vel aduisione. Ratio est, quia ita habetur *ex cap. Tua nos de homicidio*. Ita Summistæ v. *Medicus*, vel *Medicina*. Extenditur, ut neque causa pietatis id liceat. Propter eandem rationem. Armilla *in Summ. v. Irregularitas num. 47.* Nauarr. *in Summ. cap. 25. num. 110.* Vnde oppositum facientes sunt Irregulares, si inde sequatur mors, quantumcumque diligentiam adhibeant, ne sequatur. Quia dant operam rei sibi prohibitæ. Cornexo *tom. 2. in 3. par tract. 3. de Irregul. disputat. 3. dub. 2.* An autem possint Religiosi artem istam absque vlla incisione, & aduisione exercere, res est dubia. Sed probabilius est, non posse. Eò quòd quamvis nullus textus expressè id prohibeat, tamen implicitè prohibetur in toto titulo *Ne Clerici, vel Monachi*, ubi sæpius habetur, Religiosos non posse exercere negotia Secularia, & eorum statum dedecentia, munus autem Chirurgiæ indecens pro illis videtur. Nauarr. *in Summ. cap. 25. num. 110.* Sanchez *lib. 6. in Decalog. cap. 14. num. 18.* Qui addit, in Societate Iesu esse privilegium à Gregorio XIII. concessum, ut Religiosi Medicinæ periti, possint mederi quibuscumque infirmis, quando Medici Seculares commodè haberi non possunt, dummodo id fiat ex Superioris

perioris licentia, & citra aduſionem, & conbuſionem per ipſos faciendam. Addit etiam Cornexo *vi ſupra*, quòd ſi Clericus (idem eſt de Religioſo) curet citra incuſionem, vel aduſionem, & omni diligentia adhibita infirmus moriatur, non erit Irregularis, quia, etſi curare hoc modo ſit prohibitum, non tamen eſt prohibitum ratione periculi homicidij, ſed ratione indecentiæ.

16 Non eſt in Iure prohibitum Religioſis eſſe teſtes, cum nullus textus id prohibeat, potius eſſe illis permiſſum colligitur ex *cap. nuper de teſtibus*, & *authent. de Monach. §. cogitandum collat. 1.* Et ita videtur dicendum poſſe eſſe teſtes, tam iudiciales, quàm cuiuſcunq; instrumenti. Silueſter *verb. teſtament. 1. queſt. 5. diſt. 1.* Molina *tom. 1. de Juſtis. diſput. 127. §. vtrum autem.* Quod etiam extenditur ad teſtamentum, in quo aliquid relinquitur Monasterio Religioſi, qui eſt teſtis. Quando enim aliquid non eſt ſpeciale ſingulorum commodum, ſed Vniuerſitatis, vel Collegij, poteſt quilibet ex illa Vniuerſitate, vel Collegio teſtificari. Sanchez *lib. 6. in Decalog. cap. 13. num. 102.* Ad hoc tamen, vt Religioſus ſit teſtis alicuius cauſæ Iudicialis, requiritur licentia Superioris. Quia cum Iudex ſecularis non ſit Superior Religioſi teſtificantis, non poteſt ab illo exigere teſtimonium, niſi Religioſus ſe illi ſubijciat, ad quod eſt neceſſaria licentia proprii Prælati. Angelus *verb. teſtis num. 3.* Sanchez *num. 103.* Si tamen teſtificetur ſine tali licentia, teſtimonium valebit. Cum nulli ſibi ſit irritatum, & potius interpretanda ſit res vt valeat, quàm vt pereat. Silueſter *verb. teſtis q. v. diſt. 1.* Molina *tom. 1. de Juſtis. diſput. 127.*

17 Interdicitur etiam Religioſis ſuſcipere tutelam alicuius perſonæ. Ratio eſt, quia ita habetur *cap. fin. d. 86. & auth. de Sanctiſſimis Epiſcop. §. Deo autem amabilis collat. 9. & l. Regia 14. tit. 16. p. 6.* Ita tradunt Angelus, Silueſter, & Tabienſis in *Summ. verb. tutela.* Addentes, etiam ex licentia ſuorum Superiorum non poſſe hoc munus exercere. Eò quòd illi in prohibitione Iuris nequeunt diſpenſare. Hoc tamen intellige de tutela teſtamentaria, id eſt, data in teſtamento, & de tutela datiuâ, quæ ſcilicet ſolet deſignari à Iudice. De tutela namque legitima, illa ſcilicet, quæ Lege deſertur conſanguineis ſucceſſuris ab inteſtato, poſſe ſuſcipi à Religioſis de licentia Prælatorum, videtur haberi in *prediſto cap. fin. d. 86.* Azor. *tom. 1. Inſtitut. Moral. lib. 12. cap. 11.* Tutelas quoque miſerabilium perſonarum poſſe admitti à Religioſis, concedit Graſſis 1. *par. deciſ. lib. 3. cap. 5. num. 112.*

18 Nec poſſunt Religioſi eſſe Fideiuſſores, niſi de licentia Prælati, & maioris partis Capituli. Ratio eſt, quia ita habetur expreſſe *cap. poſult. de ſiduiſſ. & l. Regia 21. tit. 12. p. 5.* Exigitur quoque

que utilitas Monasterij *cap. 2. de postulat.* Siluefter, Angelus, & Tabiena in *Summ. verb. fideiussor.* Lessius 2. de *Iustit. capit. 28. dub. 2. num. 20.* Vnde si Religiosus fideiubeat. non solum peccat, sed fideiussio est irrita, & nulla. Cum non habeat aliquid proprium, quod alteri possit obligare, quod est necessariū ad fideiussionem. Molina 2. *tom. de Iustit. disput. 340.* Azor. *tom. 1. Institut. Moral. lib. 12. cap. 11. quest. 2.*

19 Nec etiam possunt Religiosi Professi testari, & testamentum ab ipsis factum est omnino irritum, & nullum, *ex authent. ingressi C. de Sacrosanct. Eccles. & cap. quia ingredientib. 19. quest. 3. & c. 2. de testament.* Et ratio est, quia testari supponit habere proprium, aut dominium, quod repugnat Religioso Professo. Nauarrus *Comm. 2. de Regular. num. 22.* Sanchez *lib. 7. in Decalog. cap. 8. d. num. 1.* Possunt tamen facere aliquam schedulam, qua rogent Prælatum, vt det alicui ea, quæ ipsi habent ad vsum. Cum hoc non sit facere testamentum, aut codicillum, nec sit alicubi prohibitum, aut deroget Voto Paupertatis. Nauarrus in *Summ. lat. cap. 27. & Comm. 2. de Regular. num. 22.* Grassis 1. *par. Decis. lib. 3. cap. 5. num. 58.* Possunt etiam testari ex licentia Pontificis. Quia cum sit Summus Prælatus Religionum potest Religiosis concedere facultatem disponendi de quibuslibet bonis, & potest etiam dispensare in Lege positua prohibente ne Religiosi testentur. Grassis 1. *par. Decis. lib. 3. cap. 5. num. 57. & 59.* Lessius 2. de *Iustit. cap. 41. dub. 8. num. 73.*

20 Prohibitum est etiam Religiosis, sicut, & Clericis, venari, aut interesse venationibus. *d. 6. §. ultim.* Credo autem hanc prohibitionem venandi non esse sub mortali, cessante scandalo, & alijs prauis circumstantijs extrinsecis, quando solum fit venatio honestæ recreationis gratia. Nauarr. *Comm. 4. de Regular. num. 26.* Suarez *tom. 4. de Relig. tract. 8. lib. 3. cap. 11. num. 2.*

21 Lineis vti est etiam prohibitum Religiosis in *capit. cum a Monasterium de statu Monachor.* Proprius enim Religiosorum habitus, etiam internus, laneus esse debet. Sed hoc tantum est veniale regulariter loquendo, imò nullum peccatum, si communis vsus Religionis oppositum habeat, multò magis, si est aliqua infirmitas corporalis. Siluefter *verb. Relig. 7.* Grassis 1. *par. Decis. lib. 3. cap. 5. num. 69. & 70.* Fratres autem Minores lineis camiseis vtentes, peccare mortaliter, tenet Petrus Marchant in *exposit. Reg. D. Franc. cap. 2. quest. 5.* Eò quòd in prædicta Regula hoc illis prohibeatur.

22 Licet aliqui teneant Religiosos, præsertim Benedictinos, teneri semel in mense sua peccata confiteri, propter *Clement. ne*
in

in agro, (Caictanus tom. 1. Opuscul. tract. 5. quæst. 1.) Nihilominus probabilius est, vel non esse talem obligationem ad culpam, vel solum esse venialem. Quia Clementina illa nihil aliud postulare videtur. Henriquez lib. 1. de Sacram. Pœnit. cap. 4. nu. 10. Sotus in 4. dist. 18. quæst. 1. art. 3. Religioli non habentes aliquam administrationem, vel beneficium, qui Decimas Ecclesiæ debitas usurpare præsumunt, nisi post requisitionem desistant à præmissis infra mensem, & damnificatis Ecclesijs emendam infra duos menses faciant, sunt excommunicati. Clement. Relig. de Decimis, & Primit. Tolet. in Sum. lib. 1. cap. 40. à nu. 5. Miranda in Manuali Pralat. tom. 2. quæst. 35. art. 18. Balnea ingredi prohibitum est etiam Religiosis. cap. Omnis qui. 24. quæst. 1. Ex necessitate tamen id licet. Grassi. par. Decis. lib. 3. cap. 5. num. 115. Religioli, qui aliquos ad vouendum, seu alias promittendum, inducunt, ut sepulturas apud eorum Ecclesias eligant, vel iam electas non mutant, incurrunt sententiam excommunicationis ipso facto Sedi Apostolicæ reservatam. Clement. cupientes de pœnit. Miranda 2. tom. quæst. 35. art. 18. Simpliciter tamen inducentes ad hoc, non comprehenduntur, istæ etiam, qui prædicto modo inducunt alios ad sepulturam in alia Ecclesia. Tolet. in Sum. lib. 1. cap. 37. Religioli, qui aliqua in sermonibus suis, vel alibi, proferre præsumunt, ut audientes à Decimarum Ecclesijs debitarum solutione retrahant, incidunt in Excommunicationem ipso facto. Si verò scienter postposuerint confitentibus conscientiam facere, de soluendis Decimis Ecclesijs debitis, ab officio prædicationis tandiù manent ipso facto suspensi, donec confitentibus ipsis conscientiam fecerint. Et si prædicta diligentia non facta, prædicare præsumpserint, incidunt in excommunicationem ipso facto. Clement. cupientes de pœnit. Nauarr. in Man. cap. 29. nu. 145. & 146. Miranda in Man. tom. 2. quæst. 35. art. 18. Unde, ista excommunicatione non afficiuntur habentes arma extra septum Monasterij, nec Monachi venientes ad Monasterium cum armis, non animo ea tenendi. Tolet. in Sum. in lib. 1. cap. 36. à nu. 6. Contra Regulares etiam tenentes arma prohibita in statu Mediolanensi, extat decretum S. Congreg. Regular. quo id illis prohibetur sub pœna excommunicationis.

municationis, & alijs, ipſo facto incurrendis. Naldus in princ. ſua Summ. Peirinis tom. 2. Priu. Minim. in Conſt. 4. Clem. 8. num. 9. Vide Auguſt. Barboſi. de Offic. Paroebi cap. 6. d. nu. 5 1

28 Non eſt de Iure communi aliqua obligatio impoſita Religioſis benedicendi menſam ante, vel poſt prandium, aut cœnam. Ratio eſt, quia in capite non liceat diſt. 44. quod adduci ſolet, non eſt aliquod verbum includens præceptum. Suar. 2. to. de Relig. lib. 3. de Orat. voc. cap. 7. Peccare tamen ſaltem venialiter, qui hoc non faciunt, tenet Nauarrus in Man. cap. 25. nu. 110. 1

29 Sunt excommunicati à Iure, excommunicatione tamen non reſeruata, Religioſi, qui Interdicti tempore in Cœmenterio ſepeliunt cadauera defunctorum extra caſus à Iure conceſſos, aut publicos excommunicatos, aut nominatim interdictos, aut manifeſtos uſurarios Clem. 1. de Sepultur. Toletus in ſumm. lib. 1. cap. 40. Tenentur etiam Religioſi quæcunque Interdicta generalia, tam authoritatè Sedis Apoſtolicæ, quam Ordinariorum poſita obſervare, ſub pœna excommunicationis. Clem. 1. de ſent. excomm. Tolet. in Summ. lib. 1. cap. 40. Imò etiam in Concilio Trid. ſeſſ. 25. cap. 12. ſic habetur. *Cenſura, & Interdicta, ut dum à Sede Apoſtolica emanata, ſed etiam ab Ordinarijs promulgata, mandante Epifcopo, à Regularibus in eorum Eccleſijs publicentur, atque ſeruentur.* Propter quod decretum dicunt aliqui derogata eſſe omnia priuilegia, quæ antiquitus Religioſi habebant circa ſuſpenſionem Interdictorum. Nauarrus in man. cap. 27. num. 189. Alij verò volunt, tantùm ea priuilegia reuocari à Concilio, quibus omnino liberabantur Religioſi ab obſervantia Interdictorum, non autem, quibus in Feſtis Sanctorum Religionis concedebatur ſuſpenſio à prædictis Interdictis. Rodriguez 2. to. quaſt. Regul. quaſt. 112. art. 2. Miranda in Man. tom. 2. quaſt. 37. art. 12. Quæ autem ſint huiusmodi priuilegia, vide in Caſarubio in Compend. priuileg. Mandic. verb. Interdictum. Tenentur autem Regulares obſervare dicta Interdicta, ſiue valeant, ſiue non, quando ea obſeruat Cathedralis, Matrix, aut Parrochialis Eccleſia. Ex Nauarro in cap. ſum contingat, & Rodriguez tom. 2. quaſt. 108. art. 4. Vide dicenda cap. 21. nu. 19.

30 Sunt etiam etiam excommunicati Religioſi, qui Beguinæ ſouent in earum ſtatu, ſeu, ut aſſumant earum habitum, dant conſilium, auxilium, fauorem, directè, vel indirectè. De Religioſ. Domib. Tolet. in ſumm. lib. 1. cap. 40.

31 Non licet Religioſis baptizare, niſi in caſu neceſſitatis, & de licentia Parochi. cap. placuit el. 2. 16 quaſt. 1. Hoc enim eſt proprium officium Ordinarij. Nec etiam poſſunt eſſe Patrini, aut leua-

leuare aliquem de fonte. *cap. non liceat de consecrat. dist. 4.* Nauarrus de *stat. Monach. lib. 3. conf. 5.* Graffius 1. *par. decif. lib. 3. cap. 5. nu. 136.* Præterea Religiosi, qui Clericis, aut laicis, Sacramentum Extremæ Vnctionis, vel Eucharistiæ ministrant, vel Matrimonia solemnizant, non habita prius Parochialis Presbyteri licentia speciali, cōtrahunt excommunicationem Papalem. *Clem. Relig. in princip. de priuileg.* Siluester *verb. excommunicatio.* Tole-
tus in *summ. lib. 1. cap. 37.* Specialiter etiam Concil. Trid. *sess. 24. de Matrimon. cap. 1.* Parochus etiam Regularis, qui alterius Parochiæ spon-
sos, *sine illorum Parochi licentia Matrimonio coniungere, aut benedicere ausus fuerit, ipso iure tandiu suspensus maneat, quandiu ab Ordinario eius Parochi, qui Matrimonio interesse debebat, seu à quo benedictio suscipienda erat, absoluitur.* Rodriguez 2. *tom. quæst. 63. art. 11.* Barbosa de *Offic. Parochi cap. 22. à num. 3.* Aliqui tamen Religiosi in Indiarum partibus existentes, possunt exercere officium Parochi, Matrimonia celebrando, & Sacramenta Ecclesiastica ministrando. Ex Pio V. in Bulla edita ann. 1567. quæ incipit: *Exponi nobis nuper. 2. tom. Bullar. nu. 34.* Vide dicenda *cap. 21. nu. 8. 9. & 10.*

32 Religiosi euntes vltra mare sine licentia Superiorum sunt excommunicati excommunicatione Papæ reservata. *Extrauag. ad nostrum de Regul.* Vincentius Filiucius *tom. 1. quæst. Moral. tract. 15. cap. 8.* Est autem ibi sermo de Religiosis transferentibus se ad partes transmarinas, in quibus pauci fideles reperiuntur, vnde non comprehendit hæc excommunicatio transferentes se ad partes transmarinas, in quibus multitudo fidelium existit. Bonacina de *Clausura quæst. 2. punct. 4. §. 4.* Vide dicenda *cap. 18. num. 99.*

33 Monachi etiam, aut Canonici Regulares, administrationem aliquam non habentes, non possunt ad Curias Principum accedere, absque speciali Prælatorum suorum licentia. Imò, si vt damnum aliquod Prælatis suæ Religionis, aut Monasterio inferant, se conferunt, excommunicationis sententiam ipso facto incurrunt. *Clement. ne in agro de stat. Monach. Toletus in summ. lib. 1. cap. 40. à nu. 7.* Miranda 2. *tom. quæst. 35. art. 18.* Qui autem, accedunt ad prædictas Curias bono animo, & ibi existentes malum concipiunt nocendi suis Prælatis, secundum aliquos incurrunt prædictam excommunicationem. Suarez de *Censuris disp. 22. sect. 3. nu. 6.* Probabile etiam est contrarium. Bonacina in *tract. de Clausura quæst. 2. punct. 5. §. 4.* Qui bene etiam, hanc excommunicationem non incurri, si Religiosus accedat animo nocendi priuato Religioso, aut etiam Religioso alterius Ordinis quan-

quantumvis Prelato, nec etiam incurri nisi solum à Monachis, & Canonicis Regularibus, non verò à cæteris Religiosis, cum textus solum de illis, non de istis loquatur.

34 Prohibitum est Religiosis Mendicantibus sub pœna excommunicationis, acquirere noua loca ad habitandum, vel antiqua alienare, seu mutare, absque speciali Summi Pontificis licentia, à Bonifac. VIII. in *cap. cum ex eo, de excessib. prelat.* & Clem. 5. in *cap. cupientes de pœnis*. Propter priuilegium tamen Iulij II. concessum Fratribus Minoribus, & Minimis, licitum est edificare Monasteria sine Summi Pontificis licentia. *Man. la. in Man. 12. 1. quaß. 33. art. 1.* Extant quoque varia priuilegia circa hoc, de quibus prædictus Miranda *tom. 1. Man. quaß. 33. art. 2.* & 4. Paulus etiam V. in Bulla, *Ad Ecclesia militantis* ann. 1605. edita concessit nostris Patribus Carmelitanis Discalceatis, vt possent vbique de sola Ordinarij licentia construere Monasteria, & Patribus Capuccinis in Bulla, *Ad vberes* ann. 1606. edita, concessit, vt in Regnis Hispaniarum possent recipere noua Monasteria seruata forma Sacrorum Canonum, & Concilij Tridentini. Insuper in alia Bulla ann. 1608. edita, quæ incipit *Ministerio* concessit Monachis B. Mariæ Fulienfis Ordinis Cisterciensis, vt possent vbique de sola Ordinarij licentia, noua Monasteria construere. Hæc tamen omnia, & alia Priuilegia reuocata sunt à SS. D. N. Urbano VIII. in litteris in forma Breuis ann. 1624. 4. *tom. Bullar. inter Constitut. huius Pontificis nu. 25.* Vbi omnes licentiæ, & facultates concessæ Regularibus erigendi Monasteria, & loca Regularia abrogantur, & annullantur, simulque præcipitur, in huiusmodi locis Regularibus erigendis, seruari debere Decreta Sacrorum Canonum, & Concilij Tridentini, & Constitutionis Clem. VIII. eiusdemque Clem. VIII. & Gregorij XV. Decreta, in virtute sanctæ obedientiæ, ac sub priuationis vocis actiue, & passiuæ, necnon officiorum quorumcunque, ac inhabilitatis ad illa, & alia in futurum obtinen. necnon etiam excommunicationis ipso facto incurrendis pœnis. vide Laurentium de Peirinis *tom. 1. de Priuil. Minim. in Constitut. Pyrrhi §. 9. & tom. 2. in Constitut. 6. Gregorij XV.*

35 Quare in erigendis, seu constituendis Monasterijs, aut locis Regularibus in posterum seruandum in primis est Decretum Conc. Trid. *sess. 25. de Regul. cap. 3.* scilicet quòd noua loca non recipiantur *sine Episcopi, in cuius Diœcesi erigenda sunt, licentia prius obtenta.* Deinde, id, quod præcipit Clem. VIII. in Constitutione, Quæ incipit, *Quoniam ad institutam* ann. 1603. 3. *tom. Bullarj inter Bullas huius Pontificis nu. 99.* videlicet: *Locorum Ordinarios*

narios non posse licentiam ad novos Conuentus cuiusque Mendicantium Ordinis in Ciuitatibus, & locis eorum ordinaria Iurisdictioni subiectis, erigendos impetiri, nisi vocatis, & auditis aliorum in eisdem Ciuitatibus, & locis existentium Conuentuum Prioribus, seu Procuratoribus, & alijs interesse habentibus, & causa seruatis seruandis cognita confliterit, in eisdem Ciuitatibus, & locis novos huiusmodi erigendos Conuentus, sine aliorum detrimento commodè sustentari posse. Similiter debet obseruari Decretum S. Congregationis sub Gregorio XV. quo cauetur, ne aliqua Monasteria de nouo erigantur, nisi in eis saltem duodecim Fratres, aut Monachi, seu Religiosi inhabitare, ac ex redditibus, & consuetis elemosynis sustentari valeant, ac Priores, seu Procuratores aliorum Monasteriorum, Conuentuum, seu Domorum altarum Religionum, vel Congregationum, aut Societatum, seu Institutorum huiusmodi non solum in prædictis, sed etiam in alijs per quatuor milia passuum circumuicinis locis, ad id vocati, & auditi fuerint, ac tali erectioni consenserint, vel alijs Ordinarijs locortu constiterit Religiosos Monasterij, Cõuentus, seu Domus Regularis sic erigendi, seu erigenda absq. detrimento Religiosorũ in Monasterijs, seu domibus antea in Ciuitatibus, seu locis huiusmodi erectis degentium, ibi in numero duodecim cõmodè, & congruè manuteneri, & ali posse. Si verò noui Conuentus, Domus Congregatio, vel societas huiusmodi instituẽda erunt, nulliq. alijs Regulares inibi reperiantur. Ordinarij locorum nihilominus diligenter inquirant, an locorum incolæ, & habitatores, quorum, & consensum requirant, ac adhibeant, huiusmodi duodecim Religiosos in Conuentibus, vt præmittitur, instituendis, commodè alere, & manuteneri valeant. Laurent. de Peirinis tom. 2. de priuil. Minim. circa Constit. 6. Greg. XV. Addens ex Rodrig. to. 2. quæst. Regul. q. 49. artic. 9. quòd non dicitur acquiri nouus Conuentus quando fit mutatio in eadem Ciuitate, vel oppido, de vno ad alium locum. Quia tunc nullum præiudicium fit alijs Religiosis (nisi forte per accidens ratione maioris propinquitatis ad illorum Monasteria.)

36 Deferre etiam Monasteria semel accepta, sine licẽtia Summi Pontificis fieri non potest ex cap. unico de Religiosis domibus, & in cap. cum ex eo de excessibus Pralat. lib. 6. & est lata excommunicatio contra oppositum facientes. Siluest. verb. Casus q. 1. cas. 8. Ecclesia etiam, siue Monasterium semel Deo dicatum, non potest fieri habitaculum seculare, seu conuerti in vsus prophanos, nisi forsan in casu alicuius magnæ necessitatis, & de consensu Episcopi Diocesani. Ita ferè in cap. quæ semel 19. quæst. 3. & est regula Iuris cap. quod semel dicatum de regulis Iuris lib. 6. Miranda in Man. tom. 1. quæst. 34. art. 1. vbi etiam aliqua pro hoc pun-

puncto refert priuilegia. Quæ autem bona Monasterij, quod deferitur, & qualiter transferri possint ad aliud Monasterium, tractant Rodriguez *tom. 2. quest. Regul. quest. 49. ab art. 4.* Laurentius de Peirinis *tom. priuileg. Minim. in Constit. 2. Iulij 11. §. 27. à num. 77.* ubi etiam varia Religionum priuilegia afferuntur.

37. Similiter tam dantes, quam accipientes ex pacto pecunias, iocalia, epulas, & c. pro ingressu Monasterij, nisi id sponte detur, sunt excommunicati *in extrauag. sanè de Simonia*. Toletus *in Summa lib. 1. cap. 37.* Qualiter etiam non possit aliquid accipi à Parentibus, propinquis, vel Curatoribus Nouitiorum tempore Nouitiatus, præcipit Conc. Trid. *sess. 25. cap. 16.* Vide dicenda *c. 24. à num. 32.*

38. Debent Religiosi vinum cum aqua temperatum bibere, ita ut si vinum purum bibant (intellige cum periculo ebrietatis) peccent mortaliter. *ex Concil. Generali Lateranensi sub Innoc. VIII. & cap. à crapula de vit. & honest. cleric.* Vbi etiam prohibentur Religiosi in conuiujs alios adbibendum incitare. Armilla *verb. ebrietas num. 7.* Laurentius Peirinis *tom. 2. priuileg. Minim. in Constit. 6. Pau. V. num. 5.* Pluries etiam quàm ter bibere prohibentur *cap. quando.* Nauarrus *in Man. cap. 25. num. 110.* Licet dicat hoc non esse peccatum mortale. Imò nec erit veniale, si vera necessitas oppositum petat. Prohibentur etiam ingredi tabernam *cap. nullus*, & conuiuari, nisi certis sub conditionibus *cap. conuiuia*. Vnde horum transgressio erit adminus veniale peccatum. Nauarrus *ut supra*. Ebriosi autem puniuntur subtractione à communione per triginta dierum spatium, vel subplicio corporali, *ex cap. fin. dist. 35. & ex cap. à crapula ut supra* pœna suspensionis ab officio, & beneficio, si à Superiore commoniti non abstinuerint. Alderete *lib. 2. de Relig. discipl. cap. 15. à num. 39.* Vide Augustinum Barbosam *de Offic. & Potestat. Parochi capit. 6. à num. 11.*

39. Religiosis, sicut & Clericis, prohibita est mercatura, seu negotiatio merè lucratiua, videlicet, qua aliquid emitur, ut immutatum cariùs vendatur, sub pœna excommunicationis, suspensionis, ac de positionis, *ex cap. secund. extra ne Cler. vel Monach. & cap. consequens 88. distinct. 91. dist. & cap. sed nec extra ne Cler. vel Monach.* Ioannes de Medina *de restitut. quest. 30.* Molina *de contract. tract. 2. disput. 342.* Addens, huiusmodi pœnas non esse latæ sententiæ, sed ferendæ. Monasterijs autem Regularium licitum erit aliquam apothecam habere, pro vtilitate ipsorum, in qua per seculares vendantur, & emanent aliqua, quæ ipsis necessaria sunt, ut, si Monasteria habeant aliquod pharmaco-

po.

polium in quo medicamenta pro ipsis necessaria reseruantur, & ne corrumpantur, venduntur, & emuntur per aliquem secularem ibi assistentem. Ratio est, quia finis, propter quem prohibita est lucratiua negotiatio Clericis, seu Religiosis, est, ne retrahantur à rebus spiritualibus, aut ne implicentur peccatis negotiantium, aut ne attendant ad lucrum temporale. Hæc verò omnia cessant in præsentem, cum talis emptio, & venditio non fiat per ipsos, sed per seculares, nec attendatur ad temporale lucrum, sed solum ad hoc, quod res sibi necessariæ tempore infirmitatis melius conseruentur. Ioannes de Medina *ut supra*, nec dissentit Molina *etiam ut supra nu. 10.* & Nauarrus *in Man. cap. 25. n. 10. §. clericus verò*. Priuatis autem Religiosis nullomodo licet, nec per se, nec per alios, huiusmodi negotiationem, aut mercaturam exercere. Tum quia in prædictis capitibus est hoc illis prohibitum. Tum propter magnam indecentiam, & pericula peccandi, præsertim contra Paupertatem Religiosam, quæ in hoc reperiuntur. Vnde sic facientes etiam peccant contra Paupertatem, & sunt proprietarii, quia vtuntur pecunijs modo sibi prohibito, & sine licentia suorum Superiorum, cum non possint illam ad hoc concedere. Fas tamen est etiam Religiosis, emere necessaria ad proprium, suorumque vsum, quod solet appellari negotiatio æconomica. Cum hoc nullo iure sit prohibitum, imò Iure naturali concessum pro conseruatione. Secus verò dicendum de negotiatione politica, qua emuntur necessaria exercitui, ciuitati, &c. hæc enim Religiosis est prohibita, *cap. Episcopus 88. d. c. 1. & sequentia 21. q. 3. & colligitur ex illo Pau. II. ad Timoth. 2. Nemo militans Deo implicat se negotijs secularibus*. Medina, & Molina *ut sup.* Vide August. Barb. *de Officio Parochi cap. 6. à n. 37. 40*. Quamuis Ludus honestus recreandi animi gratia non sit Religiosis prohibitus. Cum relaxare animos, & dare se festiuiæ incunditati moderatè, vt non semper intendatur Regularis disciplina, sed aliquando remittatur, ad virtutem pertineat, quam Eutrapeliam S. Thomas vocat *22. quæst. 16. art. 2. Sotus lib. 4. de Iust. quæst. 5. art. 2.* Tamen alearum, seu taxillorum ludus prohibitus est Religiosis in Concil. Illiberitano *cap. 19.* Constantinopolit. *6. cap. 50. & cap. clericis 15. de vit. & honest. cleric.* Vbi etiam prohibentur huiusmodi Ludis interesse. Et in Concilio Tridentino *sess. 22. de reformat. cap. 1.* Nauarrus *in Man. cap. 19. vel 20. Grassis 2. parte lib. 3. cap. 8.* Quod maximè procedit de Ludo chartatarum. Nauarrus *ut supra*. Alderete *de discipl. Relig. lib. 2. cap. 16. nu. 21.* Quod etiam extendit ad Ludi spectatores. Rodriguez *2. to. quæst. 37. art. 7.* Vide dicta *cap. 6. nu. 50. & 51.*

41 Debent Monasteria Regularium habere carcerem, tum ad reorum custodiam, ne ex Religione fugiant, tum in pœnam delictorum, siue ad tempus, siue etiam perpetuò, iuxta ipsorum qualitatem. Ita habetur ex Iuris dispositione *cap. Abbates 18. quæst. 2. glos. & DD. in cap. si clericis de sent. excom. lib. 6. Alderete lib. 1. de Relig. discipl. cap. 10. num. 1. & 2. Vide etiam dicenda, cap. 24. num. 3.*

42 Clericus, seu Religiosus falsus testis, perpetuò deponitur, & in arctum Monasterium recluditur, *cap. si Episcopus 50. d. Rodriguez tom. 2. quæst. 31. art. 1.* Periurium etiam est crimen depositione dignum, *cap. Presbiter 81. d. cap. cum non ab homine de iudic. Alderete lib. 2. de Relig. discipl. cap. 24. nu. 3.*

43 Clericus fur (idem dico de Religioso fure) perpetuò deponitur. *cap. cum non ab homine de iudic. cap. Presbiter 81. d. & postquam fuerit depositus, in arctum Monasterium erit detrudendus, attenta tamen quantitate, & qualitate furti. Alderete lib. 2. de Relig. discipl. cap. 16. nu. 8. & 9.* Volunt aliqui furem à Religione exterminandum, & eijciendum, quod durum videtur aliquibus. Rodriguez *tom. 2. quæst. 38. art. 1.* Sed quidquid sit de Iure antiquo, Iure tamen nouo S. Congregat. sub SS. D. N. Urbano, nullus eijcitur nisi propter incorrigilitatem. De quo *in cap. 23. nu. 3.*

44 Similiter homicida perpetua depositione punitur, & in Monasterium destructione, *cap. miror 50. cap. Presbiter 81. cap. cum non ab homine de iudic. cap. sicut dignum 1. S. clericis de homicidio.* Similiter, qui venenum propinant, etsi homicidium sequutum non fuerit, nihilominus non minori pœna quam homicidæ puniendi. Vide Alderete *lib. 2. de Relig. discipl. c. 25. per totum.*

45 Ex Concilio Lateranensi, & Leone X. prohibitum est Religiosis die Sabbathi maioris hebdomadæ pulsare in suis Ecclesijs campanas, antequam campana Cathedralis, vel Matricis Ecclesiæ pulsauerit. Vide Bullam *in tom. 1. Bullar. Laertij Cherub. tom. p. 150.* Idem etiam probat Gauantus in *Commun. Rubr. Missal. p. 4. tit. 10.* in alijs autem diebus non possunt Ordinarij impedire Fratres pulsare campanas ad Matutinum, horas, & Missam, antequam pulsetur campana maioris Ecclesiæ. Ex decreto Sacre Congregat. apud Quarantam *in Summ. Bullar. verb. Confessor. pag. 235.* Augustin. Barbof. *de offie. Parochi cap. 11. nu. 21.*

46 Deinde, ex Concilio Trident. *sess. 25. cap. 12. Dies etiam festi, quos in Diocesi sua seruandos Episcopus praeceperit, ab exemptis omnibus, etiam Regularibus, obseruentur.* Quod qualiter sit intelligendum declarauit S. Congregatio Concilij, dicens: Hoc Decretum ita esse intelligendum, vt Regularium ritus illis diebus festis

festis ſemper permaneat, quoad Miſſas celebrandas, & cætera diuina Officia tam publicè, quam priuatè ab iſſis Regularibus in eorum Eccleſijs perſoluenda. Nec circa hoc ab Epiſcopis quoquo modo quidquam in contrarium eiſdem Regularibus præcipi poſſe. Quod ſi de factò præceperint, Regulares neutiquam iſſis Epiſcopis obedire teneri. Verùm, quoad Cõciones, & Lectiones, quas iſdem Regulares ad populum habuerint, debere ſe conformare Euangelijs, & Epiſtolis, quibus Clerus ſæcularis vtitur illis diebus feſtis. Quaranta in *Summ. Bull. verb. priuileg. Regular.* Flau. Cherub. in *Compend. Bullar. 2. tom. in Bulla 41. Pij V.*

47 Item ex eodem Concil. Trident. ſeſſ. 25. cap. 13. *Exempti autem omnes, tam clerici ſeculares, quam Regulares quicumque, etiam Monachi, ad publicas proceſſiones vocati, accedere compellantur, iſſis tantum exceptis, qui in ſtrictiori clauſura perpetuò viuunt.* An autem poſſint cogi ab Epiſcopis per cenſuras, dicemus cap. 11. nu. 14. Sacra etiam Congr. Concilij declarauit. *Regulares Monaſterij ultra medium milliare à ciuitate diſtantis non poſſe ab Epiſcopo compelli accedere ad proceſſiones.* Flauius Cherub. in *compend. Bull. 2. tom. in Bulla 41. Pij V.* Vocari autem debent non per edictum publicum, ſed perſonaliter per Clericos. Peirinis tom. 1. *priuileg. Minim. in Conſtit. 2. Sixti IV. §. 11. nu. 57.* Declarauit autem S. Congregatio Concilij proceſſiones publicas, ad quas compelli poſſunt ab Ordinario Regulares, eſſe; *Vt putà in feſto Corporis Chriſti, in Litanijs, & Iubileis publicis faciendis in plebibus, in quibus iſſi habent Monaſteria, dummodò proceſſiones ſint eius generis, quòd in Bulla SS. D. N. Pij V. Mendicantibus conſeſſa, quæ incipit, Eſſi Mendicantium, publicata 17. Kal. Iunij ann. 1567. comprehendantur: & dummodò Regulares non ſint ex illis Conuentibus, Collegia nuncupatis, quæ in eadem Bulla excepiuntur.* Peirinis tom. 2. *Priuileg. Minim. in Conſt. 7. Pij V. §. 29.* Nota tamen noſtros Patres Diſcalceatos non eſſe compellendos, vt ad publicas proceſſiones accedant. Ex Clem. VIII. in Bulla *Religioſorum*, ann. 1596. & in Bulla *Romanum Pontificem*, ann. 1603. & ex Paul. V. in Bulla *Decet Romanum*, ann. 1610. Regulares etiam, qui ex priuilegio eis conſeſſo poſſunt non ire ad proceſſiones prædictas, non poſſunt ad id cogi, etiam ſi ſæpius gratis acceſſiſſent, Cum ex hoc nullum ius adquiratur contra illos. Quaranta in *Summ. Bullar. verb. præcedentia.*

48 Item ex eodem Concil. Trid. ſeſſ. 5. cap. 1. *In Monaſterijs quoque Monachorum vbi commodè fieri queat, lectio Sacre Scriptura ſimiliter habeatur; qua in re ſi Abbates negligentes fuerint, Epiſcopi locorum, in hoc vt Sedis Apoſtolica Delegati, eos, ad id, opportu-*

nis remedijs compellant. In Conuentibus verò aliorum Regularium in quibus studia commodè vigere possunt, Sacra Scriptura Lectio similiter habeatur; qua lectio à Capitulis Generalibus, vel Prouincialibus assignetur dignioribus magistris. Dicunt autem satisfieri huic Decreto, si habeatur Lectio Theologiæ Scholasticæ, vel Moralibus, Rodriguez tom. 2. *quæst.* 130. art. 2. Peirinis tom. 1. *privileg. Minim. in Conf.* 2. Iulij 11. §. 5. nu. 16.

49 Vide dicenda infra cap. 11. à num. 7. circa ea, in quibus ex Decretis Conciliorum subiecti sunt Regulares Dominis Episcopis. Item circa poenas, quæ transgressoribus horum Decretorum imponuntur, vide dicenda cap. sequenti à num. 29.

De obligationibus Regularium ad Constitutiones, & Decreta Summorum Pontificum, & S. Congregationum.

C A P. X.



IN primis alienare bona Monasteriorum; seu circa hoc pacta facere, interdictum est Regularibus à Paulo II. in Extrauag. *Ambitiosa* sub pœna excommunicationis per hæc verba. *Omnia rerum, & bonorum Ecclesiasticorum alienationem, omneque pactum, per quod ipsorum Dominium, concessionem, hypotecam, locationem, & conductionem, ultra triennium, nec non infeudationem, vel contractum emphyteuticum, præterquam in casibus iure permissis, ac de rebus & bonis in emphyteusim ab antiquo concedi solitis, & tunc cum Ecclesiarum evidenti utilitate, ac de fructibus, & bonis, quæ seruando seruari non possunt, pro instantis temporis exigentia, hac perpetuo valitura Constitutione fieri prohibemus. Prædecessorum nostrorum constitutionibus, prohibitionibus, & decretis alijs super hoc editis, quæ tenore præsentium inuocamus, in suo nihilominus robore permanfuris.* Postea verò excommunicationis sententiam contra eum, qui alienat, & qui alienatas res receperit, fulminat. Prælatus verò alienantem, si Pontificali, vel Abbatiali præfulgeat dignitate ab ingressu Ecclesiæ interdicat; alios verò Prælatos inferiores suis officijs, & dignitatibus ipso facto, absque vlla declaratione, priuatos esse denunciat. Contractusque huiusmodi, quod nullius valoris sint, declarat. Vide Bullam tom. 1. Bullar. Laertij Cherubini

pag.

pag. 329. Miranda in *Man. Prelat. tom. 2. q. 35. art. 18.* Postea verò Paul. IV. in Bulla quæ incipit, *Iniunctum nobis*, alienationem, & locationem quorumcunque bonorum Ecclesiasticorum in damnum Ecclesiarum, vel non seruatis iuris solemnitatibus, aut aliàs nulliter factas, rescindit, & annullat. Vide Bullam *tom. 1. Bullar. Laertij pag. 710.*

2 Quia tamen post hæc sunt varia privilegia Religionibus concessa, de quibus Rodriguez *tom. 1. quæst. Regular. quæst. 27.* quale est illud Gregor. XIII. Fratribus, & Monialibus Carmelitarum, concessum ann. 1576. in Bulla, quæ incipit, *Ex incumbenti*, quòd scilicet possent vendere, & alienare quæcunque bona, etiam stabilia, dummodò hoc sit in commodum, & vtilitatem ipsorum Monasteriorum, & ex consensu duarum ex tribus partibus, Fratrum, vel Monialium Monasterij, accedente etiam consensu, vel ratihabitione Generatis, &c. (vide Bullam in 2. tom. Bullarj Laertij pag. 401.) ideo S. Congregatio Concilij in Decreto iussu SS. D. N. PP. Urbani edito ann. 1624. die 7. Septemb. abrogatis omnibus indultis, & priuilegijs quomodolibet Religionibus concessis, omnibus Superioribus Regularium; *Omnium rerum, & bonorum immobilium, ac pretiosorum mobilium alienationem, omneque pactum, per quod ipsorum dominium transfertur, census perpetuos, seu vitalitios, hypothecam, locationem, & conductionem, ultra triennium, concessionem in feudum, vel emphyteusim, præterquam in casibus à iure permissis, fieri perpetuò prohibet, atque interdicat, absque ipsius Congregationis Concilij expressa licentia, in scriptis, & gratis concedenda, sub pœna priuationis omnium Officiorum, quæ tunc obtinebunt, vocisque actiue, & passiuæ, ac perpetuæ inhabilitatis ad illa in posterum obtinenda, quam ipso facto absque alia declaratione incurrant; sublata etiam Generali, & Protectori illam moderandi, aut relaxandi facultate; pœnis nihilominus Apostolicarum; Constit. & præsertim sel. rec. Pauli II. quæ incipit, Ambitiosa in suo robore permansuris. Alienationes verò, & pacta, census, hypothecas, locationes, conductiones, & concessiones quascunque, contra huiusmodi prohibitionem faciendas, Sanctissimæ sue auctoritate, ipso iure nullas, atque irritas decernit.* Bonacina de alienat. bonor. Ecclesiast. diss. 2. quæst. unica punct. 1. Ex quibus vltimis verbis habetur, contractus factos alienationis sine prædictis conditionibus, & solemnitatibus, esse irritos absque vlla sententia, & declaratione, cum irritatio non sit pœna, sed natura ipsorum posita lege. Vnde, qui hoc modo accepit bona alienata à Monasterio non potest illa in conscientia retinere, nec etiam fructus illorum, sed, si sit in mora restituendi teneri ad

damna Monasterij. Molina *tom. 2. de Iust. à disp. 466.* Suarez 4. *tom. de Relig. tract. 8. lib. 2. cap. 27. nu. 20. & 21.* Addens, neque Monasterium posse cedere iuri suo, & bene ut credo, quia hoc est intentum Ecclesiæ propter indemnitate bonorum Ecclesiasticorum.

3 Post quæ, cum compertum esset Regulares, qui eo Decreto prohibebantur census imponere super bonis ad eorum Monasteria pertinentibus, loco censuum huiusmodi, pecunias ad cambium, vel mutuò accipere cum solutione lucri cessantis, damni emergentis: S. D. N. approbante decreuit, ac declarauit S. Congregatio, *Huiusmodi contractum esse contra mentem Decreti, ut supra editi, ideoque non licere Regularibus pecunias, ut proponitur, accipere, ac si acceperint, in ipsius Decreti pœnas ipso facto incidere.* Laurentius de Peirinis *tom. 2. priuileg. Minim. in Constitut. 8. Urbani V III.* Idem etiam SS. D. N. Urbanus in *Constit. Humana salutis* ann. 1625. prohibet bona iurisdictionalia in feudum, vel emphyteusim concedere, aut ultra triennium locare. Vide 4. *tom. Bullar. igitur Bullas Urbani nu. 51.*

4 Circa quæ aliqua animaduertenda sunt. Primò per bona prætiosa mobilia hic prohibita alienari, intelligi vasa aurea, argentea, vestes prætiosas, gemmas, &c. *Quarant. in Summ. Bull. verb. alienatio.* Idem cenfeo de copiosa bibliotheca librorum, grege ouium, vel caprarum, multitudine arborum ferentium, vel non ferentium fructuum. Quia hæc omnia quoad æstimationem, comparantur immobilibus. Suarez 4. *tom. de Relig. tract. 8. lib. 2. cap. 27. nu. 18.* Secundò, quòd venditio, seu alienatio arborum casarum ex aliquo prædio, eò quòd essent inutiles, aut nociuæ, non comprehenduntur sub isto Decreto. Cum arbores casæ sint bona mobilia, & non prætiosa. *Navar. lib. 3. Consil. de reb. Eccles. non alien. cons. 6. & 7.* Rodriguez *tom. 1. quæst. Regul. quæst. 27. art. 4.* Tertiò, huiusmodi Decretum S. Congregationis obligare, etiamsi alienatio bonorum Monasterij sit aliquando utilis. Cum enim per illud abrogentur omnia priuilegia concessa Religionibus, inter quæ hoc vnum erat, quòd in casu utilitatis Monasterij, possent ipsius bona alienari, ut patet ex priuilegio Gregorij XIII. Carmelitis concessio, ut vidimus *num. 2.* (vide alia priuilegia quoad hoc concessa Patribus nostris Discalceatis à Paulo V.) censendum est, mentem Sacræ Congregationis esse, sine ipsius licentia non posse fieri alienationes adhuc in hoc casu, sed ad illam pertinere iudicare de tali utilitate. Vnde alienationem esse necessariam, vel utilem Ecclesiæ, aut Monasterio, solum est causa iusta ad impetrandum licentiam à Sede Apostolica, vel S. Con-

S. Congregatione. Quartò sub bonis immobilibus comprehendit tam res corporeas fixas & stabiles, quam actiones & iura, vel redditus longi temporis, seu ius diuturnum ad illud, putà decem annorum. Item iura seu debita rerum immobilium, iam adq̃uista Monasterio, & ab illo acceptata. Suarez 4. tom. de Religion. tract. 8. lib. 2. cap. 27. nu. 16. & 17. Quintò, quòd casus iure permisi, in quibus licita est alienatio sine vlla Sedis Apostolicæ licentia, posita tamen necessitate, vel euidenti vtilitate Ecclesiæ, sunt. Primus, quando res alienanda est modici valoris, iuxta cap. terrulas 12. quæst. 2. Bonacina tract. de restit. disput. 3. quæst. 8. puncto 4. num. 7. Vide, & Gauant. in Manual. Episcop. verb. alienatio. Secundus est, consuetudo legitimè præscripta contra tra Extrauag. Ambitiosa, & idem dico de Decreto S. Congregat. allato. Azor lib. 2. cap. 9. quæst. 1. Tertius est, necessitas tam vrgens, vt non possit expectari licentia Papæ, vt si essent citò redimendi captiui à pyratibus detenti, aut pauperes in graui, & repentina necessitate pascendi. Molina disp. 468. Quartus, quando bona sunt relicta Religioni incapaci bonorum in communi. Sanchez in Decal. lib. 7. cap. 26. nu. 30. & cap. 27. nu. 17. Quintus, quando sunt relicta cum tali onere, vt alienari debeant certo tempore, aut casu, aut restitui ex obligatione iustitiæ. Sextus, si bona solita sunt infeudari, aut in Emphyteusim concedi. Rodriguez tom. 1. quæst. 27. art. 13. Molina disp. 468. Septimò idem videtur dicendum in casu vnionis Ecclesiæ loco Regulari. Ex Clemēt. si vna de reb. Eccles. non alienan. Sextò nota, quòd ea, quæ alienari non possunt, neque etiam possunt pignori, propter eandem rationem. Molina tom. 2. de contract. disp. 466. nu. 1. Septimò, quoad locationem, quòd quando prædia alternis tantum annis fructum ferunt, possunt locari in sexennium, & sic respectiue, nam annus in locatione non taxatur ex simplici decursu temporis, sed ex fructu. Nauarr. tom. 2. Comm. de alien. nu. 21. 22. Azor. par. 2. lib. 9. cap. 1. quæst. 2. Non possunt autem fieri locationes ad sex, vel nouem annos, cum conditione, vt tot sint locationes quot triennia. Quia hoc est in fraudem legis. Filiuccius tract. 44. cap. 3. num. 9. Pro alijs autem dubijs circa hoc punctum lege Rodriguez tom. 1. quæst. Regul. quæst. 27. & Quarantam in Summ. Bullar. verb. alienatio (animaduertendo tamen hos authores non vidisse Decretum Sacræ Congregationis adductum) Peirinis tom. 1. priuil. Minim. in Const. 9. Iulij 11. §. 1. Bonacina de alien. bonor. Eccles. disput. 2. quæst. vnic. punct. 2. Gauantum vt suprà.

3 Bona adq̃uista à Religiosis ex illicita negotiatione, aut alijs contra sacros Canones post mortem illorum, aut quibus,

illos, etiam eis uiuentibus, priuari, & delitui contigerit, spectant, tanquam spolia, ad Cameram Apostolicam. ita decernit Pius IV. in Bulla quæ incipit, *decens esse*. 2. tom. Bullar. pag. 29. Ab hac tamen regula excepit idem Pontifex Fratres Milites Hospitalis S. Ioannis in Bulla, quæ incipit, *Romani interest* ibidem p. 42. Quæ autem dicantur bona ex illicita negotiatione, aut contra sacros Canones adquisita, tractat Nauarrus in *Comment. de spolijs*, & Suarez 4. tom. de Relig. tract. 8. lib. 3. cap. 2. nu. 22. Vbi hæc recenset, *Omnis mercatura, negotiatio, militare, exercere officium forense, & similia*. Vndè bona adquisita à Religioso contra suam Regulam, vel Constitutiones, non pertinent ad Cameram, cum non comprehendantur in prædicta Bulla. Suarez *ut supra* num. 25. Nec etiam, quæ adquisiuit frater Laicus, vel Conuersus, quia Pontifex solum loquitur de Clericis. Idem nu. 24. Intelligiturq. Bulla de illis etiam bonis, quæ ex illicita negotiatione, & contra Sacros Canones adquiruntur à Religiosis, etiam non Apostatis, sed uiuentibus in Monasterijs, aut sub obedientia suorum Prælatorum, cum Pontifex indistinctè loquatur. Idem num. 30. Vbi etiam videtur dicere requiri ad huiusmodi restitutionem faciendam Cameræ, quòd ipsa petat. In hoc tamen attendenda est consuetudo. Cui autem cedant bona acquisita ab Apostatis, dicitur infra cap. 16. num. 21.

6 Pius V. in Bulla, quæ incipit: *Cum primum* ann. 1566. edita 2. tom. Bullarj inter Bullas huius Pontificis nu. 5. præcipit in virtute sanctæ obedientiæ Religiosis, siue Claustralibus, siue Regularibus, vt in Ecclesijs suis deputent aliquem, qui pauperes mendicantes, seu eleemosynas petentes per Ecclesias tempore, Missarum, Prædicationum, aliorumq. diuinorum Officiorum, foras eijciant. Peirinis tom. 1. priuileg. Minim. in Constit. 4. Iulij II. §. 1. Barbosa de offic. Parocho cap. 13. nu. 37.

7 Idem Pius V. in Bulla, quæ incipit, *De salute gregis* ann. 1567. edita, & habetur 2. tom. Bullar. Laert. Cherubini Bulla 48. præcipit omnibus Clericis tam Regularibus, quàm secularibus, beneficia Ecclesiastica obtinentibus, vel in sacris Ordinibus constitutis, sub excommunicationis pœna, ne agitationibus taurorum, aliarumq. ferarum bestiarum intersint. Licet autem huius Constitutionis pœnæ, & censuræ in Regnis Hispaniarum, quoad laicos, & Fratres Milites quarumcunque Miliciarum, reuocata sint à Gregor. XIII. quoad Religiosos tamen in suo vigore permanent. Eò vel maxime, quod Clem. VIII. ann. 1596. id expressè declarauit, tollendo & remouendo illas, quoad omnes in illa expressos (*Monachis, & Fratribus Mendicantibus, ceterisque cuiuscum-*

iuseamque Ordinis, & *instituti Regularibus exceptis*) Rodriguez 3. tom. *quæst. Regul. quæst. 68. art. 2.* Prosper de August. *in additionibus ad Quarantam in Summ. Bull. vers. torneamenta*. Obligat autem hæc Constitutio, etiam in casu, quo Religiosus posset interesse simili spectaculo sine aliquo scandalo, aut nota. Quando enim lex est de se iusta & honesta, etiam secluso scandalo, obligat ad sui adimpletionem. Rodriguez tom. 3. *quæst. Regul. q. 68. art. 2.* Flau. Cherub. *in comp. Bullarum to. 2.* Compræhendit etiam hæc Constitutio Religiosos in sacris Ordinibus non existentes. Ratio est, quia licet à Pio V. sint exclusi, tamen à Clem. VIII. (ut patet ex verbis adductis) videntur compræhendi. Rodriguez *quæst. 68. art. 2.* Cum autem huiusmodi excommunicatio non sit ipso facto incurrenda, sed comminatoria, non incurritur ipso facto à Religiosis huiusmodi agitationibus assistentibus, peccant tamen mortaliter, cum excommunicatio maior etiam ferenda, necessariò illud supponat. Eò præsertim, quòd non solum seculares scandalum ex eo capiant, sed & ipsa taurorum agitatio pluribus videatur barbara, & gentilis consuetudo, iure optimò à pia, & Catholica Hispania releganda, quæ scèlicius, & fructuosius milliaria hominum, & equorum, qui in istis congressibus occiduntur, in Fidei dilatationem contra infideles exponeret.

Hinc collige solutionem dubij, an assistere Comædjs (idem dico de alijs Spectaculis Scenicis, Ludricis, & Hystrionicis) Religiosos, sit peccatum mortale? Sub distinctione enim loquendum est. Nam vel talia Spectacula, res lasciuas, turpes, aut impudicas continent, aut non. Si primum; vix excusari possunt à mortali Religiosi similibus Spectaculis assistentes. Tum ratione scandali, quod sæpius interuenit; tum ratione periculi lapsus, quod sæpius etiam continget; tum, quia etiam ijs cessantibus, ratione Voti Castitatis tenentur huiusmodi obscæna fugere, & detestari. Vnde Ecclesiasticis prohibitum est similibus nugis interesse *de Consecrat. d. 5. cap. non oportet 2. & cap. Clerici 2. de vit. & honest. Cleric.* Optimè etiam in Constitutionibus Religionum id etiam est vetitum, ut in nostris *par. 3. cap. 6. nu. 8.* Rodriguez tom. 3. *quæst. Regular. q. 68. art. 6.* Casu tamen, quo cessaret scandalum, nec esset periculum lapsus, nec prohibitio specialis Religionis ad mortale obligans, si Religiosus prædictis Spectaculis assisteret, non ex affectu, aut delectatione ad res lasciuas, & venereas, quæ ibi aguntur, sed ob solam vanam curiositatem, excusaretur à peccato mortali. Sanchez *lib. 9. de Matrim. Disp. 46. nu. 41.* Bonacina *de Matrim. quæst. 4. punct. 9. nu. 21. & 22.* Quando verò talia Spectacula non sunt de rebus turpibus, aut inhonestis, sed continent

Histo.

Historias diuinas, aut humanas, aut etiam fabulas, & figmenta Poëtarum, tunc est indifferens ex natura sua illis assistere, atque adeò sine peccato possunt illis Religiosi interesse, seclusis circumstantiis scandali, periculi lapsus, prohibitionis, &c. S. Thomas 2.2. *quæst.* 168. *art.* 3. *ad* 3. Vide à nobis dicta de *Reformat. Regul. cap.* 9. *nu.* 13.

8. Regulares, qui (quod absit) nefandum crimen exercent, omni privilegio clericali, omnique officio, dignitate, & beneficio Ecclesiastico priuantur, & per Iudicem Ecclesiasticum degradati potestati seculari traduntur. Ita Pius V. in Bulla, quæ incipit, *Horrendum illud*, ann. 1568. edita in 2. *tom. Bullar. nu.* 72. Num autem, qui vna, vel alia vice in hoc peccatum incidit, his pœnis subiaceat? Quidam aiunt, quidam negant. Verumque, probabile. Et pars negatiua satis probatur ex illo verbo *exercentes*, quod Pontifex ponit in Bulla, importat enim multiplicationem actuum. Nauarrus in *Man. cap.* 27. *nu.* 249. Licet alij dicant oppositum, & hoc declarasse ipsummet Pium V. Flavius Cherubin. in 2. *tom. Bullar. sup. istam Bullam*. Prædictæ etiam Constitutionis dispositio extenditur ad eum, qui scæminam præpostera venere cognouerit, vel bestialitatis peccatum commiserit. Propter similem rationem. Prosper de Augustino in *addition. ad Quarant. in Summ. Bullar. verb. Sodomia*. Vide alia à nobis dicta supra *cap.* 5. *nu.* 11. 12. & 13.

9 Prohibitum est viris Religiosis admittere intra eorum clausuram, seu permittere in eorum Monasteria feminas cuiuscunque status, & conditionis existant. Primò, ex Motu proprio Pij Quinti, edito anno 1570. qui incipit, *Regularium personarum*. Secundò ex alia Constitutione Gregorij XIII. quæ incipit, *Vbi gratia*. Quamuis enim in illis solùm videatur prohibitum ingredi feminas Monasteria virorum, aut Religiosos illas admittere, virtute, & prætextu aliquorum indultorum, seu facultatum, tamen etiam extenditur ad eos, qui permittunt illas quomodolibet intrare, etiam sine prætextu, aut virtute alicuius facultatis, seu indulti. Tum quia Pius Quintus hanc esse suam mentem declarauit in alia Constitutione, quæ incipit, *Decet Romanum Pontificem* ann. 1570. quam refert Cœsecius in *privilegijs Ordinis Mend. fol. mibi* 147. ubi explicans suum priorem Motum proprium declarat, mentem suam, & intentionem esse, & fuisse, quòd dicta littera non solum comprehenderent mulieres habentes, & prætendentes facultatem, & indulta ingrediendi Monasteria, sed etiam omnes, & quascunque Mulieres alias, tam in genere, quam in specie. Tum quia ipse Gregorius Decimus tertius explicuit isto modo

modo suam mentem, ut refert Villaguta *tract. de Vsuris quæst. 35. nu. ult.* Tum etiam, quia ita praxi receptum est in Pœnitentiaria Rom. (quod pro lege haberi debet, maxime cum agatur de interpretatione Sæctionis Apostolicæ) Nauar. *in Sum. lat. cap. 27. num. 105. excom. 61. Azor. tom. 1. Instit. mor. lib. 13. cap. 8.* Vnde Suarez 4. *tom. de Rel. tract. 8. lib. 1. cap. 7. nu. 9.* propter hanc Constitutionem Pij Quinti retractat, quod alibi dixerat, scilicet in priori Constitutione eiusdem Pij Quinti solum prohiberi ingressum sæminarum in Monasteria virorum prætextu facultatum obtentatum.

10 Possunt tamen permitti intrare in Monasteria Religiosorum puellæ parvulæ, non obstante prædicta prohibitione Pontificum. Eò quod finis illorum est; ne detur Religiosis occasio impudicitæ, quod cessat in parvulis puellis. Rodriguez *in exposit. Mot. propr. Pij Quinti num. 12. Sanchez lib. 6. in Decal. cap. 17. nu. 4.* Idem dico de Imperatricibus, aut Reginis, saltem quando intrant Monasteria non occultè, sed magno comitatu, & ex bono fine. Cum enim Pontifices non fecerint in prædictis Bullis mentionem de illis, credendum est noluisse ipsas comprehendere. Rodriguez *tom. 1. quæst. Regul. quæst. 48. art. 1. Sanchez lib. 6. in Decal. cap. 17. nu. 5.* Qui etiam extendit hoc ad filias Imperatricum, & Reginarum. Quia nomine Reginarum censet comprehendendi. Fundatrices autem Monasteriorum, quantumvis nobiles sint, & excellentes comprehenduntur sub ista prohibitione. Quia hoc creditur fuisse intentum Pij V. in suo Motu proprio. Ideò enim in eo expressit Ducissas, & similes, quia hæ solent esse fundatrices. Rodriguez *in exposit. huius Mot. prop. num. 3.* Similiter causa medendi Monacho gravi morbo laboranti, intrare potest sæmina in Monasterium, si infirmitas solum per ipsam curari possit, nec Religiosus possit extrahi foras. Quia lex humana non est accipienda in tam gravi necessitate. Rodriguez *tom. 1. quæst. Regul. q. 46. art. 7. Sanchez lib. 6. in Decalog. cap. 17. nu. 30.*

11 Nomine Monasterij, in quod sæminis ingressus interdictitur, solum intelliguntur ea, quæ sunt intra septa Monasterij. Quia ea propriè sunt Monasterium, vel partes illius. Nauarrus *lib. 1. Consil. in 1. edit. tit. de Regular. conf. 16. in 2. lib. 5. tit. de verb. signific. conf. 5.* Hinc prædia, domus, horti, seu vineæ Religiosorum ab illorum Monasterijs separata non comprehenduntur prædicta prohibitione. Rodriguez *in exposit. huius Mot. propr. num. 1.* Secus verò horti, vel viridaria, quæ in ipsis Monasterijs esse solent, etiam si habeant ianuam, per quam, absque claustrorum ingressu, in illa intrari possit. Quia ista reuera sunt partes Monasterij,

sterij, & communiter sic habetur in praxi. Sanchez *lib. 6. in Decalog. cap. 17. nu. 15.* Idem dico de Sacristijs Ecclesiæ immediatè contigujs. Propter eandem rationem. Licet in hoc, si scandalum, & perturbatio Religiosorum absit, sitque contrarium vsu receptum propter audiendas confessiones, possit tolerari. Rodriguez *in expof. prædicti Mos. prop. nu. 14.* Sanchez *lib. 6. in Decalog. cap. 17. nu. 17.* Addunt alij, quòd Sacristiæ, ad quas non est aditus per claustra Monasterij, sed per Ecclesiam non sint subiectæ clausuræ. Bonacina *de clausur. quæst. 5. punct. 1.* Monasteria verò nondum fabricata, sed fabricari incepta, vbi non est communitas Religiosorum, sed tantum aliquis, vel aliqui pro fabrica, non comprehenduntur sub prædicta prohibitione. Quia illa verè non sunt Monasteria. Sorbus *in priuileg. mendic. verb. ingress. Monial. num. 11.* Pro quo extat declaratio Cardinal. quam refert Quaranta *in Summ. Bullar. verb. Monast.* affirmans, idem dici debere de domibus, seu Infirmarys in ciuitate positis, cum nec Ecclesiam, nec Conuentum habeant. Secus de Prioratibus, quos habent aliquæ Religionēs Monachales, quia sunt verè Monasteria, & habent clausuram. Sanchez *lib. 6. in Præcepta Decalog. lib. 17. num. 21.*

12 Præterea licitus est ingressus foeminarum in claustra Religiosorum (illorum scilicet, qui habent communicationem generalem priuilegiarum aliarum Religionum quarumcunque.) Quando in eis Missæ, & alia Diuina Officia celebrantur, ac cum Processiones fiunt, & quando Christi fidelium cadauera ibi sepeliuntur, ac etiam pro eis suffragia fiunt. Similiter quando diuinum verbum in claustris Monasteriorum, & Regularium locorū huiusmodi proponitur, vel per aliam quamcunque causam tantus concursus populi fuerit, quòd commodè ingredi non possint, & egredi per portam Ecclesiæ, perpetuò concedimus, vt dictæ mulieres vna cum alijs secularibus personis possint ingredi, & egredi per portam claustrī Monasteriorum, & locorum Regularium huiusmodi, dummodò recto tramite accedant ad portam, qua exitur è Monasterio, sicque volumus pariter, & indulgemus. Ita ad verbum Pius V. in dicta Constitutione. *Decet Romanum Pontificem.* Quæ licet fuerit data intuitu, & fauore Congregationis Montis Virginis, postea ab alijs Religionibus acceptata est, ob communicationem priuilegiarum, vt credo. Rodriguez etiam infra citandus refert similia declarasse Pium V. viuz vocis oraculo. Sed quia, vt diximus *cap. 3. nu. 21.* Viuz vocis oracula omnia his temporibus abrogata sunt, saltem quatenus continent nouam concessionem, ideò solum videtur ob communicationem priuile-

privilegiorum cum dicta Congregatione Montis Virginis, prædicta ab alijs Religionibus acceptata esse. Circa quæ animadver-
tendum est primò, non posse Prælatos prædictarum Religionum
instituere Processiones, vel Officia Divina extraordinaria ad
eum finem, ut mulieres ingrediantur eorum claustra. Quia hoc
est contra intentum Pontificum. Secundò non posse ingredi præ-
dictas mulieres, quando sunt celebrata iam, aut postea cele-
branda prædicta Officia, nisi in hoc sit parua mora temporis.
Quia ista concessio solum procedit de tempore, quo celebrantur.
Tertiò, quòd etiam possunt ingredi prædictæ fœminæ, quando
intra aliquod Sacellum illius claustrum ob alicuius potentis deu-
otionem celebratur Missa. Quia tunc celebratur Diuinum Offi-
cium. In his tamen laudabilis vsus retinendus erit, & abusus vi-
randus. Rodriguez tom. 1. quæst. 48. art. 3. & in expof. Mot. propr.
Pij V. Sanchez lib. 6. in Decalog. cap. 17. nu. 22. Quartò adiungunt
aliqui licere hunc ingressum, quando in claustro datur habitus
alicui Nouitio; sed non credo hoc licere, cum non comprehen-
datur hic casus in assignatis à Pio V. Laurentius de Peirinis to. 1.
privileg. Minim. in Const. 6. Iulij 11. nu. 14. Nec dare habitum,
Nouitio sit diuinum Officium. Bonacina de Clausur. quæst. 5. pun-
cto 4. nu. 10. Qui aliter docet dum datur professio.

13 Pœnæ autem, quas incurrunt Religiosi admittentes fœmi-
nas in sua Monasteria, sunt, priuationis Officiorum, qua in presen-
ti obtinent, & inhabilitatis in posterum ad illa, & alia omnia, &
Suspensionis à Diuinis ipso facto, sine alia declaratione incurrendis
pœnis. Ita Pius V. in suo Motu proprio. Prætered Gregor. XIII.
addit priuationem dignitatum, & beneficiorum, & inhabilita-
tis ad illa, & excommunicationem Pontifici reservatam. Rodri-
guez tom. 1. quæst. Regular. quæst. 48. art. 1. Sanchez lib. 6. in Decal.
cap. 17. à num. 33. Quomodo autem istæ pœnæ, & aliæ similes in-
telligi debeant, & quis possit in illis dispensare dicemus in hoc
capite à num. 29.

14 Sixtus V. in Bulla Cum de omnibus ann. 1587. edita prohibet,
ne quis Regularis ex una Prouincia ad aliam Prouinciam sui Or-
dinis transiundo etiam in itinere, intra aliquod Monasterium,
domum, vel locum alterius Prouincia ad habitandum, vel tanquam
hospes recipi, aut ad modicum tempus diuertere possit, nisi à Supe-
riore eius loci, ubi residet, expressam licentiam discedendi in scriptis
obtentam, seu litteras obedientiæ, vel commendatitias, secum des-
erat, atque exhibeat, vel nisi ita cognitus sit ijs, ad quos diuertit,
ut de eius persona nullus omnino dubitationis, aut suspitionis
relinquatur. Præcipit etiam ne recipiantur tales Fratres sub
grauif-

grauissimis pœnis ibi assignatis . Postea verò in alia Bulla eiusdem Pontificis ann. 1588. edita , quæ incipit , *Ad Romanum Pontificem* , sic prædicta declarat : *Dum interdicimus , ne quis Regularis alterius Prouincia , intra aliquod Monasterium , Domum , vel locum aliene Prouincia , etiam tanquam hospes , & ad modicum tempus recipi possit , nisi à Superiore loci , ubi residebat , & à quo discessit licentiam expressam in scriptis exhibuerit , vel nisi satis cognitus sit , id obseruari volumus non solum in Religiosis itinerantibus de vna in aliam Prouinciam , sed in ijs quoque , qui proficiscuntur de vno in aliud eiusdem Prouincia Monasterium , tam sui , quam alterius Ordinis . Quòd si dicerent se ad Apostolicam Sedem confugere ob grauamina à suis Superioribus sibi illata , & idè ab ipsis Superioribus licentiam , & litteras obtinere non potuisse , non propterea vllò modo recipi valeant , nisi fide dignorum testimonio de petita ab eis licentia , & per suos Superiores denegata confiterit .* Laurentius de Peirinis tom. 1. priuileg. Minimor. in Consist. 13. Leon. X. S. 1. *Quaranta in Summ. Bullarj verb. Monasteria .*

15 Deindè Religiosi Romam venientes sine licentia legitima , aut sine litteris suorum Superiorum , ex Sixto V. in Bulla citata , *Ad Romanum Pontificem* , non sunt recipiendi , sed remittendi ad Congregationem Eminentiss. Cardinal. vel Dominos Protectores , vt ipsis auditis , quid agendum sit , statuatur . Ex decreto autem S. Congregat. an. 1587. debent remitti ad suos Superiores seueriori pœna plectendi . *Quaranta in Summ. Bullar. verbo Monasteria .*

16 Circa illos autem hæc præcipit Clem. VIII. in Decretis pro reformatione Regularium approbatis à S. Congregatione SS. D. N. Urbani VIII. iussu . *Nullos Fratres Romam venire Superiores permittant , nisi prius à Generali , vel Protectore dumtaxat , licentiam in scriptis impetrauerint . Si quis autem sine huiusmodi facultate Romam venire præsumpserit , voce actiua , & passiuæ biennio priuatus existat , subiturum etiam alias arbitratu Superiorum infigendas pœnas . Qua item omnia aduersus eos , qui supra dictos ad miserint , & receperint , sine vlla exceptione locum habeant .* Postea extenditur facultas concedendi hanc licentiam , etiam Prouinciali , ex causa communi totius Prouincia dumtaxat , & declaratur prædictam pœnam priuationis vocis actiuæ , & passiuæ Sanctitati suæ reseruatum esse .

17 Prohibitum etiam est Religiosis recurrere ad personas extra suam Religionem , pro consequendis honoribus , dignitatibus , aut gratijs in ipsa . Primò enim id prohibuit Fratribus Prædicatoribus S. Dominici sub pœna inhabilitatis ad illa , & similia ,
vel

vel maiora consequenda Gregor. XIII. in Bulla *Cum nihil magis*, & habetur 2. tom. Bullar. nu. 62. Ampliavit hoc Clemens VIII. in alia Bulla *Religiosos viros* ann. 1592. edita, confirmando Decretum Capituli Generalis eiusdem Ordinis, & hoc ipsum præcipiendū in virtute sanctæ obedientiæ. Deinde idem Clem. VIII. in alia Bulla, *Quoniam nemo* ann. 1593. Idem prohibet Carmelitis per hæc verba. Omnes, & singulos Fratres dicti Ordinis cuiuscunque status, gradus, conditionis, & præminentiae, qualitatis, & dignitatis existentes, qui de cætero ad Prælaturas, gradus, honores, dignitates, administrationes, functiones, & alia officia dicti Ordinis assequenda intenti, ad Principum, & Prælatorum, atque aliarum quarumcunque personarum tam secularium, quàm Ecclesiasticarum de gremio dicti Ordinis non existentium, etiam Cardinalatus honore, & quacunque seculari dignitate, & excellentia, etiam Imperiali, Regali, & Ducali fulgentium fauores recurrerint, vel etiam pactis, pollicitationibus, alijsq; vijs, directè vel indirectè, palam vel occultè ad Prælaturas, gradus, honores, dignitates, administrationes, functiones, & alia officia predicta obtinenda aspirauerint, vel alijs minimè legitimis, & honestis rationibus ea obtinere quasiuerint, aut etiam spontè oblati, & minimè acquisitis usi fuerint, illorumq; complices, & fautores ad quascunque Prælaturas, dignitates, & officia, gradusq; honores, administrationes, & munera in ipso ordine obtinenda perpetuò inhabiles declaramus, ac obtentis per eos Prælaturis, gradibus, honoribus, dignitatibus, administrationibus, functionibus, & officijs huiusmodi eò ipso priuamus, ac priuatos voce tam actiua, quàm passiva carere decernimus, & declaramus. Iure autem optimo huiusmodi intercessionem prohibita sunt Religiosis, quia per illas maximum damnum Observantiæ Religiosæ accedit sapienti. Vnde illas quoque prohibet idem Clem. VIII. Camaldulensibus in alia Bulla ann. 1596. edita, quæ incipit, *Ambitosam*, & Hieronymianis, in alia, quæ etiam incipit, *Ambitosam* ann. 1600. edita, & Cruciferis in alia, quæ incipit, *Quoniam nemo* ann. 1604. & Augustinianis in Bulla eodem titulo, & anno edita. Et Paulus V. Canonicis Regularibus S. Salvatoris in Bulla edita ann. 1607. *Quoniam nemo*, & Augustinianis in Bulla *Admonemur* ann. 1608. & Celestinis in Bulla *Quoniam nemo* an. 1616. Et Fratribus Minoribus de Observantia an. 1619. in Bulla *Admonemur*, 4. tom. Bullar. inter Bullas Pauli V. nu. 16. & Minoribus Conuentualibus simili modo num. 18. Specialiter etiam idem Paulus V. in Bulla *Admonemur* ann. 1608. edita, præcipit Fratribus Ordinis Prædicatorum in virtute sanctæ obedientiæ, & sub excommunicatione latæ sententiæ Papæ reservatæ,

ne ad fauores extra Religionem recurrant pro se, vel alijs ad effectum consequendi officium Generalis, vel alijs minis legitimis vijs, & modis illud obtrahere quærant. Insuper idem Pau. V. in Bulla *Admonemur*, prohibet idem Minimis S. Francisci de Paula 4. tom. Bullar. inter Bullas Pau. V. num. 19. Tandem idem Pau. V. in Bulla ann. 1613. edita, quæ incipit, *Aliàs per nos*, prohibet recursum ad fauores extra Religionem Monachis Cisterciensibus Congregationis Italiæ in virtute sanctæ obedientiæ, & sub excommunicationis latæ sententiæ pœna. Vide dicenda cap. 15. nu. 27. & cap. 18. nu. 81.

18 Sacra Congregatio Romæ 12. Januarij 1604. statuit, & declarauit. Quibusuis Regularibus quorumcunque Ordinum, & Congregationum, tam Mendicantium, quam non Mendicantiũ, nullo modo licere, etiam specialis alicuius consuetudinis prætextu, Parochiam cum Cruce processionaliter, aut aliàs ad efferenda, & leuanda defunctorum funera intrare, vel illa leuare, & efferre, nisi vocato, & expectato proprio defuncti Parocho, eoque ibidem præsentem, si tamen ipse aliter fieri non consentiat, & permittat, vel nisi requisitus venire expressè omnino recuset. Quaranta in *Summ. Bullarj verb. priuileg. Regul.*

19 Regulares debent Crucem ferre in Processionibus cum velo, seu panno. Deferri debet tabernaculum SS. Eucharistiæ non Sacerdotum humeris, sed manibus tantum celebrantis. Quod probat Gauantus in *Comm. in Rubric. Missal. tom. 1. par. 4. tit. 10. & 12.*

20 Præterea Clem. VIII. in Decretis pro reformatione Regularium, quæ habentur inter Bullas huius Pontificis 3. tom. Bullar. nu. 60. & postea confirmata sunt à S. Congregatione Concilij, iussu SS. D. N. Urbani in Decreto de Regularibus Apostatis, & eiectionis ann. 1624. sic habetur, inter alia Decreta, quæ nos sparsim suo loco in hoc opere collocamus. *Nullus omnino prætextu cuiuscunque priuilegij, vel superioritatis, etiam Generalatus, à seruitio Chori censeatur immunis, nisi pro tempore, quo quis in proprij Officij munere actu fuerit occupatus. Cum Lectoribus autem, & Predicatoribus, Superiores, ijs tantum diebus, quibus eos legere, aut predicare contigerit, dispensare possint; Idem quoque præstare valeant cum ægrotis, & studiorum causa legitimè impeditis. In eos verò, qui negligentes, aut inobedientes fuerint, salutaris pœnitentia Superiores animaduertant ad præscriptum Regula, & Constitutum, alimenti etiam, si opus fuerit, subtractione. Ægroti in hoc Decreto intelliguntur, tam temporanei, quam perpetui, & Religiosi valde senes. l. Prator ff. de vacat. & ex. mu. & ex l. semper ff. de*

de iure imm. Similiter per eos, qui *studiorum causa* sunt impediti, intelligi debent, qui imprimendis libris pro bono Ecclesiæ, vel Religionis occupantur. Laurentius Peirinis tom. 2. priuileg. Minim. Const. 10. Vrb. VII. nu. 3. & 4. Item, Lectio sacra Scripturæ, vel casuum Conscientiæ, bis in hebdomada, præscriptis diebus, in singulis Monasterijs, & Conuentibus habeatur, adquam Fratres omnes conueniant, eaque absoluta, mutua collatione circa explicatam doctrinam sese vtiliter exerceant. Vide dicta cap. præcedenti nu. 48. Item, Cella, seu adicula, quæ extra dormitorium separatim sunt, ad officinas, aut aliàs ad communem usum, & commoditatem Conuentus redigantur. Item, Singulatim suo quisque lecto cubet, neque vllibi duo eodem lecto dormire possint, qui omnes ad certam formam redigendi erunt. Vide dicta c. 5. n. 15. Item, In priuatis cellis nulli camini permittantur; sed omnes obstruantur statim, cardinibus etiam è parietibus cõuulsis, ut res illa non ad tẽpus facta, sed perpetuo duratura videatur, cellis tamen Generalis, aut alterius Superioris, ac Predicatoribus exceptis. Item, Conuentus fenestra omnes, quæ in vias publicas, aut in vicinas laicorum ades prospiciunt, muro ita obstruantur, ut omnino ijs prospectus impediatur. Item, Valetudinarium in singulis Conuentibus certo, ac salubriori loco constituitur, quod pro loci situ, ac Fratrum numero, quoad fieri poterit, commodissimum esse possit, in quo Fratres omnes, cum agrotabunt, curentur, nec inde, nisi recuperata sanitate, abire permittantur. Qui verò infirmorum cura præpositi sunt, omni sedulitate, ac charitate operam suam præstabunt, ac curabunt, ne quid agrotis omnino desit; quod ad sanitatem recuperandam pertineat. Item, Curent Superiores, ut Constitutio interdicens largitiones munerum, & præferibens hospitalitatis formam, ab omnibus in quolibet Conuentu inuiolabiliter obseruetur. Circa hanc Constitutionem vide dicta cap. 6. nu. 52. 53. 54. & 55. Item, Eligantur in Capitulo Generali, ac Prouinciali aliquot graues, & periti ex Fratribus cuiuslibet Prouinciæ, saltem tres, qui admittendos ad prædicationem verbi Dei, vel ad audiendas confessiones, etiam ipsorum Fratrum, ac Lectores publicos diligenter simul examinent, priusquam probentur, & ad huiusmodi ministeria admittantur. Horum etiam cure sit, examinare, & probare, tam quoad doctrinam, quàm quoad mores, promouendos ad quoscunque Ordines, in quo seruetur Decretum, Congregationis Interpretum sacri Concilij Tridentini, hac de causa nuper editum, & promulgatum. Hoc Decretum puto esse illud, quod nos afferimus cap. 14. à num. 12. Item, Illud porro Superiores omnes in Domino admonemus, ut memores sint rationis, quam in nouissimo die reddituri sunt, pro grege sibi commisso, ac propterea

omni studio inuigilent, ut quæ in eorundem Ordinum Regulis, & Constitutionibus, de Oratione mentali, silentio, ieiunijs, Capitulo culparum, alijsque spiritualibus exercitijs, prudenter, ac piè sancita sunt, ea omnia, & singula ad vnguem obseruentur, intelligentiq. super his, veluti fundamentis, omnium Religionum ædificia construenda, & amplianda esse, quæ ut faciliorem exitum sortiantur, & fructus uberiores in animis Fratrum producant, valde opportunum erit, si in quolibet Conuentu, singulis hebdomadis habeatur Sermo de Religiosa disciplina, Regularique obseruantia. Consonant ea, quæ adduximus ex Concil. Tridentino supra cap. 7. num. 28. Item, Quod verò omnia ordinatè peragantur, appendatur tabella in loco conspicuo vniuscuiusque Conuentus, in qua distinctè adnotetur, quid singulis horis cuiusque diei quilibet Frater præstare debeat, ut certo quoque signo præmonitus, maiore animi preparatione suo muneri satisfacere possit. Quæ Ordinis Constitutiones bis Decretis non aduersantur, inuiolatè custodiendæ erunt.

21 De mandato etiam eiusdem Clem. VIII. ann. 1601. die 17. Aprilis factum fuit edictum à S. Congregat. Regularium, quo præcipiebatur Regularibus sub pœna priuationis officiorum, ne retinerent bannitos, & decoctores, seu fallitos. Pro quo etiam extant quædam litteræ Cardinalis de Florentia ad Vicarium Archiepiscopatum Genuensis, & ad Nuncium Neapolitanum. Scortia in *Selector. Bull. theorem.* 357. Laurentius de Peirinis tom. 2. priuileg. Minim. in Constit. 4. Clem. VIII. à num. 5. Addens quòd si quis Regularis reciperet, aut retineret in suo Conuentu bannitum aliquem propter homicidium sine dolo commissum, seu non fascinosum, non incurreret prædictas pœnas, quæ solum contra resceptatores fascinosorum impositæ sunt. Cautè tamen in hoc procedendum.

22 Qui Missas celebrant in gradu Sacerdotij non constituti, aut Confessiones audiunt fingendo se Sacerdotes, non solum sunt irregulares ex cap. 1. & 2. de Clerico inordinato ministrante (Cornexo 2. tom. in 3. par. de irregular. disp. 7. dub. 2.) sed etiam ex Clem. VIII. in Bulla, *Et si aliàs* ann. 1601. edita, & inter Bullas huius Pontificis nu. 81. à Iudicibus S. Inquisitionis, vel locorum Ordinarijs à foro Ecclesiastico abijciuntur, & ab Ordinibus Ecclesiasticis, si quos habuerint, ritè degradati, Curia seculari traduntur, per Iudices seculares debitis pœnis plædendi. Post quæ Sanctissimus D. N. Urbanus in Bulla *Apostolatus officium* ann. 1627. edita, habetur 4. tom. Bullar. inter Bullas ipsius nu. 79. Statuit, & decreuit, *Vt qui in posterum ad sacri Præbyteratus Ordinem non promotus, Missam celebrare, aut Sacramentalem Confessionem audire præ-*

presumpserit, etate minoris annis viginti quinque non excusetur, quominus eidem Clementis Constitutioni subijciatur, dummodò vigesimum suæ ætatis annum compleuerit.

23 Pius V. in Bulla *Cum nil magis* ann. 1570. edita, & est inter Bullas huius Pontificis num. 111. voluit tondentes monetas, siue aureas, siue argenteas vltimi supplicij pœna puniendos esse, tam in Vrbe, quam in toto Statu Ecclesiastico. Postea verò SS. D. N. Urbanus VIII. in Bulla *In suprema* ann. 1627. edita, inter Constitutiones ipsius 4. tom. Bullar. nu. 75. extendit hoc ad quascunque personas Ecclesiasticas, etiam Regulares, in tota Italia existentes, *qua aureas, vel argenteas monetas tondere, fabricare, colorare, vel aliis adulterare, seu etiam quomodolibet adulteratas scienter erogare, aut exponere presumpserint.* Volens, vt culpabiles in præmissis reperi, præuia degradatione, Curia seculari puniendi tradantur. Pecunias verò adulteratas scienter detinentibus, seu de loco ad locum transferentibus, aut materiam, instrumenta, siue opem ad præmissa præstantibus, pœnam triennium per decennium imposuit. Et cognitionem causarum huiusmodi in Prouincijs Sedi Apostolicæ subiectis ad Sanctæ Romanæ Ecclesiæ Cardinales ibidem Legatos. In alijs verò Prouincijs Italiae ad Ordinarios locorum spectare voluit. *Gauantur in Manual. Episcopor. verb. Monetarij.*

24 Deindè pro Doctoribus, seu Scriptoribus, extat Decretum Pauli V. in generali Congregat. S. Inquisitionis, quo præcipiebatur Nuntijs Apostolicis, vt notificarent Superioribus Religionum, & Ordinarijs locorum, ne sinerent imprimi *in materia de Auxilijs, etiam sub prætextu commentandi S. Thomam, aut alio modo; nisi consulta prius S. Inquisitione Romana.* Quod Decretum SS. D. N. Urbanus confirmavit ann. 1625. præcipiens omnibus, *vt in posterum non audeant imprimere, vel quoquo modo in lucem edere, libros, tractatus vel compositiones ex professo, vel incidentèr, aut prætextu commentandi D. Thomam, vel quemlibet alium Doctorem, aut alia quauis occasione, prætextu, vel modo, de materia Auxiliorum diuinorum tractantes, sine expressa, & speciali licentia à Sanctitate sua in Congregatione Sancti Officij obtinenda, donec aliud in hac materia à dicta sancta Sede Apostolica fuerit ordinatū.* Vt autem huiusmodi Decretum inuiolabiliter obseruetur eadem Sanctitas sua voluit, & declarauit, *contrauenientes, pœnas priuationis dignitatum, & officiorum suorum, vocis actiua, & passiva, facultatis concionandi, publicè legendi, docendi, & interpretandi ipso facto, absque alia declaratione incurrere, & nihilominus alijs etiam pœnis Sanctitatis suæ, & successorum suorum Romanorum*

Pontificum arbitrio infligendis, subiacere. Libros porro, quos in futurum contra præsentis Decreti tenorem edi contigerit, absque alia declaratione tanquam expressè prohibitos haberi voluit, & Impressores, præter amissionem librorum, pecuniarijs, alijsq. corporalibus pœnis, iuxta criminis gravitatem, teneri mandavit, contrarijs quibuscunque non obstantibus. Laurent. de Peirinis tom. 1. *priuileg. Minim. in Constit. 2. Iulij 11. §. 5. num. 20.* Circa quod Decretum illud animaduertendum occurrit, quòd quamuis per ipsum prohibeatur imprimi libros tractantes, siue ex professo, siue incidenter *de materia Auxiliorum diuinorum*; non tamen videtur prohiberi libros tractantes de aliquo puncto, difficultate, seu quæstione de Auxilijs: aliud enim est materia de Auxilijs, aliud verò punctus aliquis, seu difficultas prædictæ materiæ. Quod rationi, & intentioni Summi Pontificis congruere videtur; aliàs necesse esset, materias alias Theologicas, quæ cum materia de Auxilijs connexionem habent, non nisi imperfectè, truncatè, & defectuosè imprimi. Maximòq. hoc verum erit, si prædictus punctus modestè, sinceritè, & sine æmulatione aliqua, ut decet, tractetur.

25 Decreta S. Congregationis Concilij *de celebratione Missarum* iussu SS. D. N. Urbani VIII. edita, quæ afferimus *cap. 21. nu. 5.* debent legi sexto quoque Mense, id est, feria secunda post primam Dominic. Aduent. & feria sexta post Octauam Corporis Christi, in publica mensa, in omnibus Monasterijs, Conuentibus, aut Domibus Regularibus, sub pœna priuationis officij, vocisq. actiux, & passiuæ ipso facto incurrenda Superioribus localibus in hoc negligentibus. Ita enim præcipitur in eisdem Decretis. Similiter Decreta S. Congregat. eiusdem SS. iussu edita *de Apostatis, & eiectis*, quæ nos afferimus *cap. 16. num. 16. cap. 23. nu. 3.* debent etiam legi in prædictis Monasterijs, saltem bis in annum cum Decretis Clem. VIII. *pro reformatione Regularium*, quæ nos sparsum in hoc opere inserimus. Sic enim præcipitur in eisdem Decretis sub pœna priuationis officiorum, & vocis actiux, & passiuæ, ac perpetuæ inhabilitatis ad illa in posterum obtinenda transgressoribus infligenda. Vide etiam obligationem quoad aliud Decretum S. Inquisitionis singulis annis promulgandum *cap. 18. num. 110.*

26 Item SS. D. N. Urbanus VIII. in Bulla edita ann. 1626. ad instantiam Philippi IV. Hispaniarum Catholici Monarchæ, & habebatur 4. tom. *Bullar. inter Constitutiones Urbani nu. 57.* cassauit, reuocauit, & abrogauit omnia, & quæcunque priuilegia, siue exemptiones, non solum à Superioribus, sed etiam à Sede Apostoli-

stolica concessa, quibuscunque Religiosis in Regnis Hispaniarum commorantibus, per quæ ab eorum Prælatorum obedientia eximuntur, ex Monasterijs, & Regularibus domibus ad eorum libitum, & cum socijs sibi bene visis, & iam destinatis, etiam Superiorum suorum non petita licentia, egrediuntur, absque eò quòd iisdem Superiores tam huiusmodi egressum, quàm secularium personarum quibuscunque horis ad illorum Cellas accessum, atque ingressum impedire possint. Præterea de uno ad aliud Monasterium, seu Regularem domum, etiam ipsis Superioribus inuitis, transeunt, nec Choro, & alijs spiritualibus exercitijs, minùsque refectorio cum alijs interfunt. Hæc autem Bulla intimata est à sua Catholica Maiestate, Prouincialibus Religionum per litteras ad illos missas, quarum copiam apud me habeo.

27 Idem præterea Sanctiss. D. N. Urbanus in Bulla *Inferuabilis* ann. 1631. 4. tom. Bull. n. 113. confirmans, & innouans Constitutionem Sixti V. contra Astrologos Iudiciarios, decernit, quascunque personas, etiam Regulares, quæ de statu Reipublicæ Christianæ, vel Sedis Apostolicæ, siuè de vita, aut morte Romani Pontificis pro tempore existentis, eiusq. vsque ad tertium gradum inclusiue consanguineorum, Mathematicos, Ariolos, Aruspices, Vaticinatores siuè nuncupatos, vel alios Astrologiam Iudiciariam exercentes, seu aliàs quomodolibet proficientes, de cætero consulerint, siue desuper eorum iudicia, pronostica, prædictiones, seu præcognitiones, etiam sibi oblatas receperint, illis siuè quomodolibet visi fuerint, vel illas penes se scienter retinuerint, aut alicui ostenderint, necnon iisdem Mathematicis, Ariolis, &c. incurere excommunicationem latæ sententiæ, & pœnas læsæ Maiestatis, & vltimi supplicij, ac priuationis beneficiorum, dignitatum, ac officiorum, ac inhabilitatis perpetuæ ad illa, & quòd præuia degradatione Curia seculari tradantur, puniendæ, cognitionemq. causarum huiusmodi in Vrbe, & illius districtu ad Vicarium Generalem, & Vrbis Governatorem, & Auditorem Generalem Cameræ, extra Vrbem verò ad Cardinales, Legatos, & Prolegatos; in alijs verò partibus (Superioribus Religiosorum penitus exclusis) ad Ordinarios locorum, vbilibet verò locorum etiam ad hæreticæ prauitatis Inquisitores, spectare voluit. Vide Gauantum in *Manual. Episcop. verb. Astrologia*. Vnde transgressores huiusmodi Constitutionis denunciari debent Iudicibus in ea designatis, etiam si vnus tantum id sciat, si tales sint pertinaces (Toletus in *Summa lib. 4. cap. 5.*) alioquin, si spes emendæ credatur, prius erunt fraterna correptione admonendi. Cum enim præceptum correptionis fraternæ, quando adest spes probabi-

habilis lucrandi Fratrem, sit Iuris diuini, non est cur non obliget in hoc casu, cum etiam in casu hæresis à multis dicatur obligare, non obstantibus Edictis Inquisitorum, quibus præcipitur denunciatio, statim quòd habetur noticia delicti. Bannez 2.2. *quest. 33. art. 8. dub. 2. ad 7.* Peirinis tom. 2. *priuileg. Minim. in Const. 4. Greg. XV. à num. 26.*

28 Pro Decreto S. Inquisitionis contra Regulares ab eadem condemnatos, vide *cap. 15. nu. 39.* Pro Decreto etiam S. Congregat. circa ea, quæ Regulares possunt facere in suis Ecclesijs, vide *cap. 12. num. 41. & alia dicenda in eodem capite à num. 33. usque ad finem Capituli.*

29 Circa pœnas autem, quæ in huiusmodi Decretis, Bullis, seu Constitutionibus Summorum Pontificum, aut S. Congregationis apponi solent contra transgressores, dicendum est primò. Pœnæ excommunicationis, suspensionis, interdicti, & irregularitatis impositæ ipso facto, vt si dicantur *ipso facto, ipso iure*, aut *eo ipso* incurrendæ, non solum obligant in foro exteriori, sed in interiori conscientia, ita vt ante omnem Iudicis sententiam, teneatur transgressor Legum ad illas obligantium illas subire. Ratio est, tum quia hæc est communis praxis totius Ecclesiæ, tum quia ita videtur supponi à Concilio Trident. *sess. 24. cap. 6.* dum in eo concedit facultatem absoluedi ab istis, quando sunt occulta, abs dubiè supponens, incurrì, etiam si non sint deducta ad forum exterius. Sotus 1. *de Iust. quest. 3. art. 6.* Quando autem huiusmodi pœnæ non ponuntur infligendæ ipso facto, vt si in Legge dicatur solum *sub pœna excommunicationis, sub pœna suspensionis, interdicti, &c.* vel si dicatur *excommunicabitur, suspendetur, excommunicetur, suspendatur, &c.* non incurruntur donec per Iudicem, sit lata talis sententia, vel declaratio. Quia ita etiam communis praxis fert, Alfonso à Castro *lib. 2. de Lege pœnali cap. 1.*

30 Pœnæ etiam illæ, quæ in huiusmodi Decretis, Bullis, aut Constitutionibus Summorum Pontificum, aut S. Congregationis adiungi solent, pro transgressoribus, videlicet, *Priuationis vocis actiue, & passiuæ, priuationis officiorum, dignitatum, administrationum, honorum, &c.* insuper, *inhabilitatis ad prædicta, vel alia quæuis obtinenda, ipso facto, vel ipso iure, &c.* infligendæ, non obligant in conscientia ante sententiam Iudicis, adminis declaratoriam transgressionis talis Legis. Ratio est, tum quia ita in praxi recipitur apud viros doctos, & timoratos, vt non se credant obligatos esse ad tales pœnas subeundas, nisi præmissa supra dicta Iudicis sententia. Tum quia hoc est conforme naturæ Legis humanæ, quæ debet esse facilis, & accommodata fragilitati hu-

manæ:

manz : videtur autem nimis rigidum, & durum, quod huiusmodi poenæ incurrantur ante iudicis declarationem. Sotus 1. de Iust. quæst. 6. art. 6. ad 4. Molina tom. 1. de Iust. disp. 69.

31 Quando tamen non solum ponuntur istæ poenæ sub illis terminis ipso facto, ipso iure, aut eò ipso, &c. incurrendæ, sed adduntur ulterius istæ dictiones, seu verba, absque vlla declaratione, ante omnem declarationem, absque vlla Superioris Decreto, aut ministerio, aut sententia, &c. vel similia, incurruntur tales poenæ, & obligant etiam in conscientia, & foro interiori ante quamcumque declarationem. Ratio est, quia nihil aliud videntur intendere Pontifices, & Latores harum Legum dum his terminis vtuntur, nisi quod nulla expectetur sententia ad hoc, quod illæ poenæ incurrantur in utroque foro, sed in hoc sint similes Censuris, & irregularitatibus, alias superflue adderent illas particulas, absque vlla declaratione, absque vlla sententia, ante ullam sententiam, &c. Suarez lib. 5. de Leg. cap. 8. Vasquez 1. 2. disput. 170. Quia tamen aliqui Theologi oppositum sentiunt dicentes, per illas particulas, absque declaratione, absque sententia, vel ante declarationem, aut sententiam, &c. solum denotari, non requiri ad hoc quod tales poenæ incurrantur etiam in conscientia, sententiam, aut declarationem talis poenæ, sed ante illam incurri, non verò denotari non requiri sententiam, aut declarationem delicti, aut criminis commissi, quia hanc dicunt semper esse necessariam: idè hoc non videtur improbabile, tum quia hoc modo temperatur rigor istarum Legum, scilicet, quod reus non teneatur exequi in se poenam sui delicti, tum quia ita consuli vidi etiam d Penitentiarijs Ecclesiæ Sancti Petri, quos circa hoc consului. Sanchez lib. 6. in Decal. cap. 15. nu. 65. Sossa in exposit. Mot. prop. Clementis Otaui de Largit. mun. nu. 102. Peirinis tom. 1. priuileg. Minim. in Constit. 6. Iulij Secundi nu. 19. Addiderim tamen maximè hoc esse verum loquendo de penis, non quidem purè priuatiuis, in quibus exequendis non exigitur aliqua actio hominis, vt sunt inhabilitas, &c. sed de alijs, in quibus talis actio exigitur. Bonacina de legibus disput. 1. quæst. 1. punct. 7. §. 2. nu. 9. & de contractib. disp. 3. quæst. 8. punct. vlt.

32 Quamuis multi credant nomine officiorum, graduum, dignitatum, & administrationum, de quibus statuunt priuationes, vel ad quæ inhabilitantur transgressores horum Decretorum, seu Constitutionum, solum intelligi dignitates, officia, & administrationes habentia coniunctam Superioritatem, vt esse Generalem, Prouincialem, aut Priorem, non verò alia non habentia ralem Superioritatem, vt esse Concionatorem, Confessorem,

Lectorem, &c. Eò quòd cum Sixtus Quintus in quadam Constitutione contra Regulares illegitimè natos, eos dignitatibus, gradibus, & officijs priuauerit, postea in alia, priorem explicans, per illa solùm intellexerit, & intelligi declarauerit ea munera, quæ habent coniunctam prædictam Superioritatem, non verò alia, quæ illam non habent. Sanchez *lib. 6. in Decal. cap. 15. nu. 66. Rodriguez in exposit. Mot. prop. Pij Quinti circa ingressum Fœminarum in Monasteria virorum num. 21.* Mihi tamen non placet hæc sententia, eò quòd sine fundamento sufficienti restringit amplissima verba. Nam quod dicitur de Sixto Quinto, manifestè ipse declarat se solùm loqui quantum ad Constitutionem illam à se editam, non quoad aliàs à se, vel ab alijs editas, vel edendas. Sic enim dicit: *Declaramus hac in re, de qua nunc agitur, appellatione dignitatum, honorum, &c.* expendo enim particulam illam, *hac in re, de qua nunc agitur*, quo denotat, se non loqui in alijs casibus aliarum Constitutionum, seu Bullarum Pontificalium. Immeritò ergo propter fundamentum adductum prædictam opinionem sustinent authores adducti. Quare dicendum est, per officia, dignitates, gradus, honores, administrationes, &c. de quibus in Bullis, & Decretis Pontificum, & S. Congregationis fit sermo, intelligi debere ea omnia, quibus propriè, & secundum communem vsum, & æstimationem, talia vocabula accommodantur. Verba enim Legis secundum communem vsum, & significationem usurpari debent.

33 Quando in huiusmodi Bullis, & Decretis, aut alijs litteris Apostolicis, in quibus aliquid prohibetur, vel præcipitur, apponitur verbum præsumptionis, vt si dicatur de transgressoribus *si præsumperint, præsumant, præsumunt, &c.* vel similia, non comprehenduntur talibus Legibus, aut Censuris, vel penis per illas impositis, nisi illi, qui ipsas transgrediuntur ex dolo, malitia, vel præsumptione, non verò illi, qui etiam ex ignorantia culpabili illas transgrediuntur. Ratio est, quia verbum *præsumptionis* significat temeritatem, vel malitiam excludentem omnem ignorantiam. Caiet. *in Sum. verb. Excommunic. cap. 81. Nauar. in Man. cap. 27. nu. 24. & in cap. statuimus nu. 62.* Quando tamen non apponuntur talia verba, sed solùm communia, videlicet fecerint, perpetraverint, non obedierint, &c. vel similia, comprehenduntur etiam ignorantes ignorantia affectata, crassa, vel supina, non tamen illi, qui solùm habent ignorantiam probabilem, vel inuincibilem. Ratio primæ partis est, quia ignorantia affectata, crassa, vel supina æquiualeat malitiæ, & dolo, vnde non poterit excusare, neque à Censuris, neque à penis per legem impositis.

Ratio

Ratio verò secundæ partis est, quia talis ignorantia facit actum inuoluntarium, ac per consequens excusat transgressorem. Silvester verb. *Excommun.* 7. nu. 87. Miranda in *tract. de Saer. mon. quæst.* 2. art. 12. Cornexo 2. to. in 3. par. *tract.* 5. de *Censf. disput. ult. dub. ultimo.*

34 A Censuris excommunicationis, suspensionis, vel interdicti, quæ in huiusmodi litteris Pontificijs ponuntur, si non sint Papæ reservatæ, possunt absolueri iure communi Prælati Religionum. Quia eò ipso quòd huiusmodi censuræ nulli reservantur, conceditur proprio Ordinario absolutio illarum. Suarez *tom. 4. de Relig. tract.* 8. lib. 2. cap. 20. Imò etiam si tales Censuræ sint Papæ reservatæ possunt aliqui Prælati Religionum ab illis absolueri suos subditos propter priuilegia adducenda *cap. 18. nu. 36.* cum conditionibus tamen ibidem assignandis. Inter quas illa præcipua est, quòd in prædictis litteris Apostolicis non fiat talis reservatio Papæ cum abrogatione priuilegiorum Religionum, tunc enim inutilia erunt talia priuilegia ad talem effectum.


35 In penis etiam priuationum, & inhabilitatum, quæ in prædictis litteris Apostolicis apponi solent, similiter, si non sint reservatæ Summo Pontifici, possunt dispensare Prælati Religionum cum suis subditis, si delicta non sint maiora adulterio, & peracta penitentia. Propter rationem adductam, scilicet, quòd eò ipso, quòd tales penæ non sunt Papæ reservatæ censentur concedi Ordinario, seu Episcopo, cui iure communi competit dispensare, in penis latis ob adulterium, & alia crimina minus grauià, dum non expresse reservantur, peracta tamen penitentia, vt declarauit Alexander Tertius in *cap. At si Clerici §. de Adulterijs.* Vnde videtur posse Prælatos Religionum in huiusmodi penis non reservatis dispensare cum suis subditis, dummodò delicta non sint maiora adulterio, & peracta penitentia. Henriquez *lib. 14. de Irreg. cap. 19. nu. 2.* Miranda in *Man. tom. 2. quæst. 9. art. 3. & quæst. 31. art. 11.* Si autem tales penæ sint Papæ reservatæ, licet in illis non possint Prælati Religionum iure communi dispensare, cum suis subditis, nec etiam ex vi præcisè Decreti Concil. Trid. *sess. 24. de reformat. cap. 6.* vbi dicitur, *liceat Episcopis in irregularitatibus omnibus, & suspensionibus ex delicto occulto prouenientibus, &c. dispensare,* eò quòd prædictum Decretum solum intelligitur de Episcopis, quia sic declaratum est à Sacra Congregat. Cardinalium dicente: In hoc Decreto non comprehenduntur inferiores habentes iurisdictionem ordinariam, & quasi Episcopalem, sed tantum Episcopi priuatiuè quoad omnes alios. Suarez 4. *tom. de Relig. tract.* 8. lib. 2. cap. 12. num. 8. Nihilominus possunt

possunt aliqui Prælati Religionum cum suis subditis in prædictis pœnis dispensare, propter privilegia adducenda *Cap. 18. num. 46.* cum conditionibus ibidem assignandis. Maxime id videtur fieri posse ex privilegio Gregor. XIV. concessio Clericis ministrantibus infirmis, quod adducimus in eodem *cap. 18. nu. 35.* dum dicitur: *Necnon cum eis, si opus fuerit, etiam cum rehabilitatione, & abstersione inhabilitatis, & infamie macula dispensare.* Quod etiam fertur concessisse Pium V. Abbatibus, & Prælati Cassinensibus. Laurentius Peirinis *tom. 1. privileg. Minim. in Const. 6. Julij II. num. 24.* Vide dicenda *cap. 18. ut supra.*

36 An verò etiam in foro externo possint Prælati Regulares cum suis subditis in istis pœnis dispensare? Quidam affirmant cum Rodriguez *tom. 1. quest. 24. art. 17.* Cruz *lib. 1. de stat. Relig. cap. 6. dub. 15. con. 6.* Alij verò (quod tutius est) negant. Cum nulum pro hac parte solidum fundamentum, aut privilegium afferatur. Peirinis *ut supra* post alios *num. 25.*

De his, in quibus tenentur obedire Religiosi Dominis
Episcopis, & Principibus secularibus.

C A P. XI.

1  RELIGIOSI non exempti, quales sunt aliquæ Moniales, Episcopis subiectæ, tenentur ipsis obedire ex voto Obedientiæ. Ratio est, quia Episcopi sunt verè Prælati ipsarum, illisque emittunt votum Obedientiæ. Sanchez *lib. 6. in Decal. cap. 1. num. 11.* Imò prædictæ Moniales Episcopis subiectæ, tenentur potius ipsis, quàm suis Abbatissis, aut Priorissis obedire. Eò quòd duobus Prælati contraria præcipientibus standum est Superiori, seu maiori Prælato. Sanchez *lib. 6. in Decal. cap. 1. nu. 11.*

2 Religiosi autem exempti (quales communiter sunt ferè omnes Religiosi propter multa Pontificum privilegia, ut constat ex *cap. quam sit necessarium 18. quest. 2.* de quo Nauarrus in *cap. non dicatis nu. 63 & in cap. nulla 18. quest. 2. num. 40.*) non tenentur ex vi Voti Obedientiæ obedire Episcopis, aut eorum Vicarijs. Ratio est, quia solum promittunt Obedientiam Prælati Regularibus. D. Thom. 2. *dist. 44. in fine in exposit. littera ad 3.* Silvester *verb. Obedientia quest. 8. & 10. dicto. 2.* Vnde si Episcopi velint aliquo modo, vel de facto tentent procedere in Iudicio, vel
extrà

extra contra Regulares, aut contra res Monasterij in quavis causa ciuili, vel spiritali, (præter inferius assignandas) processus, sententiæ, & inde secuta sunt nulla & irrita. Cum enim non sint Prælati Regularium exemptorum nullam habent iurisdictionem supra illos. Rodriguez *tom. 2. quæst. Regul. quæst. 63. art. 6.*

3 Non obstante tamen priuilegio exemptionis, tenentur Regulares reuereri, & honorare Dom. Episcopos. Quia exemptus à iurisdictione non est exemptus à iure reuerentiali, vt docet Roman. *singular. 486.* Vnde cum venerint ad eorum Ecclesias ad celebrandum, reuerenter recipiendi sunt, possuntque in Regulariū Ecclesijs vt baldachino, & contradicentes, Censuris, & poenis cogere. Ex Decr. S. Congreg. apud Quarantam in *Summ. Bullar. verb. priuileg. Regular. & Peirinis tom. 1. priuileg. Minim. in Const. 26. Leon. X. num. 45.* Exercere etiam possunt Pontificalia in locis exemptis. Erasmus Cokier in *tract. de Iurisd. Ordin. in exempt. par. 5. quæst. 21.* Vide etiam Bartholomæum Gauantum *tom. 1. Thesaur. S. Rit. par. 2. tit. 3. §. in eorum residentijs.*

4 Secluso etiam priuilegio exemptionis, & stando in iure diuino, & ex vi voti Obedientiæ, quod Religiosi emittunt; non tenentur obedire Episcopis, sed suis Prælati, quoad obseruantias Regulares, bene tamen quoad disciplinam Ecclesiasticam. Ratio est, quia etiam secluso tali priuilegio exemptionis, cum votum Religiosorum non sit de obediendo Episcopis, sed proprijs Prælati, solum poterunt illis esse subiecti, sicut alij Clerici seculares, ac per consequens, non quoad obseruantias Regulares, sed solum quoad disciplinam Ecclesiasticam, sicut prædicti Clerici. Sanchez *lib. 6. in Decalog. cap. 1. num. 12.* contra Petrum de Ledesma *2. tom. Summ. tract. 10. cap. 7. not. 2.*

5 Huic Priuilegio Exemptionis non possunt renunciare Religiosi saltem particulares. Eò quòd illud datum est in honorem status Religiosi, & consequenter noceret iuri Religionis, qui illud renunciare tentaret. Præsertim cum Papa in Bullis exemptionum Regularium non solum dicat suscipere eos sub eius, & Sedis Apostolicæ protectione, sed dicat *immediatè nobis subiiciamus*, quo denotatur, Pontificem se constituere immediatum Superiorem Iudicem Ordinarium, & quasi Episcopum Regularium. Rodriguez *tom. 2. q. 63. art. 10.* Laurentius Peirinis *tom. 1. de priuileg. Minim. in Constit. Sixti V. §. 7.*

6 Nihilominus Religiosi, etiam exempti, & non subditi Episcopis, possunt ab illis dispensari in irregularitatibus, & absolui à Censuris Episcopis specialiter, & priuatiuè reseruatis. Vnde, possunt ab illis absolui, & dispensari in irregularitatibus, & suspensionibus.

spensionibus ex delicto occulto prouenientibus, iuxta Decretum Concilij Trid. *sess. 24. cap. 6.* quod solis Episcopis competere diximus *cap. preced. nu. 35.* Ratio est, quia licet Religiosi sint exempti ab Episcopis quoad Iurisdictionem ordinariam; quoad actus tamen proprios Episcoporum, & in quibus non subduntur Iurisdictioni suorum Prælatorum, quales sunt huiusmodi absolutiones, & dispensationes, possunt esse illis subiecti. Suarez *4. tom. de Relig. tract. 8. lib. 2. cap. 12. nu. 12.* Sanchez *lib. 4. in Decalog. cap. 39. nu. 32.* Cornexo *tom. 2. in 3. par. de Irregularit. disp. 3. dub. 5.* Imò ad hunc effectum non requiritur licentia, vel voluntas Prælati, tum quia Religiosus utitur iure suo, & in re conducente ad salutem animæ suæ. Licet quando huiusmodi dispensationes, vel absolutiones possunt obtineri à proprio Prælato ratione alicuius privilegij, vel aliunde, non debent, & forsitan non possunt, peti ab Episcopis. Quia hoc videtur cedere aliquo modo in dedecus Religionis. Præsertim, quia est probabile, quòd eò ipso quod Prælatus exemptus habet potestatem dispensandi, habet etiam ius, ut nullus se intromittat circa suum subditum. Suarez *4. tom. de Relig. tract. 8. lib. 2. cap. 12. nu. 13. & 15. & cap. 23. nu. 3. & 4.* Vbi etiam extendit hoc ad casum necessitatis, in quo Religiosus non potest adire Prælatum suum.

7 Non obstante etiam privilegio exemptionis Regularium, ab Episcopis, possunt ipsi Episcopi Parochiales Ecclesias ad eòdem Fratres ratione locorum suorum legitimè spectantes, quoad ea, quæ ad Parrochianorum curam, & Sacramentorum conseruationem, administrationemquè pertinent (sine tamen visitatorum insolito grauamine vel impensa) visitare, & illarum curam gerentes, & circa illam delinquentes, si Religiosi fuerint, iuxta ipsius Ordinis Regularia instituta intra septa Regularis loci punire. Ita in Concilio Lateranensi in Bulla Leon. X. quæ habetur in Bullar. *tom. 1. fol. 309.* Qualiter autem hoc sit faciendum explicat Concilium Trident. *sess. 7. de reformatione cap. 7.* dicens, *Beneficia Ecclesiastica curata, quæ Cathedralibus, Collegiatis, seu alijs Ecclesijs, vel Monasterijs, beneficijs, seu Collegijs, aut pijs locis quibuscunque perpetuò vnita, & annexa reperiuntur, ab Ordinarijs locorum annis singulis visitentur.* Ne autem in hoc sit aliquis excessus, extat declaratio Sacræ Congregationis Concilij an. 1602. edita, vbi dicitur: Episcopos, aut alios locorum Ordinarios vigore cuiusvis Decreti eiusdem Concilij nullam habere facultatem quouis tempore in Monasterijs, Domibus, & Ecclesijs Regularium exemptorum, quibus non imminet cura animarum, personarum secularium, visitandi Sacristiam, paramenta, vasa sacra,

sacra, altaria, et cetera huiusmodi: aut etiã tabernaculũ, seu pyxidem, in qua Sanctiſſimum Euchariſtiæ Sacramentum aſſervatur. Flavius Cherub. in *Compend. Bullar. circa Bullam* 41. Pij V. Laurentius Peirinis *tom. 1. priuil. Minim. circa Conſtitut. 2. Sixti IV. §. 10.* referens etiã declarationem Cardinalium ad Archiepiſcopum Genuenſem. Præterea, cum propter Conſtitutionem Gregor. XV. *de exemptorum priuilegijs, &c.* dubitatum fuerit, an liceat Episcopis viſitare altaria Regularium Eccleſiarum, quibus cura animarum perſonarum ſecularium non incumbit; aut loca, ubi in eiſdem Eccleſijs aſſervatur SS. Euchariſtiæ Sacramentum, vel ubi audiuntur confeſſiones perſonarum ſecularium. S. Congregatio reſpondit: *Episcopis non licere in vim eiſdem Conſtitutionis.* Vide 4. *tom. Bullar. poſt Conſt. 18. Gregor. XV. & Gauantum in Man. Episcop. verb. Regularium Iura ſub Episcop. num. 54.*

8. Ex eodem Concilio Tridentino *ſeſſ. 6. de reformatione cap. 3.* ſic habetur. *Nemo Regularis extra Monasterium degens, etiam ſui ordinis priuilegiij prætextu, tutus cenſeatur, quo minus ſi deliquerit, ab Ordinario loci tanquam ſuper hoc à Sede Apoſtolica delegato ſecundum Canonicas ſanctiones viſitari, puniri, & corrigi valeat.* Rodriguez 2. *tom. quaſt. Regul. quaſt. 63. art. 11. Quaranta in Summ. Bullar. verb. exemptio.* Inferunt aliqui hoc Decretum intelligi ſolum de Regular. degentibus extra Monasterium, abſque licentia Prælati, nam qui extra Monasterium degit cum licentia ſui Prælati, dicitur eſſe in Monasterio. Laurentius de Peirinis *tom. 1. priuileg. Minim. in Conſtitut. 2. Sixti V. §. 11. num. 22.* Quid verò dicendum ſit de Religioſo intra Clauſtra Monasterij degente, ſed extra illa notoriè delinquente, ex eodem Concilio Tridentino, & Clem. VIII. agemus *infra cap. 16. nu. 16. & 27. Vide infra num. 10.*

9 Idem etiã Concilium *ſeſſ. 25. cap. 11.* præcipit, quòd in Monasterijs, ſeu Domibus virorum, ſeu mulierum, quibus imminet animarum cura perſonarum ſecularium, præter eas, quæ ſunt de illorum Monasteriorum, ſeu locorum familia, perſonæ tam Regulares, quàm ſeculares huiusmodi curam exercentes, ſubſint immediate in ijs, quæ ad dictam curam, & Sacramentorum adminiſtrationem pertinent, Iuriſdictioni, Viſitationi, & Correccioni Episcoporum, in cuius Diœceſi ſunt ſita. Nec ibi aliqui etiã ad nutum amouibiles deputentur, niſi de eiſdem conſenſu, ac præiudicio examine, per eum, aut eiſ Vicarium faciendo, excepto Monasterio Cluniacenſi cum ſuis limitibus, & exceptis etiã ijs Monasterijs, ſeu locis, in quibus Abbates, Generales, aut Capita Ordinum ſedem ordinariam principalem habent, atque alijs Monasterijs, ſeu Domibus, in quibus Abbates, aut alij Regularium Superio-

riores, in iurisdictionem Episcopalem, & temporalem in Parochos, & Parochianos exercent, salvo tamen eorum Episcoporum iure, qui maiorem in prædicta loca, vel personas iurisdictionem exercent. Augustinus Barbosa *de offic. Parochi cap. 2. num. 152.* Vide, etiam Henriquez *lib. 7. de indulgent cap. 15. num. 11.* Circa quod Decretum Concilij S. Congregatio declaravit, quòd *In Monasterio, in quo Generalis alicuius Religionis Regularium sedem ordinariam principalem habeat, licet persona secularis, sint in eodem Monasterio curam animarum exercent, s. quantum ad ipsam curam, & Sacramentorum administrationem spectat, nulli visitationi, seu Iurisdictioni Episcopi Ordinarij Diocesis, in qua ipsum Monasterium situm est, subiecta sint.* Laurent. de Peirinis *ut supra num. 30.*

10 Præterea ex eodem Concilio Trident. *sess. 7. cap. 14.* sic habetur. *In exemptorum causis Constitutio Innocentij Quartis, quæ incipit, Volentes, in generali Concilio Lugdunensi edita, servetur; quam eadem Sacrosancta Synodus innouandam censuit, & innouat. Ad-*
dendo insuper, quòd in Ciuitatibus causis mercedum, & miserabilium personarum, Clerici seculares, aut Regulares extra Monasterium degentes quomodolibet exempti, etiam si certum Iudicem à Sede Apostolica delegatum in partibus habeant; in alijs verò, si ipsum Iudicem nò habuerint, coram locorum Ordinarijs, tamquam ad hoc ab ipsa Sede Apostolica delegatis cõueniri, & iure medio ad soluendum debitum cogi, & compelli possint, priuilegijs, exemptionibus, Conseruatorum deputationibus, & eorum inhibitionibus aduersus præmissa nequaquam valituris. Pro quo aduertendum est primò, non dici extra Monasterium degere Religiosum, qui causa Prædicationis, vel Confessionis, vel Eleemosynæ, vel alicuius rei, ad tempus, & non permanenter, extra Monasterium moratur. Laurent. de Peirinis *tom. 1. priuileg. Minim in Constit. 2. Sixti IV. §. 11. nu. 29.* Similiter, miserabiles personæ, de quibus in hoc capite Concilium loquitur, sunt, Viduæ, Pupilli, Orphani, Senes, Decrepiti, diuturno morbo fatigati, Puellæ pauperes nobiles, Peregrini, Aduenæ, Cæci, Mutulati membris, atque similes. Rodriguez *tom. 1. quæst. Regul. quæst. 65. art. 3.* Regulares autem intra Claustra degentes per hoc Decretum Concilij in nullo casu possunt conueniri coram Ordinarijs. Ratio est, nam licet caput *volentes* (in quo Statuitur quòd Ordinarius loci possit procedere contra exemptos ratione delicti, vel contractus extra loca exempta factorum, vel rei sitæ extra illa) innouatum sit in hoc Decreto: tamen Paulus V. in Bulla, quæ habetur *tom. 3. Bullar. num. 34.* inter Bullas huius Pontificis, approbat Decretum S. Congregationis, in quo ad instantiam Procuratoris Generalis nostri Ordinis ab eadem S. Congre-

gre-

gregatione declaratur : *Neque Constitutione in generali Concilio edita, qua incipit Volentes, neque Decreto Concilij Tridētinij sess. 14. cap. 7. comprehendi Regulares; ideoque eos, iuxta eorum priuilegia, coram suis Superioribus, vel Conseruatoribus esse conueniendos. Gauiantur in Manual. Episcoporum. verb. Iura Regular. sub Episcop. num. 55.* Cui etiam consonat declaratio alia S. Congregat. ann. 1573. in hæc verba. *Dubitatum fuit, an Regulares possint ciuilibiter coram Episcopo à creditoribus suis conueniri. Et fuit responsum, quòd possint conueniri, si non sint sub Regulari obseruantia; at si sint sub Regulari obseruantia, non possunt conueniri coram Episcopo, quia habent proprium Superiorem, & nihil habent cum eis commune Episcopi propter exemptionem.* Nauarrus *comm. 2. de Regular. n. 63.* Rodriguez *tom. 2. quæst. Regul. quæst. 2. art. 8.* Peirinis *tom. 1. Priuileg. Minim. in Constit. 2. Sixti IV. §. 11. num. 30.*

11 Item ex eodem etiam Concilio *sess. 5. cap. 1. Si Abbates negligentes fuerint* (scilicet in habendo lectionem S. Scripturæ in Monasterijs, vbi commodè fieri queat) *Episcopi locorum, in hoc, vt Sedis Apostolica delegati eos ad id opportunis remedijs compellant.* Quaranta in *Summ. Bull. verb. exemptio.* Sunt autem illa remedia opportuna Excommunicatio, vt habet Rodriguez *tom. 2. q. 130. art. 2.* Vide supra *cap. 9. num. 48.*

12 Præterea ex eodem Concil. *sess. 25. de reformat. cap. 18.* conceditur Episcopis, vt per Censuras possint procedere contra Regulares dantes, vel accipientes pro ingressu Nouitij aliquid per hæc verba. *Quin potius præcipit Sancta Synodus sub Anathematis pœna dantibus, & recipiētib. ne hoc vllō modo fiat; & vt abeuntibus ante professionem omnia restituantur, quæ sua erant, quòd vt rectè fiat, Episcopus etiam per Censuras Ecclesiasticas, si opus fuerit, compellat.* Rodriguez *tom. 2. quæst. Reg. quæst. 63. art. 11.* De subiectione Regularium ad Ordinarios, quando sunt extra Claustra Monasteriorum, dicemus *cap. 16. præsertim num. 17. & 26.* De subiectione Confessorum, & Cōcionatorum ad Episcopos dicemus *cap. 19 & 20.* Insuper de subiectione Monialium dicemus *cap. 25.* De subiectione quoque Religiosorum ad Episcopos, quoad dies festos celebrandos, & ad publicas processiones accedendum, diximus supra *cap. 9. num. 46. & 47.* Vbi etiam *num. 29.* de obligatione publicandi, & seruandi Censuras positas ab Episcopis.

13 Tenentur præterea Religiosi obedire Constitutionibus Synodalibus concernentibus actiones communes totius populi, & obseruantia Regulari non derogantibus, vt de ieiunijs seruandis, celebrandis aliquibus festis, & alijs huiusmodi; non quidem debito obedientia, cum Religiosi (loquor de exemptis) subditi non sint

sint Episcopis, sed debito, & iure naturali, quo sicut partes, & membra illius populi, tenentur se toti corpori conformare. Vaquez 1.2. *disput.* 167. *num.* 33. Sanchez *lib.* 4. in *Decalog.* *cap.* 15. *num.* 11. Qui bene, & propter eandem rationem, dicit teneri Regulares obseruare vota, & promissiones facta à populis, vel ciuitatibus, in quibus morantur. Constitutionibus autem Synodali-
bus, seu Episcopalibus, solum concernentibus reformationem Clericorum, non tenentur Regulares, cū nulla ratione illos comprehendant. Laurentius de Peirinis *tom.* 1. *privileg. Minim. in Constit.* 2. *Iulij* 11. *nu.* 67.

14 In prædictis autem casibus, in quibus Religiosi etiam exempti subduntur Episcopis à Concilio Tridentino, probabile est non posse compelli ad obediendum illis per Censuras Excommunicationis, Suspensionis, & c. nisi forte hoc illis concedatur ab ipso Concilio. Ratio est primò, quia quoties Concilium voluit dare hanc auctoritatem Episcopis procedendi per Censuras contra Religiosos exemptos, id explicuit, vt in *sess.* 25. *cap.* 16. contradantes, aut recipientes aliquid pro ingressu Nouitiorum, & c. 5. *eiusdem sessionis* pro restituenda, & conseruanda clausura Sanctimonialium, & *sess.* 22. in *Decreto de obseruandis, & vitandis in celebratione Missæ*. Ergo signum est in alijs locis, & casibus, in quibus non explicuit talem auctoritatem concedi Episcopis supra Religiosos exemptos, noluisse illam habere. Sanchez *lib.* 7. de *Matrimon.* *disput.* 33. *num.* 22. & *lib.* 6. in *Decalog.* *cap.* 1. *num.* 14. Secundò propter multa privilegia, quæ ad id habent Mendicantes, præsertim Carmelitæ, vt infra dicetur à Sixto IV. & Societas Iesu à Pau. III. ann. 1549. vt videre est in *Comp. privileg. nu.* 23. & 24. Specialiter locorum Ordinarios, seu Prælatos non possententias excommunicationis, suspensionis, aut interdicti in Religiosos promulgare, concessit Martinus Quintus Fratribus Minoribus, quod idem habetur sub nomine Eugenij Quarti. Referatur etiam de hoc Indultum Sixti Quarti eisdem Fratribus Minoribus concessum. Eiusdem tamen Sixti Quarti extat copiosissima Concessio Fratribus Carmelitanis. Quòd nullus Ordinarius, seu Legatus, quamcunque Superioritatem super prædictos Fratres sibi vendicare præsumat. Neque aliquis absque speciali commissione Sedis Apostolicæ faciente mentionem de verbo ad verbum de huiusmodi Indulto, valeat pronunciare, siue promulgare aliquas sententias Excommunicationis, seu alias Censuras super eisdem. Corduba *lib.* 3. *questionum quæst.* 43. Rodriguez *to.* 2. *questionum Reg. quæst.* 59. *art.* 5. Vide Bullam in *Specul. Ordinis fol.* 87.

15 Vnde non potest Episcopus declarare excommunicatum, Regularem transgressorem alicuius legis, propter quam imposita est excommunicatio, siue à iure, siue ab homine, nisi hoc sit illi specialiter concessum. Ratio sumitur ex exemptione Regularium, & priuilegijs adductis. Quod etiam extenditur ad casum, in quo Regularis publicè perpetrasset crimen, propter quod imposita esset talis excommunicatio. Nauarrus lib. 3. *cons. de sent. excommunic. consil. 2. num. 2.* Citatio etiam facta Regulari ab Episcopo, ut compareat, quando id non est illi concessum, est ipso iure nulla, cum sit à Iudice non competente; comparere tamen debet, & allegare priuilegium exemptionis, & sic declinare. Henríquez lib. 7. *de Indulgent. cap. 25.* Peirinis tom. 1. *de priuileg. Minim. in Constit. 2. Sixti IV. §. 10.*

16 Quamuis etiam Religiosi immunes, & exempti sint à secularium Iudicum iurisdictione, ita ut de ipsis, aut eorum bonis, dñe rebus, non liceat Iudicibus secularibus iudicare. *cap. diligenter de foro compet. c. atq. Clerici de Iudicijs, & c. 1. cum sequentib. 15. q. 1. & in Authent. statuimus de Episcop. & Cleric.* Nihilominus non sunt exempti à legibus ciuilibus, quæ non sunt contra libertatem Ecclesiasticam, sed ad bonam Reipublicæ administrationem sunt institutæ. Ratio est, quia Religiosi, sicut etiam aliæ personæ Ecclesiasticæ, sunt ciues, & membra Reipublicæ secularis, & subiaccēt capiti, scilicet Magistratui, vel Principi seculari, ergo tenentur legibus illius. Victoría *de potest. Ecclesiast. quest. 2. tit. vtrum Eccles. sint exemp. propos. 4.* Molina tom. 1. *de Iust. disp. 31. conclus. 6.* Illæ autem Leges Ciuiles dicuntur Ecclesiasticæ libertati contrariæ, quæ Ecclesiasticis tollunt ea, quæ Iure diuino, Canonico, aut Imperiali maiori illis sunt concessa, ut si trahantur ad secularem Iudicem, vel si Leges illæ tantum pro Religiosis essent latæ, ut si feratur lex ne Monialis, aut Religiosus succedat in hæreditatem Iure sibi debitam, &c. Sotus 1. *de Iust. q. 6. art. 7.* Subduntur autem Religiosi Legibus Ciuilibus solum quoad vim directiuam. Cum non possint cogi à seculari Iudice, sicut nec trahi ad ipsum. Rodríguez 1. tom. *questionum Regul. quest. 66. art. 2. conclus. vlt.* Vnde magis hæc obligatio videtur oriri ex Iure Naturali, quàm ex positivo. Vide dicenda *num. sequenti.*

17 Similiter, licet Religiosi non subdantur pœnis taxatis per Leges Ciuiles, eò quòd, si tales pœnæ sunt latæ sententiæ, non possunt ligare illos, cum latæ non sint à Iudice competenti, sed à Iudice seculari, si verò sint ferendæ, non ab ipso Iudice seculari, sed à Regulari imponendæ sunt: (Vásquez 1. 2. *quest. 96. artic. 1. disput. 167. fin.* Rodríguez 1. tom. *quest. Regul. quest. 66.*

K

art. 2.

art. 2. §. 8. regul.) subduntur tamen Legibus Ciuilibus irritantibus contractus, & testamenta, nisi tali solemnitate, & modo fiant. Eò quòd hæc irrationes non sunt pœnæ, sed dispositiones Legum ad consulendum communi bono Reipublicæ. Vasquez *1. 2. q. 96. art. 1. disput. 167. fin.* Sanchez *lib. 7. in Decalog. capit. 3. num. 20.* Deinde stare debent Religiosi Legibus taxantibus pretia rerum. Cum enim sint membra Reipublicæ, sicut alij ciues, stare debent eisdem communibus Legibus non contrarijs perfectioni statui. Ac proinde subiacent Legi Ciuili prohibenti venationem certo tempore, aut extrahere triticum, vel granum extra Regnum, vel Prouinciam tempore penuriæ; Legique præcipienti occisionem locustarum, & aliorum animalium, quæ demoliantur messes, & vineas, & alijs similibus. Rodriguez *tom. 1. quæstionum Regul. quæst. 6. artic. 14. & quæst. 66. artic. 2.* Nunquam tamen Religiosi transgressores Legum, seu Constitutionum Ciuilium deferendi sunt ad Iudices seculares, sed ad suos Prælatos, qui pro grauitate transgressionis; & scandali inde sequuti, illos punire debet. Aliiter enim procedendo, contra Decreta in Bulla Cœnæ Domini fieret. Rodriguez *to. 1. quæstionum Regul. quæst. 66. artic. 2. §. Nonna regula.*

18 Quamuis aliqui putent nomine Ordinariorum, à quorum Iurisdictione exèpti sunt Religiosi, intelligi etiam Legatos de Latere (Henriquez *lib. 7. cap. 25. num. 5.*) verius tamen est, Regulares non esse exemptos à Iurisdictione Legati à Latere; Nam esto, quòd aliqua Priuilegia Religionum Legatos etiam de Latere comprehédant, per litteras tamen Legationis, vt credo; derogantur. Harum litterarum tenori attendendum est. Laurent. de Peirinis *tom. 1. priuileg. Minim. circa Constitutionem secundam Sixti Quarti §. 7.*

19 Clerici non exempti delinquentes in Monasterio Regularium, secundum aliquos, non subiunguntur pœnis ab Episcopo impositis. Namper exemptionem loci Monasteria Regularium sunt quasi extra Diocesim existentia. Azor. *tom. 1. Institut. Moral. lib. 5. cap. 25. quæst. 4.* Laurent. de Peirinis *vt supra.* Sed tu vide Erasmus Coker *in tract. de Iurisdic. Ordin. in exemp. qu. 109. & 110.*

20 Non possunt cogi Religiosi ab Episcopis ad assistendum synodis Diocesanis, exceptis Regularibus, qui curam animarum in Ecclesijs tenent. Ratio primæ partis est, quia Concilium Trident. *sess. 24. cap. 2.* expresse excipit eos ab hoc onere, qui Capitulis Generalibus subduntur. Ratio secundæ, quia prædicti sub sunt correctioni, & visitationi Episcopi, vt constat ex eodum Conc.

Conc. Trid. *sess. 23. cap. 11.* ergo debent etiam cum illo assistere synodis, vt informant, & informantur de necessarijs circa regimen animarum. Azor. *tom. 2. Institut. Moral. lib. 3. capit. 47. quæst. 3.* Peirinis *tom. 1. priuileg. Minim. in Constitut. 2. Iulij II. §. 25. num. 64.*

21 Suspendio generaliter lata in Clericos, nisi ex verbis, aut alijs circumstantijs ad seculares tantum limitetur, comprehendit etiam Regulares, si lata sit ab habente potestatem super illos. Ratio est, quia etiam Regulares sunt verè Clerici, & Ecclesiastici. Suarez *tomo 5. in 3. parte disputat. 28. section. 2. numero 8. & 9.* Cornexo *tomo 2. in 3. parte tractat. 5. de suspens. disput. 3. dubio 1.* Insuper communitas Religiosorum, vt talis, bene potest suspendi, non autem excommunicari. Ratio est, quia excommunicatio est censura personalis, cum afficiat animam priuando illam interioribus bonis, suspensio verò non est talis, cum solum priuet ministerijs per se pertinentibus ad bonum commune. Suarez *vt supra sectione 3. numero 1.* Cornexo etiam, *vt supra.* Vide dicta *num. 14. & 15.* & dicenda in sequenti *num.*

22 Potest Episcopus coniugem inualidè professum, puta si sine consensu alterius coniugis professionem emisit, è Monasterio extrahere, & cogere ne detineatur. Ratio est, quia hoc non tam est agere contra priuilegiatos, quàm exercere proprium munus, quod est Matrimonij iura obseruari facere. Si tamen Religiosi illius Monasterij habeant priuilegium, quòd non possint ab Ordinarijs excommunicari, suspendi, &c. iuxta dicta supra *numero 14. & 15.* non potest Episcopus contra illos per Censuras procedere. Sanchez *libro 7. de Matrimon. disputat. 33. numero 21. & 23.* Erasmus Chokier *in tractat. de Iurisdictione. Ordin. in Exempt. parte 2. quæstione 45. numero 122.* Potest tamen contra illos alijs pœnis Canonicis agere, vt puta depositione, collocazione in arctius Monasterium, quod idem dicendum cenfeo de alijs casibus, in quibus Episcopus procedit contra Regulares, & non per Censuras, de quibus in hoc capite. Sanchez *vt supra.* Henrriquez *de Indulgent. libro 7. capit. 25. numero 7.*


23 Indulgentiæ, quas Episcopi concedunt profunt Religiosis exemptis. Quia cum exemptio sit inducta in fauorem Religiosorum non debet illis aliquod incommodum, aut læsionem asferre, quod secus esset, si Indulgentias Episcopales lucrari non possent. Nauarrus *tractat. de Indulgent. notab. 31. numero 12. versiculo addo 7.* Bellarminus *tractat. de Indulgent. lib. 1. cap. 11. quæst. 3. versic. quare cum.*

24. Regulares non possunt compelli ad testimonium ferendum in causis Civilibus, nisi quando veritas aliter haberi non potest. Ita enim habetur in *cap. cum super, & cap. dilectorum de test. cog.* Quo etiam casu possunt compelli à suis Superioribus Regularibus ad testificandum coram Iudice Laico, vel Ecclesiastico; interest enim multum Reipublicæ, ut veritas pateat. Rodriguez *tom. 2. quæst. 10. art. 2.* Laurentius de Peirinis *tom. 1. privileg. Minim. in Constitut. 2. Iulij Secundi numero 147.* Qui bene habent, quod in causa sanguinis non possunt Regulares compelli ad testimonium ferendum, etiam quando veritas aliter haberi non potest, quod intellige in causa sanguinis ad condemnandum, non pro liberatione. Regulares autem esse idoneos testes, tam in causis Civilibus, quam Criminalibus sui Monasterij probat Rodriguez *tomo 2. quæstione 11. articulo 1.* Peregrinus *prima parte Compend. privileg. sui Ordinis tit. testimonium.*

25. Possunt emptores gabellarum exigere à Regularibus Iuramentum, quod res, v. g. triticum, vinum, &c. quæ per Duam transiunt nomine dictorum Regularium, sint ipsorum, & ad ipsorum usus deputatæ; & tenentur dicti Regulares ad mentem dictorum exigentium Iuramentum iurare, non utendo aliqua æquiuocatione. Ratio est, quia licet absolutè non possint Iudices, maxime seculares, compellere ad iurandum Regulares, supposito tamen quod velint isti res illas, quas dicunt esse ad usum proprium, sine solutione gabellæ relaxari, æquitas Iustitiæ postulat, ut possint ad iurandum compelli. Silvester *verb. Iuramentum 3. quæst. 2. & verb. mendacium quæstion. 6.* Sanchez *lib. 3. in Decalog. cap. 6. num. 35.* Pro hoc autem puncto, & præcedenti, vide Bonacinam *de Præceptis Decalogi disp. 4. punct. 9. §. 1. per totum*, ubi tractat, qualiter interdicitur Sacerdotibus, & Prælati iurare in Iudicio, & in quibus casibus. Pro dictis etiam in toto hoc capite vide Gauantum in *Manuali Episcoporum. verb. Regularium Iura sub Episcopis per totum.*

De Religiosis quoad Obligationem recitandi
Diuinum Officium.

C A P. X I I.

FFICIUM Diuinum dicitur series horarum
Canonicarum ab Ecclesiasticis ex præscripto
Ecclesiæ certis temporibus recitandum, ex an-
tiquissima Apostolorum, & Patrum traditione,
ipsiusque Ecclesiæ sanctæ Institutione. Thomas
Vualdenſis de Sacramentalib. tom. 3. tit. de Horis
Canonic. à cap. 20.

2. Ad illud soluendum tenentur omnes Religiosi in Sacris Ordini-
bus constituti. Ex cap. presbyt. de celebrat. Miss. & ex cap. do-
lentes etiam de celebrat. Miss. Et ex antiquissima consuetudine. D.
Thomas quodlib. 6. art. 8. Sotus lib. 10. de Iust. q. 5. art. 3.

3 Tenentur etiam ad Officium Diuinum Religiosi professi Cho-
ro destinati, etiam si in sacris Ordinibus constituti non sint. Ra-
tio est, quia licet ad id non obligentur ratione professionis, cum
tantum Vota Religionis fuerint professi, non autem recitare
Officium Diuinum; neque etiam ex præcepto aliquo Ecclesiæ,
cum non extet textus de tali præcepto; nihilominus antiqua, &
laudabilis Religionum consuetudo ad id illos obligauit. Ioann.
Medina C. de orat. q. 7. Caietan. in Summ. verb. hora §. 1. Vnde si in
aliqua Religione talis consuetudo non sit, qualis dicitur esse in
Societate Iesu, non erit talis obligatio. Grassi 1. par. Decision.
lib. 3. cap. 5. num. 89. Prædicti verò Choro destinati, si ad Conuer-
sos fuerint deiectioni, non amplius tenebuntur ad Diuinum Officium.
Quia cessat fundamētum talis obligationis. Laurentius de Peiri-
nis. tomo 1. de Subdito quest. 1. de Obedien. cap. 24. §. 3.

4 Professi autem; qui non sunt choro destinati, v. g. Laici, seu
Conuersi Religionum, non tenentur ad Officium Diuinum. Cum
nec ex vi professionis Religiosæ, nec ex præcepto aliquo Eccle-
siasticæ, aut consuetudine ad id obligentur. Rodriguez in Summ.
cap. 140. Addens, quod etiam si casu dato, aliquis ex istis Ordine
sacrum sine licentia sui Superioris susciperet, non tenebatur
dicere Officium Diuinum, sed laborare tantum domesticis operi-
bus Religionis. Tenentur tamen Conuersi, seu Laici Religio-
num ad dicendas certas orationes *Pater noster*, & *Aue Maria*,
iuxta Institutum Regulæ, vel Constitutionum, licet hæc obliga-
tio Regulariter saltem non sit sub mortali. Sotus 10. de Iustit.
quest. 5.

quæst. 5. art. 3. Dixi Regulariter, quia Conuersi Ordinis Minorum tenentur sub mortali ad prædicta, ratione suæ Regulæ. Petrus Marchant in *expos. Reg. S. Francisc. cap. 3. text. 2. tit. 2. q. 1.*

5 Nouitij autem Religionum (intellige nisi aliàs sint in Sacris constituti) non tenentur ad Officiũ Diuinum, seu Horas Canonicas. Ratio est, tum quia reuera non sunt Religiosi, nec in onerosis sub hac voce comprehenduntur, tum quia nulla est lex, vel consuetudo ad id illos obligans. Suarez 2. *tomo de Relig. lib. 4. de boris cap. 17.*

6 Religiosi verò, qui ad Officiũ Diuinum tenentur, etiam si sint excommunicati, Suspensi, Interdicti, Depositi, aut Degradati ad idem Officiũ manent obligati. Ratio est, quia tales priuantur honoribus, non oneribus, recitatio verò Officij onus est, non honor. Nauarrus in *Summ. cap. 7. num. 17.* Cornexo 2. *tomo in 3. par. tract. 5. de Excomm. disput. 10. dub. 1.* Addens cum alijs, excommunicatum recitantem Officiũ non posse dicere, *Dominus vobiscum*, quia hoc verbum denotat ipsum dicere Officiũ non vt priuatã personam. Vnde nec cum socio potest dicere Officiũ, quia hoc est cum alio in Diuinis communicare, quod est prohibitum illi. Cornexo *vt supra* post alios.

7 Religiosi expulsi, si sint in Sacris constituti, tenentur ad Officiũ recitandum ratione Ordinis Sacri, & præcepti Ecclesiastici adducti supra *num. 2.* Si verò non sint in Sacris constituti, etiam si aliàs essent Choro destinati, non tenentur ad illud. Ratio est, quia quòd Professi non Ordinati teneantur ad Diuinum Officiũ solum est ex consuetudine, non est tamen talis consuetudo circa eiectos, præsertim, cum iam non sint amplius astricti Choro, aut Religioni. Sotus 7. *de Iustit. quæst. 2. artic. 1.* Suarez 4. *to. de Relig. tract. 8. lib. 3. cap. 6. num. 12.* Idem dico de Religiosis ad triremes damnatis, (licet Doctores aliqui omnino illos excusent ab onere dicendi Horas Canonicas) illi enim si in Sacris sunt constituti ad Officiũ tenentur, si illud commodè dicere possunt, sin verò non sint in Sacris, non tenentur. Propter rationem traditam. Bonacina *de boris Canonicis disput. 1. quæstione 2. punct. 2. numero 3.* De transeuntibus ad aliam Religionem, vide dicenda *cap. 22. nu. 19.* Monachus etiam habens facultatem viuendi perpetuò extra Monasterium, vel vxorem ducendi, si in Sacris Ordinibus constitutus non sit, immunis est ab onere dicendi Diuinum Officiũ. Quia, etsi talis verè Religiosus sit, Regularis tamen non est, vnde non obligatur cõsuetudine Religionis. Sanchez *de Matrim. lib. 8. disput. 8. num. 11.* Bonacina *vt supra nu. 4.* Qui benefecus dicit dicendum, cum Religiosus viuat extra

Con-

Conuentum solum per aliquod tempus.

8 Tenentur etiam ad Officium Moniales, non quidem ex aliquo præcepto Ecclesiastico, cum tale non extet, sed ex consuetudine, vt docet communis sententia. Nauarrus *de Orat. cap. 7. num. 2. & 5. argum. cap. 1. de Celebrat. Miss. & cap. final. 29. Azor. 1. p. lib. 10. cap. 6. quæsit. 1.*

9 Tenentur præterea omnes Ecclesiæ Regulares psallere quotidie in Choro Horas Canonicas. Ita habetur *Clem. 1. de Regularib.* Licet autem hoc præceptum obliget vnamquamque Religionem magis, vel minus iuxta modum sui Instituti, probabilissimum tamen est obligationem hanc esse sub mortali. Quia ita est communiter receptum. Suarez *2. tomo de Relig. lib. 4. de Horis canon. cap. 10.* Cadit autem hæc obligatio præsertim in Prælatos Conuentuum, Monasteriorum, seu Ecclesiarum Regularium, vt curent, quòd eius subditi satisfaciant huic muneri. Quia quoties obligatio aliqua cadit in corpus aliquod mysticum, talis corporis capiti, seu Prælato incumbit curare, vt adimpleatur. Suarez *2. tomo de Relig. lib. 4. de Hor. Canon. cap. 10. & 4. tomo tractat. 8. lib. 1. cap. 11. num. 3.*

10 Quamuis omittens aliquam ex Horis Canonicis, aut partem notabilem Officij Diuini peccet mortaliter, vt tradunt communiter Doctores, eò quòd transgrediatur præceptum in re graui; omittens tamen vno die septem Horas Canonicas, aut sex, non peccat totidem peccata mortalia, sed vnum tantum. Eò quòd tantum transgrediatur vnum præceptum, seu vnam obligationem, scilicet integrè dicendi Officium Diuinum. Nauarrus *de Orat. cap. 7. num. 6.* Qui autem Officium, vel partem notabilem Officij vnus diei non recitauit, non tenetur illud altera die recitare. Quia Officium est onus diei, & ita transit cum die, sicut ieiunium, &c. Siluester *verb. Hora §. 17.*

11 Attentio, seu deuotio est necessaria recitantibus Horas Canonicas, seu Officium Diuinum. Ex Innoc. Tertio *in cap. Dolentes de Celebrat. Miss.* per hæc verba: *Districte precipimus in virtute Sanctæ Obedientiæ, vt Diuinum Officium, nocturnum pariter, ac diurnum, quantum eis Deus dederit, studiosè celebrent, pariter, & deuotè.* Sotus *10. de Iust. quæst. 5. art. 5. conc. 6.* Imò hoc præceptum attentionis, seu deuotionis est obligans sub peccato mortali, nisi ex leuitate materiz, quando scilicet est defectus attentionis ad pauca verba, vel paucos versus, solum sit veniale. Suarez *tomo 2. de Relig. lib. 4. de Horis Canon. cap. 26.* Sufficiens autem adimpletur hoc præceptum attentionis ad Officium Diuinum ab eo, qui in initio Horæ Canonicæ proponit, & desin-

derat ad illam attendere, talemque voluntatem, & intentionem in progressu Orationis, ex proposito, & consultò non interrumpit. Quia ita interpretauit hoc præceptum maior pars virorum timoratz conscientiaz. S. Thomas 2. 2. *quæst.* 33. *art.* 13. Sotus 10. *de Iustit. quæst.* 5. *artic.* 5. Tunc autem censetur quis retractare hanc voluntatem, quando aduertens se non attendere ad Orationem, sed ad alia, non curat de hoc. Id enim est implicitè retractare voluntatem, quam primò habuit. Suarez *tomo* 2. *de Relig. lib.* 4. *de Horis cap.* 26. Addens bene ex Caiet. in *Summ.* Oportere, quòd aduertat se diuertere ab Oratione. Quod est præ oculis habendum scrupulosus.

12 Dicere Horas Canonicas cum aliqua mutatione: aut corruptione, vel deglutiendo, aut sincopando verba, syllabas, aut versus, non solum est peccaminosum contrà *c. Dolentes de celebr. Miss.* sed etiam erit peccatum mortale, quando ex tali modo dicendi Officium sequitur non dici integrè quoad partem notabilem. Quia hoc est idem, ac omittere partem notabilem Officij, quod est peccatum mortale. Nauarr. *cap.* 10. *de Orat. nu.* 9. Suarez *tomo* 2. *de Relig. lib.* 4. *de Hor. Can. cap.* 13.

13 Pro scrupulosis verò, qui non ex malitia, sed ob aliam causam committunt aliquos defectus in pronunciando, seu proferendo Officium Diuinum, refertur Concessio Leonis Decimi Fratribus Minoribus, quòd scilicet, dicendo Horas Canonicas, & alia Officia Diuina in Choro, vel extra, satisfaciant præcepto Capituli *Dolentes de Celebratione Miss.* de dicendo studiosè pariter, & deuotè, ac etiam Regulæ suæ, etiam si propter aliquam fatigationem, vel aliam causam dicant sedendo, aut deambulando, vel non integrè verba proferendo, prout scripta sunt, propter negligentiam, aut impericiam, aut malam pronuntiationem naturalem, propter defectum linguæ; seu aliàs qualitercumque imperfectè dicant, aut cum animi distractione, ac sensuum vagatione, dum tamen non ex malitia hæc faciant. Et similiter concessit, quòd, qui cum talibus malè pronuntiantibus, vel alios supradictos defectus facientibus, dicunt Officium Diuinum, non teneantur reiterare ab alijs imperfectè dicta, aut ab eis, non integrè audita, propter distantiam localem, vel strepitum, vel aliam causam, sed satisfaciant præcepto Ecclesiæ, aut Regulæ suæ, qualitercumque audiendo, quæ alij debent dicere, præsertim in Choro. Compend. priuileg. Mendic. *verb. Offic. Diuin. num.* 8. Rodriguez *tomo* 1. *quæstionum Regul. quæst.* 42. *articul.* 2. Hæc verò concessio (præterquam, vt dixi, solum pro scrupulosis, & timoratis intelligitur, non pro illis, qui ex malitia, id est voluntariè, malè,

& in-

& indeuotè recitant, ipsos enim non iuuat, vt ex intento, & verbis ipsius colligitur. (Miranda in *Manu. Pralat. tomo 1. quæst. 37. artic. 12.*) Vtteriùs his temporibus nullius momenti est, quia videtur esse viuz vocis oraculum, vt colligitur ex prædicto Compend. vbi annotatur o. paruo, quod est signum oraculi viuz vocis. Omnia etenim viuz vocis oracula, vt diximus supra *cap. 3. nu. 2*. sunt iam reuocata. Vnde quatenus concedit. aliquid supra ius commune nihil valet. Quid vero secundum ius commune sentiendum sit, ex dictis, & dicendis constabit.

14 Recitare Officium Diuinum, vel partem eius notabilem, exercendo aliquam actionem impeditiuam attentionis debite, est peccatum mortale, vt si quis dum recitat, studeat, pingat, scribat, &c. Ratio est, quia hoc est idem, ac voluntariè non habere debitam attentionem. Si autem talis actio non impedit simpliciter attentionem debitam, vt est vestiri, deambulare, &c. tunc solum erit peccatum veniale. Quia est aliqua irreuerentia ita loqui cum Deo, & quia impeditur perfecta attentio. Suarez 2. *tomo de Relig. lib. 4. de Hor. Canon. cap. 26. num. 21*. Aliquando autem, nec erit hoc peccatum veniale, quando scilicet est necessitas ita, faciendi, & sunt prædictæ actiones cum magna attentione ad Officium Diuinum. Rodriguez *tomo 1. quæstionum Regul. quæst. 42. art. 2*. Hinc recitans Officium Diuinum potest simul satisfacere præcepto audiendi Missam, saltem secundum aliquos. Eò quòd ista duo ordinantur ad eundem finem, scilicet ad vacandum Deo. Tolet. *lib. 2. Summa cap. 13*. Similiter, qui peragit ea, quæ conducunt ad celebrationem Officij, vt sunt pulsare organa, thurificare altare, ponere, aut tollere libros pro cantu, &c. Propter eandem rationem. Rodriguez in *Summa cap. 142. num. 2*. Intellege tamen, dum modò hæc facientes etiam recitent Officium, quàm attentè potuerint.

15 Omnes Horæ Canonice, siue quæ publicè, siue quæ priuatè recitantur, dici debent debitis, & statutis temporibus, scilicet, à solis occasu vsque ad ortum, Matutinum; Prima post ortum, solis; Tertia, Sexta, & Nona ante prandium, seu Meridiem; Vesperæ post Meridiem (seclusa quadragesima, in qua ante prandium dici debent) & Completorium prope noctem. Ita colligitur ex *Clem. 1. de celebrat. Miss. & ex cap. 1. decretal. eodem tit.* adiuncta consuetudine Ecclesiæ. Sotus *lib. 10. de Iustit. & iure quæst. 5. artic. 3*. Nauarr. de *Orat. & Hor. Canonice. cap. 3. num. 45*. Vnde Horas publicas, quæ in Choro dicuntur, sine magna causa non dicere temporibus statutis, credo esse graue peccatum, propter Ecclesiæ consuetudinem. Secus quando priuatim dicuntur, si enim

si enim nulla causa subest, erit tantum veniale, causa tamen aliqua subsistente, nullum peccatum. Quia ita etiam consuetudine apud timoratos habetur. Sotus 10. *de Iustit. quest. 5. articulo 3.* Nauarr. *de Orat. & Hor. Canon. cap. 3. numero 73.* Potest etiam dici Matutinum sequentis diei non solum post occasum solis, sed etiam ante illum, dictis Vesperis, & Completorio, quinque horis post meridiem, siue in hyeme, siue in æstate: Quia ita etiam consuetudine receptum est apud multos, etiam Romæ. Suarez 2. *tomo de Relig. lib. 4. cap. 27.* Pro quo etiam referuntur aliquæ concessionis factæ Regularibus, quibus si certæ sint, & non sint viuæ vocis oracula, quæ iam sunt annullata, vt dixi num 13. tollitur omnis scrupulus. Rodriguez *tomo 1. questionum Regul. q. 42. articulo. 18.*

16 Possunt extra Chorum separatim dici Matutinum, & Laudes. Cum de hoc nulla sit prohibitio Iure communi. Nauarrus *cap. 23. numer. 64.* Quando autem separantur dicenda est Oratio Festi, Pater noster, & Ave Maria in fine Matutini. Eò quòd tunc fit Matutinum diuersa Hora à Laudibus, & ita debet finire sicut aliæ Horæ Canonice Nauarrus, & alij. Causa etiam rationabili subsistente possunt per aliquod tempus separari Nocturni Matutinales. Propterea quòd antiquitus ita fiebat, & de hoc nulla est prohibitio. Suarez 2. *tomo de Relig. lib. 4. de Hor. Canon. cap. 6. num. 10.* Alias autem Horas Canonicas interrompere notabiliter, sine rationabili causa non licet. Eò quòd vniuersitas vnus cuiusque Horæ Canonice spectat ad ritum recitandi illam, ab ecclesia præscriptum. Hæc verò culpa quandoque erit venialis, quandoque mortalis, quod petendum est, tum ex temporis interruptione, tum ex causa, & sine illius. Suarez 2. *tomo de Relig. lib. 4. de Hor. Canon. cap. 24. à num. 9.* Qui autem interrupt Officium, causa aliqua rationabili subsistente, non est necesse repetat recitata, aut quòd incipiat à principio Horæ Canonice. Aragon. 2. *quest. 83. articulo. 12.* Rodriguez *in Summa cap. 141. num. 3.*

17 Inuertere e ordinem dicendarum Horarum, vt si dicatur Prima ante Matutinum, vel Vesperæ ante Nonam, quando fit propter rationabilem causam nullum est peccatum: sine illa tamen, vel propter incuriam, aut negligentiam solum erit veniale. Quia ita fere communiter interpretatur hoc præceptum Ecclesiæ. Sotus 10. *de Iustit. & Iure quest. 5. artic. 3.* Nauarrus *de Orat. & Hor. Canon. cap. 3. numer. 65.* Grauius autem peccatum, etsi veniale, videtur, dicere Matutinum sequentis diei ante persolutum Officium diei præsentis, iusta aliqua causa non intervenien-

ueniente. Suarez 2. tomo de Relig. lib. 4. cap. 24. num. 3.

18 Quilibet Religiosus tenetur dicere Horas Canonicas iuxta Breuiarium pro suo Ordine approbatum. Ita sumitur ex cap. de ijs, & cap. placuit dist. 12. Caietanus verb. Hora §. 2. Hæc obligatio est sub mortali. Propter pœnas graues, quæ in dictis Iuribus ponuntur. Sotus 10. de Iustit. & Iure quæst. 5. articul. 4. Vnde Religiosus Carmelita, aut alius, proprium Breuiarium habens, non potest vti Breuiario Romano. Ratio sumitur ex Pio V. qui in Bulla quadam Quod a nobis Ann. 1568. edita, præcipiens ab omnibus recitandum esse Officium Diuinum per Breuiarium Romanum ab ipso approbatum, & correctum, eximit ab hac obligatione eos, qui vel ex institutione, vel ex consuetudine excedente ducentos annos alijs Breuiarijs vti fuerint. Suarez 2. tomo de Relig. lib. 4. de Hor. Canon. cap. 23. nu. 9. Neque obstat quòd ibidem Pontifex dicat Eisdem, si fortè hoc nostrum (intellige Breuiarium quod modò promulgatum est, magis placet, dummodò Episcopus, & vniuersum Capitulum in eo consentiant, vt id in Choro dicere, & psallere possint permittimus. Ex quo inferunt aliqui auctores posse Religiosum, qui non tenetur vti Breuiario Romano, vti illo extra Chorum, etiam sine consensu Superioris, & Capituli, propter istam concessionem Pij V. Nauarrus lib. 3. Consil. tit. de Celebrat. Miss. consil. 15. Rodriguez tomo 1. quæstionum Regul. quæst. 42. articul. 13. In hoc tamen attendenda sunt consuetudo, & particularia iura Religionum speciali Breuiario vtentium. Lege pro Carmelitis Bullam Gregor. XIII. in principio Breuiarij ipsorum positam.

19 De Religiosis autè assumptis ad dignitates extra Ordinem, putà Cardinalatū, Episcopatum, Abbatiam, Parochiam, &c. an teneantur dicere Officium Diuinum iuxta ritum suæ Religionis, an verò Ecclesiarum, quibus præficiuntur, dicimus cap. 17. num. 11.

20 Mutare qualitatem Officij, vel Ordinem Breuiarij, recitando scilicet de Sancto, eo die, quo debet celebrari de feria, aliqui volunt non esse peccatum mortale, saltem si per duas, aut tres vices hoc fiat. Rodriguez tomo 1. quæst. 42. art. 8. Miranda tomo 1. quæst. 37. art. 13. Verius tamen est talem immutationem facere, esse peccatum mortale in suo genere, nisi magna aliqua necessitas vrgeat id faciendi, quia sic faciens contrariatur intentioni Ecclesiæ, quæ non vult aliter recitare Officium Diuinum, nisi iuxta Ordinem in Breuiarijs approbatis dispositum. Suarez tomo 2. de Relig. lib. 4. de Hor. Canon. cap. 23. à num. 11. Toletus in Summa lib. 2. cap. 13. Idem dico de mutatione ritus in Officio dicendo, vt si celebretur duplici ritu Festum, quod non est nisi semidu-

miduplex, aut simplex. Pontifices enim, qui præcipiunt uti aliquo Breuiario non solum præcipiunt substantiam Festorum, sed etiam modum, & formam, quibus celebranda sunt. Gauantus in *Comm. in Rubric. Missalis*. Augustin. Barbosa de *Offic. & Potest. Parochi cap. 10. num. 13.*

21 Religiosi vtentes Breuiario Romano non tenentur dicere extra Chorum Officium paruum B. Virginis, bene tamen in Choro in illis Ecclesijs, in quibus erat consuetudo illud dicendi. Ita Pius V. in Bulla adducta supra num. 18. Vbi etiam illud recitantes Indulgentias concedit. Rodriguez 1. *tomo questionum Regul. quest. 42. artic. 14.* Extendit hoc de obligatione recitandi prædictum Officium ad Dominicas, & Festa semiduplex. si ad sit talis consuetudo, Gauantus in *Comm. in Rubr. Breu. tom. 2. sect. 9. cap. 1.* Vbi, & alia ad hoc. Religiosi autem non vtentes Breuiario Romano, (quales sunt nostri Carmelitæ,) tenentur ad id Officium B. Virginis, tam in Choro, quam extra, si in eorum Religionibus sit præceptum, aut consuetudo illud dicendi. Suarez 2. *tomo de Relig. lib. 4. de Hor. Canon. cap. 13. & 25.* Thomas de Iesu in *Expos. Regul. Carm. 3. par. cap. 7. dub. 4. §. 1.*

22 Ad Psalmos etiam Pœnitentiales, Graduales, & Officium Defunctorum, quæ dicuntur aliquot diebus Aduentus, & Quadagesimæ, non tenentur Religiosi vtentes Breuiario Romano. Quia ab hac obligatione illos exemit Pius V. in Bulla supra adducta, tam in Choro, quam extra, Indulgentias nihilominus recitantibus illa concedens. Aragon. 2. 2. *quest. 3. art. 12. pag. 856.* Rodriguez 1. *tomo questionum Regul. quest. 42. art. 14.* Religiosi autem non vtentes Breuiario Romano, sed alio particulari, prout sunt Carmelitæ, tenentur ad supradicta recitanda, si ad sit præceptum, vel consuetudo in Religionibus ipsorum illa dicendi. Suarez 2. *tomo de Relig. lib. 4. de Hor. Canon. cap. 13. & 25.*

23 Tenentur etiam Religiosi tam vtentes, quam non vtentes Breuiario Romano ad dicendum Anniuersarium Defunctorum die 2. Nouembris, scilicet Vesperas cum Matutinis, & Laudibus. Quia hoc Anniuersarium est pars Officij, eo die præscripti, ita ut beneficiatus, qui illud non recitaret, teneretur ad restitutionem fructus ad ratam. Suarez de *Hor. Canon. lib. 4. c. 25. num. 8. & 9.* Gauantus in *Comment. in Rubric. Breuiarij sect. 7. cap. 13.* Vbi etiam, Matutinum Defunctorum in prædicto die, recitandum esse manè, & non pridie. Barbosa de *Offic. Parochi cap. 10. num. 29.* Tenentur etiam ad Litanias cum Precibus in die S. Marci, & tribus diebus ante Ascensionem Domini, si non assistant Processionibus. Ratio est, quia ita præcipitur generaliter in

Bre-

Breuiarijs, & iste est vsus Ecclesiæ. Suarez 2. *tomo de Relig. lib. 4. de Hor. Can. cap. 25.* Bonacina *de Horis Canonic. disp. 1. quæst. 3. punct. 1. num. 13.*

24 Ad dicendum Ternaria Defunctorum, quæ ter in anno in Religionibus dici solent, videntur solum obligari Religiosos ex Ceremoniali, Constitutionibus, aut Consuetudine, & ita ex illis pensanda erit quanta sit hæc obligatio.

25 Excusantur à Diuino Officio persoluendo, primò infirmi, quos notabiliter offendit, vel aggrauat recitatio. Palud. in 4. *dist. 15. art. 2.* Nauarr. *cap. 25. num. 110.* Deinde vrgenter occupati circa negotium publicum, quod notabiliter impediretur Officij recitatione, ita vt non posset fieri conuenienter si diceretur Officium Diuinum, v. g. Prædicatio, &c. Siluester *ver. Hora §. 18.* Et idem dico de vrgenter occupatis circa negotium, etiam priuatum, magni ponderis; vel etiam multum occupatis circa curam infirmorum. Quia in his omnibus casibus, vel similibus non est credendum obligare Ecclesiam ad Officium Diuinum cum tanto dispendio boni communis, vel particularis, proprii, vel alieni, si vtrique obligationi satisfieri non potest. Toletus *lib. 2. Summa cap. 14.* Carentia autem Breuiarij excusat Religiosum ab Officio Diuino, quando sine sui culpa, fuit illi perditum, vel ablatum, v. g. in itinere, mari, &c. Quia tunc moraliter est illi impossibile recitare. Quando autem voluntariè, vel per negligentiam culpabilem amisit Breuiarium, non excusatur. Quia tunc non recitatio erit illi voluntaria in sua causa. Suarez 2. *tomo de Relig. lib. 4. de Hor. Can. cap. 27.*

26 Quotiescunque autem Religiosus excusatur ab Officio Diuino recitando, excusatur etiam ab audiendo illud ab alio, qui illud recitet. Ratio est, quia præceptum impositum Ecclesiasticis non est de audiendo, sed de recitando Officio vocaliter, seu de illo pronunciando. Paludan. in 4. *dist. 15. quæst. 5. artic. 5.* Rodriguez *tomo 1. quæstionum Regul. quæst. 42. artic. 10.* Possunt tamen Religiosi etiam excusati à recitando Officio obligari ad illud audiendum, vt præcipitur in Constitutionibus Carmelit. *p. 1. cap. 20. §. 1.* Hæc tamen obligatio solum erit quanta fuerit Constitutionum Religionis.

27 Qui propter aliquam causam, infirmitatem scilicet, magnam occupationem, &c. excusantur à dicendo toto Officio Diuino, non tamen excusantur à dicendis illa, vel illis Horis Canonicis, quas commodè dicere possunt. Sicut qui debet centum, & non potest soluere nisi decem, tenetur decem soluere, & sicut, qui non potest ieiunare totam quadragesimam tenetur ieiunare illis

illis diebus, quibus potest. Suarez 1. *tomo de Relig. lib. 4. de Hor. Canon. cap. 27.* Qui tamen ab Officio Diuino sunt excusati, nullo iure tenentur ad dicendum aliquas Orationes, aut faciendum aliquod pium opus loco illius.

28 Cum Religiosis infirmis poterant Prælati Regulares in recitando Officio Diuino dispensare. Primò ex priuilegio concessò à Leone Decimo, scilicet, quòd, siue propter febrem, aut dolorem intensum, vel aliam infirmitatem Fratres fuerint grauati, satisfaciant dicendo pro Horis Canonicis preces, hymnos, Pater noster, Ave Maria, vel alia iudicio Prælati, seu Præsidentis loci, aut Conuentus assignanda, & hoc quando Medicus corporalis (si commòdi haberi potest) dixerit, infirmo esse sua salutis nosium recitare. Sed quia hæc concessio fuit facta viuz vocis oraculo, vt refert Compend. priuileg. Mendicant. verb. Offic. Diuin. 1. num. 10, ideo his temporibus vacat. Poterant etiam secundò id facere, ex ampliori priuilegio Eugenij Quarti Monachis Benedictinis Hispaniarum, vt scilicet, quilibet pro tempore Abbas, Prior, siue Prælatus quorumlibet Monasteriorum præfatorum, liberè possint dispensare cum omnibus, & singulis præsentibus, & futuris Monachis quorumcunque Monasteriorum huiusmodi, qui sine tadio non possunt dicere Horas Canonicas, quòd tempore infirmitatis, vel postquam conualuerint, loco horarum, ac Officiorum, ad quæ aliàs tenebantur, dicant aliquid certum ad arbitrium ipsorum Superiorum; & non teneantur ad illud Officium Canonicum. Ac cum Prælati ipsis simili modo quilibet Presbyter Monachus per quemvis eorum eligendus, etiam dispensare possit. Sed etiam hæc Concessio fuit viuz vocis oraculum, vt refertur in ipso Compend. priuileg. Mendic. verb. infirmi Fratres nu. 8, & sic nihil valet. Idem dico de alia concessione Martini V. facta Hieronymianis, propter eandem rationem. Nihilominus quartò pro infirmis, vel circa infirmorum curationem occupatis, ita vt non supersit eis congruum tempus ad Diuini Officij recitationem, concessit Pau. III. Congregationi Clericorum Regularium S. Pauli Decollati, Vt infirmitate, aut circa infirmos occupatione huiusmodi durante, certum Psalmorum, per ipsum Superiorem eis assignandorum numerum, non minus septem, aut sex cum diuisione, & orationem Dominicam septies, ac symbolum Apostolorum bis; grauius autem agrotantibus, Orationem Dominicam semel, salutationem Angelicam septies in die recitando, septem Horis Canonicis, & toti Diuino Officio satisfecisse censeantur. *tomo 1. Bullarij pag. 618.* Quo priuilegio vti possunt Regulares, qui habuerint communicationem priuilegiorum cum prædictis Patribus.

Sine

Sine hoc tamen, aut alijs priuilegijs, infirmi, quos notabiliter offendit, vel aggrauat recitatio, excusantur ab illa, vt diximus supra *num. 25.* Illi autem, quos non ita notabiliter, offendit, & aggrauat, si rationabilis causa dispensandi subsit, possunt, stando in iure communi, & secluso priuilegio, dispensari à sui Prælatis, sicut & Clerici possunt dispensari ab Episcopis, cum Prælati Regulares habeant authoritatem quasi Episcopalem. Episcopi autem dispensant cum suis subditis in præceptis Ecclesiasticis, nisi quâdo specialiter ex lege, vel consuetudine talis dispensatio referuatur Papæ. Vide dicenda *cap. 18. num. 55. Rodriguez tomo 1. quæst. 42. artic. 5. Sorbus in addit. ad Compend. priuileg. Mendicant. verb. Offic. Diuin. 3.*

29 Quando, verò res est dubia, an ægritudo Monachi excuset illum ad Officio recitando, consulendus est Medicus, & illius iudicio standum. Nauarr. in *Man. cap. 25. num. 100. et de Orat. cap. 11. num. 3.* Si verò Medicus manet dubius, tunc requiritur, & sufficit iudicium Prælati. Azor. *lib. 10. capit. 13. Graffis lib. 2. cap. 53. num. 2.* Fugendi tamen sunt Medici parùm timorati, & qui magna facilitate huiusmodi dispensationes solent concedere. Rodriguez *tomo 1. quæstionum Reg. quæst. 42. artic. 7. Miranda tomo 1. quæst. 37. art. 16.*

30 Pro occupatis autem extat primò priuilegiû Leonis Decimi concessum Fratris Minoribus, & per consequens gaudentibus ipsorum priuilegijs, vt scilicet, possint Officia Feriarum, quæ sunt prolixiora, anticipare, diebus quibus sunt otiosi, & Officia Festiua, quæ sunt breuiora, reseruare in illos dies, quibus credunt se fore occupatos Concionibus, & Confessionibus; modò id non faciant in fraudem, sed ad melius studendum, prædicandum, & Confessiones audiendum. Nauarr. *de Orat. cap. 19. n. 88. Rodrig. tomo 1. quæst. 42. artic. 5.* Nullus tamen eorum dicit, an hoc priuilegium sit viuæ vocis oraculum, an non, si autem tale fuerit nihil valet iam, propter sæpius dicta de reuocatione istorum oraculorum à SS. D. N. Urbano. Secundò extat, hoc priuilegium Iulij II. Canonicis Regularibus sancti Saluatoris. Volumus, quòd, qui ex præfatis Canonicis, adeò Monasteriorum suorum Officijs occupati, vt in Choro interesse, & Officium Diuinum, vix sine labore, & tædio dicere, ac ipsa eis ratione officiorum huiusmodi incumbètia Charitatis opera implere nequeant, & qui ad Diuinum Officium huiusmodi dicendum, adeo vel non docti, vel minus experti pro tempore existunt, dummodo in Sacris non sint Ordinibus constituti, licet professionem emiserint, tamen ad persoluendum totum Diuinum Officium integrum mini-

minimè teneantur, sed eorum Prælati, habita suorum supposito-
rum consideratione, ultra Officium B. M. Virginis ad quod ob-
ligati remaneant, iuxta dispensationem eis creditam, si eorum
animabus expedire videbitur, aliquid dicendum iniungant, quod
cum animi alacritate valeant adimplere. Vide Bullam *to. 1. Bull.*
Laertij Cherub. fol. 452. ubi etiam fol. 464. affertur simile priui-
legium Leonis X. pro Camaldulensibus.

31 Extat etiam priuilegium eiusdem Leon. X. concessum Fra-
tribus Minoribus, quòd scilicet, *ne mutuo se impediunt in officio*
Diuino, aut alijs sint fastidiosi, quòd illa, qua in Ordinario iubentur
dici secretè sub silentio, non teneantur proferre vocaliter, sed sa-
tisfaciant dicendo mentaliter, aut legendo inter se librum. Nauarrus
de Orat. cap. 19. num. 88. Rodriguez tomo 1. quæstionum Regul. q. 42.
art. 4. Quia tamen hoc priuilegium fuit viux vocis oraculum,
omniaque talia oracula reuocata sunt à SS. D. N. Urbano, vt di-
ximus *cap. 3. num. 21.* ideo non possunt Religiosi vti tali priuile-
gio. Iure autem communi, sufficit dicere Officium Diuinum se-
cretò, dummodo formentur verba intra labia, & dentes, ibique
distinctè proferantur, etiam si non audiantur. Peirinis *to. 1. pri-*
uileg. Minim. in Const. 28. Leon. X. num. 4. Quod saltem est verum
quando officium priuatè dicitur.

32 Pro Religiosis etiam occupatis in Prædicationibus, aut ope-
ribus pietatis, vtpotà Confessionibus audiendis, aut S. Theolo-
giæ, ac Canonum studijs, aut infirmis, vel infirmis seruientibus
extat Priuilegium Clem. VII. concessum Clericis Regularibus
Theatinis, quòd scilicet, Superiores illorum possint dispensare,
Super recitatione Diuinorum Officiorum, ad hoc quòd ipsi occupati,
vel impediti, certum Psalmorum per ipsos Superiores eis assignando-
rum numerum, non minùs septem, aut sex, cum diuisione, ac Oratio-
nem Dominicam septies, symbolum Apostolum bis; grauius autem
agrotantes Orationem Dominicam semel, & salutationem Angelicam
septies in die recitâdo, septem horis Canonicis, & toti Diuino Officio
satisfecisse censerentur. Vide Bullam *tom. 1. Bullar. pag. 606.* Vi-
de etiam Laurentium Peirinis *tom. 1. priuileg. Minim. in Const. 28.*
Leon. 10. num. 9.

33 Ad tollendos abusus in Officio Diuino recitando introdu-
ctos S. Congregatio Rituum, hæc decreuit die 8. Aprilis 1628.
ex mandato SS. D. N. Urbani. Primò. *Non potuisse, nec posse loco-*
rum Ordinarios, tam Seculares, quam Regulares, addere Calenda-
rijs etiam proprijs, Sanctorum Officia, nisi ea dumtaxat, que Bre-
uiarij Romani Rubricis, vel Sacra Rituum Congregationis, seu Se-
dis Apostolica licentia conceduntur. Lege Gauantum *Comment. in*
Rubric.

Rubric. Breuiarij tom. 2. sect. 1. cap. 5. tit. 2. num. 9. & 10. Barboſam de Offic. & Poteſt. Paroeci cap. 10. num. 13. Inſuper vetuit, & prohibuit celebrari per totam Ciuitatem, vel Diœceſim, etiam de cuiuſque Ordinarij auctoritate, Miſſam, vel Feſtum cum Officio de Sãcto, eo quòd in loco adſit Eccleſia Paroecialis, vel Regularis, aut aliqua Reliquia, ſed tantum in ipſius Sãcti Eccleſia Titulari, ſeu ubi aſſeruatur inſignis Reliquia, & non alibi. Inſignes autem Reliquias declarauit eſſe Corpus, Caput, Brachium, Crus, aut illam partem Corporis, in qua paſſus eſt Martyr, modò ſit integra, & non parua, & legitime ab Ordinarijs approbata. Conſonat huic declarationi Ceremoniale Ordinis noſtri lib. 2. Rubric. 57. num. 5. Legge Gauantum vt ſupra ſect. 3. cap. 3. nu. 5. Item reiecit, damnauit, & reprobauit eadem S. Congregatio Miſſas, qua circumferuntur à Sacra Congregatione non approbatas, Sãcti Gregorij pro Viuis, & Defunctis, XV. Auxiliatorum, & de Patre aeterno, & quaſcunque alias, exceptis ijs, qua ſunt permiſſe Regularibus tantum, veluti Roſarij, Sãcta Maria de Carmelo, & alias, ſicut etiam Officia ab eadem non approbata. Quæ omnia decreuit, & obſeruari mandauit ſub pœnis contentis in Bullis Pij V. initio Breuiarij, & Miſſalis poſitis, quòd ſcilicet, non ſatisfaciant muneri recitandi Diuini Officij; Quòd verò ad vtentes ſupradictis Miſſis, ſub alijs pœnis contentis in Indice Librorum prohibitorum ex Decreto Sacri Concilij Tridentini edito. Et, ne præmiſſorum ignorantia vllò vnquam tempore poſſit ab aliquo prætendi, neque obliuio poſſit irrepere, eadem S. Congregatio voluit, & mandauit, prout de factò video in Eccleſijs Vrbis obſeruari, Decreta huiusmodi affigi in Sacriſtijs omnium Eccleſiarum, tam Regularium, quàm Secularium, etiam Patriarchalium, Metropolitanarum, Cathedralium, Collegiatarum, & aliarum quarumcunque in eisque perpetuò affixa aſſeruari. Vide dicenda cap. 21. num. 21. & 22. & Auguſtinum Barboſam de Offic. & Poteſt. Paroeci c. 10. n. 12. 17. & ſequentibus.

34 Item Gregorius XIII. in quodam Breui, quod incipit, *Papalis Officij* ann. 1573. edito, aduertens, quòd in Eccleſijs Hiſpaniæ conſueuerat, vt poſſent celebrare Officia propria Sãctorum illius Prouinciæ, illiq. ſint plures numero, ideo declarauit. Vnamquamque Hiſpaniæ Eccleſiam, eorum tantum Sãctorum, qui in Breuiario non ſunt deſcripti, Officia propria celebrare poſſe, qui vel illius Diœceſis ſunt naturales, vel eius Eccleſiæ, ſeu Diœceſis ſunt Patroni, vel eorum Corpora, ſeu notabiles reliquię in ea Eccleſia, ſeu Diœceſi requieſcunt. De alijs verò Sãctis, etiam ſi ſint naturales, vel Patroni alterius Diœceſis, etiam

L ſi illo.

si illorum corpora, vel notabiles reliquiae in aliqua Ecclesia alterius Diocesis requiescant, non celebretur Officium proprium, sed seruetur ordo Breuiarii Romani. Et, quo die celebrabitur Festiuitas Patroni vnus Diocesis, Religiones omnes teneantur eodem die in suis Ecclesijs intra limites illius Diocesis existentibus eandem Festiuitatem celebrare, & in hoc cum Ecclesia Matrice se conforment. Quaranta *verb. Diuin. Officium.*

35 Item concessit, quòd quaelibet Ecclesia, & Monasterium Hispaniae habens reliquias insignes, puta caput, brachium, vel crus alicuius Sancti etiam alienigenae non existentis in Breuiario, vel de quo in dicto Breuiario fit tantum commemoratio, possit illius Festiuitatem celebrare, & Officium duplex facere; & de alio Sancto eodem die occurrenti, si fuerit simplex, fiat commemoratio; si verò fuerit duplex, vel semiduplex, transferatur in primam diem simili festo non impeditam. Quaranta *in Summ. Bullar. vt supr. Vide ibi.*

36 Aduerte etiam quòd Clerici Seculares, Regularesue in Ciuitate, vel Diocesi commorantes non tenentur recitare Officia propria Sanctorum illius Diocesis, vel quae de consuetudine in eadem Ecclesia recitantur in choro. Gauantus *in Comment. in Rubric. tomo 2. section. 1. cap. 5. tit. 2.* Nec obstat Gregor. XIII. num. 34. relatus; quia ibi loquitur de Patrono, & pro Ecclesijs Hispaniarum.

37 De Sancto cuius reliquia insignis habetur, & approbata, fieri potest officium duplex. Iuxta dicta *supra num. 35.* Gauantus *in Thesauro 1. tomo par. 1. tit. 11.* De sancto verò, cuius reliquia non insignis habetur, si concedatur Officium, debet esse semiduplex, ad differentiam insignis reliquiae. Barbosa *de Offic. Parochi cap. 10. num. 20.* Item de Sancto Canonizato non potest fieri Officium extra propriam Ecclesiam sine nouo decreto. Gauantus *in Thesaur. tomo 2. sect. 2. cap. 2. num. 30.* Barbosa *vt supra num. 21.* Festum Patroni loci celebrari potest (imò, & debet) sed sine octaua, à Regularibus. Idem Gauantus *2. tomo Thesaur. sect. 1. cap. 5. tit. 2. & in Man. Episcop. verb. Regular. iura sub Episcopis num. 28.* Titulus altaris, seu Capellae celebrandus est sub ritu in Calendario descripto, si autem ibi non nominatur, ad illud altare celebrari poterunt Missae festiuae cum Gloria in excelsis, sed Officium nullatenus fiat sine licentia Maiorum. Gauantus *ibidem sect. 3. cap. 12. num. 15.* August. Barbosa *de Offic. & Potest. Parochi cap. 10. à num. 17.*

38 Quoties cadauera ad Ecclesias Fratrum Mendicantium deferuntur, officia mortuorum, ac reliqua munera, quae in huiusmodi

modi Monasterijs fieri solent, non à Canonicis, neque Clero, sed ab eisdem fratribus obiri, ac peragi debent. Ita declarauit Sacra Congregat. vt refert Peregrin. 2. par. sui *Compend. tit. sepultura in scholio §. 3.* Laurentius Peirin. to. 1. *pruileg. Minim. in Constitut. 2. Iulij II. §. 21. nu. 37.*

39 Circa cultum Sanctorum, qui ab Ecclesia Canonizati, aut Beatificati non sunt, animaduersione dignum est S. D. N. Vrbanum decreuisse in generali Congregatione Sanctæ, & vniuersalis Inquisitionis die 2. Octobris anno 1625. Vt habetur 4. *tomo Bullar. inter Constitutiones Vrbanum num. 37. Ne quorumuis hominum cum Sanctitatis, seu martirij fama quantacunque illa sit, defunctorum Imagines, cum laureolis, aut radijs, seu splendoribus facta, & quocunque aliud venerationem, & cultum præsferens, & indicans in Oratorijs, aut locis publicis, seu priuatis, vel Ecclesijs tam Secularibus, quàm Regularibus cuiuscunque Religionis, Ordinis, Instituti, Congregationis, aut Societatis, apponantur, antequam ab Apostolica sede Canonizentur, aut Beati declarentur, & si qua apposita sunt, amoueantur, prout eas statim amoueri mandauit.* Ac pariter imprimi de cætero inhiuit libros eorundem hominum, qui Sanctitatis, siue martirij fama, vel opinione, vt præfertur, celebres è vita migrauerint, gesta, miracula, vel reuelationes, seu quæcunque beneficia, tamquam eorum intercessionibus à Deo accepta continentessine recognitione, atque approbatione Ordinarij, qui in ijs recognoscendis Theologos, aliosq. pios, ac doctos viros in consiliũ adhibeat, & ne deinde fraus, aut error, aut aliquid nouũ, ac inordinatum in re tam graui committatur, negotium instructum ad Sedem Apostolicam transmittat, eiusq. responsum expectet. Reuelationes verò, & miracula, aliaq. beneficia supradicta, quæ in libris horum hominum vitam, & gesta continentibus, hactenus sine recognitione, atque approbatione huiusmodi impressa sunt, nullo modo approbata censeri vult, mandatq. sua Sanctitas. Ad horum hominum sepulchra vetuit etiam, ac inhiuit tabellas, atque Imagines ex cera, aut argẽto, seu ex alia quacunque materia tam pictas, quàm fictas, atque exculptas appendi, seu affigi, & lampades, siue alia quæcunque lumina accendi, sine recognitione ab Ordinario, omnino prout supra, faciendâ; Sediq. Apostolicæ referenda, ac approbanda. Declarans, quòd per suprascripta præiudicari in aliquo non vult, neque intendit ijs, qui aut per communem Ecclesiæ consensum, vel immemorabilem temporis cursum, aut per Patrum, virorumque Sanctorum scripta, vel longissimi temporis scientia, ac tolerantia Sedis Apostolicæ, vel Ordinarij coluntur. Postea verò præcipiens Ordinarijs, & hæreticæ

prauitatis Inquisitoribus, vt vigilant ne aliqua contra prædicta fiant, his pœnis afficit delinquentes. *Transgressores verò si Regulares fuerint, priuationis suorum officiorum, ac vocis ætliuæ, & passiuæ, nec non, & Suspensionis à diuinis, si verò Clerici seculares, priuationis pariter suorum officiorum, Suspensionis à diuinis, & ab administratione Sacramentorum, executioneque suorum Ordinum respectiui, alijsque arbitrio prædictorum Ordinariorum, seu Inquisitorum pro modo culpe infligendis pœnis plectendo. Qui autem libros impresserint, aut Imagines pinxerint, sculpsierint, seu quoquomodo affinxerint, vel formauerint, ceterique artifices circa præmissa qualitercunque delinquentes, prædicta omnia amittant, & insuper pecuniarijs, alijsque etiam corporalibus penis, iuxta criminis grauitatem eorundem Ordinariorum, seu Inquisitorum arbitrio afficiantur.* Postmodum verò idem S. D. N. à quibusdam reuocari in dubium accepit, an tabellas, & imagines, quas in posterum offerri contingerit, recipere, & antea oblatas cōseruare liceret? Pro quo Sāctitas sua declarauit, quòd sicut nunquam prohibuit, nec suæ intentionis fuit prohibere oblationē, receptionemq; tabellarum, & Imaginum huiusmodi: ita, vt nulli deinceps basitationi locus relinquatur, statuit in præsentiarum, & decreuit, vt quoties ad aliquam Ecclesiam, aut Oratorium, locumve alium publicum Secularem, seu Regularium, tabellas, & Imagines, aliudve simile quispiam detulerit, ac intercessionem hominum inter Sanctos, vel Beatos non adscriptorum, quamuis cum martyrij, vel sanctitatis fama demortuorum, optata se impetrauisse dixerit, liceat Ecclesiasticis personis Ecclesiarum, locorumvè prædictorum cura Præpositis, tabellas, & Imagines, siuè pictas, siuè ex quauis materia factas, atque alia quæcunque collata gratia fidem facientia, simul cum deferentis, aliorumq. qui consensij fuerint attestationibus recipere, atque approbantibus Ordinarijs, ad quos referre statim omnia teneantur, in secreto aliquo seorsum ab Ecclesia loca custodire, ibidemque iam amota collocare, & asseruare, vt si quando Dominus talium virorū merita Beatificationis, seu Canonizationis honore in terris decorare voluerit, extent huiusmodi Sanctitatis qualiscunque probationes Apostolica Sedis Iudicio tunc examinanda. Peirinis tomo 1. priuileg. Minim. in Conf. 3. Leo. X.

40 Circa quæ primò aduertendum est, licere Sanctos non Canonizatos, neque Beatificatos, qui scilicet cum opinione sanctitatis e viuis decesserunt priuatim colere, dum modò id non fiat aliquo modo ex prohibitis in hoc decreto. Cum hoc nullo iure sit interdictum, quin à cōtrario videatur colligi ex cap. 2. de Reliq. & Vener. Sanct. quatenus ibi prohibetur publicus cultus. Bellarm. tomo 2. controu. 4. lib. 1. cap. 10. Sanchez lib. 2. in Decalog.

cap. 43.

cap. 43. nu. 3. Secundò licere eos priuatim inuocare. Propter eandem rationem. *Azor. par. 2. lib. 5. cap. 6. quæst. 8.* Tertiò non licere eis solemnes, aut publicas preces offerre, & multo minus templa, & altaria erigere, aut Sacra in eorum honorem dicere. Ex dicto *capit. 2. de Reliq. & Venerat. Sanctor.* Laurentius de Peirinis *tomo 1. priuileg. Minor. in Constitut. 3. Leon. X. vi supra.*

41 Pro ijs autem, quæ Regulares possunt facere in suis Ecclesijs, extant sequentes declarationes Sac. Congregat. Cardinalium Concilij missæ ad Eminentissimum Cardinalem Ludouisum Archiepiscopum Bononiensem, & Principem 2. Iulij ann. 1620. Cum enim à Sac. Congregatione quæsitum fuisset per Curatos illius Ciuitatis, Primò, an Regulares possent annunciare dies festos, & ieiunia in suis Ecclesijs ad altare in celebratione Missæ? Secundò, an possent recipere ea, quæ offeruntur, & dare pacem populo ad Missam? Tertiò, an possent portare pluuiale, aut stolam, per Parochiam extra Ecclesiam, aut Claustrum? Quartò, an quando vocantur ad sepulturam mortuorum debeant accedere ad domum ubi est corpus defuncti, an verò ad Ecclesiam Parochialem, ubi Clerus congregari consuevit, aut expectare in via? Quintò, an possent celebrare primam Missam in eorum Ecclesijs ante Missam Curati? Sextò, an possent infra Missam publicare ordinationes D. Cardinal. Archiepiscopi, Matrimonia, & alia quæ occurrunt? Septimò, an possent prædicare in eorum Ecclesijs tempore Aduentus, Quadragesimæ, & infra annum, quando prædicatur in Ecclesia parochiali? Octauò, an possent extra eorum Ecclesias, aut Claustra, portare pluuiale, aut stolam, quando faciunt processiones sui Ordinis? Nonò, an possent in eorum Ecclesijs recipere mulieres ad purificationem post partum? Decimò, an cum fratres aliqui extra Monasterium moriuntur, & à Curatis Sacramenta receperunt, possent ab eorum Superioribus ad suas Ecclesias deferri, Parochis inconsultis? Vndecimò, an quædo moritur aliquis Superior Religiosorum, vel Magister, aut Cathedralicus, possent corpus illius portare per Ciuitatem per plateas, & alias Parochias cum musica, & ritibus extraordinarijs, aut illi imponere pluuiale, sine interuentu Parochi? Duodecimò, an Religiosi possint ad celebrandum in suis Ecclesijs Presbyteros extraneos non habentes licentiam à sua Illustriss. Dominat. vel eius Vicario, si hoc prohibitum sit ab eodem Illustrissimo. Tertiodecimò, an possent recipere, triticum, uvas, ligna, & similia, antequam Parochus receperit suas primitias? Quartodecimò, an possent in Hebdomada sancta benedicere.

re domos in Diœcesi existentes, cum hoc sit munus Parochi, ut habetur in nouo rituali Romano? Sacra Congregatio Cardinalium Concilij Interpretum ad singula capita proposita in hunc modum respondit. Ad primum. *Regulares non prohiberi dies festos, & ieiunia in suis Ecclesiis annunciare.* An verò ad id faciendū cogi possint ab Episcopo tractat Barbosa *de Offic. Parochi cap. 16. num. 26.* Ad secundum. *Respondit posse, dummodò à perambulationibus per Ecclesiam, ac similibus elemosynarum extorsionibus abstineant.* Ad tertium. *Non posse.* Ad quartum. *Debere ad parochialem Ecclesiam accedere, ubi Clerus congregari consuevit.* Pro quo vide Barbosam ibidem *cap. 26. n. 63. & sequentib.* Ad quintum. *Prohiberi non posse, quominus Missa in Ecclesiis Regularium celebretur ante Missam parochialis Ecclesie.* Vide dicenda *cap. 21. num. 17.* Ad sextum. *Non posse publicare Matrimonia.* Ad septimum. *Posse, petita tamen benedictione ab Illustrissimo Archiepiscopo.* Ad octauum. *Non licere Regularibus huiusmodi processiones facere extra Ecclesias, & ambitum illarum.* Pro quo etiam vide alia apud eundem Barbosam *de Offic. & Potestate Parochi cap. 12. à num. 13.* Ad nonum. *Regulares non prohiberi in eorum Ecclesiis mulieres post partum ad purificationem admittere.* Ad decimum. *Regulares extra claustra decedentes posse ad eorum Ecclesias deferri, etiam Parochis inconsultis.* Barbosa *ut supra n. 68. cap. 26.* Ad vndecimum. *Non posse.* Ad duodecimum. *Non licere Regularibus in suis Ecclesiis ad celebrandum admittere Presbyteros seculares contra prohibitionem Illustrissimi Archiepiscopi.* Ad tertiumdecimum. *Non esse id prohibitum Regularibus.* Ad quartumdecimum. *Non posse.* Vide circa hoc eundem Augustinum Barbosam *ut supra nu. 12. capit. 12.* Vide etiam Laurentium de Peirinis *tomo. 2. priuileg. Minor. in Constitution. 7. Pij V. §. 10.*

De obligationibus Regularium, quoad habitum Religiosum portandum.

C A P. XIII.

QUAMVIS iuxta commune dictum, quod etiam approbat Concilium Trident. *sess. 14. cap. 6.* habitus non faciat Monachum; nihilominus, quia est signum Religionis, quam Religiosi profitentur, ideo astricti sunt singuli ad portandum habitum Religiosum semper, & in omni occasione, ita ut contrarium facientes peccent quandoque mortaliter, quandoque venialiter, nisi in casibus inferius assignandis. *Cap. 2. ne Clerici, vel Monachi in 6. ca. Vidua 20. quasi. 1. & ca. Saponialis d. 23.*

Hinc Religiosi omnes temerè habitum suæ Religionis dimittentes sunt excommunicati excommunicatione maiori nulli reservata, *in cap. 2. ne Clerici, vel Monachi in 6.* Comprehenditque hæc excommunicatio non solum Religiosos illarum Religionum, quæ tempore huius legis erant, sed etiam quoscunque alios futuros. Lex enim generalis, & perpetua afficit non solum natos, sed & in posterum nascituros. Bonacina *de Clausura q. 2. punct. 2. §. 23.* Dicuntur autem temerè habitum dimittere, qui sine iusta, aut honesta causa illum dimittunt. Vnde si quis Religiosus transiturus per loca Hæreticorum, aut Turcarum, aut aliorum hostium Religiosi habitus, habitum dimitteret, non incurreret hanc excommunicationem. Eò quod tunc esset iusta causa illum dimittendi. Suarez 5. *tomo in 3. par. disput. 23. sect. 4.* Nec etiam illam incurreret, qui ex ignorantia huius canonis habitum dimitteret, Quia dictio illa *temerè*, idem significat, quod scienter, iuxta dicta *cap. 10. n. 33.* Suarez *to. 5. in 3. p. disput. 4. sect. 10. num. 3.* Sanchez *lib. 9. de Matrimon. disp. 32. num. 38.* Nec etiam incurreret illam, qui est captivus inter Turcas, si Turcæ non permittant portare habitum. Quia tunc est causa rationabilis dimittendi illum. Hieronym. Gratian. *in discipl. Regul. cap. 3. §. 1.*

Incurritur tamen hæc excommunicatio, etiam si is, qui dimittit habitum, non hoc faciat animo apostatandi. Eò quod talis conditio non assignatur *in dicto cap. 2. ne Clerici*, nec includatur in dimissione habitus, cum possit esse aliquis apostata cum habitu, si recedat à Religione animo deserendi illam in per-

petuum, & non apostata dimittendo illum, si relinquat illum non animo dicto. Palud. in 4. distict. 18. quest. 3. artic. 3. num. 41. Nauarrus lib. 5. consil. tit. de apostat. conf. unie.

4 Incurritur etiam hæc excommunicatio, etiam si hæc habitus dimissio solum sit per aliquod tempus. Eò quòd decisio textus in dicto cap. 2. ne Clerici loquitur absolute. Caietan. in Summa verb. excommunicat. cap. 61. Sanchez lib. 6. in Decalog. cap. 8. num. 48. Si autem sit per tam breue tempus, vt moraliter loquendo, secundum prudentium æstimationem, potius spoliatio, quam dimissio habitus dicatur, non incurritur. Cum textus solum loquatur demissione habitus, & cum sit lex pœnalis non sit extendenda vltra verborum proprietatem. Bâñez 2. 2. q. 12. art. 1. dub. 2. Azor. lib. 12. Institut. Moral. cap. 13. quest. 5. cas. 16. Quod intellige, etiam si fiat animo faciendi paruo illo tempore aliquam rem minus licitam, aut etiam illicitam, seu turpem. Propter eandem rationem. Nauarrus in Summa cap. 26. nu. 131. Azor. tomo 1. Instit. Moral. lib. 12. cap. 13. quest. 5. cas. 16. Extenditur etiam ad illum, qui breui illo tempore dimitteret habitum causa diuagandi, aut eundi ad quemcunque locum. Sanchez lib. 6. in Decalog. cap. 8. nu. 56.

5 Incurritur etiam hæc excommunicatio, etiam si habitus dimissio fiat intra Monasterium. Quia textus dicti capituli 2. non petit Monachi euagationem extra Cœnobium, sed solam habitus dimissionem, maximè præbentem occasionem ad vagandum, qualis est ista. Siluester verb. excommunic. 9. capit. 25. num. 55. Sairus de Censuris lib. 3. cap. 33. num. 19. Hinc dimittere Religiosum suum habitum, etiam in Monasterio, & indui veste fœmineâ propter ludum laruarum; vel aliquam comœdiam faciendam, quidam dicunt esse peccatum mortale. Si tamen fiat ob honestam recreationem, eutropeliam, vel alium honestum finem, debitisque pensatis circumstantijs, quantum est ex se, & sua natura non erit peccatum, saltem mortale; licet semper sit periculosum propter infirmitatem, & corruptionem naturæ. Grassis 1. parte Decis. lib. 3. cap. 5. num. 77.

6 Incurreret etiam hanc excommunicationem Religiosus, qui habitum suæ Religionis dimittit, & alterius Religionis induit. Ratio est, quia iste talis verè comprehenditur in illo canone c. 2. ne Clerici cum verè habitum suæ Religionis dimittat. Bâñez 2. 2. distict. 1. quest. 12. art. 1. Sairus de Censuris lib. 3. cap. 38. Quando tamen dimissio proprii habitus, & assumptio habitus alterius Religionis sit propter rationabilem causam, vt scilicet, quia debet esse in illa Religione talis Religiosus per aliquod tempus, vel

vel in ea prædicare, docere; &c. vel ob aliam iustam, & honestam causam, credo quòd tunc non incurret hanc excommunicationem. Eò quòd in prædictis casibus non est temeraria, sed rationalis, & honesta talis dimissio habitus, textus autem loquitur de temeraria dimissione. Bañez 2. 2. *disput. 1. quæst. 12. art. 1. dub. 2.* & ex parte Azor. 10. 1. *lib. 12. Institut. Moral. cap. 17. quæst. 14.* Si verò assumptio habitus alterius Religionis sit transeundo ad illam illicitè, & contra iura, quamvis multi probabiliter dicant incurri tunc hanc excommunicationem, vt Nauarrus in *Summa cap. 27.* & Suarez 5. *tomo in 3. par. disput. 23. sect. 4.* Probabilius tamen est contrarium. Eò quòd textus in *illo cap. 2. ne Clerici* eam habitus dimissionem excommunicationi subijcit, quæ attentis circumstantiis est periculosa ad vagandum, & vt credo ad mala perpetrandum; hæc autem non est ita. Aragon. 2. 2. *quæst. 12. art. 1.* Lessius 2. *de Iust. & Iure cap. 41. dub. 13.*

7 Etiam in lecto, aut dormiens tenetur Religiosus habitum suæ Religionis portare, & peccat illum dimittendo. Quia ita videtur præcipi ab Ecclesia in *ca. vidua 20. quæst. 1.* Vbi dicitur, *seu in lectulo quiescens, siue in quocunque loco consistens constanter utatur apta Religionis professioni veste.* Fere idem habetur *ca. Sanctimonialis dist. 23.* Quantum autem sit hoc peccatum? Quidam dicunt esse mortale. Grassis *lib. 3. Decis. cap. 5. num. 75.* Quod admitti posset respectu illorum, qui omnino nudi, etiam sine camisiis, causa aliqua non urgente, in lecto dormirent. Alios autem, qui aliqua decente veste, aut tunica induti dormiunt sine habitu suæ Religionis solum credo peccare venialiter. Quia decreta adducta non amplius petunt. Imò etiam à veniali peccato excusarem illos, qui ob rationabilem causam solum paruo habitu suæ Religionis cum tunica interiori induti dormiunt. Quia ita videtur consuetudine introductum etiam inter magis timoratos. Suarez 4. *tomo de Relig. lib. 1. cap. 5. nu. 18.* Consulendæ in hoc sunt leges, & consuetudines particularium Religionum.

8 Illum, qui etsi non dimittat habitum suæ Religionis, illum tamen omnino occultat, ita vt nullo modo appareat, absque rationabili causa, probabilius est, incurrrere prædictam excommunicationem, *cap. 2. ne Clerici.* Ratio est, quia moraliter loquendo, & in ordine ad notitiam aspicientium idem est omnino occultare habitum, ac illum dimittere, sicut idem erit Iudæum inter Christianos commorantem occultare illud signum, quod portat, ac illud dimittere, atque ita eadem pœna punietur. Pariter ergo in præsentī, & quoad intentum huius legis idem erit omnino occultare habitum, ac illum relinquere. Atque ita vtroque modo

modo incurreretur hæc excommunicatio. Nauarrus in *Summa* cap. 27. Banez 2.2. *disput.* 1. *quæst.* 12. *puncto* 1. Sicut autem relinquere habitum propter grauem necessitatem, v. g. tuendi vitam, vel vitandi graue aliquod damnum, vel scandalum, excusat ab hac excommunicatione, iuxta dicta *supra num.* 2. sic etiam omnino illum occultare excusabit ab illa in prædictis, aut similibus casibus. Ratio est eadem, quia leges humanæ non censentur obligare cum tanto dispendio, præsertim, quia occultare habitum in casibus assignatis non est temeraria occultatio, aut dimissio, sed prudens, & rationabilis. Suarez 4. *tomo de Relig. tract.* 8. *lib.* 1. *cap.* 5. *num.* 13.

9 Potest dispensari cum Religioso quòd omnino non habeat habitum, vel saltem quòd illum deferat occultum: cum hæc obseruantia non sit de essentia status Religiosi. In hoc tamen solus Pontifex dispensare potest, quia ad illum spectat in iure communi dispensare. Suarez 4. *tomo de Relig. tract.* 8. *lib.* 1. *cap.* 5. *n.* 15. & 16. Vnde in Concil. Tridentin. *sess.* 25. *cap.* 19. præcipitur, *ne detur licentia cuicunque Regulari occultè ferendi habitum sua Religionis.*

10 Qui habitum Regularem mutat in habitum secularem, si ferio id faciat, & vt pro illo tempore secularis appareat, etiam si tempus breue sit, probabile est peccare mortaliter, & incurrere excommunicationem adductam. Ratio est, quia talis mutatio quantumvis pro breui illo tempore facta videtur materia grauis, & habere notabilem deformitatem repugnantem statui Religioso. Nauarrus *Conf. de apostas. num.* 6. Rosella *verb. excommunicatio.* Si verò talis mutatio habitus fiat non ferio, sed ludi causa ad representandum, vel quid simile, non erit peccatum, præsertim mortale, neque propterea incurrat sic faciens excommunicationem. Suarez 4. *tomo de Relig. tract.* 8. *lib.* 1. *cap.* 5. *n.* 9. Vide *supra num.* 5.

11 Loquendo autem de eo, qui mutat, aut occultat non totum habitum, sed partem illius, dicendum est: quòd si sit talis mutatio, aut occultatio partis, quòd ex reliquo cognosci non possit, an talis persona Religiosa sit, nec ne, committitur peccatum, mortale sufficiens ad excommunicationem; quia est grauis transgressio legis, & quoad materiam & quoad finem ipsius, qui est, quòd persona Religiosa cognoscatur, & habeatur vt talis. Si verò pars habitus, quæ remanet immutata, & apparens, sit talis, quæ sufficienter manifestet personam illam esse Religiosam, non peccabit saltem mortaliter, nec incurrat censuram. Quia reuera non dimittit, neque occultat proprium statum. Suarez *tom.* 4.

de Relig. tract. 8. lib. 1. c. 5. n. 11. Bonac. de clausura q. 2. punct. 2. §. 8. 12 Contra illos, qui habitum Carmelitarum deferre audent, vel ita consimilem, vt propter eum Carmelitæ credi possint, absque Sedis Apostolicæ mandato speciali, possunt procedere Dicesesani per censuram Ecclesiasticam. Ita concessit Sixtus IV. in Bulla dum attenta, in specul. Ordin. fol. 89. & 90. Eadem prohibetio, quod nullus possit habitum consimilem habitui Minimorum portare, facta est à Leon. X. Laurentius de Peirinis tomo 1. priuileg. Minim. in Const. 2. Iulij 11. §. 18. num. 53. Consulenda etiam sunt priuilegia aliarum Religionum.

De Obligationibus Regularium, quoad Sacros Ordines suscipiendos.

C A P. X I V.

M O D O post Concilium Tridentinum nullo modo possunt Religiosi ante ætatem ab ipso præscriptam, nempe ad *Subdiaconatus Ordinem* ante vigesimumsecundum, ad *Diaconatus* ante vigesimumtertium, ad *Presbyteratus* ante vigesimumquintum ætatis annum promoueri, priuilegijs quibuscunque quoad hoc penitus exclusi. Concil. Trid. sess. 23. cap. 12. Nec ad hoc iuuat priuilegium quoddam, quo Pius V. viuz vocis oraculo dicitur concessisse Regularibus, posse vti in foro Conscientiæ omnibus suis priuilegijs etiam derogatis à Concil. Tridentino. Tum quia hoc est valde incertum, Tum quia etiam si esset certum, est reuocatum à Sixto V. in Constitutione *Sanctum*, & *Salutare* contra male promotos edita, quia strictè præcipit obseruari Concilium Tridentinum, contrarijs quibuscunque non obstantibus. Quæ Constitutio Sixti V. non est à Clem. VIII. quoad hoc moderata in Bulla quæ incipit *Romanum Pontificem* ann. 1595. edita, & habetur 3. tomo Bullar. nu. 40. Quia in ea solum fuit moderata prædicta Constitutio Sixti V. quoad pœnas, & censuras in ea contentas contra quoscuque, præterquam contra Symoniacæ ordinantes, & ordinatos. Quoad reliqua verò reducta est ad terminos sacrorum Canonum, Constitutionis Pij II. & decretorum Concilij Tridentini. Cum ergo à Concilio Tridentin. præscripta sit ætas ordinandorum, exclusi quibuscunque priuilegijs, nullo pacto ante illam possunt Religiosi Ordinari. Miranda in Man. tomo 1. quæst. 39. ar. 1. Omitto id, quod

quod sæpius dixi, videlicet omnia huiusmodi viuz vocis oracula annullata fuisse à Sanctiss. D. N. Urbano VIII. ac per consequens huiusmodi viuz vocis oraculum Pij V. esto quòd fuisset verum, iam nullius est momenti. Vide dicta *cap. 3. num. 21.*

2 Vnde Religiosi suscipientes Ordines ante legitimam ætatem remanent suspensi, & *si huiusmodi suspensione durante in eisdem Ordinibus ministrare præsumserint, eo ipso irregularitatem incurrun-
t.* Ita statuit Pius II. in Bulla *Cum ex Sacrorum* ann. 1461. edita, in *tomo 1. Bullarij* inter Bullas huius Pontificis *num. 7.* Huiusmodi autem suspensio solùm est ab executione illius Ordinis, ante legitimam ætatem suscepti, vt patet in illis verbis *in eisdem Ordinibus ministrare præsumserint.* Vnde non impedit vsum aliorum Ordinum legitimè susceptorum. Suarez de *Censuris disput. 31. sect. 1.* Quaranta in *Summa Bullar. verb. Ordo.* Permanet autem hæc suspensio non solùm vsque ad legitimam ætatem superuenientem, sed ea etiam superueniente, vsque ad dispensationem, seu absolutionem. Tolet. in *Summa lib. 1. cap. 61. Cor-
nexo to. 2. in 3. par. disput. 4. de Suspensione dub. 1.*

3 Eandem suspensionem incurruunt, qui absque dispensatione Canonica, aut legitima licentia, siue extra tempora iure statuta, vel absque dimissorijs litteris ad aliquem ex Sacris Ordinibus se fecerint promoueri. Ita statuit Pius II. in Bulla adducta, & Sixtus V. etiam in Bulla illa *Sanctum, & Salutare*, quæ est 91. inter Bullas huius Pontificis. Miranda in *Man. tomo 1. disput. 39. art. 6.* Cor-
nexo *vt supra* Vide infra *num. 18. & 19.*

4 Hanc autem suspensionem non incurrere illos, qui non ex dolo, aut malitia, sed bona fide, aut probabili ignorantia crederent, posse suscipere Ordines ante legitimam ætatem, extra tempora, vel sine litteris dimissorijs, docent aliqui. Eò quòd (inquiunt) Pius II. solùm apposuit illam contra præsumentes, & vt constat ex dictis supra *cap. 10. num. 33.* cum tale verbum in Constitutionibus Pontificijs ponitur, solùm comprehendit eos, qui ex dolo, & malitia, illas transgrediuntur. Toletus *lib. 1. cap. 55.* post Nauarrum, & alios. Miror tamen viros doctos ita dixisse, cum (vt constat ex verbis Pontificis in prædicta Bulla) non vtatur verbo *presumere* quoad incurrendam suspensionem, quia ad hoc solùm dicit, *ad aliquem ex sacris Ordinibus se fecerint promoueri*, sed quoad incurrendam irregularitatem si sic suspensi in Ordinibus ministrauerint: sic enim dicit, *& si huiusmodi suspensione durante in eisdem Ordinibus ministrare præsumserint, eo ipso irregularitatem incurrant.* Quare dicendum videtur ad incurrendum dictam suspensionem non requiri dolum, aut malitiam, sed sufficere

cere ex ignorantia culpabili suscepisse Ordines sine prædictis conditionibus iuxta dicta supra *cap. 10. num. 33. citato*.

5 Quamvis contra prædictos suscipientes Ordines sine legitima ætate, aut sine alijs conditionibus assignatis, Sixtus Quintus in Bulla *Sanctum, & Salutare* ann. 1598. edita, in 2. *tomo Bullar. inter Bullas huius Pontificis num. 91.* gravissimas pœnas statuerit, eorumque absolutiones, & dispensationes soli Summo Pontifici reservauerit, adeò, vt neque per Iubilæa, Cruciatam, aut alia privilegia, etiam à Maiori pœnitentiaro absolui, aut dispensari possent, tamen Clem. VIII. in Constitutione adducta supra *nu. 1.* moderavit, & reduxit dictas pœnas, earumque absolutionem, & dispensationem (*præterquam contra simoniacos ordinantes, & ordinatos*) ad terminos sacrorum Canonum, Constitutionis Pij II. & decretorum S. Concilij Tridentini, iuxta dicta supra *num. 1.*

6 Prædicti quoque Ordinati sine prædictis conditionibus, aut aliqua earum, possunt beneficijs Ecclesiasticis iure privari. Ita statuit Pius II. in prædicta Bulla per hæc verba. *Præterea, ultra alias pœnas in tales generaliter à iure inflictas, beneficijs Ecclesiasticis possunt iure privari.*

7 Prædicti suspensi ob receptionem Ordinum sine legitima ætate, aut conditionibus assignatis sunt irregulares, si *in eisdem Ordinibus ministrare præsumperint*. Ita idem Pius II. in prædicta Bulla. Tunc autem dicentur ministrare in eisdem Ordinibus, quâdo actus proprios, ad quos tales Ordines deputati sūt, exercuerint. Vt si Missam dicant, Evangelium cantent, aut Epistolam cum apparatu solemnī. Nauarrus in *Man. cap. 27. num. 244.* Non autem erunt irregulares sedendo cum Sacerdotibus, assistendo electionibus, & alijs actibus, qui solum conveniunt Sacris insignitis, aut Sacerdotibus secundum iura Religionis. Quia tales actus non sunt ex natura sua officia diuina, aut proprij Ordinis. Miranda in *Man. tomo 1. quæst. 39. artic. 9.* Semper tamen, erit peccatum iuxta gravitatem materiæ prædictis actibus se ingerere. Quia sunt actus prohibiti. Miranda in *Man. tomo 1. quæst. 39. art. 9.* Rodriguez 3. *tomo quæst. 22. art. 12.* Facere autem Officiū Hebdomarij in Choro, seu dicere Collectam, aut Capitulum in Choro, & similia, cum sint actus proprij Ordinis Sacerdotalis inferent irregularitatem, in eo, qui Sacerdotium sine legitima ætate, aut aliqua ex conditionibus assignatis suscepit. Nauarrus in *Man. cap. 27. num. 244.* Peirinis *tomo 1. Privileg. Minim. in Const. 1. Iulij II. num. 25.*

8 Suscipientem Presbyteratum sine legitima ætate, aut sine aliqua ex conditionibus assignatis, putant aliqui eodem actū in-

curre-

currere suspensionem, & irregularitatem, quando ordinatur. Suspensionem quidem, propter dicta. Irregularitatem verò, quia cum Ordinatur, celebrat cum Episcopo. ac per consequens exercet actum Ordinis cum suspensione. Nauarrus in *cons. 4. de Cler. excomm. ministr.* Verumtamen opposita sententia, scilicet non incurere tunc irregularitatem, probabilior, & benignior est. Eò quòd praxis Cancellariæ illum non reputat irregularem. Suarez de *censur. disp. 3. sect. 1. Quaranta in Summa Bull. verb. Ordo. Cornexo disp. 4. de suspensione dub. 2.*

9 Contra illos, qui ad Ordinem Presbyteratus non sunt promoti, & Missas celebrant, ac confessiones audiunt, procedit Tribunal S. Inquisitionis. Ex Greg. XIII. in Bulla *Officij nostri* ann. 1574, & est in 2. *tomo Bull. Laertij num. 21.* Et ex Clem. VIII. in Bulla *Et si aliàs* ann. 1601. habetur tales nefarios præuia degradatione curiæ seculari tradendos esse: 3. *tomo Bull. inter Bull. b. uis Pontific. Bull. 81. Quaranta in Summa Bull. verb. Ordo.* Vide etiam dicta *cap. 10. num. 22.*

10 Religiosi debent ordinari sine titulo Beneficij, aut Patrimonij. Ratio est, quia licet Conc. Trident. generaliter id pro omnibus præcipiat *sess. 21. cap. 2.* huiusmodi tamen decretum non extenditur ad Regulares, quia illis, ut inquit Antoninus 3. *parte tit. 14.* pro titulo deseruit spota. Nauarrus in *Man. capit. 27. num. 258.* Hoc etiam dicitur de scolariis Societatis Iesu, qui tria simplicia vota fecerunt. Tum quia sunt verè Religiosi, tum quia ita declarauit Greg. XIII. ut refertur in compendio eiusdè Societatis v. *Ordo.*

11 Regulares hodie post Conc. Trid. non possunt ab Episcopis ordinari, etiam in suis domibus, sine licentiâ Diœcesanorum, in quorum districtu eorum Monasteria sunt sita. Ratio est, quia licet circa hoc habuerint antiquitus priuilegia, modò tamen sunt abrogata à Conc. Trident. *sess. 6. cap. 5.* per hæc verba. *Nul-li Episcopo liceat cuiusvis priuilegij prætextu Pontificalia in alterius Diœcesis exercere, nisi de Ordinarij loci expressa licentiâ, & in personas eidem Ordinario subiectas tantum, si secus factum fuerit, Episcopus ab Exercitio Pontificalium, & sic ordinati ab executione Ordinum sint ipso iure suspensi.* Miranda in *Man. tom. 1. q. 18. art. 3.*

12 Quamuis antiquitus possent Regulares ordinari à quocumque Catholico Episcopo, propter priuilegium Clementis Quarti concessum Minoribus, & per consequens omnibus, qui eorum priuilegia participant, modò tamen seruari debent, quæ Sacra Congregatio ex mandato Clementis Octauj præcepit omnibus Superioribus Regularium, videlicet posse suis subditis Regula-

gularibus, qui præditi qualitatibus requisitis Ordines suscipere voluerint, litteras dimissorias concedere, ad Episcopum tamen Diocesenum, nempe illius Monasterij, in cuius familia ab eis, ad quos pertinet, is Regularis positus fuerit. Et, si Diocesanus abfuerit, vel non esset habiturus ordinationes, vel sedes Episcopalis vacauerit (Vt quidam adiungunt. Peirinis tomo 1. de priuileg. Minim. circa Constit. 2. Sixti IV. §. 11. num. 33.) ad quemcumque alium Episcopum, dum tamen ab eo Episcopo, qui Ordines contulerit, examinetur quoad doctrinam, & dum ipsi Regulares non distulerint de industria, concessionem dimissoriarum, in id tempus, quo Episcopus Diocesanus, vel absfuturus, vel nullas habiturus esset Ordinationes. Additur præterea, quòd cum à Superioribus conceduntur prædictæ litteræ dimissoriæ suis subditis Regularibus, Episcopo Diocesano absente, vel Ordinationes non habente, tunc in prædictis litteris debeant exprimere huiusmodi causam absentia Diocesani Episcopi, vel Ordinationum ab eo non habendarum, sub pœnis, Officij, & dignitatis, seu administrationis, ac vocis actiua, & passiuæ priuationis, & alijs arbitrio Sanctissimi reservatis. Quaranta in Summa Bullar. verb. Ordo. Miranda in Man. tomo 1. quæst. 38. art. 2. Si autem Regulares degant in Monasterijs sitis in locis nullius Diœcesis, debent ordinari ab Episcopo viciniore, & obseruare omnia, quæ dicta sunt in prædicta declaratione. S. Congregat. ann. 1619. Peirinis vi supra nu. 36. apud ipsum. Naldus in Summa verb. Ordo num. 26.

13 Ad idem etiam extat decretum Conc. Trid. sess. 23. cap. 10. quòd scilicet: Abbatibus, & alijs quibuscunque quantumuis exemptis non liceat in posterum intra fines alicuius Diœcesis consistentibus, etiam si nullius Diœcesis, vel exempti esse dicantur, cuiquam, qui Regularis sibi subditus non sit, tonsuram, vel minores Ordines conferre, nec litteras dimissorias aliquibus Clericis secularibus, vt ab alijs ordinentur concedant. Circa quæ Sacra Congregatio Cardinalium dixit: Possunt ipsi Abbates eosdem Ordines conferre alijs Regularibus, qui dimissorias speciales suorum Superiorum, & specialem consensum Episcopi loci habuerint. Quaranta in Summa Bullar. verb. Ordo. Vide dicenda cap. 18. n. 64. & 65. maximè circa qualitates pro istis Abbatibus requisitis.

14 Duo Sacri Ordines non eodem die, etiam Regularibus conferantur, priuilegijs, ac indultis quibuscunque concessis non obstantibus quibuscunque. Ita statuitur in Concil. Trident. sess. 23. cap. 13. Vnde nullo modo licet contrarium, etiam rationabili causa subsistente, sine dispensatione Papæ, aut alterius eius auctori.

thoritatem habentis. Miranda in *Man. tomo 1. quest. 38. art. 5.* Quoad minores Ordines sic statuit idem Concilium *sess. 23. c. 11. Minores Ordines ijs, qui saltem latinam linguam intelligant, per temporum interstitia, nisi aliud Episcopo expedire magis videretur, conferantur.* Vnde ad arbitrium Episcopi est illos vna die conferre, vel non. Miranda in *Man. tomo 1. quest. 38. art. 5.*

15 Ordines maiores non possunt conferri etiam Religiosis, nisi seruatis interstitijs, ita scilicet, vt Subdiaconatus non conferatur, nisi seruato interstitio vnus anni ad minus à susceptione postremi gradus Ordinum minorum; nec Diaconatus, nisi post vnum annum à Subdiaconatu; nec Presbyteratus, nisi post vnum etiam annum Diaconatus. Ita statuitur in Conc. Trident. *sess. 23. cap. 11. 13. & 14.* Quamuis autem aliqui putent vt probabile, Prælatos Religionum posse cum suis subditis dispensare in interstitijs supradictis; eò quòd licet prædicta facultas concedatur à Concilio Episcopis; nomine tamen Episcoporum intelligi possunt Prælati habentes iurisdictionem quasi Episcopalem, quales sunt Prælati Religionum, eò præsertim, quia ipsi possunt melius iudicare de necessitate dispensationis. Suarez *tomo 4. de Relig. tract. 8. lib. 2. cap. 12. à num. 21.* Certum tamen credo non posse id facere propter declarationem S. Congregationis, quæ declarauit, quòd Prælati Regulares non possunt dispensare in interstitijs, in litteris dimissorijs, quibus mittunt suos subditos ad suscipiendos Ordines. *Sed dicti Prælati cum mittunt suos subditos ad Ordines suscipiendos, & expedire iudicauerint, ac necesse habuerint, vt cum eisdem in interstitijs dispensetur, in prædictis litteris Dimissorijs humiliter debent exorare Episcopos, vt id faciant.* Passarellus in *suo compend. priuileg. fol. 223.* Miranda in *Man. tomo 1. quest. 38. art. 7.* Quando autem Abbates Regulares ordinant suos subditos in Minoribus ad illos spectat dispensare in interstitijs. Eò quòd accessorium sequitur naturam principalis. Miranda in *Man. tomo 1. quest. 38. art. 7.* Sorbus *verb. Ordines sacri §. quando verò.*

16 Causa quare potest dari huiusmodi dispensatio in interstitijs non est eadem in omnibus Ordinibus, nam ad minores Ordines sufficit, quòd Episcopo videatur magis expediens, vt habetur *sess. 23. cap. 11. & diximus supra num. 14.* Ad Subdiaconatum requiritur *necessitas, aut Ecclesiæ utilitas iudicio Episcopi.* Ex eadem *sessione cap. 11.* Ad Diaconatum non exigitur tanta necessitas, cum Concilium nihil de hoc dicat, sed solum voluntati rationabili Episcopi id relinquat dicta *sess. 23. cap. 13.* Ad Presbyteratum vero maior causa requiritur, scilicet Ecclesiæ utilitas, ac ne-

ac necessitas iudicio Episcopi, vt constat ex eodem Concilio dicta *sessione cap. 14.* Miranda in *Manual. quæst. 38. artic. 8.*

17 Annus interponendus ab vno ad alterum Ordinem Sacrum est Ecclesiasticus, non solaris. Hinc Sacr. Congregatio declarauit, eos, qui ad Subdiaconatus Ordinem quattuor temporibus Quadragesimæ promoti fuerint, posse anno sequenti eisdem quattuor temporibus Quadragesimæ ad Diaconatum promoueri, licet annus naturalis integer tunc lapsus non fuerit, cum futuro anno Paschæ Festum celerius, quàm præterito celebretur. Prosper August. in *addit. ad Quarantam in Summa Bullar. verb. Ordo.*

18 Litteræ dimissoriæ pro Religiosis Ordinandis debent esse suorum Superiorum Regularium. Ratio est, quia quamuis Concilium Tridentin. *sessio. 23. cap. 8.* hoc tribuat Ordinario, nomine tamen Ordinarij in præsentem, quod attinet ad Regulares, intelligi eorum Prælatos, constat, tum ex praxi Ecclesiæ, tum ex ratione, quia cum illi soli habeant notitiam de moribus, & sufficientia Ordinandorum Regularium ad eos videtur necessariò id spectare. Eò præsertim, quia ita dicitur declaratum esse à Sacra Congregatione. Nauarrus *lib. 2. Consili. consil. 22. c. 23.* Henriquez *lib. 7. de Indulgent. cap. 26.* Qualiter etiam, & à quibus debeant examinari, & approbari promouendi ad Sacros Ordines iuxta decreta Clement. VIII. & S. Congregat. sub SS. D. N. Urbano vide *cap. 18. num. 79.*

19 Regulares non possunt modò post Concil. Tridentinum extra tempora Ordinari. Ratio est, quia licet de hoc fuerint varia priuilegia Religionibus concessa, vt patet ex Compendio priuileg. v. *Ordines Sacri;* Concilium tamen Tridentinum *sess. 23. cap. 8.* id prohibet fieri, & consonant Constitutiones Pij Secundi, & Sixti Quinti, & Praxis Ecclesiæ: maximè quia ipsum Concilium *sessio. 25. cap. 22.* præcipit omnia, & singula in suis Decretis contenta obseruari à Regularibus, non obstantibus quibuscunque priuilegijs, &c. Miranda in *Manual. tomo 1. quæst. 38. ar. 4.* Concessio autem quædam Gregorij XIII. facta Religiosis Societatis, vt possint Ordinari extra tempora non videtur communicari alijs Religiosis, quia Pontifex id expressè declarauit. Peirinis *tomo 1. priuileg. Minim. in Constitut. 2. Sixti IV. num. 38.* Vbi etiam tractat, an per posteriores concessionem factas Religiosis vt possint gaudere priuilegijs Societatis, possint uti hoc priuilegio.

20 Si Nouitij Religionum Ordinari volunt (quod fieri possit

M sal.

saltem iure communi dicemus infra *cap. 24. num. 6.*) obseruare debent Decretum Concilij Tridentini *sess. 21. cap. 2.* vbi præcipitur, *ne quis deinceps Clericus secularis quamvis aliis sit idoneis moribus, scientia, & ætate, ad Sacros Ordines promoueatur, nisi prius legitime constet, eum beneficium Ecclesiasticum, quod sibi ad victum honestè sufficiat, pacificè possidere.* Ratio est, quia ita determinauit Pius V. in Bulla, quæ incipit *Romanus Pontifex to. 2. Bullarj, inter Bullas huius Pontificis num. 75.* vbi grauissimis pœnis prohibet Religiosos, siue seculares more Religiosorum viuentes in communi, non professos, ordinari posse, non seruata forma prædicti Decreti Concilij Tridentini. Laurent. de Peirinis *tomo 1. priuileg. Minimor. in Constitut. 2. Sixti IV. §. 11. n. 37. Gauantus in Man. Episcop. verb. Ordo in genere num. 29.*

21. A suspensione, quam incurrunt Regulares suscipiendo Ordines illegitimè, & absque ætate requisita, possunt absolui in foro conscientie à suis Prælatiis, Generalibus scilicet, vel Provincialibus respectiue, tum propter dicenda in *c. 18. de Prælatiis à nu. 36.* tum propter aliqua priuilegia, de quibus Rodriguez *tomo 1. questionum Regul. quest. 20. artic. 14. & artic. 1.* Peirinis *tomo 1. priuileg. Minimor. in Constitution. 1. Iulij II. §. 16. à numer. 31.* Quod idem dico de Irregularitate ab istis commissâ celebrando cum prædicta suspensione, propter eadem fundamenta. Peirinis *ut supra num. 34.* Si autem prædicta suspensio (& idem dico de Irregularitate) sit deducta ad forum exterius; si attendamus ad aliqua priuilegia ex relatis, cum indistinctè loquantur, & fauores sint ampliandi, ut sæpius diximus, verè dicendum esset, posse ab illa absolueri Prælatos Regulares suos subditos. Quia tamen stylus curiæ dicitur esse in contrarium, quòd scilicet semper petatur dispensatio à Papa, vel per Datarium, vel Summum Pœnitentiarium, stylo autem Curie standum sit, cum faciat ius, & præualeat consuetudini, cum tamen de illo constat; ideo aliorum iudicio hoc remitto. Peirinis *ut supra num. 36.* qui tamen *num. 35.* aliquos auctores pro contraria parte refert non fideliter.


22. Excommunicatio, quam solet ponere Episcopus ante Ordinationem contra eos qui ordinantur habentes aliquid impedimentum occultum, afficit omnes etiam Regulares. Quia in illo actu subduntur Episcopo. Nauarrus *capit. 25. numero 72.* Beirinis *tomo 1. Priuileg. Minimor. in Constitut. 1. Iulij II. §. 16. num. 39.* Addens, ab illa, & Irregularitate, quæ incurritur suscipiendo Ordines cum prædicta excommunicatione absolueri posse Prælatos Religionum. Absolutiones etiam, & dispensa-
tio.

tiones, quas solent dare Episcopi Ordinantes Ordinatis ad cautelam profunt etiam Regularibus exemptis . Quia Prælati Regularium concedunt illis licentiam suscipiendi Ordines, consequenter concedunt ea sine quibus Ordines non possunt recipi rectè, ac per consequens etiam facultatem vt ab Episcopis Ordinantibus absoluantur, & dispensentur in Censuris, & Irregularitatibus, saltem dubijs, & occultis. Henrriquez *lib. 10. de Sacram. Ordin. cap. 20. num. 2.* Silvester *verb. Irregular. quest. 9. num. 11.*

23 Simoniam in Ordinis susceptione committens ab Ordinis executione suspenditur *Cap. inquisitionis de accusat. cap. qui studet 1. quest. 1.* Et perpetuò deponitur ab Officio *cap. cum super de Confessis cap. de hoc de Simonia*. Est etiam ipso iure suspensus. *Extrauag. 2. de Simonia cap. tanta de Simonia*. Silvester *verb. suspensio numero 7.* Nauarrus in *Manual. cap. 23. nu. 111.* Item est ipso iure excommunicatus. *Extrauag. 2. de Simonia*. Nauarrus *vt supra*. Suarez 5. *tomo in 3. parte disputatio. 22. session. 5. numero 22.* Incurrit etiam pœnas statutas à Pio V. in *Constitut. cum primum*, & à Sixto V. in *Bulla Sanctum, & Salutare*, quam retulimus supra *num. 5.* Quam quoad hoc punctum de Simoniacè Ordinatis, & Ordinantibus non reduxit ad terminos Iuris communis Clem. VIII. vt ibidem diximus. Alderete *lib. 2. de Relig. discipl. cap. 16. nu. 44. & 45.*

De Obligationibus Religiosorum, quoad electiones faciendas.

C A P. X V.

1 LECTIONES Prælatorum Regularium ad Regulares ipsos spectant, sicut generaliter cuiusvis Congregationis Prælatus instituere ad ipsam Congregationem. *Cap. 1. de Election. & cap. 2. 3. 4. & sequent. 18. questio. 2.* Silvester *verb. electio. 1. quest. 1.* Addens, quòd etiam si in aliquo Collegio non sint nisi duo, aut tres, electio pertinet ad eosdem. Nauarrus *lib. 1. Consil. de Elect. cons. 6.* Vniuscuiusque autem Prælati electio ad Congregationem proportionatam pertinet: ita vt Conuentualis Prælatus ad Conuentum, Provincialis ad Prouinciam, & Generalis ad totum Ordinem; Vt colligitur *ex cap. 1. de Elect. & ex cap. cum dilectus de Consuetud. & 18. q. 2.*

M 2 per

per multa capita, & ferè ex natura rei id sequitur, supposito prudenti, & suavi regimine Religionis. Vnde ita observari debet, nisi iure aliquo positivo, aut consuetudine præscripta oppositum constet. Suarez 4. *tomo de Relig. tract. 8. quæst. 2. cap. 6. nu. 17.*

2 Eligentes Prælatum, vel Superiorem Religionis debent esse, in illa professi. Ita habetur 18. *quæst. 2. & cap. ex eo §. in Ecclesijs de Elect. in 6. & in cap. indemnitatibus.* Et ratio esse potest, quia Novitius non est actu pars, aut membrum Religionis, non ergo debet eligere caput. Sufficit tamen ad hoc professio tacita. Tum quia ita determinasse videtur Bonifacius VIII. in *prædicto cap. ex eo.* Tum quia professio tacita est vera professio, nec quoad adhuc excluditur à iure. Suarez 4. *tomo de Relig. tractat. 8. lib. 2. cap. 4.* Miranda in *Manual. tomo 2. quæst. 23. art. 5.*

3 Conuersi, siue Laici non habent Vocem, & Votum in electionibus Canonicis Prælatorum. Ex *cap. ex eo de Election. lib. 6. §. in Ecclesijs.* Siluester verb. *Electio 1. quæst. 2. dist. 2.* Miranda in *Manual. tomo 2. quæst. 23. artic. 5.* Addens bene, hoc esse de iure communi, secus autem esse posse de consuetudine antiqua Religionis.

4 Hinc eligentes debent esse Clerici, & in Sacris constituti, Prima pars constat ex *dicto cap. ex eo §. in Ecclesijs.* Secunda verò, sicut & prima patet ex *Clement. vt ij qui de atat. & qual. Vbi præcipitur, quòd nullus in Ecclesijs etiam Regularibus vocem habeat in Capitulo, etiamsi hoc sibi ab alijs concedatur, nisi saltem in Subdiaconatus Ordine sit constitutus. Quod est etiam confirmatum à Concil. Trident. sess. 22. cap. 4. dum dicitur: Quicunque in Cathedrali, vel Collegiata, Seculari, vel Regulari Ecclesia Diuinis mancipatus Officijs, & Subdiaconatus Ordine saltem constitutus non sit, vocem in huiusmodi Ecclesijs in Capitulo non habeat, etiam si hoc sibi ab alijs liberè fuerit concessum.* Miranda in *Manual. to. 2. quæst. 23. art. 5.* Suarez 4. *tomo de Relig. tract. 8. lib. 2. cap. 4.* Vnde, quamuis etiam aliquarum Religionum vsus sit, quòd solum seniores, aut ætate prouetiores habeant Votum in electione Prælatorum, congruentius tamen est, vt omnes in Sacris constituti legitimum impedimentum non habentes, dent suffragia, vt colligitur ex iuribus adductis *cap. ex eo & Clement. vt ij Nauarrus lib. 1. Consil. de consuetud. Consil. 2.* Votum autem, seu suffragium datum ab eo, qui non est in Sacris constitutus, non solum illicitum, sed inualidum est; hoc enim videtur inferri ex verbis Conc. Trid. adductis. Suarez *vt Supra num. 8.*

5 Debent præterea electores liberi esse à censura, impedimento Canonico, priuatione vocis, aut inhabilitate ad munus eligendi.

di. Aliàs peccabunt graviter, etiam si talis inhabilitas sit occulta. Suarez 4. *tomo de Relig. tractat. 8. lib. 2. cap. 4.* Hinc excommunicati excommunicatione maiori non possunt eligere *cap. cum inter in fine de Elect. cap. cum dilectus de consuet.* Vnde electio ab illis facta irrita est, & nulla. Cornexo 10. 2. in 3. *par. tract. 5. de Excommunic. disp. 10. §. 5. dub. 1.* ubi multa ad intentum. Excommunicati autem excommunicatione minori bene possunt eligere, *cap. vlt. de cleric. excommunic. ministr.* Deinde suspensi ab officio non possunt esse electores, aut eligere, *cap. cum dilectus de consuet.* Tertiò interdicti, per *cap. cum inter de elect.* Quartò quibus interdictum est eligere sine licentia Superioris, per *cap. fin. de elect.* Quintò qui scienter celebrauerunt in loco interdicto, nisi super hoc sint priuilegiati, *cap. is qui de sent. excommunic. lib. 6.* Sextò omnes irregulares *cap. is qui de sent. excommunic. in 6.* De quibus, & alijs vide Siluestrum *verb. electio 1. quæst. 4.* Miranda in *Man. tomo 2. quæst. 33. art. 8.* & Barbosa de *Canonic. & Dignitat. cap. 41. fere per totum.*

6 Si casus esset, quòd omnes electores essent inhabiles, vno excepto, ad illum solum ius electionis deuoluitur, cum in tali casu representet totum capitulum. Non tamen posset se ipsum eligere. Quia id esset signum euidens ambitionis. Rodriguez 1. *tomo quæst. 53. art. 11.* E contra verò, si omnes electores, vno excepto, habiles essent, inhabilitas illius non reddet irritam electionem, iuxta regulam *utile per inutile* non vitatur, nisi solum quando illum cognitum euidenter, vt inhabilem ad eligendum, voluntariè admiserunt ad electionem, cum possent repellere. Quia tunc censentur consentire voluntariè in defectum electionis. Suarez 4. *tomo de Religion. tractat. 8. lib. 2. cap. 4. num. 9.*

7 Quando est dubium, quòd aliqui ex electoribus sint excommunicati, suspensi, &c. non irritatur electio si admittantur ad illam ab alijs cum protestatione talis dubij. Nam in dubijs fauet possessio. Miranda in *Manu. tomo 1. quæst. 23. art. 11.* Laurentius de Peirinis *tomo 1. de Subdit. quæstione 1. de Obedient. capit. 31. §. 6.*

8 Ad electiones vocandi sunt in primis omnes præsentés, ad quos de iure pertinet eligere. Deinde omnes absentes, qui commodè vocari possunt, ac tandem omnes, qui debent, & volunt, & possunt commodè, & legitimè interesse. Hoc colligitur ex *cap. quia propter de election. & ex cap. coram.* Silvester *verb. electio 1. quæst. 5.* Miranda in *Man. to. 2. quæst. 33. art. 6.* Qui etiam bene addunt, quod si quis electorum legitimorum fuerit contemptus, & ad electionem non vocatus, ad ipsius petitionem electio cassanda est, & cassari debet, nisi liberè consentiat, & velit eam ratam

habere. Non est tamen contra ius commune, quòd aliqui, aut etiam multi ex illis, qui habent ius ad eligendum, non interfint electioni. Quia in *cap. quia propter* adducto expresse dicitur: *Præsentibus omnibus, qui debent, & volunt, & possunt commodè interesse*. Non ergo coguntur omnes interesse. Suarez 4. *tomo de Religion. tract. 8. lib. 2. cap. 5. num. 2.* Infirmorum vota accipi debent, si commodè id fieri potest, & ipsi voluerint. Quia etiam illi censentur præsentés. Azor. *tomo 2. lib. 6. cap. 14. quest. 7.* Assignato autem termino ad eligendum, v. g. die, Pentecostes, vel alio, si aliqui non compareant, possunt qui præsentés sunt ad electionem procedere. Quia non debent perdere suum ius propter aliorum absentiam. Miranda *tomo 2. in Manual. quest. 23. art. 6.* Laurentius de Peirinis *to. 1. de Subdito quest. 1. de Obedient. cap. 31. §. 6.* Addens, hoc etiam esse verum, etsi vnus solus reperiatur in Capitulo. Hoc tamen displicet; quia vno solo præsenté, nec est Capitulum, nec fit propriè electio, quæ fit ex pluribus. Spectanda ergo est decisio auctoritatis Superioris, qui in tali casu, quid faciendum sit decernat.

9. Non est contra ius commune quòd Elector, si fuerit absens, & iusto impedimento detentus, eligere, & instituere possit aliquem in procuratorem, qui habeat votum ipsius in electione faciendâ. Ratio est, quia ita habetur in *capit. quia propter*, quod ius non est derogatum à Concilio Tridentino *sess. 25. cap. 6.* dicente: *Vt in posturum non liceat voces, & suffragia absentium supplere*. Quia mens Concilij solum fuit tollere consuetudinem quorundam Prælatorum, qui vt facerent electiones ad suum beneplacitum, vocem, & votum absentium dabant alijs. De quo extat declaratio Sacr. Congregationis Illustriss. DD. Cardinali. ann. 1570. Passarellus in *compend. priuileg. Minimer.* Rodriguez *tomo 2. questionum Regular. quest. 61. art. 6.* seruanda tamen in hoc sunt consuetudines Religiosorum, & ipsarum Statuta. Siluester *verb. electio 1. quest. 3.* Vide etiam Barbosa *de Canonic. & Dignitatib. cap. 39. à num. 14.*

10. Quamuis iure antiquo requisitum fuerit ad electiones, vt maior, vel sanior pars, conuenerit in aliquem eligendum, post Concilium Trident. tamen sufficit, quòd maior pars concurrat, etiam si non sit sanior. Ratio est, quia eo ipso quod Concilium, præcipit *sess. 25. c. 6. vt eligentium nomina nunquam publicentur*, prohibet disquisitionem, quæ antiquitus fiebat ad sciendum si sanior pars elegerit, nõ enim alio modo id sciri posset, nisi publicatis nominibus eligentium. Miranda 2. *in Man. q. 23. art. 27.* Augustinus Barbosa *de Canonic. & Dignitatib. cap. 38. n. 8.* Vbi etiam

nu. 9. quòd hæc maior pars sumenda sit respectu totius, non respectu aliarum partium. Consonant etiam nostræ Constitutiones *par. 4. cap. 6. nu. 3. & cap. 23. nu. 2.*

11 Electiones factæ per modum scrutinij; quando scilicet assumuntur tres de Collegio fide digni, qui secretè, & sigillatim vota cunctorum diligenter exquirant; & per modum compromissi; quando scilicet committitur aliquibus viris idoneis facultas eligendi nomine omnium aliorum; & per modum inspirationis, quando scilicet omnes electores, Deo inspirante, in vnum eligendum conspirant absq; vlla malitia, sunt iure communi licitæ. *Ex c. quia propter de elect.* Quod non est derogatum à Conc. Trid. *sess. 25. c. 6.* Et si enim ibi præcipiatur, quòd in electionibus Superiorum, & personarum Regularium seruetur secretum, itaut singulorum eligentium nomina nunquam publicentur, tamen ibi solum loquitur Conciliū de electionibus factis per modum scrutinij. *Rodrig. 1. to. Summ. c. 102. de elect. nu. 2. Miranda 2. to. in Man. q. 23. art. 3.* In electionibus per scrutiniū scrutatores debent esse adminis tres de Collegio, & fide digni, quia ita habetur *in d. cap. quia propter.* *Miranda vt supra ar. 15. Suarez 4. to. de Relig. tract. 8. l. 2. c. 5.* Similiter in electionibus per cōpromissum obseruari debet, quòd prædictum compromissum fiat ab omnibus habētibus vocem in Capitulo, nemine discrepante. Quia eo ipso, quòd est in potestate eligentium vno, vel alio modo electionum, vti, nullus potest cogi ad specialem modum electionis, nisi id velit, ac proinde si electio fit per modum compromissi, si omnes non compromittant, non erit valida. *Siluest. verb. electio secūdo q. 11. Miranda vt sup. art. 34.* In casu autem quòd omnes electores compromittant se in vno de Capitulo, valebit electio ab ipso facta, etiam si se ipsum elegerit, dummodo capax sit, nec exclusus ab Electoribus. *Rodrig. 2. to. q. 53. 12.* In electionibus per modum communis inspirationis requiritur etiam, quòd omnes simul congregati in istam viam eligendi vltro conueniant, & in vnam personam eligendam, absq; aliquo vitio Simonie, vel contractus. Aliàs enim non crederetur talis electio facta Deo inspirante, prout requiritur in prædicto cap. *quia propter.* *Siluest. verb. electio 3. nu. 1. Miranda vt supra ar. 42.* His verò non obstantibus omnes Religiones obseruare debent modum electionis sibi per sua Statuta, vel laudabiles cōsuetudines præscriptum, qui regulariter est per scrutinium secretum.

12 Electores cuiuscunq; electionis tenentur eligere digniores sub reatu peccati mortalis. Id enim exigit æquitas iustitiæ. *S. Th. 2. 2. q. 63. ar. 2. Sotus 3. de Iust. quest. 6. art. 2. conclus. 9.* Imò id se facturos debent iurare, vt cōstabit ex Decretis Summorum Ponti-

ficum inferius adducendis. Ad hoc autem quod in foro exteriori cenſeatur valida electio, ſufficit, ut eligatur dignus. Alias omnes electiones calumniari poſſent. Silueſt. *verb. electio* 1. q. 16. *Sot. 3. de Iuſt. & Iur. q. 6. ar. 2. concl. 8.* Huiusmodi autem maior, vel minor dignitas in ordine ad electionem non ſolum eſt attendenda ſecundum bonitatem ſimpliciter perſonæ electæ, ſed etiam ſecundum alias circumſtantias neceſſarias ad officiũ ad quod eligitur. S. Antonin. 3. *part. Sot. 3. de Iuſtit. & Iure q. 6. ar. 2. & 4.* Vnde inferitur quod peccat minus dignus, etiam mortaliter, concurrendo cum maniſeſto digniori, etiam ſi id faciat non ut ei preponatur, ſed ut ex conſurſu cum eo reportet aliquem honorem. Quia petit id quod alteri eſt debitum. Nauarr. *Miſcellan. 40. de Orat. à num. 10. Peirin. to. 1. de Subdito q. 1. de obedient. c. 31. §. 4.*

13 Ex decreto Clementis VIII. approbato, & innouato à Sacra Congreg. Concilij iuſſu S. D. N. Urbani VIII. in Decretis de Apoſtatis, & eiectis, ſic præcipitur omnibus cuiuſcunque Ord. Regularibus. *In Superiorum, & Officialium omnium electionibus forma præſcripta à S. Conc. Trid. & Ordinis conſtitutionibus inuiolabiliter ſeruetur, iurentq; Electores ſecundum veritatem cuiuſq; conſcientiæ probiores, ac magis idoneos ſe electuros, ac propterea priuſquam ad electionem deueniatur, in primis, & ante omnia prælegantur Conſtitutiones de qualitate, & requiſitis eligendorum. Ad officia gradus, & prælaturas illi præcipue eligantur, qui poſſint, & cõſueuerint Regulas Ordinis, & Conſtitutiones obſeruare, præſertim qua pertinent ad ſeruitium Chori, ac veſtitum, & victum communem.* Hæc præcipiunt Pontifices in gratiam, & intuitu vitæ communis, quam maxime cõmendatam eſſe volũt Regularibus. Vide pro ea c. 6. n. 60.

14 Scientes eligẽtes indignum non ſolum peccant mortaliter, cum in re graui peccent cõtra iuſtitiam ad minus diſtributiuam (*Sot. lib. 3. de Iuſt. q. 6. nu. 2. concl. 7.*) ſed, & participes ſunt omniũ peccatorum commiſſorum à Prælato indigno electo. Rodrig. *to. 2. quæſt. Regul. q. 52. art. 5.* Imò etiam incidunt in cenſuram ſuſpenſionis contra illos latam in Iure *cap. Cum in cunctis §. ſin. de elect.* Nauarr. *in cap. Sacerdos de Pœnit. diſt. 6.* & quamuis ipſe dicat hanc cenſuram incurri etiam ab illis, qui eligunt eum, quem ſola Confeſſione ſacramentali nouerunt indignum; meritò tamen in hoc reprehenditur, quia ſine dubio uti ſcientia Confeſſionis, etiam in ſecretis electionibus, eſt contra ſigillum Sacramenti, & in maximum ipſius detrimentum. Cum propterea retraherentur aliqui Religioſi à confeſſione ſuorum delictorum. Quare dicendum eſt, ſolum incurri hanc cẽſuram ab illis, qui eligunt indignum, quem ſciunt eſſe talem alia ſcientia; quàm, quæ habetur per Confeſſionem

nem

nem Sacramentalem . Rodriguez *to. 2. quæst. Regul. quæst. 53. art. 4.* In nullo quoque casu licet eligere indignū, etiam casu dato, quod omnes, qui sunt de corpore Capituli, & ex quibus fieri debet electio sint indigni; tunc enim debet eligi vnus ex extraneis . Sotus *lib. 3. de Iust. quæst. 6. art. 2.* Rodriguez *2. to. q. 51. ar. 11.* Neque etiā in casu, quod omnes electores vellent eligere indignum, possum ego, qui inter illos sum, & certò scio me nihil profecturum per denegationem suffragij, alijs me conformare. Vasquez *opuscul. de benef. cap. 2. §. 3. dub. 3.* Secus verò quādo electores omnes vellent eligere minus dignum, relicto digniori, possum enim tunc pro bono pacis conseruando me illis cōformari. Bañez *2. 2. q. 63. ar. 2. dub. 3. conclus. 3.* Insuper, qui eligit indignum, & inde aliquod malum subsequitur Religioni tenetur illud recompensare eo modo quo fieri possit . Hoc enim exigit æquitas iustitiæ, propter iniuriam illatam. Sot. *3. de Iust. & Iur. q. 6. art. 2.* Nauarr. *in Man. cap. 17. nu. 72. & 73. & lib. 5. Consil. de Simonia consil. 8. nu. 1. & 2. 15* Qui eligit peccatorem publicum, & famosum, peccat omninò mortaliter, iuxta illud Pauli ad Titum, *oportet Episcopum sine crimine esse*: præsertim quia præbet alijs causam offensionis . Nauarr. *Miscellanea 34. de Orat. num. 4.* Azor. *tomo 2. Instit. Moral. lib. 6. cap. 14. quæst. 10.* Eligens verò peccatorem occultum alijs cæteris digniore in Prælato Religiosorum, non peccat mortaliter, nisi credat eum habere animum permanendi in peccato . Quia talis occultus peccator, secluso prædicto malo animo, non est in scandalum alijs, & potest illis esse utilis . Bañez *2. 2. q. 63. art. 2. dub. 1.* In casu verò vbi agitur de aliquo eligendo in Prælatam, quem ego scio fore perniciosum Communitati, quia malæ vitæ, & conscientiæ est, teneor eius delicta reuelare, etiam si occulta sint . Nam bono Communitatis consulere strictiori iuri naturali astringor, quàm secretum seruare . Si verò non est futurus perniciosus Communitati, sed vni, vel aliquibus particulatibus in rebus non magni momenti, tunc secretum seruare teneor, quia illius obseruatio est de Iure naturali, quod propter bonum huiusmodi particulare aliorum non est omittendum. Rodriguez *tomo 2. quæst. Regul. quæst. 53. art. 3.* Laurentius de Peirinis *tomo 1. de Subdit. quæst. 1. de Obedien. cap. 3. §. 3. post 3. conclus.*

16 Vota, & suffragia in electionibus debent esse absoluta, non conditionata, ita vt si sub conditione dentur, nihil valeant, debeantque haberi pro non adiectis . Ratio est, quia aliàs redderetur electio incerta, & dubia . Siluester *verbo. electio secundò q. 3.* Similiter debent esse certa, & determinata non incerta, vt si aliquis diceret, Eligo illum, quem Petrus voluerit, nec indeter-

determinata, ut si aliquis diceret, eligo Petrum, vel Ioannem. Propter eandem rationem S. Antoninus 3. par. tit. 19. cap. 2. §. 3. Laurentius de Peirinis 10. 1. de Subdit. q. 1. de obed. c. 31. §. 6. Vnde prædicta vota non debent computari inter alia, ut dicemus inferius de schedula alba. nu. 18.

17 Debet etiam electio Canonica fieri *per vota secreta, ita ut singulorum eligentium nomina numquam publicentur*. Ita decernitur in Concil. Trident. sess. 25. c. 6. Vnde ipsi etiam suffragatores astringuntur hoc præcepto nunquam publicandi sua vota, ita ut oppositum facientes peccent. Suarez 1. 4. de Relig. tract. 8. l. 2. c. 5. n. 12. Si tamen aliquis in secreto suum votum alij detegeret, licet peccaret contra præceptum à Conc. Trid. traditum, non tamen ideo redderetur nulla, aut irrita electio. Eò quòd defectus particularis vnus de Capitulo, non debet toti Capitulo nocere, & quia aliàs situm esset in potestate cuiuslibet, electionem quantumvis legitimam, vitare. Nauarr. 1. 1. consil. tit. de elect. cons. 9. Rodriguez 2. 10. q. 51. art. 9. Si verò, vel vnus electorum publicè manifestat suum votum, permittente Capitulo, electionem irritat. Quia iam talis electio est simpliciter publica. Rodriguez in summ. c. 102. n. 4. Laurentius de Peirinis, ut sup. §. 8.

18 Non irritatur electio aliqua, eò quòd aliquis ex electoribus miserit in vnam schedulam albam, in qua nullus eligeretur. Ratio est, quia per illud factum solum elicitur sic facientem renunciasse iuri suo, nec voluisse habere vocem actiuam in tali electione, quod non potest derogare electioni aliàs licitæ. Nauarr. de elect. cons. 7. Rodriguez 10. 2. quæst. 51. art. 13. Vnde hoc fieri consulerem, in casu, quo aliquis crederet electionem non fieri canonicè, aut omnes eligendos esse inhabiles. In tali autem casu tale votum computandum non est cum alijs.

19 Electio canonica facienda est in loco Sacro, nempe in Ecclesia, vel Capitulo, aut alio simili loco honesto. Siluest. verb. elect. 1. q. 8. Tenentur etiam Electores intra tres menses eligere, legitimo non obstante impedimento, alioquin deuoluitur electio ad Superiorem proximum. Ita habetur in cap. Ne pro defectu. de elect. Siluest. verb. elect. 1. q. 6. Quamuis etiam ex rigore iuris electiones canonicæ non possint fieri de nocte, ex cap. Quia propter, & ex cap. Siquis dist. 79. Nauarr. 1. consil. de elect. cons. 8. num. 2. In casu tamen necessitatis, præsertim si consuetudine aliqua id obrentum sit, possunt de nocte fieri. Miranda in Man. 10. 2. q. 23. art. 12.

20 Omnes vnanimiter de Capitulo, nemine discrepante, possunt admittere extraneum ad eligendum vnà cum eis, saltem in

vi Iuris communis. Ratio est, quia sicut possunt totam potestatem eligendi in compromissarios transferre, iuxta dicta sup. nu. 11. ita etiam poterunt communicare alijs, vt cum eis coeligant. Nauarr. lib. 5. *consil. de simon. conf. 9.* vide tamen dicta supra nu. 4. ex decreto Concil. Trident. Adminus tamen Notarius, Tabellio, seu Scriba, non est necesse de iure communi, quod sit de corpore Capituli, sed potest esse extraneus, & etiam laicus. Cum nullum ius de hoc extet, & solum sit hoc nudum ministerium. Laurent. de Peirinis to. 1. de *subdit. q. 1. de obed. c. 31. §. 8.*

21. Debent electiones esse omnino liberæ, ita vt aliter factæ sint ipso iure nullæ, ex cap. *ubi periculum. §. ceterum. de elect. in 6.* Vnde omnis electio per metum, etiam reuerentialem, facit electionem saltem in foro conscientie irritam. Nauarr. cap. 17. num. 29. & c. 22. n. 5. 1. & lib. 1. *consil. & election. conf. 5.* Non est tamen contra libertatem electionis, quod electores coarctentur ad eligendum aliquod genus personarum, v.g. Magistrorum, Diffinitorum, talis nationis, &c. Id enim habet communis consuetudo, & aliquando est necessarium. Nauarr. l. 1. *conf. tit. de const. conf. 7.* Quando verò coarctatio sit non ad certum genus personarum, sed ad certas aliquas, & determinatas personas, tres scilicet, vel quatuor, multi dicunt esse contra libertatem electionis, & illam irritare, ex cap. *cum terra. Rodriguez 1. t. q. 51. ar. 11.* Miranda in *Man. to. 2. q. 23. ar. 22.* Cum tamen videam apud aliquos hanc esse consuetudinem, illam reprobare non audeo, maximè si Superiores facientes talem coarctationem nominent, & designent per ipsam solum digniores. Quia cum electio solum de illis fieri debeat secundum ius, & rationem, si ipsi soli nominentur, alijs exclusis, nec istis fiet iniuria, nec electio debita libertate priuabitur. Aliorum tamen iudicio id relinquo.

22. Suffragium semel datum potest reuocari, si non sit publicatum, aut cum alijs permixtum. Colligitur à contrario ex cap. *publicat. scrutin. de election.* Miranda in *Man. to. 2. qu. 23. num. 24.* Non est autem causa sufficiens huius mutationis, quod vnus electorum dicat, se de nouo sciuisse vitium, vel defectum persone electæ; aliàs posset quilibet ex malitia, electiones omnes inquirere, vel prolongare. Laurentius de Peirinis to. 1. de *Subdito. q. 1. de obedient. c. 31. §. 6.*

23. Religiosus Canonicè electus ad aliquod Officium multò melius facit assentiendo, quàm dissentiendo regulariter loquendo. Quia cò ipso, quod est Canonicè electus, debet credere electionem esse iuxta voluntatem Dei. Si tamen indignum se, & insufficientem reputet, renunciare potest electioni, non tamen per-

pertinaciter . Ita D. Thomas *Quodlib. 5. art. 23.* ex mente Sancti Gregorij Papæ in *Pastorali* . Si verò per obedientiam cogitur , aut secundum dictamen suæ conscientiæ credit quis , quòd si non acceptat electionem , dispendium aliquod Religioni , vel Conuentui immineat , tenetur acceptare . Rodriguez *tom. 2. quæst. 55. art. 1.* Etiam si credat futurum , vt sæpius peccet , dummodò id non intendat , & procuret placere semper Deo . Valentia *tomo 3. disp. 10. quæst. 3. punct. 3. assert. 6.*

24 Ex Clemente Octauo in Décretis pro Reformatione Regularium approbatis à Sacra Congregatione iussu S. D. N. Urbani Octauo sic habetur contra Religiosos ambitiosè pro se , vel pro alijs vota , vel suffragia procurantes . *Vt omnis Officiorum ambitus occasio præcludatur , caueant omnes à directâ , vel indirectâ vocum , seu suffragiorum procuracione , tam pro se ipsis , quàm pro alijs , tum in Capitulis locorum , tum in cæteris , præsertim Generalibus Capitulis , aut Congregationibus , seu alibi . Quicumque secus fecerint , præter alias pœnas , & censuras hactenus contra huiusmodi ambientes inflictas , quas in suo robore permanere volumus , in pœnam priuationis officiorum , quæ obtinent , eo ipso incidant , & ad futura quacumque pariter inhabiles habeantur , super quo cum eis dispensari à nemine possit , nisi à Nobis , vel Successoribus nostris , & pro qualitate culparum grauius etiam plectantur . Porro supradictas omnes pœnas ad complices , ac simpliciter scientes , & non reuelantes extendimus .* Per hæc tamen non tollitur quominus electores possint procurare , quòd dignitates dentur dignis , & indigni excludantur . Quia Pontifex solùm intendit prohibere *Officiorum ambitus* , vt patet in primis verbis huius Decreti . Nauar. *lib. 5. Consil. de Excomm. consil. 20. num. 6.* Peirinis *tomo 1. de Subdito quæst. 2. de paupertate c. 2. §. 11.* Nec etiam tollitur per hoc Decretum , quòd iidem electores possint secum de qualitatibus eligendorum tractare , etiam vitia manifestando , virtutesvè ostendendo , seruata tamen iustitia , charitate , & veritate & cum recta intentione , scilicet , quòd dignior cæteris præferatur . Tum quia hoc est conforme Iuri naturali , vsus omnium etiam piorum , & necessarium , vt electores nouerint virtutes , & vitia eligendorum . Rodriguez *tomo 2. quæstionum Regular. quæst. 56. art. 1.* Neque hoc prohibent Summi Pontifices , & aliquarum Religionum Constitutiones pœnas taxantes contra subornatores in electionibus , intelligi enim solùm debent contra illos , qui precibus , vel donis suadent alijs , vt dent vocem quibusdam , ob finem prauum , vel iniustè , mentiendo vitia , vel virtutes eligendorum . Rodrig. *tom. 2. q. 56. art. 1.*

25 Non possunt eligi in Prælatos Religionum nisi expressè in illa professi. Ita Siluester v. *Electio* 1. *quæst.* 13. Vide dicenda, *cap.* 18. *num.* 5. Sunt etiam incapaces ut eligantur, primò infames, seu notoriè prauī. Quia hoc est valde indecens, & repugnans tali munerī. Suarez 4. *10. de Relig. tract.* 8. *lib.* 2. *cap.* 3. *num.* 28. Secundò excommunicati excommunicatione maiori. Excommunicati enim excommunicatione minori electio non est ipso facto nulla, sed potest annullari. Tertiò suspensi, vel interdicti, aut qui interdictum non seruauerunt. Quartò, qui non fuerint legitimè nati (iuxta dicenda in hoc *cap.* *num.* 38. & *cap.* 18. *num.* 7.) aut debita ætatis, vel sufficientis litteraturæ. Quintò irregulares; cum enim irregularitas sit inhabilitas quædam ad Ordines, & munus Prælati requirit Ordines, ideo consequenter est impedimentum ad Ecclesiasticam prælationem. Suarez *ut supra num.* 24. Esse, verò aliquem discendentem ex radice infecta macula Hæresis, Apostasie, vel Iudaismi, aut alterius sectæ damnatæ, non est impedimentum, ex vi iuris communis, ad Prælaturas. Suarez *ut supra num.* 28. Sextò, qui semel propter vitium personæ fuerunt reprobati. *Cap. sup. 10. de Elect.* Laurentius de Peirinis *tomo* 1. *de subdito quæst.* 1. *de Obedient.* c. 31. Accusati verò de aliquo delicto, nec infamati, non sunt incapaces electionis. Aliàs esset in potestate vnus maleuoli meritissimos viros à dignitatibus excludere. Nauarrus *lib.* 5. *Consil. de accusat. conf.* 6. Licet oppositum videatur haberi ex *cap. Omnipotens Deus, extra de accusat.* Franciscus Aretin. in *prætic. crimin. cap.* 2. *de examin. Rei.* Pro his, & alijs Siluester. v. *Electio* 1. *quæst.* 14. Miranda in *Manuali Prælat. q.* 33. *art.* 11.

26 Non obstantibus Constitutionibus aliquarum Religionum, quibus cauetur ne aliquis assumatur ad aliquod Officiū, nisi post determinatum tempus, v. g. triennium, vel sexennium, si pauci dies defecerint, v. g. viginti, aut viginti quinque, poterit nihilominus eligi ad tale Officiū. Ratio est, quia paruum istud tempus pronullo reputatur. Nauarr. *lib.* 1. *Consil. de etat. & qual. conf.* 7. Rodriguez 2. *tomo questionum Regul. quæst.* 52. *art.* 12.

27 Procurantes officia in Religionibus medijs fauoribus secularium, aut aliorum extra Religionem, incidunt in censuras, & pœnas assignatas à nobis *supra cap.* 10. *num.* 17. Si verò contingeret, quòd Religiosus impetrasset à seculari aliquo, vel extraneo litteras fauorabiles pro consequendis Officijs, vel dignitatibus, &c. in Religione, postea verò pœnitentia ductus, vel alio motino illas non dedisset, vel ipsæ interceptæ essent, ita ut ad manus Prælatorum non venissent, non incurreret prædictas pœnas,

nas, aut censuras. Cum tales litteræ effectum suum sortitæ non fuissent. Nauarrus *lib. 3. Consil. de Sent. excomm. consil. 19. num. 2.* Peirinis *tomo 1. de Subdito quest. 2. de paupert. cap. 2. §. 10.*

28 Religiosi simoniam comitunt in electionibus, si dant temporale aliquod munus, vel à manu, vel à lingua, vel ab obsequio pro consequendis Dignitatibus Ecclesiasticis v. g. Abbatia, Prioratu, Prouincialatu, Generalatu, Vicariatu, Diffinitoriatu, seu etiam licentia confessiones audiendi, prædicandi, Ordines recipiendi, seu à casibus reservatis absoluendi, &c. Ratio est, tum ex cap. non satis, & in cap. mandato de Simonia, & in cap. 2. §. Prioratus de Stat. Monach. & ex cap. quam pio 1. quest. 2. Tum etiam, quia semper dare liquid temporale pro spiritali simoniacum est. Suarez *tomo 1. de Relig. lib. 4. cap. 54. num. 3.* Laurentius de Peirinis *tomo 1. de Subdito quest. 1. de obed. cap. 31. §. 9.* Qui etiam extendunt hoc ad illos, qui dant aliquod ex prædictis muneribus pro consequendo officio Sacristæ, vel Procuratoris Ordinis. Habetur hoc expressè in cap. Saluator 1. quest. 2. Bonacina de Simonia *q. 5. num. 7.* Similiter dans pecuniam, seu aliquid ex assignatis pro obtinenda voce, seu suffragio alterius in electionibus committit Simoniam. Quia est datio rei temporalis pro spiritali. Peirinis *ut supra.* Similiter si pro suffragio ferendo beneficium aliquod, vel res spiritalis promittatur, electio secuta est Simoniacæ. Propter eandem rationem. Azor. *tomo 3. Instit. Moral. lib. 12. cap. 7. quest. 1.* Præterea si alius dedit pecuniam, sciente illo cui officium procurabatur, & non contradicente, electio est Simoniacæ, propter eandem rationem, secus si contradixit, & repugnauit. Suarez *tomo 1. de Relig. lib. 4. cap. 57. à num. 28.*

29 Similiter committunt Simoniam Religiosi in electionibus, si conuentionem, vel pactum faciant, quod vnus suffragetur vni in vna electione, & alter suffragabitur in alia. Vt si dicant, si dederis mihi, vel alij tuum votum, ego dabo tibi meum, vel amico tuo. Ratio est, quia huiusmodi pactiones semper continent labem simoniacam, cum sit datio rei spiritalis, pro alia re spiritali, vel onere ad illam: vt habetur ex cap. Quam pio 1. quest. 2. & cap. cum pridem, & cap. pactiones de pactis, & cap. præterea 1. de transactionibus, & cap. tua nos de Simonia, & cap. questum de rerum permutatione. Nauarrus in Summa *cap. 23. num. 10.* Reginaldus in Praxi *lib. 23. num. 244.* Vnde electionibus Regularium maximè cauendum est Religiosis, ne in simile barathrum perditionis, animas miserè illaqueando, cadere permittant.

30 Præterea in electionibus Regularium Simonia committitur,

tur, si aliquis priuatus iure eligendi det aliquod munus alteri ne accusetur. Quia simonia non solum committitur dando temporale pro spiritali, sed etiam pro commissione rei spiritalis. Graffis 1. p. decif. l. 2. c. 96. num. 52. Laurentius de Peirinis tom. 1. de Subdito. q. 1. de Obedien. cap. 31. §. 9. Addens bene, & propter eandem rationem, etiam esse simoniacum qui dat pecuniam alteri, ne consentiat in aliqua electione, seu ne suffragetur alicui digno, aut ne repugnet iuste alicui electioni. Azor to. 3. Infit. Mor. l. 12. c. 7. q. 1. Vnde si duo essent electi in aliquod officium, non posset eorum alter dare alij pecuniam, vel promittere, aut dare illi aliquod officium, vt desistat à lite, quam iuste prosequi poterat, absque labe simoniæ; propter eandem rationem. Laurentius de Peirinis, vt supra.

31 Licitum tamen est, nec simoniacum, offerre pecuniam, vel aliquod munus, non solum, vt non eligatur indignus, sed etiam vt eligatur dignus in communi, in casu quo Electores essent determinati eligere indignum. Augustin. Barbosa de offic. Paroch. c. 2. n. 107. Ratio est, quia hoc non est dare pecuniam, vel munus temporale pro re spiritali; sed redimere vexationem, quæ fit Monasterio, vel Religioni, si illi præficiatur indignus. Sotus 9. de Iust. quæst. 6. ar. 1. ad 2. Valentia tom. 3. disp. 6. quæst. 16. punct. 3. vtr. 4. sequitur. Nec etiam committitur simonia tradendo pecuniam subornanti, qui pecunia, vel importunis precibus corrumpit Electores, ne me eligant. Non enim datur pecunia, vt me eligant, sed ne mihi damnum inferatur, aut ne corrumpantur Electores. Lessius l. 2. c. 35. dub. 18. num. 108. Bonacina de Simon. q. 6. punct. 5. num. 6. Idem dicitur, si aliqui Electores iniuste electionem impedirent, ne fieret: posset enim illis pecunia offerri in redemptionem vexationis, quam patitur Ecclesia non habens pastorem. Suarez tom. 1. de Relig. l. 4. c. 30. Lessius 2. de Iust. c. 35. dub. 19. Similiter non est simonia dare pecuniam, vel aliquod munus, vt restituatur officium illi, qui iniuste fuit ipso priuatus, vel vt non infametur iniuste aliquis Electorum, aut illi inferatur aliqua iniuria. Quia hoc solum est redimere vexationem. Laurentius de Peirinis tom. 1. de Subdito quæst. 1. de Obedient. c. 31. §. 9. Addens hoc esse verum solum quando cui datur pecunia non habet votum in electione, quia si illud habet, iam pecunia consequenter daretur pro voto.

32 De permutationibus, aut commutationibus Officiorum, Ordinis, dicendum est sicut de permutationibus, aut commutationibus Beneficiorum Ecclesiasticorum, quod scilicet tales permutationes, aut commutationes non sunt simoniacæ stando in iure

iure diuino, benè tamen iure Ecclesiastico, nisi fiant autoritate Superioris. Ratio totius conclusionis est, quia quamuis huiusmodi officia non sint propriè Beneficia Ecclesiastica, cum non habeant adiunctam vtilitatem reddituum Ecclesiasticorum, sunt tamen quasi Beneficia, & res spirituales, importantes scilicet spirituales iurisdictionem in subditos; vnde eodem modo, ac de Beneficijs, de illis philosophandum est. Ratio etiam primæ partis est, quia stando in solo iure diuino, simonia solum committitur dando temporale pro spirituali, non verò commutando spirituale pro spirituali. S. Thomas in cap. 10. *Matth. & in 4. d. 25. quæst. 3. artic. 3. ad 8.* Ratio secundæ sumitur ex cap. *quasitum cum olim, de rer. permut. c. Maioribus de præb. c. ult. de pactis.* vbi huiusmodi commutationes prohibentur. Ratio verò terciæ partis est decisio cap. *cum vniuersorum de rer. permut.* vbi autoritas Superioris ad huiusmodi commutationes exigitur. Pro his autem à simili de Beneficiorum commutationibus, & alijs concernentibus. Vide Suarez de Relig. l. 1. l. 4. de simonia. c. 30. 31. & 32. 33. Circa pœnas simoniacorum dicendum est, quòd omnis electio, prouisio, nominatio, & confirmatio simoniacè facta, est ipso iure nulla ante omnem iudicis sententiam, etiam declaratoriã, nullumque ius, vel effectum confert; & qui sic electus est, tenetur in conscientia Prælaturam renunciare, nec ante renunciationem potest absolui. Ratio est, quia ita deciditur in Extrauag. *Cum detestabile, qua est 2. de simonia.* Suarez tom. 1. de Relig. l. 4. c. 57. Lessius 2. de Iust. c. 35. dub. 25. Et hoc, etiam si simonia sit occulta, vt habetur ex eadem Extrauag. & ex cap. *Matthæus. de simonia.* Suarez vt sup. n. 27. Hoc etiam, siue simonia sit commissã ab eodem, qui dignitatem obtinuit, siue ab alijs, ipso etiam nesciente, facta tamen in fanorem ipsius: vt habetur in cap. *nobis, & c. sicut tuis, de simonia.* Suarez, vt sup. num. 35. Laurentius de Peirinis to. 1. de Subdito. q. 1. de obediencia. c. 31. Secus verò dicendum est, si pecunia sit data ab inimico in odium eligendi. Iidem Authores. Deinde, qui recipit simoniacè Ecclesiasticam dignitatem, licet non sit priuatus ipso facto alijs dignitatibus ritè acquisitis, sed expectanda sit iudicis sententia condemnatoria, cum id nullo iure habeatur, est tamen inhabilis ipso iure ad eam, & quasunque alias dignitates obtinendas, propter Bullam Pij V. *Cum primum.* tom. 2. Bullarij. Azor tom. 3. in sit. moral. l. 12. c. 21. Peirinis vt sup. Præterea per simoniam incursum in Officijs Religionum, quæ sunt Officia Ecclesiastica, & quasi Beneficia, vel illis similia, vt sunt Prioratus, Prouincialatus, Generalatus, &c. incurritur excommunicatio maior Papæ reservata. Per Extrauagan. Pauli II. con-

confirmatam à Pio V. in Bulla adducta. Rodriguez *tom. 1. quæst. Regul. q. 20. ar. 13.* Suarez *loco citato c. 57. num. 47.* Aliqui tamen hoc negant: eò quòd ista officia non veniunt nomine beneficij, propter dicta *m. 32.* Nauarrus in *Man. c. 23. num. 111.* Azor, *visu. pra.* Est etiã contra obtinentes dignitates per simoniam in iure posita pœna infamiz. Ex *cap. sanè 15. quæst. 3. & cap. si quis præbendas 1. quæst. 3.* Azor *tom. 3. Institutionum Moral. lib. 12. cap. 21. quæst. 7.* Laurentius de Peirinis *tom. 1. de Subdito. quæst. 1. de Obed. cap. 31. §. 9.* Aduertens hanc pœnam non incurri ipso facto, sed per solam iudicis condemnationem. An verò possint Prælati Regulares absolvere suos subditos à pœnis contractis ob simoniam, constabit ex dicendis *cap. 18. nu. 39.* Vide Rodriguez *tom. 1. quæst. Regul. quæst. 20. art. 13.* Suarez *tom. 1. de Relig. lib. 4. cap. ult. num. 4.* Solum est aduertendum, quòd, qui fictam, & deceptoriam simoniam committunt, (v. g. si quis promittat temporale pro spiritali sine animo adimplendi promissum) cum non sint verè simoniaci, non sunt dictis pœnis obnoxij. Sotus *lib. 9. de Iust. & Iur. q. 8. ar. 1.* Aragon. *2. 2. q. 100. ar. 6. dub. 1. concl. 3.* Pro pœnis autem, quas incurrunt mediatores simoniacæ electionis, vide Azor *tom. 3. Instit. Moral. lib. 12. cap. 24. q. 1.* Nauarr. *lib. 5. consil. de Simon. consil. 98.*

34 Præsidentes electionibus Regularium debent iuxta Instituta suarum Religionum procedere. Non possunt autem priuare Religiosos Capitulares voce actiua, vel passiuæ, sine eo, quòd prius citentur, ipsisque detur copia eorum, quæ contra ipsos sunt fulminata, vt possint se defendere. Quia nemo potest condemnari inauditus, & defensiones sunt de Iure naturali. Rodriguez *tom. 2. q. Regul. q. 51. a. 11.* Miranda *tom. 2. Manualis q. 23. a. 22.* Quod adeò verum est, vt etiam si dicatur in commissione Præsidentium, vt possint priuare Religiosos Capitulares voce actiua, vel passiuæ, non possint id facere, nisi modo dicto. Quia tales commissiones semper debent intelligi seruato iuris ordine. Laurentius de Peirinis *tom. 1. de Subdito. q. 1. de obed. cap. 31. §. 10.* Vnde Patres Capitulares, Præsidentibus non procedentibus iuris ordine seruato, non tenentur obedire. Rodriguez, & Peirinus citat. Qui etiam adiungunt, quod si maior pars Capituli nolit Præsidenti obedire, propter eius iniustitiam in procedendo, potest ad electionem procedere sine ipso.

35 In quacunque electione necessaria est confirmatio Superioris: ex *c. auaritia. de elect. l. 6.* Siluester *verb. confirmatio.* Suarez *to. 4. de Relig. tract. 8. l. 2. c. 5.* Generales tamen plurium Religionum ex multis priuilegijs illis concessis, eo ipso, quòd sunt electi,

sunt à Sede Apostolica confirmati. Vide Sixtum IV. in Bulla *Dum attenta*. quæ est in Speculo Ordinis f. 87. Vnde in Constitutionibus Carmelitarum par. 2. c. 1. sic dicitur de Generali: *Cuius electio cum suo solo consensu est confirmatio eo facto, ut in privilegio Summarum Pontificum expressè continetur*. Calarrubius in Comp. v. *electio*. §. 3. Si autem electio est legitima, non potest Superior non confirmare illam, imo peccabit graviter aliter faciendo. Quia canonicè electus habet ius ut confirmetur.

36. Electio omnis confirmanda est à proximo Superiore; Quia ita habetur expressè *cap. nihil*. §. *ceterum*. de *Elect.* D. Antonin. 3. par. tit. 19. cap. 4. Ante confirmationem electo per electionem solum acquiritur ius ad Prælatiam, non autem exercitium. Nauarr. *comm. 2. de Regul. num. 65*. Ad confirmatorem pertinet examinare personas, tam eligentium, quàm electi, & formam electionis, etiã si nihil electo obijciatur. Nauarr. *lib. 1. Consil. de elect. conf. 2. nu. 1*. Non licet confirmatori confirmare electum indignum. Quia cum non sit idoneus tali officio, confirmatio redundaret in graue damnum Ecclesiæ. Ledesma 2. par. *summa tract. 7. c. 2*. Peirinis *tom. 1. de Subdit. q. 1. de obed. c. 31. §. 11*. Licet autem illi confirmare dignum, quem Electores elegerunt, relicto digniori. Tum quia eo ipso quod est electus, est iudicandus dignior; tum quia confirmatio est actus exterior, ac proinde debet conformari electioni digni, quæ in foro exteriori valida est. Salon 2. 2. q. 63. a. 2. *controverf. 3*. Bañez *dub. 3. ad 7*. Electus ad aliquam dignitatem, si ante confirmationem administret, est ipso facto priuatus, iure acquisito per electionem. Vt habetur in *cap. avaritia. de elect. in 6. c. qualiter*. eod. tit. Grassi *tom. 2. Consil. lib. 1. de elect. conf. 2. num. 3*. Si confirmatori proponantur duo, vel tres, tenetur digniorem confirmare. Quia tunc electoris, & confirmatoris vicem gerit. Rodriguez in *summa tom. 1. c. 106*, Salon 2. 2. q. 63. art. 2. *controverf. 3*. Confirmator sciens per scientiam habitam in Cõfessione Sacramentali aliquem esse indignum, si nihil aliud obstat, debet illum confirmare. Quia cum confirmatio sit actus exterior, debet in eo procedere secundum allegata, & probata. Laurentius de Peirinis *tom. 1. de Subdit. q. 1. de obed. c. 1. §. 10*. Non potest electus confirmatorem iniuste confirmare renuentem pecunia emolire. Quia talis confirmatio est quid spirituale. Azor *tom. 3. Instit. Moral. lib. 12. c. 7*. Suarez *tom. 1. de Relig. lib. 4. c. 50. num. 29*. Licet aliqui de hoc dubitare videantur. Maior in 4. d. 25. q. 5. ad 2.

37. Eligentes aliquem ad aliquod officium, seu dignitatem vnamini consensu, non possunt deinde se electioni opponere, nisi causis legitimis postea emergentibus. Habetur expressè in *cap. nulli*. de:


de elect. in 6. Opponentibus autem, seu appellantes contra aliquem electum, vel eligendum, seu formam electionis, vel etiam contra electores, debent in litteris appellationem, seu oppositionem continere, exprimere singula, quæ intendunt obijcere, sub iuramento. Ita habetur expressè in *cap. ut circa. de elect. in 6.* Laurentius de Peirinis *tom. 1. de Subd. q. 1. de obed. v. 31. §. ult.*

38 Si contingat illegitimum, quantumvis occultum, eligi in Prælatum, nullo modo potest acceptare Prælaturam, sed, vel procurare dispensationem, vel declarare suum defectum, si sine præiudicio suæ, aut alterius famæ id facere potest. Talis enim electio in persona illius facta, est ipso iure nulla, *cap. innotuit. de election. Sorb. in comp. verb. dispensatio. vers. Ideo Iulius.* Rodriguez *tom. 1. q. 13. a. 5.* Si autem talis cogatur acceptare Prælationem, & ipse resisterit quantum potuerit, nec possit sine sua, aut suorum infamia dispensationem petere, poterit illam acceptare: nam ius cõservandi famam est naturale, quod iuri positivo non habendi Prælaturas illegitimum præponderare debet. Rodriguez *ut supra.* Laurent. de Peirin. *tom. 1. priuil. Minim. in constitut. 2. Iulij 11. §. 29. num. 100.*

39 Regulares pœnitentiati à Sancto Officio Inquisitionis, etiam si pœnitentia tempus expleverint, vel gratiam receperint, sunt inhabiles eo ipso ad omnes gradus, & officia sua Religionis, exceptis illis, quibus salutare pœnitentiæ impositæ fuerint; & illos promouentes incurrunt etiam ipso facto, in priuationem suorum officiorum, ac præterea vocis actiua, & passiva, iuxta Decretum S. D. Nostri Urbani VIII. ann. 1626. ubi etiam adiungitur: *tam prædictos pœnitentiatos, quàm illos promouentes, non posse rehabilitari nisi ab eodem S. D. N. vel ab eadem Sacra Congregatione* (scilicet S. Inquisitionis) *coram Sanctitate sua habenda.* Laurentius de Peirinis *tom. 2. priuileg. Minim. in constit. 9. Pauli V. num. 29.* Pœnitentiæ salutares dicuntur illæ, quæ extraiudicialiter, & priuati insiguntur, ut sunt ieiunia, disciplinæ, orationes, &c. Laurentius de Peirinis *ibidem.* Idem credo de aliquibus reprehensionibus, admonitionibus, seu etiam correctionibus, quæ dari solent aliquibus in hoc S. Tribunali. Declaratum autem est scriptis, ut audiui, (imo vidi declarationem eiusdem S. Congregationis 21. Decemb. 1632.) pœnas prædictas in hoc Decreto non incurri ab ijs Regularibus, qui autem illud pœnitentiati sunt à Sancto Officio, sed ab ijs, qui postea.

De Obligationibus Regularium ad manendum
in Monasteriorum Clausura.

C A P. XVI.

1  **M**NES Religiosi quicunque illi sint obligantur ad habendum aliquod genus Clausuræ in Clausuris, & Monasterijs suorum Ordinum. Id constat, tum ex omnium Religionum usu, tum ex *cap. Placuit il. 2. cap. Iuxta. cap. Monachis, &c.* Huiusmodi autem Clausura in duobus præcisè consistit, scilicet in non egrediendo à Monasterio sine licentia suorum Superiorum, & in non apostatando, aut relinquendo Religionem, quam sunt professi; ideoquæ de singulis dicendum est.

2 Hinc primò, quicunque Religiosus ex suo Monasterio sine licentia Superioris egrediens grauitèr peccat, & sæpiùs mortaliter, nisi prauitas materiæ egressus solum inducat culpam venialem. Id constat primò ex consuetudine, & usu omnium Religionum, quæ huiusmodi egressum furtiuum, vt grauem culpam semper puniunt. Secundò ex Coneil. Trid. *sess. 25. cap. 4.* vbi dicitur: *Non liceat Regularibus à suis Conuentibus recedere, etiam prætextu ad suos Superiores accedendi, nisi ab eis missi, vel vocati fuerint.* Quæ doctrina conformis etiam est antiquioribus Concilijs, specialiter Calcedonenſi *cap. 4.* & alijs apud Gratianum *16. quæst. 1.* Tertiò ratione, nam cum Religiosi ex vi suæ professionis subdici esse debeant Superiori, ità vt ab illo possint gubernari, manifestum est grauitèr obedientiam offendere, qui à Conuentu sine licentia Superiorum recedunt. Suarez *4. tom. de Relig. tract. 8. lib. 1. cap. 6.*

3 Maximè hoc verum est loquendo de egressu nocturno à Monasterio sine licentia. Ratio est, tum quia Clemens Octauus in Decretis de reservatione casuum, inter casus reservabiles à Superiore constituit istum de egressu nocturno Religiosi à Monasterio sine licentia, constat autem casum reservabilem esse culpam mortalem. Tum etiam propter periculum infamiae, scandali, & detrimenti Castitatis, quod ex tali egressione nocturna oriri potest. Suar *4. tom. de Relig. tract. 8. lib. 1. cap. 6. nu. 7.*

4 Licentia autem hæc, quæ requiritur ad egrediendum à Monasterio regulariter loquendo debet esse explicita, aliquando
verò

verò sufficit implicita, & interpretatiua. Prima pars constat ex usu, vt credo, omnium Religionum. Secunda verò, quia possunt occurrere aliqui casus, in quibus sit Religiosus obligatus ex charitate exire à Monasterio, vt ad absolvendum aliquem moribundum, defendendum aliquem innocentem, succurrendum domui vicinæ, quæ comburitur, &c. In quibus tamen non semper cōmodè peti potest licentia à Superiore. Suarez 4. tom. de Relig. tract. 8. lib. 1. cap. 6. num. 11.

5 Non possunt Religiosi exire à Monasterijs sine licentia speciali ex vi alicuius licentiæ generalis, aut sine causa approbata, aut licentia singulis vicibus impetrata, aut sine socio arbitrio Superioris. Ita decrevit Clemens Octauus in Decretis pro reformatione omnium Regularium à Sacra Congreg. iussu S. D. N. Urbani Papæ Octauī approbatis, & innovatis, per hæc verba. *Nullus à Conuentu egredi audeat, nisi ex causa, & cum socio, licentiaque singulis vicibus impetrata, ac benedictione accepta à Superiore, qui non aliter eam concedat, nisi causa probata, sociumque exituro adiungat, non petentis rogatu, sed arbitrio suo; neque eundem sepius. Licentiæ verò generales exeundi, nulli omnino concedantur. Contrauenientes autem pœna graui etiam carceris ad Superioris arbitrium plectantur, eandem etiam Ianitor subeat, si sciens, exeundi facultatem fecerit.* Sanctissimus quoque Dominus noster Urbanus Octauus ad instantiam Catholici Monarchæ Hispaniarum, in Bulla edita anno 1626. die 30. Iulij, reuocauit, cassauit, & annullauit omnia priuilegia, prærogatiuas, & exemptiones Religiosorum in Regnis Hispaniarum existentium, per quæ iidem Religiosi ab eorum Prælatorum obedientia eximuntur, & ex eorum Monasterijs, & Regularibus domibus ad eorum libitum; & cum socijs sibi benè visis, & iam destinatis, etiam Superiorum suorum non petita licentia egrediuntur. Vide suprà cap. 10. num. 26.

6 Ad huiusmodi etiam Clausuram in Monasterijs magis commendandam præcipiunt Clemens Octauus, & S. D. N. Urbanus in Decretis adductis; Quod vt omnis scandalorum, & vagationis occasio tollatur, Conuentus clausura perpetuò, ac diligenter seruetur, ac propterea à Superiore Ianitor constituatur, qui diligentia, ac morum integritate maximè commendetur. De ipso quoque Ianitore, seu portæ communis Monasterij Custode iubent. Quod, is ianuæ custodiendæ semper assistat, eamque nemini Fratrum aperiat, nisi socium, & exeundi licentiam obtinuerit. Circa redeuntes autem ad Monasteria hæc præcipiunt iidem Pontifices. *Cum autem quis in Conuentum reuertitur, Su-*

periore iterum adibis, benedictionem recepturus, qui à socio itineris rationem, & quid rei actum sit, diligenter perquirat. Sunt etiam quoad hoc peculiaria Statuta Religionum. Vide à nobis dicta in libro de Reform. Regul. cap. 7. & 8.

7 Qui egreditur à Monasterio sine licentia cum animo redeundi, non est propriè, & rigorosè Apostata, sed fugitiuus, vel vagus. Ratio est, quia essentialis ratio apostasiz consistit in hoc, quòd quis recedat à Religione animo deserendi illam, vel nunquam ad illam reuertendi; vnde qui hunc animum non habuerit non erit propriè Apostata, sed fugitiuus. Aragon. 2. 2. *quasi.* 12. art. 1. Bañez *ibidem*. Vnde etiam si aliquis recedat à Conuentu sine habitu, dummodò non habeat talem intentionem non redeundi, aut deserendi Religionem, non erit propriè Apostata, sed fugitiuus. Valentia 2. 2. *disp.* 1. q. 12. *puncto* 1. Sanchez *lib.* 6. in Decalog. cap. 8. nu. 4. Nihilominus peccat grauiter mortaliter, tum propter dicta, tum ex natura status Religiosi, per quem tenetur subesse potestati, & imperio sui Superioris. Suarez 4. tom. de Relig. tract. 8. lib. 3. cap. 1.

8 Poterit tamen Religiosus licitè fugere ex Conuentu, si certò, & euidenter constaret illum nimium iniuste vexari à suo Superiore, & vellet ire ad Superiorem Prælatum. Ratio est, tum quia ius defensionis est naturale, tum quia in hoc casu præsuntur licentia Superioris Prælati, ad quem accedit. Suarez 4. tom. de Relig. tract. 8. lib. 3. cap. 1. nu. 6. Quomodo autem hoc non opponatur doctrinæ Concilij Tridentini dicitur à nobis inferiùs num. sequenti.

9 Religiosus autem, qui in pœnam alicuius delicti à suo Superiore detinetur in carcere, non potest ex illo fugere, sed est fugitiuus sic faciendo. Ratio est, quia esto secularibus id liceret (de quo aliàs) Religiosis non licet, tum quia tenentur obedire Prælatis, quoad pœnas iustè inflictas, tum quia non possunt se abstrahere à iugo, & obedientia suorum Superiorum. Ledesma 2. tom. Summ. tit. 8. cap. 24. Sairus in Clau Regia lib. 12. cap. 18. num. 9. Limita hoc primò, si certò constet pœnam illam carceris esse iniuste inflictam, aut si cibis, & necessaria ad vitam in carcere negarentur. Quia non tenetur in istis quisquam obedire Prælatis. Nauarr. Comment. 4. de Regul. num. 64. Sairus in Clau Reg. lib. 12. cap. 18. num. 10. Nec discessus à Conuentu in tali casu est contra Decretum Concilij Trident. adducti suprà nu. 2. Eò quòd non est credendum Concilio loqui de Religiosis à suo Superiore iniquè, & contra ius grauatis. Nauarr. Comment. 2. de Regul. nu. 61. & comment. 3. num. 51. Sairus in Clau Reg.

Reg. lib. 12. cap. 17. nu. 40. Limita secundo, si pœna capitis, aut abscissionis alicuius membri Religioso illi in carcere incluso immineret. Quia tunc naturale ius conseruandi vitam, & membra sui corporis præponderare deberet iuri positiuo Religionis. Bañez 2.2. *quæst. 69. art. 4.* Salon. *ibidem controu. 2.*

10 De Religioso damnato ad carcerem perpetuum, aliqui volunt posse fugere. Bañez 2.2. *quæst. 69. art. 4.* Probabilius tamen est contrarium. Fò quòd pœna carceris, etiam perpetui, est conuenientissima statui Religioso, nec tam contraria iuri naturali, vt non possit censi ad illam se obligasse Religiosum ex vi professionis quando crimen proportionatum perpetraverit. Rodriguez *tom. 2. Quæst. Regul. quæst. 22. art. 6.* Num autem Religiosus damnatus ad triremes possit à carcere fugere, vt vadat ad Superiorem, vel Pontificem, veniam petiturus? Aliqui respondent affirmatiuè. Bannez 2. 2. *quæst. 69. art. 4.* Alij verò negatiuè. Sanchez *lib. 6. in Decalog. cap. 8. num. 16.* Ego autem magis inclinor in sententiam Bannez, non solum quia talis pœna est grauissima, & veluti quædam perpetua mors, sed quia illa punire Religiosum delinquentem esso videtur contra decorem, & honestatem Religionis.

11 Propter recessum Religiosi à suo Conuentu, etiam sine causa, & occasione, non est aliqua censura, vel pœna lata iure communi. Ratio est, nam *cap. 2. ne Cleric. vel Monach. in 6.* quod adducitur ab aliquibus, solum loquitur de Religioso dimittente habitum, vel accedente ad studia sine licentia. Suarez 4. *tom. de Religion. tract. 8. lib. 3. cap. 1. num. 9.* Nauarr. *Comment. 2. de Regular.* Quare circa talem censuram, vel pœnam consulendæ sunt Constitutiones Pontificum, & Religionum. Casarubius in *Compend. priuilegior. verb. Apostata ab ordine.* Miranda in *Manual. tom. 1. quæst. 51. art. 1.* In nostra Carmelitana Religione tales Religiosi decedentes à Conuentibus sine licentia, habentur, vt excommunicati, & vt tales puniuntur, & absoluntur secundum consuetudinem Religionis, eò vt credo, quia *par. 3. Constit. cap. 1. §. 1. 2. & 3.* dicuntur puniendi, vt Apostata, & vt tales censendi. Apostatas autem à Religione excommunicatos esse, dicitur infra *num. 13.* Religiosos etiam accedentes sine licentia ad partes transmarinas vbi pauci fideles reperiuntur, excommunicatos esse à iure excommunicatione Papæ reseruata diximus supra *cap. 9. num. 32.*

12 Religiosus verè, & propriè Apostata (ille scilicet, qui, vt diximus supra *num. 7.* discedit à Conuentu, vel Religione, animo deferendi illam, & nunquam reuertendi) præter alias pœnas à par-

ticularibus Religionibus assignatas; iure communi, si durante apostasia Ordinem sacrum recipiat, non potest in illo ministrare, sed manet suspensus donec à Papa dispensetur, etiam si postea redeat ad Religionem. Ita habetur in *c. fin. de Apostat.* Suarez 5. tom. in 3. p. disp. 31. sect. 6. Sanchez lib. 6. in Decalog. c. 8. n. 21. Addunt aliqui esse excommunicatum à Iure per c. 2. *ne clerici, vel monach.* in 6. Sed ibi solum est sermo de illo, qui habitum suæ professionis temere relinquit, quod est valde diuersum ab apostasia, cum vnũ sine alio possit reperiri. Aragon. 2. 2. q. 1. 2. a. 1. Suarez 5. tom. in 3. p. disp. 31. sect. 6. Addunt etiam alij hos Apostatas esse irregulares. Sed ex vi iuris communis hoc est falsum, cum de hoc nullus ostendatur textus. Regulariter tamen loquendo ita est, quia vt in plurimum exercent Ordines sacros cum aliqua censura. Hoc verò non est ex vi apostasiæ præcisè. Suarez 5. tom. in 3. p. disp. 31. sect. 6. nu. 2. Sanchez lib. 6. in Decalog. c. 8. n. 25. & 26. Dici tamen potest Apostatas, dum perseverant in Apostasia esse irregulares, quia sunt ipso iure infames, & vt tales non admittuntur vt testes. Grassi lib. 3. de casib. reseru. c. 2. n. 26. Laurentius de Peirinis tom. 1. de Subdit. q. 1. de obed. c. 6. Præterea alij volunt hos Apostatas expositos esse pœnis taxatis à Paulo IV. in Bulla ann. Domin. 1558. edita, quæ incipit, *Postquam Diuina bonitas.* Sed hæc Bulla videtur moderata, & ad formam Iuris, & Sacrarum Constitutionum reducta per aliam Pij IV. ann. 1560. quæ incipit, *Sedis Apostolica.* Prosper August. in addit. ad Quarant. in summ. Bull. verb. *Apostata.* Addunt vterius alij istos Apostatas non gaudere priuilegijs Religionum, propter Decretum Concil. Trident. sess. 25. c. 19. Sed ibi non est sermo de quocunque Apostata, sed de illo, qui dimittit habitum suæ Religionis, & prændit se per vim, metum, aut ante legitimam ætatem fuisse professum, & de hoc dicitur, *Nullo Priuilegio sue Religionis iuuetur.* Sanchez lib. 6. in Decal. c. 8. n. 34. Alij etiam volunt Apostatas non gaudere priuilegio exemptionis, quo gaudent cæteri Religiosi. Erasm. Chokier de Iurisdiction. Ordinarij in exempt. p. 1. q. 20.

13 Nihilominus prædicti Apostatæ Religionum incurrunt excommunicationem propter varia priuilegia Religionum, quibus Summi Pontifices prædictos Apostatas excommunicatione afficiunt, de quibus Casarubius in Compend. Priuileg. Mendican. ver. *Apostata ab Ordine.* Sanchez lib. 6. in Decalog. c. 8. n. 20.

14 Cooperantes ad fugam, vel apostasiam Religiosorum non solum peccant grauiter contra ius naturale, eo quòd cooperantur ad rem intrinsecè malam, & sacrilegam, sed etiam tenentur restituere ea lucra temporalia, quæ Religio amisit propter fugam
talis

talís Religiosi, saltem quando id fecerunt vi, vel fraude. Ratio est, quia tunc fit graue nocumentum Religioni contra eius voluntatem, ergo peccatur contra iustitiam, ac per consequens est obligatio restituendi damnum. Caietanus *in summ. verb. restitut. c. 7.* Suarez *tom. 4. de Relig. tract. 8. lib. 3. c. 3. num. 8.* Non tamen renentur Religionem ingredi pro illis, quos apostatare faciunt, aut alios quærere, qui pro illis Religionem ingrediantur. Ingressus namque Religionis nimis voluntarius esse debet, & propter vitæ perfectioris finem. Sor. 4. *de Iust. q. 6. ar. 3.* Ledesma 2. *p. quarti. q. 18. ar. 2.* An autem iure Ecclesiastico sint excommunicati propter priuilegia Mendicantium isti cooperatores; vide Suarez *to 4. de Relig. tract. 8. l. 3. c. 3. num. 26.*

15 Specialiter tamen detinentes in suis domibus Fratres Apostatas, occultantes, ipsique fauorem impendentes, sunt ipso facto excommunicati. Propter multa Priuilegia Religionibus concessa, de quibus Casarubius *in Compend. Priuileg. verb. Apostata ab Ordine.* Peirinis *tom. 1. Priuileg. Minim. in Const. Iulij 11. §. 13. num. 47.* Aduertens benè quòd Episcopi retinentes Apostatas non possunt à Prælatís Ordinis excommunicari. Quia illi habent priuilegium iure communi, quod excommunicari non possunt, nisi expressa mentio de illis habeatur. *c. quia periculosum. de sent. excomm. in 6.* Pius quoque 11. magnam prouisionem fecit contra omnes Principes, Duces, aliosq. Magnates fauentes Apostatis, & alijs fratribus inobedientibus Ord. Carmelitarum, quòd scilicet possit còtra illos procedi per censuras Ecclesiasticas, usque ad inuocationem brachij secularis. Mirand *in Man. 1. 1. q. 51. ar. 2.* Detinentes etiam in suis Monasterijs Apostatas Ord. Prædicatorum sunt etiam à Papa excòmmunicati. D. Ant. 3. *p. 1. 2. c. 7.* Vin. Filiuc. 1. 1. *q. mor. tra. 15. c. 8.*
16 Apostataz, & fugitini possunt vbique, etiam extra territorium, apprehendi à suo Superiore, incarcerari, & duci ad Monasterium, inuocato ad hoc si oporteat, adiutorio brachij secularis. Tù ex vi Iuris communis, quod concedit hoc modo posse capi seruum fugientem ubicunque sit, *l. si quis. §. differenti ff. de acqu. possess. & illi qui alteri est obligatus. l. 1. §. per seruum, qui in fuga. ff. de acqu. poss.* Tum etià ex multis priuilegijs Religionibus còcessis, specialiter Carmelitis, vt habetur in nostro Mari magno. *§. Apostatas corrigi quoque Ordin.* Nauarr. *comm. 3. de Regul. n. 50.* Rodriguez *tom. 1. quæst. Regul. qu. 30. ar. 6.* Quod etiam est verum quando Fratres Apostataz, & fugitini detinerentur ab Episcopis; propter Constitutionem Pij V. quæ incipit, *Et si Mendicantium.* Præsertim, quia, qui debent alijs perpetuam obediètiàm, possunt de manibus quorumcunque capi. Peirinis *to. 2. priuileg. Minim. in const. 7. Pij V. n. 20.*
Ad.

Addens hoc non solum esse verum quando Religiosus fugit sine licentia, sed etiam quando iuit cum illa per certum terminum, & ille est transactus. Adde etiam, posse Prælatum Regularem auctoritate propria hoc facere, sine inuocatione brachij secularis, siue Episcopalis. Cornexo *to. 2. in 3. p. tract. 5. de excomm. disp. 6. dub. 5.* Imò etiam teneri Prælatos requirere Apostatas, & fugitiuos constat ex *c. fin. de Regular.* vbi præcipitur, *ut Præsidentes Capitulis celebrandis, seu Patres, seu Abbates, fugitiuos suos de Ordine suo requirant sollicitè annuatim. Qui si in Monasterijs suis recipi possunt secundum ordinem regularem, Abbates, seu Priores eorum, monitione prauia, per censuram Ecclesiasticam compellantur ad receptionem eorum, salua Ordinis disciplina:* Id est, nili fortè Monachus fugitiuus esset notabiliter scandalosus, & periculosus alijs fratribus, & aprè non posset capi, aut detineri. Siluester *verb. Apostasias. nu. 10.* Rodriguez *tom. 1. quest. Regul. q. 30. a. 5.* Statuitur præterea in dicto *cap. final. de Regular.* quòd in prædicto casu, quo Monachus fugitiuus, aut Apostata, non posset in Monasterio detineri, *ut apud eadem Monasteria in locis competentibus, si absque graui scandalo fieri poterit, alioquin in alijs religiosis domibus eiusdem Ordinis, ad agendum ibi poenitentiam talibus vite necessaria ministrentur. Si verò huiusmodi fugitiuos inobedientes inuenerint, eos excommunicent, & tamdiu faciant ab Ecclesiarum Prælatis excommunicatos publicè nunciari, donec ad mandatum ipsorum humiliter reuertantur.* Quæ omnia innouata sunt à Sacra Congregatione Concilij iussu S. D. Nostri Urbani edita anno 1624. Vnde licet alias non essent in vsu, modò tamen non excusantur Prælati ab exequutione ipsorum. Bonacina *de clausura q. 2. punct. 11. §. 2.* Aliis incurrunt pœnas in eodem Decreto assignatas. Bonacina *ibidem.*

17 Cura recolligendi Fratres Apostatas, & fugitiuos, incumbit Prælatis ipsorum. Propter multa Priuilegia Religionibus cõcessa. Compendium Priuilegiorum *verb. Apostata. Nauarr. com. 3. de Regul. n. 50.* Vnde quando Concilium Trident. *sess. 25. c. 4.* hoc munus videtur remittere Ordinarijs, intelligitur in casu, quo Prælati Regulares pigri, & negligentes fuerint, aut forsan non fuerint in illis diæcesibus, vbi reperti sunt Apostatæ fugitiui. Miranda *in Man. 1. q. 51. ar. 3.* Sacra tamen Congregatio Concilij iussu S. D. Nostri Urbani edita in Decreto de Apostatis, & Eiectis præcipit ad intentum, vt fugitiui, & Apostatæ, siue habitũ regularem deferant, siue non, possint, ac debeant ab Episcopo loci, vbi morà trahunt, in carceres conijci, ac Superioribus Regularibus consignari secundum regularia instituta puniendi, vtque ipsi quoque, Superiores teneantur eos perquirere, ad Religionem reducere,

atque efficere, vt apprehendantur. Vide Decreta 4. tom. *Bullar. inter constitution. Urbani num. 26.*

18 Apostata, & fugitiui ad Ordinem redeunt, & humiliter precantes veniam, benignè sunt recipiendi. Id enim & ratio naturalis, & clementia Ecclesiæ, & Religionis expostulat. Nauarr. lib. 3. *consil. de Regul. consil. 69. num. 1.*

19 Monasterium non tenetur soluere debita contracta à Religioso Apostata, vel fugitio, nisi in casu, quo rediens ad Religionem, secum adduxerit aliqua bona, ex quibus possent solui talia debita. Ratio vtriusque partis est, quia sicut ratio naturalis dicitur, quòd qui sentit commodum, debeat etiam sentire onus, iuxta regul. iuris in 6. sic etiam è contra, quòd qui nullum commodum sentit, nec sentiat damnum. Nauarr. lib. 3. *Consiliorum. consil. 73. num. 3.* Rodriguez tom. 1. *quest. Regul. q. 30. ar. 11.* Pro debitis contractis ab alijs Religiosis, vide *cap. 2. num. 18.*

20 Ea, quæ acquirit Religiosus Apostata, vel fugitiuus, pertinent ad suam Religionem. Tū quia ita definitur in *c. Abbas. 18. q. 2.* Tum quia isti sunt veri Religiosi, ac per cōsequens debēt Monasterio acquirere. D. Antonin. 3. *p. tit. 16. c. 5.* Siluest. *ver. Apost. q. 9. n. 12.* Quod intellige, etiam si acquirat contra voluntatem Religionis, aut peccando aliquo genere peccati, præter peccatum, contra iustitiam. Solum enim hoc peccatum potest priuare Monasterium suo iure. Rosella in *summ. verb. Religio. 1. num. 1.* Sanchez lib. 7. in *Decal. c. 33. num. 6.* Si autem moritur in apostasia, vel fuga, bona, quæ illi supersunt, pertinent ad Cameram Apostolicam; propter Constitutionem Gregorij XIII. quæ incipit, *Officij nostri.* Nauarr. lib. 3. *consil. in 1. edit. tit. de Regul. cons. 80. num. vnic. in 2. verò tit. de stat. monach. cons. 17.* Sanchez lib. 7. in *Decalog. c. 33. n. 9.* Vide dicenda *num. sequenti.*

21 Si Religiosus Apostata, vel fugitiuus, in apostasia, vel fuga impetrauit beneficium alicuius Ecclesiæ, ea quæ acquirit intuitu talis Ecclesiæ, cedunt Ecclesiæ, quia illi acquirit, vt pars illius. Ea verò, quæ acquirit intuitu personæ, aut sua industria, acquirit Religioni, cum persona illa, & sua industria, spectent ad Religionem. D. Antonin. 3. *p. tit. 16. c. 5. §. 1.* Azor tom. 1. *Instit. Moral. l. 12. cap. 16. q. 8.* Bona verò post mortem veniunt ad Cameram Apostolicam, iuxta dicta supra *num. præced.* Si autem in vita illa dedit Religioni, videtur non teneri ad restituendum ipsa Cameræ, nisi Camera petat, quia nemo tenetur ad pœnam ante condemnationem. Suarez 4. *tom. de Relig. tract. 8. lib. 3. cap. 2. nu. 27.* Vide dicta *cap. 10. nu. 5.*

22 Quæ verò prædicti Apostata, aut alij quicunque Regulares ac-

acquirunt per illicitam negotiationem, vel aliis contra Sacros Canones, qualiter etiam pertineant ad Cameram Apostolicam diximus supra *cap. 10. nu. 5.* lege Nauarrum *in comm. de Spolijs. §. 7. à num. 3.* Suarez *4. tom. de Relig. tract. 8. lib. 3. cap. 2. à num. 23.* Qualiter etiam bona Regularium, etiam cum licentia, extra claustra degentium, pertineant ad eandem Cameram, post ipsorum mortem, dicemus inferius *num. 31.*

23 Potest Religiosus ex legitima facultate viuere extra Monasterium, retento habitu. Ratio est, quia nec hoc est intrinsecè malum, nec derogat votis professionis, cum etiam ibi possint obseruari; Obedientia, Paupertas, & Castitas. Suarez *4. tom. de Relig. tract. 8. lib. 3. cap. 7.* Quamuis autem iure communi possent Prælati Religionum hanc licentiam concedere, quia hoc spectat ad iurisdictionem, quam habent supra subditos. Nauarr. *comm. 2. de Regular. num. 16. & 40. & comm. 4. num. 14.* Tamen iure nouo Clement. VIII. in decretis pro reformatione Regularium approbatis, & innouatis à S. Congregatione, iussu S. D. N. Urbani, sic habetur: *Ineat ratio, qua sublatis licentijs, ac facultatibus habemus quibuscunque concessis, degentes extra Conuentus claustra, ad ea quamprimum reuocentur, nec de cetero, nisi ex grauissima causa à Sede Apostolica probanda, huiusmodi facultates concedi possint.* Vide *num. 25.*

24 Non potest Religiosus sola licentia sui Superioris manere extra Monasterium ad inferuendum alicui Ecclesiæ Parochiali, beneficio seculari, aut dignitati Ecclesiasticæ. Probatur tum ex Decreto Clementis VIII. & Urbani VIII. adducto, tum ex multis iuribus, & auctoritatibus apud Siluestrum *verb. Religio. 7. qu. 3.* Casu autem, quo Religiosi nostri priuilegio Sedis Apostolicæ aliquod Beneficium simplex, vel curatum obtinuerint, etiam si ea dimiserint, non possunt ampliùs in Capitulis Generalibus, vel Prouincialibus, absque Generalis licentia, admitti, aut sine ea aliquod officium in Religione habere, sub pœna excommunicationis ipso facto. Ita enim concessit Sixtus IV. Carmelitis. Vide Specul. Ordin. *fol. 90.* Rodriguez *tom. 2. quæst. 64. art. 3.* Dubito tamen an isto priuilegio utantur aliæ Religiones.

25 Quamuis etiam ob necessitatem Parentum posset Religiosus habitu retento, manere extra Monasterium ex vi iuris communis. D. Thom. *2. 2. quæst. 101. art. 4.* Nauarrus *lib. 3. Consil. de Regul. consil. 54. 55. & alibi.* Tamen propter ius nouum adductum Clementis Octauæ, & Urbani Octauæ, non potest hoc fieri, nisi de licentia Sedis Apostolicæ talem causam approbantis. Vide *num. 23.*

26 Religiosus extrâ Claustra delinquens, puniendus est iuxta modum præscriptum à Concil. Trident. *sess. 25. cap. 14.* scilicet. *Regularis non subditus Episcopo, qui intra Claustra Monasterij degit, & extrâ ea itâ notoriè deliquerit, ut populo scandalo sit, Episcopo instante, à suo Superiore infra tempus ab Episcopo præfigendum seuerè puniatur, ac de punitione Episcopum certiores faciat, sin minus à suo Superiore officio priuetur, & delinquens ab Episcopo puniri possit.* Vide Alderete *lib. 1. de Relig. discipl. cap. 3. à num. 35.* Vbi etiam probat, non posse Ordinarium contra Religiosum componere processum, & si quos testes examinandos curauerit, ut de scandalo, & delicti notorietate constet, eorum depositionem tradendam esse Superiori. Nec posse Religiosum ab Ordinario capi: quòd si in ipso delicto fuerit comprehensus, ad ipsum Superiorem recta via deferendum. Quia tamen aliqui Superiores Religionum admoniti de delictis Religiosorum eos extrâ Episcoporum Diocesim ex industria impunitos transmittabant, vel ipsi ad alias Prouincias se conferebant, & itâ nec Religiosus delinquens ab Episcopo puniri poterat, nec Superior officio priuari, ideò Clemens Octauus in motu proprio anno 1596. edito, qui incipit, *Suscepti muneris*, & est inter Bullas huius Pontificis 39. præcipit, Omnibus, & singulis cuiuscunque Ordinis Superioribus in virtute sanctæ obedientiæ, & sub indignationis Apostolicæ, ac priuationis dignitatum, & officiorum per eos obtentorum, eò ipso incurrendis pœnis, ut iuxta prædictum Decretum, quilibet ipsorum, Regularem non subditum Episcopo, intra Claustra degentem, & extrâ ea itâ notoriè delinquentem, ut populo scandalo sit, Episcopo instante intra tempus ab Episcopo præfigendum seuerè puniat, ac de punitione Episcopum certiores faciat, & aliâs Decretum ipsum, in omnibus, & per omnia exequatur. Cæterum si Superior in Regularem delinquentem non animaduernerit, quinimmo si illum impunitum ad alia suorum Ordinum loca, extrâ Episcopi Diocesim, ut præfertur, trasmiserit, voluit, & simili motu, atque auctoritate decreuit, ut Superior, instante Episcopo, intra terminum ab Episcopo præfigendum, & sub eisdem indignationis, ac priuationis dignitatum, & officiorum obtentorum, nec non & sub inhabilitatis ad illa, & alia in posterum obtinenda, ac vltius priuationis actiuz, & passiuæ vocis, ad quas à nemine præterquàm à Romano Pontifice pro tempore existente restitui possit, ipso facto similiter incurrendis pœnis, ipsum Regularem delinquentem à loco ad quem transmissus fuit, reuocare, & in quo deliquit constituere, seu

fistere

fistere teneatur. Quòd si hoc etiam facere prætermiserit, per præsentis similiter statuit, vt Ordinarius loci ad quem Regularis delinquens transmissus fuerit, super præmissis ab ipso Ordinario loci in quo deliquit, similiter requisitus, vel alijs de illius delicto informatus, vt præfertur, tanquam Sedis Apostolicæ Delegatus, prædictum Concilij Decretum omninò exequi, & in Regularem delinquentem seuerè animaduertere possit, & debeat. Quaranta in *Summa Bullar. verb. Exemptio*. Vide dicta suprà *cap. 11. num. 8.*

27 Circa quæ aduerte primò, neque Decreto Concilij, neque Clementis, concedi Episcopo, quòd possit per se, vel per alios ad capturam Religiosi etiam notoriè delinquentis procedere, sed solum quòd debeat instare Prælato pro punitione ipsius. Laurentius de Peirinis *tom. 1. Priuil. Minim in Constitut. Sixti IV. §. 11. à nu. 62.* Secundò, quòd ad hoc quòd Episcopus teneatur instare Prælato, vt puniat Religiosum, debet delictum eius esse notorium, & scandalosum populo, sic enim dicitur in Decreto Concilij: vnde non sufficit, quòd tale delictum sit notum alicui, vel aliquibus paucis. Peirinis *nu. 63.* Aduerte tertiò Constitutionem prædictam Clem. VIII. solum procedere, quando Superior Religiosi notoriè delinquentis transmittit illum in alium locum, eo fine, vt impunitus remaneat: secus, quando remittit illum in penam delicti commissi, vel vt decentius puniatur. Rodriguez *tom. 2. quæst. Regul. quæst. 2. ar. 6.* Peirinis *vt suprà n. 69.* Quid verò dicendum sit in casu, quo Regularis exemptus percuteret clericum secularem, extrà claustra in Diocesi Episcopi, an scilicet Episcopus posset illum denunciare excommunicatum, ex dictis suprà *num. præced. & cap. 11. præsertim num. 14. & 15.* decidi potest. Lege Sorbum in *Compend. Priuileg. Mendicant. verbo exemptio.*

28 Accedere ad Iaponium, & Regiones propinquas prohibitum est omnibus Religiosis, præterquam Patribus Iesuitis à Gregorio XIII. anno 1585. Postea tamen Clemens VIII. in Bulla edita anno 1600. quæ incipit, *Onerosa*, concedit facultatem omnibus, & singulis Mendicantium Ordinum Magistris, Ministris, seu Prioribus generalibus pro tempore existentibus, vt cum necessitas postulauerit, quilibet Ordinis sui spectata vita, & eruditionis Religiosos, quos nimirum ad prædicta officia, & ministeria idoneos, & utiles fore in Domino iudicauerint, per Lusitaniam dumtaxat, & suscepta inde navigatione in Indias, & Ciuitatem Goam, atque ad Superiores Ordinum in illis partibus existentes transmittere, & tam ipsi sic transmittendi, quam alij su-

pra-

prædicatorum Ordinum Religiosi in eisdem Indiarum partibus existentes, & ad hoc munus obeundum à suis Magistris, Ministris, vel Prioribus Generalibus, seu alijs Superioribus, electi & approbati, tam ad Iaponias prædictas, quàm ad alias proximas, & adiacentes, etiam China, & finitimorum, & terræ firmæ India Orientalis Insulas, Regiones, & Prouincias accedere. Deindè monet Superiores Religionum, vt curent prædictas missiones vtilis esse ad infidelium conversionem, ipsosque Religiosos missos, qualiter sub obedientia suorum Superiorum, & Ordinariorum esse debeant. Ac tandem præcipit quibuscunque Religiosis sub excommunicationis sententia Papæ reservata, & sub alijs penis. *Ne ex Insulis Philippinis, siue ex qualibet alia Indiarum Occidentalium, vel quæ pro partibus Indiarum Occidentalium parte tunc habetur, parte, ad illas pertinente, in Iaponias, ac alias illis proximas, adiacentes, & finitimas Insulas, Prouincias, & Regiones prædictas transire audeant.* Et si qui aliter fecerint, redire teneantur, sub eisdem penis. Postea verò Paulus Quintus in Bulla, *Sedis Apostolicæ*, anno 1608. edita, quæ habetur in *Appendic. ad 3. tom. Bullar. f. 48.* concessit omnibus Religiosis, etiam per aliam viam, quàm per Lusitaniam, ad dictas Iaponicas, & alias Indicarum Orientalium Regiones accedere posse, seruata in reliquis dictarum litterarum Clem. VIII. forma.

29. Religiosi autem ad Indiarum partes ad Fidem Catholicam prædicandam, siue alia Ecclesiastica ministeria exercenda missi, non possunt in itinere immorari, vel ad loca eis non destinata declinare, sub excommunicationis pœna ipso facto incurrenda. A Paul. V. in Bulla, *Accepimus*, ann. 1609. quæ est inter Bullas huius Pontificis num. 36. in 3. tom. Bullar.

30. Regulares extrâ Clausura, & obedientiam Religionum suarum viuentes, ab Episcopis non permittuntur prædicare, etiam quorumlibet priuilegiorum prætextu, donec ab ipsis Episcopis super ea re sancta Sedes Apostolica consulatur. Concil. Trident. sess. 5. cap. 2.

31. Bona Regularium extrâ Clausura suorum Regularium locorum, etiam de licentia suorum Superiorum, degentium, ad Cameram Apostolicam, tamquam spolia ipsius post ipsorum mortem spectant. Quia ita declarauit Gregorius XIII. in Bulla, *Officij nostri* anno 1577. edita in 2. tom. Bullar. inter Bullas huius Pontificis num. 43. Suarez tom. 4. de Religion. tract. 8. lib. 3. cap. 2. num. 30. Vide suprà num. 20. 21. & 22.

32. Licite possunt Regulares mitti ad triremes propter grauias deli-

delicta commissa. Ratio est, quia licet pœna hæc acerbissima sit, nihilominus consuetudine admittitur, & aliquo modo est necessaria quando delicta aliter castigari non possunt. Laurent. de Peirinis *tom. 1. de Subdit. quæst. 1. de Obedient. cap. 27. Quidam*, volunt ad tiremes damnatos, esse prius degradandos. Francisc. Penna *in 3. par. directory Inquisitorum comment. 46.* Quicquid de hoc sit, Ministri tiremium verberantes Religiosos ad eas damnatos si modum non excedant, vel non verberent ex odio, & malignitate, aut tempus damnationis non sit completum, non incurrunt in excommunicationem Canonis. Sic enim consuetudine introductum videtur, præcipue quia ideò traduntur à Religionibus, ut sic puniantur. Nauarr. *Comment. 3. de regul. nu. 52.* Mirand. *tom. 1. Manualis quæst. 52. art. 8.* Non possunt à tiremibus ad Religionem redeuntes iterum admitti ad Altare sine dispensatione. Quia sunt infames infamia Iuris, & per consequens irregulares. Rodriguez *tom. 1. quæst. Regul. quæst. 24. art. 6.* Toler. *in Summa lib. 1. cap. 62.* Probabile tamen mihi est Prælatos Regulares posse cum prædictis dispensare; cum iuxta dicendâ *cap. 18. nu. 40.* possint dispensare in omni irregularitate, excepta bigamia, mutilatione membrorum, & homicidio. Laurent. de Peirinis *ut supra.* Cautè tamen in hoc procedendum est, si fortè sit aliquid quod obstat in contrarium, quod nescio, maxime quoad forum exterius, aut ubi fuerit scandalum.

33 Nullus Regularis absque sui Superioris licentia potest se obsequio alicuius loci, vel personæ mancipare. Ità præcipitur in Concil. Trident. *sess. 25. de Regular. cap. 4.* In hac tamen licentia concedenda cautissimè procedendū est, præsertim cum ex S. Congregat. Decreto adducto *suprà nu. 23.* concedere licentiam Religioso, ut maneat extrâ Conuentum pertineat ad eandem S. Congregationem. Qualiter autem possint Prælati Religionum prædictos Fratres alicuius extrâ Religionem seruitijs deputatos corrigere, & ad Ordinem reuocare: qualiter etiam nullus possit illos in socios assumere sine licentia Prælatorum, præter multa, de quibus Rodriguez *tom. 2. quæst. 64. art. 1.* & Peirinis *tom. 1. Priuileg. Minim. in Constit. 2. Iulij II. §. 11. nu. 43.* extat etiam magna concessio Sixti IV. pro Carmelitis in Bulla, *Dum attenta*, in Specul. Ord. f. 89. qua concedit, quòd generalis Magister, vel Priores Provinciales, ac ipsorum Vicarij, illos ex Fratribus, de quibus auctoritate litterarum Sedis Apostolicæ, vel Legatorum ipsius, Archiepiscopis, & Episcopis, ac alijs quibuscunque prouisum existit, vel in posterum contigerit prouideri, corrigere, ac etiam, non obstantè contradictione aliqua, possint ad suum

ſuum Ordinem reuocare ; nec per litteras eiufdem Sedis, ſeu Legatorum ipſius, iam obtentas, vel de cetero obtinendas, aliquos de Fratribus ipſius Ordinis; præfatis Archiepiſcopis, & Episcopis, aut alijs, teneantur in ſocios deputare, niſi dictæ litteræ Apoſtolicæ obtinendæ de indulto huiusmodi, & ordine ipſo expreſſam fecerit mentionem, & aliàs id honeſtati Ordinis, & illorum ſaluti viderint expedire. Addit inſuper idem Pontifex ibidem, *Nullus autem Legatus etiam de latere noſtro miſſus, auctoritate litterarum Sedis Apoſtolica ſpecialem de hoc indulto, & ordine noſtro non facientium mentionem, nullusque Prelatus, nec aliqua perſona religioſa, vel ſecularis de Fratribus eiufdem Ordinis, ad ſua, ſeu Eccleſiæ negotia procuranda, vel ſecum manendum aliquos aſſumere valeat, niſi quos Generalis Magiſter in toto Ordine, & Priores Prouinciales in ſuis Prouincijs ipſorum, tamquam idoneos, & diſcretos ſibi duxerint assignandos, quos etiam ſubiacere volumus Ordinis diſciplina.*

34. Quod Religioſi etiam extra Monaſteria exiſtentes, teneantur parere ſuorum Superiorum præceptis, eorumque cenſuris ligentur, diximus *cap. 4. num. 37.* Pro illis, qui tranſeunt ex vna Religione ad aliam, animo non manendi in Clauſtris, vide dicenda *cap. 22. num. 29.*

De obligationibus Regularium ſi ſiant Cardinales, Episcopos, Abbates, &c.

C A P. XVII.

RELIGIOSI ad Cardinalatum, Episcopatum, vel Abbatiam extra Ordinem aſſumpti, manent veri Religioſi. Sumitur ex Gloſſa in *cap. 1. 16. queſt. 1. & in cap. unico 18. queſt. 1.* & ratio eſt, quia diſpoſitio ad aliquam perfectionem non tollitur ipſa adueniente. ſtatus autem Religioſus comparatur ad huiusmodi dignitates, ſicut diſpoſitio ad perfectionem. S. Thom. 2.2. *queſt. 185. art. 8.* Suarez 4. *tom. de Relig. tract. 8. lib. 3. cap. 16.*

35. Hinc primò Religioſi ad tales Dignitates aſſumpti, non abſoluantur à votis Obedientiæ, Paupertatis, & Caſtitatis in profeſſione emiſſis. Tum quia, vt diximus, manent verè Religioſi, ſicut antea; hæc verò vota ſunt de eſſentia ſtatus Religioſi. *cap. cum ad Monaſterium, in fin. de ſtatu Monach.* Tum quia cum aſſumuntur,

O tur,

tur, non dispensantur in prædictis votis. D.Thom.cum Expositio-
ribus 2.2.*quest.* 88. *art.* 11. *ad* 4. & *quest.* 185. *art.* 8. Henriquez *lib.*
10. *de Sacram.Ord.cap.* 32. *num.* 5.

3. Votum autem Obedientiæ, quod in prædictis manet, non est
respectu Prælatorum Ordinis, sed respectu Papæ, ita vt ultra ge-
neralem obedientiam debitam ab omnibus fidelibus Summo Pô-
tifici, & ultra obligationem, quam alij Cardinales, Episcopi, & Ab-
bates habent ad obediendum illi, teneantur ex vi voti obedien-
tiæ in professione emissi, illi specialiter obedire. Ratio est, quia,
vt vidimus *cap. Quarto num.* 31. Votum, quod Religiosus emitte
in professione, emittitur Papæ, qui est supremus Generalissimus
omnium Religionum, ac proinde cum à Papæ subiectione non li-
berentur assumpti à Religionibus, sed tantum ab inferioribus Præ-
latis, manebit votum Obedientiæ ipsorum respectu Papæ. Henri-
quez *lib.* 10. *de Sacram.Ord.cap.* 33. Suarez 2. *tom.de Relig.tract.* de
Voto. *lib.* 6. *cap.* 7. *num.* 10.

4. Votum etiam Castitatis manet in prædictis assumptis à Re-
ligione, imò magis roboratum in Episcopis, eò quòd per Episco-
palem consecrationem manet persona magis dedicata, & conse-
crata Deo, ita vt grauius peccet Episcopus violando castitatem.
Suarez 4. *tom.de Relig.tract.* 8. *lib.* 3. *cap.* 16.

5. Quoad votum etiam Paupertatis manent prædicti obligati
sicut antea. Tum propter eandem rationem. Tum quia per su-
prædictas Dignitates non datur illis dominium. bonorum Eccle-
siasticorum, sed solum administratio ex voluntate Papæ, quod nõ
repugnat voto paupertatis. Lessius 2. *de Iust.cap.* 40. *dub.* 14. Hinc
ea quæ acquirit in Episcopatu Religiosus factus Episcopus, Car-
dinalis, vel Abbas, non sibi, sed Ecclesiæ cui præficitur acquirit.
Sanchez *lib.* 6. *in Decalog.cap.* 6. *num.* 8. Quod etiam de acquisitis
iure hæreditatis intelligitur. Suarez 4. *tom.de Relig.tract.* 8. *lib.* 3.
cap. 16. *nu.* 14. Etiam si fuerit Religiosus Religionis non succedē-
tis in hæreditatem, quia iam est capax succedendi ratione Eccle-
siæ, quam possidet. Suarez 4. *tom.de Relig.tract.* 8. *lib.* 3. *cap.* 16. *nu.*
15. Incipit autem Religiosus acquirere suæ Ecclesiæ, à tempore
confirmationis factæ à Pontifice. Quia ex tunc est à iurisdictione
Religionis exemptus. Rodriguez *tom.* 2. *summ. cap.* 70. *num.* 6. &
tom. 3. *quest. Regular. quest.* 69. *art.* 4. Sanchez *lib.* 7. *in Decal.*
cap. 32. *num.* 67. Hinc etiam nascitur quòd non possit testari sine
licentia Papæ. Eò quòd quidquid acquirit in Episcopatu, acquirit
suæ Ecclesiæ cum sola libera administratione, quæ finitur in mor-
te. D.Thom. 2.2. *q.* 185. *art.* 8. Sanchez *lib.* 6. *in Decal. cap.* 6. *num.* 10.
Hinc quoque probabilius est, quòd ea, quæ Religiosus Episcopus
pro-

prodigè, & superuacaneè consumit, teneatur ad restituendum, aut faciendum ea restitui, eo modo, quo possit, Ecclesiæ, cui erant acquisita. Eò quòd administratio bonorum Episcopatus, quam habet, solùm est ad bonos & honestos vsus. Valentia 2.2. *disp. 10. quæst. 3. puncto 8. Sanchez lib. 6. in Decal. cap. 6. num. 13.*

6. Poteft tamen Religiosus factus Episcopus disponere inter viuos de sui Episcopatus redditibus, eodem modo, quo Episcopus sæcularis. Ratio est, quia quamuis Religiosus Episcopus non habeat verum dominium illorum reddituum (quidquid sit, an etiam Episcopus sæcularis illud non habeat) habet tamen liberam administrationem illorum in honestos vsus Vnde vterque potest de illis disponere ad moderatam sui, & familiæ sustentationem, secundum decentiam status, ad pia opera, eleemosynas, &c. Lessius *lib. 2. de Iust. cap. 4. dub. 5. num. 29. Molina tom. 2. de Iust. disp. 276. vers. Religiosus in conuent.* Imò potest in quauis opera, & quomodo voluerit expèdere, id, quod minus sumpserit de redditibus Episcopatus, quàm in suam competentem sustentationem poterat licitè expendere. Ratio est, quia iustè præsumitur Ecclesiam illi concedere talem licentiam. Nauarrus *li. de Redditibus Ecclesiæ. quæst. 1. Sanchez lib. 6. in Decalog. cap. 6. num. 14.*

7. Quamuis prædicti assumpti ex Religionibus ad dignitates Cardinalatus, Episcopatus, vel Abbatix, sint obligati ad obseruantiã trium Votorum, vt dictum est *num. 2.* non tamen subiacent censuris, aut pœnis impositis à Religione contra transgressores. Eò quòd non manent ampliùs sub iurisdictione Religionis, aut Prælatorum ipsius. Sotus *ult. de Iust. quæst. ult. art. ult. Angles in florib. 2. part. quæst. unic. de vot. art. 25.*

8. Tenentur tamen prædicti assumpti ad eas obseruantias Regulares, siue Regulæ, siue Constitutionum, quæ non impediunt munus, quod gerunt, quales sunt oratio, moderata abstinentia, ieiunia, &c. Ratio est, quia quemadmodum in naturalibus per aduentum formæ perfectioris non excluduntur dispositiones conseruantes formam imperfectiorem, nisi quatenus repugnant formæ perfectiori; ita etiam in moralibus, adueniente, verbi gratia, Episcopatu, qui est forma perfectior Monachismo, non destruentur dispositiones conseruantes, scilicet obseruantia Regulares, nisi quatenus repugnant illi. S. Thom. 2.2. *quæst. 185. art. 8.* Siluest. *ver. Religio. 6. qu. 10.* Huiusmodi autem obligatio, seu debitum solùm est secundum decentiam, & honestatem; non tamen legale, aut obligans ad culpam, vel pœnam. Ratio est, quia Religiosus factus Cardinalis, Episcopus, vel Abbas extra Ordinè, eximitur, & liberatur à iugo Religionis. *c. unico 18. q. 1. Nauar. lib. 3. conf. in*

prima Edit. tit. de Regul. conf. 15. num. 11. in 2. tit. de donat. confil. 6. num. 11. Valentia 2.2. disp. 10. q. 3. p. 8. De hoc etiam debito secundum decentiam, & honestatem, intelligo, quod aliqui Authores volunt, Religiosum factum, verbi gratia, Episcopum, teneri habere secum socium sui Ordinis. Propter eandem rationem. Sotus *ultimo de Iustit. & Iure q. ultima art. ultimo.* Valentia 2.2. *disp. 10. quest. 3. p. 8.* Hoc etiam de exemptione legali Episcopi ab observantijs Regularibus, probabile est etiam extendi ad Episcopum titularem, & ad illum qui Episcopatum renunciavit. Ratio est, quia isti omnes legitime dispensati sunt, & exempti ratione Dignitatis Episcopalis ab huiusmodi observantijs: dum ergo perseveraverit ista Dignitas perseverat dispensatio. Præsertim, quia Episcopi titulares creantur, ut adiuvent alios Episcopos oves habentes in Pontificalibus, ministrando Ordines, Confirmationem, &c. De prioribus Azor. *tomo 1. infl. moral. lib. 12. cap. 10. q. 7.* De posterioribus Aragon 2.2. *q. 88. artic. 11.* Et de vtrisque Sanchez *lib. 6. in Decalog. c. 6. à num. 26.* Addens bene *nu. 30.* quod si propria culpa degradarentur, cessaret dictum privilegium Exemptionis.

9 Prædicti etiam assumpti tenentur habitum suæ Religionis ex præcepto portare. Ratio est, quia obligatio portandi illum non est ex solo mandato Regulæ, aut Constitutionum, sed ex Iure Canonico, ut constat *ex cap. penultimo finali de vita, & honest. Cleric.* & etiam ex consuetudine rationabili, eò quod habitus religiosus est signum obligationis ad vota Regularia. Sæ in *Summ. v. Episcopus.* Henriquez *lib. 10. de Sacram. Ord. cap. 32. num. 5.* Concessum tamen est Episcopis Regularibus à Clemente Octavo in Rituali Romano reformato, ut retento colore habitus suæ Religionis, possint se conformare cum Episcopis secularibus in forma, seu figura illius. Sanchez *lib. 6. in Decal. cap. 6. num. 22.* Cardinales etiam ex Ordinibus Regularibus assumpti possunt portare biretum rubrum, ex cōcessione Gregorij Decimiquarti anno 1591. die 9. Iunii. Laertius in 2. *to. Bulla. fol. 696.* Probabilius autem est prædictos assumptos, etiam si habitum suæ Religionis dimiserint, non incidere in excommunicationem à iure laram contra Religiosos habitum suæ professionis dimittentes, de qua nos *supra cap. 13.* Eò quod textus in *cap. 2. ne clerici vel monachi in 6. vbi* talis excommunicatio statuitur, solum videtur loqui de Religioso sub obedientia Superioris Regularis existente. Rodriguez *to. 2. q. 58. ar. 3.* Bonacina *de clausura quest. 2. punct. 2. num. 26.* Loquimur autem de Religiosis assumptis ad Episcopatum, vel Cardinalatum, non de promotis ad Parochiale munus. Quia isti simpliciter

tēr sunt subiecti Religioni, & ita incident in prædictam excommunicationem. Sanchez *lib. 6. in Decalog. cap. 6. num. 36.* Bonacina *ut supra num. 25.*

10 Vota alia sollemnia, præter tria generalia, quæ solent in aliquibus Religionibus emitti, quale est Minimorum de vita quadragesimali, & Patrum Societatis de obediendo specialiter Summo Pontifici circa missiones, probabile est non obligare Religiosos assumptos ad Dignitates prædictas: Ratio est, quia illa vota emittuntur, ut annexa, & accessoria Regulæ, quam profitentur Religiosi, & ad perfectionem illius. Cum ergo tales assumpti maneant liberi ab obligatione Regulæ (nisi solum secundum decentiam, ut dictum est) ideo etiam manebunt liberi ab huiusmodi Votis. Præsertim, quia credendum est solum ea emisisse religiosum pro tempore, quo est sub iugo Religionis. Sanchez *lib. 6. in Decal. cap. 6. num. 15.* Oppositum etiam est probabile, & inferitur ex doctrina Soti *ultimo de Iust. & Iur. q. ultima art. ultimo.* Suarez *4. to. de Relig. tract. 8. lib. 3. c. 17. nu. 8.*

11 Prædicti etiam assumpti ex Religionibus ad Episcopatus, vel Abbatiz dignitates non tenentur soluere Officium Diuinum iuxta ritum suæ Religionis, sed suæ Ecclesiæ, cum constituantur capita illius. Sanchez *lib. 6. in Decal. cap. 6. num. 25.* Azor *lib. 12. Instit. moral. cap. 7. q. 4.* Vnde occurrente festo Regulæ in festo Diocesis, hoc debet præferri. Gauantus *in Comment. in Rubric. Breuiarij to. 2. sect. 1. cap. 3. tit. 2. n. 2.* Idem credo de assumptis ad Cardinalatum, quia sunt quasi Episcopi in Ecclesijs suorum titularum, & præcipue, quia eximantur ab obseruantijs Religionis nisi solum secundum decentiam, ut diximus supra *nu. 8.* quarum una est specialis modus recitandi Officium Diuinum.

12 Bona Religiosorum, qui ad prædictas dignitates Episcopatus, vel Abbatiz sunt assumpti, pertinent iure communi post eorum mortem ad Ecclesias, quibus præfecti erant: Tum quia ita dicitur *cap. unico 18. q. 1.* Tum quia prædictis Ecclesijs, non sibi, aut Monasterijs adquirunt, iuxta dicta supra *num. 5.* D. Thom. *2. 2. q. 188. ar. 8.* Sotus *10. de Iust. q. ult. art. ult. ad 3.* Quod etiam intelligitur de bonis, quæ iure hæreditario ad ipsos post assumptionem ad prædictas dignitates deueniunt, & de acquisitis donatione, propria industria, aut labore. Propter eadem fundamenta. Lessius *2. de iust. c. 41. dub. 11. nu. 92.* Azor *to. 1. Instit. moral. lib. 12. c. 10. q. 6.* An verò hoc etiam sit verum supposita Constitutione Gregor. XIII. circa spolia Regularium extra claustra decedentium, de qua nos *cap. præced. num. 31.* aliorum iudicio remittitur. Vide Barbosam *de potest. Episcop. allegat. 114. num. 28.*

13 Episcopum autem titularem Regularem, quidam dicunt adquirere Summo Pontifici, quia illi immediate subest. Barbosa *de potest. Episcop. allegat.* 114. num. 31. Quidam acquirere Religioni, cum nullam sedem habeat cui possit adquirere. Sotus 10. *de iust. q. ult. ar. ult. Sa in summ. verb. Religio* num. 52. Quidam verò dicunt per se, & ex vi iuris adquirere illi Ecclesie cuius titulum habet, quia verò non possunt illi cum effectu applicari talia bona, in opera pia dispensanda esse. Suarez 4. *tom. de Relig. tract. 8. lib. 3. c. 17. num. 5.*

14 Ea autem, quæ Religiosi ante assumptionem ad prædictas Dignitates Cardinalatus, Episcopatus, vel Abbatiz adquisierunt, ad Conuentum, vel Religionem spectant. Tum quia habetur in *cap. statutum*, tum quia cum illa adquisierint quando erant membra Religionis, ipsi debebant adquirere, sicut alij Religiosi. Quod etiam concessit Clem. IV. Ordini Prædicatorum, & Alexander IV. Minoribus. D. Antonin. *in tract. de suspens. cap. 4. num. 20.* Suarez 4. *tom. de Relig. tract. 8. lib. 3. cap. 16. num. 22.* Castarub. *in Compend priuileg. Mendic. verb. Episcopus* num. 2.

15 Religiosi ad Prælaturas alterius Religionis euecti auctoritate Pontificia, tenentur non solum votis communibus Religiosorum, sed quòd maneat veri Religiosi, sed etiam specialibus suæ Religionis, quæ non contradicunt muneri, quod gerunt. Non enim est aliqua ratio cur credantur in eis dispensari à Pontifice cum ad prædictas Prælaturas alterius Religionis assumuntur. Regula etiam, Obseruantijs, & Constitutionibus suæ Religionis, quatenus non contradicunt muneri, quod gerunt, aut inter subditos Religiosos, quos regunt, non generant notabilem singularitatem, eodem modo tenentur sicut antea, propter eandem rationem. Quoad habitum portandum, & socium suæ Religionis habendum, attendi debet ad usum Religionis ad cuius regimen assumuntur. Quoad Officij Diuini recitationem conformari debent Religiosis, cum quibus degunt. Quia, & hoc æquitas rationis postulat, & ad bonum regimen illorum spectat. Hæc inferuntur ex dictis, authores enim parum, aut confusè de huiusmodi Religiosis loquuntur. Ea autem, quæ prædicti adquirunt ratione Prælatiæ, quam gerunt, aut Religionis, cuius Religiosos gubernant, pertinent ad prædictam Religionem; quæ verò simpliciter, vel alio titulo, aut respectu personæ, vel Religionis ex qua sunt assumpti, acquirunt prædictæ Religionis vnde sunt assumpti, & pro illa acquisita censeri debent. Sanchez *lib. 7. in Decalo. c. 32. num. ultimo.*

16 Religiosi facti Parochi alicuius Ecclesie, vel ad alia beneficia

cia inferiora prouecti extra Religionem, non solum tenentur votis Religionis generalibus, & præcepto portandi habitum, sicut diximus de Episcopis, Cardinalibus, & Abbatibus supra num. 2. & 9. sed etiam votis specialibus, Obseruantijs Regularibus, & Constitutionibus suarum Religionum, quatenus non repugnant muneri, quod gerunt. Cum nulla sit ratio quare ab illis excusentur. Siluester *verb. Religio* 7. q. 11. Azor. *lib. 12. instit. mor. cap. 19. q. 13.* Non verò tenentur soluere Officium Diuinum iuxta ritum suæ Religionis, sed Ecclesiarum, quibus seruiunt. Quia hoc exigat æquitas, & munus pastoris, quod habent in illis. Rosella *verbo Monachus* num. 5. Sanchez *lib. 6. in Decalog. cap. 6. num. 38.* Videtur tamen necessarium ex præcep. Ecclesie in *cap. 2. de stat. Monach.* & *cap. quod Dei timorem eod. tit.* habere socium sui Ordinis. Sanchez *lib. 6. in Decalog. cap. 6. num. vlt.* Regulariter etiam ea, quæ acquirunt, acquirunt Ecclesie cui seruiunt, non Religioni. Tum à simili de Episcopo, tum quia cum iam sint capita, & pastores illarum Ecclesiarum, æquitas postulat, vt illis acquirant. Nauarrus *lib. 3. consil. in 1. edit. tit. de Regular. conf. 70. nu. 6. in 2. tit. de stat. Monach. conf. 13. num. 6.* Rodriguez *10. 2. quest. Regul. qu. 47. art. 7.* Nisi placeat loqui cū eadem distinctione, qua locuti sumus de Religiosis assumptis ad Prælaturas alterius Ordinis supra num. 15. Vide Sanchez *lib. 7. in Decal. c. 32. nu. 76.* Pro alijs etiam obligationibus Parochorum Regularium vide Gauantum in *Man. Episcop. verb. Parochorum munera præsertim à num. 28. & dicta à nobis cap. 1. nu. 7. & 9.*

17 Prædicti assumpti ex Religionibus ad Cardinalatum, Episcopatum, Abbatiam, vel Parochiam, qui ditiores supellestem, & ampliores familiam habent, quàm decet, peccant magis, quàm alij Episcopi, Cardinales, Abbates, Parochi, &c. Ratio sumitur ex voto Paupertatis, quod prædicti Religiosi in sua professione emisserunt, & à quo non sunt absoluti per assumptionem. Suarez *4. de Relig. tract. 8. lib. 3. c. 16. nu. 30.*

18 Prædicti etiam assumpti gaudent gratijs, & priuilegijs suæ Religionis, quæ respiciunt commodum animæ, vel corporis ipsorum, non autem quæ redundant in damnum, aut incommodum Religionis, aut Monasterij. Ratio primæ partis est, quia verè manent Religiosi, & fauores sunt ampliandi. Ratio verò secundæ; quia huiusmodi priuilegia, & gratiæ semper conceduntur in fauorem Religionis, non in damnum, aut onus. Pro quo extat declaratio Sixti IV. in *monumentis Minorum concessio* 365. Suarez *10. 4. de Relig. tract. 8. lib. 3. c. 18.*

19 In casibus, in quibus Prælati Religionum possunt dispensare

cum Monachis quoad obseruantias Regulares, potest Religiosus Episcopus (idem dico de Cardinalibus, & Abbatibus) secum dispensare. Quia hoc videtur rationi naturali congruum, ne teneatur adire Superiorem Religionis. Toletus *in Summa lib. 4. cap. 4. 20*. Religiosi cuiuscumque Ordinis, etiam medicantium, quamuis Sedis Apostolicæ sint Capellani, eorum Superioribus subiecti manent, ac si prædictæ Sedis Apostolicæ non essent. Ita statuit Greg. XI. ann. 1373. in Bulla *Per Romani Pontificis*. Hoc etiam intelligo de Capellanis Regum, aut Principum. Flau. Cherub. *in Compend. Bull. 10. 1.*

21 Archiepiscopi, & Episcopi cuiuscumque Ordinis professores, postquam munus consecrationis susceperint, etsi à vinculo Ecclesiæ, cui præfuerant, per Sedem Apostolicam fuerint absoluti; & facultatem reuertendi ad suam Religionem, ab ipsa habuerint, ad dignitates, officia, seu Superioritates in illa obtinendas, sunt inhabiles. Ita Paul. IV. in Bulla, quæ incipit *In Sacra* an. 1559. habetur p. c. Bullar. Laertij Cherub. p. vlt. *Quaranta in Summa Bull. verb. electio*. Laurentius de Peirinis *10. 1. priu. Minim. in consil. 4. Sixti IV. §. 10. nu. 44.*

22 Quamuis status Episcoporum perfectior sit statu quorumcumque Religiosorum, iuxta dicta *cap. 1. num. 1.* de quo Suarez. 3. *tomo de Religione*. Nihilominus non propterea licitum est, Regulariter loquendo, appetere, & multò minùs procurare Religiosum Episcopalem dignitatem. Ratio est, tum propter magna pericula animæ, & etiam corporis, quæ regulariter loquendo, sæpius occurrunt in recta administratione ipsius: tum quia vix sine præsumptione, aut superbia tam altus gradus dignitatis appeti potest. Sanctus Thomas *secunda secunda questione 185. articulo 1.* Sotus *10. de Iustitia, & Iure questione 2. articulo 1.* Dixi *regulariter loquendo*, quia in casu necessitatis Ecclesiæ, quando scilicet nullus esset, qui Episcopatum dignè administrare posset, aut vellet, propter pericula, tunc licet posset Religiosus illum appetere. Quia bonum commune est priuato anteponendum, ac proinde priuatum periculum, tunc negligendum, diuinæ gratiæ, & auxilio diuino inittendo. Sanctus Thomas, & Sotus *ut supra*. Valentia 3. *tomo disputatione 10. questione 3. puncto 2. conclusione 3.* Pro quorum maiori luce distinguendum est. Primò enim indignus Episcopatu, vel quia illiteratus, vel vitiosus est, Episcopatum desiderans, grauissimè peccat mortaliter, quia appetit id, quod non potest sine peccato mortali administrare. Toletus *in Summa libro 5. capite 3. §. prima est*. Deinde etiam, qui dignus est, & appetit Episcopatum propter redditus temporales

tam-

tamquam finem, etiam mortaliter peccat. Ratio est, non solum quia peruersè vult rem spiritualem, & superioris Ordinis, esse medium in ordine ad rem temporalem, & inferioris Ordinis, sed etiam quia sic faciens, & ex vi talis ordinationis paratus est, si necesse fuerit, Dignitatem Episcopalem negligere, si bona temporalia non obtinentur. Sorus *ut supra*. Siluester *verbo Episcopatus* §. 4. Tertiò, qui appeteret Episcopatum (quamvis dignus) propter redditus, aut còmoda temporalia, non tamquam finem ipsius Episcopatus, sed tamquam finem ipsius appetitionis, saltem secundarium, etsi non peccaret mortaliter, cum non appeteret spiritualia propter temporalia, ad minus tamen peccaret venialiter, quia tale desiderium ambitionis, avaritiæ, vel præsumptionis esset. Valentia *ut supra* §. *nihilominus tamen*. Quarto, qui etsi dignus, efficaciter appeteret Episcopatum, non propter malum aliquem, aut inordinatum finem, sed propter salutem animarum procurandam, adhuc peccaret. Eò quòd magno periculo salutis quale in administratione Episcopatus occurrit, se obijcere, præsumptuosum, & temerarium est. Sanctus Thomas *ut supra*. Valentia *ut supra* §. *nihilominus tres*. Neque obstat illud ad Timotheum 3. *qui Episcopatum desiderat, bonum opus desiderat*. Quia illud solum est verum tempore necessitatis Ecclesiæ, quale erat quando Sanctus Paulus id dixit. Præsertim quia Apostolus non dixit cum, *qui Episcopatum desiderat, bene desiderat, sed bonum opus desiderat*. Nam opus quod materialiter est bonum, si desideretur temerariè præsumptuosè, & imprudenter, absdubiè illicitè, & peccaminosè desideratur. Valentia *ut sup.* §. *casus autem*. Tolemus *ut supra* num. 4. An verò hoc sit peccatum mortale, aut solum veniale? Probabilius est sapius esse peccatum mortale. Siluester *verb. superbia* n. 7. Vnde Sorus *ut supra* dicit esse perinde atque se in fluvium cum periculo, & sine necessitate conijcere. Valentia *ut sup.* §. 2. *conclusio*. Quòd si dicas. Ego me credo sobrium, pudicum, doctum, &c. cum alijs conditionibus à S. Paul. 1. *ad Tim.* 3. pro Episcopo requisitis, & Episcopatū pro salute animarum desidero, & spero de Dei gratia mihi affuturū, quid ergo mihi deest cur illum concupiscere non possim? Dico, si circa hoc Dei revelationem habueris, credam tibi; si non habueris, non consentio. Credam potius te humilè non esse, qui talia de te cogitas: nec Sanctū, cum veri Sancti Episcopatum laudabiliter fugerint.

23 Vide dicenda de Episcopis non admittendis ad Religionem e. 24. n. 11. & de illo, qui post votum Religionis Episcopus electus est eod. c. 24. n. 27. Qualiter etiam novitius potest eligi ad Episcopatum *ibid.* num. 37.

De obligationibus Prælatorum Regularium, facultatibus, & priuilegijs ipsorum.

C A P. , X V I I I.



PRO comperto est, Religiosorum familijs præfici debere Prælatos, & Superiores, qui ipsos spiritualiter, & temporaliter regant. Tum ex illo Prouerb. 11. *Vbi non est Gubernator, populus corrumpitur*. Tum quia id exigit Obedientiæ Votū, quod Regulares emittunt. Habent autem prædicti Prælati, & Superiores Religiosorum non solum potestatem dominatiuam, qualem habent Patresfamilias in suos, sed etiam Spiritualem Iurisdictionem; cum vtrumque sit necessarium ad rectam gubernationem, Oeconomiamque spirituales, & temporalem Religiosorum. Hæc verò Spiritusalis Iurisdictio, saltem de iure Ecclesiastico, & à Summis Pontificibus deriuata illis conuenit. Eò enim ipso quòd Religiosos ab Episcoporum ordinaria Iurisdictione exemerunt, illam Prælati ipsorum concessisse censentur. Suarez *tom. 4. de Relig. tract. 8. lib. 2. c. 1.* Imò hanc Iurisdictionem ordinariam esse, & non delegatam, eò quòd competit ipsis virtute legis, vel consuetudinis, non autem ex commissione saltem temporali, est communiter receptum. Nauarr. *comm. 2. de Regul. à nu. 63. & comm. 3. à nu. 40.*

2. Hinc huiusmodi Prælati, tam supremi, puta Generales, & Prouinciales, quàm infimi, videlicet Priores, Guardiani, Rectores, &c. habent in suos subditos Iurisdictionem quasi Episcopalem, vt tradunt communiter Authores in Clem. 1. *de reb. Eccles. non alien. ver. proprij.* & sumitur ex cap. *Abbatibus de priuileg. in 6.* Et ratio est, quia cum prædicti omnes non subdantur Episcopis, sed immediatè Papæ, loco ipsorum succedunt quoad regimen suorum subditorum, ac proinde habent quasi Episcopalem Iurisdictionem, Suarez *tom. 4. de Religion. tract. 8. lib. 2. cap. 2. & 13.*

3. Quando in Priuilegijs Religiosum Religiosorum conceditur aliqua facultas, seu potestas Prælati, nisi aliud exprimat, intelliguntur etiam Prælati Conuentuales, cum ipsi sint veri Prælati, & indefinita æquiualeat vniuersali. Suarez *4. tom. de Relig. tract. 8. lib. 2. cap. 22.* Si priuilegium conceditur Prælato inferiori, censetur etiam concedi Superiori, quia recta ratio dicat ita esse intelligendam mentem Pontificis. Suarez *4. tom. de Relig. tract. 8. lib. 2. cap.*

cap. 22. num. 2. Extenduntur etiam priuilegia ista ad Vicarios Conuentuum, illos scilicet, qui in Conuentibus ipsis non habent Superiorem. Quia isti etiam sunt veri Prælati. Rodriguez tom. 1. quest. 20. art. 2. & 3. Suarez 4. tom. de Relig. tract. 8. lib. 2. cap. 22. num. 6. Secus dici debet de quibusdam Vicarijs quarundam Religionum, qui non sunt verè Prælati, sed instituti, vt adiuent Prælatos, vt sunt Vicarij Chori, &c. Rodrig. tom. 1. quest. 17. art. 6.

4 Similiter facultates concessæ Prælatis Religiosorum in priuilegijs Pontificum, nisi oppositum declareretur, possunt ab ipsis alijs delegari. Tum propter aliqua priuilegia quæ hoc concedunt. Tum quia Commissarius ex priuilegio perpetuo potest alteri suas vices committere. Cordub. in summ. Hisp. quest. 8. Suarez 4. tom. de Relig. tract. 8. lib. 2. cap. 22. num. 8.

5 Vt aliquis eligatur in Prælatum alicuius Religionis, præter illas condiciones, quæ secundum iura particularium Religionum sunt necessariæ, & præter illas, quas adduximus supra cap. 15. num. 25. requiritur quod habeat legitimam ætatem, quæ ad minus debet esse vigintiquinque annorum, iuxta cap. cum in cunctis. de elect. confirmatum à Conc. Trident. sess. 24. cap. 12. de reformat. Deinde debet esse Sacerdos ex cap. 1. de etat. & qualis. Quod intelligitur, vel quod sit Sacerdos quando eligitur, vel saltem postea fiat talis. Suarez 4. tom. de Relig. tract. 8. lib. 2. cap. 3. Probabile etiam est, loquendo de Generalibus, & Prouincialibus Religionum, requiri ad talia officia ætatem triginta annorum. Quia in cap. cum in cunctis, de elect. & alibi requiritur ad Episcopatum illa ætas; ij verò Prælati præcipuè habent quasi Episcopalem Iurisdictionem. Miranda in Man. 10. 2. quest. 3. art. 1. In ætate autem à Iure pro Prælatis requisita, nequeunt Superiores Religionum dispensare: propter cap. cum in nobis olim. de elect. & cap. licet can. eodem tit. in 6. Siluest. ver. Casus. cap. 22. Deinde requiritur quod sit professus, quia ita habetur in cap. cum ad nostram, de elect. & cap. cum causa, & cap. cum in magistrum. eodem tit. Imò videtur requiri esse professum professione expressa, non tacita. Quia ita videtur haberi in cap. nullus. de elect. in 6. Requiritur etiam vt sit professus in ipsa Religione, in qua eligitur. Quia ita statuitur in Clement. 1. de elect. & in Trident. sess. 14. cap. 10. de reform. & sess. 25. cap. 21. de Regularibus.

6 Peccant mortaliter Religiosi, qui eligi, ac præfici se sinunt ad Prælaturas, & officia animarum curam habentia sine sufficienti scientia, & litterarum peritia. Colligitur ex cap. cum in cunctis. de elect. & ex Conc. Trident. sess. 22. cap. 2. S. Thomas 2. 2. q. 2. art. 6. Nauarr. in Man. cap. 25. nu. 12. Si tamen inter eligendos vnus sit litte-

litteratissimus, sed pravis moribus implicatus, alius verò medio-
criter doctus, sed virtutibus præditus, aptior est iste reputandus,
quàm ille. Sotus 3. *de Iust. & Iur.* q. 6. a. 2.

7 Illegitimi nequeunt esse Prælati in Religionibus, nisi ex Pape
dispensatione. Quia ita habetur in *cap. 1. de fil. Presb.* Nauarrus in
cap. statutum. num. 60. Quod intellige etiam si sint occultissime ille-
gitimi. Siluestr. *verb. Irregularitas. quæst. 20.* Corduba *lib. 1. Quæ-
stionarij. quæst. 38.* An autem ex privilegio dispensare possint cum
illis Religionum Prælati, dicitur infra à *num. 60.*

8 Non possunt eligi in Prælatos Religionum, qui homicidium
aliquando perpetrarunt, iuxta Decretum Conc. Trident. *sess. 14.
cap. 7.* in quo dicitur: *Cum etiam qui per industriam occiderit pro-
ximum suum, & per insidias, ab altari auelli debeat, qui sua volun-
tate homicidium perpetraverit, etiam si crimen id, nec ordine iudi-
cario probatum, nec alia ratione publicum, sed occultum fuerit, nullo
tempore ad Sacros Ordines promoueri possit, nec illi aliqua Ecclesia-
stica beneficia, etiam si curam non habeant animarum, conferri ti-
ceat, sed omni Ordine, ac beneficio, & officio Ecclesiastico perpetuo
careat; si verò homicidium non ex proposito, sed casu, vel vim vi re-
pellendo, ut quis se à morte defenderet, fuisse commissum narretur,
quam ob causam etiam ad Sacrorum Ordinum, & Altaris ministre-
rium, & beneficia quæcunque, ac dignitates, iure quodammodo di-
spensatio debeat, committatur loci Ordinario, aut ex causa, Metro-
politano, seu viciniori Episcopo, qui, non nisi causa cognita, & proba-
tis processibus, ac narratis, nec aliter dispensare possit.* Possunt tamē
illa officia, quæ actu habent quando committunt homicidium
retinere, cum hoc non prohibeatur in dicto Decreto Concilij.
Nauarr. in *Manual. cap. 27. num. 249.* Insuper quando tale homi-
cidium, quantumvis voluntarium, fuerit omnino occultum, id est,
nec deductum ad forum contentiosum, aut vilo modo deducibile,
probabile est apud quosdam, cum tali homicida posse dispensare
Prælatos Religionum ad officia Ordinis. Propter dicenda inferiùs
num. 44. Laurentius de Peirinis *tom. 1. Prius. Min. in Const. 2. Iulij
II. num. 102.*

9 Non requiritur ex vi Iuris communis aliqua antiquitas in
Ordine ad officia, & Prælaturas, sed statim post professionem fa-
ctam redditur habilis ad illa. Ratio est, quia licet pro Abbatissis
requirat Conc. Trident. *sess. 25. cap. 7.* octo annos post professionē
pro Abbatibus autem, seu Prælati Religionum, neque in ipso
Concilio, neque in aliquo loco Iuris talis conditio petitur, for-
tassis, quia sexus virilis fortior, & perfectior est. Suarez 4. *tom. de
Relig. tract. 8. lib. 2. cap. 3. num. 16.*

10 Licet quoad durationem Prælatorum in suis officijs attendenda sint specialia iura, & consuetudines Religionum, & præcipue Summorum Pontificum Ordinationes, convenientissimum tamen multis pijs, & prudentibus visum fuit, Prælatos Religionum, præsertim supremos, quales sunt Generales, debere esse perpetuos. Ratio est, propter multa incommoda, quæ sequuntur ex limitato tempore officiorum, quinquennio scilicet, vel sexennio. Primum est, quia tales Prælati non possunt tam plenam, & absolutam potestatem in suos subditos exercere, quam si essent perpetui. Secundum est, propter multas expensas, quæ tempore Capitulorum, seu Congregationum à Religiosis fieri solent, multasque ipsorum diuagationes itinerando. Tertium, propter euitandas mutorum ambitiones, sectas, rixas, odia, scandala, recursus ad sæculares, subornationes, imò aliquando simonias, & illicitas conuentiones, quæ tempore Capitulorum fieri quandoque solent. Quartum, quia Prælati pro tempore limitato electi, si sint ambiciosi suam procurant relectionem, ad quod oportet dissimulare vitia vocem habentium in Capitulis, officia, & dignitates Ordinis indignis conferre, vt suffragia tempore electionis præstent, subornanturque quandoque Principes, & Prælati extra Religionem xenijs, muneribus, & pecunijs Ordinis, vt adiutorium præbeant. Quintum, quia tempore limitato Generalatus, verbi gratia, quinquennio, vel sexennio, vix, aut nullo modo reformari potest Religio; cum ferè vnus annus expendatur in congregando Capitulo, alius in redeundo ab eodem, alius in præparandis necessarijs pro tempore proximè futuri Capituli. Suar. 4. tom. de Relig. tract. 8. lib. 2. cap. 7. & lib. 10. de reg. Societ. cap. 2. Miranda in Man. tom. 2. quæst. 6. art. 5. & 6. Legatur specialiter Nauarr. comm. 3. de Regul. nu. 3. & lib. 3. consil. de Iur. patron. consil. 4. vbi pijsimus, & doctissimus Doctor hæc dixit: *Licet ambitio, & dulcedo sensualitatis suaserint multis Regularibus melius esse regimen triennale inuentum, à recentibus Regularibus, vt per frequentes mutationes, ambiciosi, & auari aliquando fiant Prælati, vel Prælatæ, multò profectò coram Deo, & Sanctis eius melius, & sincerius est regimen illud antiquum, quod antiqui iidem Sanctissimi Patres Basilius, Augustinus, Benedictus, Bernardus, & Ecclesia vniuersa seruauit, quando longè Regulares erant meliores, quàm nunc sunt, &c.* Curent ergo Religiones, Apostolica Sede consentiente, perpetuos sibi Generales, sicut antiquitus fieri solebat, habere.

11 Prælati Religionum, etiam Generales, tenentur obseruare leges communes Religionis, & dispositiones Capitulorum Generalium. Cum talia Capitula sint supra ipsos. Imò hæc obligatio non

non solum est quoad vim directiuam, sed aliquo modo coactiuā. iuxta dicta supra *cap. 8. num. 21*. Tenentur etiam ad obseruanda præcepta à se alijs imposita. Tum ex communi principio, quod Princeps tenetur obseruare suas leges; tum quia lege naturæ obligantur ad bonum exemplum subditis præstandum. Suarez *tom. 4. de Relig. tract. 8. lib. 2. cap. 8*. Vide dicenda infra *num. 54. 86. & 87*.

12 Generaliter loquendo ea, quæ in Conc. Trident. *sess. 6. cap. 1. & 2.* & alijs iuribus statuuntur circa residentiam Prælatorum, intelligi debent suo modo de Prælati Religionum. Propter similitudinem. Miranda in *Man. tom. 2. quest. 9. art. 5*. Hinc Prælati Monasteriorum tenentur assistere suis Monasterijs tempore pestis, vel hæresis, etiam cum periculo mortis. Ratio est, quia sunt quasi Parrochi illorum Monasteriorum. Parochis autem non licet fugere in talibus euentibus. Sanchez *libr. 6. in Decalog. capit. 2. num. 55*.

13 Habent Prælati Religionum potestatem administrandi bona temporalia Monasteriorum. Tum quia ita habetur in *cap. nullam. 19. quest. 2*. Tum quia cum priuati Religiosi propter votum Paupertatis, quod habent, non possint tali facultate vri, nec tota cōmunitas immediatè, vt de se patet, oportet, quod hoc onus incumbat Prælato. Nauarr. *comm. 3. de Regul. num. 5. & 6*. Suarez *4. tom. de Relig. tract. 8. lib. 2. cap. 26*. Expendentes autem bona Monasteriorum in vsus prauos, vanos, aut superfluos, peccant contra votum Paupertatis, & sunt proprietarij. Ratio est, quia non sunt domini bonorum Monasterij, sed tantum administratores in utilitatem ipsius; atque ita solum possunt expendere in ipsius utilitatem, quia ad hoc solum habent facultatem à Monasterio, quod est dominus talium bonorum. Nauarr. *lib. 3. consil. in prima edit. conf. 75. in 2. conf. 3*. Azor *tom. 1. Injst. Mor. lib. 12. cap. 12. quest. 2*. Qualiter autem alienare non possunt bona Ecclesiarum, seu Monasteriorum, diximus supra *cap. 10. à num. 1*. Suarez *tom. 4. de Relig. tract. 8. lib. 2. cap. 26. 27. 28*. Imò nec posse bona vnius Monasterij (intelligo immobilia; & mobilia pretiosa) in aliud transferre, non obstantibus aliquibus Priuilegijs Religionum, videtur inferri ex Decretis ibi adductis; eò quod huiusmodi translationes bonorum sunt quædam species alienationis. Peirinis *tom. 1. Priuileg. Miniman Const. 2. Iulij 11. §. 26. num. 76*.

14 Prælati, qui in quantum possunt, non curant suos subditos viuere vita communi absque aliquo peculo, aut proprio, & superfluos vsus vitare, non sunt in bono statu conscientie. Ratio est, quia votum Paupertatis id requirit, Summi que Pontifices, & Con-

Concilia id præcipiunt, iuxta dicta supra c. 6. n. 60. Siluefter *verb. Religio. 6. quæst. 7. Sanch. lib. 7. in Decal. cap. 19. num. 27.* Vide Conc. Trid. *sess. 25. de Regular. cap. 1.*

15. Possunt, & tenentur Prælati Regulares suos subditos corrigere, & punire; imò sanguis eorum de manibus Prælatorum requireretur. Tum ex *cap. irrefragabili. de offic. ordin.* Tum ex eo quod sint veri Pastores, & Rectores Ecclesiarum. Grassi i. *par. Decis. lib. 3. c. 5. num. 133.* Imò omittentes corrigere suos subditos ex negligentia, aut timore, facile peccant mortaliter. Quia tenentur illos in via perfectionis instruere. Sæ in *Summ. verb. Correctio. num. 2.* Adunt aliqui peccare etiam mortaliter Prælatos omittentes corrigere subditos in aliquibus peccatis venialibus, illis scilicet, quibus introducuntur consuetudines contrariæ Religioni, quia hoc cedit in magnum detrimentum ipsius. Bañez 2. 2. *qu. 33. art. 2. dub. 2.* Thomas de Iesu. *de visitat. Regular. tract. 1. cap. 6.* Vide dicenda *cap. 27.*

16. Possunt etiam Prælati Regulares punire suos subditos pœna corporali proportionata eorum delictis. Ratio sumitur ex potestate non solum dominatiua, sed etiam Iurisdictionis, quam super illos habent. Hinc possunt illos damnare ad triremes, casu tamen raro, & ad satisfaciendum publico scandalo ex delicto enormi. Quia ita habet consuetudo multorum prudentium. Vide dicta *cap. 16. num. 32.* Possunt etiam pœna exilij damnare Religiosos. Cum in illa nulla sit indecentia. Licet hoc magis procedat in Religionibus Monachalibus, in quibus Monachi acquirunt domicilium in Conuentu, ubi professi sunt, non sic in Mendicantibus. Alderete *lib. 2. de Relig. discipl. cap. 27. num. 18.* Tradere tamen illos immediatè brachio seculari ultimo supplicio afficiendos, nisi hoc illis per aliquod priuilegium concedatur, non videtur permissum. Quia hoc vix potest excusari ab irregularitate. Idem dico de mutilatione membrorum, propter eandem rationem. Suar. *tom. 4. de Relig. tract. 8. lib. 2. cap. 10.* Vnde etiam multò minùs possunt punire suos subditos pœna mortis. Ea enim à nullo iudice Ecclesiastico imponi potest. *cap. cum non ab homine, de iudicijs.* Suarez, *ut supra.* Ex priuilegio etiam Bonifacii VIII. concessio Prælati Dominicanorum, possunt contra suos subditos procedere, Iuris apicibus postpositis. Dicuntur autem Iuris apices actus illi, qui potiùs respiciunt subtilitatem, quàm facti veritatem, & merita causæ. Flavius Cherub. in *Comp. Bullarij tom. 1.* Vnde licet feruari debeat in huiusmodi iudicijs ea forma, quæ ex iure naturali, & gentium requiritur; procedi tamen potest, & debet sine strepitu, & figura iudicij secularis. Tum ex prædicto priuilegio.

Tum:

Tum ex congruentia, quia in Religionibus præcipuè attenditur sincera, & plana cognitio criminum, potiùs ad salutem animæ, quàm ad puniendum, & in eis credibile sit Iudices procedere cum maiori charitate, & puriori intentione, & testes esse magis fide dignos. Caiet. 2.2.q.70.ar.2. Sot. 5.de Iustit. q.7. art. 2. Vide dicenda cap.27.num.26.

17 Possunt præterea Prælati Regulares ad cognoscenda, vel punienda delicta subditorum procedere iuridicè per viam accusationis, iudicialis denunciationis, & inquisitionis. Ratio est, quia hoc pertinet ad potestatem Iurisdictionis, quam habent, & est necessarium pro bono regimine Religionis. Suarez 4.tom. de Relig. lib.10. de regim. Societ. cap. 11. 12. & 13. Non tamen possunt interrogare de delicto alicuius in particulari, nisi de illo præcesserit aliqua infamatio. Aliàs fieret illi iniuria, nec Iudex procederet iuridicè. Navar. cap. inter verba coroll. 47. nu. 179. Suarez 4.tom. de Relig. lib.10. cap. 11. Possunt tamen subditum non plenè conuictum, & negantem delictum, cogere etiam per torturam, ut fateatur illud. Cum hoc iure naturali sit licitum, & nullo iure prohibitum Religiosis. D. Anton. 3.par. tom.9. cap.7. §. 8. Siluester v. Inquisitio 2. disto.9. Addunt aliqui, Religiosos non debere torqueri per violentas actiones instar secularium, sed per strictiorem carcerem, humi cubationem, strictiora ieiunia, &c. Suarez 4.tom. de Relig. lib.10. de Regimine Societ. cap. 12. Sed hoc intelligo regulariter: quando enim delictum fuerit enorme, & prædicta non sufficiant, non video quare non possit applicari maior tortura. Vide dicenda cap.27.num.16.

18 Quamuis propter privilegia Religionum, specialiter Clementis Septimi in bulla anno 1530. eximentis Frâtes Carmelitânos ab Inquisitoribus hæreticæ prauitatis, etiam in casu hæresis, illosque sub potestate Sedis Apostolicæ constituentis, possent antiquitus Prælati Religionum, etiam in casu hæresis, de suis subditis iudicare, quod limitauit Pius Quartus in alia Constitutione anno 1562. solum ad casum, in quo Prælati Religionum in talium causarum cognitione Inquisitores præuenirent. His tamen temporibus nullo pacto licet hoc facere, propter Constitutionem Pauli Quinti anno 1606. editam, ubi reuocat omnes facultates Superioribus Ordinum, quoad hoc concessas, & similes causas ad tribunal Sanctæ Inquisitionis solum pertinere decernit. Præcipitque sub magnis pœnis tam Prælati Religionum, quàm Religiosis subditis, quòd Religiosos de hæresi suspectos denuncient Inquisitoribus, vel Ordinarijs locorum vicinioribus. Vide Bullam tom.3. Bull. inter Bullas Pauli V. num.26. Vincentius Fi.

Filius tom. 1. tract. 15. cap. 8. Omnes etiam, singuli, & quicunque Religiosi, aut Regulares Hæretici, seu de hæresi quomodolibet suspecti debent Inquisitoribus denunciari sub pœna excommunicationis latæ sententiæ, iuxta edictum S. Inquisitionis, quod refert Peirinis *tom. 2. priu. Minim. in Const. 9. Paul. V. nu. 27.* Vbi etiam *num. 28.* refert Decretum Pij V. ann. 1567. prohibentis ne à suis superioribus possint per quinquennium à die recursus molestari, vel inquietari Religiosi, qui pro tempore, ad Officium S. Inquisitionis recurrerint, vel in eo testimoniū perhibuerint veritatis inconsultis DD. Cardinalibus S. Inquisitionis. Qualiter etiam Regulares pœnitentiati à S. Officio inhabiles sint ad Officia Religionum constat ex Decreto S. Inquisitionis *cap. 15. nu. 39.* relato.

19 Possunt Prælati Religionum referuare sibi casus suorum subditorum, ita vt solum ab ipsis absoluantur. Cum veram habeant Iurisdictionem spirituales supra illos. Ad hoc autem requiruntur duæ conditiones; prima est, quod tales casus sint peccata mortalia; secunda, quod sint actus externi; cum Ecclesia solum huiusmodi casus referuare sit solita, saltem de lege ordinaria. Suarez 4. *tomo de Religion. tract. 8. lib. 2. cap. 18. num. 3.* Num autem potestate absoluta possit aliter fieri. Sotus in 4. d. 18. *quest. 2. art. 5.* Probabile etiam est hanc facultatem referuandi casus extendi etiam ad Nouitios, quia verè sunt subiecti Religioni. Adducitur etiam adhuc viuæ vocis oraculum Paul. V. licet iam his temporibus, vt sæpè dixi, nihil valeant viuæ vocis oracula, si aliquod priuilegium continent. Peirinis *tom. 2. priu. Minim. in Const. 10. Urban. VIII. num. 9.*

20 Insuper ex speciali Decreto Clem. VIII. an. 1593. decernitur. Vt nemo ex Regularium Superioribus peccatorum absolutiones sibi referuet, exceptis ijs, quæ sequuntur, aut omnibus, aut eorum aliquot, prout subditorum vtilitati expedire prudenter in Domino iudicauerint. *Veneficia, Incantationes, Sortilegia, Apostasia à Religione, siue habitu dimisso, siue retento, quando eò peruenierit, vt extra septa Monasterij, seu Conuentus fiat egressio. Noturna, ac furtiua è Monasterio, seu Conuentu egressio, etiam non animo apostatandi facta. Proprietas contra votum Paupertatis, quæ sit peccatum mortale. Iuramentum falsum in Iudicio Regulari, seu legitimo. Procuratio, auxilium, seu consilium ad abortum faciendum post animatum factum, etiam effectu non sequuto. Falsificatio manus, aut sigilli Officialium Monasterij, aut Conuentus. Furtum de rebus Monasterij, seu Conuentus in ea quantitate, quæ sit peccatum mortale. Lapsus carnis voluntarius operè consummatus.*

Oscissio, aut vulneratio, seu grauis percussio cuiuscunque personæ. Malitiosum impedimentum, aut retardatio, aut aperitio litterarum à Superioribus ad inferiores, & ab inferioribus ad Superiores. Ad iungit præterea idem Põtifex ad maiorem cautelam, quòd si quod aliud præterea peccatum graue pro Religionis conseruatione, & aut pro conscientie puritate reseruandum videbitur, id non aliter fiat, quàm Generalis Capituli in toto Ordine, aut Prouincialis in Prouincia matura discussione, & consensu. Prosper August. *in addit. ad Quarant in Summ. Bull. verb. casus reseruatur.* Suarez 4. tom. in 3. p. disp. 28. sect. 3. num. 13. & 4. tom. de Relig. tract. 8. lib. 2. cap. 18. Vide Decretum 4. to. Bull. in Constit. Urbani 2. 16.

21 Vtrum autem, esto quòd non possint Prælati Regulares reseruare sibi alios casus præter istos, possint tamen censuras aliorum casuum reseruare, vt si Prælatus præcipiat sub pœna excommunicationis latæ sententiæ sibi reseruata, vt nemo, v. g. loquatur Monialibus? Suarez 4. to. in 3. p. disp. 28. sect. 3. respondet affirmatiuè. Eò quòd Pontifex solùm loquitur expressè de reseruatione peccatorum, vt patet illis verbis; *peccatorum a solutiones sibi reseruet.* Alij vero viri docti tenent contrarium; eò quòd ex proœmio, & ratione legis sumitur decisio ipsius: constat autem rationem huius legis in proœmio ab ipso Pontifice assignatam esse, quia si Prælati non vtantur prudenter facultate reseruandi sibi casus, *nonnullos infirmiores, qui interdum Superiori suo conscientia maculas detegere formidant, adducere possent in æternæ damnationis periculum; & spiritualis remedij desperationem.* Hæc verò ratio etiam procedit in reseruatione censurarum; ac proinde videtur vtrumque prohiberi à Pontifice. Prima sententia conformior est verbis Pontificis. Secunda verò intentioni, & ita, vt puto, probabilior. Sanchez lib. 6. in Decalog. cap. 1. num. 16. Extat etiam declaratio S. Congregationis Romæ 7. Iulij 1617. vbi expressè declaratur in prædicto decreto Clem. VIII. comprehendendi etiam censuras. Vide Erasmus Chokier in tract. de Iurisdic. Ordin. in Exempt. p. 4. q. 56. Vnde iam prior sententia non potest in praxi teneri. Vide dicenda cap. sequenti num. 29. & infra num. 29.

22 Possunt Prælati Religionum etiam locales, & Conuentuales, excommunicare suos subditos. Quia omnes isti habent Iurisdictionem quasi Episcopalem, vt diximus supra num. 2. Suarez tomo 4. de Relig. tract. 8. lib. 2. cap. 9. num. 6. addens, etiam posse suspendere. Quia qui potest in maius potest in minus, maius autem est excommunicare, quàm suspendere: idemque dicit de interdicto personali, licet hoc non sit in vsu. Irregularitatem ve-

rò

rō non possunt imponere. Quia neque Episcopi illam imponunt, sola enim Pontificis auctoritate, & in casibus à Iure expressis incurritur. *Cap. 15, qui de sent. excom. in 6. Suarez tomo 4. de Relig. tract. 8. lib. 2. cap. 9. num. 7.* Quamuis autem Prælatus peccet ponendo excommunicationem non seruata Iuris forma, scilicet quod procedat trina admonitio, quod fiat in scriptis, & non diebus feriatis, quia ita habetur in Iure per multa capita, excommunicatio tamen valida erit, dummodò præcedat aliqua admonitio. Quia ita interpretatur consuetudo legem canonicam. *Sotus in 4. dist. 22. quest. 1. art. 2. Suarez 5. tomo in 3. par. disput. 3. sect. 13. à num. 1.* Prælati publicè excommunicati, vel suspensi non possunt suos subditos excommunicare, quia habent ligatam Iurisdictionem. *Cornexo tom. 2. in 3. par. tract. 5. disp. 2. dub. 4.* Quando verò talis defectus est occultus, licet peccent ferendo censuras, validæ tamen sunt. Quia Ecclesia non priuat illos tunc vsu Iurisdictionis propter euitanda maxima inconueniētia, quæ ex opposito sequerentur. Idem *Cornexo ut supra. Bonacina disp. 2. de censur. q. 2. punct. 5. à num. 3.*

23 Non possunt Prælati Religionum, etiam si sint Generales, eximere aliquem Religiosum ab obedientia sui Prælati immediati, puta Prouincialis, vel Prioris, &c. Ratio est, quia hoc videtur à simili reseruatum Sedi Apostolicæ in *cap. Frater noster 16. quest. 1. & vltius, est contra bonum regimen, & obseruantiam Religionum. Siluester v. Casus quest. 1. casu 5. Miranda in Man. tom. 2. quest. 7. art. 6.* Oppositum tamen videtur tenere *Suarez 4. tom. de Relig. tract. 8. lib. 2. cap. 2. num. 21. Vide dicta cap. 4. num. 33.*

24 Nec possunt Prælati Regulares, etiam Generales, de noua aliquam Prouinciā fundare, & erigere, seu iam erectam, atque fundatam diuidere, sine licentia Sedis Apostolicæ. Ita colligitur ex *cap. Felix 16. quest. 1. & cap. Præcipimus ibidem, & cap. de locorum de consecrat. dist. 1. Silu. v. casus quest. 1. casu 8. 9. & 10. Miranda tomo 2. Man. quest. 7. art. 11.*

33 Prælati Religiosi habent ordinariam Iurisdictionem ad soluendum sibi subditos à peccatis; Quia sunt Pastores Ordinarij illorum, & in eos translata est cura, quam Episcopi, vel Parochi habent circa seculares. *Suarez tomo 4. de Relig. tract. 8. lib. 2. cap. 15.* Possunt etiam hanc Iurisdictionem delegare. Quia quicumque habet potestatem Ordinariam potest illam delegare. *Suarez ut supra num. 4.* Imò regulariter loquendo debent hanc auctoritatem delegare, iuxta dicenda inferius ex decreto Clement. VIII. *Suarez ut supra.*

26 Vnde non possunt Religiosi alteri confiteri nisi suis Prælati, aut designatis ab ipsis; propter rationem allatam. Suarez *tom. 4. de Relig. tract. 8. lib. 2. cap. 16. num. 1.* Et quamvis hoc non esset de Iure communi, habent illud à Summo Pontifice, propter multa privilegia. *Compend. priuil. Mendic. v. absolutio Ordin. quoad Frat. & verb. Confessores, & verb. confessio.* Vnde, etiam si Religiosi sint approbati ab Episcopis, non possunt audire confessiones Religiosorum, nisi à Prælati ipsorum habuerint licentiam. Propter adductam rationem. Nauarr. *in Manu. capit. 4. num. 1.* Extenditur etiam hoc ad habentes Iurisdictionem à Papa. Non enim credendum est Pontificem concedentem alicui facultatem quantumvis generalem audiendi omnium confessiones, velle quod audiat confessiones Religiosorum, inuitis eorum Superioribus; quia hoc esset in detrimentum disciplinæ Regularis. Suarez 4. *tom. de Relig. tract. 8. lib. 2. cap. 16. num. ultimo.* Excipiunt tamen aliqui Pœnitentiarios Papæ, quia Papa, qui est summus Prælati Religionum videtur hanc facultatem concessisse suis Pœnitentiariis. Peirinis *tomo 1. priuil. Min. in Constit. 2. Iulij II. num. 62.* Et hoc videtur certum, cum prædicti Pœnitentiarii sint quasi ministri, & Vicarij Papæ, represententque ipsum in foro pœnitentiali.

27 Ad audiendas tamen Religiosorum confessiones non requiritur approbatio Episcoporum, quia hoc erat de Iure communi antiquo, & non est derogatum à Concilio Tridentino *sess. 23. capit. 15.* cum ibi solum sit sermo de confessoribus secularium. Nauarrus *in Man. cap. 4.* Religiosi quoque itinerantes possunt confiteri cuilibet Confessario siue Regulari, siue seculari, quia per licentiam itinerandi conceditur illis implicitè talis facultas. Miranda *in Man. tomo 2. quæst. 33. art. 6.* pro quo etiam videatur Caffarubius *v. absolutio ordinaria quoad Frat. §. 23. & 35.* referens aliqua privilegia circa hoc. Licet privilegium Leon. X. quod ibi refert *num. 23.* nihil iam valeat, cum fuerit viuæ vocis oraculum. Quod etiam est verum, etsi Confessarius, qui eligitur non sit ab aliquo Ordinario approbatus, sed simplex Sacerdos, quia vt diximus, Religiosi non sunt astricti confiteri approbatis ab Episcopis, cum ante Concilium astricti non essent, & per Concilium nihil sit immutatum. Corduba *Super Reg. S. Franc. cap. 7. qu. 3. punct. 1.* Suarez *de pœnit. disp. 28. sect. 4.* Sa *in Summa ver. Confessor num. 6.* Religiosi verò hospites in aliquo Conuentu sui Ordinis, Prælati illius Conuentus, vel alteri, qui ab ipso habeat licentiam debent confiteri, cum ille Prælati sit veluti Ordinarius illius loci. Suarez 4. *tom. de Relig. tract. 8. lib. 2. cap. 17. num. 2.*

¶ 3. Addunt benè, quòd si Religiosus hospes habet facultatem à proprio Prælato confitendi cui voluerit, poterit id facere etiam in alieno Conuentu.

28 Possunt Prælati Religionum iure ordinario absoluerè suos subditos sacramentaliter, non solùm à peccatis, & censuris non reseruatis, sed etiam à sibi reseruatis, vel per seipsos, vel per alios, quos ipsi delegauerint. Ratio est, non solùm, quia, vt dictum est, habent Iurisdictionem quasi Episcopalem supra suos subditos, sed etiam, quia hæc est vis reservationis, vt qui reseruatum, ab illo possit absoluerè. Suarez tom. 4. de Relig. tract. 8. lib. 2. cap. 19.

29 Non tamen propterea tenentur Religiosi confiteri sua peccata, etiam reseruata, suis Prælatis. Ratio est, quia ipsi Prælati tenentur in singulis domibus deputare *duos, tres, aut plures Confessarios pro subditorum numero, maiori, vel minori, ijque sint d. cti, prudentes, ac charitate præditi, qui à nō reseruatis eos absoluant, & quibus etiam reseruatorum absolutio committatur, quando casus occurrerit, in quo eam debere committi ipse in primis Confessarius iudicauerit.* Ita Clemens Octauus in Decreto de cas. reseruatis. Qui etiam adiungit, & declarat, vt si huiusmodi Regularium Confessarijs casus alicuius reseruati facultatem petentibus, Superior dare noluerit, possint nihilominus Confessarij illa vice pœnitentes Regularès, etiam non obtenta à Superiore facultate, absoluerè. Si verò contingat non vna vice, sed pluribus Religiosum cadere in casum reseruatum, & Confessario petenti facultatem absoluedi ab illo, Superior neget, Religiosus autem cogatur celebrare, vel communicare, dicendum est, quòd si tunc solùm timet Religiosus confiteri suum peccatum Prælato propter ruborem, verecundiã, vel aliquod incommodum simile, tunc tenetur ipsi confiteri antequàm celebret, vel communicet. Quia huiusmodi difficultates nō sunt sufficientes ad deobligandum Religiosum à præcepto diuino confessionis, cum sint parui momenti. Quando verò timet subditus Prælato suo confiteri, quia timet aliquod damnum multum graue, verbi gratia, fractionem sigilli, infamiam apud alios, vel aliud huiusmodi, tunc potest habito actu contritionis cōmunicare, vel celebrare non confitendo tale peccatum suo Superiori. Quia graua ista incommoda excusant illum ab obligatione confitendi. Si tamen habuerit alia peccata non reseruata, ea alteri Confessori idoneo tenetur confiteri, à quo absoluitur directè à peccatis non reseruatis, & indirectè ab eo, quod propter iustam causam non tenetur Superiori confiteri, quamuis illi sit reseruatum. Cum onere tamen illud confitendi postea cuiuncque habuerit auctori-

tatē illud directē absolueri. Quod etiā credo facere posse etiā si non habeat alia peccata non reservata, nisi solum aliās confessā, ea scilicet de nouo confitendo. Tolet. *lib. 3. Summ. cap. 13. num. 8.* Suarez 4. *tom. de Relig. tract. 8. lib. 2. cap. 19.* Vide dicenda *cap. sequenti num. 37.*

30 Possunt etiam prædicti Prælati Regulares absolueri à censuris reservatis Papæ, quæ in Iure sunt commissæ Episcopis, qualis est absolutio ab excommunicatione Canonis *Si quis suadente, &c.* Eò quòd habeant Iurisdictionem Episcopalem. A censuris autem, quæ Episcopis sunt commissæ ex speciali commissione, præsertim, ut Legatis Summi Pontificis, qualis est illa, quæ habetur in Concil. Trident. *sess. 24. cap. 6.* non possunt Iure communi absolueri. Quia, licet prædicti Prælati habeant Iurisdictionem Episcopalem, hæc tamen non committuntur Episcopis, ut talibus, sed ut Legatis Sedis Apostolicæ, vel ex speciali commissione. Suarez 4. *tom. de Relig. tract. 3. lib. 2. cap. 20. num. 9.* Similiter à censuris latis ab Episcopis (in casibus, in quibus eas in Religiosos exemptos ferre possunt, iuxta dicta supra *cap. 11. num. 14.*) non possunt absolueri Prælati Regulares iure communi suos subditos. Ratio est, quia in illis actibus sunt Episcopi Superiores Prælati Religionum, quia vel pro illis sunt Sedis Apostolicæ delegati, vel saltem pro illis ablata est exemptio à Religiosis. Non ergo possunt ab illis censuris absolueri Prælati Religionum. Suarez 4. *tom. de Relig. tract. 8. lib. 2. cap. 20. num. 4.* An autem ex privilegio possint ab illis absolueri, lege Suarez *ibidem num. 5.*

31 A casibus autem, peccatis, aut criminibus Summo Pontifici reservatis, non possunt ex vi iuris communis absolueri suos subditos Prælati Regulares. Cum nullus inferior possit contra volūtatē Summi Pontificis suam iurisdictionem exercere. Id tamen facere possunt primò Prælati Ordinis Prædicatorum, & qui cum ipsis communicant in privilegijs, ex privilegio Pij V. eisdem concessio. Cum enim Trident. Conc. concesserit Episcopis, ut absolueri possint in foro animæ, seu cōscientiæ ab omnibus peccatis, & casibus occultis, & dispēfare in irregularitatib. prout *sess. 24. c. 6.* habetur, ne Prælati dicti Ordinis in hac parte deterius conditionis, quàm clerici, aut sæculares existant, ideo Pontifex iste concessit Priori Conventuali, & Superioribus Prælati, ut ipsi per se ipsos, idem omninò possint in Fratres, & Moniales dicti Ordinis sibi subditos, quod possunt Episcopi in Clericos, & laicos sibi subditos, tam quoad absolueri, & dispensandi huiusmodi, quàm alias quascumque facultates. Passarellus in *lib. Privileg. fol. 127.* Sorbus in *Comp. fol. 45.* Quare licet à prædictis casibus non possint Prælati suos sub-

subditos absoluere ex vi Decreti Cōc. Trid. iuxta dicta supra c. 10. n. 35. ex vi tamen huius priuilegij, & cum conditione ibi assignata, scilicet, quòd id faciāt *ipsi perse ipsos*, & in casibus occultis, id efficere possunt. Suar. 4. to. de Relig. tract. 8. li. 2. cap. 12. n. 8. & 9. 32. Secundò id facere poterant olim ex priuilegio Eugenij IV. concessio Fratribus Minoribus de Obseruantia Castellæ (quod postea Pius Secundus extendit ad totam familiam) quod refert Casarrubius in *Compend. Priuileg. Mendicantium, verb. Absolutio extraordinaria quoad Fratres, num. 3.* Sed quia hæc concessio fuit uiuæ vocis oraculum, vt patet ex eodem Casarrubio ibidem, & extensio, quæ dicitur esse facta à Pio Secundo non constat, an fuerit per Bullam, aut uiuæ vocis oraculum; ideo his temporibus, in quibus à S. D. N. Urbano omnia uiuæ vocis oracula abrogata sunt, non licet vti tali concessione. Possunt tamen prædicti Prælati à prædictis casibus suos subditos absoluere, propter alias concessiones, quas modò afferimus.

33. Nempe pro Religione Carmelitarum ex priuilegio Sixti IV. in Bulla quæ est Mare Magnum Religionis, & incipit *Dum attentata*, vbi Pontifex refert priuilegium Eugenij Quarti, quo concessit Generali, vel ab eo deputatis, vt haberent circa omnes sui Ordinis Fratres, in confessionibus eorum audiendis, & pœnitentijs iniungendis, alijsque dumtaxat salutem animarum concernentibus, exequendis, eamdem potestatem, & facultatem, qualem in præmissis Minores Pœnitentiarij Papæ in Romana Curia præsentis ex officio exercebant, & habebant. Et cū in huiusmodi concessione eis ab eodem Eugenio concederetur, suos dicti Ordinis Fratres ab omnibus absoluere excessibus, censuris, & pœnis, nisi talia forent, propter quæ meritò essent ad Sedem Apostolicā destinādi, & propterea quæ sint illa, propter quæ Fratres ipsi essent ad Sedē Apost. destinādi, sæpè reuocaretur in dubium; vt absoluentium, & absoluendorum; dispensantium, & dispensandorū pro tēpore, puritati conscientię cōsuleret, declarauit prædictus Sixtus IV. *hereticos relapsos, schismaticos, & qui litteras Apostolicas falsificassent, aut ad infideles prohibita detulissent, dumtaxat esse ad Sedem Apostolicam meritò destinandos; reliquis verò omnibus, etiam simonia prauitate qualitercumque irretitis, posse per illos, quibus inibi conceditur, absolutionis beneficium, & dispensationis gratiam, iuxta casuum exigentiam impartiri.* Insuper, quod in prædicta Eugenij prædecessoris Cōstitutione de Fratribus fit mentio, ad omnes viriūque sexus dicti Ordinis professores extendit. Et præterea facultatem concessit Generali dicti Ordinis, pro tempore existenti, dispensandi cum dicti Ordinis professoribus, defectum natalium ex

adulterio, sacrilegio, incestu, & quouis alio nefario, & illicito coitu proueniente, patientibus, necnon cum his, qui ex quouis causa, præterquam homicidij voluntarij, bigamiæ, & mutilationis membrorum irregulares forent, postquam Ordinem ipsum professi fuerint, ut defectu, & irregularitate huiusmodi non obstante, irregulares ipsi ad quoscunque etiam sacros Ordines promoueri, & in illis, etiam in altaris ministerio, ministrare, & quod tam ipsi irregulares, quam defectum natalium patientes prædicti ad quasunque administrationes, & officia dicti Ordinis eligi, recipi, & assumi, illaque gerere, & exercere liberè, & licitè valeant. Vide Bullam in libro, cui titulus est, Speculum Ordinis Carmelitarum fol. 84. Et aduerte priuilegia hæc non concedi omnibus Superioribus Religionis, ut patet ex contextu, sed tantum ibi expressis.

34 Tertiò ex priuilegio eiusdem Sixti IV. in Bulla, quæ est Mare Magnum Prædicatorum, ubi Priuilegia Greg. XI. confirmat, quibus idem Gregorius facultatem concesserat Magistro, Prioribus Prouincialibus, & Conuentualibus, & eorum Vicarijs absoluendi Fratres eiusdem Ordinis; necnon Fratribus dicti Ordinis, quos ipsi Magister, Priores Prouinciales, & Conuentuales habuerint pro tempore in Confessores, absoluendi ipsos Magistrum, Priores Prouinciales, ac Conuentuales ab excessibus, & censuris, nisi talia forent; propter quæ essent ad Sedem Apostolicam meritò destinandi, ac cum eis desuper dispensandi. Et cum similiter propterea, qui essent destinandi, persæpe reuocaretur in dubium, declarauit, *Hæreticos relapsos, schismaticos, & qui litteras Apostolicas falsificassent, aut ad infideles prohibita detulissent, dumtaxat esse ad Sedem prædictam meritò destinandos. Reliquis verò omnibus, etiam simonia qualitercunque irretitis, posse per illos, quibus inibi conceditur, absolutionis beneficium, & dispensationis gratiam, iuxta casum indulgentiam, impartiri.* Præterea etiam facultatem concessit Magistro, & Prioribus Prouincialibus, & Conuentualibus, ac eorum Vicarijs, defectum natalium, ex adulterio, sacrilegio, incestu, & quouis alio nefario, & illicito coitu prouenientem, patientibus, necnon cum his, qui ex quouis causa, præterquam homicidij voluntarij, bigamiæ, & mutilationis membrorum, irregulares forent, dispensandi cum dicti Ordinis prædicatorum professoribus, postquam ipsum Ordinem professi fuerint, ut defectu, & irregularitate huiusmodi non obstantibus, irregulares ipsi ad quoscunque etiam Sacros Ordines promoueri, & in illis, & in altaris ministerio ministrare: & tam ipsi irregulares, quam defectum natalium patientes prædicti, ad quasunque administrationes, & offi-

cia eligi, recipi, & assumi, illaque gerere, & exercere, liberè & licitè valerent. Ioann. Bapt. Confett. in priuileg. Mendic. referens Bullam Sixti IV. fol. 41. in impressione Colonienfi.

35 Quartò ex priuilegio Gregorij XIV. concesso Religioni ministrantium infirmis, vbi inter alia concedit Generali pro tempore existenti, vt per se, vel per alium, seu per alios ad id per eum pro tempore deputatum, seu deputatos, omnes, & singulos eiusdem Cõgregationis Socios, & personas sub eius obedientia, disciplina, & correctione pro tempore degentes, ab omnibus, & singulis eorũ peccatis ante, post vel ingressum in dictam Congregationem per eos commissis, nec non à quibuscunque excommunicationis, suspensionis, & interdicti, alijsque Ecclesiasticis, & secularibus sententijs, censuris, & pœnis, à iure, vel ab homine (non tamen nominatim) quomolibet latis in foro cõscientiæ absoluerè possit. Et præterea ipsi cõcessit, quatenus huiusmodi sententijs innodatos, aut in locis Ecclesiastico interdicto suppositis diuina Officia celebrâtes, & suscipiêtes, & cõsuris huiusmodi sicligatos, & propterea, aut aliàs ex quocunque capite, vel causa (præterquam homicidij voluntarij, bigamiæ, aut membrorum mutilationis) irregularitatem incurrentes, in foro cõscientiæ tantum absoluerè, nec non cum eis, si opus fuerit, etiã cum rehabilitatione, & absterfione inhabilitatis, ac infamiæ macula dispensare possit. Vide Bullam in 2. tom. Bullar. Laertij Cherub. fol. 706.

36 Possunt præterea plures Prælati Religionum absoluerè suos subditos ab excommunicationibus, & censuris Papæ reseruatis. Primò enim id possunt facere Generalis, & ab ipso deputati ex priuilegio Eugenij IV. & Sixti IV. Carmelitanis concesso, vt patet illis verbis supra num. 33. adductis. Vt habeant circa omnes sui Ordinis fratres in confessionibus eorum audiendis, & pœnitentijs iniungendis, alijsque, dumtaxat salutem animarum concernentibus, exequendis, eamdem potestatem, & facultatem qualem in præmissis Minores Pœnitentiarij Papæ in Romana Curia, præsentès exercebant, & habebant. In qua etiam concessione eis conceditur, suos dicti Ordinis Fratres ab omnibus absoluerè excessibus, censuris, & pœnis, nisi talia forent propter quæ meritò essent ad Sedem Apostolicam destinandi. Sub qua limitatione solum vult Pontifex comprehendere hæreticos relapsos, schismaticos, & qui dictas litteras Apostolicas falsificassent, aut ad infideles prohibita detulissent dumtaxat. Secundò ex priuilegio eiusdem Sixti IV. adducto supra num. 34. Vbi concedit Prælatis Ordinis Prædicatorum facultatem absoluedi ab excessibus, & censuris, nisi talia forent, propter quæ essent ad Sedem Apostolicam

merito

merito destinandi. Explicans verò casus in quibus sunt destinandi dicit: *Declaramus, hæreticos re lapsos, schismaticos, & qui litteras Apostolicas falsificassent, aut ad Infideles prohibita detulissent, dumtaxat esse ad Sedem prædictam merito destinandos. Reliquis verò omnibus, etiam Simonie qualitercunque irretitis, posse per illos, quibus inibi conceditur absolutionis beneficium, &c. Confectius ut supra num. 34.* Tertiò id possunt facere ex Julio II. qui idem quod Sixt. I V. concessit Prædicatoribus in bulla num. 34. adducta, concessit ipse, & eisdem verbis Minimis S. Francisci de Paula. Habetur Bulla tom. 1. Bull. Laertij Cherub. pag. 417. Excluit autem conspirationem in Romanum Pontificem. Laurentius Peirinis *tomo 1. priusleg. Minim. in Constitut. 4. Sixti IV. §. 5.* Tandem Quartò, ex priuilegio Gregor. XIV. concessio Religionis ministrantium infirmis, vt patet illis verbis adductis supra num. 35. *Nec non à quibuscunque excommunicationis, suspensionis, & interdicti, alijsque censuris, & pœnis à iure, vel ab homine (non tamen nominatim) quomodolibet latis.* Vide Bullam 2. to. Bull. Laert. Cher. fol. 706. Et aduerte priuilegium hoc solum concedi Generali, & ab ipso deputatis, non verò alijs superioribus.

37 Probabile etiam est posse Prælatos Religionum absolvere, suos subditos à censuris, etiam specialibus, & ab homine latis per sententiam specialem. Primò propter priuilegium illud Eugen. IV. & Sixti IV. Carmelitæ concessum, de quo num. 33. diximus. Cum enim ibi concedatur facultas Generali, vel ab ipso deputatis, absoluendi subditos à quibuscunque censuris, illis solum exceptis casibus, quæ ibi numerantur, cum exceptio regulæ firmet illam in contrarium, dici posse videtur, Prælatos posse suos subditos absolvere, etiam à censuris specialibus, & ab homine latis. Secundò idem colligitur ex illo simili priuilegio Sixti I V. pro Ordine Prædicatorum, adducto num. 34. propter eandem rationem. Tertiò ex illo Gregor. XI V. pro ministrantibus infirmis concessio, ponderando illa verba supra num. 35. *allata, censuris, & pœnis à iure, vel ab homine (non tamen nominatim) quomodolibet latis.* Quartò ex indulto Pauli III. in Bulla licet debitum inter Bullas huius Pontificis num. 48. vbi concedit Generali Societatis Iesu, vt per se, vel alios ad id deputatos possit suos Socios absolvere *A quibusuis excommunicationis, suspensionis, & interdicti, alijsque Ecclesiasticis, & secularibus sententijs, censuris, & pœnis à iure, vel ab homine quomodolibet latis, & promulgatis.* Expendo enim illud *quomodolibet latis, & promulgatis.* Rodriguez *tomo 1. quasi. regul. q. 20. art. 4. Suarez 4. tom. de Relig. tract. 8. lib. 2.*

lib. 2. cap. 25. Qui addit hoc etiam intelligi debere quando aliquis Religiosus nominatim denunciatus esset. Idem *ibidem num. 5.*

38 A censuris verò, seu casibus contentis in Bulla Cœnæ Domini, non possunt Prælati Regulares absoluerè suos subditos, neque ex vi iuris communis, propter dicta supra *num. 31.* neque ex vi facultatis concessæ Episcopis à Conc. Trident. *sess. 24. cap. 6.* extensæ postea à Pio V. ad Prælatos Ordinis Prædicatorum, iuxta dicta supra etiã *num. 31.* Eò quòd talis facultas reuocatur omni anno per Bullam Cœnæ Domini. Sanchez *lib. 2. Decalog. cap. 11. num. 7.* Suarez *4. tom. de Relig. tract. 8. lib. 2. cap. 20. num. 10.* Neque etiam ex vi priuilegiorum Religionum, propter eandem rationem. Vnde quamuis aliqui teneant posse Prælatos Religionum absoluerè Religiosos ab excommunicatione incurfa per peccatum, hæresis, propter aliqua Priuilegia Religionum, quæ id concesserit, & non censentur reuocata per Bullam Cœnæ Domini, eò quòd in clausula reuocatoria priuilegiorum dicitur, *Nisi in eis* (intellige priuilegijs) *etiam casus præsentibus litteris expressi comprehendantur*, prout adiungebatur in Bullis Cœnæ Sixti V. & Clement. VIII. (Suarez *4. to. de Relig. tract. 8. lib. 2. cap. 21.* Rodriguez *tom. 1. quæst. Regular. quæst. 20. art. 9. & 10.*) Tamen quia huiusmodi clausula non apponitur in Bulla Cœnæ S. D. N. Urbani, sed generaliter dicitur: *A prædictis sententijs nullus per aliam, quàm per Romanum Pontificem, nisi in mortis articulo constitutus, &c. absolui possit, etiã prætextu quarumvis facultatum, & indultorum quibuscunque Ecclesiasticis, secularibus, & quorumvis Ordinum, etiam Mendicantium, ac Militiarum Regularibus, &c. in genere, & in specie concessorum, & innouatorum, ac concedendorum, & innouandorum.* Ideo nullo modo ab hoc, aut ab vllò casu in Bulla Cœnæ Domini contentis absolui possunt Regulares à suis Superioribus. Ioannes de la Cruce *de voto Obedientiæ. dub. 14.* Nec placet, quòd aliqui volūt in contrarium. Peirinis *to. 1. priuileg. Minim. in Constit. 4. Sixti IV. §. 5. à num. 10.*

39 Comprehendi autem videntur sub prædictis priuilegijs, præsertim illis, quæ adduximus ex Sixto Quarto *num. 33. & 34.* & ex Iulio Secundo pro Minimis *num. 36.* absolutiones à censuris incurfis à Religiosis propter simoniam, quam committere possunt (quod absit) in officijs Religionis. Ratio est, quia prædicta priuilegia generalia sunt, & non excludunt istum casum simoniæ; sed potius illum includunt. Rodriguez *tom. 1. quæst. 20. art. 13.* An verò prædicta priuilegia (excepto illo Gregorij XIV.) derogata sint à Pio V. in Bulla *Cum primum.* relata à nobis *cap. 15. num. 33.* vbi hic Pontifex confirmat excommunicationem Papæ reservatam, à Pau.

à Paulo Secundo contra simoniacos in officijs Religionum, aliorum iudicio remitto. Vnde cautè nimis procedendum est. Simoniacè autem ordinati non possunt absolui ex vi prædictorum priuilegiorum. Ratio est, nam Sixtus V. in Constitutione aduersus Clericos malè promotos, reuocat omnia priuilegia Religionibus concessa quantum ad absolutionem à censuris propter hanc causam incurfis, quod confirmauit quantum ad simoniacè ordinantes, & ordinatos, Clemens VIII. vt diximus *cap. 14. nu. 5.* Suarez 4. tom. de Relig. lib. 2. cap. 21. num. 9. Peirinis tom. 1. priuileg. Min. in Const. 2. Iulij II. §. 29. num. 88.

40 Quod attinet ad dispensationem in irregularitatibus possunt Prælati Regularium cum sibi subditis dispensare; primò, in omnibus illis, in quibus possunt Episcopi cù sibi subiectis: & hoc ex iure còmuni, quia scilicet habet Iurisdictionè quasi Episcopale, iuxta dicta supra n. 2. Possunt etiam iidem Prælati (saltem aliqui respectiue) dispensare in omnibus alijs irregularitatibus, etià reseruatis Papæ, exceptis tribus, videlicet bigamia, homicidio voluntario, & mutilatione membrorum. Primò ex priuilegio Iulij Eugenij IV. & Sixti IV. Carmelitarum Generali concessio, in illis verbis adductis supra num. 33. *Nec non cum ijs, qui ex quacvis causa, præterquam homicidij voluntarij, bigamia, & mutilationis membrorum, irregulares forent, postquam Ordinem ipsum professi fuerint, vt defectu, & irregularitate huiusmodi non obstante, irregulares ipsi ad quoscunque etiam sacros Ordines promoueri, & in illis etià in altaris ministerio ministrare, & tam ipsi irregulares, quàm defectum natalium patientes prædicti, ad quascunque administrationes, & officia dicti Ordinis eligi, recipi, & assumi, illaque gerere, & exercere liberè, & licitè valeant, motu scientia, & auctoritate prædictis concedimus per presentes.* Secundò ex priuilegio Sixti Quarti pro Ordine Prædicatorum, ab illis verbis. *Nec non cum his, adductis num. 34.* Tertiò ex priuilegio Pij Quinti supra num. 31. relato, ibi enim datur facultas Superioribus Religionum, vt per se ipsos possint facere cum sui Ordinis subditis, quod possunt Episcopi cum Clericis, & Laicis, iuxta Concilij Tridentini Decretum. Cum ergo in dicto Decreto sic habeatur *sess. 24. cap. 6. Liceat Episcopis in irregularitatibus omnibus, & suspensionibus ex delicto occulto prouenientibus, excepta ea, quæ oritur ex homicidio voluntario, & exceptis alijs deductis ad forum contentiosum, dispensare, & in quibuscunque casibus occultis, etiam Sedis Apostolicæ reseruatis.* Idem ergo facere poterunt Prælati Religionum circa suos subditos. Extat etiam quartò alia concessio eiusdem Pij Quinti facta Clericis Regularibus Theatinis, quod

quod scilicet, possint absolvere venientes ad istam Religionem à quacumque irregularitate. (Intellige (clusis illis tribus). Habetur hæc Bulla 2. tom. Bullarj inter Bullas Pij Quinti loco. 33. Idem etiã habetur ex privilegio illo Gregorij Decimi Quarti pro Ministrantibus infirmis adducto supra num. 35. vbi Generali pro tempore existenti concedit facultatem absolvendi in foro conscientie ab omni irregularitate, præter quãmin tribus illis assignatis. Idem habetur ex privilegio illo Iulij Secundi Minimis concessõ, de quo supra num. 36. Id tandem habetur ex privilegio Pij Quarti concessõ Generali, & alijs Abbatibus, & visitatoribus Congregationis montis Oliveti Ordinis Sancti Benedicti. Vide privilegium satis amplum in 2. tom. Bullarj Læretij pag. 8.

41 Ne autem Prælari errent in absolutione à casibus, & censuris reservatis, vel dispensatione in irregularitatibus, propter prædicta, aut similia privilegia. Primò animadvertere debent ad formalia verba privilegij, concessionis, vel indulti, quò uti volunt. Aliquando enim in illis certæ conditiones apponuntur, quibus non servatis, absolutio, vel dispensatio nulla est. constat id ex illo Gregorij Decimi Quarti privilegio num. 35. adducto, vbi dicitur, *ita tamen, quòd sic absoluti, & dispensati pro tempore, si à huiusmodi Congregatione quandoque egrediantur, eo ipso in pristinas sententias, & censuras relabantur, & reincidant*. Ecce conditionem pro validitate absolutionis, & dispensationis. Quæ etiã in alijs indultis apponi solet. Aliqua etiã ex prædictis privilegijs restrictionem habent respectu Prælatorum, alia non, ut notavimus num. 33. & 37. Aliquando in illis conceditur absolutio, vel dispensatio, nisi peccata fuerint commissa in contemptum clauium, vel cum fiducia talium privilegiorum, aliquando verò non. Quando autem non exprimuntur, non debent intelligi inclusa. Suarez 4. tom. de Relig. tract. 8. lib. 2. cap. 21. à num. 10. Quædam etiã privilegia Religionibus concessa, expressè excludunt quòd alijs communicentur, ut diximus cap. 14. num. 19. Peirinis tomo 1. in Constitut. Pyrri num. 28. alia verò nihil de hoc. Præterea multa ex privilegijs Religionibus concessis per non usum, seu per contrarium usum, aut etiã per renunciationem omnino sublata sunt. Pro quo vide Bonacina in tract. de legib. quasi. 3. punct. 8. & dicenda infra num. 64. Secundò præcipuè animadvertere debent, an tale privilegium, vel indultum aliquo modo, vel ab ipso Pontifice, qui illud concessit, vel à Successoribus renocatum, vel moderatum sit. Tunc verò tale censetur quando prædictus Pontifex, vel eius Successores ali.

aliquem casum, vel censuras ex prædictis sibi referuauerint, apponendo clausulam derogatoriam priuilegiorum, vt si dicatur, *non obstantibus quibuscumque priuilegijs, &c.* Ratio est, quia per illam clausulam annullatur priuilegium antiquum. Quando verò, vel ipse Pontifex, qui tale priuilegium concessit, aut eius Successores, non apponunt in Bullis, vel Decretis particulam illam derogatoriam priuilegiorum antiquorum, scilicet, *non obstantibus quibuscumque priuilegijs*, sed solum præcipiunt, vel prohibent aliquid, sibi absolutionem referuantes, tunc antiqua priuilegia manent in sua vi, & ratione illorum possunt absolui transgressores. Ratio est. Quia sensus illorum priuilegiorum non est, per ea dari facultatem ad absoluendum solum ab illis peccatis, quæ tunc referuata sunt, quando priuilegium conceditur, sed ab illis etiam, quæ referuata sunt, vel fuerint quando sit confessio, & absolutio præstanda est; ergo licet reservatio sit posterio nihil refert. Suarez 4. *tomo de Relig. tract. 8. lib. 2. cap. 23. Peirinis tomo 1. Priuileg. Minim. in Constitut. 4. Sixti IV. §. 3. num. 24.*

42 Circa dispensationem in irregularitatibus specialiter animaduertendum est, illam sine legitima causa concedi non posse, nec licite, nec valide, etiam si talis causa in indulto concessio non exprimitur, vt necessaria ad dispensationem. Ratio sumitur ex natura Dispensationis, quæ sine causa concessa irrita est, & inualida. Nauarr. in *Man. cap. 25. num. 74.* Siluester *verb. dispensatio*. Vnde peccatum Prælati dispensantis sine rationabili causa est abusus propriæ potestatis ei datæ non ad destructionem, sed ad ædificationem. Grassi 2. *par. decis. lib. 3. cap. 19. numero 30.* Secundò animaduertendum, quòd quamuis in aliquibus priuilegijs Religionum concessa videatur facultas dispensandi in omni irregularitate, semper tamen debent intelligi exceptæ illæ tres bigamiæ, occisionis voluntariæ, & abscissionis membrorum. Ratio est, quia casus speciales sine specifica expressione non reputantur concessi. Ita in simili Suarez 4. *tomo de Relig. tract. 8. lib. 2. cap. 31. num. 2.* Imò etiam semper debent intelligi exclusæ ab hac generali facultate dispensandi illæ irregularitates, quæ procedunt ex aliquo enormi corporis, vel etiam animæ vitio, quòd posset scandalum generare fidelibus videntibus celebrare illud habentem, vt si aliquis sit lepra infectus, vel morbum caducum patiatur, aut sit conuictus de peccato indicibili, &c. Ratio est iam adducta, quia cum casus isti sint specialissimi non est existimandum Pontifices voluisse illos includere in generalibus concessionibus. Miranda *tom. 2. Man. q. 8. art. 5.*

43. Nomine homicidij voluntarij, cuius dispensatio in prædictis priuilegijs excipitur, probabile est, solum intelligi homicidiū iniustū, & illicitū, non homicidiū iustū, & licitū, quod inducit irregularitatem, quæ vocatur ex defectu lenitatis, quā scilicet, incurrunr Iudices, & ministri iustitiæ, & milites in bello iusto. Ratio est, quia isti nō appellantur propriè homicidæ, iuxta doctrinam S. Augustini lib. 1. de lib. arb. cap. 4. & 5. relata a S. Tho. 1. 2. q. 88. art. 6. & ita hoc tenent Bannez 2. 2. quæst. 40. art. 2. dub. 4. Viuald. in Gandelabri. anr. 2. par. tit. de irregul. §. de dispensat. quoad fratres.

44. Loquendo verò de homicidio voluntario, etiam iniusto, & illicito, occulto tamen, aliqui dicunt posse Prælatos Regulares dispensare in irregularitate propter illud contracta. Primò ex priuilegio quodam Martini V. concessio Benedictinis Monasterij Vallisoleiani, quod refert Casarrubius in comp. Priuileg. Mendic. verb. Dispensatio. nu. 24. Sed quia hoc fuit viuz vocis oraculum, vt ipse Casarrubius habet, notans hoc priuilegium litera O, ideo his temporibus nihil valet. Secundò ex simili priuilegio Iulij I. concessio Prædicatoribus, vt refert Miranda 2. tom. Man. quæst. 8. art. 10. Nescio tamen quantum valeat hoc priuilegium, & an sit solum viuz vocis oraculum. Idem dico de alio priuilegio Sixti IV. concessio Carthusiensibus, vbi conceditur Generali, & quinquaginta Prælati inferioribus ab ipso deputandis, facultas dispensandi cum suis subditis in omnibus casibus Pontificalibus. Omitto etiam quòd hæc concessio limitatur excludendum dispensationē in homicidio voluntario, citra altaris ministerium. Suarez 4. tom. de Relig. tract. 8. lib. 2. cap. 12. num. 9. Nihilominus quando homicidium, etsi voluntarium, & illicitum, est ita occultum, vt nullo modo sciri, aut probari possit, probabile est apud aliquos posse Prælatos Regulares in irregularitate propter illud contracta dispensare. Ratio est, quia etiam est apud illos probabile, posse Episcopos in prædicto casu dispensare, ac per consequens etiam Prælatos Regulares, qui quasi Episcopalem habent Iurisdictionem. Neque obstat Concilium Tridentinum sess. 24. cap. 6. vbi dispensatio in homicidio voluntario, etiam occulto, negatur Episcopis, exponunt enim Concilium de homicidio voluntario occulto, quod aliquo modo probari potest, vel de illo, quod factum est per insidias, aut proditoriè, iuxta cap. 7. sess. 14. eiusdem Concilij. Auila de cens. par. 7. d. 6. sect. 5. dub. 5. Miranda, vt supra. Extat etiā priuilegium Pij V. concessum Congregationi Cassinensi, vt habetur tom. 2. Bullarij inter Bullas Pij V. num. 129. vbi conceditur Prælati istius Congregationis facultas dispensandi cum subditis in omnibus casibus, & ob quemuis excessum, & delictum, publicum, vel

vel occultum, casu, seu data opera, quomodolibet ab eis, & singulis, etiam si homicidium voluntarium seu membri mutilatio, &c. intellige, in foro conscientie tantum & dummodò tale homicidium factum non fuerit post ingressum Religionis, & semper sint in illa permansuri, donec vixerint, vt in eadem Bulla expressè declaratur. Cautionem ergo in hisce casibus procedendum est. Adde- rim etiam pro maiori cautela, quòd si hæc, quæ dixi probabilitatem habent, tantum intelligenda sunt de homicidio voluntario, quod non est per assassinium, aut proditoriè patratum; hoc enim genus homicidij adeò enorme, & malignum est, vt numquam debeat credi eius dispensatio concessa in quibuscunque privilegijs; nisi expressa mentio fiat de illo. Laurentius de Peirin. tom. 1. pri- uil. Minim. in Constit. 2. Iulij 14. §. 29. d. num. 103. In casu etiam, quo fieri posset huiusmodi dispensatio, attendere oportet verba pri- uilegij, ne sit defectus in aliqua circumstantia pro illa necessaria, iuxta dicta supra num. 41.

45 Est præterea aduertendum, quòd cum in his, & similibus privilegijs, aut indultis, conceditur facultas absolutionis, vel di- spensationis in foro conscientie, licet per particulam illam intelli- gant aliqui, necessarium esse, quòd talis absolutio, seu dispensatio detur in Sacramento Pœnitentie, Nauarr. in Man. cap. 26. num. 32. Suarez 5. tom. in 3. part. disp. 7. sect. 5. num. 35. Probabile tamen est per illud in foro conscientie, non denotari hoc, sed solum, quòd talis absolutio, vel dispensatio non suffragetur recipienti in foro exteriori, sed solum in foro interiori animæ. Enriquez lib. 5. de Indulg. cap. 3. lit. R. Miranda in Man. 2. tom. quest. 35. art. 2. Secus dicerem quando in indultis, & privilegijs apponuntur ista parti- cula, vel similes, in foro pœnitentia, auditis confessionibus, eorum peccatis, &c. quia tunc clarius denotatur talem absolutionem de- bere dari in Sacramento Pœnitentie. Vide Peirinis tom. 1. p. 141. Minim. in Constit. Pyrrhi num. 43.

46 Possunt etiam Prælati Religionum dispensare cum suis sub- ditis in foro conscientie, in pœnis omnibus contractis ex quibus- libet delictis, quales sunt, inhabilitationes ad Officia, Dignita- tes, &c. priuationes Officiorum, Dignitatum, vocis, loci, &c. Primò quidem si tales pœnæ non sint Papæ reservatæ. Nam eò ipso possunt in illis Episcopi dispensare, ac per consequens Præ- lati Religionum, vt potè habentes iurisdictionem quasi Episcopalem. Calus autem, in quibus Episcopi iure communi dispensare possunt quoad pœnas, sunt adulterium, & delicta minora adu- lterio, peracta tamen pœnitentia. Ita declarauit Alexander Tertius in cap. ac si clerici. Miranda in Manual. to. 2. quas. 9. ar. 3. & q. 31.

art. 11. Deinde quando prædictæ poenæ sunt Papæ reservatæ, licet in illis dispensare non possint Prælati ex vi Decreti Conc. Trid. *sess. 24. cap. 6.* quo conceditur Episcopis facultas dispensandi in illis, eò quòd vt diximus *cap. 10. num. 35.* illud Decretum solum extenditur ad veros Episcopos. Nihilominus possunt in illis in foro conscientiæ dispensare. Primò ex priuilegio Pij V. in hoc capite *num. 31.* adducto. Cum ibi dicatur, *Prælatos Religionum posse per se ipsos facere idem in suos subditos quod Episcopi in suos.* Episcopi autem ex vi prædicti Decreti Concilij possunt in huiusmodi poenis quando occulta sunt delicta dispensare, eò quòd illæ nomine suspensionum, vel irregularitatum comprehenduntur, vt notat Sorbus in *Compend. verb. ingredi Monast. Mon. in annotat. à S. dico 4.* Vide Suarez 4. *tomo de Relig. tract. 8. lib. 2. cap. 12. num. 9.* Rodriguez *tomo 1. quæst. regul. quæst. 61. art. 9.* Aduertit tamen benè Sanchez cum alijs *lib. 6. in Decalogum cap. 15. nu. 78.* non posse Superiores Religionum hanc facultatem delegare. Eò quòd Pius Quintus in hoc priuilegio solum concedit Prælati, vt per se ipsos id faciant. Deinde secundò videtur aliquos Prælatos Religionum potiri hac facultate ex priuilegio Carthusiensibus concessio à Sixto Quarto anno 1481. scilicet, vt Generalis per se, vel per quinquaginta Prælatos inferiores ab ipso deputandos dispensare possit cum subditis in omnibus casibus Pontificalibus, nullo excepto, in foro conscientiæ tantum; sola dispensatio in homicidio voluntario conceditur cum limitatione, scilicet, citra altaris ministerium. Suarez 4. *tomo de Relig. tract. 8. lib. 2. cap. 12. num. 9.* Aduerte tamen an hoc priuilegium sit viuæ vocis oraculum, quia si tale est, vt sæpe dixi, nihil iam valet. Tertio id credo etiam posse facere Prælatos Religionum in eodem foro conscientiæ ex vi omnium priuilegiorum, quibus illis conceditur facultas dispensandi cum suis subditis in omnibus poenis. Cum enim huiusmodi priuationes, & inhabilitationes sint poenæ quædam, vt docet Sanchez *lib. 6. in Decal. cap. 15. nu. 78.* sub generali nomine poenarum comprehenduntur. Horum autem priuilegiorum aliqua sunt adducta in hoc capite *num. 33. & 35.* Vide dicta *cap. 10. num. 35.* Vel si velis huiusmodi poenas esse irregularitates, dici potest posse in illis dispensari per priuilegia concedentia facultatem in irregularitatibus dispensandi, quæ adduximus supra *num. 40.*

47 Possunt etiam prædicti Superiores vota suorum subditorum irritare, non solum indirectè, & ex parte materiæ, immutando illam, præcipiendo scilicet, vel prohibendo oppositum, sed etiam directè tollendo obligationem, etiam sine mutatione

materiæ, & etiam si votum sit de re, quæ nullum præiudicium inferat Religioni. Ratio est, quia voluntas Religiosi subiecta est voluntati Superioris, & Religiosus est quasi seruus respectu sui Prælati. Ludouic. Lopez *prima parte cap. 48.* Suarez 2. *tomo de Relig. lib. 6. de Vol. cap. 7.* Extenditur hæc potestas ad illa vota, quæ sunt circa materiam præceptorum. Quia etiam quoad illud nouum grauenam, pendet voluntas Religiosi à suo Superiore. Suarez *ut supra numero septimo.* Extenditur etiam ad illa vota, quæ facta sunt autoritate Superiorum, vel ab ipsis confirmata. Eò quòd Prælatus dando talem licetiam, vel confirmando tale votum, non se priuat suo dominio, & potestate. Maior in *quarto distinct. 38. questione 4.* Siluester *verb. Votum quarto questione secunda.* Votum tamen transeundi ad strictiorem Religionem non potest irritari à Superiore, quia quoad hoc votum non pendet inferior à Superiore. Nauarrus *consilio quarto aliis 30. de Vol.* Nouitiorum autem vota licet directè non possint irritari à Prælato, eò quòd in illis deficit subiectio ex Voto Obedientiæ, in quo fundatur hæc directà irritatio, indirectè tamen irritari posse illa vota, quæ gubernationi, & conuenienti Ordinis regimini obuiant, probabile est. Quia quoad hoc Prælatus habet Iurisdictionem supra Nouitium. Suarez *ut supra numero 11. & 12.* Hinc sequitur non peccare Religiosum petentem à suo Prælato voti irritationem. Quia vitur iure suo. Idem Suarez *ut supra numero 16.* Nec Prælatum irritantem sine causa vota suorum inferiorum. Propter similem rationem. Caietanus *verb. votum capite ultimo.* Sotus *septimo de Iustitia questione tertia articulo primo.* Nec tenetur Prælatus, qui votum irritat illud in aliud commutare. Quia eo ipso quòd irritatio voti, cadit sub ipsius potestate, non est cur ad aliud votum obliget subditum, nec est cur subditus acceptet illud. Suarez *secundo tomo de Religione lib. 6. de vot. capite primo.* Immo irritatio voti potest fieri inuito vovente. Propter autoritatem dominatiam, quam habet Prælatus. Idem Suarez *ibidem.*

48. Possunt etiam Prælati Regulares commutare vota suorum subditorum. Ratio est, quia hoc spectat ad potestatem Iurisdictionis, quam habent. Palud. in *quarto distinct. 38. q. 4 art. 3. conel. 3.* Aragon 2. 2. *quest. 88. art. 12. & q. 89. articulo 9.* Ad Commutationem voti in melius bonum, dummodò euidenter constet de excessu non requiritur autoritas Superioris, sed ipsemet Religiosus potest id facere. Nam talis commutatio est consentanea fini voti, qui est promouere homines ad meliora bona. Caietanus *secunda secunda questione 88. articulo 12.* Cordub. *in*

Summa quaestione 149. Ad Commutationem autem voti in æquale requiritur autoritas Prælati, & aliqualis causa. Quia promissio debet solui in propria specie quantum est ex vi fidelitatis. Nauarrus *consilio 18. de vot.* Suarez *tomo 2. de Religione lib. 6. de vot. cap. 19.* Ad commutationem verò in minus, & Prælati autoritas, & multò maior causa requiritur. Propter eandem, & maiorem rationem. Quando autem commutatio voti facta est in melius non est in potestate vouentis ad prius votum iterum redire. Quia illa commutatio habet vim noui voti. Suarez *tomo 2. de Relig. lib. 6. de vot. cap. 20.* Quando verò facta est in minus est in potestate vouentis redire ad primum votum. Quia, semper licet transire ad meliora. Idem Suarez *ut supra*. Si verò facta est in æquale, vtrumque est probabile. Idem Suarez *ut supra*.

49 Possunt etiam prædicti Prælati dispensare cum sibi subditis in omnibus votis simplicibus ab ipsis factis, in quibus possunt dispensare Episcopi. Ratio est, quia habent Iurisdictionem, quasi Episcopalem. Bonacina *ut infra numero 26.* In votis autem reueruatis Papæ, qualia sunt Religionis, Castitatis, & Peregrinationis, non possunt dispensare. Quia nec in his possunt Episcopi. Bonacina *quaestione 2. de voto punct. 7. §. 4. numero 11.* Tum quia impertinens, vel inutilis esset talis dispensatio respectu Religiosorum: inutilis quidem loquendo de voto Religionis, & castitatis, cum illa sint indispensabilia; impertinens verò respectu voti peregrinationis, cum istud votum non possit fieri à Religiosis, nisi in ordine ad licentiam Prælati, & ita si ipse annuit, tenet votum, si non annuit, non tenet: impertinens ergo est dispensatio. Suarez *quarto tomo de Religione tractat. 8. lib. 2. cap. 12. numero 10.* In rigore tamen loquendo dicendum est, non posse Prælatos talia vota dispensare, cum nec iure communi, nec ex aliquo priuilegio id habeant. Miranda *in Man. tomo 2. quest. 9. art. 8.*

50 In votis tamen transeundi ad arctiorem Religionem bene possunt Prælati Regulares dispensare. Ratio est, quia talia vota non sunt simpliciter vota Religionis, sed arctioris Religionis. Caietanus *2. quaestione 88. articulo 8.* Semper tamen requiritur causa rationabilis ad talem dispensationem. Silvester *v. Votum §. 3.* Rationabilis autem causa poterit esse, si quis verè, & prudenter existimet se melius posse seruire Deo in illa Religione, quam in alia, quam vouerat. Sorus *7. de Iustitia, & Iur. quaestione 4. articulo 3.*

51 Generaliter etiam loquendo ad hoc, quòd dispensatio voti facta

facta à Superiore valida sit, requiritur primò, quòd non fiat inuito vouente. Quia in hoc differt dispensatio ab irritatione, præfertim, quia dispensatio est quoddam beneficium, quod non fit inuito, iuxta regulas Iuris 61. & 69. in 6. Suarez 2. tom. de Relig. lib. 6. de vot. cap. 1. Requiritur secundò, quòd non fiat sine causa legitima. Quia dispensare in votis, est aliquo modo dispensare in Iure diuino, & naturali, in quo non licet sine causa, cum nullus inferior possit sine illa in lege sui Superioris dispensare. Sotus 1. de Iust. quæst. ult. art. 2. Cum autem subest causa dispensandi, & oportet dispensari, videtur peccare Prælatus, qui non dispensat. Ita Sà in Summ. verb. Dispensatio num. 2. Vide Bonacina de Voto quæst. 2. punct. 7. §. 4. num. 33.

52 Vota Prælatorum dispensari possunt à Superioribus Prælati, ita vt vota Prioris, vel Guardiani à Prouinciali; vota verò Prouincialis à Generali dispensari possint. Quia isti sunt veri ipsorum Superiores. Prælatus autem Superior Religionis, verbi gratia Generalis, cum in Religione non habeat aliquem Superiorem, oportet, quòd à Papa dispensetur. Addunt aliqui posse dispensari à tota Religione, quæ illi est Superior. Suarez 2. tom. de Relig. lib. 6. de vot. cap. 11. Probabiliter etiam aliqui asserunt supremum Prælatum Religionis, qui nulli in ipsa subiectus est, posse commissionem alicui Confessario dare, vt secum dispense. Tū quia hoc est conforme intentioni Pontificum concedentium Religionibus privilegia, & exemptiones; tum quia cum Prælatus superior sit ex numero Religiosorum exemptorum debet comprehendi in illis, quæ Iure communi alijs conceduntur, aliàs esset peioris conditionis cæteris. Suarez 4. tom. de Relig. tract. 8. lib. 2. cap. 24.

53 Possunt etiam Prælati Regulares irritare, dispensare, & commutare iuramenta promissoria facta in honorem Dei à suis inferioribus. Quia illa sunt quasi quædam vota; vnde de illis iudicandum est sicut de votis quoad hoc. Sanchez lib. 3. in Decalog. cap. 19. & 20. Bonacina disp. 4. circ. 2. præcept. quæst. 1. p. 17. Idem dico de votis iuratis. Quia illa etiam moraliter reputantur pro votis. Suarez 2. tom. de Relig. lib. 6. de vot. cap. 14. Loquendo etiam de iuramentis, seu etiam votis iuratis factis à Religiosis in utilitatem tertij; in ijs rebus in quibus Religiosi sunt subiecti Prælati; credo etiam posse in illa cadere irritationem, dispensationem, & commutationem. Quia cum tales res fuerint sub dominio Prælatorum, non potuerunt illa promittere inferiores, ac perinde iuramenta illa promissoria poterunt tolli à Superioribus. Bonacina vt supra num. 4. Loquendo autem de illis iuramen-

tis, aut votis iuratis factis à Religiosis de illis rebus, de quibus possunt disponere, aut sunt sui iuris, non cadit in illa irritatio, dispensatio, aut commutatio Superiorum, si fuerint in commo-
alicius tertij, & ab illo acceptata. Ratio, quia Superior non potest tollere ius alterius; ille autem in cuius fauorem factæ sunt hæc promissiones, acquirit ius per acceptationem. Suarez tom. 2. de Relig. lib. 6. c. 1. ut. cap. 15. Bonacina ut supra num. 8. De votis autem, seu iuramentis factis Sanctis, probabile est posse à Prælati irritari, commutari, & dispensari. Tum quia talia vota indirectè sunt facta Deo. Tum quia cum illa non sint pro humana utilitate Sanctorum, sed potius ad Religiosum cultum, videntur includi in alijs factis Deo. Idem Suar. ut supra.

34 Licet non possint Prælati Religionum dispensare cum suis subditis in substantialibus Votis status Religiosi, ut colligitur ex cap. cum ad Monasterium, de statu Monach. & ex Conc. Tridentino sess. 25. de Regular. cap. 1. neque in aliquibus Votis specialibus, quæ sunt in quibusdam Religionibus, quale est Votum Minorum de non comedendis carnibus; quia etiam ista Vota sunt essentialia talibus Religionibus. Suarez 4. tom. de Relig. tract. 8. lib. 2. cap. 12. d. num. 28. Tamen in Obseruantijs alijs Religionum, siue sint ex Regula, siue ex Constitutionibus, siue obligent ad culpam, siue non; possunt dispensare cum suis subditis, iuxta dicta cap. 8. num. 23. & pro casibus ibi adductis. & cap. 7. num. 29. Tum quia hæc dispensatio frequenter est necessaria pro bono regimine Religionum; tum quia Obseruantie istæ non sunt tam essentialia sicut Vota generalia, aut particularia Religionum. Rodriguez tom. 1. quest. Regular. quest. 26. art. 1. & Suarez tom. 4. de Relig. tract. 8. lib. 2. cap. 12. d. num. 25. & 41. Hæc potestas iure communi conuenit omnibus Prælati, siue infimis, siue supremis; cum omnes illi habeant Iurisdictionem quasi Episcopalem. Si verò sit reseruata superiori Prælato, non poterit inferior illa uti; cum sit illi à superiore ablata. Suarez 4. tom. de Relig. tract. 8. lib. 2. cap. 13. Probabile autem est Prælatum superiorem, aut supremum in Religione posse alicui confessorio dare facultatem, ut secum in prædictis disponat; propter dicta supra num. 52. Suarez ut supra c. 14. vel ipsum Prælatum supremum secum dispensare. Corduba in additio. 2. ad Sorbum ut. Accedere ad Monast. Monial.

35 Circa dispensationem in præceptis Ecclesiasticis, stando in iure communi, & secluso etiam omni priuilegio, possunt Prælati, cum suis subditis ea omnia facere, quæ possunt Episcopi cum suis. Vnde quemadmodum Episcopi possunt cum sibi subditis dispensare in omnibus casibus sibi alijs non prohibitis expressè,

vel ex consuetudine, iuxta *Clement. ne Romani. de elect. cum gloss. ibi*, & *unic. de atat & qual. presciscendum in 6.* Ita etiam, rationabili causa subsistente, possunt facere idem Prælati Regulares cum sibi inferioribus. Propter rationem sæpius assignatam, quod habeant auctoritatem quasi Episcopalem. Suárez *4. tom. de Relig. tract. 8. lib. 2. cap. 12. à num. 18.* Ioannes de Cruce *lib. 1. de Voto Obedient. c. 6. dub. 21.* Vnde privilegia aliqua concessa huiusmodi facultatem Prælati Regularibus tantum valent ad maiorem declarationem, & securitatem, vel si aliquid de novo concedunt, id est, ut faciliori modo detur dispensatio. Authores citati. De privilegijs autem istis vide Rodríguez *tom. 1. quest. 42. art. 7. & quest. 21. art. 10.* & ea, quæ diximus *cap. 12. à num. 28.* Circa hæc verò privilegia cauendum est, an sint reuocata, quia viux vocis oracula sint.

56 Possunt Prælati Regulares limitare, restringere, imò etiam tollere suis subditis vsum quorumcumque privilegiorum, etiam à Sede Apostol. emanantium, ita ut nequeant talibus privilegijs uti. Tum ex concessione Leonis Decimi facta Minoribus, & Augustinianis, & Clementis IV. Cisterciensibus, & Gregorij XIII. Societati Iesu. Tum etiam ex ratione, quia nullo modo credendum est velle Summos Pontifices Regularis Observantiæ maximopere zelatores, ut Fratres privilegijs eorundem Ordinibus concessis uti possint contra voluntatem suorum Superiorum. Comp. Privileg. Mendicant. *verb. Privileg. Fratr. §. 26.* Miranda *in Man. tom. 2. q. 43. art. 4.* Imò privilegiorum interpretatio, & declaratio doctrinalis potest, & debet fieri à Prælati Religionum, quæ facta, eorū subditi, tuta conscientia, ipsorum sententiæ stare debent. Ratio est, quia hoc pertinet ad eorum officium, quod est esse Pastores, & Doctores suorum inferiorum. Præsertim ad hoc deseruit concessio Leonis X. facta Minoribus, quæ illis indulget, Quod in rebus dubijs, & scrupulosis conscientias Fratrum Minorum subditorum tangentibus, Generales, & Prouinciales, seu Custodes, cum consilio aliquorum Patrum (si res magnæ importantiæ fuerint) possint auctoritate suæ Sanctitatis determinare in scrupulis, & rebus huiusmodi, atque eorum determinationi subditi, secunda conscientia, possint, & debeant stare. Similiter ampliatis prædictam Constitutionem indulget, quod Fratres scrupulosi, possint in omnibus dubijs suam conscientiam tangentibus, secunda conscientia, stare determinationi sui Guardiani, vel cuiuscunque alterius Prælati. Caffrubijs *in Compend. privileg. verb. Declaratio. §. 4. & 5.* Miranda *in Man. tom. 2. quest. 44. art. 2.* Quæ concessiones, quamvis viux vocis oracula sint, valent tamen, et si non ut gratiam aliquam cō-

cernentes, ut explicatius tamen iuris, quod habent Prælati, ut veri Pastores, & Doctores sunt suorum subditorum, iuxta dicta.

57 Prælati aliqui Regulares possunt benedicere omnia Ecclesiastica ornamenta, seu paramenta, in quibus Chrisma non interuenit, pro suorum Fratrum usu tantummodò. Ex privilegio Leonis X. Casarrubius in *Compend. verb. Benedicere Ecclesiastica*. §. 14. Miranda in *Man. tom. 1. quest. 40. art. 1.* Suarez 4. *tom. de Relig. tract. 8. lib. 2. cap. 30. præsertim à num. 10.* Aliqui etiam extendunt hoc ad simplices Sacerdotes. Propter privilegium Sixti Quarti, quo concessit Fratribus Minoribus Sacerdotibus, ut possint benedicere paramenta Altaris, Missalia, ac indumenta, exceptis Corporalibus. Ildefonsus à vera Cruce in *Compend. privileg.* Credo tamen, quòd consuetudine sit receptum, quòd solum ad Prælatos hoc expectet. Miranda *ut supra*. Præterquàm quòd, cum prædicta concessio Sixti Quarti sit viux vocis oraculum, his temporibus nihil valet. Vide etiam Gauantum in *Thesaur. tom. 1. par. 4. tit. 19. num. 22.* Prælati autem, qui hoc possunt facere, non solum sunt supremi, videlicet Generales, & Prouinciales, sed etiam sunt Priores, Guardiani, aliique Prælati locales, ex dicto privilegio Leonis Decimi. Rodriguez 1. *tom. quest. 19. art. 2.* Omitto etiam alia privilegia, quæ vulgò afferuntur, quia eorum quorundam sunt viux vocis oracula, quæ his temporibus nihil valent, ut sæpius dixi. Alia verò non solum concedunt Regularium Prælati facultatem benedicendi paramenta Ecclesiastica pro suis Fratribus, sed etiam pro alijs. Quæ etià nihil prosunt, non solum propter eandem rationem, sed etià quia consuetudine non sunt recepta. Miranda in *Manual. 2. tom. quest. 40. art. 3.* Præsertim quantum ad hoc de benedictione paramentorum pro extraneis, quòd nihil valeat, nec illam dare possint, etiam Abbates, omni consuetudine in contrarium abrogata, probat Gauantus in *Commentar. in Rubric. Missal. tom. 1. par. 4. tit. 19. num. 22.* & in *Manual. Episcoporum. verb. Abbas. à num. 29.*

58 Consecrare tamen Calices, Aras, aut Patenas pro Missis celebrandis nullatenus possunt Prælati Regulares. Ratio est, quia nec iure communi, nec speciali Privilegio id habent. Suarez 4. *tom. de Religione tractat. 8. lib. 2. capit. ultimo à numero 2.* Vnde privilegium quoddam Innocentij Octavi, quod refertur concessum quibusdam Abbatibus Conuencualibus Cisterciensibus, quòd scilicet possint benedicere Calices, seu Patenas pro Missis celebrandis (præterquàm, quòd non mihi constat, an sic

viuæ vocis oraculum, & per consequens annullatum) vel non est in vsu receptum, vel esto quòd apud Cistercienses sit in vsu, apud alias tamen Religiones non est receptum. Miranda in *Manual. tomo 2. questione 40. articulo 4. Qui* benè etiam *articulo 5. & 6. tractat, qualiter Religiosi se gerere debeant cum Episcopis circa benedictionem istorum.*

59 Circa benedictionem Ecclesiarum, & Oratoriorum, reconciliationemque ipsorum extant concessiones Iulij II. pro Minimis, & Leonis 10. pro Minoribus, ex quibus constare poterit, ad quæ se extendat autoritas Prælatorum Regularium quoad hæc. Lege Cassarrub. in *Compend. priuil. Mend. verb. benedicere Ecclesiastica nu. 12. 11. & 14. Peirinis to. 1. Priuileg. Minim. in Constit. 1. Iulij II. §. 21. 22. & in Constit. 18. Leon. X. Circa consecrationem autem altarium, vel Ecclesiarum, oleum Sanctum, & alia Episcopalia, vide priuilegium Sixti Quarti Carmelitis concessum. Cassarrubium *ut supra numero 5. & 6. & Speculum Ordin. in Bulla Sixti IV.**

60 Quamuis Prælati Religionum non possint dispensare cum illegitimis ad Officia, & Prælatias Ordinis obtinenda; propter priuilegia concessa Religionibus ante Cõstitutiones Sixti Quinti, quarum prima incipit, *Cum de omnibus*, altera verò, *Ad Romanum Pontificem*. Quia hæc omnia priuilegia ab ipso Sixto Quinto in prædictis Constitutionibus abrogata fuerunt. Possunt tamen cum prædictis illegitimis ad Prælatias obtinendas dispensare, primò ex prædictis priuilegijs (quorum aliqua referunt Rodrig. to. 1. *quest. Regul. q. 13. ar. 6. Peirinis to. 1. priuil. Min. in Constit. 2. Iulij II. §. 29. n. 93.*) secundum moderationem factam à Greg. Decimo Quarto in alia Constitutione, quæ incipit, *Circumspecta Romani Pontificis prouidentia*, vbi moderans prædictas Constitutiones Sixti V. statuit. Licere Generali, aut Prouinciali singulorum Ordinum, ac Congregationum, aut Hospitalium, ad quos dicta dispensatio spectat, iuxta tenorem priuilegiorum, & indultorum Apostolicorum eis concessorum, quæ dummodò vsu recepta, nec aliàs sub vliis reuocationibus comprehensa sint, vt præfertur, in hac parte revalidauit, cum illegitimis, quos aliàs dictus Generalis, aut Prouincialis cum Generali, Prouinciali, seu intermedio Capitulo, & non aliàs, suffragantibus meritis dignos indicauerint, ad honores, gradus, & dignitates obtinendas dispensare, ac dispensationes huiusmodi ita factas, & inde sequuta quæcumque, vt antea valere, ac tenere perinde, ac si dictæ Constitutiones non emanassent. Miranda in *Manual. tom. 2. questione secunda articulo 3. Secundò possunt dispensari prædicti ille-*

illegitimi ad Officia Ordinis obtinenda à suis Prælatiſ, propter priuilegium eiufdem Gregorij Decimi Quarti conceſſum Congregationi Clericorum Regularium Miniſtrantium infirmis, quo uti poſſunt tam illi, quàm qui habent priuilegiolorum communicationem cum illis, ſeruatis etiam ſeruandis, iuxta dicta ſupra n. 41. & 42. Aduertendo inſuper datũ fuiſſe anno 1591. die 21. Septembris, ac perinde tempore poſterior fuiſſe ſupradicta Conſtitutione eiufdem Gregorij, quæ eodem anno Idibus Martij edita fuit. Verba autem priuilegij habentur in Bulla ipſius Pontificis num. 17. & in 2. tom. Bullar. Laertij Cherub. fol. 706. Sunt autem ſequentia : Ac dicto Præſecto Generali pro tempore exiſtenti, ſeu de illius licentia Præſectis inferioribus aliorum locorum, ſeu Prouincialibus dictæ Congregationis pro tempore exiſtentibus, & illorum Vicarijs, ac loca tenentibus, ut cum eiufdem Congregationis perſonis defectum natalium, etiam ex adulterio, facrilégio, inceſtu, & quouis alio nefario, & illicito, ac prohibito, & damnato coitu prouenientem patientibus, poſtquàm in dicta Congregatione vota emiſerint, ut defectu huiuſmodi non obſtante, ad quoscumque ſacros, etiam Presbyteratus Ordines promoueri, & in illis, etiam in altaris miniſterio miniſtrare, nec non ad quaſcumque adminiſtrationes, perſonatus, præemiſſentias, & Officia dictæ Congregationis eligi, admitti, & aſſumi, illaque gerere, & exercere. Laurentius de Peirinis *tomo 1. priuileg. Minim. in Conſtitut. 2. Iulij II. §. 29. à numero 95.* Limitant tamen aliqui traditam doctrinam, quòd ſcilicet illegitimus Religioſus in ea Religione, in qua ipſius pater eſſet, vel fuiſſet Prælatus non poſſet admitti, ad prædicta Officia ſine Pape diſpenſatione. Tum à ſimili, vel maiori ratione ex Concil. Trident. *ſeſſione 25. cap. 15.* & prædicta Conſtitut. Gregor. Decimi Quarti ſuperius adducta. Miranda in *Man. tomo 2. queſt. 2. articulo 10.* Probabile tamen puto etiam cum tali Religioſo poſſe diſpenſari ad Officia Ordinis. Tum ex verbis adductis Greg. Decimi Quarti in Priuileg. conceſſo Congregationi Clericorum Miniſtrantium infirmis, quæ eſt poſterior tempore, ut dixi, quàm illa alia, quæ adducitur in contrarium. Tum quia in Conſtitutione Gregorij, quæ adducitur, nullo pacto dicitur, quòd Religioſus illegitimus non poſſet admitti ad Prælatias in ea Religione, in qua pater eius eſt, vel fuit Prælatus, ſed ſolùm dicitur : *Dummodò tamen Filius illegitimus, in Religione in qua pater, ſiue ante, ſiue poſt natiuitatem dicti Filij profeſſus fuerit, ipſo patre uiuente non admittatur, quod expreſſè prohibemus.* Decretum autem Concilij, vel ſolùm intelligitur de Clericis ſecularibus, nam

nam cum sit pœnale non est cur extendatur etiam ad Regulares ; vel esto , quòd ad Regulares extendatur , solum ex eo habebitur Religiosum illegitimum non posse esse Prælatum in eodem Monasterio , in quo eius pater est , vel fuit Prælatus , non verò tolli quominus in eadem Prouincia , vel saltem Religione , eligi possit. Rodriguez *tomo primo questionum Regul. questione 13. artic. 7.* Aduerte etiam illegitimos , qui postea secuto Matrimonio legitimated sunt , non comprehendi sub priori Constitutione Sixti V. Quia ita declarauit ipsemet Pontifex in posteriori alia , quæ incipit , *Ad Romanum Pontificem* .

61 Quando Religiosus illegitimus dispensatus fuit in seculo ad quæcumque beneficia , qualiacunque sint , postea Religionem ingressus non eget noua dispensatione ad Prælaturas ; illa enim dispensatio se extendebat ad ista beneficia , & fuit quædam quasi legitimatio . Miranda in *Manuali tomo secundo questione secunda articulo quinto* . Si tamen solum dispensatus fuit vt beneficium curatum obtineret , indiget postea ad Officia Ordinis noua dispensatione , quia illa prima non se extendebat ad ista , sed tantum ab beneficium seculare . Nauarrus *lib. 4. consil. tit. qui filij sint legitimi, consilio primo* . Similiter dispensatus in Religione propter priuilegia adducta ad Officia , & Dignitates , non potest extra Ordinem illa habere . Quia prædicta priuilegia solum sunt in fauorem Religionis. Rodriguez *tom. 1. quæst. Regul. quæst. 13. ar. 13.* Sanchez *lib. 5. in Decal. cap. 5. num. 16.* Nec dispensatus ad dignitatem inferiorem potest censi dispensatus ad superiorem ; quia permissio minoris non est permissio maioris . Secus videtur dicendum de dispensato ad maiorem dignitatem ; talis enim , eo ipso censetur dispensatus ad minorem , quod solum credo esse verum quando minor dignitas continetur sub maiori , vt Prioratus sub Prouincialatu , & Prouincialatus sub Generalatu . Sorbus in *Comp. priuileg. Mendicant verb. Dispenfatio. §. & ideo Fratres* . Laurent. de Peirin *tom. 1. priuileg. Minim. in Constit. 2. Iulij 11. §. 29. num. 99.*

62 Officia , ad quæ illegitimi Iure communi non possunt promoueri sine dispensatione sunt Dignitates , & Prælatiæ , & beneficia curam animarum habentia . Ita habetur in *cap. 1. & in cap. fin. de filiis Presbyt.* Vnde nec possunt esse Generales , nec Prouinciales , nec Priores , Guardiani , &c. Possunt tamen eodem Iure communi esse Magistri Nouitiorum , Confessores , &c. & habere alia , officia manualia , præter Dignitates , Prælatias , & quæ curam animarum important . Vnde similiter possunt esse Sacristæ , Procuratores . Sanchez *lib. 5. in Decal. cap. 5. num. 16.* Laurentius de Peirinis

nis tom. 1. priuileg. Minor. in Constitution. 2. Iulij II. §. 29. num. 91.

63 Quando Prælarus habens potestatem dispensandi cum subdito Religioso illegitimo, quem scit esse talem, confert illi aliquam Prælatiam, vel Officium, censetur saltem in foro conscientie cum illo dispensare, si seruentur aliæ conditiones, de quibus supra num. 41. & 42. Talis enim Officij, vel Prælatiæ collatio, est quædam virtualis dispensatio. Nauarr. in Manual. cap. 25. num. 74. Rodriguez tom. 1. quæst. Regular. quæst. 13. art. 16. Semper tamen requiritur causa iusta, & rationabilis. Quia hoc est commune omnibus dispensationibus. Nauarrus ibidem. Siluester verb. Dispensatio. ubi etiam agit de causis iustis talis dispensationis.

64 Aliqui Prælati Religionum, scilicet Abbates, solent primam Tonsuram, & minores Ordines suis subditis conferre. Propter aliqua ipforum priuilegia, de quibus agit Suarez 4. tom. de Relig. tract. 8. lib. 2. cap. 29. Hæc verò priuilegia neque per viam communicationis extenduntur ad alios Prælatos. Quia nunquam fuerunt hoc modo intellecta. Suarez ut supra num. 27. Num autem Abbates prædicti possint conferre dictos Ordines minores Nouitijs, dubium est apud multos, Vincent. Filiuc. tom. 1. tract. 9. cap. 5. Affirmatiuam verò partem tenet Suarez 4. tom. de Relig. ut supra num. 12.

65 Abbates prædicti habentes facultatem dandi Ordines minores, aut primam Tonsuram, animaduertant, quòd circa Decretum Conc. Trident. sess. 23. cap. 10. quo habetur: *Abbatibus, & alijs quibuscumque quantumuis exemptis, non liceat in posterum, intra fines alicuius Diocesis consistentibus, etiam si nullius Diocesis, vel exempti esse dicantur, cuiquam qui Regularis subditus sibi non sit, Tonsuram, vel minores Ordines conferre, nec litteras dimissorias Clericis secularibus, ut ab alijs ordinentur concedant.* declarauit. S. Congreg. quòd Abbates Regulares habentes ius Baculæ deferendi & Mitræ, postquam Sacerdotalē Ordinē, & munus Benedictionis suscepierint, possint Tōsuras, & Ordines minores secularibus Episcopis iurisdictioni subditis conferre. Si modò ipsius Episcopi consensus accedat, & à dicto Episcopo quisq; litteras dimissorias impetrauerit: ita ut satis non sit id generatim ab Episcopo concessum esse, sed hæc concessione semper opus sit singulis, &c. Possunt etiam ipsi Abbates eosdem Ordines conferre alijs Regularibus, qui dimissorias speciales Superiorum suorum, & specialem consensum Episcopi loci habuerint, ac præterea alijs secularibus, qui aliorum Episcoporum iurisdictioni subiecti sint; dummodò Superiorum suorum dimissorias attulerint, ac specialem consensum

sum Episcopi loci, in quo Ordines huiusmodi cupiunt suscipere. Quaranta in *summa Bullarj verb. Ordo.* Suarez à num. 20. Vide etiam dicta *cap. 14. num. 13.* & Gauantum in *Manual. Episc. verb. Abbas à num. 34.*

66 Pertinet etiam ad Prælatos Religionum recipere, & professare Nouitios; cum hoc sit negotium magni ponderis in Religione. An verò possint se solis sine consensu Conuentuum Nouitios recipere, & professare; attendendum est ad consuetudines, & particulares leges Religionum. Eis verò non stantibus, probabilius est hoc munus pertinere ad Prælatus, & Conuentum simul; ita vt neuter sine alio id possit facere. Ratio est, quia in receptione, & professione Nouitiorum interuenit mutus quidam contractus inter ipsos ex vna parte, Conuentum, & Prælatus ex alia: ita vt ipsi promittant obedientiam, & subiectionem Conuentui, & Prælati; & ipsi vicissim promittant solitam subiectionem illis præstare. Ac proinde consensus omnium videtur necessarius. Nauarrus *lib. 1. de Constitut. consil. 9. & lib. 3. de Regul. consil. 36. & 62.* Miranda in *Manual. tom. 1. quest. 15. art. 2.* Vide dicta *cap. 2. num. 25.* Tenentur tamen dicti Prælati obseruare in receptione, & professione Nouitiorum non solum conditiones assignatas à Sixto V. & de quibus dicemus *cap. 24.* sed etiam, quæ Clem. VIII. & SS. D. N. Vrbanus in Decreto S. Congregat. Concilij de *Regularibus Apostatis, & eiectis* decreuerunt 4. *tom. Bullar. inter Constit. Urbani num. 26.*

67 Possunt item Religionum Prælati applicare alijs bona opera suorum subditorum, illisque tribuere litteras talis communicationis. Hoc constat non solum ex priuilegijs Urbani V. quod refert Casarrubius in *Compend. verb. indulgent. exhibentibus numero 6.* sed etiam quia iure communi quilibet Prælatus cuiuscunque Congregationis potest id facere. S. Thomas in 4. *dist. 20. questione prima articulo primo, & in addit. ad 3. par. questione 26. articulo primo.* Nauarrus in *tract. miscell. de psalt. ex Rosar. B. Virg. num. 4. & de Iubileo not. 31.* Immo secundum multorum opinionem, saltem in aliquo casu, possunt huiusmodi opera benefactoribus applicari à Prælati, etiam renitentibus subditis. Sotus in 4. *dist. 21. questione 1. articulo 4.* Cordub. in *questionibus lib. 5. de Indulg. questione 42. articulo 5.* apud quos plura de hoc. Vide etiam Sorbum in *addit. ad Compend. verb. Inauglent. quoad secular. 4.*

68 Tenentur Prælati Regulares, Generales scilicet, & Prouinciales visitare Monasteria sibi subiecta. Tum ex Concilio Tridentino *sess. 25. cap. 20.* Tum quia alias non possunt eorum refo-

ma-

mationi incumbere. Suarez 4. de Relig. lib. 10. de regim. Societ. cap. 11. Hæc autem obligatio est de iure naturali, & diuino, iuxta illud Prouerb. 27. *Diligenter agnosce vultum pecoris tui, tuosque greges considera.* Sanctus Thomas 2. 2. quæst. 83. artic. 2. Caietanus *ibidem*. Monasteria autem visitantes ante oculos habent id, quod Sac. Conc. Tridentinum sess. 13. cap. 1. illis commendat his verbis: *Se Pastores, non percussores esse meminerint: atque ita præse subditi oportere, ut non in eis dominantur, sed illos tanquam filios, & fratres diligant; elaborentq; ut ipsos hortando, & admonendo ab illicitis deterreant, ne ubi deliquerint, debitis eos pœnis coercere cogantur. Quos tamen, si quid per humanam fragilitatem peccare contigerit, seruanda est ab eis illa Apostoli perceptio, ut illos arguant, obsecrent, increpent, in omni bonitate, & patientia, cum sape plus erga corrigendos agat beneuolentia, quam austeritas, plus exhortatio, quam comminatio, plus charitas, quam potestas; sin autem ob delicti grauitatem quandoque virga opus fuerit, tunc cum mansuetudine rigor, cum misericordia Iudicium, cum lenitate seueritas adhibenda est.* In visitationibus autem maximè cauere debent à munerum receptione, ex cap. Romana §. *procuraciones de cens.* in 6. & ex Trident. sess. 24. de reformat. cap. 3. Peirinis tomo 1. priuileg. Minim. in Constit. 14. Leon. X. num. 7. Vide dicenda circa modum procedendi in visitationibus cap. 27. à num. 2.

69 Tenentur etiam Prælari, & sub peccato mortali, facere vt Officium Diuinum debitis horis, & statutis temporibus persoluatur in Conuentibus. Clem. 1. de celebrat. missar. Caietan. verb. ora §. 4. Medina C. de orat. quæstione de hoc. canonicis dub. 1. Vide dicta cap. 12. num. 9.

70 Inter ea quoque, quæ ex Decretis Clem. VIII. & Sanctiss. D. N. Urbani sæpiùs adduximus, hæc Prælatis præcipiuntur, vt habetur etiam 4. tomo Bullar. inter Constitutiones SS. D. N. Urbani num. 26. *Nullos omnino prætextu cuiuscunque priuilegij, vel Superioritatis, etiam Generalatus, à seruitio Chori censetur immunis, nisi pro tempore, quo quis in proprij Officij munere actu fuerit occupatus.* Adiungitur tamen quòd cum Lectoribus, & Prædicatoribus Superiores, ijs tantùm diebus, quibus eos legere, aut prædicare contigerit, dispensare possint. Et quòd idem quoque præstare valeant cum ægrotis, & studiorum causa legitimè impeditis. Præcipitur etiam, quòd in eos, qui negligentes, aut inobedientes fuerint, salutari pœnitentiâ Superiores animaduertant ad præscriptū Regulæ, & Cōstitutionū, alimēti etiā, si opus fuerit, subtractione. Nota tamen quòd cū occupatis etiā in operibus charitatis, siue corporalibus, vt cum Infirmarijs, siue spiritualibus, vt cum Confessa-

fessarijs, iure etiam dispensari poterit, quia ista opera præponuntur alijs quibuscunque. Suarez 4. tomo de Relig. tractat. 10. lib. 1. cap. 8.

71 Item pro obseruantia Concilij Tridentini circa Paupertatem Religiosam, statuitur in eisdem Decretis. Neque Superioribus, quicunque illi sint, vilo pacto liceat, eisdem Fratribus, aut eorum alicui bona stabilia, etiam ad vsum fructum, vel vsum, administrationem, aut commendam, etiam depositi, aut custodiæ nomine concedere. Vide dicta cap. 6. à num. 19.

72 Deinde pro communitate, seu Vita Communi seruanda, singularitateque in victu fugienda, sic ibidem decernitur. *Omnes etiam Superiores, quicunque illi sint, eodem pane, eodem vino, eodemque abfotio, siue eadem (vt aiunt) pitantia, in communi mensa prima, vel secunda, nisi infirmitatis causa impediti fuerint, vescantur: neque singulare aliquid, quo priuatim quisque in cibum, vtatur, vilo modo afferri possit, si quis in ea re peccauerit, nihil ea die alimentis percipiat, nisi panem, & aquam.* Pro quo nota, casus necessitatis, puta infirmitatis, vel debilitatis, semper intelligi exceptos, nec comprehendi hoc Decreto. Quia Ius naturæ hoc præscribit.

73 Præterea, circa redditus, aut præstationes, quas Generales aliqui, aut alij Superiores Religionum solent habere, præcipitur quod *Superiores omnes, etiam Generalis, qui redditus aut præstationes pecuniarias ratione Officiorum habent, eorum accepta, & expensa in libro distincto fideliter, & diligenter adnotari curent, neque in alios usus, quàm ratione Officij sui necessarios quicquam expendant. Cum verò contigerit ipsos in aliquo Conuentu commorari, eam pecunia quantitatem in commune conferant, ex qua sibi, & ijs, qui secum erunt, victus ad præscriptum Regula, & Constitutionum suppeditetur.* Obligantur etenim, & præcipuè Vitæ Communis obseruantia Prælati, de qua cap. 6. num. 60. & à num. 7.

74 Item, pro administratione bonorum Monasterij non habenda à Superioribus, sed ab alijs tribus, statuitur in eisdem Decretis, quod nullus ex Superioribus locorum, administrationem bonorum, aut aliarum rerum, dispensationemque pecuniarum, & reddituum sui Conuentus, etiam nomine Conuentus, per seipsum habere, siue exercere possit, sed vniuersum id onus tribus fratribus eiusdem Conuentus à Generali ita demandetur, vt vnus rerum, & bonorum, reddituumq. colligendorum, ac exigendorum curam habeat, alter tamquam depositarius, pecunias, ac cætera ab illo collecta, & exacta fideliter asseruet, alius de pecunijs, & rebus à Depositario acceptis, Priori, & Fratribus, ac Conuentui vniuerso de necessarijs, mandante tamen ipso Priore, non secundum proprium

primum affectum, sed iuxta charitatis regulam, veluti bonus dispensator provideat; Officiorum huiusmodi confusione penitus interdicta. Vide dicta eodem cap. 6. à num. 7.

75 Deinde pro prædictis tribus, prout supra designatis, præcipitur, quòd illi tres, tam impensi, quàm accepti, singulis mensibus Superiori locali, adhibitis etiam duobus, vel tribus Fratribus, eiusdem Conuentus probatoribus, rerumque vsus peritis, rationem reddant. Deinde ipsimet rursus præsentibus Priore, & peritis prædictis, Generali, cum aduenerit; denique ipse Generalis, in quolibet proximo Capitulo Generali, saltem coram tribus Iudicibus, ab ipso Capitulo ad hoc constitutis, illorum omnium, vniuersamque suæ administrationis tam publicæ, quàm priuatæ, rationem reddere teneatur; cuius etiam exemplum authenticum ex Actis Capituli describatur, ad hoc, vt ad omne mandatum Sedis Apostolicæ Romæ transmitti possit. Vt hoc Decretum executioni mandetur in Conuentibus, qui non à Generali, sed à Prouincialibus visitantur, necesse est, vt quod in illo dicitur de Generali, intelligatur etiam respectiue de Prouincialibus.

76 Præterea pro non interpretandis Decretis Conc. Trident. & prædictis Clement. VIII. & S. D. N. Urbani, sic illis præcipitur: *Superioribus autem ne Concilij Tridentini, aut hæc nostra Decreta declarare, interpretari, aut relaxare vllò modo possint, omninò interdiciamus, & prohibemus, decernentes irritum, &c. Si quis autem contra præsumperit autelare, is eo ipso omni gradu, Officioque priuatus, & ad ea perpetuò inhabilis existat.* Interpretatio, quæ hic prohibetur solum est interpretatio iuridica, non doctrinalis. Laurent. de Peirinis tom. 2. priuileg. Minor. in Constit. 10. Urbani VIII. num. 6.

77 Item pro Vita Communi sectanda, & superfluitate, etiam à Superioribus vitanda, illis intimatur, quòd nullus etiam Superior cellas, siue in claustro, siue alibi, separatas à communi dormitorio habeat, sed vnusque vnica cella, eadem cum cæteris aliorum Fratrum coniuncta, nudis omninò parietibus, ac lecto, & mensa humilibus, vniiformique suppellectili, quemadmodum Religiosos decet, contentus sit. Possit tamen Generalis alicui ex Superioribus Conuentuum, si eorum muneris, & Officij necessitatem, id exigere cognouerit, alteram etiam cellam concedere. De superflua autem suppellectili Regularibus fugienda, vide dicta cap. 6. à num. 13.

78 Pro donationibus, seu munerum largitionibus non permitendis Regularibus à suis Prælati, sic illis etiam præcipitur: *Cum Superioribus, vt Constitutio interdicens largitiones munerum, & præ-*

prescribens hospitalitatis formam, ab omnibus in quolibet Conuentu inuoluntariè obseruetur. Constitutio de qua in præfenti, fuit Clementis VIII. & videtur inuoluta in hoc Decreto à S. D. N. Vrbanò, & S. Congregatione, vide quæ circa illam dicimus *cap. 6. à num. 52.*

79 Item pro Examinatoribus designandis in Religionibus, decernitur in prædictis Decretis, quatenus eligantur in Capitulo Generali, vel Prouinciali, aliquot graues, & periti ex Fratribus cuiuslibet Prouinciæ, saltem tres, qui admittendos ad Prædicationem verbi Dei, vel ad audiendas Confessiones etiam ipsorum Fratrum, ac Lectores publicos diligenter simul examinent, priusquàm probentur, & ad huiusmodi ministeria admittantur. Horum etiam curæ sit examinare, & probare, tam quoad doctrinam, quàm quoad mores, promouendos ad quoscumque Ordines, in quo seruetur Decretum Congregationis Interpretum Sacri Concilij Tridentini. Hoc Decretum puto esse illud de quo nos egimus *cap. 14. num. 12.* circa licentias concedendas Religiosis ad suscipiendos Ordines.

80 Demum pro obseruantia Regulæ, & Constitutionum Regularium, sic admonentur in prædictis Decretis Superiores: *Illud porro Superiores omnes in Domino admonemus, ut memores sint rationis, quam in nouissimo die reddituri sunt pro grege sibi commisso, ac propterea omni studio inuigilent, ut qua in eorumdem Ordinum Regulis, & Constitutionibus de oratione mentali, silentio, ieiunijs, capitulo culparum, alijsque spiritalibus exercitijs prudenter, ac piè sancita sunt, ea omnia, & singula ad vnguem obseruentur, intelligantque super his veluti fundamentis omnium Religionum adificia construenda, & amplianda esse, qua ut faciliorem exitum fortiantur, & fructus uberiores in animis fratrum producant, valde opportunum erit, si in quolibet Conuentu, singulis hebdomadis habeatur sermo de Religiosa disciplina, Regularique obseruantia.* Vide dicta *cap. 7. & 8.* & quæ in nostro opere de Reformatione Regularium præfertim *cap. 5. 6. & 7.* diximus.

81 Possunt Prælati Religionum exemptarum sibi Confessorem eligere, sicut Episcopi, & Cardinales. Sa in *Sum. verb. confessor n. 1.* Specialiter Prælati Carmelitæ, scilicet Generalis, & Prouincialis, & vices eorû gerentes, & qui eorû priuilegia participant possunt ex concessione Sixti IV. in Bulla *Dum attenta*, quæ est Mare magnum ipsorum, absolui à suis confessoribus iuxta formam confessionis super absolutione, & dispensatione fratrum eiusdem Ordinis facta, quam retulimus supra in hoc capite num. 33. Generaliter etiam loquendo quoad vsum priuilegiorum concessorum Religio-

gionibus, quibus conceditur facultas, vt absoluantur Religiosi à suis Prælatis à casibus, vel censuris, aut dispensentur in pœnis, seu irregularitatibus contractis, quamuis Prælati infimi, v. g. locales absolui, & dispensari debeant à Prouincialibus, & isti à Generali, Generalis tamen, cum non habeat Superiorem in Ordine extra Capitulum, potest sibi eligere confessorum, cui committat talem facultatem. Non enim est alius modus, quo ipse Generalis possit passiuè vt huiusmodi priuilegijs, quibus priuari non debet, cum sit præcipuum membrum Religionis. Suarez 4. *tomo de Religion. tract. 8. lib. 2. cap. 23. num. 8.* Vbi etiam hoc videtur extendere ad Prouinciales, & Prælatos locales. Quid verò faciendum sit in casu quo in aliquo Conuentu Religiosorum tam Prælatus, quàm Sacerdotes subditi incurrerent in censuram referuatam Pontifici, verbi gratia, si per mutuam rixam inciderent in censuram Canonis, *Siquis suadente*, tractat Rodriguez *tomo 1. questionum Regul. quest. 20. art. 12.* Suarez *vt supra à numero 9.* Quando verò Prælati eligunt aliquem in sui confessorum non est necesse, quòd talis sit aliàs approbatus, nam sic eligendo eum approbare videntur, saltem pro sua persona. Laurentius de Peirinis *tomo 1. priuileg. Minim. in Conslit. 4. Sixti IV. num. 28.*

82 Non possunt Prælati Regularium ad instantiam, & requisitionem quarumcunque personarum extra suos Ordines existentium alicui Religioso suæ Religionis aliquod Officium, vel Dignitatem concedere, aut pœnas remittere. Primò enim Carmelitarum Superioribus id prohibuit Clem. VIII. in Bulla *quoniam nemo* ann. 1593. edita, per hæc verba. *Atque in virtute Sanctæ Obedientie, ac sub excommunicationis lata sententie pœna omnibus dicti Ordinis Fratribus, Superioribus, & Prælatibus, quocumque titulo nuncupatis, etiam Generali, presentibus, & futuris precipimus, districtèque mandamus, ne quempiam, vllò tempore, precibus litteris, vel fauoribus adducti, vel aliàs ad instantiam, seu requisitionem, vel cõtemplationem Principum, vel Prælatorum, aut aliorum, quorumcunque, tam secularium, quàm Ecclesiasticorum, extra dictum gremium existentium, etiam Cardinalium, Imperatoris, Regum, Ducum ad cuiusvis generis Prælaturas, gradus, honores, dignitates, administrationes, Functiones, & Officia predicti Ordinis promouere, vel pœnas aliquas remittere audeant, seu presumant.* Secundò id prohibuit Gregorius XIII. Prælati Ordinis Prædicatorum in virtute Sanctæ Obedientie in Bulla, *Cum nihil*, quod etiam confirmauit Clem. VIII. in alia Bulla, quæ incipit, *Religiosos viros* anno 1592. edita. Idem quoque prohibuit idem Clemens Octauus Superioribus Camaldulensibus in Bulla, quæ inci-

R pit,

pit, *Ambitosam* ann. 1596. & Hieronyminianis in alia etiam bulla, quæ incipit etiam; *Ambitosam* ann. 1600. & Cruciferorum Superioribus in alia Bulla ann. 1604. edita, quæ incipit, *Quoniam nemo*, & etiam Augustinianorum Prælati in alia Bulla eiusdem tituli, & anni. Paulus etiam Quintus idem prohibuit Superioribus Congregationis S. Saluatoris in alia Bulla eiusdem tituli ann. 1607. & Augustinianis in Bulla *Admonemur* ann. 1608. & Prælati Monachorum Cisterciensium Italiae in Bulla; *aliis per nos*, anno 1613. & Celestinorum Superioribus in Bulla *Quoniam nemo* anno 1616. edita, & Minimorum præpositis ann. 1619. in Bulla *Admonemur*, quam explicat Laurentius de Peirinis *tomo 1. de subdito q. 2. de Paupertate cap. 2. §. 11.* animaduertens non interdici Prælati facere aliquam gratiam suis subditis ad instantiam extraneorum, sed solum quoad gradus, honores, Dignitates, Officia, &c. seu pœnarum remissionem. Sed licet hoc verum sit ex Bulla Clem. VIII. pro Carmelitis, & alijs, quibus eadem fit prohibitio, tamen cū Pau. V. in prædicta Bulla pro Minimis dicat, *ullam gratiam concedere*, & hoc condistinguat Pontifex à concessione Officiorum, Dignitatum, &c. non videtur secuta prædicta interpretatio. Vide *c. 10. n. 17. & c. 15. n. 27.*

83 Gregorius XIV. in Bulla *Cum alijs* ann. 1591. edita moderatus est privilegia concessa à suis prædecessoribus, præsertim Sixto V. & Pio V. quibuscumque Principibus secularibus, eorumque Curijs, & Magistratibus extrahendi ex Ecclesijs criminosos, & delinquentes, præscribens hunc modum Prælati Religionum, qualiter in prædictis casibus se gerere debeant: Vt Laicis ad Ecclesias, locaque Sacra, & Religiosa prædicta confugientibus, si fuerint publici latrones, viarumq. grassatores, qui itinera frequentata, vel publicas stratas obsident, ac viatores ex insidijs aggrediuntur, aut depopulatores agrorum, quivè homicidia, & mutilationes membrorum in ipsis Ecclesijs, earumve cæmeterijs committere non verentur, aut qui proditoriè proximum suum occiderint, aut assassinij, vel hæresis, aut læsæ maiestatis in personam ipsiusmet Principis rei, immunitas Ecclesiastica non suffragetur. Posteaque subiungit. *Sed uniuerfis, & singulis Venerabilibus fratribus nostris, Patriarchis, Primatibus, Archiepiscopis, Episcopis, cæterisque Ecclesiarum, & Monasteriorum Prælati, tam secularibus, quàm cuiusvis Ordinis Regularibus, disirictè præcipiendo mandamus, & præcipimus, ut Laicos in casibus prædictis delinquentes ad eorum Ecclesias, Monasteria, Domos, & alia loca supradicta Sacra, seu Religiosa respectuè confugientes, & in eis se recipientes, atque morantes, qui prædicta delicta, eorumve aliquod, iudicio suo commississe*

fiſſe videbuntur, quando à Curia ſeculari fuerint requeſiti, & quilibet eorum fuerit requeſitus, Miniſtris, & Officialibus Curia ſecularis, abſque irregularitatis nota, aut alicuius cenſuræ Eccleſiaſticae in curſu, tradi, & conſignari curent, & faciant, & quilibet eorum curet, & faciat. Vide Bullam 2. tom. Bull. Laertij fol. 694. Circa immunitatem verò, quam habent malefactores in locis Sacris, vide Peirinistomo 2. priuileg. Minim. in Conſtit. 4. Clem. VIII. à num. 7. Eraſmum Chokier tract. de Iuriſdict. Ordin. in Exemp. p. 4. q. 65. & maximè Bonacinam circa prim. præcep. Decalog. q. 7. de Immunitat. Eccleſiar.

84 Tenentur Superiores Religionum Mendicantium procurare, vt ſui ſubditi reddantur idonei per ſtudia litterarum ad audien- das confeſſiones, & concionandum. Ratio eſt, quia ipſi Religioſi Mendicantes, cum ſint coadiutores Epiſcoporum, iuxta dicta cap. 4. nu. 19. tenentur ſaluti proximorum conſulere. Bannez 2. 2. q. 33. art. 3. dub. 3. dicens hanc obligationem eſſe ſub peccato mortali. Thom. de Ieſu ſup. cap. non dicatis p. 4. cap. 1. Vide etiam Tractat. noſtr. de Reformat. Regular. cap. 11.

85 Tenentur etiam Superiores Religionum inſtituere ſtudia linguarum in ſtudijs ſuorum Monaſteriorum ex Decreto Paul. V. in Bulla Apoſtolica ſeruitutis ann. 1610. in qua ſtatuit, & determinat; Vt in cuiuſcūque Ordinis, & Inſtituti Regularium, tam Mendicantium, quàm non Mendicantium, etiam quomodolibet exemptorum, & Apoſtolicae Sedi immediatè ſubiectorum, ſtudijs omnibus, trium linguarum huiusmodi, Hebraicae videlicet, Graecae, & Latinae, in maioribus verò, ac celebrioribus etiam Arabicae, Doctores, Regulares quidem, & eiufdem Ordinis, ſi in illo harum linguarum ſufficientem notitiam habentes ſint, ſi minus, ſeculares, aut alterius Ordinis Regulares, qui illas actu, & diligenter doceant, habeantur, ſi ſtudia in Urbibus, & locis exiſtunt, vbi linguarum prædictarum peritos conducendi facultas eſt. Studijs verò locorum, vbi huiusmodi Doctores deſunt, cum primùm in alijs ſtudijs, vbi linguae huiusmodi docebuntur ſcholares tantùm profecerint, vt docendis alijs idonei ſint, de iſdem ſcholaribus provideatur. Vnde etiam omnibus, & ſingulis Regularium Superioribus ſub indignationis Apoſtolicae pœna præcipit, & mandat, & ſi ipſi negligentes fuerint, eorundem Ordinum Regularium apud Sedem Apoſtolicam Proteſtoribus iniungit, eorum conſcientias deſuper onerando: Vt omni cura, & ſollicitudine quanto citiùs provideant, vt ſcholæ linguarum huiusmodi, quam primùm inſtituantur, ac Doctores prædicti deputentur, earundemque linguarum lectionibus ſcholares aſſignentur, qui illis ſedu-

lam, & assiduum operam nautent. Vt verò scholares alacrius huic studio incumbant voluit, & decreuit; *Vt in promotione ad Doctoratus gradus, & ad alios sui Ordinis honores, illi ceteris paribus præferantur, qui in cognitione trium saltem linguarum prædictarum profecerunt, ita ut ad illas docendas apti sint.* Extat etiam Decretum S. Congregat. de propaganda fide sub dat. 11. April. 1625. in quo præcipitur Generalibus, & alijs Superioribus Regularium; *Vt omnibus modis velint studia linguarum à S. Vienn. Conc. & à sel. res. Pau. V. Constitut. præscripta, & aliarum etiam, quæ magis eæ usu esse videntur, ut Illyrica, & Græcæ vulgaris, in ijs Monasterijs, & Conuentibus erigere, & instituire, & erecta, ac instituta conseruare, in quibus Religiosi artibus, & Theologiæ operam nauant.* Vbi etiam præscribitur modus, & forma id faciendi. Eodem etiam anno sub 17. April. Constitutio Paulina, & Decreta S. Congregat. eadem S. Congregat. præcipiente, intimata sunt Generalibus, & Capitulis Generalibus, quæ tunc Romæ celebrabantur.

86 Prælati inferiores non possunt dispensare in legibus latis à suis Superioribus, nisi quando expressè, vel tacitè, aut interpretatiuè hoc illis conceditur. Ita habetur in *cap. inferior d. 21. ne Romani de elect.* Nauarrus in *Man. prælud. 9. num. 15.* In pœnis tamen taxatis à Superioribus Prælati, si eas non sibi reseruauerunt, possunt Prælati inferiores dispensare ex causa iusta. Nam, cum sint Ordinarij Religiosorum possunt circa illos facere omnia, in quibus non sunt prohibiti. Medina 1.2.q.97. ar.4. Sine vrgenti tamen, & rationabili causa id non possunt facere. Ex Concil. Trid. *sess. 14. c. 1. Miranda in Man. to. 2. q. 30. ar. 11.*

87 Prælati verò Superiores non solum possunt facere circa leges, & pœnas latas, & impositas à Prælati inferioribus quidquid facere possunt ipsi inferiores circa prædictas leges, & pœnas impositas à Prælati Superioribus, vt per se patet; sed etiam possunt prædicti Prælati Superiores restringere, & coarctare Iurisdictionem inferiorum. Quia Prælati inferiores pendent in suo esse à Superioribus, & sunt illorum subditi. Suarez 4. *tomo de Relig. tractat. 8. lib. 2. cap. 2. num. 22.* Talis verò restrictio, vt licitè fiat, petit iustam causam. Cum quilibet Prælatus habeat ius vtendi sua Iurisdictione, ac proinde si illa priuatur sine causa, aliqua iniuria illi fit. Suarez *ut supra num. 23.* Addens, etiam sine causa posse fieri validè talem restrictionem non solum in ijs, quæ ex commissione, aut delegatione cōueniunt Prælati inferioribus, sed etiam in ijs, quæ de iure ordinario illis competunt. Quia Prælati Superiores hoc facientes habent maiorem, & potentiorē auctoritatem. Immò dicit, propter eandem rationem, posse Prælatum

Super-

Superiorem priuare suo Officio validè inferiorem, etiam nullas subsistente causa, licet peccet ita faciendo, Idem *ibidem* nu. 26. Quæquidem stando in iure communi probabilia sunt, secundum tamen peculiare leges, & consuetudines Religionum, ad illas pertinet iudicare, quid fieri, vel non fieri in casibus similibus possit.

88 Prælati Regularium (qui iuxta ipsorum priuilegia) possunt instituere Confraternitates suorum Ordinum, easque aggregare in quibuscunque Ecclesijs, siue proprijs, siue extraneis, seruare debent conditiones assignatas à Clemente Octauo in Bulla, quæ incipit. *Quæcumque à Sede Apostolica* anno 1604. edita, quæ est 115. inter Bullas huius Pontificis in 3. *tomo Bullar.* & postea etiã confirmata fuit à Paulo Quinto in alia Bulla, *Quæ salubriter* anni 1610. & est 68. inter Bullas huius Pontificis. Prima conditio est, vt in vno loco vnâ tantùm Confraternitatem, & Congregationem instituere possint. Secunda, vt id fiat de consensu Ordinarij loci, & cum litteris eius testimonialibus, quibus Confraternitatis, & Congregationis erigendæ pietas, & Christianæ charitatis Officia, quæ exercere cupit apud eos commendentur. Tertia, vt huic Confraternitati, & Congregationi erigendæ, instituenti, seu aggregandæ, ea tantùm priuilegia, indulgentias, facultates, aliasque spirituales gratias, & indulta, quæ ipsi Ordini, & Religionis Instituto erigenti, instituenti, ac communicanti, seu Archiconfraternitati, & Congregationi aggreganti, nominatim, & in specie, non autem, quæ per extensionem, seu communicationem sibi quouis modo concessa sint, & illa quidem non sub generali forma verborum, vel ad instar, sed expressè, & in specie communicare valeant. Quarta est, quòd statuta harum Confraternitatum sint priùs ab Episcopo Diocesano examinata, & pro ratione loci approbata, & eiusdem Episcopi Decretis, ac moderationi, & correctioni in omnibus semper subiecta remaneant. Quinta, vt seruetur formula instituendi Confraternitates approbata ab ipso Pontifice. Sexta, vt Ministri, & Officiales dictarum Confraternitatum non vtantur priuilegijs, & facultatibus nisi præuia recognitione Ordinarij, qui adhibitis duobus de eiusdem Ecclesiæ Capitulo illa iuxta Sacri Concilij Tridentini Decretum promulganda decernat. Septima, quòd Ministri, & Officiales dictarum Confraternitatum possint excipere eleemosynas iuxta modum, & formam per Ordinarium loci perscribendam, remotis tamen mensis, peluibus, & caplis, quæ in Ecclesijs, & Oratorijs dictarum Confraternitatum, & Congregationum publicè ad hoc exponi consueuerunt. Deinde qualiter dictæ eleemosynæ expend-

dæ sint, sic præscribit. Eleemosynas autem sic collectas in reparationem, & ornatum Ecclesiarum, tam Ordinum, Religionum, Institutorum, instituentium, erigentium, & communicantium, ac Archiconfraternitatum, & Congregationum aggregantium, quàm Confraternitatum, & Congregationi erigendorum, instituendarum, & aggregandarum, & quibus communicationes fiât, aut in alios earum pios vsus, arbitrio Vicarij in Vrbe, necnon Ordinariorum locorum respectiue fideliter exponere, atque erogare procurent: vt omnes intelligant, cœlestes Ecclesiæ Thesaurus, non quæstus, aut alicuius lucri gratia, sed pietatis, & charitatis excitandæ gratia, ex Apostolicæ Sedis benignitate Christi fidelibus aperiri. Præterea, assignatis casibus à quibus possint Confratres absolui à suis Confessoribus, & à quibus non, postea omnes institutiones, & aggregationes Confraternitatum vbiuis locorum erectas, & institutas, præcipit renouandas iuxta formam ab ipso præscriptam, alias vult illas esse nullius roboris, & momenti, reuocatas, & annullatas. Ac tandem pœnas contrauenientibus sic apponit: *Quòd si Ministri aliqui, Superiores, vel Officiales quocumque nomine nuncupati, Ordinum, Religionum, Institutorum, seu Archiconfraternitatum, Congregationum, & Confraternitatum huiusmodi quauis auctoritate, vel priuilegio, & Officio fungantur, & præfulgeant, contra præmissa in aliquo venire, vel facere presumpserint, Erectiones, Institutiones, & Communicationes priuilegiarum, Indulgentiarum, facultatum, Spiritualiumq; gratiarum, & indultorum, aliorumq; præmissorum concessiones, nec non aggregationes per ipsos faciendæ, seu renouandæ nullius sint roboris, & momenti; & quilibet eorumdem Ministrorum, Superiorum, Officialium, & aliorum prædictorum priuationis Officiorum, quæ obtinet, ac inhabilitatis ad illa, & alia in posterum obtinenda pœnam, quæ ab alio, quàm à nobis, vel à Romano Pontifice pro tempore existente remitti non possit, incurrat eo ipso.* Ne autem sit error aliquis in Institutione Confraternitatum lege prædictam Constitutionem Clem. VIII. pro his, & alijs conditionibus ibi assignatis. Pro præcedentiâ verò Confraternitatum vide Quarantam in *Summa Bull. verb. præcedentiâ*. Vbi etiam, in quibus Episcopus, & in quibus Iudex laicus intromittere se possint circa has Confraternitates. Non posse autem compelli ab Episcopo, aut censuris astringi, vt accedant ad publicas processiones, declaratum est pluries à S. Congregatione, apud eundem Quarantam *vt supra*. Pro formula autem instituendi, seu aggregandi huiusmodi Confraternitates, quam Pontifex præcipit obseruari, vide Flauium Cherubinum in *Compend. Bullar. circa hanc Constit. 113. Clem. VIII.* Circa

Con-

Confraternitates etiam B. Mariæ de Monte Carmelo, vide Constitutiones nostras *p. 4. cap. 28.* & specialiter concordiam factam inter Carmelitas nostros obseruantes, & RR. Patres Discalceatos confirmatam à Paulo V. in Bulla *Ad ea* ann. 1617. edita, quæ habetur in lib. cui titulus est, *Priuilegia Fratrum Discalceatorum B. Mariæ Virginis de Monte Carmelo.* Vide etiam pro Confraternitatibus multa apud Gauantum in *Manual. Episc. verb. Confraternitates.*

89 Gratias autem, siue Indulgentias, quas Carmelitarum Generalis applicare potest Confratribus Confraternitatis Beatæ Mariæ Virginis de Monte Carmelo, habemus ex Paulo V. in Bulla *Cum certas.* anni 1606. die 30. Octobris. Vide Bullam in lib. cui titulus est, *Priuilegia Fratrum Discalceatorum.* num. præcedenti relato.

90 Quamuis Prælati Religionum possint se soli per præcepta, aut decreta, quæ solum durent tempore sui Officij obligare, suos subditos etiam in conscientia; ratione voti Obedientiæ, quod subditi fecerunt, & ratione Iurisdictionis Ecclesiasticæ, quæ ipsi Prælati habent. Non possunt tamen iure communi condere leges, aut statuta perpetua sine Capitulo proportionato, scilicet Generali, Prouinciali, aut locali, respectu totius Religionis, Prouinciæ, aut Conuentus. Ratio est, quia, vt docet S. Th. 1. 2. *quest. 90. art. 1.* condere leges spectat ad Communitatem, nam cum legis impositio sit res grauissima, vtpotè perpetuo durans, requirit Communitatis, cui imponitur, consensum, atque adeo sine ipso nihil fiet. Neque obstat, quòd Prælati habeant Iurisdictionem, quasi Episcopalem, Episcopi autem soli, sine consensu Capituli, condere possint leges; quia non habent in omnibus parem, aut similem potestatem sicut Episcopi, cuius signum est, quòd Episcopi immediatè habent suam potestatem à Papa, Prælati autem Religionum ab ipsa Religione respectiuè. Suarez *4. tom. de Relig. trat. 8. lib. 2. cap. 8. num. 4. 5.* & 8. Dixi verò, iure communi non posse condere leges, aut perpetua statuta, quia saltem ex consuetudine, lege, vel priuilegio id possunt habere, iuxta dicta *cap. 8. num. 3.* Vnde consulenda sunt iura particularia Religionum. Cum autem in nostra Religione Carmelitarum *part. 2. Constitut. cap. 1. num. 9.* committatur Priori Generali, quòd *possit omnia facere, quæ Dissintores Generales facere possunt, absolutionibus Priorum Prouincialium liberè, sine culpa, & eorum institutionibus prohibito, ubi fieri potest electio, & apertione sigilli communis Ordinis, dumtaxat exceptis;* videtur posse Generalem Carmelitarum per se solum condere leges, aut statuta perpetua, sicut & Capitulum

Generale cum ipso id facere potest. Exprimi tamen semper debet se uti in hac parte Iurisdictione, & potestate extraordinaria illi in prædicto loco Constitutionum concessa, ne credatur solum potestate ordinaria usum fuisse. An verò Prælati possint huiusmodi leges, aut etiam præcepta imponere solo suo arbitrio, sine consilio eorum, qui iuxta Religionis morem illis assistunt, dicendum est, quod attinet ad leges, non posse ita facere; quia, ut diximus, condere leges pertinet ad Communitatem. Loquendo verò de præceptis, attendenda sunt iura, & consuetudines particularium Religionum. Iure verò communi loquendo, in præceptis, quæ imponuntur particularibus personis, nisi valde gravia, onerosa, aut extraordinaria sint, sufficit sola autoritas, voluntas, & iudicium Prælati absque alia consultatione: quia esset valde onerosum pro his consultationem cum alijs facere. Secus in gravioribus præceptis, quæ, vel toti Cõmunitati, vel etiam privato Religioso imponuntur. Quia lege naturali prudentia dictat, quod res gravis non fiat sine maturo consilio. Suarez 4. tom. de Relig. tract. 8. lib. 2. cap. 8. num. 6. Vbi etiam num. 7. quid dicendum, an quando consilium est necessarium, sit etiam de substantia, & valore præcepti, ita ut sine ipso non teneat. Sed in hoc attendendum est ad particularia iura Religionum, sicut in alio dubio, quod ibidem num. 9. tractat, an Capitulum Generale Religionis, sed vacante ante electionem Generalis possit condere leges, seu statuta perpetua. In Religione autem nostra certa videtur pars affirmativa, cum tale Capitulum, ante electionem etiam Generalis habeat semper aliquod caput, Vicarium scilicet, vel Præsidentem, ratione cuius totam Religionem representet. Secus verò esset, si casu aliquo dato, non esset tale caput; tunc enim tale Capitulum acephalum esset, nec haberet potestatem prædictam. Audio etiam in gravissima Augustinianorum familia, præcepta Superiorum durare etiam transacto tempore Officii, si à successoribus non reuocentur, atque ita habere quasi vim legis.

91 Possunt Prælati Religionum, videlicet Generales, & Prouinciales, transferre suos subditos de vno ad alium locum, videlicet, Generales possunt mutare Religiosos de vna ad aliam Prouinciã, Prouinciales verò de vno ad alium Conuentum, sicut Priores locales, seu Guardiani, aut alij Prælati infimi, suos subditos de vna ad aliam cameram. Ratio sumitur, tum ex Iurisdictione quasi Episcopali, quam habent prædicti Prælati in suos subditos, tum ex voto Obedientiæ, quod ipsi emiserunt in sua professione. Nauarr. comment. 4. de Regul. num. 22. & lib. 1. Consilior. consil. 9. num. 21. Id autem non debent facere sine causa, Quia hoc videtur esse

con-

contra charitatem, & bonum regimen Religionis. Addunt aliqui, quòd si Generalis absque rationabili causa subditum transferat de sua naturali Prouincia in aliam, habeat iustam causam appellandi ad Sanctissimum, vel Protectorem. Nauarr. *lib. 2. Consil. de appell. conf. 5. num. 6. lib. 1. conf. 9. num. 11.* Rodriguez *tom. 1. quæst. Regul. quæst. 23. art. 3.* Dispicet tamen quod quidam subiungunt, scilicet, quòd subditus non teneatur obedire Generali illum trāsferenti ex vna Prouincia in aliam. Non solum quia in dubijs potius fauendum est Prælati, quàm subditis, sed etiam, quia cum per professionem Religiosus promiserit obedientiam Generali, non pro vna, aut alia Prouincia, sed pro tota Religione, ad quam eius Iurisdiclio extenditur, credendum est stare debere voluntati ipsius illum sic transferentis.

92 Possunt, & debent Prælati Superiores, videlicet Generales, & Prouinciales, per se, vel per alios visitare suam Religionem, vel Prouinciam. Probatur ex Concilio Tridentino *sess. 25. cap. 1.* Vide dicenda *cap. 27. num. 1. 2. & 3.* Non tamen possunt mittere ad visitandum Religiosum aliquem extraneum, vel Clericum secularem. Ratio est, quia oportet Visitatorem instructum bene esse in Regula, & Institutis visitandorum. Laurent. de Peirin. *tom. 1. quæst. 1. de Obed. cap. 18.* Rodriguez *tom. 3. quæst. Regul. quæst. 77. art. 9. & tom. 2. quæst. 4. art. 2. & quæst. 52. art. 7.* Id autem rectè possunt facere Summus Pontifex, & Legatus à latere. Propter ampliores facultatem, quam ipsi habent. Rodrigu. *tom. 2. quæst. 52. art. 7. & 9.* Peirin. *ut supra.*

93 Absolutiones autem, & dispensationes à censuris, & irregularitatibus, quæ communiter solent dari à Prælati Regularium, tam in prædictis visitationibus, quàm in aliquibus festiuitatibus solemnioribus, prosunt Religiosis in foro interno animæ, saltem pro censuris, & irregularitatibus dubijs, & oblitis, seu ignoranter incurfis. Aliàs prorsus vanæ, & inutiles essent tales absolutiones, & dispensationes. Ledesma *de statu Religiosorum in communi cap. 4.* Laurent. de Peirin. *tom. 1. priuileg. Minim. in Constit. 1. Iulij II. §. 16. num. 42.* An verò profint etiam pro censuris, & irregularitatibus certis, & manifestis, occultis tamen, & in foro conscientie? Non video aliquem de hoc puncto disputantem: sed sub aliorum censura dicerem, valere quidem ad omnia, ad quæ se extendere possunt auctoritas ordinaria, & priuilegia Prælatorum. Verba enim illa, quibus in similibus casibus vtuntur Prælati, scilicet, *absoluo vos*, vel *dispenso vobiscum*, piè sanè videntur fauorabiliter amplianda.

94 Possunt etiam Prælati Regulares commutare legata facta ad

ad vnum vsum, in alium, tenent aliqui; propter priuilegia Minoribus concessa, Sixti IV. & Leonis X. Rodriguez *tom. 2. quest. Regul. quest. 125. art. 9.* Henriquez *lib. 7. de Indulgent. cap. 22.* Sed præterquàm quòd hæc priuilegia viux vocis oracula sunt, ac per consequens his temporibus nullius momenti, vltèriùs non fuerunt authentica, vt testatur Casarrubius in *Comp. priuil. Mendic. verb. Commutare n. 1. & 2.* Casu tamen quòd circa hoc sit ali- quod priuilegium, quod non video, ad minus tamen legitima causa talis commutationis necessariò requiritur. Beia 4. *p. casuum cas. 22.* Peirinis *tom. 1. priuil. Minim. in Constit. 2. l. 1. §. 26. num. 74. & 75.*

95 Possunt aliqui Superiores Regulares in vnaquaque Prouincia constituere vnum, vel plures Fratres sui Ordinis, probatos tamen, ac fide, & doctrina idoneos, in Notarios publicos, pro intimandis mandatis, priuilegijs, concessionibus, & indultis Apostolicis Ordini concessis, quibuscumque personis, siue Ecclesiasticis, siue secularibus, etiam Regibus, Ducibus, &c. vbi, & quoties opus fuerit. Ita enim concessit Pius V. Dominicanis ann. 1571. die 21. Martij, in Motu proprio; qui incipit *Debitum pastoralis.* in 2. Tom. Bullar. Laert. Cherub. in Pio V. *num. 124.* Vbi etiam animaduertit ipse Cherubinus idem concessisse Iulium III ann. 1554. Hoc autem priuilegio gaudent alij Mendicantes propter cõmunicationem priuilegiorum, quam inter se habent. Rodriguez *tom. 3. quest. Regul. quest. 8. art. 1.* Nisi fortè per non vsum legitimum hoc priuilegium perdiderint, iuxta dicta *cap. 3. num. 17.* Aduerti autem oportet priuilegio hoc non posse vti, nisi Monasteria, *quæ de obseruantia sunt tantùm,* & ab illis personis, *quæ sunt obseruantia tantùm;* sic enim explicat suam mentem Pontifex in hac Bulla. Aduertunt autem alij (Peirinis *tom. 2. priuil. Minim. in Constit. 9. Pij V.*) quòd isti Notarij possunt creari non solum à Generalibus, & Prouincialibus, sed etiam à Superioribus localibus. Similiter, quòd informationes intrantium Religionem possunt fieri ab istis Notarijs. Sed quoad primum, id est contra intentũ Pontificis, solum enim concedit hanc facultatem *Magistro Generali, Vicarijs, & Prouincialibus,* vt patet ex contextu Bullæ. Quoad secundum verò, licet ex priuilegio Clement. VIII. concesso Patribus Dominicanis Conuentus S. Stephani Salmanticensis, quod referimus *cap. 24. num. 14.* possint fieri informationes admittendorum ad Ordinem *per aliquem eiusdem Conuentus Religiosum ad hoc deputatum,* ex vi tamen huius priuilegij Pij V. non potest hoc fieri; quia, vt constat ex contextu Bullæ, solum concedit hanc facultatem creandi Notarios ad notificandum, & inti-

man-

mandum priuilegia Religionis. De modo autem creandi huiusmodi Notarios, iuramento ab ipsis præstando, & forma litterarum, vide Peirinis *tom. 2. priuileg. Minim. in Constitut. 9. Pij Quinti num. 9.*

96 Quamuis aliqui Prælati Religionum possent concedere licentiam Religiosis legendi libros prohibitos, propter concessionem factam à Sixto IV. Ordini Prædicatorum, & Minorum, & Societati Iesu à Pio V. & Gregor. XIII. cum quibusdam conditionibus ibi assignatis: (Ródriguez *tomo 2. q. 82. ar. 3. Peregrinus in Compend. tit. lib. prohibiti*) tamen huiusmodi facultates, quatenus attinet ad hæreticorum libros *heresim continentes, vel de Religione tractantes*, reuocantur per Bullam Cænæ Domini, quæ singulis annis legi solet, siquidem in illa reuocantur omnia priuilegia, etiam Mendicantibus quomodolibet concessa. Quatenus verò attinet ad alios libros prohibitos, vel suspensos, etiam videntur reuocata huiusmodi facultates, cum Gregorius XV. in Bulla *Apostolatus* ann. 1623. edita, quæ habetur in 4. *tom. Bullar. inter Bullas huius Pontificis num. 40.* reuocauerit omnes, & quasunque licentias legendi, & habendi libros prohibitos quomodolibet, quod etiam fecit Sanctiss. D. N. Vrbanus ann. 1631. in Bulla etiam *Apostolatus tom. 4. Bullar. in addit. num. 14.* reuocans prædictas licentias cõcessas quibuscunque personis tam Secularibus, quàm Regularibus, cuiusunque gradus, status, conditionis, qualitatis, & præeminentia, etiam speciali nota, & mentione dignis. Video aliquos (Laurent. de Peirinis *tomo 2. priuileg. Minim. in Constit. 9. Pauli V. à nu. 9.*) dicere, prædicta Constitutione Gregorij (idem diceret de Constitut. Urbani) solùm reuocari licentias particulares legendi huiusmodi libros, non verò priuilegia Regularibus concessa. Sed quia in prædictis Constitutionibus reuocantur facultates concessæ, etiam *per litteras Apostolicas, & aliter quomodocunque*, quo videntur etiam priuilegia comprehendere, ideo securior est nostra sententia, & in praxi consulenda, licet opposita sit forsàn speculatiuè etiam probabilis, dummodò constet prædictas concessionem non fuisse factas viæ vocis oraculo, aliàs omnino inuadere iam essent his temporibus, vt sapiùs diximus, an verò talia fuerint, mihi notum non est.

97 Non potest vnus Religiosus habere duas Prælatias in Religione eadem, vel diuersis, sine autoritate Sedis Apostolicæ. Ratio est, quia ita habetur in *cap. multa de præbend. & in Concil. Trident. sess. 7. cap. 1. & 4. & sess. 34. cap. 17.* Miranda in *Man. tom. 2. q. 3. ar. 1. & q. 7. ar. 12.* Consuetudo autem aliquarum Religionum, in quibus Generalis, vel Prouincialis est simul Superior immediatus

ali-

alicuius Conuentus, tolerari potest, dummodò sit legitimè præscripta, vel à Sede Apostolica approbata.

98 Possunt Generales nostri Carmelitani Ordinis instituere, Prouinciales Titulares Angliæ, Hiberniæ, Scotiæ, Dantiæ, Saxoniz, & aliarum Prouinciarum, quæ olim in Religione verum, & reale Ius, & Dominium, Iurisdictionemq; habuere, vt constat ex Decreto Sacræ Congregationis Concilij anno 1592. Vnde in Capitulo Generali Cremonæ celebrato 6. Iunij 1693. admissi sunt tales Prouinciales titulares sub his legibus, & conditionibus. Primò, Reuerendij Prouinciales Titulares instituuntur in Capitulo Generali quotiescunque habentur Comiticia, extra Comiticia instituuntur à Reuerendissimo Patre Ordinis. Secundò, Socios cum voce sibi asciscere non valeant pro quibuscunque Capitulis. Tertiò, de triennio in triennium mutentur, vel confirmentur à Reuerendissimo Patre Ordinis. Quartò, dum Reuerendissimus Pater fuerit assumptus, vel vita functus, Generalis Vicarius Apostolicus nò possit eos arbitrato suo amouere, & alios instituere. Quintò, circa Prouincialem Terræ Sanctæ decreuerunt seruandam esse consuetudinem Religionis. Sextò, habeant locum, & vocem immediatè post Priorem Conuentus in quo degunt. Septimò, in Capitulo Generali, & coram Reuerendissimo Patre teneant locum Prouinciæ cuius titulum habent. Octauò, si contigerit plures simul commorari, post Priorem Conuentus; inter se vnusquisque teneat locum suæ professionis, vel gradus. Nonò, subsint immediatè Reuerendiss. Patri Ordinis, ipsi, & eorum Socij. Video tamen hoc vltimum de Socijs ipsorum non esse in vsu. Decimò, in Capitulo Generali habeant vocem actiuam, & passiuam in omnibus in quibus cæteri Reuerendi Prouinciales de Iure, vel de consuetudine habent. Vndecimò, possint habere munia, & Officia in Conuentu, & Prouincia in quibus degunt, quæ alioquin habere possent. Duodecimò, priuati non sint hoc titulo ob quodcunque Officium sibi iniunctum nisi Prouincialatum alium obtinuerint. Decimotertiò, intersint omnibus, quibus alij Patres primarij, & discreti interesse debent in his Conuentibus in quibus habitant. Decimoquartò, si assumantur ad Prioratum, licet non teneantur renunciare titulo, tenentur tamen subesse dispositioni, & obedientiæ Reuerendi Prouincialis Prouinciæ in qua Prioratum obtinent. Declarauit insuper eadem S. Congregatio, non prohiberi prædictos titulares ferre suffragia in electionibus Superiorum Decreto Concilij Trident. sess. 23. de Regularibus cap. 6. vbi scilicet decernitur non licere, *Prouinciales, aut Abbates, Priores, aut alios quoscunque Titulares, ad effectum electionis.*

Elio.

Elionis facienda constituere. Quo datur intelligi mentem Concilij solum fuisse tollere predictos Titulares, quando solum pro tempore electionis faciendæ, & ad hunc effectum sunt electi, non verò titulares perpetuos, prout colligitur ex Epistola Secretarij eiusdem Congregationis ad Vicarium Generalem Ordinis, quæ habetur in predicto Capitulo Cremonensi.

99 Superiores Religiosorum concedentes alicui sibi subdito licentiam adeundi ad partes transmarinas, in quibus pauci fideles reperiuntur, nisi talis subditus sit scientia, prudentia, & experientia vsu præditus, incident in excommunicationem latæ sententiæ Papæ reservatam in Extravaganti *Ad nostrum.* Bonacina in tract. *de clausura* q. 2. punct. 4. Qui bene etiam addit hanc excommunicationem non incurri, si ipse Superior Ordinis, ille scilicet, qui in ipsa alium Superiorem non recognoscit, ut puta Generalis, ad prædictas partes vadat, cum textus solum loquatur de Religiosis subditis. Vide dicta cap. 9. num. 32.

100 Ex nouissimo etiam Decreto Sanctiss. D. N. Urbani VIII. in Generali Cōgregatione S. R. Inquisitionis habita 24. April. 1613. præcipitur omnibus Superioribus Religionum sub pœna priuationis Officij, ac vocis actiue, & passivæ ipso facto incurrendæ, alijsque arbitrio S. sue infligendis, *ut in perpetuum semel saltem in anno, id est feria 6. post octauam Assumptionis B. Maria Virginis in publica mensa, vel in Capitulo ad hoc specialiter conuocato, & in super in quocunque Generali, ac Provinciali Capitulo, Conuentu, Dieta, vel alio quouis nomine nuncupato Capitulari Congressu, suos subditos, ac Religiosos commonere de iniuncta omnibus obseruantia, & executione litterarum Apostolicarum, Constitutionum, & Decretorum ad Sanctum Officium Inquisitionis pertinentium. Præsertim Constitut. Iulij III. quæ incipit licet à diuersis, & habetur tomo 1. Bullar. inter Constitutiones huius Pontificis num. 11. & Constitut. Pij V. quæ incipit Si de protegendis, & habetur in 2. tom. Bullar. inter Constitutiones huius Pontificis num. 82. & Constit. Pij IV. quæ incipit. Cum sicut nuper 2. tom. Bullar. inter Bullas huius Pontificis num. 31. & Constitut. Gregorij XV. quæ incipit Vniuersi Dominici gregis, & est in 4. to. Bullar. inter Bullas huius Pontificis num. 34. de qua, & nos cap. sequenti num. 33. Et Constitut. Gregorij XIII. quæ incipit Officij nostri partes inter Bullas huius Pontificis tom. 2. Bullarij num. 21. simul cum Constitutione Clement. VIII. quæ incipit Et si alias, & est in 3. tom. Bullarij inter Bullas huius Pontificis num. 81. simul etiam cum Constitut. Sanctiss. D. N. Urbani VIII. quæ incipit Apostolatus Officium inter Bullas ipsius 4. tom. Bullar. num. 79. De quibus nos egimus cap. 10. n. 22.*

Dein.

Deinde etiam Constitut. Sixti V. quæ incipit *Cæli, & Terra creator*, & est inter Constitutiones ipsius num. 17. in 2. tom. Bullar. simul cum Constitutione Sanctiss. D. N. Urbani, quæ incipit *inscrutabilia*, & est inter Constitutiones ipsius 4. tom. Bullar. num. 113. de quibus nos egimus cap. 10. num. 27. Præterea Constitut. Clem. VIII. quæ incipit *Cum sicut* in 3. to. Bull. n. 42. & Greg. XV. Constitut. 28. quæ incipit *Romani Pontificis* 4. tom. Bullar. Item Pauli V. Constitut. 26. quæ incipit *Romanus Pontifex*, de qua nos in hoc capite num. 18. diximus. Eiusdem etiam Constitut. 97. inter Bullas ipsius, quæ incipit *Regis pacifici*, simul cum alia Gregor. XV. quæ incipit *Sanctissimus Dominus noster auditis*, & est 29. inter Constitutiones ipsius, de quibus & nos cap. 20. num. 12. dicemus. Præterea Constitut. Gregorij XV. quæ est 27. inter Constitutiones ipsius, & incipit *Romanus Pontifex in Specula*, simul cum alia Sanctissimi D. N. Urbani VIII. de eadem materia, quæ incipit *Aliis fel. rec. Gregorius Papa XV.* sub Dat. Romæ 20. Decembris 1631. de quibus nos cap. 3. num. 21. Similiter eiusdem Gregorij Constitut. 40. quæ incipit *Apostolatus officium*. Et Sanctiss. D. N. Constit. 114. quæ incipit eodem modo, & de quibus nos cap. præfenti num. 96. Insuper Sanctiss. D. N. Urbani Constitut. 37. quæ incipit *Sanctissimus Dominus noster sollicitè animaduertens*, de qua & nos cap. 12. num. 39. & 40. Item eiusdem Sanctiss. D. N. Urbani Constitut. 50. quæ incipit *Sanctissimus Dominus noster pro debito sui Pastoralis officij*. Ac demum eiusdem SS. D. N. Constitut. sub Dat. Romæ die 5. Nouëb. 1631. quæ incipit *Cum sicut accepimus*. Ad adimpletionem autem huius Decreti (ut puto) necessarium, non est prædictas Constitutiones integrè legi, sed solum summam quoad substantialia in eis contenta. Præcipitur autem ab eodem SS. D. N. Urbano eisdem Superioribus, quatenus teneantur curare, & efficere, ut prædicti Decreti exempla aliquo loco apud eos publico affigantur, & affixa conseruentur, ita ut ab eisdem subditis Religiosis videri, ac legi commodè queant. Deque huiusmodi commoitione publico documento statim certiore facere Congregationem S. Inquisitionis in Vrbe.

101 Circa facultatem, quam habent Prælati Regulares, præferim Ordinum Mendicantium recipiendi Tertiarios, vide dicta cap. 3. num. 22. Circa ea, quæ possunt præcipere suis subditis, vide cap. 4. per totum. Qualiter etiam Religiosi nihil possint habere, recipere, dare, &c. sine licentia suorum Superiorum cap. 6. *per totum*. Et qualiter ipsi Prælati non possint suis subditis aliquid superfluum, aut impertinens, permittere, *ibidem à num. 13.* De aliquibus obligationibus Prælatorum Regularium, quæ habentur

in

in Iure, & Concilijs *cap. 9. specialiter num. 27. 32. 34.* & de ijs, quæ habentur ex Constitutionibus Summorum Pontificum, & Decretis S. Congregat. *cap. 10. num. 1. 2. 16. 20. 21.* De obligatione Prælatorum ad faciendum recitari Officium Diuinum in suis Ecclesijs *cap. 12. num. 9.* Circa facultatem dispensandi in illo cum suis subditis, *ibid. à num. 28.* Pro ijs, quæ facere possunt, aut tenentur circa suos subditos volentes recipere Ordines, *cap. 14.* Pro electionibus ipsorum, *cap. 15.* Pro cura, quam habere debent circa Apostatas, & fugitiuos, *cap. 16. à num. 16.* Pro obligatione, quam habent examinandi Concionatores, nec permittendi prædicare Idiotas *cap. 20. num. 1.*

De Confessoribus Regularibus, eorumque facultatibus, & obligationibus.

C A P. XIX.

REGULARES, seu Religiosos Sacerdotes de suorum Prælatorum licentia, secularium confessiones audire posse, dummodò ad id, siue ex priuilegio, siue aliter, delegatam habuerint Iurisdictionem, res est in confesso apud omnes, antiquioribus quibusdam paucis exceptis, qui rem hanc licentiosè nimis tractarunt.

1 Quamuis olim tempore Bonifacii VIII. in Extrauag. quæ incipit, *Super Cathedram*, dederit ipse facultatem Regularibus, vt solummodò à suis Prælatis præsentati Episcopis secularium confessiones possent audire. Et tempore Benedicti XI. in alia sua Extrauag. quæ incipit, *Inter cunctas de priuilegijs*, etiam sine præsentatione, aut licentia Episcoporum concesserit posse Regulares audire secularium Confessiones. Et tempore Clementis V. in Concilio Viennensi in Clemen. quæ incipit. *Dudum de sepult.* reuocatum fuerit Decretum Benedicti, & renouatum illud aliud Bonifacij, iam tamen post tempora Concilij Tridentini, ad hoc quòd Religiosi possint confessiones secularium audire, requiritur præsentatio, & approbatio Episcoporum per hæc verba *sess. 23. cap. 15. Quamuis Presbyteri in sua ordinatione à peccatis absoluedi potestatem accipiant, decernit tamen Sancta Synodus nullum, etiam Regularem posse confessiones secularium, etiam Sacerdotum audire, neque ad id idoneus reputari, nisi, aut Parochiale beneficij, aut ab Episcopis per examen, si illis videbitur esse necessarium, aut alias*

aliis idoneis iudicetur, & approbationem, qua gratis detur, obtineat, privilegijs, & consuetudine quacumque, etiam immemorabili, non obstantibus, &c. Nauarrus *cap. placuit. num. 52.* Quia verò postea aliquibus Religiosis concessum est Indultum audiendi Confessiones secularium absque prævio examine Ordinarij, SS. D. N. Urbanus in Bulla edita an. 1618. quæ habetur *tom. 4. Bullar.* inter Constitutiones huius Pontificis *num. 92.* cassauit, annullauit, & reuocauit omnia, & singula privilegia quibuscumque Religiosis, & Societatibus concessa. Vnde iam his temporibus nulum extat privilegium aliquibus Religiosis concessum, quo possint secularium confessiones audire non præmisso examine Ordinarij. Nec sufficit approbatio à Parocho, etiã pro subditis illius Parochiæ. Quia Concilium requirit approbationem Episcopi. Bonacina *de Sacram. pœnit. disp. 5. quæst. 7. punct. 4. §. 1. num. 12.* Nec etiam requiritur consensus Parochi in cuius parochia Religiosus audire vult confessiones, si accepit facultatem audiendi confessiones independentem à Parochis. Bonacina *ut sup. n. 17.* Barbosa *de Officio Parochi cap. 19. num. 22. & 23.*

3 Aliqui dicunt non obstante prædicto Concilij Tridentini Decreto, quòd si Episcopi, (quod absit) ex in deuotione, mala voluntate, odio, aut absque aliqua legitima, iusta, & rationabili causa, Regularibus præsentatis coram ipsis, noluerint dare licentiam audiendi confessiones, posse nihilominus secularium confessiones audire. Tum quia quoad hoc non est reuocata per Concilium Clementina illa *Dudum de Sepulturis*, quæ hoc statuit; tum quia non est credibile Concilij Decretum procedere in hoc casu. Nauarrus *in Man. cap. 27. n. 264.* Miranda *in Man. to. 1. q. 45. ar. 6.*

4 Præsentatio Cōfessariorum Regularium facta in vno Episcopatu non sufficit pro alijs Episcopatibus. Colligitur ex Concilio Tridentino illis verbis. *Nisi ab Episcopis approbationem obtineat;* verbum enim illud (*Episcopis*) in plurali positum, satis insinuat, quòd non sufficit vnius, aut alterius Episcopi approbatio, sed eorum omnium, in quorum Dicecesibus Regulares audire volunt confessiones. Collector privilegior. Mendicantium *in suo Compendio verb. absolutio quoad seculares.* Suarcz 4. *tomo ad 3. partem disput. 28. sect. 7.*

5 Affertur tamen privilegiū, quod Gregor. XIII. concessit Confessarijs, & Prædicatoribus Societatis Iesu in Bulla *Ad perpetuam*, quòd ab aliquo Ordinario semel approbati, & à suis Superioribus ad huiusmodi munera deputati, quandocumque, suum, siue in mari, siue in terra, iter faciēdo, possint, nō repugnātibus tñ Curatis Parochialiu Ecclesiarum, Verbum Dei prædicare, & quorumcumque

cumque Christi fidelium confessiones audire, dummodò id non faciant in oppidis, & locis, in quibus Ordinarij existunt sine eorum licentia desuper obtenta. Suarez 4. tom. in 3. par. disp. 28. sectio. 7. Enríquez lib. 3. de Sacram. pœnit. cap. 6. num. 7. Verumtamen hoc priuilegium non solum videtur derogatum à SS. D. N. Urbano propter dicta supra num. 2. sed etiam, vt quidam volunt, reuocatum fuit iam pridem, & ante tempora Urbani, viuz vocis oraculo; vnde caurè in hoc procedendum. Laurentius de Peirinis tomo 1. de subdito q. 1. de Obedientia cap. 2. §. 2. Adminus tamen videtur posse prædictos Confessarios Regulares audire vbique terrarum Confessiones subditorum illius Diœcesis, vbi sunt approbati. Quia Curati possunt absolvere suos subditos vbicumque repositos, ac per consequens idem facere poterunt Religiosi approbati, qui sunt quasi Parochi, ex Clement. dudum de sepulchur. Sotus in 4. disp. 18. q. 4. ar. 3. Ledesma tomo 1. Summ. de pœnit. c. 12. dub. vlt. Hoc verò intelligo, dūmodò subditus extra territorij repperitus non mutauerit domicilium. Peirinis vt supra. Affertur etiam ad præsens intentum priuilegium Sixti IV. concessum Minoribus, quod omitto, quia fuit viuz vocis oraculum, quod his temporibus nihil valet. Casarubius in Compend. priuileg. verb. absolut. quoad secular. 1. nu. 11. Vbi illud inter viuz vocis oracula non authentica signata littera O. numerat.

6 Etiam Regulares graduati in S. Theologia, vel Lectores, &c. debent Episcopis præsentari, & ab ipsis examinari, & approbari, vt possint munus Confessariorum exercere. Ratio est, quia quamuis oppositum videretur insinuari illis verbis Concilij, Aut alijs idoneis iudicetur, tamen Pius V. in Bulla Romani Pontificis prouidentia ann. 1571. determinauit supradictum Decretum obseruari debere ab omnibus Regularibus, etiā si sint Doctores, aut in Theologia de Superiorum suorum licentia graduati, vel promoti, vel à suis Magistris Generalibus, vel Prouincialibus prosecutarium confessionibus expositi. Suarez tomo 4. in 3. par. disp. 28. sect. 4. Quod Decretum reuocatum non est, aut reductum ad terminos Concilij Trident. vt testatur S. Congregat. Cardinal. de qua Quaranta in Summ. Bullar. verb. Confessor.

7 Approbatio hæc pro Confessarijs Regularibus requisita non est perpetua, sed semel approbati ab vno Episcopo, possunt à successore iterum examinari, & approbari, seu reprobari; non tamen ab eodem. Ita Pius V. in extrauag. Romani Pontificis prouidentia ann. 1571. ijs verbis. Volumus tamen eos, qui semel ab Episcopo in Ciuitate, & Diœcesibus suis, præuio examine approbati fuerint, ab eodem Episcopo iterum non examinari; à successore au-

tem Episcopo pro maiori suæ conscientię quiete examinari de nouo poterunt. Idem etiam habet declaratio Congreg. Cardinalium per hæc verba. Congregatio Concilij censuit Regulares ad audiendum secularium confessiones in Ciuitate, & Diœcesi ab Episcopo præuio examine approbatos iterum ab eodem examine non esse; ceterum posse iterum à successore examinari iuxta constit. S. mem. Pij V. dat. Idibus Augusti Pontific. sui ann. 6. quæ à fel. rec. Greg. XIII. non est reuocata per reductionem priuilegiorum Regulariū ad terminos Conc. Trid. Vialdus in *Candel. aur.* 1. p. tit. de *Confess.* n. 28. Mirāda in *Man. to.* 1. q. 45. art. 7. Quando tamen Religiosus semel approbatus in vna Diœcesi ab illa recessit, si iterum reuertatur, non tenetur nouam querere approbationem. Quia prima fuit, vt suppono, sine temporis limitatione. Secus verò, quando est nouus Episcopus, & ille vult illum de nouo examinare. Propter dicta. Bonacina *ut sup. num.* 16.

8. Approbatio Confessariorum Regularium potest ab Ordinarijs, iusta, & rationabili causa subsistente, restringi, & limitari ad certum tempus, locum, atq. personas. Ratio est, quia ita determinatur in Clement. *Dudum de sepulturis*, nec reuocatum fuit per Concil. Trident. Suarez tomo 4. in 3. p. disp. 28. *sect.* 7. *dub.* 6. Nauarr. in *Man. cap.* 4. *num.* 4. Si tamen id fiat sine iusta, & legitima causa, probabilissimum est talem restrictionem nihil valere. Henricq. lib. 3. de *Sacram. pœn.* 6. *num.* 5. & 9. Miranda in *Man. tom.* 1. q. 45. art. 10. referens hanc declarationem Cardinalium die 2. Iulij anno 1587. *Regulares, qui ad audiendas Cōfessiones idonei generaliter ab Ordinarijs, eorumque examinatoribus reperti, & approbati fuerint, generaliter quoque, & indistinctè absque vlla limitatione temporis, certorumue locorum, aut generis personarum admittantur in propria Diœcesi.* De ceteris verò, qui non adeo idonei reperiuntur, si petierint se admitti, arbitrio Ordinariorum relinquitur, ipsos cum limitata facultate, prout eisdem Ordinarijs magis expedire videbitur, probare, & admittere. Vide Gauantum in *Man. Episcop. verb. Confessarius num.* 12. & *sequent.*

9. Præterea Confessarii Regulares semel ab Ordinarijs liberè approbati non possunt ab ipsis suspendi ab audiendis confessionibus, nisi ex noua causa, & que ad Confessiones ipsas pertinet, aut ob non seruatum Interdictum ab ipsis Ordinarijs positum. Similiter, nec possunt simul omnes Confessarii vnius Conuentus priuari ab Ordinarijs facultate audiendi Confessiones. Ita enim determinatum est à Sac. Congregat. 20. Nouemb. 1615. cuius Decretum referunt Alphonsus Leo in *fin.* 2. p. de *Iubil.* pag. 114. Laurentius de Peirinis tomo 1. de *priuileg. Minim. in Constit.* 2. Sixti IV. §. 11.

nu. 45.

num. 45. Gauantus in *Man. Episcop. verb. Confessar. num. 23. & 24.* Vnde si contra hoc Decretum, Confessarij Regulares suspendantur ab audiendis confessionibus, puto quòd non tenentur obedire, cum excedât in tali casu Ordinarij limites auctoritatis quam habent. Peirinis *ut supra*. Quod maxime est verum, si cum ipso, & alijs dicamus facultatem, quam habent Confessarij Regulares ad Confessiones audiendas, dari illis immediatè à Papa, & quòd Ordinarij solum dent approbationem personæ, declarando illam esse idoneam ad hoc ministerium. *Rodriguez tomo 1. quæst. 58. artic. 1.*

10 Approbatio Confessariorum Regularium non expirat per mortem concedentis. Ratio est tum quia ista approbatio conceditur nomine Dignitatis, quæ nunquam perit, tum quia id videtur supponi à S. Congreg. in Decreto adducto *supra num. 7.* dum dicitur *posse iterum à successore examinari, non dicitur debere*. Vnde si successor non reuocet, semper durat approbatio. Nauarrus in *cap. placuit de pœnit. d. 6. num. 161.* Suarez *lib. 8. de leg. cap. 32. num. 9. & tom. 4. in 3. par. disp. 26. sect. 3. num. 9.* Deinde approbatio hæc non requirit ad sui validitatem, quòd detur in scriptis. Cum Concilium non requirat hoc, nec sit necessarium ad rationem priuilegij. Bonacina *ut supra num. 32.*

11 Confessarij regulares Minores de obseruatiâ, Carmelitæ, & qui cum ipsis cõmunicant in priuilegijs existentes in Diœcesibus ubi sunt approbati, possunt omnium secularium quarumcumque Diœcesum Confessiones audire. Ita concessit Nicolaus Quintus Minoribus, & postea Sixtus IV. Maxime Vrbanus IV. Carmelitæ concessit, ut delicta Prælatorum Ecclesiæ possint audire Confessiones omnium Christi fidelium causa deuotionis ad ipsos recurrentium, nisi talia commisissent, propter quæ esset Sedes Apostolica meritò consulenda. Cui concessioni non reperitur similis in priuilegijs Mendicantium, ut inquit Casarub. in *Compend. priuileg. Mendicant. verb. absolutio quoad seculares primo num. 19.* Miranda in *Man. tom. 1. q. 45. art. 14.* Vide etiam Suarez *4. to. de Relig. tract. 10. lib. 9. cap. 2. à nu. 8.* Audire tamen Confessiones aliorum Regularium, siue suæ, siue alienæ Religionis non possunt ex vi prædictarum concessionum, nisi fortè ipsi Religiosi, qui volunt audiri in Confessione licentiam habeant suorum Prælatorum. Ratio est quia Confessores Religiosorum solum sunt, vel Prælati ipsorum, vel ab ipsis delegati, vnde non intelliguntur comprehensi in illa generali concessione. Præsertim, quia non est credendum Pontifices concessisse hoc priuilegium vni Religioni cum præiudicio Prælatorum alterius. Siluester *verb. Confessor. 1. nu. 6.* Ar-

millia verb. absolutio numero 23.

12 Regulares approbati ab Episcopis ad audiendas Confessiones secularium, si cōtra voluntatem suorum Superiorum audiant Confessiones, peccant; propter Votū Obedientiæ, quod sic faciendo, transgrediuntur. Nauarrus in *cap. 1. de Pœnit. dif. 6. num. 73.* Valide tamen absoluunt. Cum reuera habeant potestatem Ordinis, & Iurisdictionis, vt supponitur. Si verò in Religione sit receptum Breve Iulij III. concessum Generali Prædicatorum, (quo vti possunt Religiones habentes communicationem priuilegiorum cum illis,) videtur nec valide absolvere. Eò quòd in prædicto Breui Pontifex *reuocauit licentias, & immunitates concessas Religiosis eiusdem Ordinis, quas Magister ipse Ordinis reuocandas dijudicauerit, undecunque emanatas.* Miranda in *Man. tom. 1. q. 45. art. 12.* Adminus tamen prædicti Regulares approbati ab Ordinarijs ad audiendas Confessiones secularium possunt à suis Superioribus rationabili de causa reprobari, suspendi, coarctari, &c. Nam quæcunque authoritas huiusmodi Confessarijs Regularibus concessa, semper intelligenda est quoad vsum, & exercitium pendere à voluntate Prælatorum, ratione Voti Obedientiæ. Sotus in *4. d. 18. q. 4. ar. 3. Graffis to. 1. consil. lib. 5. de pœnit. & remiss. consil. 4. num. 18.* Vide dicenda infra *num. 41.*

13 Similiter prædicti Cōfessarij si excommunicati, suspensi, &c. publici sint, per sententiam, (vel per notorietatem facti in casu publicæ percussionis Clerici) nec licitè, nec valide absoluunt, vt omnes admittūt, propter Extrauag. Martin. 5. *Ad euitanda.* Secus verò quando tales censuræ sunt occultæ, tunc enim licet peccent sic faciendo, cum per illas hoc prohibeatur, valide tamen absoluunt. Eò quòd pia mater Ecclesia tunc tribuit Iurisdictionem, supplendo defectum illius propter exilimationem communem. Iuxta *l. Barbarius ff. de Officio Prætoris.* Nauarrus in *Man. cap. 9. num. 7. Cornexo 2. tom. in 3. p. tract. 5. de excommunic. disputat. 10. dub. ultimo.*

14 Prædicti Confessarij in primis absolvere possunt ab omnibus casibus, qui Summo Pontifici, Episcopis, aut alijs Superioribus reseruati non fuerint. Quia vt habetur ex Regula Iuris in *cap. nuper de sent. excommunic. & cap. etsi Clerici de iudic.* quæ specialiter non reseruantur iure concessa censentur. Miranda in *Man. tom. 1. quæst. 46. art. 2.* Deinde etiam possunt absolvere ab omni excommunicatione minori. Cum minus hoc sit, quàm absolvere à mortalibus, quod possunt facere. Nauarrus in *Manu. cap. 27. num. 26.* Similiter absolvere possunt ab omni excommunicatione etiam maiori non reseruata. Quia eo ipso quòd non refer-

referuatur videtur remitti iurisdictionem habentibus. Cornexo 2. *tomo in 3. p. tract. 5. de excomm. disp. 11. dub. 1.* loquens de censura iuris nemini referuata, & *dub. 3.* loquens etiam de censura hominis nulli referuata. Vbi etiam affert aliquas exceptiones. Nunquam tamen possunt dispensare in irregularitate aliqua, scilicet speciali priuilegio (quod non video alicui Religioni concessum respectu secularium). Quia irregularitas omnis de iure communi solum tollitur Papæ dispensatione, exceptis illis, quæ Episcopis, & Prælati Regularium, quoad sibi subditos cōceduntur. Siluester *verb. dispensatio q. 9. 10. & 11.* Suarez 5. *tomo de censuris disp. 41. de irregular. sect. 2.* Vnde nec possunt prædicti Confessarij dispensare in irregularitatibus propter priuilegium Pauli III. Societati Iesu concessum, vt scilicet possint absoluerè à pœnis Ecclesiasticis. Licet enim aliquæ irregularitates sint pœnæ Ecclesiasticæ, vt sunt illæ, quæ incurruntur celebrando cum censuris, tamen secundum stylum curiæ (qui facit legem) sub Generali clausula absoluedi à pœnis non venit irregularitas, sicut nec depositio, aut degradatio. Suarez 4. *tomo de Relig. tract. 10. lib. 9. cap. 2. num. 43.* An verò virtute Bullæ Cruciatæ in aliqua irregularitate dispensare possint Confessarij, dicemus infra *num. 18. & 19.* 15 A casibus etiam, seu censuris Papalibus, seu Papæ, aut Sedi Apostolicæ referuatis poterant olim absoluerè aliqui Confessarij Regulares certis anni diebus, & solemnitatibus, propter priuilegia Leon. X. & Pauli III. concessa Minimis S. Francisci de Paula, quæ refert Peirinis *tomo 1. priuileg. Minim. in Constit. 8. Leon. X. & 10. 2. in Constit. 2. Pauli III. & Confessarius in Summ. Priuileg. Maris Magni tit. 17. cap. 6.* & præsertim ex priuilegio eiusdem Pauli III. Iesuitis concessio, quod refert Casarubius *in fine Compendij pag. mibi 545.* quo vti possunt omnes, qui habent communicationem priuilegiorum cum illis. Modò tamen post tempora Clement. VIII. extat Decretum S. Congregationis eiusdem Clem. mandato editum ann. 1601. quo sub grauissimis pœnis prohibetur omnibus Cōfessarijs tã secularibus, quàm Regularibus per vniuersam Italiam extra Urbem degentibus, ne quis sub prætextu priuilegiorum, Indulcorum, aut facultatum, &c. possint absoluerè ab vilo ex casibus clarè, vel dubiè in bulla die Cenzæ Domini legi solita contentis, vel aliàs quomodocumque Sedi Apostolicæ referuatis, aut in futurum per Sanctitatem suam, eiusq; Successores pro tempore in eadem Bulla, vel aliter referuandis, nec etiam à casibus, quos Ordinarij locorum hætenus referuarunt, vel in posterum sibi referuabunt, nullo casu etiam necessitatis, vel impedimenti, nisi in mortis articulo, seu cum noua, vel speciali sanctita-

tis suæ, aut suorum Successorum, vel Ordinariorum, quo ad casus ab ipsis tantum reseruatos respectiue, impetrata in scriptis licentia. Quod Decretum postea moderatum fuit à Sacra Congregatione eiusdem Clementis Octauæ speciali mandato ann. 1602. *Videlicet, sub eiusdem prohibitione illos tantum in posterum comprehendendi casus, qui in Bulla die Cœnæ Domini legi consueverunt continentur. Præterea violationis immunitatis Ecclesiarum in terminis Constitutionis fel. record. Gregor. XIV. quæ incipit: Cum alijs nonnulli. Violationis clausuræ Montium ad malum finem. Prouocantium, & pugnantium in duello iuxta Decretum S. Concilij Tridentini, & Constitutionem fel. record. Gregor. Papa XIII. incipientem; Ad tollendam. Inijecientium violentas manus in Clericos iuxta can. Si quis suadente, & cap. 17. q. 4. ac Iuris dispositionem. Simonia realis, scienter contractæ, atque etiam conscientia beneficialis. Item omnes casus, quos Ordinarij locorum sibi reseruauerunt, vel in posterum reseruabunt. In quibus omnibus iam enumeratis casibus dumtaxat, & sublata etiam pena inhabilitatis audiendi confessiones, eadem S. Congregatio vult, & mandat dictum Decretum in sua firmitate, & pristino robore permanere. Quaranta in Summa Bullar. verb. cas. reseruatur. Miranda tomo 1. Man. q. 46. art. 2. 4. & 5. Quia verò tempore Paul. V. dubitatum fuit an per prædicta Decreta prohiberentur Regulares absoluerè à censuris Sedi Apostolicæ, & Episcopis reseruatis, esto à casibus absoluerè non possent: ideo S. Congreg. de mandato eiusdem Paul. V. declarauit ann. 1617. die 7. Ianuarij, comprehendi etiam absolutiones à prædictis censuris. Laurent. de Peirinis tom. 1. priuileg. Minim. in Constit. 1. Iulij 2. §. 32. nu. 63. Erasmus Chokier in tract. de Iurisdict. Ord. in exemp. p. 4. qu. 56. Barbosa de Offic. Parochi c. 19. n. vlt.*

16 Ex quo inferitur primò ab alijs casibus, seu censuris Papalibus, seu Sedi Apostolicæ reseruatis præter annumeratos in prædicta declaratione S. Congregationis, posse Confessores omnes, qui prædicto priuilegio Paul. III. vtuntur (vel alijs, si forsan habuerint,) absoluerè suos pœnitentes, siue extra, siue intra Italiam, siue in Vrbe, siue extra Urbem, cum exceptio Regulæ firmet illam in contrarium. Sequitur secundò, extra Italiam in Hispania, Gallia, vel Germania posse eosdem Confessarios absoluerè ab omnibus casibus Papalibus, à quibus alijs absoluerè poterant ante istud Decretum. Cum prohibitio Decreti prædicti solum se extendat per Vniuersam Italiam. Quod etiam expressè habetur ex nouissima declaratione S. Congregationis Episcoporum, & Regularium edita ann. 1628. Nouembris die 17. & approbata à Sanctiss. D. N. Urbano VIII. Ibi enim sic dicitur. *Ab alijs verò cas-*

casibus (scilicet præter casus Bullæ cœnæ , & reseruatos Ordina-
rijs) & censuris Sedi Apostolica reseruatis , siquidem Regulares
habeant à Sede Apostolica absoluendi facultatem , illam extra Ita-
liam minimè sublatam fuisse ijsdem S. Congregationis Decretis hæc
de re editis iussu San. mem. Clem. VIII. Sequitur tertio, nec intra,
nec extra Italiam posse Confessarios Regulares absolvere à casib-
us in Bulla die Cœnæ Domini legi solita contentis, virtute suo-
rum priuilegiorum . Non solum propter annuam ipsius Bullæ
publicationem , in qua reuocantur quæcumque priuilegia . Sed
etiam quia ita expressè declaratum est à prædicta S. Congrega-
tione Episcoporum , & Regularium verbis inferiùs adducendis .
Sequitur quartò Confessarios Regulares Romæ degentes non
comprehendi Decretis adductis S. Congregat. sub Clem. VIII. ex-
pressè enim ibi est sermo cum Confessarijs Regularibus per Vni-
uersam Italiam extra Urbem degentibus . Naldus in Summ. verb.
Bullæ Cœnæ num. 62 & Peirinis tom. 1. priuileg. Minim. in Cons. 1.
Iulij II. §. 32. num. 62. Comprehenduntur tamen in Decreto Sac.
Congregat. sub Sanctiss. D. N. Urbano adducendo num. sequenti,
tam Romæ, quàm ubilibet existentes, quantum ad ea, quæ in præ-
dicto Decreto continentur . Barbosa ut supra .

17 Similiter licet à casibus Episcopalibus , seu Episcopis refer-
uatis, (de quibus Nauarrus in Man. cap. 27. nu. 256. 258. & 259.)
possent olim aliqui Regulares Cōfessarij absolvere ex priuilegijs
maximè Sixti IV. & Urbani IV. pro Carmelitis, his tamen tempo-
ribus nullatenus ab illis absolvere possunt virtute suorum priui-
legiorum . Primò propter responsonem S. Congregationis Con-
cil. Trident. ad S. Cardinalem Borromæum ann. 1577. Cum enim
S. hic Cardinalis à S. Congregatione quæsuisset , an Regulares
ex priuilegio à Sede Apostolica impetrato, præsertim autem ex
eo quod nominant Mare magnum , possint in casibus , quos sibi
Episcopus reseruauerit, absolvere contentes . Hæc de re , vbi
Congregatio accuratè egisset, deinde ad SS. retulisset, Sanctitas
sua , etiam de sententia Congregationis censuit , ex facultatibus
per hoc Mare magnum , aliæque priuilegia Regularibus concessa, fa-
ctam eis non esse potestatem absoluendi à casibus sibi ab Episcopo re-
seruatis . Confectius in Summa mater. ex priuileg. Mendicant.
Secundò ex Decreto Clem. VIII. & S. Congregat. adducto supra
num. 15. Quaranta in Summa Bullar. verb. cas. reseru. Miranda to-
mo 1. Man. q. 46. art. 2. Tertiò & principaliter ex Declaratione
S. Congregat. Episcoporum, & Regularium sub Sanctiss. D. N. Ur-
bano VIII. supra relata num. præcedenti, qua declarauit ipsa Sac.
Congregatio , per confirmationes priuilegiorum , quas Regulares

à Sede Apostolica post Sac. Conc. Tridentinum obtinuerunt, nequaquam reuixisse priuilegia prius ab eodem Concilio, ac deinde etiam ipsius Congregationis Decretis sublata, atque extincta, si quæ habebant, absolendi à casibus Ordinario loci reservatis. Quemadmodum nec indulta absolendi à casibus contentis in Bulla, quæ in die Cœnæ Domini legi consuevit, ut potè sublata per annuam ipsius Bullæ publicationem, vires, aut robur acquisiuisse ex subsequentibus priuilegiorum confirmationibus. Ac proinde Regulares cuiusvis Ordinis, Congregationis, Societatis, & Instituti etiam necessariò exprimendi, nec intra, nec extra Italiam, in vim Priuilegiorum, aut confirmationum eiusmodi, quas vel hætenus obtinuerunt, vel deinceps fortè obtinebunt, posse quemquam absolueri ab eisdem casibus in Bulla Cœnæ, aut Ordinario loci reservatis: ac si secus egerint, absolutiones nullas, atque irritas fuisse, ac fore. Barbosa de Offic. Paroeci cap. 19. num. ult. §. illud Regularibus. Post mortem tamen Episcopi, qui casus sibi reservauit, potest quilibet Confessarius ab illis absolvere. Quia tunc desinunt esse reservati. Sa in Summa verb. absolut. num. 10. Quaranta in Summa Bull. verb. confessor. in addition. & verb. cas. reservat. in fine, ubi hoc limitat solum pro casibus, quos Episcopi sibi reseruauerunt, non verò pro illis, qui de iure sunt reservati prædictis Episcopis.

18 In locis autem ubi publicatur Bulla Cruciatæ possunt Confessarij virtute ipsius absolvere penitentes iuxta tenorem ipsius Bullæ ab omnibus casibus, & censuris ibidem contentis. Cum priuilegium illud non sit pro Confessarijs, sed pro penitentibus, ut possint sibi eligere Confessorem, qui illos à casibus in prædicta Bulla numeratis absoluant. Tenent aliqui etiam ab irregularitatibus ex delicto occulto provenientibus, v. g. illis, quæ incurruntur ob celebrationem, vel susceptionem Sacri Ordinis cum excommunicatione posse absolui penitentes virtute prædictæ Bullæ. Eò quòd in ipsa detur facultas absolendi à quibuscumque pœnis, & censuris: irregularitates autem prædictæ sunt pœnæ. Sotus in 4. d. 22. q. 3. art. 1. Medina in Summ. 1. p. c. 11. §. 9. Quia tamen in alijs Bullis eiusdem Cruciatæ, qualis est illa an. 1628. à Paul. V. concessa, & à Sanctiss. D. N. Urbano publicata non est talis particula à pœnis, ideo nullatenus admitti potest sententia relata. Licet videam viros doctos prædictam irregularitatem, quæ scilicet habet solum rationem pœnæ impositæ propter delictum numerare inter censuras. Cornexo tract. 5. de censuris disp. 1. dub. 2. cum alijs, quod non approbo.

19 In Iubilæis, seu Bullis, etiam Cruciatæ, nomine Confessoris approbati ab Ordinario, respectu secularium intelligendus est ille, qui

qui approbatus est ab Ordinario loci, seu Diœcesis, ubi administranda est Confessio: sic enim responsum est à Sac. Congregatione Archiepiscopo Valentino: *Approbatum ab alio quàm à Valentino Archiepiscopo in Diœcesi Valentina non censeri approbatum ab Ordinario*. Prosper Augustin. in addit. ad *Quarantam in summ. Bullar. verb. Confessor.* Bonacin. de Sacramen. Pœnit. disp. 5. quæst. 7. punct. 4. §. 1. num. 21. Quamuis multos referat pro contraria opinione, forsitan, quia non viderunt prædictam declarationem. Sac. Congreg. Respectu verò Regularium intelligi potest ille, qui est approbatus à suo Superiori Regulari. Hoc fundatur in benigna interpretatione vocis *Ordinarius*. Vincentius Filiuccius tom. 1. tract. 8. cap. 10. Bene addens, quòd si in prædictis Iubilæis addatur *Ordinario loci, vel locorum*, tunc non possit interpretari nomine Ordinarij Prælatus Regularis. Confessarium autem approbatum ab Ordinario pro viris tantum, & non pro fœminis; posse eligi à fœmina illius Diœcesis, habente priuilegium virtute Iubilæi, vel Bullæ, ad eligendum Confessorem ab Ordinario approbatum, apud aliquos probabile est. Cum verè talis Confessarius sit approbatus ab Ordinario, & fauores sint ampliandi. Henriquez lib. 6. de Pœnit. cap. 6. num. 8. & lib. 7. cap. 12. Bonacin. ut sup. num. 22. In prædictis etiam Iubilæis, aut Bullis, nunquam venit concessa dispensatio in irregularitate, nisi exprimatur. Quia hic est stylus Curæ, vt nunquam intelligatur concessa facultas dispensandi in irregularitate, nisi illius fiat expressa mentio. Vide dicta supra num. 14. Nauarr. cap. 27. nu. 250. Bonacin. de Irregulari. disp. 7. quæst. 5. punct. 2. num. 7.

20 Confessarij Regulares, qui virtute priuilegiorum volunt absoluerе Confratres Confraternitatum suorum Ordinum, debent esse approbati à suis Superioribus, & Ordinarijs, nec possunt illos absoluerе à casibus contentis in litteris, quæ die Cœnæ Domini legi consueuerunt, necnon violationis immunitatis, & libertatis Ecclesiasticæ, & clausuræ Monasteriorum Monialium, si videlicet sine necessaria, & vrgenti causa, ac sine Superiorum licentia, vel etiam si causa, & licentia concessa abutentes, prædicta Monasteria ingressi fuerint; necnon violentæ manus iniectionis in Clericum; & singularis certaminis, seu duelli, ac ab alijs etiam casibus, tam à Nobis, quàm à nostro in Vrbe Vicario, & locorum Ordinarijs respectiuè reseruatis, & pro tempore reseruandis, & etiam à quauis excommunicatione ab homine lata, absoluerе, nec super irregularitatibus, tam ex aliquo defectu prouenientibus, quàm occasione delicti contractis, cum aliquo dispensare, prætextu dictorum priuilegiorum. Ita Clemens Octauus

nus in Bulla *Quaecunque à Sede*, anno, 1604. edita in 3. tom. Bullar. num. 115. Vnde priuilegium Clement. VII. Confratribus Carmelitarum concessum, quod habetur tom. 1. Bullar. inter Bullas huius Pontificis, num. 31. magna ex parte reuocatum iam est à Clemente Octauo.

31 Confessarii audientes secularium confessiones tenentur illos absolvere, etiam à reservatis, si ad id habeant facultatem, nisi forte propter iustam, aut legitimam causam, eos ad suos Superiores remittere sit convenientius. Ratio est, quia licet vnusquisque possit renunciare proprio priuilegio, non tamen in casu, quo id vergit in damnum, & præiudicium alterius, prout contingit in proposito. Henriquez lib. 7. de Indulg. cap. 28. num. 2. Nauar. in Manual. pral. 9. num. 12.

22 Aliqui tenent posse Confessores Regulares dispensare cum secularibus sibi confitentibus in votis reservatis Episcopis. Primo, ex priuilegio Eugen. IV. concesso Monachis S. Benedicti. Secundo, ex alio eiusdem Eugen. IV. concesso Monachis S. Benedicti Vallisoletani. Tertiò, ex Innocentio VIII. in simili priuilegio Minoribus concesso (exceptis votis peregrinationis ultra duas dietas.) Actandem ex Martino V. Rodriguez tom. 1. q. 63. art. 3. Miranda in Man. tom. 1. quest. 48. art. 3. qui hoc limitat art. 4. ad vota solum iure communi Episcopis reservata. Verumtamen non video solidum fundamentum in priuilegijs adductis ad hoc quòd Confessores Regulares vtantur prædicta facultate dispensandi cum secularibus in votis. In primis, enim priuilegium illud Eugen. IV. concessum Benedictinis obseruantix Italix obscure satis loquitur ad intentum, vt proinde Rodriguez vt supra dicat nihil valere ad illud, licet oppositum teneat Miranda etiam vt supra. Deinde priuilegium aliud eiusdem Eugen. IV. concessum Benedictinis Vallisoletanis, præterquam quòd mihi non constat, an per Bullam, an verò viuz vocis oraculo concessum sit, habet quamdam limitationem, scilicet, quòd Confessarii possint vti prædicta confessione solum in suis Ecclesijs, & non alibi, vt aduerterunt Rodriguez vt supra, & Casarubius in Compend. priuileg. Mendic. verb. absolutio quoad secular. 2. nu. 16. Habet quoque aliam limitationem, scilicet pro tribus, aut quattuor Confessarijs solum, vt videre est in eodem Casarubio. Præterea concessio illa Innoc. VIII. fuit solum viuz vocis oraculum, & non authenticum, vt refert idem Casarubius, vt supra nu. 12. De priuilegio illo Martini V. non mihi constare potuit, an per Bullam, an verò viuz vocis oraculo concessum sit, & ita consulerem ab hac facultate abstinendum, prout in simili consuluit circa aliam con-

concessionem Corduba in annotat. ad Compend. priuileg. Mendic. verb. dispensatio §. 17.

23 Possunt tamen Confessores Regulares habentes communicationem priuilegiorum cum Benedictinis, & Iesuitis commutare prædicta vota. Primò, ex priuilegio illo Eugenij IV. concessio Benedictinis Obseruantia Italica, quod refert idem Casarubius *ut supr. num. 19*. Secundò, ex Paulo III. qui Patribus Iesuitis Confessariis facultatem concessit commutandi vota venientium ad se in alia pietatis opera, (*Vltimarum, Visitationis liminum, Apostolorum Petri, & Pauli de Vrbe, ac S. Iacobi in Compostella, necnon Religionis, & Castitatis votis dumtaxat exceptis.*) Extat hæc Bulla apud Casarubium in *Compend. priuileg. Mendicant.* Gregor. XIII. extendit etiam hoc priuilegium ad vota iurata, dummodò commutatio in alterius præiudicium non fiat. Omitto ad hoc intentum priuilegia aliquot, quæ adduci solent, quia sunt viuz vocis oracula, quæ his temporibus nihil valent, propter sæpius dicta.

24 Vota tamen Papæ reseruata, qualia sunt regulariter votum Religionis, Castitatis, Peregrinationis ad Romam, Hierosolymam, vel Compostellam, ex Extrauagant: *Et si Dominici 2. de Pœnit. & remiss.* quando perfecta sunt, & absoluta, nec dispensari, nec commutari possunt à Confessariis. Cum nullum circa hoc extet, quod sciuerim, priuilegium. Dixi, quando perfecta sunt, quia quando deficiunt à perfectione voti, vel quia animus vouentis solum fuit se obligare ad culpam venialem, aut solum ad poenam, vel quia ex parte materiz imperfecta sunt, vt si sit votum Religionis non approbata, vel partis voti Castitatis, scilicet Castitatis coniugalis, tunc etsi dispensari non possint à Regularibus, propter dicta *num. 23.* videtur tamen posse commutari ab Episcopis, ac per consequens à Confessariis Regularibus, qui habuerint communicationem priuilegiorum cum Benedictinis, & Iesuitis, iuxta dicta etiam *num. 23.* Peirinis *tom. 1. de Subdito quæst. 1. de Obedientia cap. 21. post 4. concl.* referens etiam Sanchez. Dixi etiam, quando sunt absoluta, quia quando tantum sunt conditionata, & poenalia, possunt commutari, secundum aliquos. Eò quòd talia vota, cum non sint simpliciter voluntaria, quia non emissa ex deuotione ad ipsa, non præsumuntur reseruata à Pontificibus. Cordub. in *Summ. q. 52. Aragon. 2. 2. quæst. 88. art. 12.*

25 Possunt (secundum plures) Confessores aliqui Regulares cum coniugibus incestuosus post contractum Matrimonium ad petitionem debiti dispensare ex priuilegio Martini V. concessio Benedictinis, & con-

& confirmato à Iulio II. & ex viuz vocis oráculo Pij V. qui Minoribus concessit, quòd fratres Confessarij, si sint viri docti, & iuxta formam Concilii Tridentini approbati, ex commissione Provincialis dispensare possint in foro conscientie tantum ad petendum debitum cum his, qui consanguineum, vel consanguineam sui coniugis post Matrimonium carnaliter cognouerunt. Rodriguez to. 1. quæst. 63. art. 1. Miranda tom. 1. quæst. 47. art. 1. Est verò aduertendum, quòd cum omnia viuz vocis oracula abrogata sint hoc tempore à Sanctiss. D.N. Urbano, vt diximus cap. 3. nu. 21. nihil iam valet prædictum viuz vocis oraculum Pij V. Vnde ex vi illius non habent Confessores Regulares tale privilegium dispensandi cum coniugatis incestuosus, habebunt tamen illud ex Martino V. & Iulio II. adductis Benedictini, & qui cum illis habent communicationem priuilegiorum, nisi fortè tales concessiones sint etiam viuz vocis oracula, quod mihi non constat. Securius tamen est huiusmodi concessionibus non uti, vt consuluit Corduba in annotat. aa Collect. Priuileg. Mendicant. circa quandam similem concessionem Innoc. VIII. verb. dispensatio. §. 17.

26 Similiter quamuis multi velint posse aliquos Confessores Regulares dispensare cum illis, qui voto facto de castitate, contraxerunt, ad petitionem debiti, propter viuz vocis oraculum eiusdem Pij V. (Rodriguez to. 1. quæst. 63. art. 2. Miranda in Mantom. 1. quæst. 47. art. 2.) Quia tamen huiusmodi viuz vocis oracula his temporibus abrogata sunt, non possunt Confessarij vti prædicta concessione.

27 Confessores Regulares Ordinis Prædicatorum, & Minorum, & qui cum ipsis communicant in privilegijs, videtur posse semel in vita absoluerè plenariè Religiosos sui Ordinis ex privilegio Sixti IV. quod refert Casarubius in Compend. priuileg. Mendicant. verb. absolutio extraordinaria quoad fratres nu. 6. Sed adiunxit Pontifex hoc privilegium esse intelligendum in forma Confessionalis per ipsum edita, quod Casarubius ibidem intelligit de Confessionali ab ipso Pontifice facto in quadam Bulla, quæ incipit, Etsi Dominici gregis, quam etiam refert in verb. excommunicatio §. alterum sciendum, vbi excipiuntur plures casus à quibus vult Pontifex non posse absolui Religiosos. Deinde id possunt facere in certis anni festiuitatibus ex alijs concessionibus Leonis X. factis Monialibus S. Claræ. Lege eundem Casarubium in Compend. verb. absolutio extraordinar. quoad frat. §. 8. & 9. Aduerte tamen vsum istorum priuilegiorum debere esse dependentem à voluntate Superiorum, & non aliàs, iuxta dicenda infra num. 19. ex Clem. VIII. Urban. VIII. & alijs. Omitto alias concessiones Six-

ti IV. Eugenij IV. & Leonis X. quas refert idem auctor, *ibidem* §. 3. §. 7. quia sunt viuz vocis oracula, quæ his temporibus nihil valent. Alia etiam priuilegia refert Miranda *in Manual. tom. 2. q. 33. art. ult.* quæ etiam non refero, quia mihi non constat an sint viuz vocis oracula, aut quæ conditiones in illis adiungantur. Vide Compendium Priuilegiarum Ordinis Diui Hieronymi, & Societatis Iesu *tit. dispensatio*.

28 In articulo etiam mortis possunt prædicti Confessores Regulares plenariè absoluerè Religiosos ex priuilegio Sixti IV. iam adducto, quod refert idem Casarubius *ibidem* §. 6. Affertur etiam priuilegium Benedicti XIII. concessum Benedictinis, sed illud omitto, quia fuit viuz vocis oraculum (Casarubius, *ut supra* §. 11.) Alia etiam referuntur Innocentij VIII. & Nicolai V. Miranda *in Man. tom. 2. q. 33. art. 7.* Illa tamen prætermitto, quia scire non potui an sint, vel non viuz vocis oracula. Specialitèr tamen pro Carmelitis extat concessio Eugenij IV. in Bulla *Romani Pontificis*, quæ habetur in fine Constitutionum, in qua singulis fratribus dicti Ordinis, qui Regulam Carmelitarum ab ipso moderatam obseruauerint, omnium peccatorum suorum plenam remissionem per Superiores Religionis, vel alium quemcunque idoneum Sacerdotem Ordinis concedit, cum certis tamen conditionibus *ibidem* assignatis. Peccata autem virtute prædictorum priuilegiarum in mortis articulo semel confessa, & absoluta etiam si sint reseruata, non tenetur ea iterum infirmus confiteri, si non moriatur. In quo differt hic modus absolutionis in articulo mortis per ista priuilegia ab ea, qui fieret à quocunque Sacerdote, seu alio Confessore non habente illa. Soc. *in 4. dist. 18. quæst. 4. art. 4.* Suarez 4. *tom. de Relig. tract. 8. lib. 2. cap. 19. nu. 15.* Circa modum, & formam prædictæ absolutionis præstandæ, vide Mirandam *in Man. tom. 2. quæst. 33. art. 8.* Suarez 4. *tom. de Relig. tract. 8. lib. 2. cap. 19. nu. 8.* An verò Indulgentia Plenaria, quæ in articulo mortis per hanc formam absolutionis Religiosis concedi solet, reuocata sit à Paulo V. constat ex dictis *cap. 3. num. 19.* Circa vsum etiam horum priuilegiarum, vide dicta *numera præcedenti*.

29 Non possunt Religiosi, cuiuscunque Ordinis sint, eligere sibi Confessorem aliquem præter illum, vel illos, qui à suis Prælati eorum Confessionibus audiendis destinati sunt, aut absoluti à casibus prædictis Superioribus reseruatis, virtute Bullæ Cruciatæ, aut quorumcumque aliorum indultorum, aut priuilegiarum Religionibus concessorum. Non solum, quia nunquam Pontifices hæc priuilegia concedere credendum est, nisi dependen-

ter

ter à voluntate Superiorum, quoad illorum vsum, alias Regulari disciplinæ multum inde derogaretur. Est enim regula Iuris in 6. cap. 2. de Pœnit. & remiss. sub clausula generali non comprehenduntur particularia, quæ non esset quis verisimiliter in specie concessurus. Sed etiam, quia id expresse declaratum est à Clem. VIII. in Bulla *Romani Pontificis* ann. 1599. ad instantiam Procuratoris Generalis Carmelitarum edita, & habetur 3. tom. *Bullarj* numero 64. ubi habetur: Talem concessionem Sanctæ Cruciatæ, & aliorum Indultorum particularium quantum ad prædictum articulum eligendi Confessorem, & absolucendi à casibus referuatis, cum Fratribus, & Sororibus Monialibus Ordinis prædicti, ac aliorum, quorumcunque Ordinum, & Congregationum cuiusvis instituti Mendicantium, & non Mendicantium, tam Prouinciæ Hispaniæ, quam extra eam vbilibet, locum minimè habere, neque censi, sed suæ intentionis existere, quod iidem Fratres, & Moniales, quantum ad Sacramentum Pœnitentiæ, seu Confessionis administrationem dispositioni suorum Prælatorum subiecti sint. Eisdem tamen Prælati, vt in vfu huiusmodi potestatis se cum subditis benignos, & faciles exhibeant, præcipit, & mandat. Quaranta *verb. Confessor*. Post quæ SS. D. N. Urbanus Papa, anno 1630. die 19. Iunij, prædictam Constitutionem Clementis Octauj innouauit pro Ordine Prædicatorum, ac alijs Religionibus (vt habetur 4. tom. *Bullar.* inter Bullas Urbani num. 105.) ac motu proprio ampliauit, fere per similia verba, scilicet prædictam Bullam Cruciatæ, & alia quæcunque indulta Religionibus concessa, *Quantum ad prædictum articulum eligendi Confessarium, & absolucendi à prædictis casibus referuatis, etiam in Bulla Cæne Domini contentis, et Fratribus, & Monialibus prædictis Fratrum Prædicatorum, ac aliorum quorumcunque Ordinum, Congregationum, Societatisque, & Instituti prædictorum Mendicantium, & non Mendicantium, tam Prouinciæ Hispaniæ, quam extra eam vbilibet constitutorum, locum minime habuisse, neque habere, nec illis vlllo modo suffragari potuisse, neque posse, sed nostra intentionis fuisse, & esse, quod iidem Fratres, & Moniales, quantum ad Sacramenti pœnitentiæ, seu Confessionis administrationem ordinariæ dispositioni suorum Prælatorum, & Sedi Apostolica, quo ad sibi reseruata subiecti sint, eandem tenore præsentium perpetuo declaramus.* Extat etiã pro hac parte Decreta Pij V. Greg. XIII. & declaratio DD. Cardinalium facta ad instantiam Patriarchæ Valentini pro Monialibus Episcopo subiectis. Cordub. in annot. sup. *Regul. S. Francisci* cap. 7. quæst. 8. punct. 1. Suarez tomo 4. de Relig. tract. 8. lib. 2. cap. 16. Miranda 2. tom. *Man. q.* 34. ar. 15.

30 Qui dubitat, an sit idoneus ad audiendas confessiones, Superiorum præcepto excusatur; non autem si sciat certò se ad id munus esse ineptum. Quia in dubijs standum est iudicio Superiorum, non in euidenter malis. Emman. Sa in *Summ. verb. Confessorum*, 10.

31 *Confessores, qui in domibus Laicorum Confessiones ex causa audierint, statim Parochum admonere teneantur, & fidem audita confessionis, pro medico adueniente relinquere.* Ex S. Congregat. die 1. Iulij 1587. *Quaranta in Summ. Bullar. verb. privileg. Regul.* Vide num. sequenti.

32 Extat etiam Romæ Decretum Congregationis S. Apostolicę Visitationis de mandato Sanctiss. D. N. Urbani VIII. quo præcipitur omnibus, & singulis Confessarijs, tam secularibus, quàm cuiusvis Ordinis, Congregationis, Instituti, & Societatis, etiam de necessitate exprimendę Regularibus, quocumque nomine nuncupatis, cuiusvis gradus, & dignitatis in suo Ordine, ne impostorùm tam Virorum, quàm Mulierum, cuiuslibet qualitatıs, vel conditionis existant, præterquàm si graui infirmitate detenti, vel detentę sint, Sacramentales Confessiones, in illorum, seu illarum, vel etiam alienis ædibus, audiant, nisi de licentia Illustrissimi Cardinalis Urbis Vicarij, seu Reuerendissimi D. eius Vicesgerentis, inscriptis concedendę (exceptis tamen Illustrissimorum, & Reuerendissimorum DD. Cardinalium, & Principum virorum secularium, videlicet Oratorum Regum, & magnorum Principum, nec non, & Ducum, ac Roman. Pontif. qui fuerunt, vel pò tempore erunt Nepotum) hoc etiam addito, vt iidem Confessarij in mulierum huiusmodi Sacramentalibus confessionibus audiendis, cubiculi ianuam apertam, ac velum leuatum semper habeant, itaut conspici, non autem audiri possint: Sacramentumq; Confessionis huiusmodi Confessarij seculares cum superpelliceo, & stola, Regulares verò cum stola ministrent in Ecclesia, nisi ex rationabili causa audire aliquos in Sacrario, seu alio decente loco, quandoq; occurrat. Contrafacientes non solum suspensionis à Confessionibus audiendis, verùm etiam alias pœnas arbitrio eiusdem Sac. Congregationis eo ipso incurrant. Insuper Confessarijs huiusmodi sub eisdem pœnis iniungitur, vt si eos vigore facultatum, eis concessarum, Confessiones infirmorum huiusmodi in priuatis domibus audire contigerit, Parochum dictorum infirmorum huiusmodi ante, vel saltem eadem die, qua Confessionem audierint, absolutionemq; infirmis impartiti fuerint, certiore reddere debeant. Vide Augustin. Barbosa de *Offic. & Potest. Parochi cap. 19. num. 23.*

33 Confessores, qui (quòd absit) mulieres, dum eas in confessione audiunt, ad actus inhonestos prouocant, puniuntur à Tribunali S. Inquisitionis. Ex Bulla Pij IV. quæ incipit, *Cum sicut nuper*. Licet enim ea tantum sit pro Regnis Hispaniarum, tamen Gregor. XV. in Constit. quæ incipit, *Vniuersi Dominici* ann. 1622. & habetur 4. tom. Bullar. inter Bullas huius Pontificis num. 34. illam extendit non solum pro quibusvis Christiani orbis partibus, sed ad multa etiam alia vitia concernentia. Primò enim quoad personas vult prædicta Constitutione comprehendi omnes, & singulos Sacerdotes, tam seculares, quàm quorumvis etiam quomodolibet exemptorum, ac Sedi Apostolica immediatè subiectorum, Ordinum, Institutorum, Societatum, & Congregationum Regularis, cuiuscumque Dignitatis, & præminentia, aut quouis priuilegio muniti existant. Deinde, quoad delinquentes, voluit comprehendi supradictos, qui personas, quacumque illa sint, ad inhonestas, siue inter se, siue cum alijs quomodolibet perpetranda in actu Sacramentalis Confessionis, siue ante, vel post immediatè seu occasione, vel prætextu Confessionis huiusmodi, etiam ipsa Cõfessione non sequuta, siue extra occasionem Cõfessionis in Confessionario, aut in loco quocumque ubi Confessiones Sacramentales audiantur seu ad Confessionem audiendam electo, simulantes ibidè Cõfessiones audire, sollicitare, vel prouocare tentauerint, aut cum eis illicitos, & inhonestos sermones, siue tractatus habuerint. De quibus etiam delinquentibus loquens, vult, quòd in officio Sanctæ Inquisitionis seuerissimè, ut infra puniantur. Postea verò grauissimis pœnis designatis, quibus tam enorme delictum puniri præcipit, probatum esse concedit, & declarat, testibus etiam singularibus, concurrentibus præsumptionibus, indicijs, & alijs adminiculis. Subiungit tandem pro Confessarijs, qui talia cognouerint. Mandantes omnibus Confessarijs, ut suos pœnitentes, quos nouerint fuisse ab alijs, ut supra sollicitatos, moneant de obligatione denunciandi sollicitantes, seu, ut præfertur, tractantes, Inquisitoribus, seu locorum Ordinarijs prædictis. Quòd si hoc officium prætermiserint, vel pœnitentes docuerint non teneri ad denunciandum Confessarios sollicitantes, seu tractantes ut supra, ydem locorum Ordinarij, & Inquisitores illos pro modo culpæ punire non negligent.

34 In hac Constitutione non comprehenduntur mulieres sollicitantes Confessarium. Quia solum loquitur de Confessarijs sollicitantibus. Peirinis tom. 2. priuileg. Minim. in Constit. 4. Gregor. XV. num. 8. Nec etiam comprehenduntur qui ministrantes Baptismum, Eucharistiam, vel Matrimonium fœminæ, ipsam sollicitarent. Quia Pontifex solum loquitur de ministro Sacramenti pœni-

ni-

nitentia. Sanctarellus tract. de heres. cap. 46. num. 5. Bonacina de onere denunciand. disp. 6. punct. 3. num. 14. Verumtamen comprehenduntur non solum Confessores sollicitantes feminas, sed etiam (quod absit) sollicitantes pueros ad aliquem actum inhonestum, quia id exprimitur illo verbo, *personas quacunque illa sint*. Et hoc siue sit in actu Sacramentalis Confessionis, siue ante, vel post immediatè, seu occasione, vel prae-textu Confessionis, etiam ipsa Confessione non sequuta, ut ibi dicitur. Vnde Confessor, qui audiens in Confessione feminam esse leuem, ipsaque finita, lenonem mittit ad domum ipsius, ut eam sollicitet, comprehenditur hac Constitutione, cum hoc faciat occasione Confessionis. Grassis *tomo 1. cons. lib. 4. de cognat. spirit. cons. 1. à nu. 37. & de cas. res. lib. 2. cap. 12. num. 30.* Idem dico si Confessarius sollicitet feminam, ut consentiat alteri, aut ut tradat ei, v. g. suam filiam. Quia hoc exprimitur illis verbis Constitutionis, *siue inter se siue cum alijs*. Grassis *ut sup. num. 41. & 42.* Sanctarellus tract. de heres. cap. 44. nu. 19. Idem etiam dico si Confessarius non verbis expressis, sed solum tacitis, & occultis alliciat penitentes. Quia etiam hoc est abuti Sacramento penitentiae. Peirinis *tom. 2. priu. Minim. in Constit. 4. Gregor. XV. num. 21.* Barbosa de Offic. Parochi cap. 19. à num. 49. Et quod magis est comprehenduntur etiam illi qui extra occasionem Confessionis in Confessionario, aut in loco quocunque ubi Confessiones Sacramentales audiuntur, seu ad Confessiones audiendas electo, talia faciant. Limitatur tamen hoc ultimum de Confessionario, aut loco ad Confessionem electo, si hoc fiat simulando Confessionem. Quia dicitur *simulantes ibidem Confessiones audire*. Vnde videtur dicendum quod si quis in praedicto loco similia perpetraverit non simulando audire Confessiones, ut si per noctem, verbi gratia, in tali loco Confessarius faceret aliquid inhonestum cum aliquo suo penitente, non comprehenderetur ista Constitutio. Rodrig. *tom. 2. quaest. 27. art. 1. & 2.* Quaranta in *Summ. Bullar. verb. Confessor, circa explicationem Bullae Pij Quarti adductam*. Deinde non comprehenditur Confessor sollicitans ad alia peccata non carnalia, quia Constitutio solum loquitur de sollicitante ad inhonestum. Peirinis *tom. 2. priuilegiis. Minim. in Constit. 4. Gregor. XV. num. 7.* Nec qui consentit mulieri sollicitanti, quia iste non est sollicitator. Peirinis *num. 9. & 10.* Insuper, ut ex praedicta Constitutione habetur, tenentur Confessarii monere penitentes, quos sciuerint ab alijs sollicitatos, ut denuncient S. Officio, & illos non absoluerint si renuerint obedire. (Rodriguez *tom. 2. quaest. 27. art. 1.* Sanctarellus *ut supra cap. 46.*) Nisi fortè sollicitati credant, Confessorem sollicitantem esse fraternè corrigibilem, aut esse emenda-

datum, aut confessum suum delictum coram Inquisitoribus, aut timeant ex denunciatione periculum mortis, vulneris, truncationis membri, infamiae, vel amissionis honoris. In his enim casibus excusari poterunt penitentes à denunciatione. Cautissimè tamen procedere debent Confessarii circa penitentes ab alijs sollicitatos. Petrini *ut supra à num. 26. & sequentibus*. Non tamen tenentur isti sollicitati manifestare suum crimen, si fortè Confessariò sollicitanti consenserunt, sed denunciare sollicitationem non detegendo suum defectum. Bonacina *ut supra num. 10.*

33 Præterea Gregor. XV. in Constitut. de exemptorum privilegijs ann. 1622. edita (4. tom. Bullar. inter Bullas Gregorij XV. num. 18) statuit, & declaravit. Vt deinceps tam Regulares, quàm seculares quomodolibet exempti, siue animarum curam personarum secularium Monasterijs, seu domibus Regularibus, aut quibusvis alijs Ecclesijs, vel beneficijs siue regularibus, siue secularibus incumbentem, exercent: siue aliàs Ecclesiastica Sacramenta, aut vnum ex illis ministrent præviâ Episcopi licentia, & approbatione; siue quoquo modo in dictæ curæ exercitio, aut in eorumdem Sacramentorum, vel alicuius ex illis administratione, de facto absque vlla auctoritate se ingerant, in his, quæ huiusmodi curam, seu administrationem concernunt, omnimodè iurisdictioni, visitationi, & correctioni Diocesani Episcopi, tamquam Sedis Apostolicæ delegati, plenè in omnibus subijciantur. Quia tamen dura videbatur huiusmodi Constitutionis determinatio, ideo S. Congregatio Concilij censuit, *Constitutionem hanc nequaquam subijcere Regulares exemptos, quibus cura animarum personarum secularium non incumbit Episcoporum iurisdictioni in his, quæ Sacramentorum administrationem concernunt, nisi cum in Sacramentis personis secularibus administrandis idem Regulares delinquant*. Similiter cum dubitaretur, an Episcopi possint Regularibus præscribere, ut certis tantùm in locis, ac temporibus, aut certarum personarum Confessiones audiant, vel aliàs eorum privilegia restringere, ac moderari in Sacramentis administrandis. Respondit eadem S. Congregatio. *Hac in parte Constitutionem nihil novi iuris induxisse, nec ullam novam auctoritatem Episcopis attribuisse. Quòd si aliunde Episcopis huiusmodi facultas competat, illam non fuisse ab eadem Constitutione sublatam*. Vide 4. tom. Bullar. post Constitutionem 18. Gregor. XV. Nota etiam huiusmodi Constitutionem iussu SS. D. N. Urbani suspensam fuisse pro Regnis Hispaniarum, ut constat ex Breui Nuntij Apostolici tunc temporis existentis, nunc verò Eminentiss. Cardin. Sacchetti. 21. April. ann. 1625.

36 Ex Decreto etiam Clementis Octauī super casuum referuatione approbato, & innouato à Sacra Congregatione Concilij Sanctissimi Domini nostri Papæ Urbani Octauī die vigesimā prima Septemb. 1624. statuitur pro Cōfessarijs Religioforū, quòd nō liceat Superioribus Regulariū Confessiones subditorum audire, nisi quando peccatum aliquod reseruatum admiserint aut ipsimet subditi spontē, ac proprio motu, id ab ijs petierint. Item, quòd Superiores in singulis domibus deputēt duos, tres, aut plures Confessarios pro subditorum numero, maiori, vel minori, ijsq; sint docti, prudentes, ac charitate præditi, qui à non reseruatis eos absoluant, & quibus etiam reseruatorum absolutio committatur, quando casus occurrerit, in quo eam debere committi ipse in primis Confessarius iudicauerit. Præterea decernitur, quòd tam Superiores pro tempore existentes, quàm Confessarij, qui ad Superioritatis gradum fuerint promoti, caueant diligentissimè, ne ea notitia, quam de aliorum peccatis in Confessione habuerunt, ad exteriorem gubernationem vtantur. Subiungitur etiam Licebit tamen Superioribus determinare penitencias graues quibuscumque peccatis, etiam non reseruatis, à Confessarijs imponendas, quæ subditos ab huiusmodi perpetrandis cohibere possint. Atque ita per quoscumque Regularium Superiores, quicumque illi sint obseruari mandauit. Non obstantibus, &c. Sanctitas sua deinceps declarauit, quòd si huiusmodi Regulariū Confessarijs casus alicui reseruati facultatem petentibus Superior dare noluerit, possint nihilominus Confessarij illa vice penitentes Regulares, etiam non obtenta à Superiore facultate, absolvere. Vide dicta *cap. 18. num. 29.*

37 Circa quæ primò animaduertendum est, quòd si subditus habens casus reseruatos petat confiteri alteri, non teneri Superiorem concedere illi facultatem, vt possit confiteri cuicumque voluerit, sed posse designare aliquem, vel aliquos, cui, vel quibus solum, confiteatur. Ratio est, nam reseruatō casuum ad hoc fit, vt grauiora delicta grauius corripi, & melius emendari possint, ad quod requiritur, quòd Prælatus designet doctiores, & grauiores personas. Suarez *tomo 4. in 3. par. disp. 30 sect. 4.* Longus *de casib. reseru. p. 1. sect. 1. ar. 17. num. 10.* Similiter quando Confessarius petit licentiam absoluendi aliquem à casu reseruato, non tenetur Prælatus, etiam pro prima vice, talem facultatem concedere, nisi talis Confessarius putetur idoneus pro illo munere exequendo. Quia non est credibile Pontificem voluisse hanc facultatem concedi Confessario non idoneo pro absolutione talis casus. Suarez *to. 4. in 3. p. disp. 30. sect. 4. num. 1.* Laurentius de Peirinis *tom. 1. priuileg.*

Minim. in Const. 1. Iulij II. §. 24. nu. 39. si verò pœnitens pro secunda, aut tertia vice inciderit in casum aliquem reservatum, & Prælatus Confessario petenti facultatem ad illum absolvendum illam dare noluerit, si habeat necessitatem celebrandi, vel communicandi, quidam dicunt, habita contritione, vel probabili estimatione eius posse communicare, non præmissa confessione, tamquam is, qui non habet copiam confessoris. Hoc verò solum est admittendum quando timet, quòd Prælatus abutetur scientia Cõfessionis, & inde timeat aliquod malum, vel fractionem sigilli, non tamen, quando solum ob ruborem, & verecundiam non vult confiteri Prælato. Quia in primo casu habet sufficientem excusationem, non in secundo. Imò etiam in tali prædicto casu potest, & ut credo, debet confiteri Confessario habenti facultatem absolvendi à non reservatis confitendo illi aliqua peccata non reservata saltem aliàs confessa, & sic celebrare, aut communicare. Quia tunc prædictus Cõfessarius absolvere illum poterit ab omnibus peccatis, à non reservatis directè, à reservatis verò indirectè. Vide Suarez 4. to. de Relig. tract. 8. lib. 2. cap. 19. num. 22. & 23. Vide etiam dicta supra cap. 18. circa facultatem, quam habent Prælati in casibus reservandis num. 29.

38 Possunt (secundum plures) Confessarii Regulares, qui communicant in privilegijs cum Iesuitis, approbati ab Ordinario legitime ad Confessiones audiendas, etiam non graduati, litteras, seu brevia Sacre Penitentiariæ, quæ communiter Magistris Theologiæ, vel in iure Canonico Doctoribus destinantur, auditis Confessionibus ad eos recurrentium, impositaque pœnitentia in litteris expressa, vel de iure imponenda, ac in foro conscientia, quascumque siue verbo, vel scripto missas absolutiones, dispensationes, & penitentiæ iniunctiones accipere, & exequi. Propter privilegium Gregorij XIII. concessum Sacerdotibus Societatis Iesu. Sorbus in compend. verb. Confessores in fin. Sanchez lib. 8. de Matrim. disput. 34. nu. 11. Vide Bullam inter Constitutiones Gregor. XIII. nu. 75. in 2. to. Bullar. & adverte non esse securum potiri hoc privilegio, etiam per viam cõmunicationis, illas Religiones, quorum Religiosi gradus Doctoratus admittunt, quia titulus ratione cuius hoc concessit Pontifex Patribus Societatis est, quia ipsi non solent ad tales gradus promoveri. Quæ ratio cessat in alijs Religionibus tales gradus admittentes.

39 Licitum est Confessarijs Regularibus eleemosynas à pœnitentibus datas recipere, non ratione Confessionis, nec absolutionis, sed per modum simplicis eleemosynæ. Cum in hoc nulla deformitas reperiatur, quin potius rationi consentaneum sit, ut qui in

Sacrario operantur quæ de Sacrario sunt edant, ut inquit Apostolus primæ Corinth. 9. Laurentius de Peirinis tomo primo de Subdito questione 1. de Obed. cap. 21. Iniungere autem Missas pro pœnitentia, licet res indifferens appareat, nihilominus non debet fieri à Confessariis, ne pœnitens suspicetur ex avaritia iniunctam sibi fuisse talem pœnitentiam. Conradus secunda parte respons. questione 358. Laurentius de Peirinis ut supra. Vide Bonacinam de Simonia questione 4 §. 16. numero 10.

40 Qui verò pro Sacramentorum administratione pretium aliquod recipiunt Simoniaci sunt, *ea. cum in Ecclesiæ, ea. non satis. Sanctus Thomas 2. 2. quæst. 100. art. 2. Silvester verbo Simonia num. 8. Et quamvis in Iure specialis pœna non sit illis designata, generales tamen Simoniacorum pœnas incurrunt, & ita deponuntur cap. sicut de Simonia. Alderete lib. 2. de Relig. discipl. capit. 16. num. 47. Simonia etiam committitur dando, vel accipiendo pecuniam pro levi pœnitentia iniungenda in Sacramento Confessionis, nam impositio pœnitentiæ est actus Clauium. Bonacina de Simonia q. 4. §. 16. num. 5.*

41 Sacerdos Regularis sine Ordinarij facultate Confessiones audiens (præterquam quòd confessio est nulla propter dicta supra num. 2. ex Concil. Tridentino) committit crimen depositione dignum *cap. placuit de pœnit. distinct. 6. Nauarrus ibidem. Rodriguez to. 2. quæst. 37. art. 1. Regularis etiam Confessarius sine sui Superioris licentia Confessiones audiens præter particulares pœnas in specialibus Statutis Religionū designatas, gravissimæ pœnæ inobedientium plectendus est. Sotus in 4. distinct. 18. quæst. 4. art. 3. Redriguez tom. 2. quæst. 37. art. 1. Qui verò non Sacerdos Confessiones audierit punitur à S. Inquisitione, iuxta dicta cap. 10. num. 22. Vide etiam supra num. 12.*

42 Confessarii, qui (quod absit) Confessionis secretum detegunt, olim perpetuò depositi omnibus diebus vitæ suæ ignominiosè peregrinare cogebantur *cap. Sacerdos de pœnit. distinct. 6. Hodie verò ex Concilio Generali sub Innocentio Tertio perpetuò deponendi sunt. Sed ne in Ordinis Sacerdotalis ignominiam peregrini vagarentur, in arctum Monasterium detrudi præcipiuntur, ut ibi pœnitentiam usque ad mortem agant. Nauarrus in d. cap. Sacerdos num. fin. Alderete lib. 2. de Relig. discipl. cap. 19. num. 2. Barbosa de Offic. Paroeci cap. 19. num. 55. Non tamen huiusmodi Sacerdotes sunt irregulares. Suarez 4. tomo in 3. par. disput. 32. sect. 8. Alderete ut supra num. 3.*

43 Confessarii absolventes aliquem à casibus in Bulla Cenz Domini contentis, excommunicationis sententia innodantur in


prædicta Bulla §. 23. Deinde Religiosi præsumentes absoluerunt excommunicatos à Canone, nisi in casibus à Iure expressis, aut gratia Sedis Apostolicæ concessis, vel excommunicatos à sententijs per Statuta Prouincialia, vel synodalia, sunt ipso facto excommunicati, & absolutio reservatur Papæ. Vt habetur in Clementina de *Privilegijs cap. Religiosi*. Diu. Antonin. 3. par. tit. 24. cap. 54. Caietan. in *Summ. tit. excommunic. cap. 64*. Religiosi verò absoluentes ab excommunicatione lata ab homine, non incurrunt in excommunicationem (intellige nisi talis excommunicatione, lata etiam sit contra absoluentes) peccant tamen mortaliter, & inualidè absoluunt. Sorbus in *Addition. ad Compend. priuileg. Mendic. verb. confession. & confess. §. 2. notandum*.

44 Tenentur Confessarii omnes ad audiendas peccatorum Confessiones quauis autoritate deputati, sicut, & *Patriarcha, Archiepiscopi, Episcopi, alijque locorum Ordinarij, & Ecclesiarum Prelati, necnon Rectores, caterique curam animarum exercentes, ac Presbyteri seculares, & quorumvis Ordinum Regulares*, habere penes se transumptum Bullæ, quæ vocatur de Cæna Domini, eamque diligenter legere, & studere. Ita enim præcipitur in eadem Bulla, vt patet in ea, quæ est SS. D. N. Urbani VIII. & habetur inter Bullas ipsius 4. tom. *Bullar. num. 62*. Quaranta in *Summ. Bullar. verb. excommunicatio in Bulla*. Barbosa de *Offic. Parochi cap. 19. num. 61*. Tenentur etiam Curati Regulares interesse cum alijs Curatis Congregationi casuum conscientiarum. Ita enim determinatum est à S. Congregatione Episcop. & Regular. 13. Octobr. 1592. Et ita video Romæ obseruari. Gauantus in *Man. Episcop. verb. Cleri Conuentus nu. 2. & verb. Parochorum munera à nu. 27*. Vbi, & alia.

45 Qualiter, & à quibus examinandi, & approbandi sunt Regulares ad audiendas Confessiones nedum secularium, sed etiam Religiosorum eiusdem Ordinis, vide Decretum Clem. VIII. S. Congregat. sub Sanctiss. D. N. Urbano, quod attulimus *cap. 18. num. 79*. Pro penis etiam, quas incurrunt Religiosi Confessarii, qui suis penitentibus conscientiam non faciunt de soluendis decimis, vide *cap. 9. num. 26*.

De Concionatoribus Regularibus, eorumque obligationibus.

C A P. X X.

1  ON possunt Regulares exercere munus Concionatorum, nisi a Superioribus de vita, moribus, & scientia examinati, & approbati fuerint, ac de eorum licentia. Ita enim habetur in Conc. Trident. sess. 5. cap. 2. Nauarrus in Man cap. 25. num. 141. & 143. Vnde Regularis prædicans absque sui Superioris licentia peccat mortaliter. Nauarrus num. 141. Incurrere etiam excommunicationem Papalem ex Leone X. in Concilio Lateranensi docent Zerola in praxi verb. Prædicat. num. 2. p. 1. Reginaldus lib. 18. num. 119. Priuantur etiam officio prædicandi ab eodem Leone X. Vide Bullam tom. 1. Bullar. inter Bullas Leonis, num. 21. Peccant etiam mortaliter Prælati, qui subditos non examinatos de vita, moribus, & scientia, aut non idoneos, permittunt prædicare. Tum ex Conc. Trident. tum ex Leone X. tum ex scandalis, quæ inde solent euenire. Peirin. de subdito quaest. 1. de Obed. cap. 22. Vide circa hoc Decretum Clem. VIII. & Urbani VIII. cap. 18. num. 79.

2 Deinde quicumque Regulares, ad prædicandum in Ecclesijs, quæ suorum Ordinum non sunt, ultra licentiam suorum Superiorum, etiam Episcopi licentiam habere teneantur, sine qua in ipsis Ecclesijs non suorum Ordinum nullo modo prædicari possint. Ita habetur etiam in eodem Conc. loco citato. Ad prædicandum verò in Ecclesijs suorum Ordinum non requiritur licentia Episcopi, sed solum suorum Superiorum licentia, & quòd cum ipsa personaliter se coram Episcopis præsentare, & ab eis benedictionem petere teneantur. Concil. ibidem. Ex quo habetur, ad prædicandum Regulares extra suas Ecclesias requiri non solum examen & approbationem Superiorum Religionum, de vita scilicet, moribus, & scientia, sed etiam licentiam ipsorum, & ulterius Episcopi quoque licentiam; ad prædicandum verò intra suas Ecclesias minus requiri, scilicet examen, approbationem, & licentiam suorum Superiorum, & præsentare se Episcopis, ab eisque benedictionem postulare. Hoc est, ut puto, quòd Episcopus non contradicat, quod videtur exprimi à Concilio sess. 24. cap. 4. illis verbis: Nullus autem secularis, siue Regularis, etiam in Ecclesijs suorum Ordinum.

num, contradicente Episcopo, predicare presumat. Miranda in *Man. tom. 1. quest. 50. ar. 2.* Peirinis *tom. 1. de subd. quest. 1. de Obed. cap. 22.* Vide circa hoc declarationes aliquot Sac. Congreg. Episc. apud Gauant. in *Manual. Ep. verb. Concio sacra. num. 16. 51. 52. 53. & 54.*

3 Nihilominus prædictos prædicatores Regulares, qui absque licentia Episcopi prædicauerint, in Ecclesijs, quæ suorum Ordinum non sunt, tamen si Decreto Concilij contraxerint, non posse tamen puniri ab Episcopo, sed tantum à suis Superioribus Regularibus, declarauit Sac. Congregatio ann. 1602. per verba adducta. Flau. Cherub. in *Comp. Bullar. tom. 2. sup. Bull. 41. Pij V.* Postea verò Gregorius XV. in *Constit. de Exemptorum priuileg.* anno 1622. edita declarauit, quòd Episcopus tamquam Sedis Apostolicæ delegatus habeat auctoritatem coercendi, ac puniendi quoscumque exemptos tam seculares, quàm Regulares, qui in alienis Ecclesijs, aut quæ suorum Ordinum non sunt, absque Episcopi licentia, & in Ecclesijs suis, aut suorum Ordinum, non petita illius benedictione, aut ipso contradicente, prædicare præsumperint. Pro huius tamen Constitutionis moderatione Religiones supplicauerunt, & pro Regnis Hispaniarum suspensa est, vt diximus *ca. 19. num. 35.* Addunt plures Episcopum non posse hanc benedictionem negare, & quòd si neget, nihilominus posse Regulares in suis Ecclesijs prædicare. Eò quòd Concilium solum dicit, quòd *teneantur petere benedictionem*, nec dicit, & illam obtinere. Præsertim, quia benedictio iure petita, si iniuste negetur, videtur iure concessa. Henriquez *lib. 6. de pœnit. cap. 13. num. 4.* dicens, hoc censuisse Sac. Congregationem ann. 1597. Laurent. de Peirin. *tom. 1. de subdito. quest. 1. de Obed. cap. 22.* Vide Gauantum in *Man. Episc. verb. Regular. iura sub Episc. num. 35. & 36.* referentem aliquas declarationes Sacræ Congregationis Episcoporum, & Regularium circa hoc.

4 Non obstante etiam prædicta doctrina Concilij, putant aliqui posse Regularem doctum, & idoneum prædicare pro duabus, aut tribus vicibus, solum de licentia Parochi, in sua Parochia. Henriquez *lib. 7. de indulg. cap. 16.* Hoc verò solum admitterem, si pro tali persona, aut occasione præsumeretur licentia tacita, vel interpretatiua Episcopi, & esset in oppidis, vbi non sunt Episcopi, sed tantum Parochi; essetque hoc legitima consuetudine receptum, aliàs non. Cautè enim procedendum, maximè post Constitutionem Gregor. XV. num. præcedenti adductam, vbi videtur. Sed vide Barbofam *de potestate Episcopi Allegation. 76. num. 25.*

5 Licetum est, per se loquendo, Religiosos prædicare, etiam in locis publicis, vijs, & plateis Ratio est, tum ex exemplo plurimum Sanctorum, videlicet Antonij Paduani, Vincentij Ferrerij, & Petri Martyris id sæpe facientium, vt ex historijs ipsorum constat, tū quia hoc, nec diuina, nec humana lege est prohibitum, aut intrinsecè malum. Suarez 4. tom. de Relig. lib. 9. cap. 1. à num. 25. Vnde hoc possunt facere aliqui Religiosi, etiam sine licentia Episcoporum. Ratio est, propter multa priuilegia Religionibus concessa, præsertim Sixti IV. Carmelitis, Bonifacij IX. Prædicatoribus, Pauli III. Iesuitis, & Clementis V. Prædicatoribus, & Minoribus, quibus etiam gaudent aliæ Religionēs cum ipsis communicantes. Hæc autem priuilegia abrogata non sunt à Concilio Trident. aut Constitutione Gregorij XV. adducta, cum ex illis solum habeatur non posse sine licentia, aut benedictione Episcoporum, prædicare Regulares in suis, aut alienis Ecclesijs. Compendium priuilegiorum Mendicantium verb. *Prædicatores*. Miranda in Man. tom. 1. quæst. 50. art. 4. Numquam tamen vti possunt hac facultate prædicandi alicubi, contradicente Episcopo. Tum ex Concilio Trident. sess. 24. cap. 4. id expressè prohibente, tum quia prædicare verbum Dei, est proprium munus Episcoporum, atque ita adminus exigitur, ne cōtradīcant. Rodrig. tom. 3. quæst. Regul. quæst. 32. art. 5.

6 Etiam prædicante Episcopo possunt Religiosi suo munere, prædicandi vti. Ratio est, nam licet in Clement. Dudum, & in Extrauag. Inter cunctas, concedatur licentia Religiosis prædicandi, hora illa dumtaxat excepta, in qua locorum Prælati prædicare voluerint, vel coram se facere solemniter prædicari, tamen cum in alijs priuilegijs Religionum, quale est illud Pauli III. pro Patribus Iesuitis adductum, quo etiam gaudent qui cum ipsis communicant in priuilegijs, non ponatur talis limitatio, & licentia Episcoporum ad prædicandum supponatur, nec contradicant illa hora prædicare, poterit id fieri, nisi consuetudine oppositum sit receptum, aut aliunde constet Episcopo displicere talem concionem. Suarez 4. tom. de Relig. lib. 9. de societ. cap. 1. num. 30. Vide tamē circa hoc Sac. Congreg. Concilij, sub Sanctissimo Domino Nostro Urbano præceptum apud Barbosam de offic. Paroch. cap. 14. num. 2. & aliam declarationem eiusdem Sac. Congreg. apud Gauant. in Man. Episc. verb. Concio sacra, num. 52.

7 Prædicatorēs semel præsentati, & approbati ab Episcopis, nō possunt ab eisdem iterum compelli, vt præsententur, bene tamen à successoribus; iuxta dicta de Confessoribus. capit. præcedent. num. 7. Propter similem rationem. Miranda tom. 1. Man. quæst. 50. ar.

art. 9. Sorbus in annot. ad Compend. verb. Prædicatores.

8 Habent aliqui Prædicatores Regulares, videlicet Theatini, & qui cum ipsis communicant in privilegijs, privilegium Clement. VII. circa Officium Diuinum recitandum, de quo egimus cap. 12. num. 32. Habent etiam aliud Leonis X. privilegium circa ieiunia, concessum Minoribus, & per consequens alijs Religionibus, quæ communicationem privilegiorum habent cum illis: quòd scilicet prædicatores *actu prædicantes possint sine scrupulo, seruato ieiunio, anticipare, & retardare horas comestionis, & serotina collationis, iuxta suam consolationem.* Nauarrus in Man. c. 21. n. 16. & cap. 25. nu. 201. Miranda in Man. tom. 1. quest. 50. a. 11. & 12. Quia tamen privilegium hoc fuit viux vocis oraculo concessum, vt habet Caffarubius in Comp. priuil. Mendic. verb. Ieiunium. num. 5. ideo nihil valet. Iure tamen communi, & causa rationabili subsistente potest fieri id, quod isto privilegio concessum erat.

9 Religiosi prædicantes errores, aut scandala disseminantes in populum, etiam si in Monasterio sui, vel alterius Ordinis prædicent, ab Episcopis interdiciuntur quoad officium Prædicandi. Quòd si hæreses prædicauerint, contra eos, secundum iuris dispositionem, aut loci consuetudinem debent procedere. Concil. Trident. sess. 5. c. 2. Quaranta in summ. Bull. verb. Exemptio. Similiter Leo X. in Bulla Dudum. quæ habetur in appendice Bullar. fol. 21. præcipit in virtute S. Obedientiæ, & sub pœna excommunicationis latæ sententiæ, omnibus Religiosis cuiuscumque Religionis, ne deinceps Indulgentias, & gratias S. Mariæ de Populo de Vrbe, ad sæculares extendi prædicent, aut publicè, vel priuatè nunciènt, nisi solum ad Fratres, Moniales, Tertiarios, & familiares. Laert. in append. Bull. vt sup.

10 Item Concilium Lateranense sub Leone X. sess. 11. prohibet Prædicatoribus, ne de cætero in sermonibus suis publicis, alijs quæque futura ex literis Sacris constanter prædicent, nec illa à Spiritu sancto, vel diuina reuelatione se habuisse affirmare, & alienas inanes diuinationes asseuerando, aut aliquo modo quocumque tractanda assumant; sed ex diuinæ vocis præcepto Euangelium omni creaturæ, cum vitiorum detestatione, & virtutum commendatione, enucleent, atque declarent. Rursusque idem Concilium. Euangelicam veritatem, & Sacram Scripturam, iuxta declarationem, interpretationem, & ampliationem Doctorum, quos Ecclesia, vel diuturnus vsus approbavit, legendosque hæcenus recepit, aut in posterum recipiet, prædicent, & explanent. Neque quicquam eius proprio sensui contrarium, aut dissonum adijciant, sed illis semper insistant, quæ ab ipsius Sacræ Scripturæ ver-

verbis, & præfatorum Doctorum interpretationibus ritè, & sanè intellectis, non discordant. Tempus quoque præfixum futurorum malorum, vel Antichristi aduentum, aut certum diem Iudicii prædicare, vel asserere nequaquam præsumant, cum Veritas dicat nō esse Vestrum nosse tempora, vel momenta, quæ Pater posuit in sua potestate. Item ex eodem Concilio. Si quibusdam eorum Dominus futura quædam in Dei Ecclesia, inspiratione quapiam reuelauerit, &c. quoniam res magni momenti est, eò quòd non de facili credendum sit omni spiritui, sed teste Apostolo, probandi sunt spiritus, an ex Deo proueniant, Volumus, vt lege ordinaria tales assertæ inspirationes, antequam publicentur, aut populo prædicentur, ex nunc Apostolicæ Sedis examini reservatæ intellegantur. Quod si sine moræ periculo id fieri non valeret, aut vrgens necessitas aliud suaderet, tunc eodem ordine seruato, Ordinario loci notificetur, vt ille, adhibitis secum tribus, aut quatuor doctis, & grauib. viris, huiusmodi negotio cum eis diligenter examinato, quando id expedire videbitur (super quo eorum conscientias oneramus) illud propalandi licentiam concedere possint. Gaudent in *Man. Episcop. verb. Concio Sacra à nu. 35.* Tandem contra prædicatores in suo munere delinquentes sic procedit idem Concilium. *Vltra pœnas contra tales à Iure Statutas, excommunicationis etiam sententiam, à qua non nisi à Romano Pontifice praterquam in mortis articulo constituti, absolui possint, eos incurrere, volumus. Et vt eorum exemplo alij attentare similia minimè audeant, prædicationis etiam officium eis esse interdictum, perpetuò decernimus.* Vide Bullam inter Bullas Leonis X. *nu. 21.* Animaduertunt tamen aliqui huius Concilij censuras non fuisse receptas. Nauarrus in *Man. cap. 27. num. 111.* Suarez *tom. 5. disput. 22. sect. 6.* Quod aliorum iudicio remitto. Vide dicenda infra *num. 17.*

11 Concilium quoque Tridentinum *sess. 5. cap. 2.* Sic monet prædicatores, *Plebes pro sua, & earum capacitate pascant salutariis verbis, docendo ea, quæ scire omnibus necessarium est ad salutem, annuntiandoq; eis cum breuitate, & facilitate sermonis, vitia, quæ eos declinare, & virtutes, quas sectari oportet, vt pœnam æternam euadere, & cœlestem gloriam consequi valeant.* Vide Compendium priuilegiorum *verb. prædicatores,* & Simancas de *Cathol. Institut. tit. 49.*

12 Concionatoribus de Immaculatæ Mariæ Virginis Conceptione præter id quod illis antea præceptum erat à Sixto IV. scilicet, quòd neutram opinionem, affirmatiuam scilicet, aut negatiuam condemnare præsumerent, sub excommunicationis sententia

tia Papæ referuatæ; vterius illis præcipitur à Pio V. in Bulla, quæ incipit, *Super Speculam Domini* anno 1570. edita, quatenus nemo cuiuscumque Ordinis, gradus, conditionis, vel dignitatis existat, in popularibus concionibus, vel vbiicumque promiscue virorum, & mulierum multitudo conuenire solet, de huius controuersia alterutra parte disputare, rationibus, vel doctorum auctoritate, asserendo propriam sententiam, & contrariam refellendo, aut impugnando, vel de hac ipsa quæstione, cuiusvis pietatis, aut necessitatis prætextu, vulgari sermone scribere, vel dicere præsumat. Contra transgressores verò sic procedit. *Qui contrafecerit suspensionis pœnam à Diuinis absque noua declaratione ipsos factò incurrat, si modò fuerit in Sacris constitutus, & quocumque præterea gradu, siue dignitate, vel administratione fungatur, illis omnibus sit ipso iure priuatus, & ad eadem, vel similia munera obtinenda, vel obeunda perpetuæ inhabilitatis censura, ipso etiam factò sit obnoxius, super quibus nisi à Romano Pontifice pro tempore existente dispensari, siue absolui non possit. Et nihilominus alijs pœnis, si opus fuerit, à proprio Prælato pro delicti mensura infligendis subiiciatur, prout subiicimus.* Postea verò Paulus V. in alia Bulla anno 1616. edita, quæ habetur in appendice 3. Bull. fol. 68. approbavit, & confirmauit prædictas Bullas Sixti IV. & Pij V. ac præterea adiunxit, quòd si quis quouis modo contrauerit, præter supra dictarum Constitutionum pœnas respectiue ipso factò incurrendas, etiam concionandi, publicè legendi, seu docendi, & interpretandi facultate, ac voce actiua, & passiuæ in quibuscumque electionibus, eo ipso, absque alia declaratione priuatus existat, necnon ad concionandi, & publicè legendi, docendi, & interpretandi perpetuæ inhabilitatis pœnas similiter ipso factò incurrat absque alia declaratione, à quibus non nisi à Nobis ipsis, vel Successoribus nostris Roman. Pontificibus pariter absolui, seu super ijs dispensari possit, & nihilominus alijs pœnis, nostro, & eorundem Romanorum Põtificum Successorum nostrorum arbitrio infligendis, subiiciatur, prout eum subiicimus per præsentis, & contra huiusmodi transgressores etiam Regulares cuiusvis Ordinis, & Instituti, etiam quomodolibet exemptos, & alias quascumque Ecclesiasticas, & seculares personas, cuiuscumque status gradus, Ordinis, aut dignitatis tam Ecclesiasticæ, quàm secularis, ut præfertur, tam Episcopi, & Prælati, Superiores, alijque Ordinarij locorum, quàm hæreticæ prauitatis vbiq; locorum deputati Inquisitores procedant, & inquirent, atque in eos seuerè animaduertant. Nos enim ijs, & eorum cuilibet contra eosdem transgressio-

gressio-

gressores procedendi, & inquirendi, ac pœnis coercēdi, & puniendi liberam facultatem, & auctoritatem, iisdem auctoritate, & renore tribuimus, & impartimur, eosque, vt præfertur procedere, inquirere, & punire præcipimus, & mandamus. Post quæ sacra Congregatio Sanctæ Inquisitionis coram eodem Paulo V. die 31. Augusti Anni 1617. Præcepit omnibus, & singulis cuiusvis Ordinis, & Instituti Regularibus, & alijs quibuscumque, tam Ecclesiasticis, quàm secularibus personis cuiusvis conditionis, status, gradus, Ordinis, aut dignitatis, tam Ecclesiasticæ, quàm secularis, etiam si specialis, specifica, & indiuidua earum esset necessario mentio facienda, vt in posterum, donec articulus huiusmodi à S. Sede Apostolica fuerit diffinitus, vel per Sanctitatem suam, & Sedem Apostolicam fuerit aliter ordinatum, non audeant in publicis Concionibus, Lectionibus, Conclusionibus, & alijs quibuscumque actibus publicis asserere, quòd eadem Beatissima Virgo fuerit concepta cum peccato Originali. Contrafacientes autem eadem Sanctitas sua voluit, & declarauit, subiacere debere, & subiecit censuris, & pœnis contentis in supradictis Constitut. suorum Prædecessorum, & sua, ipsosfacto incurrendis. Per huiusmodi tamen prouisionem Sanctitas sua non intēdit reprobare alteram opinionem, nec ei vllum prorsus præiudiciū inferre, eam relinquens in eisdem statu, & terminis, in quibus de præsentī reperitur, præterquàm quoad supra disposita. Vtcrius sub eisdem censuris, & pœnis mandans, quòd negatiuam opinionem, videlicet, quòd non fuerit concepta cum peccato originali in prædictis publicis actibus asserentes aliam opinionem non impugnent, nec de ea aliquo modo agant, seu tractent. Insuper voluit, & expressè mandauit, vt extra hos casus expressos publicorum actuum, in reliquis omnibus supradictæ Constitutiones firmæ, & illæ remaneant, & exactè obseruentur perinde, ac si præsens Decretum non emanasset. Et ita decreuit, & mandauit vbique inuiolabiliter obseruari, non obstantibus in hac parte supradictis Constitutionibus, & alijs omnibus in contrarium facientibus. Volens, & decernens pro obseruatione, & executione præsentis Decreti, & omnium in eo contentorum, quòd contra huiusmodi transgressores, etiam Regulares, cuiusvis Ordinis, & Instituti, etiam quomodolibet exemptos, & alias quascumque Ecclesiasticas, & seculares personas cuiuscumque status, conditionis, gradus, Ordinis, aut dignitatis tam Ecclesiasticæ, quàm secularis, tam Episcopi, & Prælati, Superiores, alijque Ordinarij locorum, quàm hæreticæ prauitatis vbique locorum deputati Inquisitores procedant, & in eos seuerè animaduertant, tribuens eis, & eorum
cui-

cuiuslibet liberam facultatem, & auctoritatem contra eosdem, transgressores procedendi, ac pœnis coercendi, & puniendi. Vide 4. tom. Bullarij in Paul.V. num.7. Postea verò Gregorius XV. in Generali Congregatione S. Inquisitionis ann.1621. & habetur inter Bullas Gregor.XV.in 4. tom.Bullarij num. 29. prædictum. Decretum Paul.V. extendit, & ampliavit, etiam ad priuata colloquia, & scripta, mandans, & præcipiens omnibus, & singulis supradictis, *ne de cætero, donec articulus huiusmodi à Sede Apostolica diffinitus, vel per Sanctitatem suam, aut Sedem Apostolicam fuerit aliter ordinatum, neque etiam in sermonibus, & scriptis priuatis audeant asserere, quòd eadem Beatiss.Virgo fuerit concepta cum peccato originali, nec de hac opinione affirmatiua aliquo modo agere, seu tractare, &c.* Concessit tamen idem Pontifex in alia Bulla eodem anno (prout habetur in prædicto loco 4.tom.Bullar.inter Bullas huius Pontificis vt supra) *Omnibus, & singulis Ordinis Predicatorum Fratribus, vt de cætero in quibuscumque priuatis eorum colloquijs, seu conferentijs, inter se dumtaxat, & non inter alios, aut cum alijs de materia eiusdem Conceptionis B. Maria Virginis differere, & tractare absque vllò pœnarum in dictis Decretis contentarum incurso, liberè, & licitè possint, & valeant. Cauantus in Manuali Episcop.verb.Conceptio B.Virginis.*

13 Possunt Concionatores Carmelitarum in suis concionibus prædicare de speciali protectione Beatiss.Virg.circa eos, eorumque Confratres, videlicet quòd populus Christianus possit piè credere, eamdem Beatissimā Virginem, animas Fratrum, & Confratrum eiusdem Ordinis in charitate decedentium, quæ in vita habitum gestauerint, & Castitatem pro suo statu coluerint, Officiumque paruum recitauerint, vel si recitare nesciant, Ecclesiæ ieiunia obseruauerint, & feria quarta, & Sabatho à carnibus abstinerint (nisi vbi in ijs diebus Natiuitatis Domini festum incidit) suis intercessionibus continuis, pijsque suffragijs, & meritis, ac speciali protectione post earum transitum, præcipuè in die Sabbathi, (qui dies ab Ecclesia eidem Beatissimæ Virgini Mariæ dicatus est) adiuturam. Sic enim post varias controuersias discussum, matura deliberatione decretum fuit à S. & generali Inquisitione Eminentiss.DD.Cardinalium sub Paulo Quinto anno 1613. & ab Eminentissimo Cardinali Millino transmissum ad Generalem Inquisitorem Regni Lusitaniz, & ab eadem Inquisitione authenticatum, & publicatum, Vide Ioannem Pintum in *Hierarchia Carmelit.tract.3. à c.4. & dicta ex Clem.VII. c.3.n.17.*

14 Non possunt admitti ad munus concionandi, aut illud exercere infames infamia iuris, vel facti. Quia prædicare, & sacrificare

ficare parificantur *cap. Presbyteros, qui, d. 30.* Indecens etiam videtur, ut tantum munus infamibus demandetur. Laurentius de Peirinis *tomo 2. priuileg. Minim. in Const. 10. Urban. VIII. nu. 5.* Quod tamen limitare videtur, si talis post peccatam poenitentiam verè resipiscant, absitque scandalum, & periculum recidendi, & id publicè non fiat, sed nesciò quomodo possit aliquis concionari, & non publicè.

15 Concionatores in statu peccati mortalis quantumuis occulti existentes, peccare mortaliter, si ante debitam contritionem, vel Confessionem præmissam, prædicent, docent aliqui aucthores. Caietanus *3. par. questione 64. articulo 6.* & indicat Nauarrus in *Manual. cap. 25. num. 141.* Oppositum tamen docent alij. Sotus in *4. dist. 1. quest. 5. art. 6.* Medina *G. de poenit. tract. 1. quest. 5.* Ad minus tamen semper credo tales peccare venialiter. Quia munus prædicandi est annexum Ordini, & præcipuè consecrationi Episcopi, & actio illa est satis grauis, & in ea operatur homo ut Spiritus sancti organum. Per accidens etiam peccabunt mortaliter, vel ratione scandalì, si Concionatorum peccatum publicum sit, vel quia inde fit, ut verbum Dei fiat contemptibile, & nullius æstimationis. Suarez *3. tom. in 3. par. disp. 16. sect. 3. in fine.*

16 Qui concionando fabulas, facetias, aut aliquid ridiculum, miscet, regulariter peccat saltem venialiter. Quia abutitur munere sacro, miscendo sacra prophanis. Caietanus *2. 2. quest. 164. art. 2.* Nauarrus in *Manual. cap. 25. numero 142.* Addens, nec semper hoc esse peccatum veniale, quando scilicet aliquod verbum breuiter ad aliquam honestam hilaritatem dicitur. Vide Bullam Leon. X. ut supra *nu. 10. relatum.*

17 Prohibitum est a Sac. Congregat. Episcoporum, & Regularium, ne Concionatores commendent pauperes in proprijs Ecclesijs sine licentia Episcopi; bene tamen propria Monasteria. Ita refert Gauantus *verb. Concio sacra. num. 42.* Debent etiam Concionatores Regulares in concionibus ad populum uti Euangelij, & Epistolis, quæ leguntur à Clero seculari eius Ecclesiæ, ubi degunt. Sic enim decreuit Sacra Congregat. Concil. apud Quarentam in *Summ. Bullar. verb. Priuil. Regular.* & diximus supra *cap. 9. num. 46.* Nec possunt publicare Indulgentias, intellige non publicatas per Ordinarios locorum. Sic enim habetur ex Conc. Trident. *sess. 21. cap. 9.* Imò publicantes falsas Indulgentias, seu indiscretas, peccant omnino mortaliter, contra præceptum Obedientiæ illis impositum in Clement. de *priuileg. cap. Religiosi.* Nec possunt esse quæstores, seu elemosynarij. (dicuntur autem quæ-


sto-

stores, qui quæstum sibi referunt. Baldus apud Barbosam *de potest. Episc. Alleg.* 109. num. 6.) Nam expressè habetur in Conc. Trident. *sess. 5. cap. 2.* quòd quæstores, *nec per se, nec per alium prædicare præsumant.* & *sess. 21. cap. 9.* talium nomen, usus, & officium omnino extinguuntur. Licet eos soleat Sedes Apostolica concedere cum certis conditionibus, de quibus Zerola *in praxi par. 1. verb. Quæstores.* & Gauantus *in Man. Episc. verb. Quæstores.* Præterea prædicantes miracula falsa, non solum peccant mortaliter, quia committunt mendacium perniciosum, cum sic facientes tollant quantum in se est veritatem miraculorum Fidei, & sint in causa, quòd fides illis non adhibeatur: sed etiam videntur incurrere sententiam excommunicationis Papæ reservatam, latam à Leone X. & Conc. Lateranens. de qua supra num. 10. Bonac. circa 8. *præceptum Decal. disp. 10. quæst. 1. punct. 2. num. 7.* Qui verò in prædicationibus falsum dicunt in citationibus, vt in numero capitum, nomine authorum, vel loco vnius Prophetæ alterum dicendo, non peccant mortaliter; cum non committant mendaciū in doctrina, sed in accidentibus, & sine præiudicio proximorum. Caietanus 2. 2. *quæst. 110. art. 4.* Azor 3. p. lib. 13. cap. 1. dub. 6.

18 Pro excommunicatione, quam incurrunt Religiosi, qui aliqua in suis concionibus dicunt impediētes solutionem decimarum, vide *cap. 9. num. 26.* A quibus debeant examinari Concionatores Regulares, vide Decretum Clem. VIII. & Urban. VIII. *cap. 18. num. 79.* Quando possunt dispensari in seruitio Chori, *cap. 10. num. 20.* Qualiter possint prædicare in eorum Ecclesijs quando prædicatur in Ecclesia Cathedrali, vide declarationem S. Congregat. *cap. 12. num. 41.*

De obligationibus Sacerdotum Regularium,

C A P. X X I.

1  ELIGIOSVS Sacerdos non solum tenetur celebrare in præcipuis anni festiuitatibus sicut alij Sacerdotes, etiam nullā curam animarum habentes, eò quòd hoc cōgruit iuri naturali, secundum quòd quilibet tenetur gratiam sibi datam alijs cōmunicare, & iuri diuino, in illis verbis: *Hoc facite in meam commemorationem; sed etiam tenetur regulariter*

riter id facere, tum propter scandalum, quod solet sequi, si Sacerdos regulariter non celebret; tum etiam, quia regulariter Religiosi sunt obligati ad Missas dicendas, vel propter stipendia, accepta, vel propter eleemosynas, quas à fidelibus acceperunt intuitu suffragiorum, & orationum eorundem. Siluester *verb. Missa. Sot. in 4. distinet. 13. quest. 1. art. 10.*

2 Quamvis de iure communi nulli licitum sit noctu, & ante lucem celebrare, nisi solis Episcopis, iuxta gloss. *in cap. fin. de priuileg. lib. 6.* Nauarr. *in Man. cap. 25. num. 85.* Similiter nec liceat regulariter Missam post meridiem celebrare, nisi in casu raro, & existente rationabili causa. Suarez *tom. 3. in 3. part. disp. 80. sect. 4.* Sunt tamen aliqua priuilegia circa hoc, aliquibus Regularibus concessa. Primò enim Pius Secundus concessit Minoribus, vt possint celebrare vna hora ante auroram. Insuper Leo Decimus concessit, vt de licentia suorum Superiorum, quorum conscientijs se remittit, quomodo Fratres debeant vti hac gratia, possint celebrare illico post Matutinum, & etiam post meridiem, præsertim diebus, quando est de audienda Missa præceptum, & quando Fratres debent ambulare, seu quando de via veniunt, & non possunt ante meridiem applicare ad locum, vbi commodè possint Missam audire, vel honestè celebrare. Præterea Sixtus Quartus concessit etiam Minoribus, quòd Sacerdotes necessitatis causa, possint ante, & post horam statutam ab Ecclesia, celebrare. Quæ priuilegia non videntur abrogata neque per Concilium Tridentinum, cum in eo solùm præcipiatur Ordinarijs, vt compellant Regulares ne vtantur dictis priuilegijs, neque per Constitutionē Pij V. quæ incipit *Sanctissimus in Christo Pater*, quia illa solùm videtur esse cōtra illos, qui celebrabant noctu in vigilijs quarūdam festiuitatum, vel contra eos, qui regulariter; & absque vlla causa post meridiem celebrant. Rodriguez *tom. 1. quest. 43. art. 2. & 5.* Miranda *in Man. tom. 1. quest. 41. art. 10. & 11.* Nihilominus quia Sac. Congregatio declarauit; *Ante diem, & horis indebitis celebrare non licet, etiam vigore priuilegiorum ante Concilium Tridentinum concessorum*, nihil iam valent prædicta priuilegia, eò præsertim, quia cum fuerint viuæ vocis oracula (vt patet ex Casarrubio *in Comp. priuileg. Mendic. verb. Missa 2. quoad tempus.*) reuocata iam sunt, vt sæpe diximus. Concessio autem, quæ à Gregor. XIII. facta est pro Iesuitis, parum, aut nihil continet priuilegij, vt bene Rodriguez *vt supra art. 2.* Missæ verò omnes Natiuitatis Domini (nisi aliter consuetudine introductum sit) possunt celebrari ante auroram, saltem iure communi. Vazquez *tom. 3. in 3. p. disp. 232. cap. 3. num. 32. &* sine priuilegio etiam, in

aliquo solemnī festo, cum Concio non finitur nisi post meridiem, vel si ratione itineris occurrat in die festo tardius venire; poterit etiam celebrari aliquo tempore post meridiem. Vazquez *num. 37. Laurent. de Peirin. de priuil. Minim. tom. 1. circa Constitut. Pyrrbi §. 7.*

3 Non est peccatum mortale dicere Missam ante Matutinum, seu Laudes, (quamvis multi oppositum sentiant. Gauantus *tom. 1. Theol. par. 2. tit. 1.*) Fō quōd nullum est præceptum tam grauitè obligans. *Sot. 10. de Iust. quæst. 5. art. 4. Suarez 3. tom. in 3. part. disp. 82. sect. 1.* Erit tamen veniale, si sine aliqua rationabili causa id fiat; quia est aliqualis inuersio ordinis Ecclesiæ consuetudine introducti. Siluester *verb. Missa 1. quæst. 1.* De Prima autem non est talis obligatio. Tolet. *in Summ. lib. 2. cap. 1.*

4 Possunt Religiosi Sacerdotes recipere stipendia pro Missis celebrandis, illa scilicet, quæ communi lege, aut consuetudine fuerint taxata, seu, quæ à viris timoratis peti, & dari solent. Cum hoc nullo iure naturali, Diuino, aut Ecclesiastico sit prohibitum. Suarez *3. tom. in 3. par. disp. 86. sect. 2.* Excipiuntur ab hac regula Patres Societatis (& idem dico de alijs Religiosis, quibus ex vi suarum Constitutionum est illis prohibitum accipere stipendia pro Missis, & alijs actionibus spiritualibus.) Ratio est, quia *in Exam. cap. 1. §. 3. & 6. par. Conflit. Societ. cap. 2. §. 7.* prohibetur illis admittere *stipendium pro Missarum Sacrificijs, vel Predicationibus, vel Lectionibus, vel ullius Sacramenti administratione.* Vnde tales recipientes stipendia peccant contra paupertatem. Quia recipiunt aliquid contra voluntatem Superiorum, quod est actus proprietatis. Sanchez *lib. 7. in Decal. cap. 28. num. 7.* Poterit tamen in hoc dari paruitas materiæ, sicut in alijs votorum transgressoribus. Enriquez *lib. 9. de Euchar. cap. 22. nu. 3.* Sanchez *ut sup. num. 8.* Vide dicta *cap. 6. num. 36.*

5 Quamvis multi Theologi velint Sacerdotes pauperes (quod maximè procedit in Religiosis) accipere posse plura stipendia pro vna Missa, tot scilicet, quot fuerint ad suam firmitatem, & congruam sustentationem necessaria. Ludou. Veja *in lib. Respon. ad casus conscientia Congreg. 4. cas. 3.* Petr. Nauarr. *lib. 2. de Restit. cap. 2. num. 433.* Hæc tamen sententia in praxi iam sustineri non potest propter Decretum de celebratione Missarum Sac. Congreg. Conc. S. D. N. Urb. VIII. auctoritate editū an. 1625 quod habetur *4. to. Bull. inter Const. Urb. n. 43.* vbi id prohibetur, per hæc verba: *Vbi pro pluribus Missis, etiam eiusdem qualitatis, celebrandis, plura stipendia, quantumcumque incongrua, & exigua, siue ab vna, siue à pluribus personis collata fuerint, aut conferantur in futurum Sa-*

cer-

cerdotibus, Ecclesijs, Capitulis, Collegijs, Hospitalibus, Societatibus, Monasterijs, Conuentibus, Congregationibus, domibus, ac locis pijs quibuscumque, tam secularibus, quàm Regularibus; Sacra Congregatio sub obtestatione Diuini Iudicij, mandat, ac præcipit, vt absolute tot Missæ celebrentur, quot ad rationem attributa elemosynæ præscripta fuerint; ita vt alioquin ij, ad quos pertinet, sua obligationi non satisfaciant, quinimò grauius peccent, & ad restitutionem teneantur. Et quamuis circa hoc multa fuerint à Summis Pontificibus concessa priuilegia Regularibus, illa tamen omnia, reuocata iam sunt ab eadem Sacra Congregatione, dicente, Eadem auctoritate reuocat priuilegia, & indulta omnia quibusuis personis, Ecclesijs, ac locis pijs, tam secularibus, quàm Regularibus, cuiuscumque Ordinis, Congregationis, & Instituti, quancumque ob causam concessa, quibus indulgetur, vt certarum Missarum, vel Annuariariorum celebratione, aut aliquibus Collectis, seu Orationibus, plurium Missarum oneribus in futurum suscipiendis, satisfiat. Gauantus in *Thesaur. tom. 1. par. 3. tit. 12.* Num autem non obstante huiusmodi Sacr. Congregationis Decreto, in casu grauis necessitatis citra extremam, possit Sacerdos pauper plura stipendia pro vna Missa recipere, iuxta sui strictam, & congruam sustentationem, (inhærendo maximè sententiæ affirmanti Sacrificium, Missæ esse infiniti valoris, ita vt pluribus applicatum, tantum, quantum ad valorem, qui ex opere operato Missæ correspondet, valeat singulis, ac si pro ipsis solis applicaretur, vt tenet Vasquez *tom. 3. in 3. par. disp. 231.* & procurando alijs vijs, & modis, per opera scilicet satisfactoria, Orationes, & Indulgentias recompensare id, quod de fructu Missæ ex opere operantis proueniret vnicuique, si pro ipso solo applicaretur) aliorum iudicio remitto, nostram verò sententiam in speciali Tractatu de hac re, Deo duce, proferemus.

6 Quamuis etiam Abbates, & Generales Religionum possent olim in Capitulis Generalibus Missas ad minorem numerum, reducere, iuxta Decretum Conc. Trident. *sess. 25. de reformat. cap. 4.* Nullatenus iam id possunt facere, propter Decretum Sacræ Congregationis Concilij, iam adductum, quo strictè prohibet, & interdicat Sacr. Congregatio, ne Episcopi in Diocesana Synodo, aut Generales in Capitulis Generalibus, vel alijs quoquomodo reducant onera vlla Missarum celebrandarum, aut post idem Concilium imposita, aut in limine foundationis, sed pro his omnibus reducendis, aut moderandis, vel commutandis ad Apostolicam, Sedē recurratur; quæ, re diligenter perspecta, id statuet, quod magis in Domino expedire arbitrabitur, alioquin reductiones, mo-

derationes, & commutationes huiusmodi, si quas contra huius prohibitionis formam fieri contigerit, omnino nullas, atque inanes decernit. *Gauantus vt sup. tit. 12. num. 43.*

7 Quamuis etiam alij Theologi dixerint, posse Sacerdotem accipere Missam celebrandam cum certa eleemosyna, & postea alteri Sacerdoti eam Missam committere, retenta sibi parte eleemosynæ (Bonac. *de Sacram. disp. 4. quæst. ult. punct. 8. num. 18.*) Id tamē iam non licet propter Decretum Sacræ Congregat. loco citato, quo prohibet Sacerdoti, qui Missam suscepit celebrandam cum certa eleemosyna, ne eandem Missam alteri, parte eiusdem eleemosynæ sibi retenta, celebrandam committat. Cum autem ab eadem Sacra Congregatione quæreretur, an permittendum sit Administratoribus Ecclesiarum, vt retineant aliquam eleemosynarum portionem pro expensis manutentionis Ecclesiæ, Altarium inferuentium, paramentorum, luminum, vini, hostiæ, & similium? Similiter, an hoc Decretum habeat locum in beneficijs, quæ cōferuntur in titulum, id est, an Rector beneficij, qui potest per alium celebrare, teneatur Sacerdoti celebranti dare stipendium ad rationem reddituum beneficij? Præterea, an Sacerdotes, quibus aliquando offertur eleemosyna maior solita pro celebratione Missæ, debeant dare eandem integram eleemosynam ijs, quibus Missas celebrandas committunt; an verò satis sit, vt dent celebrantibus eleemosynam consuetam? Ad primum respondit eadem Cōgregatio, permittendum non esse, vt Ecclesiæ, ac loca pia, seu illorum Administratores ex eleemosynis Missarum celebrandarum, vllam, vtcumque minimam, portionem retineant, ratione expensarum, quas subeunt in Missarum celebratione, nisi cum Ecclesiæ, & loca ipsa alios non habent redditus, quos in vsum earumdem expensarum erogare licitè possent; & tunc quam portionem retinebunt, nullatenus debere excedere valorem expensarum, quæ pro ipsomet tantum Missæ Sacrificio necessariò sunt subeundæ, & nihilominus eo etiam casu curandum esse, vt ex pecunijs, quæ supersunt, expensis, vt supra, deductis, absolutè tot Missæ celebrentur, quot præscriptæ fuerint ab offerentibus eleemosynas. Ad secundum respondit, non habere locum, sed satis esse, vt Rector beneficij, qui potest per alium Missam celebrare, tribuat Sacerdoti celebranti eleemosynam congruam secundum morem Ciuitatis, vel Prouinciæ, nisi in fundatione beneficij aliud cautum fuerit. Ad tertium, debere absolutè integram eleemosynam tribuere, Sacerdoti celebranti, nec vllam illius partem sibi retinere posse. Vide Decreta hæc 4. tom. Bull. vt sup. & apud Peirin. to. 2. priusl. Minim. inter Const. Urb. n. 9. Gauan. in Thest. to. 1. p. 3. tit. 12. à num. 34.

Præ-

Præcipitur etiam in eodem Decreto *de Celebratione Missæ*. vt pecuniæ, ac bona mobilia Regularibus relicta cum onere perpetuo Missarum celebrandarum, sub pœna interdicti ab ingressu ecclesiæ ipso facto incurrenda, à die realis acquisitionis, statim deponi debeant penes Ædem Sacram, vel personam fide, & facultatibus idoneam, ad effectum illa quamprimum inuestiendi in bonis immobilibus fructiferis, cum expressa mentione oneris, quod illis annexum reperitur. Et, quòd si eadem bona immobilia deinceps alienari contigerit, eorundem pretium sub eadem pœna, deponi, & in alijs bonis stabilibus etiam fructiferis, cum eiusdem oneris repetitione, atque annexione conuerti, debeat. Insuper præcipitur Regularibus, ne in posterum prædicta onera perpetua suscipiant Missarum sine Generalis, vel Prouincialis consensu, & licentia in scriptis, & gratis concedenda, sub pœna priuationis Officiorum, quæ tunc obtinent, ac perpetuè inhabilitatis ad alia de cætero obtinenda, vocisque actiue, ac passiue absque alia declaratione. Vide Decreta citata vt supra *num. 1.* & *Gauantum tomo 1. Thesaur. p. 3. tit. 12. num. 41. & 42.* Quamuis præterea multorum sententia fuerit posse Sacerdotes non habentes eleemosynas de præsentibus, pro quibus offerant Missas, illas nihilominus anticipatè dicere, ipsas applicando pro illis, qui sibi postea daturi sint eleemosynas, maxime si hoc fiat non suspendendo effectum Sacrificij, sed illum ex tunc applicando pro illis, qui eleemosynas daturi sint (*Aragon de Iustitia q. 85. art. 3. dub. 1.*) Nihilominus, quidquid sit de veritate huius sententiæ speculatiue loquendo, in praxi tamen non est approbanda, tum propter aliqua, de quibus Bonacina *disp. 4. de Eucharistia q. ult. punct. 7. §. 3. num. 3.* tum præcipue, quia huiusmodi anticipata celebratio pro incerto eleemosynam oblaturus est prohibita à Paulo V. & S. Congregat. Concil. 15. Nouemb. 1605. Vide *Gauantum in Man. Episcop. verb. Missa num. 33.* Anticipata autem celebratio eius Missæ, quæ die sequenti dicenda erat, non est prohibita, cum potius Sacerdos sic faciens, ad instar boni debitoris, anticipatè soluat. Barboza *de Potest. Episcop. Allegat. 24. num. 14.* Nisi fortè contrarium expressè declaretur à cedente eleemosynam, vt probat Bonacina *vt supra num. 4.*

8 Quamuis iure communi prohibitum sit Religiosis administrare secularibus Sacramentum Eucharistiæ absque licentia Parochi sub pœna excommunicationis ipso facto in *Clement. Religios. & de priuileg. & excess. Pralat.* tamen ex priuilegijs Nicolai V. & Sixti IV. id possunt facere Religiosi Minores Confessores, & ex priuilegio Iulij II. Minimi, & ex Pio V. omnes Médicantes, & eorū priuilegia cōmunicantes, præterquam in die Paschatis,

ris, tempore scilicet, quo ex præcepto Ecclesiæ tenentur seculares communicare. Rodriguez *l. 1. q. 36. art. 3.* Miranda *in Manu. 10. l. 1. q. 42. ar. 1. & 2.* Qui autem communicauit aliquo die ex prædicto tempore in sua Parochia potest (secundum aliquos) etiam alio die eiusdem Paschatis communicare apud Regulares. Cum iam adimpleuerit præceptum Ecclesiæ, nec aliud intendatur in prædicta exceptione. Vincentius Filiucius *tom. 1. trac. 4. cap. 9.* Barbosa *de Offic. Parochi cap. 20. num. 10.* Laurentius de Peirinis *tom. 1. Priuileg. Minim. in Constitut. 1. Iulij II. §. 37. num. 86.* Qui etiam *num. 90.* tenet etiam in die Paschæ posse Religiosos ministrare Eucharistiam peregrinis. Quod tamen negare videtur Barbosa *ut supra num. 23.* Immo dicitur declaratum à S. Congreg. Concil. non posse in die Pasch. sumere in Ecclesia Regular. Eucharistiam, eum, qui satisfecit in Paschate in Parochia. Gauntius *in Man. Episc. ver. Euchar. num. 23.* Vnde cautè procedendum. Presbyteri quoque seculares dicentes Missas in domibus Religiosorum Mendicantium possunt ex eorum licentia seculares communicare. Non solum, quia ita praxi obseruatur, sed etiam ob priuilegium Iulij II. Minimis concessum, quo participant etiam Mendicantes Religiosi. Licet illud non ita clarè contineat hanc concessionem. Calarub. *in Compend. verb. communicare num. 13.* Medina *in Instruct. Confess. lib. 1. cap. 11. §. 3.* Enriquez *tom. 2. de Euchar. lib. 7. num. 1.* Similiter in casibus necessitatis, scilicet articuli mortis, absente Parocho, possunt Religiosi Sacramentum Eucharistiæ tamquam Viaticum fidelibus ministrare. Quia tunc præsupponitur Parochorum licentia. Suarez *tom. 3. in 3. p. disp. 72. sect. 2.* Rodriguez *ut supra art. 5.*

9 Possunt etiam prædicti Sacerdotes Regulares ex licentia Parochi Sacramento Matrimonij assistere. Quia hoc videtur supponi *in Clem. Religiosi de priuileg.* Id tamen facientes sine licentia prædicta sunt excommunicati excommunicatione Papali in prædicta *Clement.* Miranda *10. l. 1. Man. q. 48. per totam.* Vide dicta *cap. 9. num. 3 l.*

10 Quamuis etiam non possint Sacerdotes Regulares ministrare Sacramentum extremæ Vnctionis sine licentia Parochi sub pena excommunicationis latæ sententiæ *in prædicta Clement. 1. de priuileg.* In casu tamen necessitatis, & absentia Parochi, quando scilicet præsumitur licentia interpretatiua ipsius, possunt id facere, neque incurrunt in prædictam excommunicationem. Siluest. *ver. vnctio q. 4. Sot. in 4. d. 23. q. 2. ar. 1.* Similiter ex priuilegijs Sedis Apostolicæ in eadem Clem. possunt plures Regulares familiaribus suis, aut pauperibus in hospitalibus suis degentibus hoc Sacramentum ministrare. Miranda *in Manual. tom. 1. quest. 49. art. 1.*

art. 1. referens varia priuilegia . Specialiter Alexand. IV. concessit Carmelitis posse ministrare Sacramenta , & dare sepulturam suis familiaribus . *Speculum Ordinis fol. 62.* Et Sixtus IV. in Bulla *Dum attenta*, quæ est Mare magnum Carmelitarum concessit eisdem, quòd in casu, quo Rectores Parochialium Ecclesiarum difficiles se reddant in exhibitione Eucharistiæ, & Extremæ Vnctionis erga illos, qui dictis Fratribus confessi sunt , illis sine causa rationabili denegando, vel differendo dictorum Sacramentorum administrationem, illa petentibus possint exhibere . *Speculum Ordinis fol. 87.* Vide etiam alia ad hoc intentum in Peirinis supra relato, *præsertim à num. 93.* Sed prædictos familiares Religiosorum ad Parochiam in Paschate pro Communionem mittendos esse declarauit S. Congreg. apud Gauantum in *Man. Episcop. v. Eucharist. nu. 24.*

11 Audientes Missas in Ecclesijs Fratrum Medicantium in Dominicis, & Festis diebus satisfaciunt præcepto Ecclesiæ de Missa audienda . Ex priuilegio Leon. X. Quod non est derogatum per Concilium Tridentinum *sess. 22.* quatenus habet quòd Episcopi moneant populum , vt frequenter ad suas Parochias, saltem diebus festis, & Dominicis accedant . Quia Concilium id non præcipit, & quia ita declarauit S. Congregat. vsuque obtinetur. *Rodriguez tom. 1. quæst. 43. art. 7.* Flau. Cherub. in *Compend. Bull. fol. 100.* Animaduerte tamen prædictum Leon. X. voluisse id fieri non contempto proprio Parocho .

12 Sacerdotes Regulares (sicut & non Regulares) etiam si ab Ordinarijs, aut suis Prælatis licentiam non obtineant, possunt in casu necessitatis extremæ, seu articulo mortis omnium quorumcumque secularium Confessiones audire, & ab omnibus casibus, & censuris quantumuis reseruatis absoluerè . Quia in tali casu omnes Sacerdotes habent authoritatem ab Ecclesia, *cap. quod de his de sent. excomm. & cap. pastoral.* Nauarrus in *cap. 1. de pœnit. d. 6. num. 73.* Possunt etiam semper absoluerè à peccatis venialibus, seu etiam mortalibus aliàs confessis, cum ad hoc sufficiat Iurisdicção vniuersalis, quæ est communis omnibus simplicibus Sacerdotibus . Suarez 4. *tom. de Relig. tract. 8. lib. 2. cap. 16. nu. 1.* Peccabunt tamen, si sine licentia Superiorum id faciant, quia non sunt sui iuris, sed alterius, scilicet Prælati, ratione voti Obedientiæ . Nauarrus in *Summa cap. 4. num. 6.* Grassi 1. *par. decis. lib. 1. cap. 13. nu. 87.* Vide dicta *cap. 19. nu. 12.*

13 Quamuis probabiliter aliqui asserant simplices Sacerdotes posse absoluerè ab excommunicatione minori, sicut à peccatis venialibus, propter similem rationem . Nauarrus in *Man. c. 27.*

num. 25. Probabilius tamen est oppositum; eò quòd talis abolutio sit actus alicuius Iurisdictionis, quam non habent simplices Sacerdotes extra casum extremæ necessitatis. Caietanus in *Summa verb. excommunic.* Vincentius Filiucius *tomo 1. tract. 13. cap. 7.*

14 Quamuis olim propter priuilegia Religionum, specialiter pro Carmelitis Urbani V. & Sixti IV. vt habetur in *Speculo Ordinis* f. 69. & 89. pro Prædicatoribus, & Minoribus *cap. in his de priuileg.* & pro Minimis Iulij II. possent Regulares celebrare Missas in quocumque loco honesto cum altari portatili, & viatico; hæc tamen antiquata iam sunt per Concilium Trident. *sess. 22. in Decret. de obseru. & vitand. in celebrat. Miss.* per illa verba, *Neue patiatur in priuatis domibus, atque omninò extra Ecclesiam, & ad diuinum tantum cultum dedicata Oratoria ab eisdem Ordinarijs designanda, & visitanda, Sanctum hoc Sacrificium peragi, &c.* & in fine additur, *Non obstantibus priuilegijs, exemptionibus, &c.* Nauarrus in *Manual. cap. 25. num. 82.* Azor *tomo 1. Institut. moral. lib. 10. cap. 26. quaest. 7.* Sed Gregorius XIII. in Bulla *Vsum Altaris 3. tom. Bullar. inter Bullas Gregorij num. 57.* concessit Presbyteris Societatis Iesu, vt in missionibus, quas faciunt, vt possent altari viatico, & super illud vbique gentium, modò loca, tuta sint, & honesta, Iudicio Generalis, aut Prouincialis, Missæ sacrificiū celebrare. An verò aliæ Religiones cū Societate comunicatæ fruantur d. priuilegio? Suar. id negat *t. 3. in 3. p. disp. 81. sect. 3.* Alij verò affirmāt, quibus assentior, dummodò hoc sit cum conditionibus à Pontifice assignatis, & inter missiones. Peirinis *tomo 1. priuileg. Minim. in Constit. Pyrrhi num. 28.* In Oratorijs etiam, quæ solent esse in Religioforum Monasterijs, Claustris, Infirmarys, &c. videtur posse Religiosos celebrare Sacrificium Missæ. Propter priuilegia adducta, quæ quoad hoc non videntur reuocata per Concilium Tridentinum *loco adducto*, cum ibi solum videatur prohiberi, ne in *priuatis domibus omninò extra Ecclesiam* erigantur Oratoria, in quibus Missæ celebrentur, sine Ordinariorum licentia, prædicta autem loca nec sunt priuata domus, nec omninò extra Ecclesiam, cum nomine Ecclesiæ veniant etiam Religioforum Claustra, vt colligitur *ex cap. Abbatis S. hac autem d. 54. & cap. Alma mater de sent. excomm. in 6. vbi Glossa verb. Monaster.* Rodriguez *tom. 2. quaest. 75. art. 1. & 2.* Peirinis *tomo 1. priuileg. Minim. in Constit. Pyrrhi num. 31.* Refertur etiam ad hoc priuilegium Gregorij XIII. concessum Societati Iesu in Bulla, *Decet Romanum Pontificem ann. 1575.* scilicet quòd in Oratorijs, & Capellis, quæ ipsius Societatis Prouinciales per se in domibus,

Colle-

*Collegijs, & alijs locis, ubi aliqui Societatis residebunt, approbaue-
rint, & ad diuinum dumtaxat cultum deputauerint, Misse, & alia
Diuina Officia celebrari possint. Quo etiam uti possunt alie Reli-
giones, quæ communicant in priuilegijs cum Societate. Reginal-
dus in praxi lib. 29. num. 178. Peirinis ut supra num. 29. Afferens
etiam priuilegium aliud concessum Benedictinis Vallisoletanis,
de quo dubito an sit, vel non, viuz vocis oraculum. Vide Gauan-
tum in Thesaur. tom. 1. p. 1. tit. 20. §. Addam.*

15 In grãijs quoque Monasteriorũ, seu in prædijs ipsoꝝ, uti-
litalis, & recreationis causa acquisitis, posse fieri Oratoria, in
quibus Diuina Officia celebrentur sine licentia Ordinarij, nõ ob-
stante Conc. Trident. sess. 22. iam citata, eò quòd Concilium
solum loquatur de priuatis domibus, hæc autem prædia, seu gran-
giæ non sint tales, docent aliqui Authores, propter aliqua priui-
legia Religionibus concessa. Rodriguez tomo 2. quæstionum Re-
gul. quæst. 75. art. 1. & 2. & Laurentius de Peirinis iam citatus. Ca-
uendum tamen similiter est, ne huiusmodi concessiones sint viuz
vocis oracula, quia si tales sunt, nullum robur, & firmitatem hoc
tempore habent, ut diximus cap. 3. num. 21.

16 Propter necessitatem quoque iure communi permissum est
celebrare absque Episcopi licentia sub dio, & extra Ecclesiam, ac
Oratorium designatum, ut si Rex, aut Dux sit in exercitu, vel clas-
sis Christianorum appellat ad terram, vel si in itinere Ecclesia
desit, vel cum magna multitudo hominum in aliquo die festo ad
paruam aliquam Ecclesiam concurrat, modò tamen semper adsit
altare viaticum, seu portatile ab Episcopo consecratum. Proba-
tur ex canone primo, & can. concedimus de Consecrat. distinction. 1.
Suarez to. 3. in 3. p. disp. 81. sect. 3. Vasquez ibid. disput. 233. cap. 1.
Numquam tamen licet propter quamcumque necessitatem cele-
brare supra mare, seu flumen in nauì; propter periculum effusio-
nis sanguinis ex motu nauis. Vasquez loco citat.

17 Possunt etiam Regulares dicere Missas in diebus festiuis, &
Dominicis quacumque hora debita, etiam antequam Rector Pa-
rochialis Ecclesiæ celebrauerit. Quia ita declarauit S. Congreg.
Concilij, prout reuli supra cap. 12. nu. 41. & Pius V. in Constitut.
Etsi Mendicantium. Peirinis tomo 1. priuileg. Minim. in Constit.
Pyrrbi nu. 26.

18 Feria quinta maioris Hebdomadæ, saltem iure communi li-
citur omnibus Sacerdotibus celebrare secluso scandalo, & in
secreto, cum id nullo iure prohibeatur. Sotus in 4. distinct. 13. q. 2.
art. 2. ad secundum. Suarez tom. 3. in 3. par. disput. 80. sect. 2. In die
autem Parasceue peccatum mortale est, siue in publico, siue in
secre-

secreto celebrare. Habetur in *cap. Sabbatho de Consecrat. dist. 3.* Etiam si illo die occurrat festum Annunciat. B.V. Gauantus in *Thesau. S. Rit. tit. 1. p. 4. tit. 9. num. 24.* In die Sabbathi Sancti aliqui putant posse celebrari priuatim, & occultè, saltèm ab ea hora, in qua incipit solemne Paschale Officium, ob rationabilem causam. Vide Barbosam de *Offic. Parochi cap. 11. à num. 49.* Gauantum in *Thesaur. vt sup. p. 4. tit. 10. à nu. 43.*

19 Non obstante decreto Concilij Trident. *sess. 25. cap. 12.* videlicet *Censura, & Interdicta* nedum à Sede Apostolica emanata, sed etiam ab Ordinarijs promulgata, mandante Episcopo, à Regularibus, in eorum Ecclesijs publicentur, atque seruentur, possunt Regulares tempore Interdicti generalis singulis diebus in Ecclesijs, & Monasterijs Missas celebrare, & dicere Officia Diuina sicut priùs, submissa tamen voce, ianuis clausis, excommunicatis, & interdictis exclusis, & campanis non pulsatis. Ita enim habetur iure communi ex Bonifac. VIII. in *cap. Alma mater de sentent. excommunicat.* Sorbus in *Addit. ad Compend. verb. interdictum §. 3. tempore.* Peirinis to. 1. *priuileg. Minim. in Constitut. 2. Sixti IV. num. 55.* Gauantus in *Man. Episcop. verb. Interdictum à numero 10.* Possunt etiam eodem tempore Interdicti solemniter celebrare Diuina, ianuis apertis, & pulsatis campanis, excommunicatis expulsi, sed interdictis admissis, sic tamen quòd illi, qui fuerunt causa Interdicti altari nullatenus aporpinquent, in festiuitatibus Natalis Domini, Paschæ, ac Pentecostes, & Assumptionis Virg. Mariæ. Ita enim habetur etiam iure communi in *eodem cap. Alma mater.* Sorbus *vt supra §. 12. secundum,* etiam hoc extendens ad festum SS. Sacramenti, & per totam octauam illius per vnam Extrauag. Martini V. Extenditur etiam probabiliter, quoad aliquos Regulares, & alios, qui cum ipsis habent communicationem priuilegiorum, ad festa Conceptionis, Visitationis, & Natiuitatis B. Mariæ, & Natiuitatis Sancti. Ioannis Baptistæ, & ad festa Sanctorum respectiue suarum Religionum, necnon aliorum Sanctorum, & Sanctarum sub quorum inuocationibus Ecclesiæ Regularium dedicatæ, & constructæ sunt, seu quorum corpora in ipsis Ecclesijs recondita respectiue existunt, necnon hebdomadarum Sanctæ, & Resurrectionis Dominicæ festiuitatibus, & per octauas earundem omnium festiuitatum, necnon quoties Religiosi professionem emisierint, vel primam Missam celebrauerint, seu in suis Ecclesijs humana cadauera Ecclesiasticæ sepulturæ tradi contigerit, dummodò Interdicto causam non dederint, nec id eis contigerit specialiter interdicti, nominatim, interdictis, & excommunicatis exclusis. Ita enim concessit Leo X.

Mo-

Monachis S. Benedicti, & seruitoribus Monasteriorum, vt refert Casarrubius in *Compend. priuileg. Mendicant. verb. Interdictum* 2. num. 10. Etsi enim Concilium Trident. eadem *sess. cap. 22.* reuocet omnia priuilegia concessa quibuscumque Regularibus, quæ Pius V. postea reualidauit in *Constit. Etsi Mendicantium*, & tandem Greg. XIII. reuocauit, & annullauit quatenus cōtraria erant prædicto Conc. nihilominus priuilegium hoc Leonis X. probabile est non esse contrarium Concilio, cum eius mens solum videatur esse, reuocare illa priuilegia, quæ à quibuscumque Religiosis dicebātur haberi de nullatenus seruādo Interdicto quocūque, vt erāt fratres milites S. Io: Hyerosolym. virtute cōcessionis Anast. IV. Alex. III. & IV. Vrba. III. Clem. III. & IV. & fratres Mini. ex priuilegio Leo. X. Rodrig. in *expositione Bullæ Cruciat. §. 5. n. 16.* Sorb. in *additionibus ad Compend. priuileg. Mendic. verb. Interdict. 3. §. sed alij DD.* Idem dico de alio priuilegio Iulij II. quo concessit Fratribus Minoribus, quòd tempore Interdicti, auctoritate ordinaria positi, possint sepelire in Ecclesijs suis corpora Fratrum eiusdem Ordinis decedentium, etiam cum cæremonijs solitis, ac pulsatis campanis, & cum Missis, & alijs Diuinis Officijs in similibus celebrari consuetis. Sorbus *vt sup. §. sextodecimò Interdictum*. Pro alijs priuilegijs circa tempus Interdicti, etiam pro sæcularibus familiaribus, vel seruitoribus Regularium, vide Casarrubium *vt sup. verb. Interdictum. 1. 2. & 3.* Animaduerte tamen aliqua illorum concessa iam esse iure communi in *cap. Alma mater*. Alia esse solum viuæ vocis oracula, vt illud Nicolai Franci Sedis Apostolicæ Legati, de admittendis quindecim personis tempore Interdicti, quæ proinde his temporibus nihil valent. Alia verò, etsi forsan in rigore valida sint, quia tamen vel non sunt in vsu apud Regulares, vel sequitur scandalum apud sæculares ex eorum vsu, ideo consultius est illis non uti. Vide Nauarrum in *Man. c. 27. num. 190.* Pro his quoque, & alijs, quæ facere possunt, & debent Regulares tempore Interdicti, siue in locis, vbi publicatur Bulla Cruciatæ, siue vbi non publicatur, vide Sorbum *vt sup.*

20 Tempore etiam cessationis à Diuinis possunt, probabiliter etiam, uti Regulares, de quibus num. præcedenti, priuilegio Leon. X. adducto, quia etiam loquitur de tempore talis cessationis. Peirinis *tom. 1. priu. Minim. in Const. 2. Sixti IV. nu. 52.* Et alio etiam priuilegio Nicol. V. de eligendis sex personis, quæ tali tempore assistant Missis, & Diuinis Officijs, recipiantque Sacramenta, & si mori contigerit, Ecclesiastica sepultura sepeliantur, positis tamē quibusdam conditionibus. Casarrubius in *Comp. priu. Mend. verb. Interdictum. 1. §. 23.* Sorbus in *addit. ad prædict. Comp. verb.*

Interdictum 3. §. 7. *Nicolaus V.* Attendendum tamen maximè est, an quando ponitur Cessatio à Diuinis, vel etiam Interdictum auctoritate Apostolica, reuocentur priuilegia Regularium, quia tunc non licebit frui illis, sicut neque quando scandalum aliquod inde emerferit, propter singularitatem, nec si talia priuilegia non sint in vsu.

21 Ex Decreto Sac. Congregat. Rituum, & mandato S. D. N. Urbani VIII. die 8. Aprilis 1628. iuxta dicta *cap. 12. num. 33.* prohibetur celebrari per totam Ciuitatem, vel Diœcesim, etiam de cuiuscumque Ordinarij auctoritate, Missam, vel Festum cum Officio de Sancto, eò quòd in loco adsit Ecclesia Parochialis, vel Regularis, aut aliqua Reliquia, sed tantùm in ipsius Sancti Ecclesia Titulari, seu vbi asseruatur insignis Reliquia, & non alibi. Insignes autem Reliquias declarauit esse Corpus, Caput, Brachium, Crus, aut illam partem Corporis, in qua passus est Martyr, modò sit integra, & non parua, & legitimè ab Ordinario approbata. Missas item, quæ circumferuntur, à Sacra Congregat. non approbatas, S. Gregorij pro viujs, & defunctis, XV. Auxiliatorum, & de Patre æterno, & quasumque alias, exceptis ijs, quæ sunt permixtæ Regularibus tantùm, veluti Rosarij, Sanctæ Mariæ de Carmelo, (vide dicenda infra num. 32.) & alias, sicut etiam Officia ab eadem non approbata, prohibuit, reiecit omnino, & damnauit respectiue, & pro prohibitis, reiectis, & damnatis haberi voluit. Quæ omnia decreuit, statuit, & mandauit sub pœnis contentis in Indice librorum prohibitorum ex Decreto Sancti Concilij Tridentini edito. Barbossa *de Off. Parochi* c. 11. num. 29. Vide dicta *cap. 12. numer. 33.*

22 Non tamen putes prohibitas esse Missas triginta S. Gregorij ab ipso pro Defunctis institutas 4. *Dial. cap. 55.* Dici autem debent (ex eodem S. Gregorio) per triginta dies continuos, ab vno, siue pluribus successiue Sacerdotibus: recitata Missa, quæ occurrit, vel de *Requiem*, iuxta Rubricas Missalis, cum applicatione Sacrificij pro anima illa, pro qua dicuntur. Si intra hos triginta dies occurrat Parasceue, Sabbatum Sanctum, aut etiam feria V. in Cœna Domini discontinuantur prædictæ Missæ, cum Ecclesia prohibeat celebrare duobus primis, & in feria quinta Cœnæ iubeat communionem Sacerdotum in Missa solemni, in die quoque Parasceue propriè non dicitur Missa. Bartholomæus Gauantus *tom. 1. Thesaur. Sacror. Rit. par. 1. tit. 5.* Bonacina *de Sacram. disp. 4. quæst. vii. punct. 7. §. 3. num. 7.* Barbossa *de Offic. Paroch. cap. 11. num. 29.*

23 Cum in Ecclesijs, & Religionibus Hispaniæ vigeat consuetudo,

do, quòd diebus Paschalibus, & festiuitatibus maioribus celebret Missam conuentualem Antistes, vel alia persona principalis; & Regula Missalis ordinet, quòd omnibus diebus Dominicis infra annum Sacerdos qui celebrauerit Missam Conuentualem exeat ante celebrationem Missæ cum Pluiali, vel Cappa, & cum Ministris ad incipiendum in Altari maiori Antiphonam Asperges, & ad aspergendum Aquam benedictam populo, concedimus, quòd Antistes, seu alia persona principalis celebrans Missam Conuentualem, præmissa facere non teneatur; sed illa facere possit quilibet alius simplex Sacerdos, eius loco, & quòd talis Sacerdos non deferat Pluiale, sed Albam, & stolam, vel superpelliceum, & stolā, nec procedat associatus cum Ministris, sed solum cum Acolythis. Ita Gregor. XIII. in Bulla *Pastoralis officij*. ann. 1573. Quaranta in *Summ. Bullar. verb. Diuinum officium*.

24 Qui Missas nouas celebrant, non possunt circuire Ecclesiam ad oblationem, ex Decreto S. Conc. Tridentin. *sess. 22. Gauant. in comment. in Rubr. tom. 1. part. 2. tit. 7.*

25 Missæ votiue non possunt dici die Dominica, aut in festo Duplici; ac per consequens, neque diebus, quibus prohibetur Festum duplex celebrari; scilicet infra Octau. Epiphan. Paschæ, & Pentecostes, & in Vigilijs Natiuitat. & Pentecost. ac in Feria quarta Cinerum, & Maiori hebdomada. Gauant. in *Tbesau. tom. 1. par. 1. tit. 4. §. non est duplex*. Vnde obligatus his diebus ad Missas votiuas, si in proximis dies non impeditos transferri nequeant, satisfacere videtur obediendo Rubricis.

26 Quando Missa votiuæ exigitur; v.g. de Assumptione B. Virg. Natiuitate, & huiusmodi; potest dici Missa votiuæ de B. Virgine, prout in Missis votiuis, cum intentione ad honorem Assumptionis, Natiuitatis B. Mariæ, &c. Gauant. in *Tbesau. tom. 1. part. 4. tit. 17. num. 8*. Similiter si dicatur aliqua Missa votiuæ de aliquo Sancto, mutatur in Collecta verbum *Natalitia*, seu *Festum*, in verbum *Commemorationem*. Gauantus in *Rubr. tom. 1. par. 4. tit. 17*. Cum Missa Rosarij solum dici possit à Patribus Dominicanis, & Missa B. V. de Monte Carmelo solum etiam à Carmelitis, iuxta dicta supra *num. 11*. si quis alius habeat onus celebrandi tales Missas, satisfaciet dicendo Missam de B. Virgine votiuam, vt in Missali. Probat Gauan. vt sup. *num. 9*.

27 *Gloria in excelsis* numquam dicitur in Missis Votiuis, nisi in Missis Angelorum, & in Missis Beatæ Virginis, quocunque Sabbatho, etiam Aduentus. Extra Sabbathum autem non dicitur, etiam si sit tempus Paschale, vel infra Octauam, vel in Ecclesia, aut Altari Beatæ Virginis, nisi adsit speciale priuilegium, prout Aedi

Aedi Lauretanæ dicitur concessum. Gauantus *Comment. in Rubr. Miss. to. 1. p. 1. tit. 8.* Quod etiam habetur ex usu antiquo nostræ Religionis *par. 1. Const. cap. 3. §. 4.* esto, quod oppositum statutum sit in Cæremon. Ord. *lib. 2. Rubr. 58. §. 2.* Similiter etiam in Missis Votivis solemnibus, quæ pro re graui, vel publica Ecclesiæ causa cantari possunt (etiam in Dominicis) dicitur *Gloria, & Credo.* Cæremon. Ordin. vt sup. *Rubr. 58. §. 2. & 5.* Res autem grauis est, pro qua conuenit Episcopus cum Clero. Publica autem causa dicitur etiam ob quam Oratio sit solemnis Quadraginta horarum per gyrum, & quando sunt Comitia Generalia, seu Prouincialia, Regularium. Ioannes Petrus Casanoua in *Collectan. ex Gauant.* Et consonat Cæremon. Ord. *lib. 2. Rubr. 57. §. 2. & 5.* Si verò adhibentur paramenta Violacea in Missa non dicitur *Gloria*, neque *Credo.* Gauantus in *Tbesaur. tom. 1. par. 1. tit. 8.*

28 Missæ de *Requiem* priuatæ, quocunque die dici possunt, præterquam in Dominicis, & Festis duplicibus. Vnde nec possunt dici in diebus, in quibus prohibetur fieri festum duplex, relatis supra *nu. 25.* Si Festum duplex cadat in diem assignatum pro Altari priuilegiato, & illud Festum sit de præcepto, non potest in eo Altari dici Missa de *Requiem.* Gauantus in *Tbes. S. Rit. tom. 1. par. 1. tit. 5.* In Festo autem duplici non de præcepto, celebrari possunt Missæ de *Requiem*, non quidem semper, & in omni casu, aut ad arbitrium Sacerdotum, vel petentium tales Missas, sed vt impleantur voluntates defunctorum. Idem Gauantus vt sup. Missa quoque solemnisi de *Requiem* potest celebrari in Dominicis, & Festis etiam de præcepto, quando corpus defuncti præsens est, & insepultum. Gauantus *ibidem.* In die autem Paschæ, & diebus primæ Classis, non conuenit hoc fieri. Ex Rituali Romano. Quando autem Missæ defunctorum certo die dicendæ, in eo dici non possunt, in sequentem transferuntur. Barbosa de *Off. Parochi cap. 11. à nu. 24.* Pro quo nota, quod quamuis Missa de Sancto, quoad valorem ex opere operato valeat defuncto quantum Missa de *Requiem*; sed non quoad valorem ex opere operantis, quia hic sumitur ex Orationibus Ecclesiæ, quæ in Missa de *Requiem* sunt specialiter pro defunctis assignatæ. Hic tamen excessus suppleri potest deuotione Sacerdotis, & intercessione Sancti, de quo dicitur Missa. Laurentius de Peirin. *tom. 1. priu. Minim. in Constit. 5. Leon. X. Gauantus in Tbes. tom. 1. par. 3. tit. 12. à num. 19.* Barbosa vt supra *num. 23.*

29 Neque pro Missa votiuâ, seu pro defunctis potest omitti Missa Conuentualis de die, nec consuetudo in hoc admitti debet. vt probat Gauantus vt sup. *to. 1. p. 1. tit. 4. vbi etiâ alia ad intentû.*

30 In Canone Missę nomine Antistitis nō sunt nominandi Superiores Regularium, sed tantum Episcopi loci, in quo celebratur. Nec inferiores Episcopo. Gauantus *vt sup. p. 2. tit. 1. tit. 8.*

31 In Altari priuati Oratorii, cui cōceditur ex priuilegio Apostolico celebratio Missę (exceptis solemnioribus festis) nō potest celebrari in Natali Domini, Epiphania, Paschate, Pentecoste, Annunciatione, Assumptione B. V. Festo SS. Apostol. Petri, & Pauli, & Omnium Sanctorum. Gauantus *in Comment. in Rubric. Missal. 10. 1. p. 1. tit. 20.*

32 Missę certis Regularibus concessę, quales sunt B. V. de Monte Carmelo Carmelitis, & Rosarij Dominicanis, imò & Sanctorum Ordinis, non possunt ab alijs dici, etiam in ipsorum Regularium Ecclesijs. Cum solum prędictis Regularibus, & non alijs concessę sint. Gauantus *in Comment. in Rubric. Miss. tom. 1. p. 3. tit. 10. §. intellige, quę dicimus.* Vbi etiam quid dicendum de Capellanis secularibus Monialium non vtentium Breuiar. Romano, quantum ad Officiū, & Missam. Vide dicenda *cap. 25. num. 43. & Barbosa de Offic. Parochi c. 11. n. 34. Vide dicta nu. 26.*


33 Quando dicitur *Confiteor* in principio Missę non debet addi nomen Patroni loci, vel alterius. Cum Pius V. hoc expressę concesserit Ecclesijs Hispanię. Ergo sine licentia Papę non licet talis additio. Gauantus, *vt supra p. 2. tit. 3. §. Confiteor Deo.*

34 Pro Ecclesiarum reuerentia maximę a Sacerdotib. curanda pręcipitur a S. Congregatione Episcop. & Regular. Primò, ne in Ecclesijs appendantur arma, & sagittę. Secundò, ne intra Presbyterium detur locus Magistratibus, aut Officialibus Laicis. Tertiò, ne Turcę, aut mancipia permittantur ibidem tempore Diuinorum Officiorum. Quartò, ne convocetur in Ecclesia ad consultanda Laicorum negotia. Quintò, ne Disputationes litterarię Regularium, extra Comitia generalia, fiant in Ecclesia. Hoc autem vltimum video Romę non obseruari in aliquibus Ecclesijs Regularium, forsā, quia commodiorem locum ad prędictas Disputationes litterarias faciendas, non habent. Pro dictis autem lege Gauantum *in Man. Episcopor. verb. Ecclesia num. 48. & verb. Ecclesiar. reuerentia num. 16. 23. & 29. & verb. Regular. Iura sub Episcop. nu. 47. Vide dicta a Nobis c. 12. nu. 41.*

35 Vide pro illis, qui Missas celebrare audent non constituti in gradu Sacerdotali, dicta *c. 10. n. 22.* Circa obligationem quā habent Sacerdotes recitandi Officiū Diuinum *cap. 12. & pro his, quę possunt facere in proprijs Ecclesijs ibid. num. 41.* Pro susceptione Sacrorum Ordinum *cap. 14.*

De Regularibus transeuntibus ex vna Religione
ad aliam.

C A P. X X I I.

1 ERTA res est, quòd magna causa non subsistente, nec licitus sit, nec consulendus transitus ex vna Religione ad aliam. Primò ex illo 1. Corinth. 7. *Quisquis in vocatione qua vocatus est permaneat.* Secundò ex mente quoque antiquorum Monachorum, Cassiani *Collat.* 14. cap. 5. D. Basil. in *Constit. Monast.* cap. 34. & D. Bernar. in *Epist.* 1. ad Robertum. Tertiò, quia ex hoc transitu plerumque inquietudo, scandalum, murmuratio, & infamia Religiosorum oriri solet. S. Thom. 2. 2. *quest.* 189. art. 8. Suarez 4. tom. de *Relig. lib.* 3. cap. 9.

2 Legitima tamen causa subsistente licitum est transire ex vna Religione ad aliam cum conditionibus inferiùs assignandis. Tum ex iure naturali, quo licitum est, votum proprium commutare, in melius. Tum ex iure positivo Canonico, cap. *Statuimus*, & Cap. *Mandamus* 19. q. 3. cap. *Non est*, cap. *Sane* cap. *Significatum*, & cap. *licet*, vbi hoc supponitur. Suarez *vt supra* cap. 8. Sanchez *lib.* 6. in *Decalog.* cap. 7. num. 2. & 3. Neque contraria est Constitutio Pij Quinti anno 1569. quæ incipit *Quæcumque Sacrarum*, vbi statuit, non posse recipi, nec retineri ab vlla Religione Fratres alterius, sed remitti debere ad proprios Ordines. Intentum enim Pontificis solùm videtur esse, vt constat ex verbis ipsius, quòd ex vi facultatum, aut Priuilegiorum aliquibus Religionibus concessorum non liceat talis transitus. Nauarrus *lib.* 3. *Constit. tit. de Regularibus consil.* 88. Suarez *tom.* 4. de *Relig. lib.* 3. cap. 12.

3 Vt iste transitus ex vna Religione ad aliam licitus sit, requiritur primò, quòd non fiat temeritate, leuitate, odio, ira, contemptu, vel alia qualibet animi perturbatione, sed studio vitæ perfectioris, & sine iactura, & detrimento Religionis, à qua receditur. Ita enim deciditur ab Ecclesia in cap. *licet de Regularibus*, & est rationi naturali conforme, vt de se patet. Vt verò animus transeuntis ex vna Religione ad aliam, vel damnum, quod Religioni derelictæ inde cedit cognoscatur, circumstantiæ omnes prudenter examinari debent. D. Antonin. 3. p. to. 1. cap. 4. Siluest. *verb. Religio* 4. q. 1.

4 Secundò requiritur petitio licentiæ à Superiore. Quia ita deciditur in dicto cap. licet versu quocirca, ne bonum obedientiæ contemni videatur. Abulensis cap. 30. Num. quæst. 73. Nauarrus lib. 3. constit. de Regul. conf. 52. vel 59. sufficit autem licentia petita, etsi non obtenta, quando iniuste illam negat Superior; sic enim deciditur in dicto cap. licet. Rodriguez 3. tom. quæstionum Regul. quæst. 52. art. 3. In dubio autem, si iuste, vel iniuste negatur ista licentia, standum est iudicio Superioris. Caietanus 2. 2. quæst. 189. art. 8. Sanchez lib. 6. in Decalog. cap. 7. num. 16. Potest tamen tunc appellare ad alium Superiorem, à quo res decernatur. Silvester verbo Religio 4. quæst. 1. Azor tom. 1. Institut. moral. lib. 12. capit. 14. quæst. 5. Hoc verò intellige de iure communi, nam nostri Patres Carmelitæ discaleari habent priuilegium à Paulo V. concessum anno 1610. die 3. Aprilis, vt non possint transire ad Carthusiam, nisi petita licentia, & obtenta à Superioribus, sub excommunicatione ipso facto.

5 Tertiò requiritur adhuc vt transitus ab vna ad aliam Religionem sit validus, quòd Religio, ad quam fit transitus, sit perfectior. Ita enim habetur Capitibus supra aductis, præsertim cap. licet de Regul. Estque rationi naturali conforme, vt sicut semper datur locus, & via ad maiorem perfectionem, sic etiam ijs, qui ab ea recedunt, via præcludatur; transitus autem ad perfectionem Religionem arguit desiderium maioris perfectionis, sicut recessus ab illa, indicat non velle maiorem perfectionem. Quid verò intelligatur nomine perfectioris Religionis, aut quæ sit censenda perfectior, dissentiant Authores. Primò enim quidam, & satis probabiliter dicunt, eam esse putandam perfectiorem Religionem, quæ fuerit arctior, durior, & asperior, ita Sanchez cum multis alijs lib. 6. in Decalog. cap. 7. num. 21. Alij verò, etiam probabiliter dicunt, eam Religionem esse censendam perfectiorem quoad intentum, nõ quæ fuerit magis arcta, aspera, & seuera quoad obseruantias exteriores, sed quæ habuerit perfectiorem finem, & media ad illum proportionata. Eò quòd tota ratio, quare transitus iste licitus est ex natura rei, & iure Ecclesiastico, est propter maiorem gloriam Dei, & maiorem perfectionem Religiosorum, quod maxime reperitur in Religione, quæ habet perfectiorem finem, & media proportionata. Vnde transire à perfectiori Religione ad arctiorem, non erit ascendere, sed descendere, sicut propter eandem causam non est licitum commutare votum de actu perfectioris virtutis in actum strictioris. D. Thomas 2. 2. quæst. 189. art. 8. Nauarrus Commentario 4. de Regular. num. 2. & 3. Suarez 4. tomo de Religione lib. 3. cap. 9. num. 10. Ad iudicandum verò quæ

Religio fit perfe&ior, non t&am attendenda est prima institutio Religionis, & Regul&e, qu&am pr&esens obseruantia, & modus, quo in illa Religione viuatur. Sic enim meli&us consequitur finem intentum, qui ad perfe&iorem vitam anhelat, Azor lib. 12. *Instit. moral. cap. 14. qu&est. 3. & 8.* Lessius *de Instit lib. 2. cap. 41. dub. 13.*

6 Quart&o requiritur, vt Religiosus possit ex vna Religione ad aliam transire, qu&od illi non sit & Sede Apostolica talis transitus interd&ictus. Etsi enim iure communi liceat omnibus Religiosis transitus ad aliam Religionem, seruatis tribus conditionibus assignatis, sunt tamen specialia iura, aut priuilegia interdicentia aliquibus talem transitum. Prim&o enim in Extrauaganti *viam de Regularibus* interdicitur sub p&ena excommunicationis lata&e sententia&e Pap&e reseruata, n&e ex Religionibus Mendicantibus transitus fiat ad qu&amcumque aliam, nisi ad Carthusiam. Suarez tom. 2. *de Religione Tractatu de voto lib. 3. cap. 6. num. 24. & quinto tomo in 3. par. disput. 22. sect. 5. num. 17.* Deinde Benedictus duodecimus in Bulla edita anno 1335. qu&e incipit *Regularem vitam*; prohibet Fratres Mendicantes transire ad Monachos nigros, & Cistercienses. Similiter Eugenius Quartus anno 1439. in Bulla, qu&e incipit *Regularem vitam*, indixit Monachis Cisterciensibus, n&e ad alium Ordinem, pr&eter Carthusianum transirent. Compendium Bullar. 1. *tomo fol. 59.* Deinde Pius Quartus, & Pius Quintus suis litteris Apostolicis concessere Societati Iesu, ne ab ea transire possit aliquis, nisi sol&um ad Carthusiam. Ita habetur in priuilegijs Societatis verbo *Apostata §. 4.* Suarez tom. 5. in 3. par. *disput. 22. sect. 5. num. 19.* Patres quoque nostri Discalciati Carmelita&e habent priuilegium, de quo supra num. 4. in quo illis interdicitur transitus ad qu&amcumque aliam Religionem, quocumque titulo, nisi ad Carthusiam, & hoc petita, & obtenta licentia & Superioribus. Clerici autem Regulares Ministrantes infirmis eti&am ad Carthusianos transire n&on possunt sine licentia Sedis Apostolica&e. Ita pr&cepit Paulus V. anno 1606. in Bulla *Romanum decet 3. tomo Bullar&um inter Bullas Pauli V. num. 20.* Pro his omnibus vide Sanchez lib. 6. in *Decalog. cap. 7. & num. 28.* Consuli eti&am debent varia Religionum priuilegia. Miranda in *Manuali tomo primo q. 31. art. 7.* Bonacina *de Clausur. q. 2. punct. 9. §. 5. diff. 2.*

7 Ex conditionibus assignatis, prima, aut secunda&e defectus non irritat tr&ansitum ex vna Religione ad aliam, nec reddit professio-nem fact&am irritam, aut nullam, sed sol&um illicitam, saltem stando in iure communi. Nullum enim est fundamentum in Decretis adductis irritationis, cum in illis n&on apponantur dict&e conditiones tamquam forma seru&anda in isto contra&ctu, sed vt modus ex pr&cepto

cepto Ecclesiæ requisitus , cū ergo aliās ex iure naturæ non sit irrita talis professio , quia est de meliori bono , scilicet de imperfectiori Religione ad perfectiorem (vt supponimus) non erit irrita professio . Suarez 4. *tom. de Religione lib. 3. cap. 10. num. 22.* Defectus tamen tertiæ conditionis reddit nullum transitum , & irritat professionem factam in Religione , ad quam fit . Ratio est , quia transitus ad Religionem nō perfectiorem nullo iure est permissus , & aliās est ex natura sua contra primam professionem per quam Religiosus est obligatus Religioni , in qua est professus . Sánchez *lib. 6. in Decalogum cap. 7. num. 93.* Defectus verò quartæ conditionis aliquando irritat transitum , & professionem factam de nouo in altera Religione , aliquando verò solum reddit illam illicitam . Ratio est , quia in illis privilegijs aliquando apponuntur verba irritantia transitum , vt in Extrauaganti *viam de Regularibus* , aliquando verò solum prohibentia . Consulantur verba privilegiorum . Sanchez *vt sup. num. 88.*

8 Transire Religiosum ad Religionem æquē strictam , & perfectam , quando nō est aliqua causa talis transitus , solum spectat ad Pontificem . Est enim Summus Pontifex Prælatus Supremus omnium Religionum , & ita mutare Religiosum ex vna Religione ad aliam solum spectabit ad ipsum , sicut ad Generalem mutare de Prouincia in Prouinciam , & ad Prouincialem de Conuentu in Conuentum , Azor *lib. 12. Instit. moral. cap. 14. quest. 9.* Silvester *verb. Religio 4. quest. 2.* Si verò Pontifex sine causa aliqua hanc facultatem concederet , illicitè faceret . Tum quia hoc esset contra ius Religionis , à qua fit transitus . Tum quia huiusmodi mutationes sunt ex suo genere odiosæ , & parum vtilis . Suarez 4. *tom. de Relig. lib. 3. cap. 11. nu. 8.*

9 Quādo verò subest causa legitima , pōt Prælatus Pōtifice inferior dispēfare in trāsitu Religiosi ad Religionē equalē . Ratio est , quia Prælatus Religionis habet potestatem disponēdi de rebus suæ Religionis , causa rationabili subsistente , sine lēione voti emissi , & nisi illi sit ab Ecclesia prohibitum . Sed in casu transitus Religiosi ad Religionem æqualem est causa rationabilis , vt supponimus , rursus per talem transitum nihil derogatur priori professioni , quia commutatur in æquale , neque ab Ecclesia hoc est prohibitum , quia iura adducta solum loquuntur quando non est causa rationabilis dispensandi , ergo . Rodriguez *tom. 3. questionum Regular. quest. 52. art. 9.* Suarez 4. *tom. de Relig. lib. 3. cap. 11. nu. 2.* Prælatus , qui potest in hoc dispensare est Episcopus quando Religiosus transire volens est subiectus Episcopo . Quia tunc Episcopus est verus Superior illius . Angelus *verb. Religiosus num. 34.*

Siluefter *verb. Religio* 4. *quæst.* 9. Quando verò Religiosus non est subditus Episcopo, sed Prælati Religionum, poterunt concedere istam licentiam Prælati Superiores Religionum, scilicet Generales, non tamen alij. Ratio est, quia dare istam licentiam est alienare illum Religiosum à tota Religione, quod solum ad Superiorem Prælatus spectare potest, cum alij solum habeant Iurisdictionem in vna Prouincia, vel in vno Monasterio. Rodriguez 2. *idmo Summe cap. 6. numero 8. Sanchez lib. 6. in Decalogum cap. 7. numero 63.*

10 Hoc tamen non obstante probabile mihi est, quòd ad transitum Religiosi ad Religionem magis strictam sufficiat licentia Prælati immediati. Eò quòd *in cap. licet* solum exigatur petitio licentiæ à Prælato, Prælatus autem immediatus verè Prælatus est, & aliunde hoc est permissum iure naturali, & diuino, vnde non est, cur alterius Prælati licentia requiratur. Nauarrus *Comm. 4. de Regular. num. 10. Rodr. tom. 3. q. 52. ar. 3.*

11 Transire autem ad laxiorem, aut minus strictam Religionem non solum est prohibitum Religiosis, vt constat ex Iuribus adductis, sed sine causa urgente, nec à Summo Pontifice id condi potest, saltem quoad forum interius conscientiæ. Ratio est, quia ille transitus est commutatio Voti de meliori bono in minus bonum, quod cum sit contra ius Diuinum, & Naturale inualidè fit etiam à Summo Pontifice, si causa vrgens, ratione cuius in tali casu dispensare possit, non subsistat. Nauarrus *lib. 3. Constit. de Reg. conf. 56. vel 88. & Comment. 4. de Reg. num. 10. Lessius lib. 2. de Iust. cap. 41. dub. 13.* Causa tamen legitima subsistente, non solum Papa, sed, vt probabile est apud multos, etiam Prælati ipso inferiores talem dispensationem dare possunt. Ratio est quoad Papam, quia ipsi potest ius naturale, aut Diuinum interpretare, & cum causa rationabili in Votis quibuscumque dispensare. Quoad alios verò Prælatos, quia ex nullo iure constat hanc dispensationem esse Papæ reservatam. Concilium enim Tridentinum cum *sess. 25. de Reg. cap. 19.* decernit, quòd nemo Regularis cuiuscumque facultatis vigore transferatur ad laxiorem Religionem, loquitur de facultate obtenta sine causa legitima, vt docet Nauarrus *lib. 5. confil. de Regul. conf. 56. num. 3. Lessius 2. de Iust. cap. 41. dub. 13.* Similiter Extrauagans *viam ambitiosè de Regular.* prohibens ne Mendicantes transeant ad aliam Religionem præter Carthusiam, intelligitur etiam de transeuntibus absque dispensatione, & causa legitima, vt docent Lessius *riatus*, & Sanchez *lib 6. in Decalog. cap. 7. num. 68.* Cum ergo ex alio capite autoritas concedendi talem facultatem sit fere necessaria

ria ad bonum regimen Religionis, & perfectam subiectionem, inferiorum ad Superiores, credendum est posse Prælatos inferiores Papa illam concedere. Rodriguez *tom. 3. questionum Regul. quest. 52. art. 9.* Lessius *ut supra*. Probabileque hoc purat Suarez *4. tomo de Relig. tract. 8. lib. 3. cap. 11. nu. 20.* Prælati verò, ad quos spectat concedere hanc licentiam sunt respectu nō exemptorum Episcopi; respectu verò exemptorum Prælati Superiores Religionum, videlicet Generales, aut Prouinciales, non autem immediati, propter rationem adductam *sup. num. 9.* Sanchez *lib. 6. in Decalog. cap. 7. num. 70.* Suarez *ut supra num. 16.* approbans quoad hoc sententiam Siluestri *verb. Religio 4. q. 2.*

12 Causæ autem legitimæ transitus ex vna Religione ad aliam; arbitrio prudentis dispensantis relinquuntur; cum nihil circa hoc aliquo iure præscriptum sit. Magis autem generales causæ solent esse, infirma, aut incommoda valetudo, aut fragilis corporis natura, quæ Religionis strictioris austeritates ferre nequeat. Azor *tomo 1. Instit. moral. lib. 12. cap. 14.* Esse vtilem in vna Religione, & in alia onerosum. Suarez *4. tomo de Relig. tract. 8. lib. 3. cap. 11. num. 21.* Magna necessitas parentum, quibus in vna Religione subueniri potest, & non in alia. Rodriguez *tomo 3. questionum Regul. quest. 52. art. 9.* Si Religiosus indignè, & iniuste odio haberetur, & malè tractaretur à Religiosis vnius Religionis. Azor, & Rodriguez *citati*. De his verò, & alijs causis Suarez, & Sanchez *ubi supra*.

13 Prælati, qui absque iusta, & legitima causa negaret subdito facultatem transeundi ad arctiorem Religionem, peccaret mortaliter. Ita deducitur *ex cap. licet quibusdam de Regul. vbi dicitur, Prælati subdito sine difficultate, & prauitate qualibet debet transeundi licentiam indulgere. ne videatur propositum impedire diuinitus inspiratum.* Siluester *v. Religio 4. q. 1. not. 5.* Miranda *in Man. 1. tom. q. 31. ar. 6.*

14 Quando aliqua Religio, etiam si in se perfectior sit, aut strictior, deformata est, & relaxata, licitum est ex illa transire ad aliam magis reformatam etiam minus perfectam, aut strictam, seruatis tamen seruandis, ut supra. Ratio est, quia finis propter quem omni iure licitus est transitus ex vna Religione ad aliam, est, ut quis ducat perfectiorem vitam, quod contingit in proposito casu. Sanctus Thomas *2. 2. quest. 189. artic. 8.* Miranda *in Manu. tomo 1. q. 31. art. 4.*

15 Nouo etiam iure, seu Decreto Sacræ Congregationis Concilij *de Regularibus Apostatis, & Electis* iussu Sanctissimi Domini Nostri Urbani Octauo anno 1624. edito, sic habetur. *Deinde, ut*

apostatandi opportunitas Regularibus praripiatur statuit, ut de cetero nullus permittatur ad arctiorem Religionem transire, nisi prius Superiori legitimè consisterit, eam Religionem paratam esse illum recipere, qui licentiam petit, tumque regularis recta via se transferat ad arctiorem. Quod, ut re ipsa adimpleatur, idem Superior omni studio, ac diligentia inuigilet. Hæc Sacra Congregatio. Quæ absdubiè etiam obligant in casu, quo Religiosus transfret ad aliam Religionem æquè strictam, vel laxiorem propter eandem, vel maiorem rationem.

16 Translatus de vna Religione ad aliam debet de nouo in ea esse Nouitius, & in probatione per vnus anni spatium, & de nouo profiteri. Ratio est, quia Concilium Tridentinum *sess. 25. de Regul. cap. 15.* dum hoc generaliter præcipit fieri in quacumque Religione, etiam pro illis, qui in alia fuerunt Religiosi intelligi debet. Nauarrus *lib. 3. Consil. de Regul. consil. 3. num. 1. & consil. 49. num. 2.* Miranda in *Manual. tomo 1. quæst. 31. art. 21. & 22.* qui etiam hoc extendunt ad casum, quo aliquis transferretur ad alium Ordinem, ut esset ibi Prælatus. Alij verò hoc negant. Vide Erasmus Chokier in *tract. de Iurisdic. Ordin. in exempt. p. 5. quæst. 14.* Est autem necessaria ista noua professio cum nouo Nouitiatu, etiam quando est transitus ab vna familia in aliam eiusdem Ordinis, ut si à Discalceatis Carmelitarum ad obseruantes eiusdem Ordinis, vel à Cōuentualibus ad Obseruantes, vel Cappucinos in Ordine Minorum, vel è contra fiat transitus. Ratio, quia licet istæ Religiones censeantur vnæ ratione Regulari, & Fūdatoris, tñ impliciter sūt diuersæ, & habēt diuersas austeritates, vel adminis diuersū modū viuēdi, atq; ita necessarius est nouus Novitiatus, tum ad illa experiēda, tñ ad hoc quòd Religio ipsa experiatur etiā mores, & conditiones admittendorū ad illā.

17 Similiter translatus de vno Ordine in alium debet habere locum professionis factæ in Ordine, ad quem transferetur, non quem in priori habebat. Ratio est, quia solūm à tempore professionis factæ in Religione, ad quam transferetur, est Religiosus illius, & numeratur inter membra ipsius. Rodriguez *tomo 3. quæst. Regul. quæst. 52. artic. 29.* Sanchez *lib. 6. in Decalog. cap. 7. num. 86.* Secus est, si transeat aliquis ad aliquam Religionem, ut sit Prælatus ipsius: hic enim sine dubio debet habere primum locum in Conuentu; cum incongruum sit Prælatum esse loco inferiorem suis subditis. Imò etiam volunt aliqui, quòd finito Officio debeat habere locum immediatè post Prælatum, & non locum prioris professionis factæ in priori Religione, aut posterioris in posteriori Religione emissæ. Hoc verò intelligo solūm secundū quādam

dam decentiam. In rigore enim consuetudo, & Leges Religionis obseruandæ sunt. Nauarr. *lib. 3. Consil. tit. de Regular. in 1. edit. consil. 61.* Rodriguez *tom. 3. quest. Regul. quest. 52. art. 26.* Quid verò dicendum in casu, quo Monachus exemptus transferatur ad Prelatiam Monasterij non exempti, an maneat exemptus, vel non? Vide Erasmum Chokier in *Tra. de Iurisf. Ord. in Exempt. p. 5. q. 14.* 18 Religiosus, qui legitime ad aliam Religionem transiit, si ante professionem velit redire ad priorem Religionem est in illa admittendus. Cum adhuc maneat cum vinculo professionis factæ in Religione à qua discessit, sitque membrum illius. Siluest. *verb. Religio. 4. quest. 5.* Azor *tom. 1. Institut. Moral. lib. 12. cap. 14 quest. 11.* Idem dico, etiam si iniuste, aut illegitime ad aliam Religionem transiit. Propter eandem, imò maiorem rationem. Sanchez *lib. 6. in Decal. cap. 7. num. 105.*

19 Religiosus ad aliam Religionem modo legitimo translatus non solum non tenetur ad Obseruantias prioris Religionis, vt de se patet, cum iam sit ab illius iugo exemptus, sed neque tenetur ad alia Vota specialia in professione prioris Religionis emissæ, v. g. si erat ex Ord. Minimorum ad vitam Quadragesimalē. Ratio est, quia illa Vota annexa sunt professioni prioris Relig. cessante autem principali, cessant etiam accessoria. Suarez *tom. 2. de Relig. Trae. de Voto. lib. 6. cap. 3. num. 7.* Sanchez *lib. 6. in Decal. cap. 7. num. 87.* Vnde similiter si Religiosus Choro destinatus, nec in Sacris constitutus transeat ex Religione, in qua est consuetudo, quod tales dicant Officium Diuinum, ad Religionem, vbi non est talis consuetudo, non tenetur illud recitare. Quia cessat ratio obligationis, nēpe consuetudo. Bonac. *de bor. Cano. disp. 1 q. 2. pun. 2. n. 2.* 20 Transeuntes ex vna Religione in aliam, etsi Canonici Regulares sint, sunt omnino incapaces quorumcumque Beneficiorum secularium, etiam Curatorum. Ita habetur in Conc. Trident. *sess. 14. cap. 11.* Ratio huius decisionis videtur esse, ne aliquis transeat ex vna Religione in aliam, sub spe obtinendi aliquod Beneficium secularē. Lessius *2. de Iust. cap. 41. dub. 13. num. 105.* Suarez *4. tom. de Relig. Trae. 8. lib. 3. cap. 15.* Et intelligitur quamuis ad strictiorem sit transitus. Quia generaliter loquitur Concilium. Sanchez vt sup. *num. 108.*

21 Deinde Mendicantes, qui, auctoritate etiam Apostolica, ad non Mendicantes transeunt, ex *Clement. 1. de Regular.* primò priuantur voce in Capitulo, etiam si hoc illis ab alijs concedatur. Voce inquam actiua, & passiuā, quia textus generaliter loquitur. Bonacina *de Clausur. quest. 2. punct. 9. §. 5. num. 2.* Deinde priuantur etiam loco in eodem Capitulo. Sanchez *lib. 6. c. 7. num. 123.*

Præterea non possunt assumi ad Prioratus, Administrationes, aut quæcumque alia Officia, etiam tamquam Vicarij, seu Ministri, vel locum aliorum tenentes, nec animarum curâ, aut regimen possint pro se, vel pro alijs exercere: & quidquid in contrariû gestû fuerit, irritum est, & nullû. Itadecernitur in *præd. Clem. 1. de Reg.* Et ratio decisionis esse potest, vt Mendicantes quietiûs in sua vocatione persistât. Azor *lib. 12. Inſt. Mor. c. 14. q. 12.* Sanchez *lib. 6. in Decal. cap. 7. à num. 109.* Extat autem quædam declaratio Cardinalium, limita ns hanc decisionem pro transcuntibus ad Carthusianos per hæc verba: *Omnes cuiuscumque Religionis legitime translati ad Carthusianos, possunt in eadem Carthusiensi Religione in Claustro Priores, & extra claustrum Procuratores esse.* Suarez *tom. 4. de Relig. tract. 8. lib. 3. cap. 15. num. 6.* Vide alia in Bonacina *vt sup. à num. 4.* Suarez, & Sanchez citati.

22 Transeuntes ex vna Religione ad aliam illegitimè, scilicet sine causa, aut sine licentia, aut contra prohibitionem Iuris, non sunt veri Apostatæ, sed fugitiui. Ratio primæ partis est, quia licet illicitè, & inualidè ab vna Religione recedant, transeunt tamen ad aliam, & ideo non dicuntur simpliciter recedere ab statu Religioso, quod requiritur ad veram Apostasiam. Ratio verò secundæ partis est, quia indebitè, & inualidè fugiunt ab obedientia, suorum Superiorum. Lessius *2. de Iust. cap. 41. dub. 13.* Azor *lib. 12. Inſtit. Mor. cap. 17. quæst. 7.*

23 Omnia bona Religiosi transcuntis, etiam cum licentia suorum Superiorum, ex vna Religione ad aliam, ante professionem in secunda Religione factam acquisita, vel quomodolibet ad illum pertinentia, pertinent ad primam Religionem. Ratio est, quia ante professionem in secunda factam, semper remanet membrum primæ Religionis, & illi acquirit quidquid acquirit. Nauarrus *Comment. 4. num. 24. vers. 11. & lib. 3. Conf. conf. 55. num. 9.* Azor *tom. 1. Inſtit. Mor. lib. 12. cap. 15. quæst. 3. & cap. 16. quæst. 8.* multò magis hoc verum est de bonis Religiosi transcuntis illegitimè ex vna Religione ad aliam, non solum enim bona, quæ acquirit ante professionem, sed etiam quæ post professionem acquirit, pertinet ad primam Religionem, à qua discessit. Quia cum transitus ille sit illegitimus, & inualidus, nullum ius ex eo prouenire debet posteriori Religioni. Azor *tom. 1. Inſtit. Mor. lib. 12. cap. 15. quæst. 3.* Molina *tom. 1. de Iust. disp. 144.* Vnde Religiosus, vel Religiosa, quæ transfertur ad aliam Religionem, non potest secum deferre ex bonis, quæ ad vsum habebat, nisi ea solum, quæ sibi gratiosè à Superioribus fuerint concessa. Nauarrus *in c. Non dicatis. n. 30. & 31. & in c. statuimus n. 24. & alibi.*

24 Religiosi cuiuscunque Ordinis, & Religionis exiterint, exceptis Carthusianis, admittentes, siue recipientes Fratres alterius Ordinis, præter ordinem Iuris, mortaliter peccant. Quia in re grauissima delinquent. Est etiam excommunicatio lata contra recipientes Fratres aliquarum Religionum, propter priuilegia ipsi ab Ecclesia concessa, specialiter Martini V. pro Mendicantibus transeuntibus ad Monachales excepto Carthusiensium Ordine. Vide Casarrubium in *Comp. priu. verb. Apostata ab Ordine*. Miranda in *Man. tom. 1. quæst. 51. art. 2.* Religiosi quoque Ordinis Beatæ Mariæ de Mercede, etiam quarti Voti prætextu, non possunt recipere Minores de Observantia, aut alterius Ordinis strictioris professores. Ita Clemens Octauus in Bulla *Nuper ad nos.* anno 1596. edita, ubi declarat Regulam strictiorem iudicandam, esse alia ratione, quam respectu quarti Voti. Deinde recipientes fratres Minimos sunt excommunicati à Iulio II. in Bulla *Sacer Ordo.* anno 1508. Peirinis *tom. 1. de Subdito. quæst. 1. de Obed. cap. 24.* Item ex priuilegio Alexand. IV. nulli Religiosi professores Ordinis parisi arctitudinis, vel minoris, aliquem de Fratribus Ordinis Carmelitarum, ad eorum Ordinem admittere possunt, sine consensu Generalis eiusdem Ordinis, & si forsan aliquem aliter receperint, illum tenentur restituere. Insuper ex priuilegio Ioann. XXII. Fratres Prædicatores, vel Minores, vel Augustiniani, non possunt ad eorum Ordines Fratres Carmelitanos recipere, vel retinere, sine eiusdem Generalis licentia, sub pœna priuationis Officij, vel Administrationis, & inhabilitatis ad alia ipso facto. Speculum Ord. f. 71. Vide alia in Bonac. *de Clausur. q. 2. pun. 9. §. 5.*

25 Religiosus Clericus ad Chorum deputatus, iussu, & auctoritate Superiorum potest transire ad Ordinem Laicorum, siue Conuersorum in eadem Religione. Sicut enim Superiores possunt suis subditis maiores pœnas infligere, videlicet carceris, electionis, triremium, &c. ita etiam poterunt istam pœnam imponere. Azor *tom. 1. Instit. Mor. lib. 10. cap. 6. quæst. 7.* Ledesma 2. par. *Summ. tract. 9. cap. 4.* Hoc verò intelligo de Clerico ad chorum destinato, qui nondum est in Sacris constitutus. Nam si est in Sacris, non potest ad inferiorem Ordinem deijci, etiam si à suis Ordinibus suspendatur. Sotus 10. *de Iust. quæst. 9. art. 3.* Laurentius de Peirinis *tom. 1. de Subdito. quæst. 1. de Obed. cap. 24.* Causæ autem propter quas Clericus non ordinatus, choro tamen destinatus, possit ad Conuersos deijci, regulariter sunt tres; nimirum punitio delicti, ineptitudo ad litteras addiscendas, & maximus ardor vitæ humilioris. Sanchez *lib. 6. in Deca. cap. 7. num. 81.* Prædictus autem Religiosus Clericus non ordinatus ad Conuersos translatus

tus, non tenetur dicere Officium Canonicum Clericorum. Cum totum fundamentum talis obligationis in alijs Religiosis Clericis Choro destinatis, nec in Sacris constitutis, sit dicta destinatio ad Chorum, & consuetudo, iuxta dicta supra *capit. 12. numer. 3.*

26 Qui ingreditur in aliquam Religionem animo tamen transeundi ad aliam post professionem, vel postquam studiorum cursum perfecit, aut ad Presbyteratum promotus fuerit, peccat graviter sic faciendo; transitus tamen ad aliam Religionem, si fiat legitimo modo, validus est. Ratio primæ partis, quia decipit Religionem in re graui. Ratio verò secundæ, quia vitur iure suo. Bonacina in *Tract. de Clausur. quest. 2. punct. 9. §. 1. num. 2.* Imò videtur teneri ad restitutionem expensarum, quas Monasterium fecit in ipso alendo, detractis ijs, quæ ipse proprio labore, & ministerio in utilitatem Monasterij fecit. Quia fecit damnum Religioni prædicto animo in ipsam ingrediendo, & ita debet illud resarcire. Sanchez *lib. 6. in Decalog. cap. 10. num. 2.* Bonacina *ut supra.*

27 Totus etiam Conuentus potest ad arctiorem Religionem transire, seruatis seruandis. Tum quia eadem est ratio de transitu Conuentus, ac de transitu Religiosi. Tum quia id supponitur in *cap. recolentes. ver. ceterum. de stat. Monach.* Rodriguez *tom. 3. quest. 52. ar. 6.* Bonacina in *Tract. de Clausur. quest. 2. punct. 9. §. 2. num. 5.*

28 Episcopus etiam Regularis potest ad strictiorem Religionem transire, cum licentia tamen Papæ. Ratio primæ partis, quia licitum est cuique maiorem perfectionem quærere; Religio autem strictior semper præsupponitur maioris perfectionis, quam laxior. Ratio secundæ sumitur ex *cap. licet. de Regul.* Vbi generaliter vetitum est Episcopis ad Religionem transire absque facultate Papæ. Bonacina *ut supra num. 7.* Quod idem dicendum est de Episcopis Regularibus, qui iam Episcopatum ex licentia Papæ renunciarunt. Propter eandem rationem. Si autem isti redeant ad suam Religionem sub obedientia Prælatorum ipsius, satis erit ad transitum faciendum licentiam petere à Superioribus Religionis, sicut & alij. Sanchez *lib. 6. in Decal. cap. 7. num. 8.*

29 Ex Concilio Tridentino *sess. 14. de reform. cap. 11.* sic habetur: Quia verò Regulares de vno ad alium Ordinem translati, facile à suo Superiiori licentiam standi extra Monasterium obtinere solent, ex quo vagandi, & apostatandi occasio tribuitur: nemo cuiuscunque Ordinis Prælatus, vel Superior, vigore cuiusvis facultatis aliquem ad habitum, & professionem admittere possit, nisi, ut in Ordine ipso, ad quem

quem transfertur, sub sui Superioris obedientia, in Claustris perpetuò maneat. Ex quo Decreto in ptimis habetur tam transeuntem ex vna Religione ad aliam, quàm recipientem, animo non manèdi intra Claustra perpetuò, grauiter peccare contra illud. Suarez 4. tom. de Relig. tract. 8. lib. 3. cap. 15. num. 8. Addens etiam num. 9. talem receptionem irritam non esse ex vi illius prohibitionis, cum Concilium non apponat clausulam irritantem. Poterit nihilominus, non obstante prædicto Decreto, Superior Religionis dare prædicto sic translato eas licentias exeundi extra Monasteriũ, & standi extra claustra, quæ aliàs licitè, & de iure concedi possent Religiosis illius Ordinis. Quia Concilium solum videtur intendere, quòd prædictis sic translatis non concedantur illæ licentia existendi extra Claustra, quibus vagandi, & apostatandi occasio tribuitur. Sanchez lib. 6. in Decal. cap. 7. num. 83.

De obligationibus Religiosorum ab Ordine eiektorum.

C A P. X X I I I.

- C**ERTVM est posse Prælatos Religionum Religiosos incorrigibiles ab Ordine eicere. Quia id supponitur in cap. fin. de Regu. & cap. cum ad Monasterium. de stat. Monach. Constatque ex multis priuilegijs Religionum, de quibus Cordub. in Reg. Diui Francisci cap. 2. quæst. 21. punct. 1. & habentur in priuilegijs Mendicantium verb. Eicere. Ratioque id suadet, quia refecandæ sunt carnes putridæ, ne scænas corruptant, & scabiosa ouis à caulis repellenda, ne cæteras inficiat, vt docet Sanctus Hieronymus in epist. ad Galatas cap. 5. Antepontique debet bonum commune Monasterij bono priuato Religiosi. Azor tom. 1. Instit. Mor. lib. 12. cap. 16. quæst. 2. Lessius 2. de Iust. cap. 41. dub. 14.
- 2 Ad hoc, vt Religiosus sit, & dicatur incorrigibilis, tria hæc requiruntur iure communi, scilicet, quòd crimina grauiora sæpius commiserit, quòd monitus sæpè non destiterit, & quòd pœnitentiam pro illis non acceptauerit. Ratio est, quia ille solum dicitur incorrigibilis, cuius emenda non speratur, at verò vt alicuius emenda non speretur, tria illa requiruntur. Sairus de censur. lib. 5. cap. 21. num. 37. Sanchez lib. 6. in Decal. cap. 9. num. 4.
- 3 Quamuis autem de iure communi loquendo, solum tria præ-

dicta sufficerent ad hoc, quòd Religiosus incorrigibilis diceretur, iure tamen nouo, & Decreto Sacrae Congreg. Conc. S. D. N. Papae Urbani VIII. iussu edito die 21. Septembr. anno 1624. aliæ conditiones requiruntur, vt Religiosus eiici possit, & censeatur incorrigibilis, videlicet, Vt in posterum è Religionibus nullus legitime professus eiici possit, nisi sit verè incorrigibilis; verè autè incorrigibilis minimè censeatur, nisi non solum concurrant ea omnia, quæ ad hoc ex iuris communis dispositione requiruntur, sublati hac in parte Statutis, & Constitutionibus cuiusque Religionis, & Ordinis, etiam à Sede Apostolica approbatis, & confirmatis, verum etiam vnus anni spatio in ieiunio, & pœnitentia probetur in carceribus, proindeque vnaquæque Religio priuatis habeat carceres in qualibet saltem Prouincia. Elapso autem anno, si nihilominus non resipuerit, sed animo indurato in sua peruicacia perseverauerit, ne contagione pestifera plurimos perdat, tamquam pecus morbida, ac membrum putre, eiici tandem possit, sed ab ipsomet Generali tantum de consilio, & assensu sex Patrum ex grauioribus Religionis eligendis in singulis Capitulis, vel Congregationibus Generalibus, tumque non nisi instructo secundum eorum stylum, & Constitutiones processu, & plenè probatis causis expulsionis ad Sacrorum Canonum præscriptum. Interea tamen vsque ad primum Generale Capitulum, seu Congregationem proximè celebrandam, si quempiam ex iustis, & necessarijs causis expellere oportebit, electio fieri possit à Generali cum consilio, & assensu sex Patrum, vt supra, quos idemmet Generalis, eligere debeat infra quattuor menses à præsentis Decreti publicatione, seruata tamen in reliquis forma superius præscripta. Vide 4. *tomo Bullar. inter Constitutiones Sanctissimi Domini nostri Urbani num. 26.* Et Bonacina *de clausur. q. 2. punct. 12. §. 1.*

4 Ex quibus non solum habetur nullum Religiosum in posterum expelli posse nisi seruatis prædictis conditionibus, sed etiam nullum expelli posse nisi titulo incorrigibilitatis, vt constat ex illis verbis, *In posterum è Religionibus nullus legitime professus eiici possit nisi sit verè incorrigibilis.* Neque obstant multa priuilegia Religionibus concessa, ob quæ propter alia delicta, præsertim illa, quibus in sæculo respondet pœna mortis, eiici poterant, vt bene Azor *tomo 1. Institut. mora. lib. 12. cap. 16. quasi 3.* Ius enim nouum Sacrae Congregationis adductum, omnia priuilegia incongrarium tollit, vultque solum propter incorrigibilitatem Religiosum eiici posse. Estque hoc conforme iuri antiquo communi,

muni, in quo solum propter incorrigibilitatem permittitur talis eiection. D. Thom. *quodlibet* 12. art. ult. D. Bonavent. in *Regul. D. Francisci* q. 14.

5 Circa sex illos Patres eligendos, de quorum solum consilio, & assensu eijci possunt incorrigibiles, ex vi huius Decreti, cum difficile sit Generalem quocumque ierit, illos secum deferre, dicitur supplicatum fuisse S. Congregationi, ipsamque respondisse, posse Generalem in qualibet Prouincia, in qua id opus fuerit, assumere sex ex diffinitoribus illius pro hac causa. Laurentius Peirinis *to. 2. priuileg. Minim. in Constit. 10. Urban. VIII.* Consonat etiam Decretum Capituli Generalis nostri Ordinis ann. 1625. Romæ celebratum, ubi facultas Generali committitur eligendi sex Patres sibi bene uisos ad hunc effectum, ut habetur *p. 4. Constitut. cap. 21. §. 14.*

6 Hinc, si Religiosus iniuste, aut illegitime, modo predicto non seruato, eijceretur ab Ordine, non solum eijciens peccaret contra iustitiam, sed & expulsus posset compellere Monasterium ut ipsum admitteret, & alimenta præberet. Eò quod iniuste priuatus esset iure sibi debito: sicut enim Religiosus per professionem se obligauit in Religione mansurum; sic etiam & Religio ad illum retinendum, & alendum. Molina *tomo 1. de Iust. disp. 140. §. quando Religiosus.* Sanchez *lib. 6. in Decalogum cap. 8. numero 7. & 8.*

7 Religiosos à Religione eiectiones tenentur Prælati illius, scilicet Præsidentes in Capitulis celebrandis, Patres Abbates, seu Priores, quærare illos annuatim, & reducere ad Religionem, quando salua Ordinis disciplina admitti possunt. Ita enim præcipitur in *cap. fin. de Regularib.* quod quidem, licet in usu non fuerit (ut aliqui volunt. Sanchez *lib. 6. in Decalog. cap. 9. num. 18.*) & alij dicant solum extendi ad eos, qui iniuste sunt eiectiones. (Azor *lib. 17. Instit. mor. cap. 16. quest. 2. & cap. 17. quest. 2.*) illud tamen nouissime innouauit S. Congreg. Cardinalium supra adducta *num. 3. & extendit ad illos etiam, qui iuste, & legitime sunt expulsi, dummodò in illis subsit spes euidentis emendationis, per hæc verba. Ac postremo censuit esse innouandam, & sue Beatitudinis auctoritate innouat Constitutionem sælitis recordationis Gregorij IX. relata in cap. fin. extr. de Regularib. Ac præterea declarat eam Constitutionem in ijs quoque vendicare sibi locum, seruandamque esse, qui iuste, diffinitiuèque, ac Iuris Ordine seruato, expulsi fuerint, dummodò tamen in expulsis huiusmodi subsit spes euidentis emendationis ex litteris testimonialibus Ordinarij, &c.* Additur præterea in eodem *cap. fin.* quod si tales eiectiones non possunt admitti salua Ordinis.

dinis disciplina, ut apud eadem Monasteria in locis competentibus, si absque graui scandalo fieri poterit, alioquin in alijs Religiosis domibus eiusdem Ordinis ad agendum ibi poenitentiam talibus vite necessaria ministrantur. Et quod si illos inuenerint inobedientes, eos excommunicent, & tandiu faciant ab Ecclesiarum Prælatiſ excommunicatos pronuntiari publicè, donec ad mandatum ipsorum humiliter reuertantur. Quæ omnia licet forſan per non vſum abrogata iam eſſent, quia tamen de nouo innouata ſunt à S. Congregatione, ut ſupra, executioni mandari debent à Superioribus Religionum.

8 Ex Decreto etiam eiſdem S. Cōgregationis, ſic Eiecti quamdiu non redierint ad Religionem, in habitu clericali incendant, atque Ordinarij loci Iuriſdiçtioni, & obediçtiæ ſubſint, proindeque Generalis illico expulſionis ſententiam eidem Ordinario notificare teneatur. Inſuper ſtatuit, ut ijdem Superiores nemini ex Religioſis expulſis, litteras teſtimoniales concedant, illos ad Sedem Apoſtolicam reijcientes, vel iubentes aliam ingredi Religionem. Item declaratur, & præcipitur in eodem Decreto S. Congregationis. *Vt Eiecti extra Religionem degentes ſint perpetuò ſuſpenſi ab exercitio Ordinum, ſublata Ordinarijs locorum facultate diçtæ ſuſpenſionem relaxandi, aut moderandi.* Ex illis autem verbis, *extra Religionem degentes*, inferri videtur ſolùm habere locum hoc Decretum quantum ad hanc partem in illis Eiectis, qui non intrant in aliquam aliam Religionem. Bonacina de *Claufur.* q. 2. punct. 12. §. 6.

9 Quando conſtiterit huiusmodi Eiectos plenè correctos eſſe, poſſunt ipſi cogere Religionem, ex qua eiecti ſunt, ut eos admittat. Probat̃ur ex deciſione *cap. ſin.* de Regular. adiuncta declaratione S. Congregationis adducta ſupra num. 7. ibi enim præcipitur Prælatiſ, ut eos quærant, multò ergo magis obligantur eos recipere, ſi iam correcti redeant. Nauarrus *lib. 3. conſ. tit. de Regular. conſ. 18. vel 51.* Molina *tomo 1. de Juſt. diſp. 140. §. quoad votum.* Neque in hoc admitti debet excuſatio aliqua poſt diçtam declarationem S. Congregat. nam per eam innouatur diçtum. *cap. ſin. de Regular.* quidquid dicant aliqui authores, qui ipſam videre non potuerunt. Cordub. in *Regul. D. Franciſci cap. 2. q. 71. punct. 2.* Leſſius *2. de Juſt. cap. 41. dub. 15. num. 112.* & Sanchez *li. 6. in Deca. cap. 9. num. 32.* Redeuntes tamen ad Religionem non teneantur nouam profeſſionem facere. Quia prior profeſſio non eſt extincta, ſed ſolùm ſuſpenſa pro aliquo tempore. Rodriguez *tomo 1. quaſt. Regul. q. 30. art. 28.* Sanchez *lib. 6. in Deca. cap. 9. n. 33.* contra Nauarrum. An verò ſic redeuntes admitti debeant in eodem gradu antiquitatis, quem habebant ante eiectionem, & cum

cum eisdem prerogatiuis, pendet ex varijs legibus Religionum; regulariter tamen, & seclusis particularibus circumstantijs, dicendum est, quod cum meruerint eijs, digni quoque sunt, vt eiusmodi prerogatiuis priuentur. Suarez 4. tom. de Relig. tractat. 8. lib. 3. cap. 5. num. 17.

10 Tempore quo manent isti Eiecti extra Religionem non possunt ad aliam, siue æqualem, siue laxiorem transire sine licentia Superiorum suæ Religionis, & alijs conditionibus assignatis cap. præcedenti. Ratio est, quia vt dicemus, isti Eiecti, etiam tempore eiectionis perseverant Religiosi illius Ordinis à quo sunt eiecti, & illi subiecti; non ergo possunt sine licentia Superiorum eiusdem Ordinis hunc transitum facere. Cordub. in Reg. D. Francisc. cap. 2. quæst. 2. 1. punct. 3. Suarez tom. 5. in 3. par. dis. 22. sect. 5. n. 20. Hoc verò intellige de iure communi, si enim permanet in sua vi priuilegium quoddam Innoc. IV. concessum Minoribus, possunt isti Eiecti de Ordine Minorum, & aliorum ipsius priuilegia participantium, transire ad Ordines approbatos, præterquam ad certas quædam Religiones, & cum certis quibusdam conditionibus in eo expressis. Rodriguez tomo 1. quæst. Regu. q. 30. art. 22. Sanchez lib. 6. in Dec. c. 9. §. 39. Crediderim tamen non esse in usu huiusmodi priuilegium. Nec scio an illud fuerit viux vocis oraculum, quia si tale est his temporibus nihil valet.

11 Eiecti manent verè Religiosi, & cum onere trium Votorum essentialium sicut antea. Colligitur hoc ex cap. fin. de Regu. & ratio suadet: cum per eiectionem non sint dispensati, aut absoluti à professione, quam fecerant, aliàs ex suo delicto commodum reportarent contra ea, quæ traduntur c. 1. de postu. Prælat. & cap. sedes Apost. & rescript. essentque melioris conditionis, quam Religiosi facti Episcopi, aut Cardinales, quos manere veros Religiosos diximus cap. 17. num. 1. Nauarrus Comm. 2. de Reg. à nu. 34. & Comm. 3. num. 46. Azor tom. 1. Instit. mor. lib. 12. cap. 16. quæst. 4. 7. & 11.

12 Vnde manent cum eodem Voto Castitatis sicut antea; cum in eo nullo modo sint dispensati. manent etiam cum eodem Voto obedientiæ, quantum ad hoc quod teneantur obedire Superioribus, si eos vellint ad Religionem reuocare. Siquidem habet ius illos reuocandi, cuius signum est quod in prædicto cap. fin. de Reg. innouato à Sacra Congregatione, vt supra nu. 7. præcipitur vt censuris cogantur ad Reli. reuerti, Quod non esset, nisi ipsi essent ad hoc obligati ex vi Voti Obedientiæ. Siluester verbo Apostasia, q. 6. n. 10. & Verbo Religio 6. q. 12. nu. 12. Nauarrus lib. 3. conf. in 2. editione tit. de Reg. conf. 77. Manet etiã cum eodẽ Voto obedientiæ

tia, quātū ad hoc quōd est teneri morigeratē vivere, & reddere se aptos ad viuendum in Religione, & vt ad illam admittantur. Cum ad hoc etiam sint obligati ex vi suæ Professionis, in qua non est dispensatum. Sorus 7. de *Iustitia*, & *Iure* q. 2. ar. 5. ad 3. Sanchez lib. 6. in *Dec.* c. 9. à nu. 25. Tenentur etiam ex vi Voti Obedientiæ esse parati ad obediendum Prælatis Religionis, quando ad ipsam fuerint reuocati. Propter eandem rationem, Molina to. 1. de *Iustitia disp.* 140. §. *quo ad Votum*. Rodrig. to. 1. *quæst. Regu. quæst.* 30. art. 19.

13 Non tamen tenentur ex vi Voti Obedientiæ, quod emiserunt, subijci Episcopis specialiori modo, quàm alij Clerici. Quamuis oppositum doceat cum Nauarro Suarez 4. tom. de *Reli. tract.* 8. lib. 3. cap. 6. & aliqui etiam velint amisisse per expulsionem priuilegium exemptionis. Erasmus Chokier de *Iurisdic. Ordinar. in Exempt. part.* 1. *quæst.* 20. Ratio est, quia Votum Obedientiæ, quod emiserunt, solum erat obediendi Prælatis Religionum, non alijs. Molina tom. 1. de *Iust. disp.* 140. Lessius 2. de *Iust. cap.* 41. *dub.* 15. nu. 114. Nec etiam tenentur ex vi eiusdem Voti transire ad aliam Religionem. Siquidem nullo modo illam vouerunt, sicut neque Religionem in genere, sed solum illam determinatē, à qua expulsi sunt. Sorus 7. de *Iust. quæst.* 2. ar. 1. Nauarr. *Comm.* 2. de *Reg. nu.* 36. Hoc etiam videtur supponi à Sacra Congregatione in Decretis adductis supra num. 8. dūm præcipit Superioribus Religionum, ne huiusmodi expulsi litteras testimoniales concedant, iubentes ingredi aliam Religionem. Vnde non tenentur obedire Superioribus iubentibus, vt transeant ad aliam Religionem. Propter rationem adductam. Lessius 2. de *Iust. cap.* 41. *dub.* 15. Rodriguez tom. 1. *quæst. Regul. quæst.* 30. art. 22.

14 Quoad Votum Paupertatis, tenentur ad illud huiusmodi Electi, eo modo, quo status illorum patitur. Quia hoc est de essentia Religionis, quam sunt professi, & à qua non sunt dispensati. Sanchez lib. 6. in *Deca. cap.* 9. num. 27. & 45. Nauarrus *Comm.* 2. de *Regular. num.* 35. Vnde Electi nec habent, neque habere possunt dominium cuiusvis rei. Quia hoc est directē contra Votum. Nec vsum irreuocabilem, aut vsum Iuris; propter eandem rationem. Sed solum vsum facti, & incertum rerum sibi ad victum, vestitum, habitationem, & vitam necessariarum. Quia hoc non est contra Votum Paupertatis, nec professi sunt carere his rebus. Quare si illæ à Religione non concedantur, eo ipso datur licentia quærendi, & habendi illas. Lessius 2. de *Iust. cap.* 41. *dub.* 15. num. 112. Nec possunt testari, si in illo statu moriantur. Quia potestas testandi pugnat cum Voto Paupertatis, & supponit dominium rei, non me

merum vsum, quem solum habent Eiecti. Lessius *ut supra num. 113.* Sairus *in Clau. Reg. lib. 6. cap. 9. num. 28.* Hinc etiam non possunt facere expensas magnas, superfluas, nec donationes illicitas, aut rerum magni ponderis; & accipientes ab illis, tenentur ad restitutionem. Cum prædicti Eiecti non sunt domini eorum, quæ possident, sed solum administratores nomine Religionis in ordine ad vsus necessarios. Poterunt tamen res minoris momenti expendere, & donare, absque eo quod accipientes teneantur ad restitutionem. Quia quoad ista censentur habere licentiam à Prælati Religionis, à qua sunt expulsi. Lessius *de Iust. cap. 41. dub. 15. num. 113.* Molina *tom. 2. de Iust. disp. 276. & 520.*

15 Acquirunt isti Religiosi Eiecti Monasterio, vel Religioni, vnde sunt expulsi. Cum Monasterium, siue Religio, ex vi professionis ab ipsis factæ, habeant ius ad omnia bona ab ipsis in posterum acquirenda. Præsertim cum huiusmodi Eiecti non sint omnino à Religione derelicti, sed solum separati à communione, & commercio ipsius; cuius signum est, quod tenetur querere illos, & si correcti resipiscant, admittere, ut diximus supra. Lessius *2. de Iust. cap. 41. dub. 1. num. 112.* Molina *tom. 1. de Iust. disput. 140.* Vnde etiam si iniuste sint eiecti, aut detenti extra Religionem, acquirunt ipsi. Quia mala voluntas Prælatorum iniquè eiicientium Religiosos, aut extra Ordinem detinentium, non debet indammum Religionis vergere. Sanctus Antoninus *3. par. tit. 16. cap. 5. §. 4.* Angelus *in Summ. verb. Monasterium num. 6.*

16 Huiusmodi autem Eiectorum bona, post illorum mortem, si extra Religionem mori contigerit, applicari debent ad Cameram Apostolicam. Propter Constitutionem Gregorij XIII tom. secundo Bullar. inter Bullas huius Pont. num. 43. ubi statuit, quod spolia Regularium extra Claustra degentium, pertineant ad prædictam Cameram. Sanchez *lib. 7. in Deca. cap. 33. num. 21. & 31.* Bonnac. *de Clausur. qu. 2. punct. 12. §. 7.*

17 Quamvis aliqui probabiliter dicant huiusmodi Eiectos teneri ad Observantias omnes Regulares sui Ordinis, quoad eas scilicet, quas possunt in sæculo observare, & ad alia Vota supratrtria essentialia, quæ in professione suæ Religionis emiservunt, quale est illud Minimorum de vita Quadragesimali, & Mercenariorum de redimendis captivis; quia alias non paruum commodum ex sua iniquitate reportarent. Probabile tamen etiam est ad ista non teneri. Ratio est, tum quia ista solum videtur Religiosos vouisse, pro tempore, quo in Religione manerent, & ut accessoria, & annexa perseverantiæ in tali Religione. Tum quia, generaliter loquendo, votum desinet obligare, quando est ita notabilis mutatio ma-

tertia facta, vt reddatur notabiliter difficilior, & qua à principio præuisa non fieret votum, quod contingit in proposito. Sotus 7. de Iust. & Iur. quæst. 2. art. 1. Nauarr. Comm. 3. de Regu. num. 46. & lib. 3. Constit. de Regu. conf. 51. vel 78. num. 2. Habitum verò Religionis non tenentur portare prædicti Eiecti, cum illo iuridicè sint priuati in pœnam suorum defectuum. Azor 1. tom. Instit. Mor. lib. 17. cap. 18. quæst. 13. Lessius 2. de Iust. cap. 41. dub. 15. num. 112. Imò illum portare non sunt permittendi, quia hoc cederet in dedecus Religionis. Suarez 4. tom. de Reli. tract. 8. lib. 3. cap. 6. num. 14. Quoad Officiam Diuinum recitandum, vt diximus cap. 12. num. 7. tenentur isti expulsi, si sint in Sacris constituti; secus verò si solùm sint professi. etiam Choro destinati. Suarez 4. tom. de Reli. tract. 8. lib. 3. cap. 6. num. 12.

18 Sic eiecti, quamdiu in sæculo steterint, non possunt confessiones audire, nec prædicare, nec docere. Propter priuilegium Innocent. IV. quod refert Casarrub. verb. *Eijcere* num. i. quo vt possunt tam Fratres Minores, quàm qui eorum priuilegia participant. Rodriguez tom. 1. quæst. Regu. quæst. 30. art. 21. Miranda tom. 1. Man. quæst. 52. art. 5. Vnde inferunt aliqui sic Eiectos quâdiu in sæculo vixerint, esse infames, intelligo infamia facti. Rodriguez *vs supra*. Laurentius de Peirin. tom. 1. de Subdito quæst. 1. de Obedient. cap. 25. §. 1. Ex hoc etiam inferri potest esse irregulares, cum infames omnes irregulares etiam sint. Ad minus tamen manent *suspensi perpetuò ab exercitio Ordinum, sublata Ordinarijs locorum facultate dictam suspensionem relaxandi, aut moderandi.* vt vidimus sup. num. 8. ex Decr. S. Congreg.

19 Nec illis tenetur Religio de alimentis providere. Quia illa solùm debent præstari his, qui sub Regulari disciplina sunt constituti. Azor lib. 12. Instit. Mor. cap. 16. Alderete lib. 2. de Relig. discip. cap. 26. num. 27.

20 Dandæ autem sunt illis litteræ dimissoriæ, quæ eiectionis sententiam contineant, quæ etiam id locorum Ordinarijs denuncietur. Alderete lib. 2. de discip. Relig. cap. 26. num. 23. Addens monendos esse, nullo modo à Votis esse solutos, neq; in illis dispensatos. Quod quidem conueniens reputo, sed non necessarium. Quia illud ipsi scire tenentur, nisi forsan idiotæ sint, aut ignorantes, vt puta: Conuersi. Non tamen sunt illis concedendæ litteræ testimoniales, quibus ad Sedem Apostolicam reijciantur, aut ad aliam Religionem mittantur. Ex Decreto S. Congreg. adducto sup. num. 8.

De Nouitijs, eorumque obligationibus,
& privilegijs.

C A P. X X I V.

N O V I T I I in Religionibus appellantur illi, qui nondum professionem tacitam, vel expressam emiserunt, sed sunt in Religione per aliquod tempus, quod vocatur Approbationis, ut experimento cognoscant austeritatem Regulæ, & Religionis, quam volunt profiteri, & videant si velint, an non, professionem emitte- re. Ad quos tamen pertineat illos ad Religionem admittere, diximus supra cap. 18. *num. 66.*

2 Non tenentur Nouitij tempore Nouitiatus præceptis communibus Regulæ Constitutionum, & Superiorum Religionis. Quia pro illo tempore non sunt partes Communis Religiosæ, neque in Religiosorum Sodalitium admissi, sed tantum versantur in probatione ad experiendum, an velint, vel non, professionem emitte- re. Cordub. *lib. 1. quest. 3. in 5. probat prima opinionis.* Henricus *lib. 7. de Ind. cap. 22. num. 7. & lib. 6. de pœnit. cap. 16. num. 3.* Ex graui tamen decentia ad prædicta omnia obligantur, eò quòd etiam pro tempore Nouitiatus sunt aliquo modo subiecti Religionis, & participant de bonis spiritualibus ipsius. Quidam apud Azor *lib. 12. Instit. Mor. cap. 2. quest. 10.* Insuper quantum ad ea, quæ specialiter spectant ad bonum regimen, & finem probationis ipsorum Nouitiorum, tenentur in conscientia obedire Superioribus Religionum. Ratio est, quia quoad ista habent prædicti Superiores potestatem, & Iurisdictionem supra Nouitios, licet non sit tanta quanta supra Professos, Sanchez *lib. 6. in Deca. cap. 10. num. 22.* Addens etiam *num. 17.* posse prædictos Superiores præcipere aliquid Nouitijs etiam sub pœna excommunicationis. Quod tamen non nisi rarò admitterem, aut consulerem.

3 Possunt Nouitij, si volunt, ab instituto Regulari incepto retrocedere, & ad sæculum redire. Quia ad hunc finem institutum est tempus Nouitiatus. Quo casu non tenentur soluere expensas, quas in suis alimentis Monasteria fecerunt, etiam si ministeria ipsorum Nouitiorum in Religione æquivalentia non sint prædictis expensis. Tum quia aliàs non esset libera professio, saltem in multis, qui sæpius detinerentur ab egressu, ne soluerent tales expen-

penfas. Tum etiam, quia Religio liberè etiam, & spontaneè facit illas, vt supponimus. Rodriguez *tom. 3. quæst. Regular. quæst. 15. ar. ult.* Azor *lib. 12. Inſt Mor. cap. 3. quæst. 6.* Si tamen quis praua intentione, & animo decipiendi Religionem in illam intraret, & poſtea recederet, crederem teneri ad expenſas dictas. Eò quòd æquum non eſt, vt aliquis reportet commodum ex fraude, & malitia ſua. Indicat hoc Sanchez *lib. 6. in Decal. cap. 10. num. 3.* Addès etiam *num. 5.* quòd quando pactum eſt factum inter Conuentum, & Nouitios, quòd Nouitij ſoluant prædictas expenſas, tunc ſiue perſeuerent, ſiue non, debent illas ſoluere.

4 Gaudent Nouitij priuilegio fori, ita vt conueniri non poſſint pro vllò delicto coram iudice ſæculari. Quia ſunt aliquo modo ſub poteſtare, & Iuriſdictione Eccleſiaſtica Religionis; gaudentque Canonis priuilegio; ita vt illos percutiens innoderetur excommunicatione ac ſi percuſſerit Clericum, iuxta *cap. Religioſus. de ſent. excomm. in 6.* Ludouicus Lopez *1. par. Inſtruet. conſcien. cap. 47. Azor lib. 12. Inſtit. Moral. cap. 2. quæst. 11.* Vnde Nouitij in Religione delinquentes, à Superiori puniri debent, quia ſunt ſub illius poteſtate. Nauarrus *conſ. 5. de for. compet.* Alderete *lib. 1. de Relig. diſcipl. cap. 7. num. 33.* Nec poſſunt conueniri coram Iudice Eccleſiaſtico, aut ab eo puniri, ſed ſolum à Prælatis ſux Religionis. Propter eandem rationem. Molina *tom. 1. de Juſt. diſp. 139. & tom. 3. diſp. 671. num. 2.* Sanchez *lib. 6. in Decal. cap. 10. num. 11.* Inſuper, propter eandem rationem, eximuntur ex vi Nouitiatus à ſolutione Gabellarum. Molina *vt ſupra.* Sanchez *vt ſupra num. 16.*

5 Cum Nouitijs poſſunt diſpenſare Prælati Religionum exemptarum pro tempore Nouitiatus, non ſolum circa Obſeruantias Regulares earundem Religionum, ſed etiam, circa obſeruantiam Præceptorum Eccleſiæ, v. g. ieiunij, auditionis Miſſæ, &c. Ratio eſt, quia etiam pro illo tempore Nouitiatus gaudent priuilegio exemptionis, & quoad ſpiritalia ſunt ſub cura Prælatorum Religionis, ſicut eſſent ſub Episcopis, ſi manerent in ſæculo. Suarez *4. tom. de Relig. Tract. 8. lib. 2. c. 14. n. 8.*

6 Poſſunt etiam Nouitij, quantum eſt ex vi iuris communis ad Ordines Sacros promoueri, etiam durante Nouitiatu. Quia nullus eſt Textus hoc prohibens, neque *cap. Monaſterijs 19. quæst. 3.* quod aliqui afferunt, probat aliquid in contrarium: ſolum enim ibi prohibetur Nouitijs portare habitum, & conſuram Profeſſorum. Suarez *tom. 5. in 3. par. diſp. 50. ſec. 5. num. 13.* Sanchez *lib. 6. in Deca. cap. 10. num. 19.* Ordinandi autem ſunt Nouitij ab Episcopis Diœceſis ipſorum Nouitiorum. Henriquez *lib. 10. de Sacram.*

Or-

Ordinis, & 14. de *Irregu.* Suarez tom. 2. de *Relig. tract. de Voto cap. 11. num. 9.* Probabile etiam est posse etiam ordinari ab Episcopo in cuius Diœcesi est Nouitiatus, quando Nouitij habent firmum propositum permanendi in Religione. Quia isti tales iam quasi mutarunt domicilium, & volunt esse in domicilio Religionis, vel Nouitiatus. Sanchez *lib. 6. in Deca. cap. 10. num. 21. & 22.* Naldus *verb. Ordo. num. 10.* Vide dicta *cap. 14. præsertim num. 10. 12. & 13.*

7 Nouitij possunt vti priuilegio Bullæ Cruciatæ, eligendo scilicet sibi Confessorem, qui eos absoluat à casibus reservatis, non obstante quòd Professi non possint vti hoc, vel similibus priuilegijs, & indultis, iuxta dicta supra *cap. 19 num. 29.* Ratio est, quia verba Bullæ cum sint generalia etiam comprehendunt Nouitios, nec specialis ratio, propter quam Professi excluduntur, procedit in illis, cum non sint simpliciter veri Religiosi, nec simpliciter subiecti Religioni Suarez tom. 4. de *Reli. tract. 8. lib. 2. cap. 16 num. 10.* Nihilominus probabilius est non posse confiteri inuito Prælato Religionis alicui Confessori habenti tantum approbationem ab Episcopo. Quia per Nouitiatum censentur mutasse territorium, & domicilium, & esse sub iurisdictione Religionis. Cordub. *lib. 1. quæst. 30.* Suarez 4. *tomo de Relig. tract. 8. lib. 2. cap. 17. à num. 14.* Licet alij probabiliter oppositum teneant. Miranda in *Man. tom. 2. quæst. 34. ar. 16.*

8 Possunt etiam Nouitij absolui à Prælatiis suæ Religionis à censuris excommunicationis, suspensionis, & interdicti, à iure, vel ab homine, saltem generaliter promulgatis. Propter multa priuilegia aliquibus Religionibus concessa, quibus frui possunt tam ipsæ, quam aliæ, quæ cum ipsis communicant in priuilegijs. Specialiter Clem. IV. pro Minoribus, vt refert Casarrub. in *Comp. ver. Absolut. Ordin. quoad Fratres. num. 4.* Referens etiam ibidem idem ad litteram haberi in Mari magno Prædicatorum. Sed pro hoc intento vide Suarez 4. *tomo de Relig. tract. 8. lib. 2. cap. 14. à num. 5.* Vbi priuilegia circa hoc adducit, & Laurentium de Peirinis tom. 1. *priu. Minim. in Constitut. 2. Iulij II. §. 9.* explicantem priuilegium eiusdem Iulij 2. quoad hoc. Alia etiam afferri solent, sed ea omitto, quia sunt viuæ vocis oracula, quæ nihil iam valent. Extat tamèn priuilegium Sixti IV. in Bulla *Dum attenta.* Carmelitis concessum, in quo conceditur Generali, & Prouincialibus pro Nouitijs volentibus aggregari Religioni, qui suspensionis, aut interdicti, vel excommunicationis sententijs à iure, vel à iudice promulgatis generaliter sint ligati, vt absolutionis beneficium, obseruata forma Canonica, possint impartiri. Adiungit

etiam. Ipsosque in Fratres recipere, ac eos, qui post assumptum Habitum, & Professionem emissam recoluerint se talibus in saculo fuisse sententijs innodatos, secundum formam ipsam, vos Generalis Magister, & Prouinciales; Priores, ac vices vestras gerentes valeatis absolueri, & cum irregularibus dispensare: si forsã talibus innodati sententijs, vel in locis interdicto suppositis Diuina præsumpserint Officia celebrare, vel Ordines receperint. Ita tamen, quod si aliqui, ex eisdem sententijs, propter debitum sunt adstricti, satisfaciant, vt tenentur. Volumus autem nihilominus quod postquam fuerint absoluti huiusmodi volentes aggregari prædictæ Religioni, nisi mox Ordinem vestrum intraverint, quacunque etiam eiusdem Ordinis Prælatorum licentia non obstante, eo ipso in pristinas sententias, à quibus eos totaliter absolui contigerit, relabantur, Specul. Ordin. fol. 86. Ibidem etiam in verbis antecedentibus conceditur ab eodem Pontifice Generali, & Prouincialibus, vt suis Fratribus *Vndecumque absolutione, & dispensatione indigentibus: siue priusquam intrauerint in Ordine, siue post, in casibus excesserint, pro quibus excommunicationis, vel interdicti, aut suspensionis incurrant sententias à iure, vel iudice generaliter promulgatas, & huiusmodi sententijs innodati, aut in locis suppositis Ecclesiastico interdicto Diuina Officia celebrantes, vel suscipientes Ordines sic ligati, notam irregularitatis incurrant, absolutionis, & dispensationis beneficium valeant impartiri: nisi in casibus in præsentibus litteris exceptis.* Casus autem isti excepti sunt, quos refert idem Pontifex inferiùs verbis adductis à nobis in c. 18. de Prælat. num. 33.

9 Attendenda verò sunt verba Priuilegiorum, propter quæ Nouitij absoluuntur, vel dispensantur. Alia enim volunt, quod si Nouitij post absolutionem datam non ingrediantur Religionem, vel in ea non profiteantur, reincidant in priores censuras, alia verò absolute loquuntur. Aliqua loquuntur de Nouitijs, qui iam habitum susceperunt; aliqua verò de illis, qui illum volunt recipere. Suarez tom. 4. de Relig. lib. 2. c. 24. à n. 5. Peirinis tom. 1. priu. Minim. in Const. 2. Iulij II.

10 Ab irregularitatibus etiam à Nouitijs contractis in saculo possunt dispensari à Prælati dictarum Religionum, propter aliqua ex prædictis priuilegijs, præsertim propter illud Clem. IV. pro Fratribus Minoribus, Iulij II. pro Minimis, & Sixti IV. pro Carmelitis, illis verbis iam adductis: *& cum irregularibus dispensare: si forsã talibus innodati sententijs, vel in locis Interdicto suppositis, Diuina præsumpserint Officia celebrare, vel Ordines receperint.* Speculum Ordinis fo. 86. Item ibidem in verbis etiam addu-

ductis. Et huiusmodi sententijs innodatis, aut in locis suppositis Ecclesiastico interdicto Diuina Officia celebrantes, &c. notam irregularitatis incurrant. Vide etiam Bullam Iulij Secundi adductam in Peirinis.

11 Non possunt admitti ad Religionem Episcopi, aut in Episcopali dignitate constituti absque expressa licentia Papæ. Tum quia ita expressè definiuit Innocen. Tertius in cap. *Nisi cum priorem, de renuntiatione*. Tum quia status Episcoporum altior est statu Religioforum, & ita ab illo ad istum non est transitus sine dispensatione Summi Pontificis. Nauarr. lib. 1. Conf. conf. 1. & 4. de renuntiatione. Miranda in Man. tom. 1. quæst. 17. art. 3. Barbosa de potest. Episc. alleg. 53. num. 23. Prælati autem Episcopo inferiores ad Religionem possunt admitti propter oppositam rationem. Sanctus Thomas 2. 2. quæst. vlt. art. 7. Siluester verb. *Religio*. 2. quæst. 8.

12 Maxime autem sciendum est, iuuenes, aut viros adultos maiores sexdecim annis, non aliter in aliquam Religionem recipi posse, nec debere, nisi prius de eorum Parentibus, Patria, deque antea acta vita, & moribus, diligenter inquiratur, & ex accurata informatione, & fidedigna relatione, compertum, & exploratum sit eos, nec aliquorum criminum, qualia sunt homicidia, furta, latrocinia, vel alia similia, aut grauiora, reos, vel suspectos existere, vt propterea damnati sint, aut ne damnentur formident, neque ingenti ære alieno supra vires facultatum suarum grauatos, vel reddendis ratiocinijs ita obnoxios, vt ex huiusmodi causa lis, vel molestia, eis iam illata, vel timendum sit, quod inferatur, nisi denique constet ipsos non humana aliqua ratione, sed tantum deuotionis, & pietatis feruore vitam religiosam spontè, & ex animo elegerint. Ita Sixtus V. in Constitut. incipiente *Cum de omnibus Ecclesiasticis Ordinibus*, sub datis an. 1587. sexto Calen. Decembr. Pontificatus sui anno 3. Voluit autem idem Pontifex, vt istorum receptio, & admissio solum fieret in Generali, vel Prouinciali Capitulo, indubitata fide facta, tam superioris Generalis, seu Prouincialis, quàm Definitorum consensu, de prædictis omnibus. Postea verò idem Sixtus Quintus in alia Constitutione, *Ad Romanum Pontificem*. Romæ duodecimo Calendas Nouembris 1588. moderans prædicta, subiungit. *Cum verò in quibusdam Religionibus Capitula Prouincialia, aut numquam, aut non quot annis, sed rariùs celebrentur, quedã etiã Monasteria, aut domus huiusmodi remotissimis regionibus hereticorum, aut infidelium tyrannidi finitimis sita sint, ne ij, quos extra Capitula ad habitum, vel professionem Regulares admitti prohibuimus, tẽpus celebrandis Capitu-*

tulis præfixum nimis diu expectare, aut ad ea cū maximo incommodo accedere cogantur, concedimus, & indulgemus; ut in qualibet Prouincia, saltem duo, vel si commodè fieri poterit tria, aut plura Monasteria, seu domus Regulares deputentur, quarum, seu quorum Superiores infra annum saltem ad inquisitionem super Nouitijs faciendam, & ad ipsos Religiosos iuxta formam præfata Constitutionis recipiendos, & ad alia, quæ in ipsa Constitutione continentur peragenda in simul congregentur. Quòd si paucitas, aut nimia distantia Monasteriorum, ne id quidem patiat, saltem tribus ex antiquioribus Patribus vnus Monasterij, aut domus eius Prouincia, huiusmodi facultas, & auctoritas per Capitulum, Generale scilicet, Monachorum, vel Prouinciale Mendicantium, & reliquorum Regularium eiusdem Ordinis demandetur, Pro exteris autem, qui in locis à sua Patria longissimè remotis degunt, vel quorum Patria ab hæreticis, vel infidelibus detinetur, si velint Religionem intrare, concessit idem Pontifex exteros huiusmodi aduenas, quamuis non liquidò constet de ijs omnibus, quæ in Constitutione nostra requiruntur, tamè si diligentia adhibita, nihil appareat, quod eos impediat, habiles reputandos esse. Vide Bullam apud Quarantam in Summ. Bullar. verb. Monasteria, & Conuentus, &c.

13. Postea verò Gregorius XIV. in Bulla *Circumspecta Romani*. ann. 1590. apud eandem Quarantam ubi supra, aliam moderationem adhibuit prædictis Constitutionibus Sixti V. pro illis Monasterijs, in quibus perpetua filiatio Religiosorum reperitur, videlicet, quòd Superiores illorum Monasteriorum de consensu sui Capituli, præhabita simul cum his, de quibus in vnaquaque Religione, aut Monasterio iuxta eius Constitutiones recipiendus interrogari solet, aliqua informatione, super his, quæ in dictis Constitutionibus continentur, ad receptionem huiusmodi procedere valeant, dum tamen antequam ad professionem admittantur, plenaria, & eo modo, prout in dictis Constitutionibus habetur, inquisitio fiat, quæ postea ab his, à quibus in prædictis Monasterijs examinari solent, diligenter examinetur, & approbetur, & demum omnia in dicto Capitulo coram Superiore referantur. Volentes quòd Superiores prædicti cum eorum Capitulo, aut vbi consuetudo non fuerit celebrandi Capitula, cum tribus, aut quatuor ad id in Generali Congregatione per vota secreta deputatis, seruariis eorum Regularibus Institutis, ac supradictis omnibus, eandem in recipiendis Nouitijs habeant auctoritatem, quæ per dictas Constitutiones Prouincialibus Capitulis est attributa.

14. Post quæ aliqua priuilegia concessa sunt aliquibus Religionibus.

bus, (quibus tam ipsa, quam quæ ipsorum priuilegia fruuntur, ut possunt) circa formam signatam à Sixto V. in prædictis Constitutionibus ad recipiendum Nouitios ad Habitum, & Professionem. Primò enim Clemens Octauus per suam Constitutionem, quæ incipit *In his quæ*, anno 1597. concessit Dominicanis Conuentus S. Stephani Salmaticensis, ut quoscumque iuuenes, etiam decimúsexturn ætatis suæ annum excedentes, ad Habitum in eodem Conuentu admitti petentes, recepto ab eis iuramento, quòd criminosi, rationibus, ut præfertur obligati, furto, latrocinio, aut homicidio notati, aut alijs impedimentis in dicta Bulla Sixti V. contentis, detenti non sint, recipere, ac postea per aliquem eiusdem Conuentus Religiosum ad hoc deputatum ad inueltigationem, anteaquæ illorum vitæ, ac morum, & reliquorum præmissorum, absque strepitu iudiciario, sed per scrutinium secretum procedi facere, qui ad hoc deputatus processum, & informationem ceptâ, dictis Priori, seu Præsidenti, ac Suppriori, & Magistro Nouitiorum, & Studentium, à quibus approbari, & reprobari possit, referre fideliter debeat, liberè, & licitè possint, valeant. Secundò idem Clemens Octauus per suam Constitutionem *Affidua*, ferè simile priuilegium concessit Clericis Ministrantibus Infirmis ann. 1594. Tertio etiam Paulus V. anno 1612. concessit Fratribus Scruitis domus Montis Senarij, quòd tres ex antiquioribus à Capitulo Conuentuali eiusdem domus deputari possint, qui eandem habeant facultatem in admittendis Nouitijs, quam habent Capitula Generalia, & Prouincialia. 3. tom. Bullar. inter Bullas Pauli V. num. 76. Miranda tom. 1. quæst. 21. art. 1. Laurentius de Peirinis tomo 2. Priuilegiorum Minimorum in Constitutione 2. Sixti Quinti. Cautè tamen procede, & attende vim, & verba priuilegiorum.

15 Est etiam aduertendum, quòd licet Sixtus Quintus in prædicta sua Constitutione, illos, qui non seruatis dictis conditionibus, ad habitum recepti fuerint, inhabiles ad Professionem faciendam, ipsamque Professionem irritam, & nullam declarauerit, postea verò Clemens Octauus anno 1602. Constitutionem illam ad terminos iuris communis reduxit, quoad prædictam nullitatem Professionis, saluis semper poenis contra transgressores inflictis. Quas sic intimaui Sixtus Quintus. *Insuper quoscumque Religiosos, eorumque Superiores, qui aliquas personas, ut dictum est, inhabiles, post hanc Constitutionem publicatam receperint, voce actiua, & passiuâ, necnon Officij, gradibus, honoribus, & dignitatibus quibuscumque per eos obtentis, eo ipso in perpetuum priuamus, & tam illis primatum, quàm ad illa, & alia quacumque in posterum obtine-*
da

da perpetuò inhabiles, eorumque incapaces decernimus, & declaramus. Quaranta. verb. Monasteria, & Conuentus. Miranda in Man. Prelat. tom. 1. quæst. 17. art. 3. & 8. Suarez 3. tom. de Relig. lib. 5. cap. 7.

17 Obligatos, seu grauatos debitis, & ratiocinijs, non posse, licet saltem, Religionem intrare, aut in ipsa profiteri, non solum propter Constitutionem Sixti V. adductam, & moderationem Clement. VIII. allatam, sed etiam ratione naturali constat, in casu, quo in sæculo manentes faciliè possent suis creditoribus satisfacere. Nam per talem ingressum, aut professionem iniuria fit illis, quibus sunt obligati. Siluester verb. Ratiocinium. Nauarrus conf. 2. de Regular. num. 7. Quando autem debita sunt incerti domini, aut debitor neque in toto, neque in parte potest satisfacere, nec speratur posse, manendo in sæculo, tunc credo posse etiam licet intrare Religionem, & in ea profiteri. Quia tunc nulla fit iniuria alicui per talem ingressum, aut professionem. Miranda in Man. tom. 1. quæst. 17. art. 7. Vide plura ad hoc in Sanchez lib. 4. in Decalo. cap. 19. Vbi latè an istorum professio iure communi, aut naturali sit valida. Vide etiam Suarez tomo 3. de Religione. lib. 5. cap. 7.

18 Furiosi, aut mentecapti non possunt admitti ad Religionem, aut in illa validè profiteri. Cum non habeant sufficientem libertatem, aut discursum ad vouendum. Siluester verb. Religio. 5. quæst. 2. Vnde si aliquis sui compos Religionem ingressus est, & postea incidit in dementia, aut furorem, nec profiteri potest, propter adductam rationem; nec tale tempus connumerari potest pro Nouitiatu; cum in illo non potuerit experiri rigorem Religionis, quod est finis Nouitiatus. Siluester ut supra. Phrænesis autem tempore morbi superueniens, etiam si per aliquos dies duret, non impedit cursum Nouitiatus. Hæc enim est praxis Religionum. Sanchez lib. 5. in Decal. cap. 4. num. 55. Vide dicta cap. 2. num. 24.

19 Coniugati post matrimonium consummatum, non possunt admitti ad Religionem, nisi alter coniux etiam Religionem ingressus fuerit, vel licentiam dederit ingrediendi. Propter indissolubilitatem matrimonij consummati. Miranda in Manuali. quæstion. 17. artic. 1. Sed quando vnus coniux potest facere perpetuum diuortium, potest propria auctoritate Religionem ingredi, & in ea profiteri, iuxta dicta c. 2. n. 31.

20 Serui etiam, & qui non sunt sui iuris, nisi de licentia dominorum ad Religionem non possunt admitti. Quia seruus non est sui, sed sui domini, atque ita non potest dare se Religio-

gioni , prout fit in professione . Silueſter *verb. Religio. 2. quaſt. 3.* Vnde ſi ſeruus Religionem aliquam ingreſſus repetatur à domino ſuo, erit illi reſtituendus cum omnibus , quæ attulit ſecum ; propter eandem rationem . Silueſter *ibidem* . Si verò contin- gat ſeruus profeſſum eſſe in Religione fraudulentè , vt puta , probando per falſos teſtes ſe eſſe liberum , licet domino ſuo ſit reddendus , propter traditam rationem : verè tamen manebit Religioſus , & Religioni obnoxius , quantum eſt ex parte ſua : quia ipſe ſe ad hoc aſtrinxit prout potuit . Silueſt. *ibid.* Miranda *in Manua. quaſt. 17. artic. 2.* Quando autem ex malitia , vel negli- gentia Religionis profeſſus eſt , Monasterium ſatisfacere debet domino ſecundùm boni viri æſtimationem . Mirand. *ut ſup.* Vide dicta *cap. 2. n. 21.*

22 Quamvis nullus Nouitius admitti poſſit ad profeſſionem , qui minori tempore , quàm per annum poſt ſuſceptum habitum in probatione ſteterit , iuxta doctrinam Concilij Tridentini *ſeſſ. 25. cap. 15.* nihilominus aliqui volunt , iuxta dicta à nobis *cap. 2. num. 11.* poſſe Nouitium extra Monasterium agere partem ſui Nouitiatus . Hoc verò ſolùm intelligi poſſe videtur ex vi iuris communis , & extra Italiam , & Inſulas adiacentes , propter De- cretum Clementis Octauì modò adiungendum , vbi præcipit , quòd Nouitij ad Habitum Regularem , & Profeſſionem non ad- mittantur in Italia , & Inſularum adiacentium finibus , niſi in Conuentibus designandis , quo videtur excludi ſententia præ- dicta affirmantium aliquam ſaltem partem Nouitiatus poſſe haberi extra Monasterium . Illa enim pars Nouitiatus non haberetur in Conuentu designato . Res tamen aliquàlter dubia eſt , præſertim ſi expendantur verba Decreti afferendi , quibus ſolùm videtur prohiberi *ne ad Habitum Regularem admittant* (intellige Superiores) *niſi in Conuentibus assignandis* , non verò prohiberi , quòd poſt admiſſionem , aliqua cauſa rationabili vrgente , poſſit pars Nouitiatus extra prædictos Conuentus haberi .

23 Ex Decreto Clementis Octauì dat. Rom. die 12. Mart. 1596. quod poſtea etiam confirmauit Sacra Congregatio Concilij in Decreto de Regularibus Apoſtatis , & Eiectis , iuſſu Sanctiſſimi Domini Noſtri Urbani , quod habetur 4. tom. Bull. inter Conſtitutiones Urbani n. 26. ſic præcipitur omnibus Generalibus , Prouin- cialibus , Cômiffarijs , Miniſtris , ceteriſq. Superioribus Conuentuum intra Italia , & Inſularum adiacentium fines exiſtentium , quibuſ- cumque , & quorumcumque Ordinum Mendicantiũ , vt de cætero neminem ſub quouis prætextu , aut colore ad Habitum Regula- rem

rem admittant, nisi in Conuentibus auctoritate Apostolica propediem in vnaquaque Prouincia designandis. Insuper præcipitur, vt quoad eiusmodi Conuentus, vt præfertur, deputati non fuerint; omnes præfatorum Ordinum Superiores à receptione quorumcumque Nouitiorum, siue ad Habitum, siue ad Professionem omnino abstineant. Pœnas verò contra transgressores sic decreuit idem Pontifex. Superior, qui huius Decreti transgressor extiterit, ipso facto pœnam priuationis omnium Officiorum, quæ tunc obtinebit, vocisq; actiuz, & perpetuæ inhabilitatis ad alia in posterum obtinenda, se nouerit incurrisse, ac alijs etiam pœnis arbitrio nostro subiaceat. Receptiones verò, & Professiones quaslibet eorum, qui contra huiusmodi Decretum nostrum admissi fuerint, nullas, & irritas esse ex nunc decernimus, & declaramus. Priuilegijs, statutis, & consuetudinibus quibuscumque in contrarium minimè obstantibus. Deinde die 10. Mensis Iunii 1599. renouauit, & amplauit idem Decretum idemmet Pontifex Clemēs Octauus, præcipiendo eisdem Superioribus ista: Ne sub cuiusuis licentiæ, & facultatis impetratæ, vel impetrandæ obtentu, nisi per litteras in forma Breuis dumtaxat, & non alijs, quemquam, ad Habitum Regularem suscipiendum, nec etiam Conuersos, nisi in Conuentibus, Monasterijs, & Domibus, auctoritate eiusdem, Sanctissimi propediem in vnaquaque Prouincia designandis, recipere, aut receptos ad Professionem admittere, vllò modo audeât. Quinimò contra primam prohibitionem Sanctitatis suæ receptos, etiam si imperfectum habitum, aut sine capputio gerant, post præsentis Decreti in Romana Curia publicationem, omninò eiicere debeant. Superiorem autem, qui huius Decreti transgressor extiterit, ipso facto pœnam priuationis omnium Officiorum, quæ tunc obtinebit, vocis actiuz, & passiuæ, & perpetuæ inhabilitatis ad in posterum obtinenda, eo ipso incurrere voluit, ac decreuit, & alijs etiam pœnis, arbitrio Sanctitatis suæ imponendis, subiacere. Receptiones verò, & Professiones quaslibet eorum, qui contra huiusmodi Decretum admissi fuerint, nullas, & irritas esse ad quemcumque effectum ex nunc decernit, & declarat. Post quæ idem Pontifex die 19. Maij 1602. Volens, vt ea, quæ pro Nouitiorum receptione, & institutione, de mandato Sanctitatis suæ præscripta fuerunt, in posterum accuratiùs, & exactiùs obseruentur, vltra formam traditam in Constitutionibus fel. record. Sixti Papæ V. & etiam Sanctitatis suæ super receptione Nouitiorum, decreuit, ac mandauit, ne in Conuentibus, seu Monasterijs ad Nouitios recipiendos, de Sanctitatis suæ, seu dictæ Congregationis Reformationis licentia, hæcenus designatis, & approbatis, seu

in

in posterum designandis, & approbandis Nouitij ad Habitum, recipi vllatenus possint, vel admitti, nisi prius ab ipsa Congregatione, vel à proprijs locorum Ordinarijs, aut ab illis, in quorū Diœcesi Nouitiatus existunt, in quibus Nouitij recipiendi fuerint, expressè, & nominatim Nouitij ipsi recipiendi approbati fuerint, & vt recipi, & admitti possint, licentiam in scriptis (gratis tamen in omnibus, etiam quoad scripturam concedendam) obtinuerint. Postea verò Sacra Congregatio Concilij ex Decreto Sanctiss. D. N. Urbani VIII. prout habetur in Decretis *de Regularibus Apostatis, & Biectis*, anno 1624. abstulit prædictam obligationem impositam à Clemente Octauo in Decreto adducto, quòd scilicet Nouitij recipiendi ad Habitum approbati prius essent expressè, & nominatim à Congregatione Reformationis Apostolicæ, vel à proprijs locorum Ordinarijs; innouando tamen quoad reliqua prædicta Decreta Clementis Octauī, districtèque præcipiendo Prælatis Religionum, *vt illa exactè obseruent, atque vt obseruentur efficiant, sub pœnis statutis in iisdem Constitutionibus.*

24 Quia verò, illis non obstantibus, compertum postea est, multos in multis Religionibus admissos esse ad Professionem, non habito Nouitiatu in locis, & Conuentibus approbatis, contra prædicta Clementis Octauī Decreta, ac perinde talium professionem nullam, & irritam fuisse; ideo Sanctissimus Dominus Noster Urbanus Octauus huic malo providere cupiens, Motu proprio, & certa scientia, die xj. April. 1631. commisit, & mandauit Maiori Pœnitentiario, vel Patriarchis, Archiepiscopis, & Episcopis, cæterisque Ordinarijs locorum, in quibus prædictorum Religiosorum Monasteria consistunt, siue ipsorum Religiosorum Præfectis, vel Superioribus Generalibus, quatenus omnes, & singulos Religiosos prædictos, qui ad habitum Regularem aliàs canonicè recepti, annum probationis in Monasterijs, seu domibus Regularibus ad id designatis minimè fecerunt, subindeque Professionem nihilominus emiserunt, ad Professionem denuò, seruatis aliàs seruandis emittendam, quæ sic emissa, illis, & eorum cuilibet, tam in foro interiori, quàm exteriori suffragari debeat, absque nouo probationis anno, ex speciali Sanctæ Sedis benignitate, auctoritate, Apostolica recipiant, & admittant, eisdemque, postquàm professionem denuò, vt præfertur, emiserint, ad omnes gradus, honores, dignitates, præminentias, & habilitates, quas si ab initio validè professi essent, legitimè obtinerent, eadem auctoritate restituât, ac restitutos eo ipso esse, & censeri declarent. Ita vt habeant eundem locum, sessionem, & votum, prout haberent, si professiones

prio-

priores validæ fuissent, & nondum promoti ad omnes etiam Sacros, & Presbyteratus Ordines, seruatis alijs seruandis, promoueri, & tam ipsi, quàm alij ad eisdem Ordines, iam ritè promoti, in susceptis Ordinibus huiusmodi, etiam in Altaris ministerio, ministrare liberè, & licitè valeant; necnò omnes actus, siue còtractus, quos contraxerunt, & legitime còtraxissent, vel cum laicis, vel cù alijs Monasterijs, seu alterius Religionis, viris, si nullum aliud paterentur vitium, vel defectum, nisi ex eo solùm, quia iniri, & contracti sunt inualidè, ab ijs, qui contra dictam Constitutionem, in Domibus non designatis, siue ab eadem Sede non approbatis, professi sunt, auctoritate prædicta confirmet, & approbent, ac validos omnino declarent, super quibus omnibus, & singulis plenam, & amplam facultatem dicta auctoritate concessit. Deinde Summus Pontifex præcipit Ordinum, Congregationum, & Institutorum huiusmodi Superioribus Generalibus, quocumque nomine censeantur, ac Procuratoribus etiam Generalibus, quatenus visis præsentibus, loca, Monasteria, vel Conuentus, in quibus Nouitij probationis annum agant, & alia, quæ dictus Clemens prædecessor, super hac re obseruari iussit, obseruentur, designari, siue confirmari, omnino curent, & faciant. Ex vi cuius Decreti multi Religiosi nouam fecerunt Professionem, alij verò habitum dimiserunt.

16 Criminosi non debent, aut possunt admitti ad Religiones iuxta dicta ex Sixto V. *supra num. 12.* Quod intellige iuxta considerationem ipsius Sixti in secunda Constitutione *ibidem* relata, cum constiterit actis publicis Iudices, & curiam facularem ante suspensionem habitus de ipso crimine aduersus eos accusationem suscepisse, vel inquisitionem instituisse. Et quamuis illos inhabiles ad professionem esse voluerit idem Pontifex; postea verò Clem. VIII. ut etiam vidimus *num. 15.* habiles ipsos fecit, saluis tamen pœnis contra recipientes ipsos à Sixto designatis, & ab eodem Clemente confirmatis. Si autem constiterit post professionem emissionem illos in sæculo grauissimis, & scandalosis criminibus notatos, & diffamatos fuisse, illaque interrogatos tacuisse, possunt expelli à Religione, iuxta priuilegium Leonis X. per suam Constit. quæ incipit, *Cum sicut nobis*, in qua concessit Generalibus, & Prouincialibus Ordinis Fratrum Minorum, & per consequens alijs, qui communicant in priuilegijs cum ipsis, *ut fratres eiusdem Ordinis, etiam professos, qui grauissimis, & scandalosis delictis notati, & diffamati fuerint, qua fraudulenter, ac dolose in eorum receptione, ac professionis emissionem (monitione super his per prædictos Prælatos præmissa) tacuerunt, non obstante quòd iam recepti sint,*
& pro

*& professionem emiserint, ne morbida, & infecta pecus ouile Do-
mini corrumpat, & ut alijs cedat in exemplum, à domibus, & Con-
uentibus dicti Ordinis, expellere, & remouere, liberè, & licitè pos-
sint, & valeant, &c.* Laurentius de Peirinis tom. 1. de subdito q. 1.
de Obedientia cap. 25. §. 3. Imò ad hoc ut præfati criminosi possint
à Religione expelli non est necesse, quòd eorum delicta sint dedu-
cta per accusationem in iudicium, ut volebat Sixtus, sed sufficit
quòd de illis fuerint diffamati, & notati. Rodriguez tom. 3. *quest.*
Regul. quest. 17. art. 9. Peirinis *ut supra*, aliqua etiam notatu di-
gna circa hoc animaduertens. Vide dicenda *na.* 25. & 26.

21 Illegitimi non sunt incapaces Habitùs, & Professionis Re-
gularis his temporibus, & quantum est ex vi iuris communis, &
Decretorum Pontificum, si non obstant peculiare Constitutiones
Religionum. Ratio est, quia licet Sixtus V. in prædicta Con-
stitutione, *Cum de omnibus &c.* prohibuerit prædictos illegiti-
mos ad habitum, & professionem admitti, nisi certis quibusdam
conditionibus positis, eorumque professionem invalidam, irri-
tam, & cassam declarauerit; postea tamen Greg. XIV. ann. 1591.
Pontificat. sui ann. 1. supradictam Cõstitutionem Sixti V. & aliam
eiusdem etiam Sixti ad hoc intentum, moderari volens, statuit,
eos, qui quouis modo illegitimè procreati fuerint, ad habitum,
& professionem Regularem admitti posse, quemadmodum ad-
mitti poterant, si supradictæ Constitutiones editæ non fuissent:
ita tamen, ut cum de recipiendis quomodocumque illegitimè na-
tis ad habitum, & professionem Ordinum quorumcunque agere-
tur, ij ad quos spectat huiusmodi receptio, præter alia, de quibus
ex dictarum Constitutionum præcepto circa quosunque etiam
legitimos perquirere debent, diligenter vitam eorum, & mores
inquirant, & ita de iure eos recipiant, si tamen bonam indolem,
& virtutis specimen præferant, & tot eis merita suffragentur,
ut natalium suppleant defectum, eorumque receptio Religionis
commodo, & utilitati profutura videatur, & super hoc ipso ij,
ad quos, ut dictum est, pertinet huiusmodi receptio matura deli-
beratione ita censuerint, & iudicauerint, dummodo tamen filius
illegitimus in Religione, in qua Pater suè ante, siuè post natiui-
tatem dicti filij professus fuerit, ipso Patre viuente, non admir-
ratur. Ex quibus verbis inferitur, quosunque illegitimos ad ha-
bitum, & professionem admitti validè posse, seruatis tamen istis
conditionibus à Gregorio Decimoquarto designatis. Rodriguez
tom. 3. *quest.* 8. art. 4. & 5. An autem etiam licitè possint admitti
tales illegitimi stando in vi istorum Decretorum Pontificum? vi-
detur, quòd non, quia Clemens Octauus in Bulla in *suprema Ec-
clesiæ,*

clefia, anno 1602. edita, non est moderatus poenaxatatas à Sixto V. contra Prælatos admittentes tales illegitimos ad habitum, & professionem, per quod declarasse videtur, illicitum esse talem admissionem. Licet possit dici hoc fecisse Clementem Octauum, moderando Constitutiones Sixti Quinti, non verò istam Gregorij Decimiquarti. Præterquàm dici potest, hoc intelligi, si non feruentur conditiones à Gregorio determinatæ. Hoc tamen aliorum iudicio remitto.

25 Descendentes ex genere infecto Hebræorum, vel Sarracenorum, &c. possunt de iure communi admitti in Religionibus (quid quid sit de Statutis particularibus Religionum.) *Ex cap. eam te de rescript. & ex Consil. Gregor. XIII.* quæ incipit, *Muneris nostri* ann. 1583. Nauarrus *lib. 3. cons. de Regul. conf. 26. nu. 4.* Rodrig. *tom. 3. quæst. Regul. quæst. 11. art. 2.* Vnde nullus professus potest (stando in iure communi) à Religione eijsi præcisè, eò quòd descendat ex maculato genere Iudæorum, aut Mahumetanorum, quamuis de hoc interrogatus in professione celauerit, nisi forsan præcesserit protestatio, de qua *num. sequenti*, propter ibi dicenda. Statuta verò particularium Religionum attendi debent quoad hoc. Sanchez *7. de Matrim. disp. 37. quæst. 4. nu. 30. & lib. 5. Decal. cap. 4. nu. 73.* Laurentius de Peirinis *tom. 1. de Subdito quæst. 1. de Obedientia cap. 25.*

26 Cum Nouitij antè Professionem interrogantur an habeant aliquem defectum, v.g. infirmitatem incurabilem, cum protestatione, quòd si postea inuenti fuerint illum habere, professio erit nulla, talis professio inualida est, si prædictum defectum celauerint. Ratio est, quia deficit illi professioni consensus ex parte Religionis requisitus. Rodriguez *tom. 3. quæst. 17. art. 9.* Sanchez *lib. 5. in Decalog. cap. 4. nu. 57.* Vide dicta *cap. 2. nu. 23.*

27 Licitum est, & meritorium Voto, aut etiam Iuramento, ad Religionis ingressum, seu professionem quempiam se obligare. Iuxta illud Psal. 75. *Vouete & reddite Domino Deo vestro.* Siluest. *verb. Religio 2. quæst. 14.* Hinc, qui tale Votum, vel iuramentum fecit tenetur illud adimplere, iuxta illud Eccles. 5. *Si quid vouisti Deo ne moreris reddere.* S. Thom. *2. 2. quæst. 189. art. 3.* Caiet. & Expositores *ibidem.* Hinc etiam, qui promisit absolutè in Religionem intrare, si in vna, aut altera nolunt ipsum admittere, tenetur alias requirere, vt recipiatur. Tenetur enim facere totum id quod potest, vt votum impleat. S. Thom. *2. 2. quæst. 189. art. 3. & 4.* Siluest. *verb. Religio 2. quæst. 16. & 17.* Qui verò promisit ingressum in determinatam Religionem, si in aliquibus Conuentibus ipsius non admittitur, non tenetur aliam intrare. Cum intentio

rentio ipsius solum fuerit pro illa Religione determinatè. Siluest. *ut sup. Nauar. lib. 3. Conf. de Voto à conf. 21.* Qui etiam Voto, vel iuramento, se obstrinxit intrare aliquam Religionem, si in laxiori proficteatur, professio tenet, iuxta caput *Qui post Votum de Regulis lib. 6.* Peccauit tamen, quia fuit transgressor voti simplicis. S. Thom. 2. 2. *quest. 189. art. 9.* Siluest. *ut sup. quest. 18.* Qui verò post Votum Religionis in Episcopum fuit electus, tenetur, vel dispensationem Voti à Papa impetrare, vel Religionem prius ingredi, cum status Religiosus non sit incompòssibilis cum Episcopatu, Religiosus enim factus Episcopus, verè manet Religiosus. Caiet. 2. 2. *quest. 189. art. 3.* Siluest. *verb. Religio 2. quest. 20.* Suarez 3. *tom. de Relig. lib. 1. c. 19.* Vide dicta *nu. 11.* & dicenda *nu. 37.*

28 Qui impedit vi, vel fraude, quòd aliquis Nouitius non proficteatur, vel quòd secularis non assumat habitum Religionis, tenetur adminis ad tollendam vim, vel fraudem. Aliàs contra iustitiam faciet. Num autem ad restitutionem damni illati Religioni teneatur? Multi respondent affirmatiuè cum Scoto *in 4. dist. 15.* Siluest. *verb. Restitutio 3. quest. 1.* Alij verò negatiuè cum Soto, Ledesma, & alijs, quos sequitur Suarez *tom. 4. de Religione tract. 8. lib. 3. cap. 3.* Vtrumque est probabile, sed prius securius, Semper tamen erit graue peccatum retrahere aliquem ab ingressu, vel professione in aliquam Religionem, nisi id fiat bono animo, & intentione, vt putà si propter aliquas causas talis status illi conueniens non censetur. Gerson. *in Regulis moral. Alphabeto 24. & 67. conf. 2.* Vel quia Religio illa sit notabiliter deformata, & relaxata. Cordub. *super Reg. D. Francisci cap. 2. q. 2.* Hinc grauiter peccat Religiosus, qui Nouitio aliàs idoneo denegat votum, vel suffragium ad professionem. Impedit enim illum à consequutione boni spiritualis, quòd est contra charitatem. Cordub. *in Regula D. Francisci cap. 2. quest. 1. & 11.* Imò Nouitius expulsus sine iusta causa ius habet agendi contra Religionem. Tum quia sic expellens impediuit opus bonum ipsius. Tum quia inde resultat vt in plurimum aliqua nota Nouitio, quòd est contra iustitiam. Caiet. 2. 2. *quest. ult. art. 4. dub. 3.* Passarell. *in Priuileg. Minimor. cap. 43.*

29 Inducere aliquem ad Religionem modo debito, sanctum, & laudabile est. Quia hoc est illum promouere ad bonum spirituale animæ suæ. S. Thom. 2. 2. *quest. 189. art. 9.* Et expositores *ibidem.* Qui verò vi, vel metu cogunt aliquem ad Religionem non solum grauissimè peccant, quia ingressus Religionis debet esse liber, sed etiam sic coactus, vel compulsus, admitti non debet in Religionem. Propter eandem rationem, Siluest. *verb. Votum 2. q. 12.*

Nauarr. in *cap. Statuimus à n. 71. vsque ad 74. & lib. 3. conf. de Regul. conf. 5.* Imò professio illius non est valida. Potest etiã in huiusmodi inductione committi simonia, scilicet si donis, & muneribus ex pacto datis, seu acceptis, inducatur aliquis ad Religionem. Reginal. in *praxi lib. 18. n. 374. Azor 10. 3. lib. 12. c. 1. q. 2.* Secus autem quando non intercedit pactum, sed ex charitate dantur prædicta dona. Lessius *lib. 2. de Iust. cap. 35. dub. 12. num. 66.* Cogentes etiam, foeminam aliquam, siue virginem, siue viduam, ad Religionem aliquam suscipiendam sunt excommunicati à Concilio Trident. *sess. 25. cap. 18.* Hanc tamen excommunicationem non incurrunt cogentes viros, seu pueros ad Religionem suscipiendam. Cum Concilium solum loquatur de foeminis. Miranda in *Man. q. 17. art. 4.* Addunt aliqui, probabiliter sanè, esse peccatum suadere, alicui ingredi Religionem totaliter deformatam. Quia in ea est magnum periculum salutis. Lancill. in *Gnom. vit. Relig. lib. 1. art. 2. 30* Recipere aliquem in Religiosum vendendo illi Religiosum statum, simoniacum est. Quia est vendere rem spiritualem pro temporali. Recipere tamen aliquid ad sustentanda onera temporalia, quæ Religio suscipit cum aliqua persona, non est ex natura rei simoniacum. Quia tunc non accipitur temporale pro spirituali, sed pro temporali, vt patet in dote, quæ datur in Matrimonio. Suarez 1. *tom. de Relig. lib. 4. de Simon. cap. 17.* Vide etiam dicenda *cap. sequenti nu. 5.*

31 Recipientes aliquem Nouitium simoniacè, iuxta dicta supra *num. 29. & 30.* & ipse Nouitius sic receptus, debent à Monasterio expelli sine restitutionis spe, & in locum arctioris Regulæ ad agendum poenitentiam retrudi. Ex *cap. quoniam ca. de Regularibus de simonia.* S. Thomas 2. 2. *quæst. 100. art. 6. ad 5.* Et ipso iure sunt excommunicati. Ex Extrauagant. 1. *de Simon. inter commun.* Nauarrus in *Man. cap. 27. num. 106.* Toletus in *Instruct. Sacerd. lib. 1. cap. 36. vers. 8.* Et licet non essent excommunicati, interim dum poenitentiam agunt sunt ab Ordinis executione suspendendi. *cap. dilectus filius, de Simon. Alderete lib. 2. de Relig. discipl. cap. 16. nu. 46.*

32 Ex Concilio Tridentino *sess. 25. de Regul. cap. 16.* circa donationes Nouitiorum prohibetur, ne ante professionem, excepto victu, & vestitu Nouitij, vel Nouitiæ illius temporis, quo in probatione est, quocumque prætextu, à parentibus, vel propinquis, aut curatoribus eius, Monasterio, aliquid ex bonis eiusdem tribuatur, ne hac occasione discedere nequeat, quòd totam, vel maiorem partem substantiæ suæ Monasterium possideat, nec facile, si discesserit, id recuperare possit, quin potius præcipit Sancta

Et Synodus sub anathematis pœna dantibus, & recipientibus, ne hoc vilo modo fiat, & vt abeuntibus ante professionem omnia restituantur, quæ sua erant. Circa quod Decretum notandum, primò, hanc excommunicationem non incurri ipso facto, sed esse incurrendam, vt colligitur ex illis verbis, *sub anathematis pœna*. Secundò, non prohiberi in hoc Decreto aliquid dare, vel accipere ex bonis proprijs parentum, vel tutorum Nouitij, sed solum ex bonis eiusdem Nouitij. Laurent. de Peirinis *tom. 1. de Subdit. quæst. 1. de Obedient. cap. 29. Vide dicta cap. 11. nu. 12.*

33 Vndè similiter Nouitij non possunt validè disponere de bonis ad illos pertinentibus, nisi cum licentia Episcopi, vel eius Vicarij, & intra duos menses proximos ante professionem. Nectalis dispositio valida erit, aut alicuius valoris, etiam si cum iuramento facta sit, nisi sequuta professione. Ita decernitur in Conc. Trident. *sess. 25. de Regul. cap. 16.* Ratiò huius decisionis, seu intentum Concilij est consulere libertati Nouitij, ne scilicet impediatur ab egressu à Religione, quam inchoauerat, sed cogatur in ipsa profiteri, eò quòd suis bonis se expoliauierit. Nauar. *lib. 3. Consil. in prima edit. tit. de donat. cons. 7. & 8. & in 2. edit. tit. de Regul. cons. 81. & 82. Rodriguez tom. 2. Quæst. Regul. quæst. 47. ab art. 8.*

34 In hac verò decisione comprehenduntur soli actû Nouitij, non verò illi, qui Nouitij esse volunt, & intuitu Religionis bonis suis renunciant. Ratio est, quia illa decisio solum est de Regularibus, vt constat ex titulo totius illius sessionis 25. Secundò, quia ita declarauit Sacra Congregatio Cardinal. Passarellus in *privileg. Minimorum cap. 37. Sanchez lib. 7. in Decal. cap. 5. num. 4.* Licet oppositum sit etiam valdè probabile, si non obstaret declaratio S. Congregationis. Eò quòd isti, qui fieri volunt Religiosi, aliquo modo iam numerari possunt inter personas Regulares. Nauarrus *vt supra. Molina tomo 1. de Iustitia disput. 149. & 139. & tomo 3. disput. 604. num. 2.* Intelligitur tamen prædicta decisio Concilij de omnibus Nouitijs, siuè maioribus, siuè etiam minoribus sexdecim annis. Cum generaliter sit sermo de omnibus, & pro omnibus procedat ratio adducta. Sanchez *vt supra num. 7. & 8.* Licentia quoque, quæ desideratur ad validitatem dispositionis bonorum Nouitij, debet esse data ab Episcopo, vel eius Vicario, quia ita dicitur clarè in ipso Concilio, nisi fortè in aliquibus Religionibus per consuetudinem legitimè præscriptam oppositum fuerit introductum. Cum hæc decisio solum sit lex positiva, quæ per consuetudinem abrogari potest, maximè quoad aliquas circumstantias ipsius. Rodriguez 2. *tom. Sum. cap. 7. num. 1. Ve-*

ga 2. *tomo Summa capit. 50. casu 3.*

35 Possunt tamen Nouitij, non obstante hoc decreto Concil. Tridentin. & sine conditionibus ab ipso præscriptis, facere testamentum, codicillum, & quamcumque aliam voluntatem vltimam ex causa mortis, seu quemcumque alium contractum reuocabilem. Ratio est, quia cum intentum Concil. solùm sit, ne ratione dispositionis bonorum factæ à Nouitio cogatur profiteri, aut non recedere à Religione, censendum est solùm velle comprehendere suo Decreto dispositiones, seu contractus irreuocabiles, non verò reuocabiles, quales sunt isti, de quibus loquimur, cum possit illos reuocare Nouitius, quando voluerit, & ita liberè profiteri, seu recedere à Religione. Nauarrus *Comment. 2. pum. 5. 1. de Regul. & lib. 3. consil. in 2. edit. tit. de Regul. consil. 83.* Azor *tom. 1. Inst. moral. lib. 13. cap. 9. q. 2.* Possunt etiam eodem modo facere aliquas donationes, & elemosynas parui momenti, attentis facultatibus ipsorum. Ratio est, quia intentum Concil. solùm est, ut patet ex ipsius verbis, ne discedere nequeat, quòd totam, vel maiorem partem suæ substantiæ Monasteriũ possideat. Azor *to. 1. Instit. moral. lib. 13. cap. 9. q. 2.* Sanchez *lib. 7. in Decalog. cap. 5. n. 21.* Idem dico de illis, quæ Nouitij dare solent pro sua sustentatione tempore Nouitiatus, vel Moniales in introitu Monasterij Quia hæc sunt quasi iura & stipendia debita. Suarez *5. tomo in 3. partem disput. 22. sect. 5. num. 15.* Sanchez *ut supra.* Idem etiam dico de illis contractibus, in quibus Nouitij nihil perdunt de suo, vti sunt emptio, venditio, permutatio, locatio, & similes. Nam per illos non destituuntur patrimonio, nec coguntur profiteri. Peirinis *tomo 1. priuileg. Minim. in consil. 2. Sixti IV. §. 11. num. 75.* Quid verò dicendum de renunciatione Beneficii Ecclesiastici, & officiorum publicorum, vide Sanchez *lib. 7. in Decalog. cap. 5. à num. 36.* An autem possint ipsi Nouitij, aut illorum parentes, vel tutores dare mutuo aliquid Monasterio? Quidam negant. Credo tamen id fieri posse, quando datum fuit firma cautione, aut fideiussione quòd possit recuperari. Hoc enim non videtur esse contra intentum Concilij. Ita aliqui Doctores Salmaticenses, quos refert Rodriguez *2. tom. Sum. cap. 7. num. vlt.*

36 Donationes autem, seu renunciationes factæ à Nouitijs cum solemnitate petita à Concilio non sortiuntur suum effectum, nisi realiter secuta professione. Vnde si post donationem, vel renunciationem moriatur Nouitius ante professionem, talis donatio, vel renunciatio est nulla. Quia ita clarè deciditur in ipso Concilio, dum dicitur tales donationes, vel renunciationes non habere effectum, *nisi secuta professione.* Nauarrus *lib. 3. consil. in 1. edit.*

1. edit. tit. de Regular. conf. 1. in 2. verò tit. de success. ab intest. conf. ult. Molina tomo 1. de Iust. disput. 140. col. 1. Imò requiritur quòd talis professio sit valida. Quia Concilium petit sequi professionem; & verba sunt intelligenda cum effectù, ac proinde cum vera professione. Rodriguez 2. tomo Summ. cap. 7. num. 6. Sanchez lib. 7. in Decalog. cap. 5. num. 55.

37 Nouitius non potest eligi in Prælatum; nec ad id munus sufficit professio tacita, sed requiritur expressa. Iuxta dicta *cap. 18. num. 5.* Potest autem eligi ad dignitatem Episcopalem. Ex *capit. nullus de elect. in 6. & cap. indemnitatibus in princip. de elect. in 6.* Selua de *Benefic. 3. par. q. 51.* Probabilius etiam est, posse illi conferri Beneficium sæculare. Cum sit capax habendi illud, & nullibi reperiatur prohibita talis collatio. Azor *tomo 1. Institut. moral. lib. 12. cap. 3. q. 1. Sanchez lib. 7. in Decalog. cap. 4. num. 22.* Hinc Beneficium, quod habet Nouitius, non debet prouideri ante tractatum tempus Nouitiatus, sed debet curari vt per alium seruiatur. Cum adhuc sit capax retinendi illud. Grassi *1. part. decis. lib. 3. cap. 5.* Beneficium quoque Regulare suscipere potest, dummodo professionem emitat. Concilium Tridentinum *sess. 14. de Reformat. capit. 10.* Sanchez *lib. 7. in Decalog. capit. 4. num. 24.* Vide dicta *cap. 2. num. 17.*

38 Tenentur Monasteria ad debita contracta à Nouitijs ante professionem, quando in ipsorum bona succedunt. Quia commune est omnibus, qui in bona alterius succedunt, quòd astringantur debitis ipsius. Couarrubias in *4. Decret. 2. par. cap. 28. §. 6. num. 14.* Hoc tamen intelligo iuxta quantitatem bonorum, quæ ex Nouitijs Monasterium acquisiuit, ita vt non se extendat ad plura. Quia cum hanc obligationem subeat Monasterium præcisè propter bona, quæ ex Nouitio habuit, ratio dicat, quòd non se extendat vltra bona acquisita. Rosella in *Summ. verb. Abbas.* Molina *tom. 1. de Iust. disp. 140.*

39 Pro bonis Nouitiorum, personis incertis debitis, extat priuilegiù Sixti IV. Carmelitis cõcessũ in Bulla *dum attēta*, vbi dicitur. *Quia verò nonnulli vestra Religionis habitum sumentes diuersis personis, quas sciri, & inueniri non possunt, interdum aliqua bona restituere tenentur; vobis, Magister Generalis, & Priores Prouinciales, ac Prioribus localibus concedimus, vt singuli vestrum in locis sibi commissis, bona ipsa in pios vsus conuertere valeant, prout secundum Deum viderint expedire.* Specul. *Ordin. f. 90.* Vide Rodriguez. *tom. 3. q. 57. art. 4. & Peirinis tom. 1. priuileg. Minim. in Constit. 2. Iulij II.* vbi refert simile priuilegium eiusdem Iulij II. pro Minimis, & Clem. IV. pro Minoribus.

40 Non licet filijs absque reatu peccati mortalis relinquere parentes in extrema, aut graui necessitate, & ingredi Religionem. Quia ingredi Religionem consilium est, succurrere autem parentibus sic indigentibus, præceptum naturale. Diu. Thomas *quodlib.* 3. *art.* 16. & *quodlib.* 10. *art.* 9. Siluester *verb. Relig.* 2. q. 7. Suarez 3. *tom. de Relig. lib.* 5. *cap.* 5. Limitant hoc aliqui, si absque eo periculo peccati mortalis non possit filius in sæculo permanere. Quia salus propria spiritualis anteponi debet vitæ temporali etiam parentum. Sanchez *lib.* 4. *in Decalog. capis.* 20. *numer.* 11. Laurentius de Peirinis *tom.* 1. *quæst.* 1. *de Obedient. cap.* 9. Extenditur tamen doctrina tradita ad Religiosos iam professos, tenentur enim succurrere parentibus extremè indigentibus, dummodo certa sit talis extrema necessitas, etiam egrediendo Religionem contra voluntatem suorum Superiorum, si non superfit alius modus illis subueniendi. Ratio est, quia nulla obligatio voti potest præminere obligationi ex iustitia, quæ currit in prædicto casu. Caietanus 2. 2. *quæst.* 101. *art.* 4. Nauarrus *Comm.* 3. *de Regular. num.* 48. & *in Summ. cap.* 14. *num.* 14. De casu autem grauis necessitatis parentum, si Religiosus in Religione manens non possit illis succurrere, nec Prælati velint providere, aliqui dicunt posse etiam è Religione exire, etiam sine licentia. Valentia *tom.* 3. *disput.* 7. *quæst.* 1. *punct.* 2. Corduba *in Regul. D. Francis. cap.* 2. *quæst.* 6. *art.* 2. Hoc verò non consulerem, quia cum Religiosus sit mortuus mundo, & regulariter viuendo in sæculo periculum subeat propriæ vitæ spiritualis, non debet propter grauem parentum necessitatem, Votum professionis infringere. Ad minus tamen certum est, quòd ad succurrendam necessitatem grauem fratrum, vel sororum, etiam pudicitia periclitantium, non potest Religiosus Religionem relinquere, licet propter hoc habeat sufficientem causam, vt cum illo dispensetur. Sanchez *lib.* 4. *in Decalog. cap.* 20. *num.* 33. Corduba *in Summ. quæst.* 141. *art.* 2. Vide dicta *cap.* 2. *num.* 13.

41 Non obstante quòd in Concilio Tridentino *sess.* 25. *cap.* 16. sic habeatur: *Finis tempore Nouitatus Superiores, Nouitios, quos habiles inuenerint ad profitendum admittant, aut è Monasterio eos eijciant:* Nihilominus Superior Prælatus potest ex causa Professionem differre in illis, qui habiles non sunt inuenti, vt sunt illi, qui non bene adhuc didicerunt. Ita enim refertur respondisse Sacram Congregationem Concilij sub Pio V. ita declarante. Nauarrus *tom.* 1. *Conf. lib.* 3. *de Reg. conf.* 30. *num.* 7. Sorbus *in Compend. priuileg. verb. Nouitius. §. sexto notandum.* Si inhabilitas ex infirmitate proueniat, poterit prorogari tempus, donec duret spes

recuperandæ sanitatis, & vniuersaliter tempus ad emittendam Professionem, posse arbitrio Superioris prorogari, dicitur censuisse Sacram Congregationem Concilij 31. Maij 1597. Laurent. de Peirinis *tom. 1. priui. Minim. in Const. 2. Sixti Quarti. §. 11. num. 81. & 82.* Vide Suarez. 3. *tom. de Reli. lib. 5. cap. 13.*

42 Nouitij in articulo mortis existentes possunt profiteri ante annum probationis expletum, dummodo tamen in ætate legitima constituti sint; sicque lucrari Indulgentias, & gratias alijs Professis concessas. Quia ita concessit Pius Quintus Monialibus S. Dominici anno 1570. Vnde isto privilegio potiri possunt omnes Religiosi habentes communicationem cum Dominicanis, quales sumus nos Carmelitæ, ex Bulla Leonis X. adducta supra *cap. 3. num. 17.* Passarellus in *Compend. verb. Nouitius.* Miranda in *Man. tom. 1. quæst. 22. art. 10.* Vide dicenda *cap. sequenti num. 39.* Nouitij autem morientes sepeliendi sunt in Monasterijs, vbi sunt Nouitij. Quia ita habetur consuetudine. Silvester *verb. Sepultura quæst. 8. dist. 7.*

43 Pro Institutione Nouitiorum extant Decreta Clemen. VIII. quæ habentur *tom. 3. Bullar. post Bullam 83. huius Pontificis; & postea approbata, & innouata sunt à Sacra Congregatione Concilij in Decretis de Regularibus Apostatis, & Electis, iussu Sanctiss. D. N. Urban. VIII. die 21. Septembr. 1624.* Adiuncta quoque sunt in fine Constitutionum Carmelitarum Romæ impressarum anno Dom. 1626. Pœnæ autem transgressoribus illorum designantur sic à Clemente Octauo. *Si illi, qui inter Religiosos, gradu, & ordine Superiores sunt, & alij, ad quos spectat, in prædictis omnibus; vel eorum aliquo, deliquerint, seu quouis modo contraxerint, officiorum omnium, quæ tunc obtinebunt, priuationem, grauioreque pro modo culpa admissæ pœnas, se subituros certò sciant.* Vnde circa obligationem horum Decretorum philosophandum est eo modo, quo diximus de obligatione Regulæ, & Constitutionum *cap. 7. & 8.* Cum tamen hæc Decreta pro institutione Nouitiorum multa sint, multitudoque præceptorum ad culpam, mortalem præcipuè, obligantium, conueniens non putetur Religiosorum conscientijs, aut benignitati Summorum Pontificum, ideo non crederem prædicta Decreta obligare ad mortale, nisi quando aliquod, vel aliqua illorum fuerint de materia graui, grauiusque attinenti ad finem reformationis, quem Summi Pontifices intendunt. In quo aliorum iudicium expecto, doctiorumque sententiæ me remitto.

44 Extat etiam Decretum Sacræ Congregat. de propaganda Fide, die 15. Decemb. an. 1624. in quo admonentur Generales omnes,

nes, annuente Sanctissimo Dom. Nostro Urbano, vt præter studia Linguarum aliàs à Sacra Congregatione Regularibus indi&ta, speciali sub Decreto præcipere velint, vt in Nouitiorũ receptio- nibus in posterum faciendis, aliqui semper ex varijs nationibus, & linguis, pro modulo tamen suarum Religionum, vnâ cum alijs, qui hæcenus recipi consueuerunt, ad habitum assumantur, qui pe- ractio studiorum cursu, & in simplici Sacerdotio constituti, & Epi- scopali dignitate ornati, ad eorum Prouincias propagandæ Fi- dei gratia mitti possint. Nam sic facientes certò sciant, se Christo Domino obsequium gratissimum, & acceptissimum præstituros, & Fidei Catholicæ, & suarum Religionum generi, & amplificatio- ni summo opere esse consulturos. *Laur. de Peirin. tom. 2. priu. Mi- nim. in Constit. 2. Sixti V. num. vlt.*

De Monialibus, earumque obligationibus,
& Priuilegijs.

C A P. X X V.

MONIALES omnes cuiuscumq; Ordinis sint, siue subditæ Prælato Regulari, siue Dominis Episcopis, tenentur ad obseruantiam Voto- rum, quæ promiserunt, Regulæ, & Constitutio- num suæ Religionis, eodem modo, quo alij Re- ligiosi, exceptis ijs, quæ ipsorum sexui, & fragi- litati repugnant. Ratio est, quia sunt veræ Personæ Religiosæ, eif- demque priuilegijs, ac Religiosi viri gaudentes. Vnde tenentur suis Prælatis obedire, siue sint Episcopi, quando illis sint subiectæ, siue Prouinciales, aut Generales Religionis, si illis subijciantur, eo modo, quo ceteri alij Religiosi. Ratio est, quia verè emittunt Votum Obedientiæ prædictis Prælatis, ac proindè tenentur ad eadem, quæ Religiosi tenentur, respectiue ad sexum. *Suarez 4. tom. de Relig. lib. 1. de Variet. Relig. cap. 12.*

2 Non tamen tenentur obedire Vicarijs, quos solent habere, si- cut Prælatis. Non enim sunt ipsarũ Prælati, cum nullâ super illas iurisdictionem habeant, sed vel superintendentiam, vel quid hu- iusmodi. *Miranda in Man. tom. 2. q. 21. ar. 2.*

3 Tenentur verò Moniales obedire suis Priorissis, vel Abbatissis in ijs, quæ pertinent ad gubernationem domesticam, & ciuilem. Ratio est, tum quia hæc obligatio necessaria est ad bonum regi- men, & ordinem Monasterij. Tum quia quamuis Priorissæ, vel Abba-

Abbatissæ non habeant, nec possint habere Iurisdictionem spiritua-
 lelem supra Moniales, iuxta dicenda *cap. seq.* habent tamen su-
 pra illas potestatem dominatiam, domesticam, & civilem, simi-
 lem illi, quam habent pater in filios, & mater familias in dome-
 sticos. Sanctus Thomas in 4. dist. 19. *quest. 1. art. 1. quasiunc. 3.*
ad 4. Sotus in 4. dist. 20. q. 1. ar. 4.

4 Hinc huiusmodi obligatio obediendi Moniales suis Priorissis,
 vel Abbatissis est sub mortali (intellige si materia, quæ præcipi-
 tur sit gravis). Ratio est quia tenentur obedire illis, sicut filij
 parentibus, & ciues suis Magistratibus, eò quòd habeant simi-
 lem potestatem, hi autem peccant mortaliter, quando transgre-
 diuntur præcepta in materia graui sibi imposita. Victoria *relect.*
de potest. Eccles. quest. 2. num. 4. Sanchez *lib. 6. in Dealog. capit. 1.*
num. 18.

5 Pro ingressu Monialium in Monasterium non licet aiquid ac-
 cipere, tamquam prætium, benè tamen pro victu, ac vestitu, seu
 congrua sustentatione tam in anno approbationis, quàm post
 professionem. Ratio primæ partis est, quia oppositum esset si-
 moniacum. Ratio verò secundæ, quia hoc admittit consuetudo,
 & æquitas rationis naturalis, cum alijs Moniales non possent à
 Monasterio sustentari. Sanctus Thomas 2. 2. *quest. 100. art. 3. ad 4.*
 Nauarrus in *Man. cap. 27. num. 106.* An verò hoc etiam intelli-
 gatur, quando Monasterium est locuples? Sotus negat *lib. 9. de*
Iust. & iur. quest. 6. art. 2. Affirmat verò Suarez *tomo 1. de Reli-*
gione lib. 4. de Simon. cap. 17. Adminus tamen sapius erit pecca-
 tum auaritiæ. Quotiescumque autem licitum est accipere aliquid
 pro ingressu Religionis, licitum etiam est facere pactum de illo.
 Quia hoc nullo iure prohibetur, & multorum consuetudine ap-
 probatur. Suarez *ut supra.* Bonacina *de Simonia q. 7. §. 4.* Vide
 dicenda infra *num. 39.*

6 Non possunt recipi plures Moniales in Monasterio, quàm
 quæ ex redditibus, vel ex consuetis eleemosynis commodè pos-
 sint sustentari. Ita habetur in *cap. unico §. sanè de stat. Regul. in 6.*
 & in Concil. Trident. *sess. 25. de Regul. cap. 3.* ac in Constitut. Pij
 Quinti anno 1566. quæ incipit *Circa Pastoralis Officij, &c.* Quod
 intelligunt aliqui nisi Monialis secum afferat dotem, ex qua pos-
 sit commodè sustentari. Quia per hoc sufficienter prouidetur
 intentioni Ecclesiæ. Nauarrus *lib. de reddit. Eccles. quest. 1. mo-*
nit. 62. Suarez 4. *tomo de Relig. tract. 9. lib. 1. cap. 11.* Dicitur tamen
 Sacram Congregationem declarasse 6. die Septembris anno 1604.
 quòd si quæ supra statutum numerum reciperentur, duplicem
 eleemosynam afferre, & supra numerarium locum tenere debe-
 rent

rent . Deindè , quòd Moniales , quæ supra numerum in quolibet Monasterio constitutum recipiuntur , in locum Monialium decedentium nequaquam subrogari , neque impedimento esse , quin aliz in locum earumdem ex numero demortuarum recipi eo modo valeant , quo in singulis Monasterijs Moniales intra numerum possunt admitti , quinimmo easdem sic supra numerum receptas , supranumerarias semper quoad hoc remanere , etiamsi in cæteris ab alijs nihil differant , sed illis in omnibus pares , &c. Insuper quòd duplicis elemosynæ nomine intelligi semper debeat duplicata summa eius , quæ in receptione cuiusque Monialis intra numerum in quolibet Monasterio constitutum , erogari pro tempore consueverit . Ita tamen , ut ubi summa , quæ confertur minor est sentis ducentis , ibi saltem ratione duplicatæ elemosynæ solvenda sint scuta quadringenta . Quaranta in *Summa Bullar. v. Monasteria Monialium* . Vbi etiam affert aliam declarationem , circa puellas admittendas in locum Monialium pro tempore vacaturum , neque promittendum talem locum , nisi sequuta reali vacatione , & cum quibusdam alijs conditionibus , sub grauib. pœnis ibi impositis . Vide etiam Peirinis *tomo 2. priuileg. Minor. in Constitut. 6. Pij V. num. 9.* Sed nota ex declaratione Sac. Congregat. Episcop. & Regul. ann. 1613. quòd supernumeraria non potest admitti sine licentia S. Congregationis . Gauantus in *Man. Episcopor. verb. Monialium receptio num. 11.*

7 Modus paupertatis magis accomodatus Monialibus est , Monasteria habere communes redditus , quibus possit omnibus illis subuenire . Ratio est , quia per mendicitatem , aut alio modo simili non possunt ita commodè , & honestè sustentari . Quod idem de Monialibus Capuccinis intelligi debet , propter eandem rationem . Præsertim cum in Decreto Concil. Trident. *sess. 25. cap. 2.* comprehendantur . Suarez 4. *tomo de Relig. tract. 9. lib. 1. cap. 12.* Habere tamen singulas , aut aliquas Moniales redditus aliquos , vel annuos census tolerari non debet , nisi in casu , quo vita communis obseruari minimè possit , & cum conditionibus assignatis *cap. 6. de Voto Paupertatis à num. 21.* Suarez 4. *tomo de Relig. tract. 9. lib. 1. cap. 12.*

8 Moniales omninò plena , & spontanea voluntate debent profiteri , ac proinde ante professionem ex bonis Nouitiæ nihil tribui debet Monasterio , præter victum , & vestitum pro anno Nouitiatus . Vnde à S. Congregatione Cardinalium declaratum est , etiam dotem non esse Monasteriotribuendam ante professionem . Causa tamen legitima subsistente , & cum licentia Episcopi , & data cautione , & securitate de ipsa restituenda , poterit

rit etiam dari ante professionem. Suarez *infra citandus num. 4.* Deinde Episcopus ante professionem, virginis voluntatem exploret, ut pia, & spontanea sit. Censura insuper innodantur illi, qui scēminas ad statum Religiosum assumendum cogunt. *cap. Puella 20. quæst. 1. & Conc. Trident. sess. 25. cap. 16. 17. & 18. Suar. 4. tom. de Reliq. tract. 9. lib. 1. cap. 11. Vide dicta cap. 24. num. 29. & Gauantum in Man. Episc. verb. Monialium receptio à num. 1. usque ad 6.*

9 Non solum virgines, sed etiam viduæ admitti possunt, saltem iure communi, in Moniales. Ratio est, tum ex usu antiquissimo Ecclesiæ, tum ex *cap. Vidua 20. quæst. 1. & cap. Viduas 1. & 3. & cap. Vidua cum sequentibus 27. quæst. 1.* Sed viduam non convenire admitti ad habitum Monachalem virginum, declaravit Sac. Congreg. Episcop. apud Gauantum in *Man. Episc. verb. Monialium receptio num. 7.* Fœminas autem illicitè corruptas, maxime si lapsus est publicus, decens non est admitti, propter scandalum caterarum, nisi in specialibus Monasterijs mulierum pœnitentiæ ad illas designaris, & nisi fortè sint aliquæ circumstantiæ, quæ tale scandalum minuant, aut tollant. Suarez 4. tom. de Reli. tract. 9. lib. 1. cap. 11. num. 2.

10 Quamvis velum Professionis concedi posset non solum Virginibus, sed etiam viduis; quia, ut dictum est supra, etiam viduæ admitti possunt in Moniales: nihilominus Velum Consecrationis solum potest dari iure communi virginibus. *cap. de Voto 20. quæst. 1. & Conc. Tiburienſe cap. 25. & Rothomagenſe cap. 9. apud Yuonem part. 7. Decreti cap. 52. Sotus in 4. dist. 38. quæst. 1. art. 1. Siluester verb. Consecratio virginum.* Video tamen Sac. Congregationem Episcop. & Regular. decreuisse tollendam esse consecrationem. Insuper concedendam non esse Monialibus Mendicantium. Gauantus in *Man. Episc. verb. Monialium consecratio.* Casu autem quòd detur, scēminæ extra matrimonium corruptæ, etiam si per violentiam, & sine culpa ipsarum id factum sit, capaces non sunt talis veli. Leo Papa in *Epist. ad Episcopos Mauritanie capit. secundo, & quinto.* & refertur 32. quæst. quinta. Num autem scēmina occultè corrupta, & cum publica fama virginitatis possit illud recipere? Multi negant, alij verò probabiliter affirmant. Quia non tenetur se prodere, sed potest in exteriori foro ita se gerere, sicut in communi opinione habetur. Suarez 4. tom. de Reli. tract. 9. lib. 1. cap. 11. Congruum tamen videtur talè Monialem, etsi non se debeat prodere, debere tamen excusare se. Miranda in *tract. de Sac. Monial. quæst. 7. art. 6. & 8.* Vbi addit in tali casu posse Episcopum uti aliqua cautela, mutando scilicet nom-

men

men Virginitatis, in nomen Castitatis. Nauarr. *in Man. cap. 16. num. 3. & lib. 3. Conf. conf. 4. num. 4.* Pollutæ autem etiam voluntaria pollutione possunt consecrari. Quia re vera adhuc virgines sunt, cum retineant integrum claustrum. Caietan. *in Summ. verb. Virginum consecratio.* Sa *in Summ. verb. Consecratio. num. 6.* Vellum autem hoc solum datur ab Episcopis, & temporibus à iure statutis, *d. cap. de Vet. & cap. Virgines. 20.* Circa ætatem autem, cum iura antiqua sint contraria, consuetudo attendenda est. Suarez *4. tom. de Reli. tract. 9. lib. 1. cap. 11.* Sa *in Summ. ver. Consecratio. num. 5.* Quia tamen Sacra Congregatio Episc. & Regular. decreuit consecrandas agere debere ætatis 25. annum completum, ideo sic faciendum. Gauantus, *ut supra.*

11 Puellæ minores duodecim annorum recipi possunt (secundum aliquos) ad habitum monialem, vt Nouitiæ. Tum ex consuetudine Religionum; tum quia hoc non derogatur (vt aliqui volunt) à Concilio Tridentino *sess. 25. cap. 17.* Ita etiam declaratum dicitur à Sacra Congregatione Cardinalium. Medina *de Sacrorum hominum continentia lib. 4. controu. 9. cap. 4.* Miranda *in tract. de Sac. Monial. quæst. 8. art. 2.* Quia tamen oppositum declaratum dicitur à Sacra Congregat. Episcoporum, & Regular. ideo cautè procedendum. Gauantus *in Man. Episcop. verb. Monialium receptio num. 19. & 20.* Nullatenus autem debent admitti ad Professionem ante decimum sextum suæ ætatis annum expletum. Concilium Tridentinum *sess. 25. capit. 15.* Vide dicenda infra *num. 39.*

12 Debent Moniales examinari ab Episcopo, vel eius Vicario, Episcopo absente, vel impedito, antequam profiteantur, an coactæ, & seductæ sint, sciant quid agant, &c. Conc. Tridentin. *sess. 25. cap. 17.* Vide Barbosam *de Potest. Episcop. Alleg. 100. num. 4.* & Gauantum *in Man. Episc. verb. Monialium receptio à num. 21.* Imò aliqui dicunt bis examinandas esse, scilicet ante susceptionem Habitûs, & ante Professionem, propter declarationem Sacræ Congregat. Cardinalium. Thom. Zerol. *in prax. Episcop. verb. Monialis.* Consuetudine tamen videtur receptum, quòd solum semel ante Professionem examinentur. Miranda *in tract. de Sacris Monialib. quæst. 8. art. 4.* Quicquid tamen de hoc sit, defectus huius examinis non irritat Professionem Monialis, cum Concilium nihil dicat de inualiditate talis Professionis, vt solet, quando vult esse inualidam, atque ita solum erit illicita, & peccaminosa, & ita supponitur à Sacra Congregat. in quadam Declaratione, quam refert Zerola *ut supra.* Sanchez *lib. 6. in Decalogum cap. 4. num. 84.* Barbosa *de potest. Epif. Alleg. 100. n. 9.* Vide dicenda *c. seq. n. 17.*

13 Tenentur etiam Moniales omnes dicere Officium Diuinum in Choro, sicut alij Regulares, ex *Clem. 1. de celebr. Missarum*, ubi præcipitur, quòd in omnibus Ecclesijs Cathedralibus, & Regularibus, atque etiam Collegiatis, Horæ Canonice deuorè psallantur, conuenienterque celebretur Diuinum Officium, diurnum, pariter, atque nocturnum. Angelus verb. *Horæ Canonice* §. 25. & 26. Siluest. *ibid.* n. 10. Tenentur etiā Moniales Choro destinatæ ad Officium Diuinum priuatè, & extra Chorum recitandum, iuxta dicta *cap. 12. numer. 8.* Sotus 10. *de Iustit. & Iur. quest. 5. artic. 3.* Nauarrus in *Manual. cap. 25. num. 96.* Vide infra num. 43.

14 Iure communi non est aliquod præceptum obligans, saltem sub mortali, ad hoc vt Moniales confiteantur singulis mensibus sua peccata. Ratio est, quia si aliquod ius esset in hac parte, maxime Clement. *ne in agro*, illa autem non obligat ad peccatum, saltem mortale, vt indicat Conc. Tridentinum *sess. 25. c. 10.* ubi referens in margine prædictā Clementinam sic loquitur circa Confessionem, & Communionem Monialium. *Attendant diligenter Episcopi, & ceteri Superiores Monasteriorum Sanctimonialium, vt in Constitutionibus earum admoneantur Sanctimoniales, vt saltem singulis mensibus Confessionem peccatorum faciant, & Sacrosanctam Eucharistiam suscipiant, vt eo se saluari presidio muniant ad omnes oppugnationes Dæmonis fortiter superandas. Præter ordinarium autem Confessorem, alius extraordinarius ab Episcopo, & alijs Superioribus bis, aut ter in anno offeratur, qui omnium confessiones audire debeat. Quòd verò Sanctissimum Christi corpus intra Chorum, vel septa Monasterij, & non in publica Ecclesia conferretur, prohibet S. Synodus, non obstante quocumque indulto, aut privilegio.* Viualdus in *Can. elabro aureo de Confess. num. 51.* Zecrola in *Praxi Episc. verb. Moniales ad septimum dubium.* Vide dicenda infra num. 40.

15 Qui scienter contrahunt cum Monialibus, & ipsæ Moniales contrahentes sunt excommunicati in Clement. 1. *de Consanguinit. & affinit.* Toletus in *Summ. lib. 1. cap. 40.* Imò si quis Monialem in vxorem acciperet, prohibetur cum alia contrahere, in sui peccati pœnam. 27. *quest. 1. can. Hi verò.* Idem Tolet. *lib. 7. cap. 15.*

16 Specialiter tenentur Moniales omnes ad seruandam, rigorosam Clausuram, idest numquam exeundum de Monasterijs, propter specialissimum Ecclesiasticum præceptum illis impositum. Primò, ex Bonifacio Octauo *cap. Periculoso in princ. de stat. Regul. in 6.* præcipientem, vniuersas, & singulas Moniales, præsentem, atque futuras, cuiuscumque Religionis sint, vel Ordinis, in quibus-

buslibet Orbis partibus existentes, sub perpetua in suis Monasterijs debere de cætero permanere Clausura, ita quod nulli earum, tacite, vel expresse professæ sint, vel esse valeant, quacumque ratione, vel causa (nisi fortè tanto, & tali morbo euidenter eam laborare constaret, quod non posset cum alijs absque graui periculo, seu scandalo commorari) Monasteria ipsa deinceps egrediendi facultas concedatur. Secundò, ex Concilio Tridentino sess. 25. de Regn. cap. 5. vbi rigidissimis verbis eam inniolabiliter seruari præcepit. Terriò, ex Pio Quinto, qui ad idem intentum duas Constitutiones edidit, alteram anno 1566. alteram anno 1569. in prima explicans magis Decreta Bonifacij, & Concil. Trident. in secunda verò rigidius eandem Clausuram præcipiens, iustas causas concedendæ licentiæ declarans, varijsque pœnis transgressores afficiens. Tandem quartò, ex Gregorio Decimotertio, qui anno 1572. eandem Clausuram confirmauit, explicans, quæ loca sub illa claudantur. Sanchez lib. 6. in Decal. cap. 15. Gauantus in Man. Episcop. verb. Monialium clausura à principio.

17 Non solum Moniales Ordinum Mendicantium, & Monachalium, sed etiam Ordinum Militarium obligantur hoc præcepto Clausuræ. Tum ex Concil. Trident. sess. 25. cap. 22. vbi ea, quæ in Superioribus Decretis præceperat, quorum vnum erat de Clausura Monialium dicit, debere obseruari in omnibus Cænobijs, ac Monasterijs, quarumcumque Sanctimonialium, etiam si illæ sub gubernio militarium etiam Hierosolymitanæ viuant. Tum ex Pio Quinto in dicta Constitutione anno 1566. Nauarrus com. 4. num. 44. vers. 5. Rodrig. tomo 1. quest. Regul. quest. 44. artic. 2. & 3. Tenentur etiam isto præcepto Moniales Conuersæ cuiuscumq. Ordinis sint. Quia ita habetur expresse in dicta Constitutione Pij Quinti. Nauarrus ut supra num. 45. Rodriguez ut supra artic. 4. Non tamen tenentur isto præcepto Nouitiæ. Quia non sunt verè Moniales, nec prædictis Decretis comprehensæ. Nauarrus ut supra numero 47. Vide infra numero 23. Bene tamen tacite professæ. Quia ita decernit Pius Quintus in dicta Constitutione sequens Bonifacium Octauum. Oblatæ autem si non sint Religiosæ non tenentur. Cum nulla lex illas obliget. Grassis prima parte Decis. lib. 4. cap. 23. Rodriguez tomo 1. questionum Regul. quest. 44. art. ultimo. Mulieres verò in aliqua domo, vel Congregatione, simul viuentes, & aliquem modum vitæ Religiosæ vouentes, hortandæ sunt, vt solemniter profiteantur, & ex tunc tenebuntur ad Clausuram, vt cæteræ Religiosæ, si verò hoc noluerint facere, non licet eis aliquam in posterum in suam Congregat. admittere, quod si aliquas receperint, professiones, & receptiones illa-

illarum sunt omnino irritæ, & nullæ. Ratio est, quia ita deciditur in prædicta Constitutione Pij Quinti: Rodriguez *ut supra art. 3. Sanchez lib. 6. in Decalog. cap. 15. num. 14.* Vtrum autem quædam Moniales, quæ faciebant professionem ea conditione, vt non adstringerentur Clausuræ verè essent professæ? Probabilius est, quòd non, quia Pius Quintus videtur irritasse, & annullasse dictas professiones. Miranda in *tract. de Sacris Monialibus quest. 1. art. 4.*

Circa Conuersas autem nota, quòd licet illæ teneantur, vt dictum est, lege Clausuræ, ita vt neque possint exire ad ornandum Altare in Ecclesia exteriori, prout declarauit S. Congregatio Episcop. & Regularium 27. Octobr. 1592. Nihilominus vbi fuerit consuetudo prædictas Conuersas egrediendi è Monasterijs pro quæstu, tolerari potest, habitis tamen necessarijs licentijs, & dummodo tales Conuersæ sint ætatis saltem 40. annorum, nec pulchræ, nec foris pernoctent, neque plures quàm octo destinentur ad quæstum, & quòd si deinde non egeant, cessent à quæstu. Hoc declarauit eadem S. Congregatio, prout refert Gauantus in *Manual. Episcop. verb. Monialium clausura à num. 18.* Vbi etiam, num. 10. de Monialibus conuertitis si egeant, quid sentiendum.

Hinc collige, neque posse expelli Moniales à Religione, etiam propter incorrigibilitatem; non solum, quia iura, & Decreta Summorum Pontificum, quæ de eiusmodi expulsionem loquuntur, & de quibus nos egimus c. 23. de viris solum intelligi, praxis Ecclesiæ hucusque recepit, non de fœminis: sed etiam quia S. Congregatio Episcop. & Regular. die 27. Maij 1603. declarauit: *Incorrigibiles eijs non possunt, neque transferri, inconsulta Sede Apostolica.* Quare, etsi, stando in iure communi naturali Religionum, eijs possent è Religionibus prædictæ incorrigibiles; ætenta tamen Ecclesiæ consuetudine, & prædicta Declaratione, id fieri non potest sine Sedis Apostolicæ consensu. Sanchez *lib. 6. in Decalog. cap. 9. num. 6.* Gauantus in *Manual. Episcop. verb. Monialium clausur. n. 23.*

18 Locus clausuræ, ex quo prohibitum est Monialibus egredi, est totus ille ambitus Monasterij, qui ianuæ interiori clausa continetur. Vnde si vltra interiorem ianuam exeant ad Ecclesiam, vel ad alia loca, vbi sæculares intrant, Clausuram violant. Ratio est, quia ita habetur in Bulla Greg. XIII. superius adducta. Nauarrus *com. 4. num. 44. not. 4. de Regul. & lib. 3. Confil. in 1. edit. tit. de Regul. confil. 66.* Rodriguez *tomo 1. quest. Regu. quest. 44. artic. 3.* Vnde si Monialis ascendat supra tecti regulas supra eam partem, quæ Monasterium respicit, aut egrediatur ex aliqua Domo priuata, in qua, siue iustè, siue iniustè, è Monasterio egressa

fa commoratur, non frangit Clausuram. Eò quòd hoc non est egredi è Monasterij ambitu. Nauarrus *ibidem*, & Sanchez *lib. 6. in Decalog. cap. 15. num. 7. & 9.* Ingredi tamen domos Monasterio contiguas, etiam si in illis solum sint aliquæ sœminæ seruitiæ Monasterij deputatæ, est Clausuram violare. Propter contrariam rationem, scilicet, quia hoc est egredi è Monasterij ambitu. Nauarrus *de Regul. comm. 4. num. 56.* Bonacina *de Clausur. quest. 1. punct. 1.* Idem dico, propter eandem causam, de ingressu in Ecclesiam exteriorem, ad quam scilicet sæcularibus patet accessus. Bonacina *ibidem*. Ganantus *in Man. Episcop. verb. Monialium clausura num. 10. 11. 12.*

19 Moniales egredientes è Clausura Monasterij, aut eis fauentes, vel licentiam aliquo alio modo (quàm dicitur) concedentes, comitantes, aut recipientes, excommunicationem latæ sententiæ Papæ referuatam incurrunt, & priuationem omnium dignitatum, administrationum, & officiorum tunc obtentorum, & inhabilitatem ad alia. Quia ita habetur in dicta illa Constitutione Pij V. ann. 1569. Incurrunt etiam istas pœnas omnes cooperantes iniustæ egressioni Monialium. Quia omnes isti comprehenduntur ibi. Rodriguez *to. 1. quest. 49. art. ultimo* An verò huiusmodi pœnæ incurrantur in foro conscientie ante omnem iudicis sententiam, vel illa expectetur? Constat ex dictis supra *cap. 10. à num. 29.* Bonacina *de Clausur. q. 1. punct. 4. & 5.*

20 Licentia egrediendi Moniales è Monasterio, concedi non potest, nisi grauissima causa perurgente. Ita habetur tam in *cap. periculofo citato*, quàm in Concilio Tridentino *sess. 25. cap. 5.* Maxime in dicta Constitutione Pij V. ann. 1569. Vbi trës causæ assignantur, scilicet *magni incendij, vel infirmitatis lepræ, aut epidemia.* Nauarrus *comment. 4. num. 40. & 48.* Imò quando huiusmodi magno incendio occurrì potest sine egressu Monialis à suo Monasterio, aut curari à lepra, aut epidemia, sine periculo aliarum, tunc non erunt sufficientes causæ egressionis. Quia tunc cessat necessitas exeundi, quæ est finis huius concessionis. Rodriguez *tom. 3. quest. Regul. quest. 31. artic. 1.* Collector *Priuilegiorum Mendicant. verb. clausura Monialium cas. 1.* Nomine Epidemiæ non solum intelligitur pestis, sed & morbus etiam alius contagiosus, qui solet alijs de familia periculum mortis asserre. Quia intentum Pij V. in illa exceptione est consulere indemnitati Communitatis Religiosæ, ne scilicet pariatur periculum mortis propter retentionem Monialis infirmæ, quod non solum procedit in infirmitate pestis, sed in alia etiam contagiosa, quæ soleat esse periculosa toti familiæ, vel maiori parti ipsius. Rodriguez *to. 1. quest. 49. art. 4.* San-

Sanchez *lib. 6. in Decalogum cap. 15. num. 35.* Vide & Gauantum in *Man. Episcop. verb. Monialium Clausura num. 7.* Probabile etiam est tres istas exceptiones Epidemiarum, leprarum, & magni incendij, contentas in prædicta Constitutione extendendas esse ad alios casus similes, vel vrgentiores, quale est tempore belli periculum, quod imminet Monialibus, ne patiantur aliquod damnum à militibus, maxime infidelibus. Quia dictio taxatiua in Decretis non excludit casus similes, vel vrgentiores. Nauarrus *comm. 4. num. 48.* Azor *tomo 1. Instit. moral. lib. 13. cap. 8. qu. 1.* Non est autem casus similis cum vita vnus Monialis periclitaretur non egressiundo è Monasterio. Tum quia Pontifex in illa exceptione solum consulit vitæ, & incolumitati totius Communitatis, aut maioris partis ipsius, non vnus, aut alterius Monialis. Tum etiam quia magis præponderat bonum commune Religionis, aut Conuentus, quod positum est in exacta obseruantia Clausuræ, quàm bonum particulare vitæ vnus Monialis. Rodriguez *tomo 1. quaest. 49. art. 4. 3. & 5.* Sanchez *lib. 6. in Decalog. cap. 15. num. 39.* Oppositum verò etiam credo probabile. Quia sæpius hoc nullum præiudicium, faciet bono communi Religionis, & lex naturalis conferuandæ vitæ superior est quocumque præcepto Ecclesiastico. Suarez *4. to. de Relig. tract. 8. lib. 1. cap. 9. num. 9.* Quando Monialis alicuius Monasterij eligitur in Abbatissam alterius tunc etiam potest exire ex Monasterio, & est causa sufficiens concedendi illi talem licentiam. Ratio est, quia in Conc. Trident. *sess. 25. c. 7.* id videtur permisum, non obstante quòd in *cap. 5.* multum commendauerat Monialium Clausuram. Nauarrus, & Rodriguez *ut supra.* & Collect. *præiudic. Mendicant. verb. Clausura Monialium cas. 3.* Qui etiam hoc extendit ad casum quo Monialis deberet fundare aliud Monasterium. Video tamen S. Congregat. Episcop. declarasse, transferri non posse Moniales pro instructione noui Monasterij, inconsulta Sede Apostolica. Barbosa *de Poteft. Episc. Allegat. 102. num. 25.* Gauantum in *Man. Episcop. verb. Monialium Clausura num. 14.* Quando causa egressiendi legitima non est, sed fraude, vel fauore obtemperata non excusat Monialem in conscientia, cum talis licentia nulla sit. Suarez *4. tom. de Relig. tract. 8. lib. 1. cap. 9. num. 14.* Vide pro alijs casibus Bonacinam *de Clausur. q. 1. punct. 9.*

21 Causa autem aliqua legitima ex prædictis subsistente, possunt Prælati Religionum facultatem concedere exeundi è Monasterio Monialibus sibi subiectis, accedente tamen consensu Episcopi approbantis causam egressus. Ratio est, quia ita habetur in Trident. *sess. 25. cap. 5.* & in supradicta Constitutione Pij V. Laurentius Peirinis *tom. 2. præiudic. Minim. in Constit. 6. Pij V. num. 22.* Extat

quoque S. Congregat. declaratio, qua dicitur : Moniales subiectæ iurisdictioni Regularium exemptorum, si sine licentia Ordinarii egressæ fuerint è Monasterijs, debent ipsæ, & earum Superiores, de quorum licentia de Monasterijs egressæ fuerint, per censuras Ecclesiasticas, & alia iuris remedia ab eorum Ordinario puniri, non obstantibus quibuscumque privilegijs, &c. Zerola 1. p. *prax. verb. Monialis*. Addunt aliqui consuetudine receptum esse in Hispania, ut non requiratur talis licentia Episcopi, vel Ordinarii. Rodriguez *tomo 1. quæst. 49. art. 6.* Sanchez *lib. 6. in Decalog. c. 15. num. 28.* Diligenter tamen intuendum est an hoc sit vera consuetudo, eò quòd lex Ecclesiastica non amittit suam vim nisi post longam præscriptionem. Suarez *tom. 4. de Relig. tractat. 8. lib. 1. cap. 9. num. 14.* Immo quando necessitas egressus urgeret, & ratione longæ distantie Superioris nõ posset ad ipsum adiri absque gravi periculo, posset Monialis, Superiore inconsulto, è Monasterio egredi, quia necessitas caret lege. & per Epicheiam censeri potest hunc casum non comprehendi in Decretis Concilij, & Pontificum. Silvester *verb. Religio 7. quæst. 16.* Rodriguez *to. 1. q. 49. art. 2.* Bonacina *de Clausur. q. 1. punct. 8.* Vide dicenda *cap. sequenti num. 20.*

22 Moniales tamen quomodolibet egressæ è Monasterijs, vel propter morbos permisos, vel propter aliam causam, ea cessante, tenentur statim redire. Ratio est, quia licentia non durat nisi durante causa egressionis. Rodriguez *tomo 1. quæst. 47. artic. 11.* Sanchez *lib. 6. in Decalog. cap. 15. num. 60. & 61.* Qui etiam bene addunt, breuem moram non esse contra hoc præceptum redeundi.

23 Nouitiæ, ut dictum est supra *num. 17.* non tenentur hac lege de non exeundo à Monasterio nisi cum circumstantijs adductis, ac proinde si exeant non incidunt in pœnas adductas supra *num. 19.* An autem exeuntes à Monasterio interrompant Nouitiatum, & desinant esse Moniales? Dicendum est, quòd si ex causa rationali, v.g. morbo graui curando, & ex licentia Superiorum, ac cum habitu exeant, non censentur interrompere suum Nouitiatum; secus autem si sine causa, licentia, aut habitu exeant. Ratio primæ partis est, quia talis egressus cum illis circumstantijs arguit vnionem, & permanentiam in Religione, affectumque perseuerandi. Ratio verò secundæ est ex opposito, quia talis egressus potius arguit retrocessionem ab obedientia, Religione, vel habitu. Suarez *4. tom. de Relig. tract. 8. lib. 1. cap. 8. num. 16.* referens pro hoc quamdam declarationem Cardinalium. Addens etiam, quòd si egressus Nouitiæ sit de licentia Abbatissæ malè tamen concessa, adhuc tamen per talem exitum non interrompi Nouitia-

tiatum quantum est ex vi iuris communis. Vide Barbosam de *Potest. Episcopi Allegat.* 101. num. 23. & 28. Non posse tamen Novitijs dari licentiam exeundi ad visendos parentes, declaravit S. Congregat. Episcop. Gauantus in *Man. Episcop. verb. Monialium Clausur.* num. 13.

24 Moniales non possunt admittere intra Clausuram sui Monasterij quamcumque personam cuiuscumque generis, conditionis, aut sexus. Ita habetur in *cap. periculofo in principio de stat. Regul.* in 6. & in Concil. Trid. *sess. 25. cap. 5.* & in Bullis Pij V. & Gregorij XIII. Suarez 4. *tom. de Relig. tract. 8. lib. 1. cap. 10.* Sanchez *lib. 6. in Decal. cap. 16. per totum.* Num autem Reges, Reginae, Imperatores, seu Imperatrices hoc præcepto cõprehendantur, problema videtur. Bonacina de *Clausur. q. 4. punct. 1.* Non extenditur autem hæc prohibitio ad infantes pueros, seu puellas nondum habentes usum rationis. Quia etsi Concilium Tridentinum videatur includere omnes cuiuscumque ætatis, intentum tamen illius solum extenditur ad illos, qui Moniales inducere possunt ad peccandum. Nauarrus in *Summa cap. 28.* Corduba in *Summa q. 60.* Oppositum tamen videtur haberi ex declarat. S. Congregat. Regular. apud Gauantum in *Man. Episc. verb. Monial. clausura n. 31.* Amentes verò adulti sub hac prohibitionem comprehenduntur, propter rationem contrariam. Nauarrus *Comment. 4. num. 55.* Rodrig. *tom. 1. quest. Regul. q. 46. art. 1.*

25 Licentiam verò ingrediendi dictam Clausuram, concedere, possunt Episcopi, vel Superiores, in casibus necessarijs, & respectivè ad Monasteria sibi subiecta. Bonacina *ut supra punct. 2.* ex Conc. Trident. *ut supra.* Nisi aliud in particularibus Religionibus sit lege, vel consuetudine receptum. Quod dixerim præcipuè propter Monasteria S. Clarae, & Conceptionis. Sanchez *lib. 6. c. 16. num. 20.* Puellas verò educationis gratia Monasteria Monialium intrantes ingredi non posse sine licentia Papæ, aut S. Congregationis tradit Bonacina de *legib. disput. 1. quest. 1. punct. 3. num. 20.* & de *Clausura q. 4. punct. 4. num. 16.* Sed non video fundamentum in hoc autore, aut in alijs ad hoc, nisi Decretum S. Congregat. Episcop. quod affert Gauantus in *Man. Episcop. verb. Monial. educatio num. 8.* quod forsan solum intelligitur de illis Monasterijs, in quibus non est consuetudo tales puellas recipiendi, iuxta dicenda *num. 29.* Ipsi etiam Superiores ingredi possunt, si id faciant in casibus necessarijs, & à paucis, iisque senioribus, ac Religiosis personis, comitati. Gregor. XIII. in Bulla edita anno 1581. quæ incipit *Dubijs, qua emergunt.* Abbatissa verò non potest dare hanc licentiam. Quia Concilium postquam dixit Episcopum,

vel Superiorem licentiam hanc debere dare, subiunxit, neque alius ullo modo id possit. Quo excluduntur prædictæ Abbatissæ. Nomen enim masculini generis etiam fœminas comprehendere, est regula communis. Navarrus *Com. 4. de Regul. num. 59.* Suarez *4. tom. de Relig. tract. 8. lib. 1. cap. 10. num. 14.* Addens, neque ex commissione Prælati posse hanc licentiam Abbatissam, aut quemlibet alium concedere. Quia Concilium reuocat omnes facultates etiam in posterum concedendas. Extat verò declaratio Sacræ Congregationis circa hoc, per hæc verba. *Vbi post Concilium fuerit cōsuetudo introducenda, ut Ordinarius det hanc licentiā in Monasterijs Regularibus subiectis, obseruandam esse. Vbi fuerit consuetudo introducenda, ut Episcopus habeat superintendentiam aliquam, super concessione talium licentiarum, v.g. quòd debeant apud ipsum registrari, obseruandum esse, quamuis Episcopus non possit tunc licentiam improbare.* Suar. *4. tomo de Relig. tract. 8. lib. 1. cap. 10. num. 15.* Qualis etiam debeat esse hæc licentia, vide Bonacinam de *Clausur. q. 4. punct. 3.*

26 Causæ legitimæ ingrediendi Monasteria Monialium sunt primò, necessitatum communium Monasteriorum Monialium, quæ per ipsas suppleri non possunt, verbi gratia fabricatorum, portatorum lignorum, &c. Sanchez *lib. 6. in Decalogum cap. 16. num. 43.* Secundò, necessitatum spiritualium, v.g. Confessorij, seu Sacerdotis ministrantis Sacramenta infirmis. Sanchez *ibid. num. 44.* Vide infra *num. 40.* Idem dico tertio quoad necessitates corporales, v. g. pro medicis, chirurgis, sanguinis minoribus &c. Miranda in *Tract. de Sacris Monial. q. 2. art. 4.* & generaliter loquendo satis est, quòd hæc necessitas sit moralis. Rodriguez *to. 1. q. 46. art. 4.*

27 Pœnæ verò cōtra ingredientes Monasteria Monialium vltimum necessitatis, & sine Superioris licentia, sunt excommunicationis ipso facto. Concil. Trid. *sess. 25. cap. 5.* Illamq. Summo Pontifici reseruauit Gregorius Decimus Tertius in Bulla illa anno 1575. quæ incipit *Vbi gratia.* Bonacina de *Clausur. quaest. 4. punct. 5.* Contra Prælatos verò, vel Moniales talem ingressum permittentes, vltra prædictam excommunicationem, est inflicta pœna priuationis dignitatum, & beneficiorum suorum, ac inhabilitatis ad illa, & alia in posterum obtinenda. Gregorius Decimus tertius in prædicta Bulla *Vbi gratia.* Prælatos etiam Monasteria Monialium sine prædictis conditionibus intrantes, si Pontificalis dignitatis fuerint, pro prima vice Ecclesiæ ingressu interdictos, pro secunda, à munere Pontificali, & à Diuinis suspensos, ac deinceps ipso facto absque alia declaratione excommunicatos existe-

re: Regulares verò omni officio, ac ministerio priuatos, excommunicationi similiter subiacere, statuit Gregorius XIII. in prædicta Constitutione *Dubijs, qua emergūt. Sanchez lib. 6. in Decalog. cap. 16. à num. 71. Gauantus in Man. Episc. verb. Monial. Claus. à num. 46.*

28 Prædictis tamen non obstantibus, volunt quidam, scēminas aliquas etiam viduas, seu maritatas, posse admitti intra Monasteria Monialium, ob grauem causam; v.g. cum vxor timens scēuitiam viri, vult ab ipso separari, &c. Sed quia de hoc non video constantem aliquam Declarationem Cardinalium, sed potius varias, non auderem id consulere, nisi vbi legitima consuetudine id esset præscriptum. *Rodrigu. tomo 1. quest. Regul. quest. 46. artic. 10. Sanchez lib. 6. in Decalog. cap. 16. num. 64. Barbosa de Potest. Episcopor. Alleg. 102. num. 67.* Vbi hoc decisum refertur.

29 Possunt tamen in Monasterijs Monialium admitti puellæ scēculares, vt ibi honestè educentur, vel seruentur, de licentia tamen Superiorum, & dummodò de Monasterio non exeant iterum reuersuræ, ac concurrentibus alijs conditionibus à Sacra Congregatione Cardinalium præscriptis, prout infra. Ratio est, quia hoc nec est intrinsecè malum, & aliquo modo est necessarium pro Monasterijs Monialium, cum multæ ex prædictis puellis habitum suscipiant in Monasterijs, vbi sunt educatæ, ac per consequens videatur permissum à Concil. Tridentin. quatenus permittit ingressum in Monasteria Monialium de licentia Episcopi, vel Superioris *in casibus necessarijs. sess. 25. cap. 5.* Vnde à Sacra Congregatione anno 1575. declaratum dicitur, nullo Concilij Decreto prohiberi, quo minùs puellæ in Monasterijs Monialium educentur, si tamen eadem Monasteria ante Concilium consueuerint huiusmodi puellas recipere, sique à Superioribus Monasteriorum scriptam licentiam impetrauerint, atque Abbatissæ, & reliquarū Monialium consensus accesserit. Tum verò ipsæ puellæ eo vestitu in Monasteria intromittantur, qui virginali pudore, modestiæ conueniat, nullamque secum famulam adducant, nec manere in eis possint nisi vsque ad ætatis suæ annum vigesimum quintum, atque in eis dum erunt, eandem seruent clauræ legem, quam Moniales ipsæ, & si semel exierint, nullam habeant ad ea reuertendi facultatem. *Nauarrus Comment. 4. num. 67. Laurentius de Peirin. tom. 2. priusl. Minim. in Const. 6. Py V. num. 10.* Vide etiam, alias Declarationes circa hoc in Thoma Zerola *in Praxi Episcop. verb. Moniales.* Videlicet, quòd prædictæ puellæ non sint supra numerum præfixum, & pro eis quolibet semestri anticipata alimenta soluantur, & quòd sint separatæ à loco destinato Mōnialibus,

& Nouitijs ad dormiendum, ac operibus manuum vacandum. Sanchez *lib. 6. in Decal. cap. 16. à num. 61.* Bonacina *de Clausur. quæst. 4. punct. 4. à nu. 15.* Vide dicta *num. 25.* & Gauantum in *Man. Episc. verb. Monial. educatio.* ubi nouas alias S. Congr. Episc. Declarationes affert.

30 Fœminam tamen aliquam nobilem, & generosam, v. g. Marchionissam, vel Ducissam, ad Monasterium admittere propter aliquam commoditatem ipsius, licet quidem affirmant, probabilius tamen alij negant Ratio est, quia in hoc nulla est necessitas, & ex alia parte declaratum fuit à Sacra Congregatione, hoc fieri non posse, vt refert Miranda *Tract. de Sac. Monial. quæst. 2. art. 7.* Barbosa *de Potest. Episc. Alleg. 102. num. 67.*

31 Similiter non potest dari licentia matri, sororibus, vel consanguineis Monialis infirmæ, etiam morti proximæ, ingrediendi in Monasterium ad illam visitandam. Quia hic non est casus necessitatis, & consuetudo ita declarauit, maximè cum Sacra Congregatio id expresse per hæc verba: *Non licet Episcopo licentiam dare matri, sororibus, & consanguineis Monasterium ingrediendi causa visitandi filias, vel sorores, etiam si sint in mortis periculo.* Miranda in *Tractat. de Sacris Monialibus quæstione 2. artic. 8.*

32 Possunt tamen Moniales pro totius Monasterij obsequio famulas sæculares habere, quando non sunt Conuersæ, quæ istud ministerium exercere possint, dummodo foras non exeant, & admittantur de licentia Superiorum. Ratio est, quia habere illas conueniens est, & necessarium Monialibus Choro deputatis, vt melius possint vacare Diuinis. Ergo subsistente licentia Superiorum, & necessitate illas habendi, admitti poterunt. Nau. *Comm. 4. num. 66. & 67.* Sanchez *lib. 6. in Decal. cap. 16 num. 66.* Quod etiam concessum video à Gregor. XIII. quibusdam Monialibus. Peirinis *tom. 2. priuileg. Minim. in Const. 6. Pij V. num. 31.* Imò etiam propriuato ministerio alicuius Monialis nobilissimæ ægræ valetudinis, aut nimis senectutis, si eius necessitati per Conuersas Monasterij subueniri commodè non possit, tenent idem quidam Authores, & Rodriguez *to. 1. quæst. 46. ar. 9.* propter eandem rationem, & antiquam consuetudinem. Oppositum tamen tenet Miranda in *Tract. de Sacris Monialibus. qu. 2. ar. 9.* Vnde cautè in hoc procedendum. Maximè, quia à Sacra Congregatione Episcoporum, & Regularium declaratum video, non posse introduci tales ancillas in seruitium infirmarum, seu decrepitarum, sine licentia Sedis Apostolicæ. Gauantus in *Man. Episc. verb. Monial. receptio. num. 24.* Vide & *num. 15. & 16.* in eodem Gauanto.

33 Licentias concessas mulieribus quibuscumque ingrediendi Monasteria Monialium limitauit Paulus V. in Bulla *Facultatum* anno 1608. edita. Postea tamen in Bulla *Monialium* anno 1612. omnino reuocauit omnes tales licentias, præcipiens quibuscumque mulieribus sub pœna excommunicationis latæ sententiæ, Papæ reservata, ne prædicta Monasteria ingrediantur, & Monasteriorum Abbatissis, seu Priorissis, & Superioribus, sub eadem, & alijs pœnis, ne talem ingressum permittant. Vide Bullam 3. tom. Bullar. Laertij nu. 74. Peirinis tom. 2. priuil. *Minim. in Conf.* 6. Pij V. num. 3. Post quæ Sanctiss. D. N. Urbanus in Bulla *Sacro sanctum*, ann. 1624. edita, ut habetur 4. tom. Bullar. inter Bullas Urbani nu. 29. declarauit consensum Monialium, qui requiritur ad hoc quod scemina sæculares ipsarum Monasteria ingrediantur, *per easdem Moniales capitulariter, & per secreta suffragia præstandum esse, aliàs licentia huiusmodi, mulieribus, quibus concessa fuerunt, nullatenus suffragentur.* Bonacina de *Clausur. quest. 4. punct. 5.* Loquitur autem Pontifex in casu, quo scemina intrare velint ex vi licentiarum à Sede Apost. impetratarum.

34 Loqui cum Monialibus furtiuè, idest, sine licentia Abbatissæ, vel eius, ad quem spectat illam dare, regulariter est peccatum mortale, quia est contra ius Abbatissæ, vel Superioris Monialiū, sicut inter sæculares loqui furtiuè cum virgine existente sub cura parentum. Suarez 4. tom. de *Relig. tractat. 8. lib. 1. cap. 10. num. 27.*

35 Insuper ex mandato Sacræ Congregationis die 4. Aprilis 1587. Regulares adeuntes Monasteria Monialium sine licentia Episcopi, incidunt in pœnam excommunicationis, quam Episcopus suo Edicto proposuit, nisi Regulares illi haberent ex priuilegio, quod non possint excommunicari, & tunc deberent puniri à suis Superioribus alia pœna; Qui Regulares sic excommunicati non possunt absolui à suis Superioribus, sed ab Episcopo qui sibi hanc absolutionem reservauit. Suarez tom. 4. de *Relig. cap. 10. nu. 27.* Rodriguez tom. 1. *quest. 43. art. 2. in fine.* Extat etiam Sacræ Congregat. declaratio, quod licentia adeundi ad colloquium cum Monialibus Regularibus subiectis spectat ad ipsos Superiores Regulares, nisi ex consuetudine ad Episcopos pertineat. Quaranta verb. *Monast. Monial.* Gauantus in *Man. Episc. verb. Monial. collocutio num. 2. & 3.* Hoc verò intelligi non potest de Regularibus, qui ut Moniales alloquantur, indigent licentia Sacræ Congregationis, vel Ordinarium, iuxta dicenda num. sequenti, solum ergo intelligi hoc debet de secularibus. Peirina tom. 2. priuil. *Minim. in Conf.* 6. Pij V. num. 38.

36 Visitare, vel inuifere Moniales, nisi rationabilis, & manifesta causa existat, ac de illius, ad quem pertinet licentia, est peccatū. Quia prohibitum eisdem verbis in *cap. Periculoso in princ. de stat. Regul. in 6.* Quod Decretum innouatum est à Pio Quinto in Bulla, quæ incipit *Circa Pastoralis officij.* Nauarrus *Comment. 4. num. 61.* Rodriguez *tom. 1. quæst. 45. art. 4.* Hoc verò peccatum ex se, & seclusis circumstantijs alijs extrinsecis, solū videtur veniale. Quia materia solū putatur levis, & communiter, saltem in Hispaniæ partibus, ita habetur. Rodriguez *ibidem.* Sanchez *lib. 6. in Decal. cap. 16. num. 110.* Frequentare verò huiusmodi accessum, seu, quod idē est, sæpitis alloqui aliquam, vel aliquas Moniales, in Clericis, etiā sæcularibus, vix excusari potest à mortali. Ratio est, quia est illis prohibitum. in *cap. Monasteria de vita, & honestate Clericorum.* Llamas in *Methodo curationis in appendice §. 4.* Alij verò dicunt esse solū veniale. eò quòd licet illæ pœnæ sint graves, non tamen statuuntur, nisi præmissa admonitione Episcopi. Nauarrus in *Summ. cap. 25. num. 10.* Sanchez *ut supra.* Si tamen adsit scandalum, praua intentio, occasio peccandi, vel mala suspicio de fama Monasterij, vt ferè semper ex frequenti ista alloquutione Monialium confurgit, sine dubio est peccatum mortale, propter grauitatem materiæ. Suarez *4. tom. de Religion. tract. 8. lib. 1. cap. 10. numer. 27.* Religiosis autem prohibitum est accedere ad Monialium Cœnobia, vel ipsas personas intra Claufuram existentes alloqui, absque licentia expressa Sacræ Congregationis, sub pœna priuationis officiorum, & vocis actiue, & passiuæ ipso facto incurrendæ. Ita habetur in Decreto Sacræ Congregationis anno 1590. edito. Sanchez *lib. 6. in Decalog. capit. 16. num. 115.*

Quod Decretum, licet innouatum sit à Sacra Congregatione, sub Sanctissimo Domino Nostro Urbano Octauo, anno 1623. moderatum tamen fuit quoad hoc, scilicet, facultatem tribuendo Ordinarijs, vt, quatenus sibi visum fuerit in Domino expedire, licentiam possint concedere per quatuor vices ad summum quolibet anno, cuiusque Regulari, vt Moniales sibi in primo, & secundo tantum consanguinitatis gradu coniunctas cōuenire, & alloqui possit. Seruatis tamen quibusdam conditionibus in prædicto Decreto contentis. Laurentius de Peirinis *tom. 1. prius. Minim. in Conf. 6. Pij V. num. 7.* Vide etiā infra *num. 40.* Insuper præter prædictas pœnas peccare mortaliter Regulares accedentes ad Monasteria Monialium contra formam præscriptam, declaratum est à Sacra Congregatione anno 1606. Idem Peirinis *ut supra numer. 36.* Præterea Regularem absque legitima licentia acceden-

tem

rem ad Monasteria Monialium Regularibus subiectarum, ibique cum Moniali colloquentem, posse à Diecefano Episcopo tamquam Sedis Apostolicæ delegato, coerceri, & puniri, declarauit S. Congregatio, approbante SS. D. N. Urbano. Vide *tom. 4. Bullar. post Bullam 18. Gregorij XV. & Bonacinam in tractat de Clausur. quæst. 1. punct. 4.*

Præcipitur etiam à Sac. Congregat. Episcop. & Regul. ne permittatur accessus ad Moniales sub prætextu docendi sonum cymbalorum, aut alterius instrumenti, aut musicam, cantumue, ad crates. Permissum tamen, quòd matres, patres, immò, & filij Monialium possint eas alloqui sine licentia, non tamen in diebus prohibitis. Gauantus in *Manual. Episcop. verb. Monial. collocutio num. 4. 7. & 8.*

37 Scribere autem Epistolas ad Moniales non est ex se peccatum, quia nulla lex est communis hoc prohibens. Vnde cessante scandalo, aut mala aliqua circumstantia talium Epistolarum, non erit peccatum illas scribere. Suarez *tom. 4. de Relig. tract. 8. lib. 1. cap. 10. num. ultimo.* Romæ autem hoc est interdictum, licet non videatur extra Romam obligare, quia non est lex Pontificia. Nauarrus *Comment. 3. num. 61.* Quibusdam tamen Religiosis præceptum est à Gregorio XIII. ne huiusmodi litteras scribant, quod illos obligat, non alios. Nauarrus *conf. 19. de sent. excommunic.*

38. Moniales Conuersæ non essent admittendæ in Religiosis ex vi Constitutionis Pij V. Eò quòd id manifestè prohibeat. Nauarrus *comment 4. num. 56.* Licet alij teneant contrarium. Suarez *tom. 4. de Relig. tract. 8. lib. 1. cap. 8. à num. 19.* Quicquid de hoc sit, consuetudine receptum est in multis locis prædictas Moniales conuersas in Monasterijs admitti. Rodriguez *tom. 1. q. 44. art. 4. Sanchez lib 6. in Decal. c. 15 n. 58.*

39 Moniales Nouitiæ in articulo mortis constitutæ professionem emittere possunt, etiam ante annum probationis expletum, dummodò sint legitimæ ætatis, iuxta dicta *cap. præcedenti nu. 42.* Quia ita concessit Pius V. Monialibus Dominicanis in Bulla, quæ incipit *Summi Sacerdotij cura* anno 1570. edita. E habetur in 2. tom. Bullarij *num. 109.* Quod Priuilegium non est reuocatum à Gregorio XIII. (Rodrig. *to. 3. quæst. Regul. q. 15. art. 6.*) Quia etsi demus ipsum reduxisse omnia priuilegia à Pio V. Regularibus concessa ad terminos Concilij Tridentini, hoc tamen solum intelligi debet in casibus communibus, non in casu aliquo particulari concernente bonum spirituale animæ. Peirinis *tom. 2. priuileg. Minim. in Conf. 8. Pij V. §. 2.* Probabile etiam est talem Monialem sic professam in articulo mortis, si casu non decedat è vita, verè

verè professam manere, nec noua indigere professione. Cum talis professio valida fuerit, & solum illi defuerit complementum Nouitiatu, in quo Papa dispensat. Idem Peirinis vt *supra*. Quia tamen oppositum dicitur decisum à S. Congregatione. Cardinali ideo cautè procedendum. Gauantus in *Man. Episc. verb. Monialium professio num. 4. & 5.* Probabile etiam est Monasterium succedere in bona sic profitentium, propter eandem rationem. Sanchez *lib. 5. in Decal. cap. 4. nu. 161* Nisi obstat prædicta declaratio S. Congregat.

Pro eisdem autem Monialibus Nouitijs nota, obseruanda esse ea, quæ diximus de Nouitijs viris *cap. 24. num. 32. & sequentibus*. Vnde præter victum, & vestitum Nouitiæ, nihil tribui potest Monasterio, sub pœna Anathematis dantibus, & recipientibus; ex Concilio Trident. *sess. 25. cap. 16.* Vide dicta *cap. 24. num. 32.* Similiter nec possunt prædictæ Nouitiæ validè disponere de bonis ad illas pertinentibus, nisi cum conditionibus assignatis ab eodem Concilio *ibidem*, scilicet, nisi fiat talis dispositio, aut renuntiatio cum licentia Episcopi, seu Vicarij, & intra duos menses proximos ante professionem. Vide dicta prædicto *cap. 24. à num. 33. vsque ad 36.* Præterea, iuxta dicta *supra num. 5.* licitum est accipere pro sustentatione Monialis recipiendæ non solum id, quod est necessarium pro sustentatione illius tempore Nouitiatu, prout supponitur à Concilio Tridentino. *loco citato*; sed etiam id, quod fuerit necessarium pro alimentis ipsius per totam vitam. Ratio est, quia hoc nõ est accipere temporale pro spirituali, quod est simoniacum, sed temporale pro temporali, scilicet pecuniam pro sustentatione, quod iure naturali concessum est. Bonacina *de Simonia q. 7. §. 4.* Hoc autem, quod datur pro tali sustentatione, quod solet appellari nomine dotis, debet primò, anno probationis durante, deponi penes idoneam personam; non affines, neque consanguineos Monialium; & post professionem, in bonis stabilibus, seu censibus implicari. Debet secundò, solui in ære; non in bonis stabilibus. Præterea tertio, nulla fiat dotium differentia inter indigens, & aduenas. Quarto, expendi potest dos in vsus communes Monasterio necessarios: si verò sit supernumerariorum in emptionem bonorum stabilium conuertatur. Quorum declarationes à Sacra Congregatione Episcoporum, & Regularium factas refert Gauantus in *Manuali Episcoporum verbo Monialium Nouitiarum alimenta per totum*. Si verò discedat Nouitia, omnia, quæ secum attulit restituenda sunt. Concilium Tridentinum *ibid.* Idem fiat si moriatur ante professionem; excepto habitu Religioso, qui non est restituendus, sed tantum pretium

rium eius. Barboſa de *Poteſtat. Epiſcop. Allegat.* 101. nu. 39. & 40. Circa Prædicatores, Capellanos, & Confeſſores Monialium, extat Decretum S. Congregationis, ann. 1590. quo præcipitur; quòd ſi aliquando, mandato ſui Superioris, aliquos Religioſos ad prædicandum Verbum Dei, vel ad celebrandas Miſſas in ipſarum Monialium, ſeu ſororum Eccleſijs, ſive Oratorijs exterioribus, ſive extra clauſtra exiſtentibus, mitti contigerit, nullo quaſito colore, Moniales, ſorores, aut quamlibet aliam perſonam intra Clauſuram degentes alloqui poſſint. Confeſſarijs autem ſimiliter interdixerunt, ne in ædibus Monaſterij, ſeu Domus, vel Monaſterio, ſeu Domui Monialium, aut Sororum contiguis, pernoſcent, aut alios pernoſtare faciant, vel aliàs ſecum retineant; neue extra tempora generalium confeſſionum, quibus ſoli tantum Confeſſario reſectionem diurnam accipere vix permittitur, & tunc demum videlicet, cum ſua habitatio, aut virorum Domus, vel Monaſterium in quo degit, à Monialium, ſeu ſororum Monaſterio, vel Domo nimium diſtat (niſi tamen, & eo caſu contrarium ſpecialiter conſtitutum ſit) ibi nullo modo comedant, reſiciantur, aut cibum ſumant. Quæ omnia, & ſingula ſub pœnis priuationis officiorum, ac vocis ætius, & paſſius ipſo facto incurrendis, alijsque eiufdem Congregationis arbitrio præceptum, eſt inuiolabiliter obſervari. Quaranta in *Summa Bullar. verb. Monaſteria Monialium*, addens, Decretum hoc extenſum fuiſſe, ad Regulares Sancti Ioannis Hieroſolymitani, vt eadem Sacra Congregatio ſcripſit Vicario Neapolitano. Vide dicta *num. 14.*

Circa eoſdem Confeſſarios Monialium animaduerte, illos non poſſe ingredi in earum Monaſteria ad aſpergendum domum in Sabbato Sancto, aut alio die. Neque vt comitentur medicos, aut alios operarios. Neque vt audiant Confeſſionem illius infirmæ, quæ poteſt accedere ad ſedem confeſſionalem. Neque item prætextu ſepeliendæ Monialis, aut Officium funerale peragendi. Adminiſtrata etiam extræma vnctione, non poteſt ibi remanere Confeſſarius. Nec etiam poteſt diuagare ad aliam partem Monaſterij, etiam occasione viſitandi alias infirmas. Quæ omnia conſtant ex declarationibus S. Congregat. Epiſcop. & Regul. apud Gau. in *Man. Epiſc. verb. Monial. Clauſ. à n. 37.* Qui etiã addit *n. 42.* quòd in caſibus, in quibus Confeſſarius eget ſocio, non eſt neceſſaria licentia pro eo expreſſa. Sanchez *lib. 6. in Decal. cap. 16. nu. 47.* Confeſſarios autem Ordinarios, etiam eos, qui Confeſſiones Monialium Regularibus ſubiectarum audiunt, tantum per triennium durare debere, nec ad id munus eligi poſſe habentes curam animarum, nec extraordinarios designandos eſſe pro particulari Mo-

Moniali, sed in communi, declarauit S. Congregat. Episcop. & Regular. apud eundem Gauantum *ut sup. verb. Monialium cura spiritualis*. vbi multa de huiusmodi Confessarijs.

41 Licitum est Monialibus transire de vna Religione ad aliam, seruatis tamen conditionibus, de quibus diximus *cap. 22. d. num. 3*. Ratio est, quia iure antiquo id licebat. *ca. 1. 20. quest. 4*. vt docet ibi Gloss. *verb. Virgines*, & *cap. 1. in princip. verb. Perpetua. de stat. Regul. in 6*. & hoc non est hodie abrogatum, nec per Concil. Trident. nec per Constitutiones Pij V. Quia solum loquuntur de egressu à Monasterio, non detransitu ad aliam Religionem propter causas iustas. Rodriguez *tom. 3. quest. Regul. quest. 52. art. 6*. Sanch. *lib. 6. in Decal. cap. 7. num. 6*. Religiosa autem transiens de vna Religione ad aliam, non potest secum deferre, nisi quod à Religione, quam relinquit, sibi fuerit permissum. Ratio est, quia iam illi sunt omnia acquisita. Nauarrus *in cap. Non dicatis. num. 30. & 31. & in cap. Statuimus. num. 24*. Idem dicunt aliqui de Moniali, quæ ex vno Monasterio ad aliud transit ex licentia sui Superioris, scilicet, non teneri deferre ad illud dotem, quam primo Monasterio dedit. Propter eandem rationem. Nauarrus *Commen. 4. num. 24. vers. 11. & lib. 3. Conf. conf. 55. num. 9*. Rodriguez *tom. 2. quest. Regul. quest. 79. art. 2*. Oppositum verò videtur dicendum, quando Monialis transit de vna Religione ad aliam; videtur enim necessarium secum portare suam dotem, cum illam dederit Religioni propter sui sustentationem; vnde si Religio illi concedit facultatem transeundi ad aliam, videtur obligari ad præbendum illi, vnde possit in alia sustentari.

42 Circa absolutionem Monialium à casibus reseruatis, præter dicta in superioribus in *cap. de Prælati d. n. 31. & in cap. de Confessoribus d. n. 27*. extant etiam peculiaria priuilegia, de quibus Casarrubius *verb. Absolutio extraordin. quoad frat.* Miranda *in Tractatu de Sacra. Monial. quest. 10. art. 4* Aduerte tamen aliquot illorum esse viuz vocis oracula, quæ iam his temporibus nihil valent, quia reuocata sunt.

43 Quoad Cappellanos Monialium aduertendum est, illos debere dicere Missam de Sancto, de quo Officium fit à Monialibus; sed cum Missali Romano. Vide dicta *cap. 21. num. 32*. Nota etiam, Moniales in Confiteor, nihil mutare posse, neque dicere *tibi Mater, vobis sorores*, &c. sed *tibi Pater, vobis fratres*, sicut viros. Gauantus *2. tom Thesau. sect. 5. cap. 17. num. 12*.

Circa erectionem Monasteriorum Monialium, determinatum est à Sacra Congregatione Eminentiss. Cardinalium super Episcopos, & Regulares. Primò, ne erigantur noua Monasteria, quibus
ad

ad minus 300. scutorum redditus annuus non assignetur, pro duodecim sustentandis. Secundò, ne erigantur sine consensu Ordinarij. Tertiò, ne sine speciali Sedis Apostolicæ indulto. Quartò, ne erigantur nisi in locis muro cinctis, & ubi copia Confessariorum adest, aut facultates conducendi Confessarium aliunde. Quintò, ne erigantur in ijs locis, in quibus Monasteria priùs erecta, laborant inopia. Sextò, quòd prope Monasteria tollantur omnes arbores altæ. Septimò, quòd in colloquutorio nullo modo sit porta, per quam aditus sit in Monasteria. Similiter pro Ecclesijs earumdem Monialium præcipitur ab eadem Sacra Congregatione. Primò, quòd clavis fenestellæ pro Communione Monialium, perpetuò sit apud Confessarium. Secundò, ne permittatur in earum Ecclesijs cantus simplex, vel figuratus à personis sæcularibus. Tertiò, quòd in sepultura Monialium, quæ intra Clausuram est, ne sepeliantur extranei. Quartò, quòd si viget consuetudo sepeliendi Moniales in Ecclesia exteriori, permittatur. Quintò, ne instituantur ibi Confraternitates laicorum. Pro quibus omnibus vide Gauantum in *Man. Episc. verb. Monialium Monasteria, & ver. Monialium Ecclesia.*

44 Circa regimen Monialium ita statuit Conc. Tridentinum, *sess. 25. cap. 9. Monasteria sanctimonialium, Sanctæ Sedi Apostolicæ immediatè subiecta, etiam sub nomine S. Petri, vel S. Ioannis, vel alijs quomodocumque nuncupentur, ab Episcopis, tamquam diocæs Sedis delegatis gubernentur, non obstantibus quibuscumque. Quæ verò à deputatis in Capitulis Generalibus, vel ab alijs Regularibus reguntur, sub eorum cura, & custodia relinquantur, &c.*

45 Deinde circa administrationem bonorum Monasteriorum, Monialium, etiam Regularibus subiectarum, earumque Confessores, prouidit Gregor. XV. in Constitut. *de Exempt. Priuilegijs* anno 1622. quam pro Regnis Hispaniarum suspensam esse diximus *cap. 19. num. 35.* Primò, omnes, & quoscumque tam Regulares, quàm sæculares huiusmodi, nullis priuilegijs, aut exemptionibus tueri se posse, quominus, si deliquerint circa personas intra septa degentes, aut circa Clausuram, vel circa bonorum administrationem Monasteriorum Monialium, etiam Regularibus subiectarum, ab Episcopo loci, similiter tamquam ad hoc Sedis Apostolicæ delegato, quoties, & quando opus fuerit, puniri, & corrigi valeant. Deinde specialiter circa Monialium Confessores, decreuit, quòd Confessores, siue Regulares, siue sæculares, quomodocumque exempti, tam ordinarij, quàm extraordinarij ad confessiones Monialium, etiam Regularibus subiectarum, audien-

das, nullatenus deputari valeant, nisi prius ab Episcopo Diocesano idonei iudicentur, & approbationem, quæ gratis concedatur, obtineant. Specialiter etiam circa administrantes bona Monasteriorum Monialium statuit, quod siue Regulares extiterint, siue sæculares quomodolibet exempti, Episcopo loci, adhibitis etiam Superioribus Regularibus, singulis annis rationes administrationis, gratis tamen exigendas, reddere teneantur, ad idque iuris remedijs cogi, & compelli queant. Subiungitque, quod liceat Episcopo ex rationabili causa Superiores Regulares admonere, ut eiusmodi Confessores, atque Administratores amoveant: ijque Superioribus id facere detestantibus, aut negligentibus, habeat Episcopus facultatem, prædictos Confessores, & Administratores amovendi, quoties, & quando opus esse iudicaverint. Ac tandem circa electiones Præpositarum Monialium ordinavit, quod similiter possit Episcopus vna cum Superioribus Regularibus, quarumcumque Abbatissarum, Priorissarum, Præfectorum, vel Præpositarum eorundem Monasteriorum, quocumque nomine appellentur, electionibus, per se, vel per alium interesse, ac præsidere, absque vlla tamen ipsorum Monasteriorum impensa.

46 Circa quæ interrogatum est à Sacra Congregatione Concilij. Primò, an per eandem Constitutionem in illis verbis, *possit Episcopus vna cum Superioribus Regularibus quarumcumque Abbatissarum, &c. electionibus per se, vel per alium interesse, ac præsidere*, ius Abbatissas confirmandi Episcopis attributum censeatur? Secundò, an Confessores Monialium ante editam Constitutionem deputati, debeant ab Episcopo examinari, & approbari? Tertiò, an Superiores Regulares similiter ante ipsius Constitutionis publicationem electi, seu deputati, alia indigeant Episcopi approbatione pro Confessionibus Sanctimonialium sibi subiectarum audiendis. Quartò, an Confessiones, quas audiunt Superiores Regulares electi, seu deputati, vel confirmati post publicationem, & scientiam tenoris dictæ Bullæ, non obtenta Episcopi approbatione, sint nullæ atque irritæ, nec ne? Quintò, an Regulares generaliter ab Episcopo approbati ad Confessiones personarum sæcularium audiendas censeantur etiam approbati ad audiendas Confessiones Monialium sibi subiectarum? Sextò, an Regularis ad audiendas Confessiones Monialium vnius Monasterij ab Episcopo approbatus Confessiones Monialium alterius Monasterij audire possit. Septimò, an Confessores Regulares extraordinarij semel ab Episcopo deputati, & approbati ad audiendas Monialium Confessiones pro vna vice infra annum ad præscriptum Sacri Concilij Tridentini, possint virtute dictæ appro-

pro-

probationis pluriès tamquàm Confessores extraordinarij earumdem Confessiones audire absque noua Episcopi licentia? Octauò, cum in eadem Constitutione statutum sit, vt liceat Episcopo ex rationabili causa Superiores Regulares amouere, vt amoueant Confessores Monialium, atque Administratores bonorum ad earumdem Monialium Monasteria petinentium, ijsque Superioribus id facere detrectantibus, habeat Episcopus facultatem prædictos Confessores, & Administratores amouendi, quoties, & quando opus esse iudicauerit: an eiusmodi causam Episcopus Superioribus Regularibus significare teneatur? Nonò, an eadem Constitutio, qua parte supponit Episcopi iurisdictioni subijci Regulares delinquentes circa personas degentes intra septa Monasteriorum Monialium, aut circa Clausuram, vel bonorum administrationem eorundem Monasteriorum, habeat locum in omnibus delictis, an verò solum in notorijs, & cum scandalo potuli? Item decimò, an liceat Episcopo in vim prædictæ Constitutionis punire Regulares, qui ad Abbatissæ electionem procedunt ante tempus ipsi Episcopo significatum, aut die electionis eidem nullatenus prænunciata. Ad quæ sic respondit eadem Sacra Congregatio. Ad Primum, *Ius confirmandi Abbatissas minime fuisse Episcopis per Constitutionem attributum.* Vide circa hoc de Confirmatore electionum dicta cap. 15. num. 35. & 36. Ad Secundum, *Confessores quidem extraordinarios Monialium nullatenus posse post Constitutionem, illarum Confessiones audire, nisi prius ab Episcopo Diocesano idonei iudicentur, & approbentur. Ordinarios verò Confessores ante Constitutionis publicationem deputatos posse, durante triennio ab eorum deputatione inchoando, pergere in Confessionibus Sanctimonialium audiendis absque alio examine, & approbatione Episcopi. Quid si contingat, vt illorum facultas à Sede Apostolica ultra triennium prorogetur, tunc debere eos ab Episcopo examinari, & approbari.* Vide circa hoc dicta cap. 19. nu. 27. 28. 29. & 35. Ad Tertium, *Superiores Regulares electos, seu deputatos ante ipsius Constitutionis publicationem, quibus alioquin facultas competat audiendi Confessiones Monialium sibi subiectarum, posse, durante eorum Officio, pergere, sine alia Episcopi approbatione, in Confessionibus audiendis illarum tantum, quæ spontè ac proprio motu id ab eis petierint. At verò eos, qui post Constitutionem eligentur, aut quoquo modo deputabuntur, vel qui in eorum Officijs, seu Dignitatibus, expleto iam tempore à Constitutionibus cuiuscumque Ordinis, vel aliàs legitime præfinito, ad aliud tempus confirmabuntur, nequaquam posse, Sanctimonialium Confessiones audire, nisi prius à Diocesano Episcopo idoneo indicati, atque*

que approbati fuerint. Vide etiam dicta cap. 19. num. 36. & 37. & cap. 18. num. 29. Ad Quartum, *Confessiones huiusmodi nullas atque irritas esse*. Ad Quintum, *Regulares generaliter ab Episcopo approbatos ad Confessiones personarum secularium audiendas, nequaquam censeri approbatos ad audiendas Confessiones Monialium sibi subiectarum, sed egere, quoad hoc speciali Episcopi approbatione*. Ad Sextum, *Regularem ad audiendas Confessiones Monialium vnius Monasterij ab Episcopo approbatum, minime posse audire Confessiones Monialium alterius Monasterij*. Circa restrictionem Confessariorum vide dicta capite 19. numero septimo, & sequentibus, animaduertendo etiam multa ex ibi dictis de Confessarijs secularium non procedere in Confessarijs Monialium, propter huiusmodi Constitutionem Gregorij, & Declarationes circa illam. Ad Septimum, *Confessores extraordinarios semel deputatos, atque approbatos ab Episcopo ad Monialium Confessiones pro vna vice audiendas, haud posse pluries in vim approbationis eiusmodi illarum Confessiones audire, sed ab Episcopo toties esse approbandos, quoties casus deputationis contigerit*. Ad Octauum, *Non teneri eiusmodi causam significare Superioribus Regularibus, sed hoc relinqui arbitrio, & prudentia Episcoporum, quorum conscientiam Sacra Congregatio serio onerauit, ne facultate sibi hac in parte attributa quoquo modo abutantur, eius rei in districto Dei iudicio rationem reddituri*. Ad Nonum, *Constitutionem habere locum in omnibus delictis, non autem in notorijs tantum, & cum populi scandalo*. Ad Decimum, *Regulares ex eadem Constitutione ita demum teneri Episcopo significare diem electionis Abbatissa, eumque usque ad praefinitum tempus expectare, si antea ipse expressè declarauerit, se uti velle facultate sibi in hac parte attributa, Abbatissarumq; electionibus per se, vel per alium interesse, ac praesidere*. Post eam verò declarationem licere Episcopo animaduertere in Regulares, qui ante tempus significatum, aut die electionis eidem non prænuntiata, ad Abbatissa electionem procedunt. Vide 4. tom. Bullar. inter Bullas Gregor. XV. num. 18. & circa curam Monialium in temporalibus Gauantum in *Manual. Episcop. verb. Monial. cura in temporalib.* vbi etiam S. Congregationis Episcop. & Regul. Decreta circa hoc refert.

47 Impedientes Visitatores Monialium quarumcumque in ijs, quæ pertinent ad Officium visitationis earundem, sunt excommunicati ipso facto. Clement. *Attendentes S. final. de stat. Monac.* Tolet. in *Summa lib. 1. cap. 40. à num. 9.* Vide etiam Gauantum in *Man. Episcop. verb. Monialium Clausura à num. 64.*

48 Circa bona Monialium derelicta ex Monasterijs ipsarum de-

destructis extat priuilegium Sixti Quarti in Bulla *Dum attenta meditatione*, quo Carmelitis hæc concedit : *Et, cum aliquando contingat Monasteria Monialium dicti Ordinis Monialibus destitui adeo, ut de eorum reformatione spes nulla supersit, conuenientiusque sit, quod illorum sic destitutorum bona ad ipsos Fratres deueniant, quorum erant cura commissa, quam ad alios, illa, quæ sic destituta existant, & destitui contigerit in futurum, cum eorum bonis omnibus, perpetuis vsibus Fratrum Domus dicti Ordinis, eisdem destitutis Monasterijs propinquioribus, applicamus . Ita ut Fratres ipsi possint de illis, & de eorumdem Monasteriorum structuris, & edificijs, pro eorum voluntate disponere . Prouiso, quod illorum Ecclesia, & Oratoria, ad prophanos vsus non redigantur, sed in illis quandoque Diuina Officia celebrentur . Vide Bullam in Speculo Ordinis fo. 87.*

49 Pertinet ad Dominos Episcopos procurare in Monasterijs Monialium sibi subiectis, ipsarum Clausuram, & inobedientes, atque contradictores per Censuras Ecclesiasticas, & alias pœnas compescere . Concil. Tridentinum *sess. 25. cap. 5. Quaranta in Summ. Bull. verb. Exemptio*. Vnde pro hac Clausura conseruanda, possunt ab ipsis Monialibus disquirere ea, quæ ipsam concernunt, in collocutorio, aut ad crates, vel fenestram. Chokier *de iurisd. Ordin. in exemptos. par. 4. quæst. 53*. Insuper Magistratus sæculares non præbentes auxilium Episcopis circa prædictam Clausuram, excommunicationem incurrunt. Ex Conc. Trident. *ut supra*. Bonacina *de Clausur. quæst. 1. punct. 7*. Vide etiam Declarationes Sacræ Congregat. Regular. circa hoc apud Gauantum *in Manua. Episcoporum verb. Monia. Clausur. num. 29. & 30. & maxime à num. 56*.

50 Comam nutrire prohibitum esse Monialibus quidam volūt. Consuetudini tamen standum est. Nullatenus verò permittendū, uti tortis, seu comatis capillis, aut non coopertis comis. Suarez *4. tom. de Relig. tractat. 9. lib. 1. cap. 12. n. 4. & 5*.

51 Pro Monialibus Monasteriorum Ciuitatis Neapolis, & Salerni, extant Ordinationes quædam factæ, reformatæ, & modificatæ à Sacra Congreg. Regular. & à prædictis Monialium perpetuò obseruandæ. Quaranta *in Summ. verb. Monasteria Monialit.* Vide & alias Ordinationes pro Monialibus apud Gauantum *in Manual. Episcop. verb. Monial. communes leges*.


52 Conditiones assignatæ à Sixto V. pro receptione, & professione Nouitiorum, de quibus nos *cap. præcedenti num. 12*. non extenduntur ad Moniales . Ita enim declarauit ipsemet Sixtus Quintus in secunda Constitutione *Ad Romanum spectat*. citata

à nobis ibidem. Idem dico de Decretis Clement. VIII. & Sanctissimi Dom. Nostri Urbani circa receptionem, & institutionem, Nouitiorum, adductis etiam *eodem cap. num. 43.* Nullum enim verbum ibi reperio, per quod insinuetur ad Moniales extendenda. Nec video aliquid circa hoc iure communi determinatum. Standum ergo est peculiaribus institutis, & consuetudinibus Religionum, seu Monasteriorum. Præsertim, quia in iure *in cap. gener. de elect. in 6.* in materia odiosa fœminæ non comprehenduntur.

53 Qualiter Moniales admitti possint ut testes in eorum Monasterijs dicemus *cap. 27. num. 15.*

De Abbatissis, seu Priorissis Monialium.

C A P. XXVI.

1  VO genera Priorissarum, seu Abbatissarum distinguuntur. Aliæ enim sunt Abbatissæ, quæ benedici possunt, & debent, quales sunt Abbatissæ perpetuæ, & si quæ aliæ forsan sunt, de quibus *c. indemnitatibus §. verum de elect. lib. 6. & Clem. Attendentes §. statuimus de statu Monachorum*. Aliæ verò sunt, quæ non benedicuntur, quales sunt, quæ regulariter reperiuntur in Monasterijs non perpetuò, sed temporales, ad triennium scilicet, vel quatriennium electæ, istæ enim benedicendæ non sunt de iure communi, nisi à Sede Apostolica aliud ipsis concedatur. Nauarrus *lib. 3. consil. de stat. Monach. consil. 1. Quaranta in Summa Bull. v. Abbatissa*. Vide etiam Gaudium *in Man. Episcop. v. Abbatissa*.

2 Huiusmodi Abbatissarum, seu Priorissarum electio pertinet de iure communi ad Monasterium. *Ex capite Indemnitatibus citato de elect. lib. 6.* Siluest. *v. Electio 3. q. 6. n. 7.* Suffragium, seu vocem actiuam in prædicta electione solum habent Moniales professæ, quæ ad minus duodecim annorum ætatis habeant. *Ex eodem cap. Indemnitatibus*. Miranda *in Tractatu de Sacris Monial. qu. 7. art. 2.* Conuersæ autem professæ, licet de iure communi possint habere suffragium in hac electione, cum nullus textus id prohibeat; ex consuetudine tamen, & specialibus legibus Religionum non admittuntur. Suarez *4. tom. de Relig. tract. 8. lib. 2. cap. 6. num. 18.* Is verò, qui electioni præst Episcopus, siue alius Superior claustra Monialium non ingrediatur, sed ante cancellorum sensu, & velle vota
fin-

singularum audiat, vel accipiat. In reliquis autem seruentur singularum Ordinum, vel Monasteriorum Constitutiones. Ita habet Concil. Trid. sess. 23. c. 7. Vide dicta in cap. de electionibus maximèq; quæ diximus capite præcedenti à num. 45. in Constitut. Gregorij Decimi Quinti, & responsis Sacræ Congreg. ad dubia circa illam.
 3 Ve aliqua eligatur in Abbatissam, seu Priorissam alicuius Monasterij Monialium requiritur ætas quadraginta annorum, & octo post expressam professionem. *Quodd si his qualitatibus non reperiatur in eodem Monasterio, ex alio eiusdem Ordinis eligi potest.* Si autem hoc incommodum Superiori videatur, *ex ijs, quæ in eodem Monasterio annum trigesimum exceßerint, & quinque saltem annos professionis habuerint, Episcopo, vel alio Superiore consentiente, eligatur.* Ita habetur in Concil. Trid. sess. 25. cap. 7. Suarez to. 4. de Relig. tract. 8. lib. 2. cap. 6. à num. 7. Addens etiam, defectum harum conditionum non reddere electionem nullam, aut irritam, sed ad summum irritandam. Cum Concilium non apposuerit clausulam irritatiuam, sed solum prohibitiuam. Vide etiam ibidem duas Declarationes S. Congreg. circa electionem Abbatissarum, & locum Concilij adductum.

4 Abbatissæ, & aliæ Præfectæ Monasteriorum Monialium in Italia ad triennium tantummodo eligendæ sunt, quod si secus actum fuerit, irrita, & nulla voluit esse omnia Greg. Decimus tertius in Bull. *Exposcit debitum* anno 1583. edita 2. tom. Bull. num. 80. Item abstinere debent per triennium à die finitæ administrationis sui officij. Ita habetur in eadem Bulla. Quaranta in Summ. Bull. v. *Abbatissa.* Vide alia apud Gauantum in *Man. Episcop. verbo Monial. Officiales* à num. 19.

5 Multorum sententia est, Monialem corruptam, seu non virginem, aut viduam eligi non posse in Abbatissam sine dispensatione: propter cap. *iuuenculas* 20. q. 1. & cap. *si quis omnem s. nouimus peccatricem* 1. quas. 7. & etiam, quia indecens est non virginem præesse virginibus, cum illis vix possit persuadere virginitatem; ac proinde dato casu, quod Monialis corrupta occultè eligeretur in Abbatissam, teneri se excusare prout melius potuerit, ne suum defectum prodatur. Rodriguez to. 2 q. 54 art. 3. Miranda in *Tract. de Sac. Mon. quas. 7. art. 6.* Maximè, quia declaratum video à S. Congregat. Episcoporum. & Regular. Viduam sine licentia Sedis Apostolicæ non posse fieri Abbatissam. Gauantus in *Man. Episcop. verb. Monialium Officiales* num. 6. Vnde speculatiuè solum, & non practicè videtur probabilis sententia affirmans non esse necessariam prædictam conditionem virginitatis ad munus Abbatissæ, nisi solum in casu, quo Monialis illa esset benedicenda, seu con-

secranda benedictione speciali virginum, de qua *cap. precedenti num. 10.* Sanchez *lib. 5. de præcept. Decalog. cap. 5. num. 22.* post D. Antoninum, & Paludanum. Adminus tamen consuetudini videtur standum, si illa derogata non sit per prædictum Decretum S. Congreg. Episcop. Suarez *4. to de Relig. tract. 8. lib. 2. cap. 6. nu. 16.* 6 Illegitima absque dispensatione non potest eligi (secundum plures) in Abbatissam, aut Priorissam. Ratio est, quia in *capite primo de Fil. Presbyt.* statuitur, illegitimum inhabilem esse ad Ecclesiasticas dignitates, inter quas computatur munus Abbatissæ. Nauarr. *Comm. 2. de Regul. n. 60.* Sanchez *lib. 6. in Decal. c. 5. n. 19.* Oppositum tamen satis probabile censeo. Quia ita video declaratum à S. Congregatione Episcop. & Regular. apud Gauantum, in *Man. Episcop. verb. Monial. Official. num. 7.* & quod in iure *Cap. Generali de Elect. lib. 6.* in materia odiosa feminae non comprehenduntur, cuius signum est quod Sixtus Quintus in sua Constitutione contra illegitimos nullam mentionem de Monialibus fecit. Miranda in *Tract. de Sacris Monial. quest. 6. ar. 3.* benè etiam addens, quod casu, quo prima opinio sustinenda esset, possent Moniales illegitime habilitari ad Officia eodem modo, quo Religiosi, de quo diximus *cap. 18. num. 60.*

7 Non posse eligi in Abbatissam Monialé bigamam asserunt aliqui, eò quod sit eadem ratio de illis, ac de viris bigamis quantum ad hoc. Viuald. in *Candel. Sacram. in 2. edit. p. 3. cap. 5. num. 8.* Sanchez *lib. 5. de præceptis Decalogi cap. 5. num. 23.* Atq. ob eandem rationem, infamis nequit esse Abbatissa, sicut nec vir infamis potest esse Abbas. Viuald. *ibidem num. 11.* Sanchez *ibidem numero 24.*

8 Possunt Abbatissæ, seu Priorissæ Monialium imponere illis præcepta obligantia ad culpam, iuxta gravitatem, vel leuitatem, materię, mortalem scilicet, si materia fuerit gravis, venialem verò si levis. Ratio est, quia, etsi prædictæ Abbatissæ non habeant veram, aut propriam potestatem, siue Iurisdictionem spiritualem, cum femina non sit capax illius, habent tamen veram potestatem Dominatium, hoc est administrandi, & regendi Monasterium, personas, & bona illius, ac per còsequens Moniales tenentur illis obedire, sicut alijs Prælatis. Victoria *relect. de potest. Eccles. quest. 2. num. 4.* Sanchez *lib. 6. in Decal. cap. 1. num. 18.*

9 Hæc verò præcepta, quæ possunt imponere solum sunt circa ea, quæ spectant ad bonum commune politicum Monasterij, ut scilicet pacificè absque scandalis, & perturbationibus gubernetur. Ratio est, quia cum non habeant potestatem spiritualem, seu Iurisdictionem supra Moniales, ac perinde non possint illis impone-

re præcepta spiritualia, scilicet spectantia ad finem spiritualem, videlicet perfectionem, & profectum spiritualem animæ, admi-
nus poterunt alia præcepta ad prædictum finem boni regiminis
Conuentus imponere. Rodriguez *tom. 1. quæst. Regul. quæst. 15.*
art. 1. Victoria in Summa Sacram. de Clauibus num. 325.

10 Vtrum autem possint etiam præcipere Monialibus ali-
quid in virtute Sanctæ obedientiæ, vel in virtute Spiritus san-
cti, &c.? Multi negant, eò quòd solum habentes Iurisdictionem,
seu potestatem spirituales vti possunt isto modo præ-
cipiendi. Alij verò affirmant, eò quòd Moniales verè emit-
tunt votum obedientiæ suis Superiorissis. Quæstio hæc de
modo loquendi apparet, & in ea standum est consuetudini ap-
probata Monasteriorum. In rigore tamen Iuris loquendo pro-
babilior est secunda sententia, cum modus ille loquendi non im-
portet necessariò Iurisdictionem spirituales, & ex alia parte
possit habere bonum sensum, scilicet in virtute Sanctæ obedientiæ
mihi prælitæ, vel in virtute Spiritus sancti, qui me præfecit huic
Monasterio. Azor *tomo 1. Institut. Moral. lib. 3. cap. 10. quæst. 7.*
Cornexo *tomo 2. in 3. par. tractat. 5. de excommunicat. disputat. 2.*
dub. 5.

11 Non possunt autem præcipere aliquid Monialibus sub pœna
excommunicationis, vel alterius censuræ. Quia hoc ex vsu Ec-
clesiæ importat actum Iurisdictionis, cuius fœminæ non sunt ca-
paces. Sotus *in 4. dist. 20. quæst. 1. art. 4. Henriquez lib. 6. de pœ-
nit. cap. 2. num. 4.* An verò ex commissione Pontificis id possint fa-
cere, tractatur in materia de censuris. Vide Cornexo *ut supra.*

12 Quando huiusmodi Abbatissæ, vel Priorissæ exercere viden-
tur aliquos actus pertinentes ad Iurisdictionem, v.g. dare Benefi-
cia, vel similia, tunc non exercent verum actum Iurisdictionis, sed
solum designat personam, vel materiam, cui Pontifex dat benefi-
cium. Suarez *4. tomo de Relig. tract. 8. lib. 2. cap. 9. num. 13.*

13 Possunt tamen, & debent prædictæ Abbatissæ, seu Priorissæ
cogere Moniales sibi subditas ab obseruantiam Regulæ, & Con-
stitutionum, punire illas propter transgressionem, inquirere de
delictis illarum, &c. Ratio est, quia vel hoc pertinet ad potesta-
tem dominatiuam, vel ad id habent auctoritatem à confirmante
Regulam, seu Prælatis Religionis. Vasquez *1. 2. disputat. 166.*
capit. 4.

14 Possunt etiam dare suis Monialibus eam facultatem dandi,
vel recipiendi, quam habent alij Prælati Regulares, nisi ex con-
suetudine, aut præcepto Superioris Prælati sit eis denegata talis
facultas. Ratio est, quia licet non sint verè Prælatæ, habent ta-

men liberam administrationem bonorum sui Monasterij. Sanchez *lib. 7. in Decal. cap. 19. Bonacina de largit. mun. disputat. 3. punct. 6. numero 7.*

15 Non tamen possunt dispensare in votis Monialium, seu illa commutare. Quia hoc pertinet ad Iurisdictionem spiritualement, quam non habent. Possunt tamen prædicta vota irritare, propter potestatem dominatiam, quam supra Moniales habent. Sorus *7. de iust. & Iur. quæst. 5. art. 1. Nauarrus in man. cap. 12. à nu. 63.* Quare dispensare, & commutare vota Monialium pertinet ad Superiores Religionum, iuxta dicta *cap. 18. num. 43.*

16 Abbatissam posse ex commissione Prælati dispensare cum Monialibus in ieiunijs, & quibusdam legibus Ecclesiasticis aliqui volunt. Henriquez *lib. 6. de pœnit. cap. 2. num. 8.* Alij verò negant, eò quòd dispensare in prædictis legibus sit actus Iurisdictionis, quam non possunt habere. Sanchez *lib. 6. in Decalog. capit. 1. num. 24.*

17 Non possunt Abbatissæ, seu Priorissæ recipere Nouitias, etiam contentientibus Monialibus, sine suorum Prælatorum licentia. Quia hoc est actus Iurisdictionis solum spectans ad veros Prælatos. Casarubius in *Compen. privileg. verb. Abbatissa num. 8.* referens ad hoc Nicolai V. indultum. Miranda in *tract. de Sacramental. quæst. 8. art. 1.* Qui etiam Superiores debent taxare dotes Monialium recipiendarum. Eò quòd ipsi habeant potestatem, & Iurisdictionem supra ipsos Conuentus Monialium. Miranda *ut supra art. 8.* Dotes autem non debent recipi ante professionem. Conc. Trid. *sess. 25. cap. 16.* Tenetur autem Præposita Monasterij per mensem ante professionem alicuius Monialis certiozem facere Episcopum, aliàs ab Officio est suspensa tamdiu quamdiu Episcopo videbitur. Conc. Trid. *sess. 25. cap. 17.* Tolet. in *Summa lib. 1. cap. 50.* Vide dicta *cap. præcedenti num. 8.* Barbosa in *Allegat. 100. & Gauantum in Man. Episcop. verb. Monial. professio à num. 9.* ubi plura ad intentum.

18 Quamuis admittere professionem Monialium pertineat ad quos iura, & Constitutiones Religionum decreuerint, non tamen est contra ius commune, quòd Abbatissa in suo Monasterio professiones Monialium admittat. Nam hæc acceptatio non est actus Iurisdictionis, sed cuiusdam Superioritatis. Azor *lib. 12. Institut. Moral. cap. 5. quæst. 6.* Sanchez *lib. 5. de præcep. Decal. cap. 4. num. 76.* Consulantur ergo leges, & consuetudines Religionum.

19 Ex Conc. Trident. *sess. 25. cap. 7.* Quobus Monasterijs nulla (intellige Abbatissa) præficiatur. Et, si qua duo, vel plura quocumq; modo obtinet, cogatur, uno excepto, intra sex menses cetera resigna-

re. Post id verò tempus, nisi resignauerit, omnia ipso iure vacent. Is verò, qui electioni præest, Episcopus, siue alius Superior, claustra Monasterij non ingreditur, sed ante cancellorum fenestellam vota singularum audiat, vel accipiat. In reliquis seruentur singulorum Ordinum, vel Monasteriorum Constitutiones.

20 Abbatissæ non possunt concedere Monialibus licentiam vllo modo egrediendi è Clausura Monasteriorum. Quia talem licentiam concedere Concilium Tridentin. & Pius V. limitarunt ad Episcopum, & Superiorem Religionis, iuxta dicta *cap. 23. nu. 21. Sanchez lib. 6. in Decalog. cap. 15. num. 28.* Nec etiam possunt ipsæ Abbatissæ exire, siquidem eadem obligatione Clausuræ, ac cæteræ Moniales tenentur. Vnde nec possunt è Clausura exire ad visitandum ædificium Ecclesiæ, quod fabricatur & ad videndum num sibi placeat, aut dicendum cæmentarijs qua forma construendum sit. Sanchez *ut supra num. 52.* Nec etiam ad visitanda Monasteria sibi subiecta. Quia ita definitum est à Pio V. in Bulla quæ incipit *Decoris, & honestati.* Nauarrus *Comm. 4. num. 47. notab. 2. & 3. de Regul.* Possunt tamen è Clausura exire prædictæ Abbatissæ, quando propter feudum tenentur præstare iuramentum fidelitatis alicui sæculari Principi, si illud per procuratorem præstare nequeunt. Tum quia in hoc casu de communi Monasterij bono agitur. Tum quia ita conceditur à Bonifacio VIII. *in cap. periculoso §. verum quando de Stat. Regul. in 6.* neque hoc reuocatum est à Pio V. aut alio Summo Pontifice. Sanchez *ut supra num. 51. Bonacina de Clausur. quæst. 1. punct. 9. num. 9.* Qui bene aduertunt cum Siluestro *in Summ. verb. Religio 7. quæst. 16. dub. 2.* adhuc in hoc casu esse licentiam Superioris petendam, quòd si illam neget, posse Abbatissam vt iure suo. Intellige tamen, dum certò constet iniuste denegare licentiam. Qualiter autem non possint prædictæ Abbatissæ licentiam ingrediendi Monasteria concedere, diximus *c. 25. n. 25.*

De Iudice Regulari, seu modo procedendi iudicialiter
in causis Regularibus.

C A P. XXVII.

SUPPOSITO ex dictis c. 18. num. 15. posse, & debere Prelatos Regulares delicta suorum subditorum corrigere, & punire, quod maxime est verum pro tempore visitationis illorum, quam tenentur iure communi, & Diuino facere, iuxta illud Luc. 12. & tu aliquando conuersus confirma fratres tuos, & iure humano ex c. Romana §. 1. de censibus in 6. & can. relat. 11. quæst. 1. & expressius ex Conc. Trident. sess. 25. c. 1. & 8. (Rodrig. to. 2. q. 4. art. 4.) triplici via potest Iudex Regularis ad hoc procedere, scilicet accusationis, denunciationis, inquisitionis, vt habetur c. qualiter, & quando 2. de accusatione. Primo modo procedit quando aliquis defert crimen alicuius ad vindictam iustam de eo capeffendam. Secundo modo, quando aliquis defert crimen alterius, non ad vindictam capeffendam, sed ad ipsius emendationem, correctionem, seu pœnitentiam. Tertio modo, quando Iudex ipse Regularis ex officio, & non ad instantiam alicuius procedit inquirendo de delicto commisso. Vnde iste tertius modus procedendi solet vocari ex officio, & duo priores ad instantiam partis. Alderete de Relig. discipl. lib. 1. c. 4. 5. & 7. Suarez tom. 4. de Relig. lib. 10. de Regim. Societ. c. 11. & 12. Deinde modus procedendi per inquisitionem duplex est, scilicet Inquisitionis generalis, & particularis, seu specialis. Inquisitio generalis est quæ in genere inquiritur an subditi seruent leges, aut statuta Religionis, an committantur crimina, obseruetur Regula, &c. specialis verò est, cum de certa persona, aut certo crimine instituitur inuestigatio. Ad quam adiungunt aliqui tertiam inquisitionem mixtam, quando scilicet, de sola persona instituitur inuestigatio, cum tamen de delicto habeatur certa notitia. Franciscus Arretinus in Practic. criminal. c. 10. Alderete vt sup. c. 7. Rursus denuntiatio, quamuis variè diuidatur, melius tamen dicitur quòd est duplex, scilicet Euangelica, & iudicialis. Prior est, quæ fit Prelato non vt Iudici, sed vt Patri, non ad processum formandum, sed ad correctionem, vel emendationem. Posterior verò est, quæ fit Prelato vt Iudici ad formandum processum, & puniendum delinquentem. Suarez vt sup. c. 8. Thomas de Iesu in tract. 1. de visitat.

stat. Regul. c. 4. De quibus omnibus sigillatim dicendum est.

2 Et primò, loquendo de inquisitione generali, seu de modo procedendi per illam, dicendum est, illa vti debere Prælatos Regulares in visitationibus Prouinciarum, vel Monasteriorum. Finis enim talium visitationum est inquirere in generali de vitijs, & virtutibus Religiosorum. Suarez *vt sup. c. 11.* Vnde ad hanc inquisitionem generalem non requiritur, quòd præcedat aliqua infamia, aut clamorosa insinuatio de aliquo crimine, aut denuncia- tio, seu accusatio aliqua. Quia in hac inquisitione generali pro- cedit Prælatus ex officio, ob bonum commune Religionis, nec sic procedendo alicui infert iniuriam. Alderete *vt sup. c. 7. n. 3.* Thomas de Iesu *etiam vt sup. tract. 1. c. 1.* Nec etiam requiritur petitio iuramenti à Religiosis, saltem de iure communi (quidquid sit de statutis particularibus Religionum) nam hæc generalis inquisi- tio non est perfectum iudicium, sed præparatoria ad inquisitionem specialem, quæ perfectum iudicium est. Grassi *2. p. Decis. lib. 3. c. 28. num. 5.* Alderete *vt sup. num. 4.* Ex nostris autem Constitutio- nibus *p. 2. c. 7.* imponitur præceptum obedientiæ à Visitatore, quod, vt ibidem dicitur, habet vim iuramenti. Deinde in huiusmo- di inquisitione generali crimina occulta interroganda, aut pate- facienda, non sunt, nisi de illis præcedat aliqua infamia, aut suspi- cio probabilis. Ratio est, quia si talis infamia, aut suspicio non præcedit, Iudex non interrogat iuridicè, cum non habeat plenam, aut semiplenam probationem, ac per consequens nec ipse potest interrogare, nec subditus occultum peccatorem manifestare. Quod intellige, etiam si sub iuramento interrogetur. Suarez *4. to. de Relig. lib. 10. de Regim. Societ. c. 11. num. 7.* Nisi solum velit ma- nifestare tale peccatum Prælato, vt patri, & secretò ad emendatio- nem fratris, quia vt sic potest id facere, etiam si non præcedat suspicio, aut infamia. Suarez *vt sup. num. 8.* Semper tamen præ- mittenda est, si sit spes emendæ, & opportunitas, correctio frater- na, quia illa est de iure diuino, Math. 18. Rodriguez *tom. 2. q. 8. art. 1.* Peirinis *tomo 1. de subdito q. 1. de Obedientia c. 16. post 3. concl.* Volunt etiam aliqui Prælatos teneri in huiusmodi visitationibus, seu inquisitionibus generalibus monere subditos ne reuelent pec- cata omnino occulta, de quibus non est suspicio, aut infamia. Na- uarrus *Corollar. 47. num. 179. c. inter verba.* Hæc tamen cautio so- lum videtur necessaria quando subditi sunt indocti, aut non pos- sunt doctiores consulere. Docti enim sciunt præcepta Superio- rum nihil contra ius naturale, aut diuinum præcipere posse. Sua- rez *vt sup. nu. 7.* Thomas de Iesu *de Visitat. Regul. tract. 1. c. 1. nu. 5.* Similiter in huiusmodi Inquisitionibus generalibus non tenentur

Re-

Religiosi denunciare etiam ad præceptum Superioris, ea peccata, quæ constat iam esse emendata. Quia iam cessat finis denunciationis, quæ est emendatio fratris. Nauarrus *in Summ. c. 25, num. 46. Rodriguez tom. 2. quæst. Reg. q. 6. art. 2.* Secus est de Prælati, quibus incumbit, ne delicta etiam correctâ impunita maneant. Rodriguez *ut sup.* Peirinis *etiam ut sup.* Similiter si aliquid mali timet quis sibi obuenturum ex denunciatione, nisi quando delicta essent in grave damnum Communitatis, denunciare non tenetur. Quia hoc postulat ordo charitatis. Rodriguez *tom. 2. quæst. Reg. q. 6. art. 3.* Neque etiam tenetur aliquis denunciare quæ audiuit à persona non fide digna, aut appassioata, quia talibus non est credendum. Secus est, si audiuit à persona fide digna, & Prælatus præcipiat, ut dicat quæ audiuit, & ipse credit id esse verum. Rodriguez *tom. 2. quæst. Reg. q. 6. art. 7.* Peirinis *ut sup. 4. conclus. 3.* Tenentur tamen subditi in huiusmodi inquisitione generali denunciare paternè Prælato, correctione fraterna, si fieri debeat, præmissa, iuxta dicta *n. 2.* omnes defectus Religiosorum. Quia salutem spiritualement proximi omnes procurare tenemur omni meliori modo quo possumus. S. Thomas *2. 2. q. 33. art. 8.* Grassi *1. p. Decis. lib. 2. c. 69. n. 15.* Imò si fraterna correctione, vel paterna denunciatione Religiosus non est correctus, nec speratur corrigi, tenentur alij ipsum iuridicè ad Prælatum ut iudicem denunciare, si per testes idoneos probari potest delictum. Ratio primæ partis est adducta, videlicet, quod omnes tenemur procurare salutem proximi omni meliori modo, quo possumus. Ratio verò secundæ, quia nemo tenetur denunciare iuridicè quod probare non potest *ex c. plerumq. 2. q. 7. Nauar. c. inter verba conclus. 6.* Grassi *1. p. Decis. l. 1. c. 69. n. 15.* Ad quod addunt aliqui, id esse verum etiam si Prælatus oppositum præciperet. Quia hoc præceptum contineret intolerabilem errorem. Nauarrus *ut sup.* Angelus *verb. excommunicatio 3.* Vide dicenda inferius *n. 15. & 20.* Si testes leues sint, idonei non censentur, & ita, qui hos tantum habet, non tenetur denunciare iuridicè; quia non habet testes idoneos ad probandum delictum fratris. Peirinis *tom. 1. de Subdito quæst. 1. de Obedientia. c. 16. ante 4. conclus.* Demum pro huiusmodi inquisitionibus generalibus, seu visitationibus, nota, quod Prælatus in illis admonitus, solum tamquam Pater, seu denunciatione paterna, non potest reum punire, sed tantum monere, seu minis terrere, ut cautiis se habeat. Angles *in Floribus p. 2. quæst. de Correc. frat. ar. 1. diffic. 7.* Pro forma verò in huiusmodi inquisitionibus generalibus, seu Visitationibus seruanda, legantur particularia Statuta Religionum, & pro nostra *p. 2. Constit. c. 5. & 6.*

4 Ad inquisitionem specialem alicuius delicti procedere potest, & debet, Prælatus Regularis, primò, quando ex visitatione, seu inquisitione generali constat illi aliquod crimen à subdito aliquo fuisse commissum: tunc enim contra ipsum specialis fieri debet inquisitio, & præiuramento testes interrogandi. Cum enim iam delictum sit Iudici notorium, non potest prætermittere iuridicè contra delinquentem sic infamatum procedere. Nauarrus *de Iudicijs num. 87.* Alderete *lib. 1. de Relig. discip. cap. 7. num. 6.* Quod intelligo etiam in casu, quo iniuste tale delictum Prælato sit patefactum. Nam eo ipso, quòd crimen deductum est in Iudicis notitiam, siue benè, siue malè, eo ipso tenetur contra illud procedere. Lessius *2. de Iust. c. 29. dub. 15. num. 125.* Thomas à Iesu *de Visitat. Reg. tract. 2. c. 4. num. 7.* Non tamen potest Prælatus ad hanc inquisitionem specialem procedere ex sola noticia habita, per epistolas, vel libellos sine auctore, etiam si in ipsis litteris notificarentur testes, qui delictum testificari possent. Quia huiusmodi litteræ, aut libelli nullam inducunt infamiam, & habetur *ex cap. Inquisitionis, extra de accus.* Lessius *ut sup. num. 136.* Thomas de Iesu *etiam ut sup. c. 3. num. 9.* Poterit tamen generalis inquisitio fieri ex huiusmodi litteris sine nomine, quia ad huiusmodi inquisitionem non requiritur infamia. Alderete *de Discip. Regu. lib. 1. c. 7. num. 31.*

5 Secundò etiam potest Iudex Regularis ad inquisitionem specialem procedere, quando delictum est notorium, etiam si malefactor sit occultus, nec vlla infamia laboreat. Ratio sumitur ex communi usu Reipublicæ Christianæ, & Iudicum timoræ conscientiarum, qui ob bonum publicum, quando constat de delicto, querunt speciali inquisitione de delinquenti. Nauarrus *c. inter verba conc. 6. num. 124.* Salon *de Iust. & Iur. controu. 7. circa quest. 79. ar. 2. & alij.* Qui benè aduertunt in hoc casu Iudicem non debere facere inquisitionem de singulari aliqua persona, v. g. an Petrus fecerit hoc furtum, quia cum nulla de illo præcedat infamia, iniquè infamaretur; sed in communi solùm. Thom. de Iesu *de Visitat. Regu. tract. 2. c. 5. à num. 6.*

6 Regulariter etiam loquendo non potest Iudex Regularis iuridicè contra aliquem per specialem inquisitionem procedere, nisi infamia, siue clamorosa insinuatio, vel indicia manifesta, aut semiplena probatio præcedant. Quia sine aliquo istorum delicta reputantur occulta iudicio humano. Sanctus Thomas *2. 2. quest. 69. art. 2. & 3.* Thomas de Iesu *de Visitat. Regu. tract. 2. c. 2. & habetur ex c. qualiter, & quando. & c. Inquisitionis de Accus. & c. licet Heli de Simon.* Infamia est quidam rumor ortus non à maleuolis, sed

sed à probis, & honestis hominibus sparsus inter multos. Clamorosa verò insinuatior, vel est idem quòd infamia, vel est vox totius populi, vel publicus rumor inter multos subortus. Indicia autem sunt illæ circumstantiæ, ex quibus potest aliquo modo colligi quis sit auctor criminis. Tandem semiplena probatio est vnius testis oculati, & iurati, omnique exceptione maioris testimoniū. Thomas de Iesu *ut sup.* Ergo, ut diximus, si aliquod istorum non præcedat, non potest Iudex ad inquisitionem specialem procedere. Quod præter dicta, ex eo confirmatur primò, quia, ut docet Sanctus Thomas 2. 2. *quest. 67. art. 3.* contra nullum potest Iudex via inquisitionis (intellige specialis) procedere, quando nullus est accusator formalis, vel virtualis. Cum ergo in via inquisitionis, de qua loquimur, nullus sit accusator, vel denunciator formalis, quia in hoc distinguitur hæc via à via denūciationis, & accusationis, debet necessariò esse aliquis virtualis denunciator, vel accusator, cuius munus solum prædicta habere possunt. Secundò, & ad idem, quia iudicium ex tribus personis constat, scilicet accusatore, reo, & Iudice, cum ergo inquisitio hæc specialis, iudicium quoddam sit ex eisdem tribus constare debet, & cum accusator in illo non adsit, aliqua quæ ipsum suppleant, adesse debent. Franc. Aret. in *Pract. crimin. cap. 14.*

7 Imò ad hoc quòd indicia sufficiant ad procedendum via specialis inquisitionis, non debent esse leuia, sed grauia. Quia cum in iure expressè caueatur, infamiam præquiri ad inquisitionem specialem *c. cum oportet. c. inquisitionis. c. qualiter, & quando, de accus.* indicia autem leuia non æquiualeant infamiæ, absidubie requirerentur indicia grauia. Quo in sensu accipiendus est Nauarr. *c. inter verba concl. 6. num. 116.* Imò etiam indicia grauia, & expressa æquiualentia infamiæ, ad hoc, ut sufficiant pro inquisitione speciali, debent esse publica multis, & in delicto publico, tunc enim æquiualent infamiæ, & ex illis Iudex potest procedere ad inquisitionem specialem delinquentis. Suarez 4. *tom. de Relig. lib. 10. cap. 12. n. 12.* Addunt aliqui, quòd etiam si delictum non sit publicum, sed occultum, si tamen est contra bonum commune, vel ex eo imminet damnum tertię personæ, posse Iudicem ex solis prædictis indicijs ad specialem inquisitionem auctoris criminis procedere. Thomas de Iesu *Tractat. de Visitatione Regularium cap. 7. num. 2.*

8 Similiter ad hoc, quòd Iudex procedere possit ex semiplena probatione ad inquisitionem specialem, requiritur, quòd crimen sit notorium, & malefactor occultus: nam si delictum notorium non sit, tunc semiplena probatio non erit æquiualens infamiæ, atque

que ita insufficiens ad procedendum inquisitione speciali, sicut diximus supra de indicijs expressis. Nauarr. in *Summ. c. 25. num. 3.* Lessius *lib. 2. de Iust. c. 29. dub. 16. num. 148.* Addunt etiam alij quòd in delictis, quæ sunt contra bonum commune, & quando imminet proximo damnum graue ex peccato alterius, etiam occulto, posse ad inquisitionem specialem ipsius procedere Iudicem ex sola semiplena probatione. Thom. de Iesu *tract. 2. de Visitatione Regu. c. 9. num. 6.*

9 Excipi tamen solent aliqui casus particulares, in quibus Iudex ex se solo, & sine alio motiuo, possit procedere ad inquisitionem specialem. Primus est, si delictum vergat in commune damnum Reipublicæ, vel Communicatis, v. g. crimen hæresis, vel apostasiæ à fide, crimen læsæ Maiestatis, conspiratio in Principem, falsificatio monetæ, furta, homicidia, &c. Secundus est, quando delicta sunt nimis grauiæ, & atrociæ, v. g. sodomix, &c. Tertius est, quando crimen est commissum, vel detectum in iudicio, vt si aliquis coram Iudice, & Notario falsum testimonium dixerit, aut confessus fuerit aliquod crimen. Sotus *de detegendo secreto, memb. 2. quæst. 6.* Thomas de Iesu *de Visitatione Regu. tract. 2. c. 4.* Cæterum quòd attinet ad crimen hæresis, constat ex dictis *c. 18. num. 18.* illud non posse iudicari à Prælati Regularibus. De falsificatione monetæ constat etiam ex dictis *c. 10. num. 23.* ad quos pertineat Iudices, saltem in Italia. Sed dato quòd hæc delicta ad Iudices Regulares ex priuilegio aliquo, vel alio modo spectent, (& idem est de alijs criminibus in primo casu relatis) dicendum est primò, quòd quando illa sunt omnino occulta, vel quia illa in se talia sint, vel quia esto, quòd nota sint, ignoratur tamen author, ita, vt nec de illo sit infamia, semiplena probatio, aut indicia saltem leuia, tunc nullo modo licet Iudici ad inquisitionem specialem procedere. Ratio est, quia, vt diximus supra *num. 6.* ad huiusmodi specialem inquisitionem, cum sit quoddam iudicium, petitur necessariò aliquid, quod habeat vim accusatoris, & moueat Prælatus ad illam, ac perinde, si aliquod ex prædictis non adsit, procedere nequibit ad specialem inquisitionem. Suarez *4. tom. de Relig. l. 10. c. 12. num. 4.* Dico tamen secundò, sufficere, quòd præcedant aliqua indicia, saltem leuia, posita notorietate talium delictorum, & qualitate illorum, ad hoc, quòd Iudex procedere possit ad inquisitionem specialem authoris. Ratio est, quia positis talibus circumstantijs, hic & nunc reperit Iudex sufficiens motiuum ad inquisitionem specialem, tunc enim ratio boni communis obligat, vt eius cura, & prouidentia habeatur, delictum publicum prouocat sufficien-

cienter ad aliquam inquisitionem, & indicia, saltem leuia, delinquentis, ad inquisitionem specialem. Suarez *ut sup. num. 13.* In alijs verò delictis, quæ non sunt contra bonum commune, indicia debent esse non leuia, sed graua, vt diximus supra *num. 7.* Loquendo verò de delictis in secundo casu relatis, quæ sunt nimis graua, & atrocia, dicendum est, non sufficere talia esse, ad procedendum per specialem inquisitionem, nisi præcedat infamia, semiplena probatio, aut sufficientia indicia, iuxta dicta *num. 6.* Quia aliàs iniuria fieret proximo ipsum infamando. Suarez *etiam ut sup. num. 6.* In delictis verò in tertio casu relatis, cum iam illæ supponantur manifesta, nihil istorum requiretur, nec fiet iniuria delinquenti, contra illum specialiter procedendo. Francisc. Aretinus. *in Pract. crimin. cap. 14.* Alderete *lib. 1. de Discip. Regu. cap. 7. num. 14. & 15.*

10 Præterea quando inquisitio fit non ad punitionem inquisiti, sed ad alios iustos fines, ad quos est necessaria cognitio personæ, & qualitatum eius, vt cum Prælatus quærit de habilitate, aut inhabilitate subditi ad aliquod officium, gradum, vel dignitatem, vel ad aliquod suffragium ferendum, vel habendum, potest ipse ad inquisitionem specialem de delictis alicuius personæ determinatæ procedere, etiam non præmissa infamia, semiplena probatione, aut indicijs aliquot, sicut inter sæculares solet fieri ad contrahenda matrimonia. Quia non potest aliter Prælatus satisfacere muneris suo, & bono communi Religionis, nec in hoc modo procedendi ex motiuo boni communis procurandi, alicui facit iniuriam. Franciscus Aret. *in Pract. crimin. cap. 14.* Suarez *ut sup. num. 17.* Benè autem aduertit Aretinus debere in tali casu aperiri crimina Superioribus secretò, & cum minima, qua fieri potest, famæ læsione.

11 Praxis autem Inquisitionis specialis, supposita infamia personæ, vel delicti, iuxta dicta in superioribus, hæc est. Primò enim constituendus est Notarius, seu Secretarius à Prælato, qui omnes actus inquisitionis fideliter conscribat, eisque cum ipso Prælato subscribat. Suarez *4. tom. de Relig. lib. 10. de Regim. Societ. cap. 12. num. 29.* Deinde formatis articulis, & capitulis pro interrogatorio testium, secundùm illos interrogandi sunt testes, clarè, & distinctè. Suarez *ibidem.* Qui etiam benè aduertit, quòd quamuis cū præcedit infamia delinquentis (idem dico cum præcedit semiplena probatio, aut graua indicia, iuxta dicta supra *num. 6. & 7.*) non sit necessarium de illa inquirere in interrogatorio; bonum tamen est hoc facere ad magis conuincendum Reum. Interrogandi autè sunt testes sub iuramento, saltem iure communi loquendo, iuxta

cap.

cap. cum delicti de accusat. nisi legitima consuetudo Religionis oppositum teneat, scilicet, solum sub præcepto Obedientiæ, vel excommunicationis. Suarez *ibidem*. Interrogari etiam debent de nomine, & cognomine eorum. *cap. olim de accus.* Thom de Iesu de *Visitat. Regu. tract. 3. c. 7.* Testes autem interrogati sic tenentur sub mortali veritatē fateri. Quia astringuntur iusto Prælati præcepto. Nauar. *cap. inter verba conc. 6. Less. 2. de Iust. cap. 30. dub. 6. nu. 43.* Quod intellige, vt supponitur, quādo iuridicē interrogātur (prout sēper debet credi quādo Iudex est probus, nisi certō cōstet contrariū) idest ab habente potestatem, & præcedente infamia, semiplena probatione, seu notitia delicti, iuxta dicta *n. 6. & 7.* Quia nō tenentur testificari cū legitimē, & iuridicē non interrogātur. Siluester *verb. Testis quest. 8. d. primo. Lessius 2. de Iust. cap. 30. dub. 6. num. 47.* Sed nec tunc debent mentiri, cum mendacium numquam sit licitum, sed dicere se nescire, aut non vidisse &c. tale delictum, mente intelligendo, ad manifestandum, vel propalandum in tali iudicio. Nauarrus in *Man. cap. 18. num. 61. & cap. 12. num. 9.* Ea verò, quæ per Sacramentalem Confessionem nouerunt, nullatenus debent, aut possunt reuelare. Quia obligatio sigilli Sacramentalis multò maior est, quàm cuiuscumque præcepti. Sotus *de rat. legend. secret. memb. 3. quest. ult. conc. 4.* Idem dico si notitia, quam habent testes de delicto fuit sub sigillo secreti, consilij, vel auxilij petendi gratia. Quia obligatio seruandi secretum est maior, quàm obediendi Prælato. Nauar. in *Summ. cap. 25. num. 46.* Secus verò est, quando id quod acceptum est sub secreto cedit in damnum corporale, vel spirituale Communis, vel graue alicuius personæ particularis. Quia tunc obligatio seruandi secretū, cedit obligationi tuendi bonum commune, vel graue priuatum, alicuius particularis. Valentia *tom. 3. disp. 5. q. 14. p. p.* Nec etiam tenentur testes testificari ea, quæ ab aliquo non fide digno, aut appassionato audierunt; secus verò si à persona fide digna illa acceperunt, & Prælatus præcipiat, vt referantur ea, quæ sciunt ex auditu, iuxta dicta supra *num. 2.* Nec etiam tenentur testificari cum suo notabili damno spirituali, vel temporali, quod prudenter timent euenturum ex testificatione, iuxta dicta etiam *ibidem*. Peirinis *tom. 1. de Subdito quest. 1. de Obedientia cap. 16. §. 3. conc. 7.* Testes non sunt vlllo modo cogendi à Iudice, vt dicant quod nesciunt, sed liberrimē sinendi dicere veritatem; imò si ignorantes sunt, monendi sunt ab illo de modo testificandi, vel dandum illis tempus ad consilium accipiendum à doctis. Thomas de Iesu de *Visitatione Regularium tractat. 3. cap. 6.* Debent etiam cum ferunt sua testimonia interrogari de causa scientiæ, seu quomodo

ficiant,

sciunt, quod dicunt. *cap. causam de testib.* Thomas de Iesu. *ibid. cap. 7.* Apud quem alia ad intentum.

12. Post formationem processus, seu informationis, si nullus sit testis, qui Reum condemnet de delicto, posset absolui si non præcessissent prædictam informationem, vel processum infamia, semiplena probatio, aut indicia sufficientia respectu ad delictum, quia nulla esset tunc causa, quare ulterius contra illum procedi posset. Imò numquam citandus est aliquis, ut tamquam Reus interrogetur, nisi delictum sit saltem semiplenè probatum, vel ex testibus, vel ex indicijs, vel ex probata infamia. Franciscus Aretinus in *Præf. crimin. de substant. iudicij cap. 1.* Aliquo tamen ex prædictis præmisso, & multo magis si per testes, vel vnum solum, omni exceptione maiorem constat de Reo criminoso, ante omnia citandus est; nam si Iudex Reum condemnaret non vocatum, prius, non solum condemnatio esset nulla, sed etiam peccaret mortaliter. Nauarrus in *Man. cap. 25. num. 13.* Non est tamen detrudendus in carcerem, nisi fuga timeatur, vel grauitas delicti hoc postulet. Secus enim grauitur Iudex peccaret. Nauarrus de *Iudic. nu. 51. ver. ex quo inferitur.* Franc. Aret. *ut supra.* Incarcerato ergo, siue extra carcerem Reo, debet Iudex omnia testimonia, & probationes simul cum delicto, quod contra illum obijcitur, patefacere, tacitis nominibus testium, cum aliquo spatio temporis, etiam sub iuramento, ut respondeat. Suarez 4. *tom. de Relig. lib. 10. cap. 12.* Thomas de Iesu de *Visitat. Regu. tract. 3. cap. 9.* Reus autem iuridicè interrogatus tenetur veritatem confiteri, sub mortali, manifestando delicta, de quibus inquiritur. Tenetur enim obedire Prælato iusta præcipienti. S. Tho. 2. 2. *q. 69. a. 1. & 2.* Nauarrus de *Pœnitent. dist. 1. §. non dico tibi. num. 19. & in Summ. cap. 18. num. 57.* Etiam si illi immineat periculum vitæ. Propter eandem rationem. Sotus de *tegendero secret. memb. 2. & 5. de Iust. quest. 6. art. 2.* Corduba *lib. 5. quest. 43. dub. 3.* Et propterea absolutio à Confessore est illi deneganda. Thom. de Iesu de *Visit. Regu. tract. 3. cap. 10. num. 8.* Secus si non iuridicè interrogaretur, scilicet, quia Iudex competens non esset, aut non esset infamia, semiplena probatio, aut indicia sufficientia. Quia tunc iniuste præciperet reuelari sibi crimen. Thomas de Iesu de *Visitat. Regu. tract. 3. cap. 8.* Addens bene etiam in hoc casu non esse licitum Reo dicere mendacium, quia hoc est intrinsecè malum, ac propterea, numquam licitum; posse tamen celare veritatem verbis æquivocis, aut amphibologicis, dicendo scilicet, nihil scio, nihil feci, mente intelligendo, ut illud debeam manifestare, iuxta dicta de testibus *supra num. præcedenti.* Vnde numquam Reus tenetur deli-

delictum purè occultum, quod non est manifestum aliquo modo ex prædictis, manifestare. Quia de purè occultis numquam legitime interrogatur. Navarrus *d. 1. de pœnit. §. non dico tibi*. Rodrig. *to. 2. quæst. Regul. q. 5. art. 4.* Imò aliqui volunt peccare mortaliter sic faciendo Quia iniuste se infamat. Navarrus *in Man. c. 18. n. 57.* Thomas de Iesu *de visitat. Regul. tract. 3. c. 10. n. 7.* Iudex etiam non potest Reum de vno crimine conuictum, de alijs criminibus, aut etiam de socijs interrogare, nisi de ijs quoque præcedat aliqua infamia, semiplena probatio, vel indicia iuxta dicta. Propter eandem rationem. Thomas de Iesu *ut sup. c. 8. n. 5. & 6.*

13 Sumpta igitur cōfessione à Reo, si fateatur delictum, posset in rigore contra illum proferri sententia, licet mitius cum illo procedi debeat, terminum ei concedendo, ut si quam habet excusationem de delicto, quæ saltem illud minuat, eam afferat. Suarez *4. to. de Relig. lib. 10. c. 12. n. 3*. Si verò interrogatus neget delictum procedi ulterius debet ad conuincendum illum. Primò ratificatione testium, licet hoc non sit necessarium, maximè inter Regulares, quando de fide testium moraliter constat. Secundò alios de nouo accipiendo si necessarium hoc videbitur ad moralem certitudinem veritatis. Suarez *ut supra.*

14 Si verò Reus defendere se voluerit poterit aliquem Religiosum designare Procuratorem, qui suo nomine, maximè si incarceratus fuerit, suam defensionem suscipiat. *Clement. Religiosus de procurat.* Alderete *de Discipl. lib. 1. c. 11. n. 15.* Et, si voluerit producere testes aliquos in sui defensionem, terminus ad hoc necessarius est illi concedendus, & prædicti testes ab ipso oblati iuxta ordinem præscriptum examinandi sunt. Thomas de Iesu *de visitat. Regul. tract. 3. c. 9. n. 6.* Similiter si Reus propriæ defensionis causa petierit copiam probationum contra ipsum, debet etiam dari; immò si nomina testificantium contra illum postulauerit, licet regulariter loquendo id negari debeat, iuxta dicta supra *n. 12.* in causa tamen grauissimæ culpæ, ex qua grauissimum damnum ipsi immineat, poterit hoc ipsi cōcedi. Rodriguez *to. 2. quæst. Regul. q. 16. ar. 1.* Thomas de Iesu *ut supra.* Si verò timet Iudex, quod Rei amici, vel partiales graue damnum testi, vel testibus reuelatis illaturi sint, poterit illos occultare. Alderete *de Relig. discipl. lib. 1. c. 14. n. 10.*

15 His peractis, probationibusque finitis, Iudicis partes sunt diligenter examinare, an Reus verè se defenderit, & testes per ipsum adducti certò probent illum non comisisse crimen sibi impositum, ita ut credere possit illum esse innocentem, & tunc illum debet absolvere. Alderete *lib. 1. de Discipl. c. 16. num. 2.* Si autem è contra videat crimen plene probatum esse, & defensiones pro Reo

C c

ad.

adductas, parum, aut nihil iuuare, eum condemnare debet pro criminis qualitate. Alderete *ibid. n. 3*. Tunc autem nec est necessaria, nec iussu adhiberi debet tortura. Quia in tali casu cessat finis torture, qui est supplere defectum plenæ probationis. Nauarrus *c. 18. n. 59*. Suarez *4. to. de Relig. lib. 10. c. 12. nu. 33*. Tunc verò intelligitur delictum plene probatum quando ad minimum per duos testes oculares, & contestes, & omni exceptione maiores testificatum est, iuxta illud Christi *In ore duorum, vel trium flet omne verbum*. Suarez *ibid.* Testes oculares, sunt, qui oculis (idem est de auditu, quando delictum auditu percipitur, ut blasphemia) delictum perceperunt. Franciscus Aretinus *in Pract. crim. c. 2. de nu. test.* Testes contestes, qui de eodem facto, loco, tempore, personis, alijsque circumstantijs ad facti substantiam attinentibus, & necessarijs deponunt. Thomas de Iesu *Traët. 3. visit. Regul. c. 7. n. 11*. Testes verò omni exceptione maiores sunt, quibus nulla exceptio opponi potest, per quam eorum fides minuat. Alderete *lib. 2. de Discipl. cap. 3. nu. 6*. Vnde testes de auditu, qui scilicet deponunt se audiuisse, vel fama percepisse, nisi illi, à quibus audiuisse dicunt, idem deponant, non faciunt plenam probationem. Thomas de Iesu *ut supra n. 16*. Similiter nec testes singulares, illi scilicet, qui de diuersis numero factis, aut de distinctis temporibus, aut locis deponunt, non faciunt plenam probationem. Suarez *4. to. de Relig. lib. 10. c. 12. n. 33*. Thomas de Iesu *de visitat. Regul. Traët. 3. c. 7. n. 5*. Licet quando de eadem delicti specie deponunt, in circumstantijs loci, vel temporis variando, plusquam semiplenam probationem faciunt. S. Thomas *2. 2. q. 70. ar. 2. ad 2. Sotus 5. de Iust. q. 7. ar. 2*. Testes autem non omni exceptione maiores, & quibus exceptio opponi potest, (ac per consequens, qui non faciunt plenam fidem) sunt primò, inimici inimicitia capitali, non leui inimicitia. Secundò, minores natu viginti annis. Tertiò, viles personæ, & infames, & qui grauia delicta comisserunt, nisi fuerint emendati. Quartò, dementes, & furiosi. Quintò, conspiratores, qui scilicet ex pacto conuenerunt, ut vnus accuset, seu denunciaret, & alij sint testes. Sextò, qui sunt varij, & inconstantes in suo testimonio. Septimò, mulieres, sed inter Religiosos admittendæ sunt Moniales, maximè pro delictis, quæ in earum Monasterijs committuntur. Pro quibus, & alijs ad intentum vide Franciscum Aretinum *in Pract. crim. c. 1. de secundo substant. iudic.* Alderete *de Discipl. lib. 2. c. 3*. Thom. de Iesu *de visitat. Regul. traët. 3. c. 11*.

16 Si verò delictum non sit, pensatis pensandis, plenè probatū, & Reus illud non confiteatur, distinguendum puto, aut enim tale delictum non est ex atrocibus, & capitalibus, quæ pœna corporali mor-

mortis, mutilationis, aut triremium puniri debent; aut est ex illis. Si primum, tunc puniendus est Reus pœna minor, quàm si tale delictum plenè probatum esset, & condemnandus ad illam. Hoc enim æquitas iustitiæ, & rigor obseruantia Regularis expostulat, ne sub spe infirmæ probationis reddantur faciles Religiosi ad crimina perpetranda. Suarez 4. tom. de Relig. lib. 10. de Regim. Societ. cap. 12. num. 33. Qui etiam benè addit, in hoc processu per inquisitionem mitiùs adhuc agendum esse in imponenda pœna, quàm si per accusationem criminalem processum esset. Si verò delictum sit ex atrocioribus, & grauissimis, quibus in sæculo pœna mortis, mutilationis, vel triremium applicatur, & sint magna indicia, quæ Iudici suadeant Reum commississe crimen, quod negat, ita vt semiplenè probatum sit, potest illum torquere, iuxta dicta cap. 18. num. 17. Alderete lib. 1. de Discip. Relig. cap. 17. Vbi etiam de modo quo tortura applicanda est Religiosis.

17 Si Reus in tormentis adhuc non confiteatur delictum, absoluentus est. Dicitur enim tunc indicia purgasse, & quasi obligasse. Suarez 4. tom. de Relig. lib. 10. cap. 12. num. 32. Alderete lib. 2. de Relig. discip. cap. 12. num. 6. Si verò confiteatur delictum, adhuc oportet, vt ratificet illud, cum confessio facta in tormentis fragilis sit, & incerta. Franciscus Aretinus in Pract. crimin. cap. 12. de confess. per torturam. Vbi etiam de tempore, quo faciendæ est hæc ratificatio, & quoties repetenda tortura, si noluerit ratificare, quod in illa confessus est.

18 Post quæ sententia diffinitiuæ à Iudice ferenda est contra Reum, & imponenda illi pœna, tum iure communi, tum iure particulari designata. Poterit autem Superior sententiam ferre vel in scriptis, vel viua voce, dum tamen ad illam audiendam citetur Reus. Alderete lib. 1. cap. 17. num. 3. & 4. Ad quam etiam præcedere debet probationum legitima examinatio, an scilicet, plenè conuictus sit Reus, ita vt certò constet delictum ab ipso commissum; indicia an sint leuia, aut graua; delictum an sit contra bonum commune, an verò solum in damnum tertie personæ, aut solius delinquentis; persona delinquens an sit Prælatas, contra Prælatos enim maior sæpè desideratur probatio, quàm contra alios, quia hi multorum calumnijs expositi sunt. Qualitates etiam testium, defensiones Rei, excusationes, exceptiones, & alia huiusmodi sedulè examinare debet Iudex, & ante omnia Deum exorare, vt mentem ipsius illuminet ad benè, iustèque iudicandum. De quibus Alderete lib. 1. de Religios. discipl. c. 18. & lib. 2. cap. 1. Thomas de Iesu de visitat. Regul. Tract. 3. cap. 14.

19 Loquendo autem de alio modo procedendi Iudicis Regularis,

ris, scilicet per iuridicam denunciationem, sic est in illa procedendum. Primò enim denunciator culpam deferat ad Superiorem. Est namq; denunciatio iuridica delatio alicuius criminis apud Iudicem competentem ad pœnam, vel correctionem inferendam delinquenti. Nauarrus *cap. nouit. de Iudic. notab. 5. num. 2.* Thomas Iesu de *Visitat. Regul. tract. 3. cap. 2. §. 3.* Debet autem priùs denunciator fraternaliter correxisse, vel monuisse delinquentem, iuxta modum præscriptum à Christo Dom. Math. 18: qui conformis est legi Charitatis, ne scilicet fama proximi lædatur, eius delictum priùs publicando, quàm ipse sit monitus corrigi. Alderete *lib. 1. de Relig. discipl. cap. 5. §. 4.* Suarez 4. *to. de Relig. lib. 10. cap. 12. nu. 36.* Si tamen sit spes emendationis, iuxta dicta supra *num. 2.* imò si post fraternam correctionem emendatio fratris secuta est, non debet denunciari. Quia iam cessat finis denunciationis. Suarez *ut supra num. 37.* Quando verò delictum est notorium, non est necesse ut priùs delinquens fraternè moneatur. Iuxta illud Apostoli 1. Timoth. 5. *Peccantes corā omnibus argue.* S. Thomas 2. 2. *q. 33. art. 7.* Nauarrus de *Resitut. lib. 2. cap. 4. num. 64.* Nec tunc, aut vnquam, peccatum deferendum est ad Superiorem ut Iudicem, si ut Pater speratur remedium adhibere posse. Omnia enim cum charitate tentanda sunt, ut minori cum detrimento fratri subueniatur. S. Thomas 2. 2. *q. 33. ar. 7. & Thomistæ ibidem.* Similiter ut aliquis denunciaret alium iudicialiter, necessarium non est ut præcedat infamia. *Cap. Inquisitionis, & cap. qualiter, & quando.* Quia in via inquisitionis ideo requiritur infamia, ut suppleat vicem accusatoris, denunciator verò sustinet vicem accusatoris. Suarez *ut sup. nu. 35.* Si tamen præcedit infamia multò magis debent denunciari delicta. Thomas de Iesu de *visitat. Regul. tract. 1. c. 15.* ubi multa ad intentum. Vide etiam dicta supra *nu. 3.*

20 Denunciator, etsi non teneatur denunciare delictum, quod probare non potest, & per testes fide dignos iuxta dicta supra *n. 3.* tamen si vult, potest denunciare, nec tenetur probare delictum, quod denunciat. Quod rationi consentaneum est, tum ne plura crimina grauius in Religiosis maneant impunita, ex eò quòd nullus ea audeat denunciare, quia probare non possunt; tum quia in hoc differunt accusator, & denunciator, quòd ille tenetur probare delictum, non iste. Sotus 5. de *Iust. & iure q. 4. ar. 3. & q. 5. art. 4.* Bannez 2. 2. *qu. 33. art. 8. dub. 3.* Vnde si non probet, non ideo mul-
tandus. Non enim suscipit supra se onus probandi, sed tantum præparat viam Iudici, ut ipse inquiret, & probet, quod fecus est in accusatore. Thomas Iesu de *visitat. Regul. tract. 1. c. 16. n. 13.* Similiter denunciator potest esse testis, si aliunde non habeat aliud im-

impedimentum. Eò quòd non procurat vindictam delinquentis, sed correctionem. Nauarrus in *Man.c.* 25. n. 33. Sotus 5. de *Iust.* q. 6. ar. 2. con. 4. Secus est de accusatore, neque enim ipse, aut eius cognati, & domestici possunt esse testes c. 1. 2. 4. q. 4. l. 3. testes. Alderete lib. 2. de *Discipl.* c. 3. n. 19.

21 Facta denunciatione, munus prudentis Iudicis erit diligenter expendere, tam personam denunciantis, quam denunciati, & an delictum sit prius fraternaliter correctum, an non, an publicum, an verò occultum. Si enim denunciator esset aliàs malignus, & pacis perturbator, aut denunciatus vir eximius, & probatè per plures annos vitæ, non est admittenda denuntiatio. Ne malignis occasio calumniandi viros probos faciliè concedatur. Tho. de Iesu de *visit. Regul. tract.* 1. c. 17. n. 1. Nisi fortè tunc denūciās munus accusatoris, & sub pena tallionis vellet subire. Rodrig. 10. 2. q. 6. ar. 8. Similiter si videat denunciatum non fuisse fraternaliter monitū, aut esto ita sit, faciliè per correctionem paternalem emendandum, illum corrigit, secretam aliquam pœnitentiam illi imponendo. Quia regulariter denuntiatio iuridica inter Regulares admitti non debet, si per aliquod aliud emenda fratris speratur. Thom. de Iesu *vis. sup.* n. 5. & 6. Similiter quando delictum non est publicum, nec delinquens laborat infamia, non est iuridicè contra eum procedendum, sed vel occultè puniendus, si emendationem promittat, vel dimittendus si culpam non fateatur. Sotus *Relect. de legend. secret. memb.* 2. q. 4. con. 8. Suarez 4. 10. de *Relig. lib.* 10. c. 12. n. 37. & 38. Quàdo verò delictum est publicum, vel Reus laborat infamia, aut contra eum est femiplena probatio, vel indicia sufficientia, iuxta dicta supra à nu. 6. admittenda est denuntiatio, & iuridicè contra Reum procedendum, eodem modo, quo diximus de inquisitione, speciali supra à nu. 4.

22 Loquendo verò de tertio modo procedendi Iudicis Regularis, scilicet per accusationem, licet ille relegandus sit à Regularibus, vt pote, quòd Religiosorum paci, & tranquillitati videatur repugnare, vt proinde etiam in aliquibus Regnis non permittatur, eo vel maxime, quòd per denunciationem iuridicam suppleri possit (Thom. de Iesu de *visit. Regul. tract.* 1. c. 4. nu. 6.) nihilo minus casu, quo admittatur, (quia fieri potest sine iniustitia, vt si qui iniuriam passus est contra iniuriantem agat ad iustam vindictam, & sine peccato contra charitatem, vt si non ex odio, sed vel ex affectu Religionis ne similes iniuriæ in ea introducantur, vel ex affectu resarciendi iustum honorem, vel nomen bonum fiat. Suarez 4. 10. de *Relig. lib.* 10. c. 12. nu. 45.) istæ cōditiones ad illam requiruntur. Primò vt fiat in scriptis. Secundò, vt exprimat dies

& annus, quo intentatur. Tertiò, nomen accusatoris, & accensati. Quartò, species delicti. Quintò, locus & etiam tempus, nempe annus, & mensis, quo delictum commissum est. Sextò, inscriptio accusantis. Colliguntur hæc ex *lege libellorum ff. de accusat.* Franciscus Aretinus in *Practica criminali de accusat. cap. 6.* Alderete *lib. 1. de Religiosa disciplina cap. 4.* Non tenetur tamen accusator exprimere, in libello, diem commissi delicti, ut expressè habetur in prædicta *leg. libellorum*. Quia alioquin potestas accusandi, & probandi nimis restringeretur, facile enim fieri potest, ut quis diei, vel etiã hebdomadæ sit oblitus. Quia non ita cadit sub sensum. Franciscus Aretinus *ubi supra*.

23 Accusator pòt crimen etiam occultũ deferre, neque tenetur ex iustitia secretũ præmittere correctionẽ, sed sufficit quòd possit probare delictum. Hoc enim interest inter accusationem & denunciationem, ut habetur in *ca. qualiter & quando de accusat.* Nauarrus in *Manual. cap. 18. nu. 30.* Lessius 2. *de iustitia & iure c. 30. nu. 10.* Aliquando tamen esset contra charitatem nulla præmissa monitione accusare. Lessius *vi sup.* Alderete *lib. 1. de Religiosa disciplina cap. 4. nu. 6.*

24 Tenetur accusator probare delictum quod defert ad Iudicem. Ideo enim debet accusatio fieri in scriptis, ut constet, quid illi probandum. Franciscus Aretinus in *Practica. crimin. de accusat. cap. 5.* Thomas de Iesu de *visitat. Regul. tract. 1. cap. 4.* Nec potest esse testis in causa, in qua est accusator, in quo differt à denunciatore. *Cap. in omni negotio de testib. Sotus de secret. memb. 2. q. 4. & 5. de iust. q. 6. ar. 2. concl. 4.* Nauarrus in *Rubric. de iudicijs num. 19.* Iuræ de calumnia, scilicet, quòd non calumniandi animo delictum opponatur. Alderete *lib. 1. de Relig. discipl. c. 4. nu. 13.* Unde si repertus fuerit calumniator, id est, quòd falsa crimina obiecerit, punitur eadem pœna, quia puniendus esset accusatus, quæ vocatur pœna talionis. S. Thom. 2. 2. *q. 68. ar. 4.* Sotus *lib. 5. de iust. q. 5. ar. 4.* Ut autem dicatur delictum probasse, & calumniatorem non esse, sufficit prædictum delictũ probaverit semiplenè, scilicet per famam, vel per unum testem integrum, vel per alia indicia illis æquipollentia. Quia tunc iam tenetur Reus interrogatus à Iudice, si talis semiplena probatio illi intimata est, delictum confiteri, & puniri. Nauarrus in *Manual. tit. de pecc. Rei accusat. & inquis. n. 35. & seq.* Franciscus Aretinus in *Practica. crimin. de accusatione c. 5.* Sed nec etiam quando nec semiplenè probat delictum quod obiecit, punitur accusator, secundum consuetudinem, pari pœna talionis, sed solum minori pro arbitrio Iudicis, ne homines ab hoc accusandi omnino deterreantur. Aretinus *vi sup.* Alderete *lib. 2. de Relig.*

fig. discipl. cap. 23. nu. 5. Imò etiam ab hac pœna minori excusatur accusans, si probat, obieciſſe crimen, eò quòd haberet iuſtam aliquam cauſam per quam crederet illud eſſe commiſſum, vel non ex malitia feciſſe accuſationem. Nam calumniator verus ſolùm eſt, qui falſa crimina ſcienter intendit. Alderete *ut ſup. nu. 9.* Aretinus *etiam ut ſup. cap. 7.* Vbi etiam in additionibus, de aliquibus caſibus in quibus accuſator deficiens à probatione excuſatur.

25 Repelluntur à munere accuſatoris fœminæ, pupilli, & ſervi, & infames, ac inimici capitales, niſi quando agitur de proprio intereſſe, ſi arbitrio Iudicis taliter iudicabitur. *ſ. quia accuſarem ff. de accuſationib. cap. prohibentur, & Gloſſa in l. 1. de accuſat. Nauarr. lib. 5. conſil. tit. de accuſatio. conſ. 3. nu. 2.* Alderete *lib. 1. de Relig. diſcipl. c. 4. n. 7.* Item laici Clericum accuſare non poſſunt, niſi ſuam, ſuorumque iniuriam proſequantur. Alderete *ibid.* qui etiam *nu. 9.* qualiter Index Regularis ſe gerere debeat cum externis aliquem Religioſum accuſare voluerit. Et *nu. 13.* refert excommunicationem latæ ſententiæ à Leone X. in fauorem Ordinis Prædicatorum prolatam contra Religioſos, qui alios eiſdem Ordinis ex quauis cauſa conueniant coram Iudice externo, & etiam contra Iudicem, ſi talem conventionem admittat. Vide etiam Conſectium in *Compend. Bullar. Leo. X. & tit. 6. cap. 1.*

26 Facta acufatione, & à Iudice Regulari acceptata, ſi acceptari debet, procedendum eſt in cauſa eodem fere modo quo diximus de denunciatione, & ſpeciali inquisitione uſque ad ſententiam diffinitiuam. Soarez *4. tom. de Relig. lib. 10. cap. 13. num. 45.* Solùm eſt aduertendum, quòd etiam diximus *cap. 18. nu. 16.* Prælatos Religionum ex priuilegio Bonifacij VIII. non teneri in cauſis Religioſorum procedere, apicibus, & rimulis iuris ſeruatis, ſed ſecundum conſuetudines approbatas, & generalia facta, & facienda Ordinis inſtituta. Quòd ipſe Pontifex exponit dicens: *Quòd licet Prælati omnes ad apices iuris ex ſupradicta Conſtitutione non teneantur, ut ſunt citationum interualla, dilationes interlocutorie, & cætera huiusmodi, quæ non ſunt de eſſentia iuris, non tamen poſſunt in actis iudicialibus pro eorum arbitrio procedere, ſed iure diuino, ac naturali ad ſubſtantialem iuris ordinem tenentur.* Thomas de Ieſu de *viſitat. Regular. tract. 3. cap. 1.* Quo etiam ſenſu aliqui Pontifices in ſuis Decretis appoſuerunt has particulas, *ſimpliciter, ſummarie, de plano, & ſola veritate facti inſpecta.* Quæ fere idem ſignificât. Nam *ſimpliciter* denotat procedendum excludendo calumniatorias, & dolofas dilationes, inanefque exceptiones. *Summarie*, ut ſolùm ea, quæ ad iudicis vim, & eſſentiam pertinent, adhibeantur. *De plano*, ut omiſſa ſolemnitate ſedendi, vel etiam feriatis diebus, poſt.

positis vanis exceptionibus, tergiversationibus, & appellationibus. *Sola veritate facti inspecta* denotat, vt solemnitates accidentales iuris reiiciantur, seruatis solum, quæ de iure naturali, diuino, & iure gentium, qualia sunt statuta Religionum, seruanda sunt. Alderete *lib. 1. de discipl. Relig. cap. 8.* Thomas de Iesu de *visitat. Regular. vt supra.*

27 Circa formulam, qua formanda sunt acta processuum Regularium vide Franciscum Aretinum in *Prætic. crimin. part. 3.* Alderete de *Relig. discipl. lib. 3.* Thom. de Iesu de *visit. Regul. tract. 3. à cap. 2.* Circa modum etiam, quo facienda est purgatio canonica, (licet iam his temporibus parum sit in usu,) vide eundem Aretinum *vt supra & cap. 13. de purgation. Canonic.* & pro nostris Carmelitis *par. 3. Constitut. cap. 9.* Pro pœnis etiam trirremium, exilij, &c. vide dicta *cap. 18. num. 16.* Pro pœna etiam carceris vide *c. 16. num. 9. 10.* Pro pœnis incontinentium, seu qui lapsi sunt in peccatum carnis vide *cap. 5. num. 16.* Sodomitarum, ibidem à *num. 11.* Eorum, qui fœminas sollicitant in Sacramento pœnitentiæ *c. 19. num. 33.* Qualiter etiam liceat, vel non liceat appellatio Regularibus *cap. 9. num. 4.*

Laus Deo Beataq; Virg. Mariæ Carmelitarum
Patronæ.

INDEX RERVM

MAGIS NOTABILIVM.

Quæ in hoc opere continentur.

A



Abates non possunt Ordinare sibi non subditos. c. 14. n. 13. Nisi dimissorias suorum Superiorum, & Specialem consensum Episcopi loci habuerint. Ibid.

Abbates aliqui Regulares primam tonsuram, & minores Ordines suis subditis conferunt. c. 18. n. 64. Cum certis conditionibus. ibid. n. 65.

Abbatissarum duplex genus. c. 26. n. 1. Illarum electio pertinet iure communi ad Monasterium. ibid. n. 2. In illa solum habent vocem Moniales professa. ibid. Non Conuersa. ibid. Quis in talium electione præsideat, & qualiter. ibid. & c. 25. à n. 45. Requiritur pro illis ætas 40. annor. & octo post professionē. c. 26. n. 3. Quid si in uno Monasterio non reperitur talis. ibid. In Italia solum durant per triennium. ibid. n. 4. Vacare debent per triennium. ibid. An vidua, vel corrupta eligi possit. ibid. n. 5. An illegitima. n. 6. An bigama. ibid. n. 7. Possunt imponere Monialibus præcepta obligantia ad culpam. ibid. n. 8. Ea scilicet, quæ spectant ad bonum commune polyticum Monasterij. ibid. n. 9. Etiam in virtute S. Obedientiæ, vel Spirit. sancti. ibid. n. 10. Nō tamen sub pænâ ex-

communicationis, &c. ibidem n. 11. Possunt, & debent cogere Moniales ad obseruantiam Regule, & Constitutionum. ibid. n. 13. Concedere illis facultatem dandi, & accipiendi, sicut Prælati. ibid. n. 14. Nisi hoc sit illis specialiter prohibitum. ibid. An possint dispensare in aliquibus legibus Ecclesiasticis. ibid. num. 16. Nulla præfici potest duobus Monasterijs. ibid. nu. 19. Non possunt concedere Monialibus licentiā egrediendi à Monasterijs, nec ipsa exire. ibid. n. 20. An in aliquo casu exire possint. ibid. Vide verb. Moniales. Absentes vocandi ad electiones. c. 15. n. 8. Possunt de iure communi eligere per procuratorem. ibid. n. 9. Absolvere possunt Prælati Regulares suos subditos à peccatis. c. 18. n. 25. Etiam à sibi reseruatis. ibid. nu. 28. Hæc tamen facultas regulariter debet delegari. Ibid. nu. 29. Possunt etiam illos absolvere à censuris Papæ reseruatis, quæ in iure sunt commissæ Episcopis. ibid. n. 30. Non ab illis, quæ sunt commissæ Episcopis, ut Legatis. Sedis Apostol. saltem iure communi. ibid. A casibus Papæ reseruatis non possunt absolvere Prælati Regulares suos subditos, iure cōmuni. ibid. n. 31. Bene tamen ali-

- aliqui ipsorum ex privilegijs . ibid. & n. 33. 34. & 35. Idem de censuris . ibid. n. 36. Probabiliter etiam de censuris ab homine latis . ibid. n. 37. Non à casibus , seu censuris Bulla Cana Domin. ibid. n. 38. vide verb. Prælati.*
- Absoluentes à casibus in Bulla Cana Dom. contentis sunt excommunicati. c. 19. n. 43. Et excommunicatos à Canone, nisi in casibus iure expressis, vel excommunicatos per Statuta Prouincialia, aut Synodalia. ibid. Absoluentes, vel Sacramenta ministrantes pro pretio, vel aliquid dantes, aut accipientes, pro leui pœnitentia iniungenda sunt symoniaci. ibid. n. 40. Vide verb. Confessarij Regulares, & verb. Confessarij pro Religiosis.*
- Accusatione quando procedit Iudex Regularis. c. 27. n. 22. Conditiones pro illa necessaria. ibid. Releganda à Religiosis. ibid. Vide verb. Iudex Regularis.*
- Accusator potest crimen etiam occultum deferre. c. 27. n. 23. An teneatur pramittere correctionem. ibid. Tenetur probare delictū. ibid. n. 24. Non potest esse testis in illa causa. ibid. Turat de calumnia. ibid. Quid requiratur, ut dici possit probare delictum. ibid. Quomodo puniendus si non probet. ibid. Qui repellantur à munere Accusatoris. ibid. nu. 25. Vide verb. Denunciator.*
- Administratio bonorum Monasterij iure communi pertinet ad Prælatos. c. 18. n. 13. Expendentes autem in vanos, aut superfluos usus sunt proprietarij. ibid. Tribus debet committi hæc administratio, ex Decre-*
- tis Summ. Pontific. ibid. nu. 74. Hæ tres tam impensi, quàm accepti singulis mensibus reddant rationem. ibid. n. 75.*
- Administratores bonorum Monialitū cui debeant reddere rationem. c. 25. n. 45. Vide verb. Moniales.*
- Aduocati munus nequeunt exercere Religiosi, nisi, &c. c. 9. n. 12.*
- Aetas 16. annr. ad professionem requiritur. c. 2. nu. 10. Pro Nouitiatu necessaria includit diem superadditum in anno Bisextili. ibid. Pro professione, computanda à die natiuitatis extra verū. ibid. Si professio est inualida ratione defectus ætatis legitima non obligat adhuc ut votum simplex. ibid. n. 28. Aetas pro Prælati requisita. c. 18. nu. 5. Pro Abbatissis seu Priorissis. c. 26. n. 3. Aetas pro Ordinibus suscipiendis. c. 14. n. 1.*
- Alienare bona Monasteriorum prohibittū est Regularibus sub excommunicatione, & alijs pœnis. c. 10. n. 1. Privilegijs abrogatis. ibid. n. 2. Contractuum irritatio. ibid. Accipere pecunias ad cambium etiam prohibitum. ibid. n. 3. Quæ sint bona alienari prohibita. ibid. n. 4. Casus, in quibus licitū est alienatio. ibid.*
- Ambientes, seu procurantes pro se, vel pro alijs Officia in Religiosis, graues pœnas incurrunt. c. 15. n. 24. Possunt tamen Religiosi procurare quoddam officia dentur dignis. ibid. Contra procurantes Officia, Gradus, &c. medijs fauoribus extraneorum. ibid. n. 27.*
- Annunciationis festo, si veniat triduo ante Pascha, an discenda Missa. c. 21. n. 18.*

I N D E X.

Antistes nominandus in Can. Misse quis sit. c. 21. n. 30.

Appellare à correctione Superiorum maxime prohibitum Religiosis. c. 9. n. 4. & 5. Nō solū ad Iudices Laicos, & non competentes, sed etiam ad alios. *ibid.* n. 6. In casu tamen notabilis, & evidētis iniuria licita est appellatio ad Iudices competentes. *ibid.* n. 7. Suspenditur executio. *ibid.* Oportet in appellatione causā grauaminis exprimere. *ibid.*

Apostata est, qui discedit à Conuentu, vel Religione animo nunquam reuertendi. c. 16. n. 12. Varias pœnas incurrit. *ibid.* & n. 13. Cooperantes ad Apostasiam non solū grauiter peccant, sed etiam tenentur ad damna inde sequuta. *ibid.* n. 14. Apostatas detinētes, occultantes, & c. sunt exco. municati. *ibid.* n. 15. Apprehēdi possūt, et debēt Apostata à Superioribus. *ibid.* n. 16. & 17. Imō ab Ordinarijs. *ibid.* Redcunt benignē sunt recipiēdi. *ibid.* n. 18. Quæ acquirunt in Apostasia pertinent ad Religionem, nisi, & c. *ibid.* nu. 20. Ipsorum bona post mortem veniunt ad Cameram Apostolicam. *ibid.* n. 21. *Vide verb.* Fugere, & Fugitiuus.

Approbatio Confessariorum Regularium in vno Episcopatu non sufficit pro alijs. c. 19. n. 4. Non est perpetua. num. 7. Potest ex rationabili causa restringi, et limitari. *ibid.* n. 8. Non expirat per mortē cōcedentis. *ibid.* n. 10. Nec requirit quidā detur in scriptis. Confessarij approbati ab ordinario nomine qui veniant. *ibi.* n. 19. Qui confiteatur non approbatus quæ pœna puniendus. *ibid.* n. 41. *Vide verb.* Confessarij Regulares,

& ver. Confessarij pro Religiosis. *Arma tenentes Monachi intra septa Monasterij sine licentia Abbatis sunt exco. municati.* c. 9. n. 17. Secus habentes illa extra Monasteria. *ibi.* Aut venientes ad Monasteria cum illis. *ibid.* In statu etiam Mediolanensi illa habere sub grauissimis pœnis est prohibitum. *ibid.*

Assumpti ex Religionibus ad Cardinalatum, Episcopatum, vel Abbatiam, manent veri Religiosi. c. 17. n. 1. Nec soluuntur à Votis Obedientie, Paupertatis, & Castitatis. n. 2. Votum Obedientie ipsorum est ad Papam. n. 3. Quæ acquirūt post assumptionē, Ecclesiis, quibus præficiuntur acquirunt. n. 5. Possunt disponere inter viuos de sui Episcopatus redditibus, sicut Episcopi seculares. n. 6. Non subiacent pœnis, aut censuris impositis in Religionibus. n. 7. Tenentur saltem secundū decentiam, & honestatem ad Obseruātiās Regulares, quæ nō impediunt munus, quod gerunt, & ad habendum socium sui Ordinis. n. 8. Habitum verò Religionis tenentur ex præcepto portare. n. 9. Confor. nem tamen in forma, seu figura habitui aliorum Episcoporum. *ibid.* Probabile est non teneri Votis alijs solemnibus præter tria essentialia. n. 10. Nec tenentur soluere Officiū Diuinum iuxta ritum suæ Religionis, sed suæ Ecclesiæ. n. 11. Acquirunt suis Ecclesiis. n. 12. Quid verò dicendum sit de Episcopis Titularibus. n. 13. Habentis ditiores supellestem peccant magis, quàm Episcopi non Regulares. n. 17. Gaudēt aliquibus.

bus Privilegijs sua Religionis. nu. 18. Dispensant secum in aliquibus casibus. n. 19. Reuertentes ad suam Religionem inhabiles sunt ad Officia. n. 21. Possunt transire ad strictiorem Religionem. c. 22. n. 28. Sed cum licentia Papae. ibid.

Assumpti ad Pralaturā alterius Religionis tenentur Votis solemnibus sui Ordinis. c. 17. n. 15. Regula, & Obseruantijs ipsius, quatenus non contradicunt muneri, quod gerunt. ibid. Vbi etiam de alijs ipsorum obligationibus.

Astrologorum, seu Diuinorum penna. c. 10. n. 27.

Attentio, seu Deuotio est necessaria ex precepto recitantijs Officium Diuinum. c. 12. n. 11. Vide verb. Officium Diuinum.

B

B *Alnea ingredi prohibitum est Religiosis. c. 9. n. 24. Ex necessitate tamen id licet. ibid.*

Banniti, decoctores, seu falliti non recipiendi à Regularibus. c. 10. n. 21.

Baptizare non licet Religiosis nisi in casu necessitatis, & de licentia Parochi. c. 9. n. 31.

Beguinas fouentes Religiosi sunt excommunicati. c. 9. n. 30.

Benedicere Ecclesiastica ornamenta, quae possint Regularium Pralati. c. 18. n. 57. An Ecclesias, seu Oratoria benedicere possint. ibid. n. 59.

Benedicere Mensam non est preceptum Religiosis iure communi. c. 9. n. 28. Id tamen omittere, peccatum est veniale. ibid.

Benedictio petenda est à superiore ante,

et post egressū à Monaster. c. 16. n. 6.

Beneficia vacant per Professionem

Religiosi. c. 2. n. 17. Non tamen

propter illam redditur incapax

Beneficiorum. ibid. De facto tamen

ad id requiritur Papa licentia.

ibid. & c. 16. n. 24. Reuertentes ta-

men ad Religionem Carmelita non

possunt in Capitulis Generalibus,

aut Prouincialibus admitti, aut ba-

bere aliquod Officium sine licentia

Generalis. ibid. Beneficium, quod

habet Nouitius non debet provide-

ri ante transactum Nouitiatum.

c. 24. n. 37.

Bigama an eligi possit in Abbatissam.

c. 26. n. 7.

Bona Religiosi, qui propter fraudem,

dolum, & cupiditatē Pralati emi-

sit Professionem, non pertinent ad

Monasterium, sed ad baredes. c. 2.

n. 19. Bona acquisita à Religiosis

particularibus, non ab ipsis, sed ab

Officialibus Monasteriorum debēt

recipi, possideri, & expēdi. c. 6. n. 25.

Bona acquisita à Religiosis ex illi-

cita negatione, aut contra Sacros

Canones post eorum mortem perti-

nent ad Cameram Apostolicam.

c. 10. n. 5. Qua sint talia bona. ibid.

Bona Regularium extra claustra

degentium possi ipsorum mortem

pertinent etiam ad Cameram Apo-

stolicam. c. 16. n. 31. Bona Religio-

rum assumptorum ex Religioni-

bas pertinet iure communi ad Ec-

clesias post ipsorum mortem. c. 17.

n. 12. Qua acquisierunt ante assump-

tionem pertinent ad Religionem.

ibid. n. 14. Bona stabilia prohibita

Regularibus etiam de licentia Su-

priorum. c. 6. d. n. 19. & c. 18. n. 71.

Bo-

I N D E X.

Bona incerta Nouitiorum. c. 24. n. 39. Bona Monialium derelicta. c. 25. n. 48.

Breuia Sacra Pœnitentiariæ aperire an possint Confessarij non graduati. c. 19. n. 38.

Bulla Cana Domini apud Confessarios retinenda. c. 19. n. 44.

C

C *Ampanam pulsare non possunt Regulares Sabbatho Sancto ante Cathedralē, vel Matricem Ecclesiam. c. 9. n. 45. Secus alijs diebus. ibid.*

Canonica portio Parochialis non soluitur à Religiosis. c. 3. n. 12. Nec hoc priuilegium abrogatur à Concil. Trid. nisi quoad ea Monasteria, quæ ante annos 40. soluebant. ibid. Et solum de illis, quæ afferuntur cum corpore defuncti. ibid.

Cappellani Religiosi etiam Sedis Apostolicæ manent subiecti eorum Superioribus. c. 17. n. 20. Cappellani Monialium. c. 25. n. 40. De quo debeant dicere Missam. ibid. n. 43.

Carcerem habere debent Monasteria Regularium. c. 9. n. 41. & tota Proincia. c. 23. n. 3.

Cardinales Religiosi. Vide verbo Assumpti ex Religiosis.

Carnes comedere feria 6. & Sabbatho, casu quæ Natalis Domini his diebus inciderit. prohibitum Regularibus. c. 7. n. 27. An verò oppositum facientes peccent contra ius commune, an solum contra Regulam. ibid. Carmelita autem carnes comedentes feria 4. aut Sabbatho, in quibus Natalis Domini occur-

rerit, non ideo perdunt priuilegium Bullæ Sabbathinæ. ibid.

Carthusiani laudabiliter à carnibus abstinent, etiam cum periculo vitæ. c. 8. num. 19. In casu tamen quo sit alius cibus quo uti possint. ibi. Non tamen tenentur tunc ab illis abstinere. ibid. Vide verbo Transitus Religiosi.

Castitas Religiosa irritat Matrimonium sequens, etsi consummetur. c. 5. n. 1. Qui post illam contrahit est irregularis. ibid. n. 2. Per eam tenetur Religiosus abstinere ab omni actu venereo, siue interno, siue externo. ibid. n. 3. & 6.

Ceremonialis, seu Ritualis obseruantia. c. 8. nu. 32. Quale peccatum sit transgressio illius. ibid. Specialiter de Ceremoniali Carmelitarum. ibid.

Cella unica Religioso assignanda, & quali supellectili. c. 18. n. 77. Etiam Superioribus. ibid.

Chirurgia artem cum incisione, vel aduisione non possunt exercere Religiosi. c. 9. n. 15. Etiam pietatis causa. ibidem. Id facientes secuta morte sunt in regulares. ibid. Exercere etiam prædictam artem sine incisione, & aduisione probabilius est non posse. ibid.

Choro assistere debent omnes. cap. 10. n. 20. In ipso psallere horas Canonicas tenentur Regulares. c. 12. n. 9. Ad Chorum deputatus potest transire ad Ordinem Laicorum. cap. 22. n. 25. Omnes, etiam Superiores, & Graduati tenentur Choro interesse. c. 18. n. 70. Cum quibus dispensari potest. ibid.

Clausura aliqua tenentur omnes Reli-

ligioſi. c. 16. n. 1. Conſiſtit in duobus, in non egrediendo è Monafterio ſine licentia, & in non apoſtatanao. ibid. Poſteſt Religioſus ex legitima licentia viuere extra clauſtra, reſtento habitu. ibid. n. 2. 3. Conceditur tamen ſolum à Sede Apoſtolica. ibidem. Etiã propter neceſſitatem parètũ. ibid. n. 25. Et propter obſequiũ alicuius loci, vel perſonę. ibid. n. 33. Qualiter prædictos poſſint corrigere & reuocare Prælati Religionũ, & quòd ſine ipſorum licentia non poſſint id munus habere. ibid.

Clamorofa inſinuatio quid ſit. c. 27. num. 6.

Comam nutrire an permiſſum Monialibus. c. 25. n. 50.

Comedijs, & ſimilibus ſpectaculis aſſiſtere nõ licet Religioſis, niſi quãdo ſunt de rebus honeſtis, & ſeclufis alijs prauis circũſtantijs. c. 10. n. 7.

Comparere in Iudicio nequeunt Religioſi ſine licentia Superiorum. c. 9. n. 11. Etiam pro iniuria ſibi illata in perſona, honore, &c. ibid. Secus quando Superior multũ diſtat, aut ſi agant contra Religionem in caſibus licitis. ibid.

Confeſſarij Regulares. c. 19. Requiritur pro illis præſentatio, & approbatio Episcoporum ad audiendas Confeſſiones ſecularium. ibid. n. 2. Nec ſufficit ad hoc conſenſus Parochi. ibid. Nec requiritur, ſi facultas conceſſa eſt independenter ab ipſo. ibid. In locis alienis poſſunt ſubditos Diaceſis, ubi ſũt approbati, audire, niſi illi mutauerint domicilium. ibid. n. 6. Approbati ab vno Episcopo poſſunt à Succeſſore iterum exannari, & approbari, non

tamen ab eodem. ibid. n. 7. Non poſſunt ſuſpendi ab audiendis Confeſſionibus niſi ex noua cauſa, eaque ad Confeſſiones pertinente, aut ob non ſeruatum interdictũ. ibidem n. 9. Nec poſſunt ſimul omnes Cõfeſſarij vnius Conuentus priuari. ibid. Aliqui etiam Cõfeſſarij Regulares poſſunt in Diaceſi ubi ſunt approbati audire Confeſſiones omnium ſecularium quarumcumque Diaceſum. ibid. n. 11. Audire tamen Confeſſiones aliorum Regularium non poſſunt niſi cum licentia. ibid. Si audiant Confeſſiones contra voluntatem ſuorum Superiorum peccant, licet validè abſoluant. ibidem n. 12. Publicè excommunicati, vel ſuſpenſi neque licitè, neque validè abſoluunt; occultati tamen validè. ibidem nu. 13. Abſoluunt ab omnibus non reſeruatis. ibid. nu. 14. Et omni excommunicatione minori. ibid. Et omni etiam maiori non reſeruata. ibid. Numquam tamen diſpenſant in irregularitate aliqua, niſi ad id habeant ſpeciale priuilegium. ibid. A caſibus, ſeu cenſuris Papæ, aut Sedi Apoſtolice reſeruatis poterant olim aliqui Confeſſores [R. regulares, propter ſpecialia priuilegia, abſoluere. ibid. 15. Nunc autem non ita, niſi extra Italiam, & in Vrbe. ibid. & n. 16. In Italia verò extra Vrbem limitata ſunt talia priuilegia. ibid. A caſibus autem in Bulla Cane Dom. cõtentis, nec intra, nec extra Italiam abſoluere poſſunt. ibid. & n. 17. Idem de caſibus Episcopolicis. ibid. Virtute Bullæ Cruciate, ubi viget, abſolvere poſſunt iuxta tenorem ipſius. ibi. n. 18.

I N D E X.

- n. 18. Sed non ab aliqua irregularitate, licet aliqui oppositū sentiāt. Ibid. Debēt etiam absoluerē Penitentes à casibus referuatis si id possunt, nisi sortē, &c. ibid. n. 21. An possint absoluerē Plenariē Religiosos sui Ordinis semel in vita. ibid. n. 27. An in articulo mortis. ibidem num. 28. Dubitans an sit idoneus ad audiendum Confessiones, Superioris præcepto excusatur, nisi certò sciat se indignum. ibid. n. 30. Qui in Domibus laicorum Confessiones audiunt, Parochum admonere tenentur, & relinquere fidem pro medico. ibid. n. 31. & 32. Non possunt audire Confessiones in aedibus alienis, nisi, &c. ibid. n. 32. Qualiter id faciendum. ibid. Confessarij delinquentes in Confessione qualiter, & à quibus puniendi. ibid. n. 33, 34. & 35. Confessarij secretum detegentes qua pena puniendi. c. 19. num. 42.*
- Confessarij pro Religiosis à Prælati designandi. c. 18. n. 29. & c. 19. n. 36. Quo numero designandi. ibid. Quid de Casibus referuatis. ibid. & n. 37. Non requiritur pro illis approbatio Episcoporum. c. 18. n. 27.*
- Confessarij Monialium. cap. 25. n. 40. An absoluant à referuatis. nu. 42. A quo approbandi, & quomodo, & etiam amouendi. ibid. n. 45. & 46.*
- Confessione in principio Missæ nihil addendum. c. 21. n. 33.*
- Confirmator Electionum. Vide verb. Electiones.*
- Confiteri semel in Mense creditur esse obligationem Monachorum. c. 9. num. 22.*
- Concionatores Regulares nequeunt prædicare sine licentia suorum Superiorum. c. 20. n. 1. Ad prædicandum in Ecclesijs, quæ suorum Ordinum sunt, requiritur etiam benedictio Ordinarij; ad prædicandum verò extra suas Ecclesias ulterius exigitur illius licentia. ibid. n. 2. An si in hoc deficiant, puniendi sint ab Episcopis. nu. 3. An aliquando sufficiat licentia Parochi. n. 4. Licitum est etiam prædicare in plateis, & locis publicis. ibi. n. 5. Etiam sine licentia Episcopi, dummodo non contradicat. ibid. Etiam prædicante Episcopo, & non contradicente. ibid. n. 6. An semel præsentati, & approbati possint iterum ad id compelli. ibid. nu. 7. Prædicantes errores, aut scandala quomodo puniendi. ibid. n. 9. A quibus abstinere debeant in Concionibus. ibid. n. 10. Quomodo concionandum. ibidem. n. 11. Qualiter de Conceptione B. V. ibid. n. 12. Qualiter de Priuilegio Scapularis B. V. M. de Monte Carmelo. ibid. n. 13. Concionantes in peccato qualiter peccent. c. 20. n. 15. Qualiter possint, aut non commendare pauperes, prædicare Indulgentias, miracula, & de quibus Euangelij prædicandum. num. 17.*
- Concionatores Monialium. cap. 25. num. 40.*
- Conseruatores Indices eligere possunt Religiosi, cum certis tamen conditionibus. c. 3. n. 11.*
- Consecrare Calices, aut Patenas non possunt Prælati Regulares. cap. 18. n. 58. An Altaria, vel Ecclesias. ibi. num. 59.*
- Constitutiones Religionum comparatur*

tur cum Regula, sicut in naturalibus forma accidentales cum substantiali. cap. 8. num. 1. Differunt à Regula, & in quo differant. ibidem nu. 2. Possunt obligare ad culpam. ibid. n. 3. Constitutiones Generales regulariter solum à Generali cum Capitulo Generali fieri possunt. ibid. Vt obligent in conscientia debent esse de rebus concernentibus explicitè, vel implicitè Regulam. ibid. nu. 4. 5. & 7. Obligatio obseruandi illas aliquando est sub mortali, aliquando sub veniali, aliquando sub nulla culpa, sed solum sub pœna. ibid. nu. 8. Quando sunt de rebus alijs iure Diuino, vel naturali præceptis, aut prohibitis, transgressio illarum erit, qualis fuerit transgressio talium præceptorum. ibid. n. 9. Quando fuerint de rebus directè spectantibus ad Vota essentialia Religionis illarum transgressio erit mortalis, nisi paruitas materia solum inducat veniale. ibid. Etiam quando obligant solum ad pœnam possunt dici obligare indirectè ad culpam. ibid. n. 10. Quando ponuntur in virtute Sanctæ Obedientie, sub pœna Excommunicationis, vel simili modo obligant ad mortale. ibid. num. 11: 13. 14. & 15. Nisi res quæ præcipitur, aut prohibetur sit euidenter leuis. ibid. nu. 12. & 13. Similiter quando ponuntur sub pœna mortis, mutilationis membri, trirremium, carceris perpetui, & similia, credendum est transgressionem esse mortalem. ibid. num. 16. Consuetudo transgrediendi illas, quæ non obligant ad mortale ex se

non est peccatum mortale. ibidem n. 18. Per accidens tamen potest esse mortale. ibid. Constitutiones non obligant, quando sunt impeditiua charitatis. ibid. num. 19. Nec cum metu, aut probabili periculo mortis. ibid. Nec quando obseruantia earum repugnat bono communi. ibid. num. 20. Constitutiones auctoritate Papæ confirmatæ nequeunt mutari à Religionibus, nisi quando. &c. ibid. num. 22. Ad hoc quod obligent, requiritur ipsarum promulgatio. ibid. num. 27. Obligantur etiam supremi Superiores Religionum ad illas. cap. 18. num. 11. Etiam quoad vim coactiuam. ibid. Consuetudo legitime præscripta, & cum debitis circumstantijs habet vim legis, & potest abrogare contrariam. c. 8. n. 24. Confraternitates Religionum quomodo, & quibus conditionibus instituendæ cap. 18. num. 88. Gratia, seu Indulgentia ipsis concessa. ibidem num. 89. Cōfratres qualiter absoluedi à Confessarijs. cap. 19. num. 20. Contemptus quid sit. cap. 8. num. 17. Non consistit in malitia, indignatione, praua consuetudine, &c. ibid. Sed in eò quod quis violet legem, aut præceptum quia non vult subiici ipsi, aut Superiori. ibid. Transgredi quamcumque legem, aut præceptum ex contemptu est peccatum mortale. ibid. Corrigere subditos pertinet ad Prælatos. c. 18. num. 15. Id omittentes facillè peccant mortaliter. ibid. Quandoque etiam si peccata subditorum solum sint venialia. ibid. Hæc correctio

I N D E X.

reſſio maximè faciendâ tempore
viſitationis. c. 27. n. 1.
Credo quando dicendum in Miſſis
votiis. c. 21. n. 27.
Criminoſi ad Eccleſias Regularium
conſuſcentes, qui tradendi, vel non,
Curie ſeculari. c. 18. n. 83.
Curati Regulares tenentur intereſſe
cum alijs Curatis Congregationi
caſuum conſcientiæ. c. 19. n. 44.
Curias Principum adire prohibitum
Monachis, aut Canoniciſ Regulari-
bus abſque licentia ſuorum Superi-
riorum. c. 9. n. 33. Imò, ſi ut infe-
rant damnum ſuis Prælatiſ excõ-
municationem incurrunt. *ibid.* Se-
cus ſi animo nocendi priuato Reli-
gioſo, aut alijs alterius Ordiniſ. *ibid.*

D

D Amnati ad triremes. c. 16. n. 32.
Dantes, ſiue accipientes ex pa-
ſto pecunias, epulas, &c. pro in-
greſſu Monafterij ſunt excommu-
nicati. c. 9. nu. 37. *Vide verbo Si-*
monia.
Debita contracta à Nouitijs ante pro-
feſſionem an ſoluenda à Monaſte-
rio. c. 24. n. 38. Debita perſoniſ in-
certiſ quibuſ ſoluenda. *ibid.* n. 39.
Debita contracta à Profeſſo ex li-
centia Superiorum debent ſolui
à Monaſterio. c. 2. n. 18. Idem dico ſi
fuerunt ipſi vtilia. *ibid.* Oritur verò
ex delicto Religioſi non debent ſolui
à Monaſterio, niſi in illud conſen-
ſerit, vel inde aliquod emolumentum
habuerit. *ibid.*
Decimarum ſolutio. c. 3. n. 15. Religio-
ſi illaſ uſurpanteſ ſunt excommu-
nicati. c. 9. n. 33. Et, ſi ab illiſ ſol-

uendiſ alioſ retrabant. *ibid.* n. 26.
Et, ſi ſcienter conſentientibuſ conſciẽ-
tiam non faciunt de ipſiſ ſoluendiſ,
ſuſpenduntur. *ibid.*
Decreta de Celebr. Miſſar. & de Apo-
ſtatiſ, & Eccl̃iſ debent legi à Regu-
laribuſ ſaltẽ biſ in anno. c. 10. n. 25.
Defunctorum corpora quomodo eſſe-
renda, aut leuanda à Regularibuſ.
c. 10. n. 18.
Delegare poſſunt Prælati Regulares
aliquaſ facultateſ ſibi conceſſaſ in
priuilegijs Pontificum, niſi oppoſi-
tum in illiſ, aut alibi declaretur.
c. 18. n. 4.
Delinquenſ extra Clauſtra Religio-
ſuſ, Ep̃iſcopo inſtante, à ſuo Superi-
ore punitur. c. 16. n. 26. Qualiter
hoc faciendum ex Decreto Clem.
VIII. *ibid.* Quid circa hoc permit-
tatur Ep̃iſcopo. *ibid.* n. 27.
Dementia, quæ omnino mentem pri-
uat profeſſionem irritat. c. 2. n. 24.
Denunciatione quando procedit iudex
Regulariſ. c. 27. n. 1. Eſt duplex,
alia Euangelica, alia iuridica. *ibid.*
Quid ſit utraque. *ibid.* Quomodo in
illa procedendum. *ibid.* n. 19. Ad il-
lam non prærequiritur infamia.
ibid. Non ſemper admittenda. *ibid.*
n. 21. Quid in illa faciendũ. *ibi.* n. 26.
Denunciator culpam deferre debet ad
Superiorem. c. 27. n. 19. Præmiſſa
correptione fraternâ. *ibid.* Et priuſ
ad ipſum ut Patrem, quàm ut lu-
dicem, ſi ſperatur remedium. *ibid.*
An teneatur probare delictum. *ibid.*
Differentia inter ipſum, & Accu-
ſatorem. *ibid.* *Vide verb.* Accuſator.
Depoſita habere an liceat Religioſiſ.
c. 6. n. 23.
Deſcendenteſ ex genere infecto Hebreo-
rum,

I N D E X.

rum, Sarracenorum, &c. possunt de iure communi admitti in Religionibus c. 24. n. 25.

Dies festi ab Episcopo designati servantur à Regularibus. c. 9. n. 46. *Qualiter id faciendum.* ibid.

Dispensare possunt Prælati in Regule Observantijs. c. 7. nu. 29. & c. 18. n. 54. *Ad hoc requiritur iusta causa.* c. 7. n. 29. *Etiam in Constitutionibus quoad aliquos casus.* c. 8. n. 23. & c. 18. n. 54. *Aliqui etiam Prælati dispensare possunt in irregularitatibus quibusdam.* c. 18. n. 40. *Quæ in hoc consideranda.* ibid. n. 41. & 42. *Et in aliquibus poenis privationis, inhabilitatis, &c.* ibid. 46. *Quid de præceptis Ecclesiasticis.* ibid. n. 55. *An cum illegitimis.* ibid. à n. 60. *Vide verbo Prælati.*

Dispensare an possint Cōfessarij Regulares in votis secularium. c. 19. nu. 22. & 24. *Aut cum coniugibus incestuosus ad petitionem debiti.* n. 25. & 26. *Vide verb. Confessarij Regulares.*

Dominium quid sit. c. 6. n. 2. *Eo privatur Religiosus per paupertatē.* ibid. *Non bonorum spiritualium, sed temporalium* ibid. n. 4. *Neque iurū spiritualium, aut quarumdam rerū pretio non estimabilium.* ibid. *Neque bonorum temporalium in communi.* ibid. n. 5.

Donare an possint Religiosi. c. 6. à nu. 46. *Quales, & quomodo, donationes possunt facere Novitij.* c. 24. à n. 32.

E

E *Brisorum pœna.* c. 9. n. 38. *Ecclesia Regularis, qua visitari*

possint ab Episcopis. c. 11. n. 7. *Quid in illis possint Regulares ipsi.* c. 12. n. 41. *Quæ in illis non permittenda.* c. 21. n. 34.

Egrediens Religiosus è Monasterio sine licentia Superioris graviter peccat. c. 16. nu. 2. *Sapius mortaliter.* ibid. *Maximè egressu nocturno.* ibid. n. 3. *Non sufficit licentia generalis.* ibid. nu. 5. *Requiritur regulariter explicita, licet in aliquibus casibus sufficiat implicita.* ibid. n. 4. *Propter talem recessum non est iure communi imposita censura.* ibid. n. 11. *Vide verb. Apostata, & verb. Fugitivus.*

Eijci, seu expelli possunt ob incorrigibilitatem ab Ordine. c. 23. n. 1. *Qui censeantur incorrigibiles.* ibid. n. 2. & 3. *A quo ejciendi.* ibid. n. 3. & 5. *Solum propter incorrigibilitatem.* ibid. n. 4. *Aliter eiekti compellere possunt Monasterium ad receptionem.* ibid. n. 6. *A Prælati querendi.* ibid. n. 7. *Subsunt Ordinarijs.* ibid. n. 8. *Sunt perpetuò suspensi.* ibid. *Plenè correcti cogere possunt Religionem ad sui receptionem.* ibid. nu. 9. *Non tenentur redeuntes facere novam Professionem.* ibid. *Tempore, quo manent eiekti non possunt ad aequalē, seu laxiorem Religionem transire sine licentia Superiorum.* ibid. n. 10. *Manent verè Religiosi, & cum onere trium votorum.* ibid. n. 11. 12. & 14. *Non tenentur transire ad aliā Religionem.* ibid. n. 13. *Nec possunt testari.* n. 14. *Nec facere superfluas expensas, aut magnas donationes.* ibid. *Acquirūt Religioni unde sunt eiekti.* ibid. n. 15. *Bona ipsorum post mortem ad quos pertinent.*

I N D E X.

neant. *ibid.* n. 16. An teneantur ad observantias Regulares, & alia vota ultra essentialia. *ibid.* n. 17. Quid de Habitu, & Officio Divino recitando. *ibid.* Non possunt Confessiones audire, predicare, aut docere. *ibid.* n. 18. An sint infames, & irregulares. *ibid.* Non tenetur Religio providere illis de necessarijs. *ibid.* n. 19. Litera dimissoria quomodo illis concedenda. *ibid.* n. 20. Moniales expelli an possint. c. 25. n. 17.

Electores. Vide verbo Electiones.

Electiones Prælatorum Regularium ad Regulares ipsos spectant respectu. c. 15. nu. 1. Eligentes Prælatum debent esse Professi. *ibid.* nu. 2. Sufficit Professio tacita. *ibid.* Conuersi, siue Laici de iure communi non habent vocem in electionibus. *ibid.* n. 3. Nec qui non sunt constituti in Sacris Ordinibus. *ibid.* n. 4. Debent electores liberi esse à censura, priuatione, seu impedimento Canonico. *ibid.* n. 5. Quando est dubium, quod aliqui ex electoribus habeant impedimentum, possunt admitti cū protestatione talis dubij. *ibid.* nu. 7. Vocandi sunt ad electiones præsentēs, & absentes, qui possunt, debent, & volunt interesse. *ibid.* n. 8. Absens de iure communi potest creare procuratorem ad eligendum. *ibid.* n. 9. Sufficit maior pars ad electionem. *ibid.* n. 10. Hac verò maior pars sumenda est respectu totius corporis Capituli. *ibid.* Electiones factæ per modum scrutinij, compromissi, & inspirationis sunt iure cōmuni validae. *ibid.* n. 11. Debet eligi dignior sub reatu peccati mortalis. *ibid.* nu. 12. In foro tamen exteriori sufficit

electio digni. *ibid.* Debent Electores iurare se electuros digniorem. *ibid.* n. 13. Eligentes indignum non solum peccant mortaliter, sed incidunt in censuram suspensionis. *ibid.* n. 14. Intelligitur de indigno, qui alia scientia, quam per Sacramentalem Confessionem cognoscitur talis. *ibid.* In nullo casu licet eligere indignum. *ibid.* Nec peccatorem publicum. *ibid.* n. 15. Bene tamen peccatorem occultum. *ibid.* Electio Canonica facienda in loco sacro. *ibid.* n. 19. Et de die, nisi consuetudinis, seu necessitatis ratione. *ibid.* Omnes capitulares nemine disceptante possunt admittere ad eligendum vñd cum eis aliquem extraneum. *ibid.* n. 20. In quacunque electione necessaria est confirmatio Superioris. *ibid.* n. 35. Confirmanda est à proximo Superiori. *ibid.* n. 36. Qualiter se debeat gerere tam electus, quàm Confirmator. *ibid.* Eligentes aliquem unanimiti consensu ad aliquod Officium non possunt se postea electioni opponere. *ibid.* n. 37. Vide verbo Prælati, & verbo Simonia.

Electionibus Præposituræ Monialium quis assistere, aut præsidere debeat. c. 25. n. 45. & 46. Vide verbo Moniales.

Eleemosinas à Pœnitentibus liberaliter datas Confessarijs licet accipere. c. 19. nu. 39. Iniungere autem eleemosinas pro Pœnitentia, non ita. *ibid.*

Elias, & Eliseus Monasticæ amplectati. c. 1. n. 2.

Episcopi sunt Prælati Religiosorum, & Monialium non exemptorum,

& ita illis tenentur obedire. c. 11.
 n. 1. Secus de Religiosis exemptis.
 ibid. n. 2. Nō obstante tamen exem-
 ptione tenentur Religiosi reuereri,
 & honorare Episcopos. ibid. nu. 3.
 Non possunt particulares Religiosi
 renuntiare huic Priuilegio. ibi. n. 5.
 Possunt ab illis absolui, & dispēsa-
 ri quoad censuras, & irregularita-
 tes Episcopis referuatas. ibid. nu. 6.
 Possunt etiam Episcopi visitare Ec-
 clesias Parochiales Regularium.
 ibid. n. 7. Punire Regularē extra
 Monasterium degentem. ibid. nu. 8.
 Et iudicare illum in ciuilibus cau-
 sis mercedum, & miserabilium per-
 sonarum. ibid. n. 10. Cogere Abbates
 ad habendum lectionem S. Scriptu-
 rae, ubi commodē haberi potest. ibid.
 n. 11. Procedere per censuras con-
 tra Religiosos dantes, vel accipien-
 tes aliquid pro ingressu Nouitio-
 rum. ibid. n. 12. Non tamen possunt
 per censuras procedere contra Re-
 gulares, nisi in casibus, in quibus
 hoc illis conceditur. ibid. n. 14. Ne-
 que declarare excommunicatum.
 Religiosum, nisi hoc illis sit speciali-
 ter cōcessum. ibid. n. 15. Neque coge-
 re ut assistant Synodis Diœcesanis,
 nisi Regulares curam animarum
 habentes. ibid. n. 20. Possunt tamen
 coniugem inualidē professum de Mo-
 nasterio extrahere. ibid. n. 22. Ab-
 soluunt Regulares quando illos or-
 dinant à censuris. c. 14. n. 22. Non
 possunt admitti ad Religionem sine
 licentia Papæ. c. 24. n. 11. Vide ver-
 bo Assumpti ex Religionibus.
 Episcopatus est status perfectior Mo-
 nachismo. c. 1. n. 1. & c. 17. n. 22. Sed
 non propterea licitē desideratur

(regulariter loquendo) à Religioso.
 ibid. Episcopatu indignus illum ap-
 petens grauissimē peccat. ibid. Qui
 propter finem bonum, & spiritua-
 lem. etiā peccat, & sapē mortaliter.
 ibid. In casu tamen necessitatis Ec-
 clesia licitē desideratur Episcopatus
 à dignis. ibid.

Eucharistia Sacramentū ministrare
 sine Parochi licētia prohibitū est Re-
 ligiosis sub excommunicationis pœna.
 c. 9. n. 31. Benē tamen ex Priuilegio,
 excepto die Paschatis. c. 21. n. 3. Qua-
 liter hoc intelligendum. ibid.

Euntes Religiosi extra mare sine licē-
 tia Superiorum ad partes, in quibus
 pauci fideles reperiuntur, sunt ex-
 communicati. c. 9. n. 32.

Examinatores pro Prædicatoribus,
 Confessoribus, & Lectoribus quādo
 eligendi. c. 10. n. 20. & c. 18. n. 79.

Extremam Vñctionem ministrare si-
 ne Parochi licentia prohibitum est
 Religiosis sub pœna excommunica-
 tionis. c. 9. n. 31. & c. 21. n. 10.

F

F Abulas, facetias, aut simile prædi-
 cantes regulariter peccant saltem
 venialiter. c. 20. n. 16.

Familiars Regularium. c. 21. n. 10.

Feria quinta, & sexta Maioris Heb-
 domada an celebrari possit. c. 21. n. 18.

Fidei iussores nequēt esse Religiosi, nisi
 de licentia Prælati, & maioris par-
 tis Capituli. c. 9. n. 18. Et cū utilita-
 te Monasterij. ibid. Vnde fidei iussio
 Religiosi illicita, & nulla est. ibid.

Filij an possint ingredi Religionē Pa-
 rentibus in extrema, aut graui ne-
 cessitate existētib. c. 24. n. 40. Quid
 possint facere iam Profess. ibid.

Fæ.

I N D E X.

Fœmina non possunt permitti ingredi Monasteria virorum sub multis pœnis c. 10. n. 9. & 13. Puella tamen paruula permitti possunt. ibid. n. 10. Imperatrices etiam, & Regina. ibid. Secus de Fundatricibus Monasteriorum dici debet. Ibid. Causa etiam infirmitatis solum per fœminam curanda potest admitti. ibid. Nomine Monasterij, in quod fœminis ingressus interdicitur, intelliguntur ea, quæ sunt intra septa Monasterij. c. 10. n. 11. Nō pradia, domus, horti, aut alia separata à Monasterijs. ibid. Secus verò horti, & viridaria, quæ sunt in ipso Monasterio. ibid. Licitus etiam est ingressus illarum in claustra quorūdam Religiosorum, quando in eis celebrantur Missæ, & alia Officia diuina. ibid. n. 12.

Formula, qua formandi sunt processus Regularium. c. 27. n. 27.

Fornicantium poena. c. 5. n. 16.

Foro conscientia, quid intelligatur in Priuilegijs. c. 18. n. 45.

Fugere licitè potest Religiosus ex Conuentu, si cerè constat illum iniuste vexari à Superiore. c. 16. n. 8. Secus si in poenam alicuius delicti detinetur in carcere. ibid. n. 9. Etiam perpetuo. ibid. n. 10. Nisi quando constaret poenam illam esse iniustam. ibid. n. 9. Aut si poena capitis, aut abscissionis membri illi immineret. ibid. Damnatus etiam ad triremes potest fugere ad Superiorem veniā petiturus. ibid. n. 10.

Fugitiuus dicitur ille Religiosus, qui egreditur à Monasterio sine licentia cum animo reuertendi. c. 16. n. 7. Etiam si hoc faciat sine habitu. ibid.

Fur Religiosus perpetuo dēponitur. c. 9. n. 43. Non tamen propterea ejicitur bis tēporibus à Religione. ibid. Furiosi nō admittendi ad Religionem. c. 24. n. 18. Qui tales sint cōfendi. ibi. Futurorum enunciatio prohibita Cōcionatoribus. c. 20. n. 10. Maxime de aduētū Antichristi, & die iudicij. ibi.

G

G Abellas, aut similes contributiones non soluunt Mendicantes. c. 3. n. 14.

Generales Religionum tenentur ex vi Obedientia obedire Papæ. c. 4. n. 33. Eo ipso quo sunt electi, sunt confirmati, saltem in aliquibus Religionibus. c. 15. n. 35. An possint eximere aliquem Religiosum ab Obedientia Superioris immediati. c. 18. n. 23. Non possunt fundare, erigere, seu diuidere Prouincias. ibid. n. 24. Vide verb. Prælati.

Gloria in excelsis quando dicenda, vel non in Missis votiujs. c. 21. n. 27.

Gradus Doctoratus maxime cōcedendi studentibus linguarū. c. 18. n. 84.

Graduati etiam in Theologia, vel Lectores debent ab Episcopis approbationem obtinere ad audiendas Confessiones. c. 19. n. 6. Tenentur sequi Chorum. c. 18. n. 70. Graduati an debeant esse Confessores, ut aperiant Breuia S. Penitentiaria. c. 19. n. 38.

Grangia Monasteriorum an possint habere Oratoria, ubi Missa celebratur. c. 21. n. 35.

Gratie, & Indulgentia S. Mariae de Populo de Vrbe quomodo predicanda. c. 20. n. 9.

Gratuati debitis, & ratiocinijs nō possunt recipi ad Religionem. c. 24. n. 17.

D d 3 Habi-

H

Habitum proprium temerè dimittētes Religiosi sunt excommunicati. c.9. n.1. & c.13. n.2. Cōprebēdit hac excommunicatio etiam modernos Religiosos. c.13. n.2. Non comprehendit illos, qui iusta, & honesta causa illum dimittunt. ibid. Nec qui ex ignorantia id facerent. ibid. Incurritur tamen etiam si fiat animo non apostatandi. ibid. nu.3. Et etiam si fiat solum per aliquod tempus non multum breue. ibid. nu.4. Etiam intra Monasterium. ibid. n.5. Incurritur quoque ab illo qui Habitum suae Religionis dimittit, & alterius Ordinis induit, nisi ex causa rationabili. ibid. n.6. Etiam in lecto tenetur Religiosus Habitum suae Religionis portare. ibid. n.7. Quātum verò peccatum sit oppositum. ibid. Occultans etiam Habitum, ita ut nullo modo appareat, absque rationabili causa incurrit etiam excommunicationem, ut probabilius. ibid. nu.8. Potest tamen à Papa dispensari Religiosus in Habitibus dimissione. ibid. nu.9. Mutare Habitum Religiosum in secularem ferriò prohibitum etiam est Regularibus. ibid. n.10. Ludi causa id facere non erit peccatum, praesertim mortal. ibid. Quid de mutatione, aut occultatione non totius Habitibus, sed partis ipsius sit dicendum. ibid. n.11. Contra eos, qui Habitum Carmelitarum, vel similem portant possunt procedere Diocesani. ibid. num.12.

Heredes possunt insitui Religiosi.

c.6. n.45. Prater Minores de obseruantia, & Cappuccinos. ibid.

Heresis casum antiquitus iudicabant Carmelitarum Pralati. c.18. n.18. Modò post Paul. V. non ita. ibid. De Heresi suspecti denunciantur Inquisitoribus. ibid. Denunciantes nō possunt à Superioribus molestari. ibidem.

Hermaphroditi professio, si in eo praeualeat viri sexus, in Monasterio virorum, si foemineus, in Monasterio Monialium, valida est. cap.2. num.10. Si uterque sexus aequalis sit, nullibi valide proficitur. ibid.

Homicida Religiosi poena. c.9. n.44.

Homicidij dispensatio. c.18. num.43. & 44.

Hora Canonica. Vide verb. Officium Diuinum.

Hospites Religiosi an obligentur legibus, seu praeceptis Monasteriorū ubi sunt. c.4. nu.22. Quibus debeant confiteri. c.18. n.27.

I

IAnitor in Monasterijs constitutus. c.16. n.6. Quod eius munus. ibid.

Iaponium, & Regiones propinquas accedere prohibitum fuit Religiosis, exceptis Iesuitis. c.16. n.28. Modò cōcessum à Clem. VIII. ibid. Qualiter in hoc se gerere debeant. ibid.

Ieiunia Regulae, & Constitutionum Ordinum obligant etiam iuuenes ante 21. ann. c.7. n.26.

Legitimi an possint esse Pralati. c.15. n.25 & 38. & c.18. nu.7. & 8. An cum eis dispensent Superiores Religionum. c.18. n.60. 61. 62. & 63.

Quan-

I N D E X.

- Quando censentur dispensati. ibid. n.61. & 63. Officia, ad quæ illegitimi non sunt capaces sine dispensatione. ibid. n.62. An illegitima eligi possit in Abbatissam, seu Priorissam. c.26. n.6.*
- Immunitates concessæ Religiosis possunt à Prælati coarctari. c.8. n.28.*
- Impedientes vi, vel fraude quòd aliquis non fiat Religiosus, aut quòd Novitius non profiteatur, ad quid teneatur. c.24. n.28.*
- Imprimi prohibitum in materia de Auxilijs. c.10. n.24.*
- Indiarum ad partes missi Religiosi nõ possunt in itinere commorari, vel ad loca eis non destinata declinare. c.16. n.29.*
- Indicia quæ sint, aut quæ sufficiant ad inquisitionem faciendam contra Religiosum. c.27. à n.6.*
- Inducere aliquem ad Religionem, quando licitum, & quando illicitum. c.24. n.29.*
- Indulgentia Regularium limitata sunt à Paul. V. c.3. nu.19. Non tamen videntur reuocata, quæ erant concessa pro defunctis. ibid. Indulgentias concessas ab Episcopis lucrari possunt Religiosi. c.11. nu.23. Qualiter illas prædicare possint, aut debeant Concionatores. cap.21. num.17.*
- Infamia quid sit. c.27. nu.6. Infamia præcedere debet de delicto, ut Prælati possit de illo interrogare. c.18. n.17. & c.27. à n.6.*
- Infames infamia iuris, vel facti non possunt admitti ad munus concionandi. c.20. n.14.*
- Inferiores à suis Prælati grauati possunt licite ad Superiores recurrere. c.4. n.34. Possunt etiam, & aliquando debent suos Superiores corrigere. ibid. n.36. Ligantur præceptis Superiorum etiam absentes à locis ubi sunt. ibid. n.37.*
- Ingressus in Monasteria Monialium. Vide verb. Moniales.*
- Ingredi in Monasteria Fratrum. Vide verb. Fœminæ.*
- Inquisitione quando procedit Iudex Regularis. c.27. n.1. Inquisitio duplex, generalis, & specialis. ibid. Quid utraque inquisitio. ibid.*
- Inquisitionis generalis modus procedendi. c.27. n.1. Ea proceditur in visitationibus Regularium. ibid. n.2. Non requiritur ad illam, quòd præcedat infamia de delicto aliquo. ibid. Nec in illa, iure communi, petitur iuramentum. ibid. In illa non sunt interroganda, aut manifestanda delicta occulta. ibid. Nisi Prælato ut Patri. ibid. Semper præmittenda correctio fraterna, si sit spes emendæ, & opportunitas. ibid. In illa non debent denunciari peccata iam emendata. ibid. Neque quæ aliquis audiuit à persona non fide digna. ibid. Denunciari tamen debent defectus Religiosorum, saltem denunciatione paterna. ibid. num.3. Et etiam Iuridica, si prior iudicatur inutilis, ac suppetunt testes idonei, quibus probentur. ibid. Qualiter Prælati in ea se gerere debeant. ibid.*
- Inquisitione speciali procedit Iudex Regularis. Primò, quando ex inquisitione generali, seu visitatione constat illi crimen aliquod ab aliquo Religioso esse commissum. c.27. n.4. Secundò, quando delictum est*

notorium, malefactor autem occultus. *ibid.* n. 5. Requiritur etiam regulariter ad inquisitionem specialem, præcedat infamia, clamorosa insinuatio, indicia gratia, aut semiplena probatio. n. 6. 7. & 8. Qualiter hoc etiam intelligi debeat in criminibus atrocioribus. n. 9. Nō verò est hoc necessarium in inquisitione, quæ non est ad punitionem, sed ob alios fines. *ibid.* n. 10. Praxis inquisitionis specialis. *ibid.* n. 11.

Interdicti tempore sepelire cadauera defunctorū extrā casus iure permisos, aut publicos excōmunicatos, aut nominatim interdictos, aut manifestos usurarios, prohibitum est Religiosis, sub poena excōmunicationis. c. 9. n. 29. Tenentur Religiosi quacūque interdicta seruare. *ibid.* Etia si valida non sint, quando ea obseruat Matrix Ecclesia. *ibid.* Qualiter verò tēpore interdicti, aut cessationis à diuinis possint, aut nō, Officia, & Missæ celebrare. c. 21. n. 19. & 20.

Interpretari Decreta Conc. Trid. & Summ. Pontif. circa paupertatem, Religiosorum ad quos pertineat. c. 18. n. 76.

Irregularitates an dispensentur à Prælatis Regularium. c. 18. à n. 40.

Itinerantes Religiosi cui possint confiteri. c. 18. n. 27.

Iubilæa quid intelligant nomine Consecrarij approbati ab Ordinario. c. 19. n. 19. An possit virtute Iubilæi approbatus pro viris eligi à femina. *ibid.* Dismissio in irregularitatibus non conceditur in Iubilæis, nisi exprimatur. *ibid.*

Iudices, etiam arbitri, nequeunt esse Religiosi, nisi cum licentia Superio-

rum, & utilitate Monasterij. c. 9. n. 14. Possunt tamen esse Assessores. *ibid.* Episcoporum etiam Vicarij, salutem de iure communi. *ibid.*

Iudex Regularis quomodo procedere debeat. c. 27. per totum. Triplici via, scilicet accusationis, denunciacionis, & inquisitionis procedere potest. *ibid.* n. 1. Inquisitione generali quomodo procedendum. *ibid.* n. 1. 2. & 3. Inquisitione speciali quomodo. à n. 4. usque ad 11. Denunciacione quomodo. à n. 19. usque ad 21. Accusatione. à n. 22. Non potest cogere testes, ut dicant quod nesciunt. *ibid.* n. 11. Imò monendi ab ipso de modo dicendi veritatem. *ibid.* Non potest reum de vno crimine conuictum de alio interrogare. *ibid.* n. 12. Sumpta confessione à reo quid facere debeat. *ibid.* n. 13. Si delictum non est penè probatum, nec reus illum confiteatur, quid facere debeat. *ibid.* n. 16. An possit torquere reum. *ibid.* Quando, & quibus præmissis proferre sententiam. *ibid.* n. 18. Quid agere facta denunciacione. *ibid.* n. 21. Non tenetur apices, & rimulas iuris seruare. c. 18. n. 16. & c. 27. n. 26.

Iuramenta Regularium, an tolli possint à Prælati ipsorum. c. 18. n. 53.

Iuris apicibus postpositis procedere possunt Prælati Regulares contra suos subditos. c. 18. n. 16. Qui sint huiusmodi apices Iuris. *ibid.*

Iurisdictionis Ecclesiasticæ non sunt capaces foeminae. c. 26. à n. 8. Nec etiam Prepositæ, aut Præfæctæ Monialium. *ibid.* Vnde quando exercent aliquos actus Iurisdictionem sapientes solum designant materiã, vel aliquid huiusmodi. *ibid.* n. 1.

Labo-

L

Laborare, quod præcipitur in Regulis, nisi explicetur de labore manuum, sufficiens impletur laborando alijs exercitijs. c.7. nu. 23. Laborare manibus non est iure naturali, aut diuino præceptum Religiosis. *ibid.* Laborare autem aliquo genere laboris respectiue ad personas adeò necessarium est Religiosis, ut quidam dicant peccare mortaliter id ommittentes. *ibid.* n. 23. Quaaliter hoc sit intelligendum. *ibid.*

Leſſio Sacra Scriptura, vel de Casibus Conſcientia bis in hebdomada habenda à Regularibus. c.10. n.20. Vide verb. S. Scriptur.

Legatum Monachis relictum quomodo accipiendum, ut non derogetur Voto Paupertatis. c.6. n. 34. Legata commutare an liceat. c.18. n.94.

Leges condere in Religione iure communi ſolum ſpeſtat ad Generale Capitulum. c.18. n.90. An autem ex conſuetudine, vel Priuilegio id cõpetat Generalibus, maxime Carmelitarum. *ibid.* Casu quo id faciant debet eſſe cum conſilio illis aſſiſtentium. *ibid.* In Legibus latis à Superioribus non poſſunt diſpenſare. Prelati inferiores, niſi quando expreſſe, vel interpretatiue hoc illis conceditur. *ibid.* n.86. Secus tamen in pœnis nõ reſeruatis. *ibid.* Prelati autẽ Superiores circa leges, & pœnas poſitis ab inferioribus ulterius poſſunt illas reſtringere, & coarctare. *ibid.* n.87. Sed non ſine cauſa. *ibid.* Vide verb. Conſtitutiones.

Libros prohibitos legendi facultas an

concedi poſſit ab aliquibus Prelatis Regularibus. c.18. n.96.

Licentia, qua regulariter requiritur, ut poſſit Religioſus tenere, dare, vel accipere aliquid, eſt tacita. c.6. n.55. Niſi quando declaratum fuit requiri expreſſam. *ibid.* Ad quid etiã deſeruiat conſuetudo legitima. *ibid.* n.86. Licentia iſta debet eſſe voluntaria, & non coacta. *ibid.* n.56. Et legitima. *ibid.* Licentia in ſcriptis requiritur pro Religioſo eunte de vna Prouincia ad aliam, vel de vno Conuentu ad alium. c.10. n.14.

Lineis vti prohibitum Religioſis. c.9. n.21. Licet hoc ſit ſolum veniale. *ibid.* Niſi forſan in Fratribus Minoribus Sancti Franciſci. *ibid.*

Linguarum ſtudia in Monasterijs Regularium habenda. c.18. n.85.

Litanie, & preces in die Sancti Marci, & tribus diebus ante Aſcenſionem Domini ab omnibus dicenda. c.12. n.23.

Litteras accipientes, aut dantes ſine licentia Superiorum regulariter non peccant contra Votum Paupertatis. c.6. n.49. Littere miſſe à Superioribus ad inferiores, vel ab inferioribus ad Superiores non detinenda, vel aperienda. c.8. nu. 30. Oppoſitum facere eſt caſus reſeruabilis à Superioribus. *ibid.* Litteras aperire cum damno notabili aliorum, peccatum eſt mortale. *ibidem.* Secus ſi aperiantur illa, ex quibus aliquis timet ſibi malum iniuſſe infligendum. *ibid.* Litteras ſcribere ſine nomine continentes delicta aliorũ, graue peccatũ eſt, niſi id fiat ex motiuo charitatis. *ibid.* n.31. Ex illis tamen nõ poteſt Prelatus ad in-
qui-

I N D E X.

quisitionem delictorum procedere. ibid. & cap. 27. num. 4. An verò ex prædictis literis possint saltem ad Inquisitionem generalem procedere. c. 27. n. 4.

Literarum studia. Vide verb. Studia literarum.

Loca noua acquirere, vel antiqua mutare prohibitum est Mendicantibus sine licentia Papæ, sub pœna excommunicationis. c. 9. n. 34. Erant pro hoc aliqua Priuilegia Religiosis concessa. ibid. Sed iam reuocata. ibid. Vnde sine certis conditionibus noua Monasteria acquiri non possunt. ibid. & num. 35. Loca etiam, seu Monasteria semel accepta deferere sine licentia Summi Pontificis fieri nõ potest. ibid. n. 36. Nec locus Deo dicatus fieri potest habitaculum seculare. ibid.

Ludentes Religiosi pro pecunia, vel re pretio æstimabili peccant contra Paupertatem. c. 6. nu. 50. Ludere verò honesta recreationis gratia, et de licetia Prælati rem parua quantitatis non ita. ibid. Nisi hoc sit Regula, vel Constitutionibus prohibitum. ibid. Hinc ludens cum Religioso vltra eam quantitatem, quam ille potest de licentia sui Superioris ludere, tenetur ad restitutionem eius, quod lucratur. ibid. n. 51. Ludus alearum, seu taxillorum, immò et tali ludo assistere prohibitum est Religiosis. c. 9. n. 40.

M

Magistratus non præbentes auxilium Episcopis pro clausura Monialium, excommunicantur.

cap. 25. num. 49.

Magistrorum, seu Doctorem in Religionibus institutio licita est dummodo tales sint idonei. c. 8. n. 25. Nisi actu legant, aut prædicent non gaudet sui gradus Priuilegio. ibid. Non eximuntur à seruitio Cbori, seu assistentia ad Cborum. cap. 10. num. 20.

Matrimonia sollemnizare sine Parochi licentia prohibitum est Religiosis sub pœna excommunicationis. c. 9. n. 31. & c. 21. n. 9.

Matutinum an semper dicendum ante Missæ celebrationem. cap. 21. num. 3.

Mendicantes specialiter tenentur præcepto Charitatis de subueniendo saluti proximorum, Confessionibus, Prædicationibus, & c. c. 1. num. 17. Sunt Goadiutores Episcoporum. ibid. Quamuis habeant bona etiam stabilia in cõmuni possunt dici Mendicantes. c. 6. n. 5. Non possunt transire ad Monachos, seu Monachorum Religiones, nisi ad Cartusianos solum. c. 22. n. 6.

Mendicare possunt Religiosi, nec hoc illis prohibitum. c. 6. n. 43. Per accidens tamen potest hoc esse malum, & prohibitum. ibid.

Mercatura, seu negotiatio prohibita est Religiosis sub grauius pœnis. c. 9. n. 39. Vbi etiam an Monasterijs liceat habere aliquam apothecam pro ipsorum necessitate, aut utilitate.

Minores de Obseruantia, nec in particulari, nec in communi habent dominium bonorum temporalium. c. 6. num. 5.

Miracula, quæ, & à quibus prædicantur.

canda. cap. 21. num. 17.

Missæ de iure communi est celebranda ab Aurora, usque ad Meridiem. c. 21. n. 2. Potest sine peccato mortali dici ante Matutinum, seu Laudes, sed non sine veniali, nisi rationabilis causa intercedat. ibid. n. 3. Missarum reducio non potest amplius fieri sine S. Congreg. licentia. ibid. n. 6. Missarum onera perpetua quomodo accipienda. ibid. n. 7. Anticipata Missarum celebratio pro ipsi, qui postea daturi sint elemosynas, prohibita. ibid. Missas audientes in Ecclesijs Regularium satisfaciunt præcepto Ecclesiastico. ibid. n. 11. Missa de Sancto ratione Tituli Ecclesiæ, vel Reliquia quando celebranda. ibid. n. 21. Missa non approbata quæ. ibid. Missæ certis Regularibus concessa non ab alijs dicenda. ibid. n. 32. Missa de Rosario, & B. Maria de Monte Carmelo solum à Dominicanis, & Carmelitanis dicenda. ibid. n. 21. Vnde qui ad illas dicendas obligatus est, satisfaciunt dicendo Missam Votiuâ B. V. n. 26. Missa S. Gregorij triginta ab ipso pro Defunctis instituta non prohibita. ibid. n. 22. Qualiter dicenda. ibid. Missa autem Sancti Gregorij pro viujs, & defunctis, quindecim auxiliorum, & de Patre aeterno, prohibita. ibid. num. 21. Missa solemnis in Ecclesijs Hispaniarum qualiter celebranda. ibid. num. 23. Missas nouas celebrantes. ibid. n. 24. Missa votiuæ quando, & quomodo dicenda. n. 25. & 26. Missa de Requiem quando, vel non dicenda. ibid. n. 28. Missa Conuentualis numquam omittenda. ibid. n. 29.

Missæ in altari priuati Oratorij quando emittenda. ibid. 31. Extra Ecclesiam quando celebrari possit. ibid. 16. Cum altari portatili an, & quando. ibid. 14. Possunt Regulares dicere Missas diebus festis, & Dominicis quacunque hora debita antequam Rector Parochialis Ecclesiæ celebrauerit. ibid. 17. Missam celebrans contra præceptum Superioris peccat: Missa tamen illa prodest illi, pro quo applicatur à celebrante. c. 4. n. 35. Missas celebrantes, aut Confessiones audientes in Sacerdotij gradu non constituti, puniuntur varijs pænis, & à Tribunali S. Inquisit. c. 10. n. 22. & c. 14. n. 9. Vide verb. Sacerdos.

Monachus. Vide verbo Religiosus.

Monasteria. Vide verbo Loca noua, & verbo Clausura, & verbo Fœminæ, & verbo Monialium Clausura.

Monasteria Monialium ingredi. Vide infra verbo Moniales.

Monetarij quomodo puniendi. c. 10. num. 23.

Moniales quacunque tenentur ab Obseruantiam Votorum Regula, & Constitutionum. c. 25. n. 1. Tenentur etiam obedire Priorissis, vel Abbatissis, in ijs, quæ spectant ad gubernationem domesticam. ibid. n. 3. Sepè etiâ sub peccato mortali. ibid. n. 4. Sed à Apostolica subiecta gubernantur ab Episcopis. ibid. n. 44. Modus Paupertatis illis magis accommodatus. ibid. n. 7. Consecrationis velum, an, & quibus conferendû. ibid. n. 10. Tenentur ad Officiû Diuinum. ibid. n. 13. Non obligantur iure communi saltem sub mortali

ad

I N D E X.

ad consistendum singulis mensibus. *ibid.* n. 14. Scilicet contrahentes sūt excommunicate. *ibid.* n. 15. Non possunt admittere intra Monasterium personam aliquam. *ibid.* n. 24. Licentiam quis ad hoc cōcedit. *ibid.* nu. 25. Cause legitima concedendi quæ sint. *ibid.* n. 26. Pœna contra ingredientes, vel ingressum permittentes. *ibid.* n. 27. Non permittuntur ingredi fœmina vidua, aut maritate, generosa, & nobiles. *ibid.* n. 28. & 30. Nec Mater, Sorores, aut Consanguinea in casu infirmitatis mortalis. *ibid.* 31. Bene tamen puella educationis gratia, seruatis conditionibus à S. Congregat. præscriptis. *ibid.* n. 29. Et famula seculares pro toto Conuentu. *ibid.* n. 32. Licentiæ concessa fœminis ad ingrediendum Monialium Monasteria, limitata iam sunt, vel sublata. *ibid.* n. 33. Moniales alloqui, visitare, inuisitare, quibus prohibiti. *ibid.* n. 34. 35. & 36. Etiam prætextu docendi Musicam, aut Cantum, &c. *ibid.* Quid de patribus, matribus, aut filiis ipsarum. *ibid.* Scribere autem epistolas ad ipsas non est ex se peccatum. *ibid.* n. 37. Monialium Conuersa an admittenda. *ibid.* n. 38. Ipsarum Concionatores, Confessores, & Capellani. *ibid.* n. 40. Moniales transire possunt de vna Religione ad aliam. *ibid.* n. 41. In Confiteor Deo nihil mutare possunt. *ibid.* nu. 43. In administratione bonorum ipsarum delinquentes, à quo puniendi. *ibid.* n. 45. Earum electionibus quis assistit, aut præsideat. *ibid.* & n. 46. Comam nutrire an illis prohibitum. *ibid.* n. 50. Ordinationes pro

ipsarum regimine. *ibidem.* num. 51. & 52.

Monialium clausura. c. 25. n. 16. Omnes Moniales tenentur hoc præcepto. *ibid.* n. 17. Non verò Nouitiæ, aut Oblatæ non Religiosæ. *ibid.* Quid de mulieribus in Congregationibus cōmorantibus. *ibid.* Quid de Conuersis. *ibid.* Locus clausuræ est totus ambitus Monasterij, qui ianua interiori continetur. *ibid.* n. 18. Penè transgressorum. *ibid.* n. 19. Causa concedendi licentiam egressus. *ibid.* n. 20. Quis illam concedit. *ibid.* n. 21. Ea finita, tenentur regredi ad Monasteria. *ibid.* n. 22. Pertinet ad Episcopos curare de ea clausura. *ibid.* n. 49.

N

Necessitas, & necessariorum taxatione quomodo facienda pro Religiosis. c. 6. n. 10.

Notariorum institutio an fieri possit à Prælati Regularium. c. 18. nu. 95. Casu quo fiet, ad quod munus. *ibid.* Notariorum etiam munus exercere possunt Religiosi, in quibuscumque causis Sanctæ Fidei, & Inquisitionis. c. 9. n. 13. Vide verbo Tabellionis munus.

Nouitiatus non continuatus, seu per notabile tempus interpolatus non sufficit ad Professionem. c. 2. n. 11. Si fiat per aliquod tempus extra Monasterium cum habitu, & licentia, & rationabili causa, non discontinuatur. *ibid.* Licet hoc sit dubium quando Nouitiatus agitur solum in Conuentibus designatis à Sede Apostolica. c. 24. n. 22. Habendus

duo in Conuentibus designandis à Sede Apostolica. c. 24. n. 23.
Nouitiæ Monialium quot recipienda. c. 25. n. 6. Quid accipientium pro earum ingressu. ibid. n. 4. Quid de supernumerarijs. ibid. nu. 6. Omnino plena voluntate debent profiteri Nouitiæ. ibid. n. 8. Etiam viduæ admitti possunt. ibid. n. 9. Quæ ætate recipienda. ibid. n. 11. Debēt examinari ante professionem ab Episcopo. ibid. n. 12. Nō tenentur præcepto clausuræ. ibid. n. 23. An excentes interrumpant Nouitiatum. ibid. In articulo Mortis professionē emittere possunt etiā ante annū Nouitiatu expletū. ibid. n. 39. Præter victū, & vestitū nihil tribui potest Monasterio de bonis ipsarum. ibid. Nec ipse possūt facere donationes. ibid. Pro dote ipsarū aliquid accipi potest. ibid. Quomodo verò id, quod datur pro dote accipiendum. ibid. An conditiones assignatæ à Sixto V. pro receptione, & professione Nouitiorum illas comprehendant. ibid. n. 52. Recipienda sunt à Superioribus, nō à Priorissis, vel Abbatissis. c. 26. n. 17. Illæ tamen debent mouere Episcopum ante Professionem ipsarum. ibid. An verò possint admittere Moniales ad Professionem. ibid. n. 18.
Nouitij Regularium qui sint. c. 24. n. 1. A quibus admittendi. c. 18. nu. 66. Non tenentur tempore Nouitiatu præceptis Regulæ, Constitutionum, aut Superiorum Ordinis, nisi ex graui quadam decencia. c. 24. n. 2. Quantum ad ea, quæ spectant ad bonum regimen probationis tenentur in conscientia Nouitij. ibid. Possunt ad sæculum redire. ibid. nu. 3.

An teneantur tunc soluere expensas. ibid. Gaudent Priuilegio fori, & Canonis. ibid. n. 4. Dispensant cum illis Prælati. ibid. n. 5. Possunt ex vi iuris cōmunis ad Ordines promoueri. ibid. n. 6. Cum quibus conditionibus. ibid. & c. 14. n. 12. 13. & 20. Vti Priuilegio Bullæ Cruciatæ. c. 24. n. 7. Cui debeant confiteri. ibid. Quærumdā Religionum Nouitij absolui possunt à Censuris. ibid. n. 8. Et dispensari in aliquibus irregularitatibus. ibid. & n. 10. Cum quibusdam conditionibus. ibid. n. 9. Informatio quæ, & de quibus proiis faciendæ. ibid. n. 12. Quando, & ubi recipiendi. ibid. & n. 13. 14. & 15. Non possunt recipi criminosi, obligati, seu grauati debitis, & ratiocinijs. ibid. n. 16. & 17. Aduerte tamen, quod per errorem numerus hic 16. postpositus est post 24. Nec coniugati post cōsummatum Matrimonium, nisi, & c. n. 19. Nec serui, nisi, & c. n. 20. Nō possunt admitti ad Professionē, nisi post vnum annum Nouitiatu. ibid. n. 21. Nec qui non habuerunt Nouitiatū in locis designatis à Sede Apostolica pro certis Prouincijs. ibid. n. 23. Qualiter supplendus hic defectus. ibid. n. 24. Illegitimi ex vi iuris communis admitti validè possunt. ibid. n. 21. (Qui etiam per errorem postpositus est.) An licitè etiam id fieri possit. ibid. Nouitij nō possunt eligi in Prælatos. ibid. 37. Nec possunt facere donationes, nisi concurrentibus quibusdam conditionibus. ibid. n. 32. & sequentibus. Benè tamen testamentum, seu Codicillum. ibid. n. 35. Possunt profiteri in articulo mortis ante annum pro-

probationis expletum . ibid. 42. *In-*
*stru*ctio. ibid. n. 43. *No-*
uitij ex varijs nationibus recipien-
 di. ibid. n. 44.

Numerus Religioſorum determinan-
 dus pro quolibet Conuentu . cap. 6.
 num. 16.

O

Obedientia Votum eſſentiale eſt
 Religioni, & praprium . c. 4.
 n. 1. Solum extenditur ad res lici-
 tas, & honeſtas. ibid. n. 2. Etiam ad
 dubia. ibid. n. 24. & ſequentiſ. Et
 ad ea, quæ explicite, vel implicite
 continentur in Regula. nu. 4. & 9.
 Et ad præcepta quomodocumque
 intimata. ibid. nu. 9. Etiam ſi ſint
 præcepta communia Chriſtianorū,
 aut Eccleſiaſticorum. ibid. nu. 12.
 Non ad res vanas, & impertinen-
 tes. ibid. n. 4. Nec ad ea, quæ ſolum
 concernunt utilitatem temporalem
 Prælati præcipientis, aut cōſangui-
 nearū ipſius. ibid. n. 3. Nec ad actus
 merè internos niſi quando ſunt ne-
 ceſſarij pro externis. ibid. n. 5. Nec
 ad Obedientiam formalem. ibid. n. 6.
 Nec ad ea, quæ Superior vult, niſi
 illa manifeſtet. ibid. n. 7. Neque ad
 ea, quæ Prælatuſ proponit ſolum
 ſub conſilio. ibid. n. 8. Nec ad ea,
 quæ ſunt ſupra Regulam. ibid. n. 13.
 Niſi quando hoc præſcribitur in
 Regula ipſa. ibid. Nec ad manife-
 ſtandum reum omnino occultum,
 qui nulla laborat infamia. ibid. n.
 23. Nec ad obediendum Prælato
 publicè excommunicato. ibid. n. 38.

Obedire tenetur Religioſuſ Prælato
 præcipienti, ut vadat ad commorā-
 dum in aliquo loco, ubi eſt atris in-

temperies. c. 4. n. 16. Et ut accipiat
 munuſ Prælati in Religione. ibid.
 n. 17. Secuſ extra Religionem. ibid.
 n. 18. Et ut tempore peſtis miniſtret
 infirmis Religioſis, & etiam extra-
 neis, deſcientibus Parochiſ. ibid.
 n. 19. Et etiam tempore bareſis, ut
 aſſiſtant ad deſenſionem Eccleſiæ.
 ibid. n. 20.

Obedire etiam tenentur Regulares Cō-
 ſtitutionibus Synodalibus concer-
 nentibus actiones communes totiuſ
 Populi. c. 11. n. 13. Et Legibuſ Ci-
 uilibuſ, quæ ſunt ad bonam Reipu-
 blicæ adminiſtrationem. ibid. n. 16.
 Sed ſolum quoad vim directiuam.
 ibid. Subduntur etiam Legibuſ Ci-
 uilibuſ irritantibuſ contractuſ, &
 taxantibuſ prætia rerum. ibidem.
 num. 17.

Occultare non licet Religioſo ea, quæ
 habet ſuo Superiori. c. 6. n. 17. Et id
 facere eſt peccatum Proprietatiſ.
 ibid.

Officium Diuinum quid ſit. c. 12. n. 1.
 Facere quòd debitiſ horiſ ſoluatur
 in Conuentibuſ pertinet ad Præla-
 toſ ſub mortali. c. 18. n. 69. Ad illud
 ſoluendum tenentur primò Religio-
 ſi in Sacriſ conſtituti. c. 12. n. 2. Et
 Profeſſi Cboro deſtinati, etiam ſi
 non ſint in Sacriſ. ibid. n. 3. Non
 Laici, ſeu Conuerſi, qui ad ſolæ
 quaſdam Orationeſ obligantur. ibid.
 n. 4. Nec Nouitiij. ibid. n. 5. Qui verò
 ad Officium Diuinū tenentur etiam
 ſi ſint excommunicati, ſuſpenſi, de-
 gradati, &c. ad illud obligantur.
 ibid. n. 6. Excommunicatuſ autem
 dicere non poteſt Dominuſ Vobiſ-
 cum. ibid. Religioſi expulſi, ſi ſint
 in Sacriſ, etiam tenentur ad Offi-
 cium

- cium Diuinum, fecus verò si in Sacris non fuerint. ibid. n. 7. Idem de damnatis ad triremes, licet aliqui illos excusent. ibid. Dicere Officium deglutendo, aut syncopando verba, &c. est peccatum, & quandoque mortale. ibid. n. 12. Vel exercendo aliquam actionem impeditiuam attentionis debita. ibid. n. 14. Debet dici Statutis temporibus. ibid. nu. 15. Priuatim inuertere hunc ordinem sine causa est peccatum veniale. ibid. & 17. Aliquam horam Canonicam interrompere sine causa erit peccatum, quandoque veniale, quandoque mortale. ibid. nu. 16. Debet dici iuxta proprium cuiusque Breuiarium. ibid. nu. 18. Mutare qualitatem Officij recitando. V. G. de Sancto, quando debet recitari de Feria regulariter est peccatum mortale, nisi magna necessitas id cogat facere. ibid. n. 20. Idem de mutatione ritus. ibid. Qui excusantur ab Officio Diuino. ibid. n. 25. 26. & 27. De Priuilegijs Regularium circa hoc. n. 28. 30. 31. & 32. Quando res est dubia pro Regularibus quid faciendum. ibid. n. 29. De abusibus in Officio Diuino vitandis. ibid. n. 33. Officium B. V. qui teneantur dicere. c. 12. n. 21.*
- Officium Defunctorum à quibus dicendum. c. 12. n. 22. Ad Anniuersarium Defunctorum die 2. Nouembris omnes tenentur. ibid. num. 23. Quando recitandum. ibid. Ternaria Defunctorum. ibid. n. 24. Defunctorum Officium quando cadauera portantur ad Ecclesias Regularium à quibus faciendum. ibid. n. 38.*
- Officia non addenda Calendarijs, nisi approbata. c. 12. n. 33. Sancti, cui est Ecclesia dicata Parochialis, vel Regularis nõ faciendum Officium, nisi in ipsa Ecclesia. ibid. Vel ubi asseruatur insignis Reliquia. ibid. Priuilegia pro Ecclesijs Hispania. ibid. n. 34 & 35.*
- Officiorum, dignitatum, &c. nomine in Religionibus quid intelligatur? c. 10. n. 32.*
- Oleum pro Extrema Vnctione debet dari Carmelitis à Dominis Episcopis. c. 3. n. 20.*
- Oracula Viue Vocis reuocantur à Greg. XV. & Urb. VIII. c. 3. n. 21. Non illa, quæ sunt merè explicatiua, aut declaratiua. ibid. Quid de illis quatenus respiciunt effectum futurum. ibid.*
- Oratio mentalis valdè necessaria Religiosis. c. 7. n. 24.*
- Oratoria. Vide Crangiz.*
- Ordines Sacros suscipere ante legitimam aetatem non possunt Religiosi post Conc. Trident. non obstantibus quibuscunque Priuilegijs. c. 14. nu. 1. Oppositum facientes sunt suspensi, & si celebrant Regulariter. ibid. n. 2. Idem si absque licentia extra tempora Ordines susceperint. ibid. n. 3. Incurritur etiam hæc suspensio sine dolo, aut malitia, sed solum per ignoratiam culpabilem. ibid. n. 4. Simoniacè ordinantes, & ordinati incurrunt grauissimas penas. ibid. n. 5. & 23. Possunt prædicti ordinati sine conditionibus requisitis Beneficij priuari. ibid. n. 6. Dicantur ministrare in Ordinibus susceptis quando actus proprios ad tales Ordines deputatos exercent. ibid.*

ibid. n. 7. *Qui suscipit Ordinem Presbyteratus non incurrit irregularitatem celebrando cum Episcopo ordinante in illa Missa, in qua ordinatur.* *ibid.* n. 8. *Religiosi debent ordinari sine titulo Beneficij, aut Patrimonij.* *ibid.* n. 10. *Non possunt in suis domibus.* *ibid.* nu. 11. *Nec à quocunque Episcopo, sed à Diocesano.* *ibid.* n. 12. *Duo Sacri Ordines eadem die Regularibus non conceduntur.* *ibid.* n. 14. *Ordines Maiores nequeunt conferri, nisi servatis interstitijs.* *ibid.* n. 15. *In illis non dispensant Prælati Regulares, sed debent exorare in literis dimissorijs Episcopos, ut id faciant.* *ibid.* *Causa huius dispensationis.* *ibid.* n. 16. *Annus interponendus inter unum, & alterum Ordinem Sacrum est Ecclesiasticus, non solaris.* *ibid.* n. 17. *Litera dimissoria debent dari à Superioribus Regularium.* *ibid.* n. 18. *Non possunt modò post Conc. Trident. ordinari extra tempora.* *ibid.* n. 19. *Novitij iure communi possunt Ordines Sacros suscipere.* *ibid.* n. 20. & c. 24. n. 6. *Ad titulum tamen Beneficij. Dicto c. 14. n. 20. A suspensione, quam incurrunt Regulares suscipiendo Ordines illegitimè absolviuntur in foro conscientie à Prælati.* *ibid.* n. 21. *Excommunicatio, quam ponunt Episcopi ante Ordinationes contra eos, qui habent aliquod impedimentum occultum, afficit etiam Regulares.* *ibid.* n. 22. *Opera supererogationis facere non est contra Regulam, nec peccatum.* c. 7. n. 22. *Opera bona subditorum applicari possunt alijs à suis Prælati.* c. 18. n. 67.

Otiositas Religiosis maximè fugienda. c. 7. n. 23.

P

P *Apa potest dispensare in Votis solemnibus.* c. 2. n. 6. *Cum causa tamen urgente.* *ibid.* *Illi tenentur obedire Religiosi ex vi Voti Obedientie.* c. 4. n. 31. *Potest eximere Religiosum ab Obedientia inferiorum Prælatorum.* *ibid.* nu. 33. *Qualiter concedere possit licentiam ad transitum ad aliam Religionem.* c. 22. à num. 8.

Parochi Regulares ex Religionibus astripti tenentur Votis generalibus, & specialibus Religionis, Observantijs Regularibus, & Cõstitutionibus ipsius, quatenus nõ repugnant muneri, quod gerunt: ac portare habitũ suæ Religionis. c. 17. n. 16. *Solutũ Officiũ iuxta ritum suæ Ecclesiæ.* *ibid.* *Particulæ simpliciter, summarie, de plano, quid significant.* c. 27. n. 26.

Patrini esse non possunt Religiosi, aut leuare aliquem de fonte. c. 9. n. 31.

Paupertas Religiosa. c. 6. per totum. *Eius excellentia.* *ibid.* n. 1. *Quomodo definitur.* *ibid.* n. 2. *Contra eam peccat Religiosus si Superiori volenti ea quæ illi concessa sunt auferre, resistit, aut non est paratus reddere.* *ibid.* n. 27. & 28. *Aut si recipit à quocunque aliquid contra voluntatem sui Superioris.* *ibid.* n. 30. 36. 37. & 38. *Secus si Superior non daret simpliciter necessaria ad vitam.* *ibid.* n. 31. *Ex vi Voti Paupertatis carere debet Religiosus rebus aliquo modo necessarijs.* *ibid.* *Peccat peccato Proprietatis contra Pau-*

Paupertatem si assumat aliquid alterius usus à Superiore destinatum. ibid. n. 35. Quid dicendum si illud erat superfluum habenti, & ipse eo indigeret. ibid. Qui aliquid expendunt sine licentia contra Paupertatem peccant. ibid. n. 46. Idem si permulent, mutuent, accommodent. &c. ibid. Idem si dent, aut donent. ibid. nu. 52. Etiam ipsis Religiosis. ibid. n. 54. Vide dicenda infra verbo Peculium, & verbo Proprium, & verbo Proprietas, & verbo Præciosas res.

Pauperes mendicantes per Ecclesiam tempore Missarum, & Officiorum Diuinorum eijciendi à Regularibus. c. 10. n. 6.

Peccata Religiosi absolutè loquendo grauiora sunt peccatis secularium, licet per accidens possint esse leuiora. c. 1. n. 15. Peccatum contra Castitatem est sacrilegium. c. 5. nu. 4. Quod est in seculari solum veniale, potest esse in Religioso mortale. ibid. n. 5. An peccatum contra Castitatem Religiosi in Sacris constituti habeat duas malitias contra illam. ibid. n. 8. De Religioso, qui ultra Votum solemne Castitatis fecit etiam Votum simplex. ibid. nu. 9. Peccatum contra Castitatem est reuersuabile à Prælati. ibid. n. 10. Varijs pœnis punitur. ibid. n. 16.

Peculium habere dependenter à voluntate Superioris licet non sit prohibitum Religiosis iure communi, aut ex natura Voti Paupertatis, est tamen prohibitum ab Ecclesia. c. 6. d. n. 18. An in aliquibus Conuentibus, & quibusdam pusillis conditionibus illud habere liceat. ibi. d. n. 21.

Perfectio Christiana in quo consistat. c. 1. n. 7. Qualiter ad illam procurandam teneatur Religiosus. c. 1. per totum. Vide verbo Religiosus. Consistit principaliter in actibus Charitatis, & minus principaliter in actibus aliarum virtutum. c. 1. n. 7. Est finis Religiosi. ibid. Tunc censetur illam contemnere quando transgreditur leges animo non se subiiciendi illis, aut Superioribus. ibid. n. 12. Non se quando transgreditur illas, ex usu in rebus leuissimæ materia. ibid. n. 13.

Pœna delictorum à Regularibus commissorum. c. 27. n. 27. Pœna priuationum, inhabilitatum, &c. quæ apponuntur in Constitutionibus Religionum, etiam si dicantur ipso facto, aut ipso iure infligenda, non incurritur ante declarationem. c. 8. n. 33. Quando verò adduntur illæ particulae, absque aliqua declaratione, absque vlla sententia, vel similes, tunc incurruntur in foro conscientie, ante declarationem. ibid. Licet oppositum non sit improbable. ibid. Idem de similibus pœnis in Bullis, & Decretis Pontificum positis. cap. 10. n. 30. & 31. Censura autem ipso facto imposita ligant etiam ante Iudicis impositionem. c. 10. n. 29. Quis dispensat in pœnis priuationum, inhabilitationum, &c. c. 10. n. 35. & c. 18. n. 46. Vide infra verb. Prælati. Prælati non possunt eligi in Religionibus, nisi expressè Profecti in illis. c. 15. n. 25. Sunt incapaces, et eligantur ad Prælaturas infames, & communicati, suspensi, vel interdicti, homicidæ, illegitimi, et irregulares. ibid. & c. 18. n. 7. & 8. Descendentes

ex genere infecto hæresis, Iudaismi, &c. aut accusati, & non infamati de aliquo delicto non sunt incapaces. dicto c. 15. nu. 25. Si illegitimus ad Prælatias eligatur quid facere debeat. c. 15. nu. 38. Pœnitentiati à Sancto Offitio Inquisit. inhabiles sunt ad Officia Ordinis. ibid. n. 39. Nisi fuerint Pœnitentiati solùm Pœnitentijs salutaribus. ibid. Prælati canonicè electi melius faciunt assentiendo, quam dissentiendo. ibid. n. 23. Etas requisita ut eligantur. c. 18. n. 5. Debent esse Sacerdotes. ibid. Peccant mortaliter, qui se eligi permittunt sine sufficienti litteratura. ibid. n. 6. Tenentur Legibus, Constitutionibus Ordinis. c. 8. n. 21. Saltem quoad vim directiuam, & aliquo modo, quoad coactiuam. ibid. Habent in suos subditos iurisdictionem quasi Episcopalem. c. 18. n. 2. In Priuilegijs Prælati concessis, nisi aliud exprimat, intelliguntur etiam Conuentuales. ibid. n. 3. Prælatias duas nullus Regularis habere potest sine auctoritate Sedis Apostolica. ibid. n. 97. Possunt punire suos subditos pœna proportionata delictis ipsorum. ibid. n. 16. Pena treremium, & exilij. ibid. Nō tamen tradendo illos brachio seculari, nec pena mortis. ibid. Possunt etiam procedere via accusationis, iudicialis denunciationis, & inquisitionis. ibid. n. 17. Possunt eligere sibi Confessorem, sicut Episcopi, & Cardinales. ibid. n. 81. Nec est necesse talem esse aliàs approbatum. ibid. Non possunt ad instantiam, aut requisitionem quorumcumque extra Ordines alicui Religioso ali-

quam dignitatem, vel officium concedere, aut penas remittere. ibid. n. 82. Mittentes aliquem Religiosum ad partes transmarinas, nisi sit scientia, prudentia, & experientia usu præditus, incidunt in excommunicationem lata sententia. ibid. n. 99. Tenentur sub magnis pœnis semel in anno, et in quocumque Capitulo legi facere litteras Apostolicas pertinentes ad Officium Sanctæ Inquisit. ibid. n. 100. Et efficere quòd Decretum circa hoc affixum conseruetur. ibid. Possunt sibi referuare casus. ibid. n. 19. Sed non omnes, sed certos quosdam, & cum certis conditionibus. ibid. n. 19. et 20. Idem de Censuris. ibid. n. 21. Excommunicare, et suspendere suos subditos. ibid. n. 22. Non verò irregularitatem imponere. ibid. Peccant grauiter permittentes predicare non idoneos. c. 20. n. 2. Non concedentes licentiam transeundi ad arctiorem Religionem, peccant. c. 22. nu. 15. Possunt eijcere Religiosum, etiam transacto quinquennio. c. 2. n. 7. Eijcere etiam incorrigibiles. c. 23. n. 3. et 5. Qualiter Prælati obediendū. Vide verbo Obedientia, et verbo Obedire. Duobus Prælati contraria præcipientibus, maiori est obediendum. c. 4. n. 21. Prælati præcipienti aliquid contra Regulam obediendum est si possit in illa dispensare. c. 7. n. 30. Vide verb. Dispensare. Præsidentes in electionibus qualiter se gerere debeant. c. 15. n. 34. Non possunt priuare Capitulares Voces. ibid. Vide verb. Electionibus. Præsumptionis verbum in Bullis, & Decretis quid denotet. c. 10. n. 33. Pra-

I N D E X.

Pretiosas res non possunt habere Religiosi, propter paupertatem. cap. 6. num. 15.

Priorissa. Vide verbo Abbatissa.

Privilegia Religionum. c. 3. per totum.

Non tolluntur per non usum, nisi, &c. ibid. n. 17. Ammitti si non uiuant regulariter Religiosi. ibid. Ipsorum communicatio. ibid. Ipsis etiam uti possunt Donati, & Conuersi, qui Professionem trium Votorum emittunt. ibid. n. 18. Tolli, limitari, & restringi possunt à Superioribus. c. 18. n. 36. Vide verbo Foro conscientia, & verbo Oracula.

Processionibus assistere debent Regulares. c. 9. n. 47. Qualiter vocandi. ibid. Quibus Processionibus. ibid. Quomodo in illis Sanctissima Eucharistia, & Crux deferri. cap. 10. num. 19.

Procuratoris munus requerunt exercere Religiosi, nisi in utilitatem Monasterij, & iubente Prelato. c. 9 n. 12.

Professio tam expressa, quàm tacita constituit verum Religiosum. c. 2. n. 5. Quid sit utraque Professio. ibid. Professio nulla est si fiat ante decimum sextum annum, aut non expleto anno probationis. ibid. nu. 10. Non comprehendit hoc Ordines Militares. ibid. Bene tamen Religiosos Societatis post biennium. ibid. Professio facta ante legitimam aetatem, nec per modum Voti simplicis valet. ibid. Professio reddit incapacem Professum ad Matrimonium. ibid. n. 12. Etiam Professum Societatis Iesu post biennium ibid. Excommunicatur si nubat ibid. Professionem faciens parentibus in extrema, aut multum

gravi necessitate constitutis, peccat mortaliter. ibid. n. 13. Item de Patre respectu filiorum. ibid. Non tamen propterea possunt reclamare. ibid. n. 14. Professio facta ob malum finem non contra substantiam Professionis valida est. ibid. n. 15. Etiam facta ab excommunicato. ibid. Etiam simoniace. ibid. Professio mentientis sexum valida non est. ibid. n. 20. Idem de Professione serui sine licentia Domini sui. ibid. n. 21. Si verò seruo ingrediente Religionem à Domino suo id sciente non repetatur intra triennium, postea repeti non potest, & professio illius valida erit. ibid. Professio illius, qui pra morbo, aut senectute impotens est ad Regulam seruandam valida est. ibid. n. 22. Idem de Professione illius, qui occultauit morbum seu defectum non repugnantem substantia Religionis dammodo illi prestatum non fuerit, quod si talem defectum haberet Professio nulla esset. ibid. n. 23. & c. 24. n. 26. Professio debet fieri in manus habentis potestatem ad recipiendum Religiosos. c. 2. n. 25. Facta in manus Episcopi respectu Religionis exemptae, inualida est. ibid. Professio facta sub conditione de futuro valida, adueniente conditione valet; facta verò sub conditione repugnantem substantia Religionis, inualida est. ibid. n. 26. Facta fidei, id est, sine intentione profitendi, quoad Deum inualida est, secus quoad Ecclesiam. ibid. n. 27. Facta animo promittendi, sed non se obligandi, aut non adimplendi promissum, valida est. ibid. Facta per procuratorem, aut etiam nubus, seu scripto, valida est. ibid. n. 29. Et il-

E e 2 lius

lius qui fecit *Votum ingrediendi Religionem strictiorem, & postea ingressus est laxiorem.* *ibid.* nu. 30. *Facta à coniugatis cum consensu utriusque, imò sine illo, quando possunt facere diuortii.* *ibid.* n. 31. *Professio ex causa differri potest.* c. 24. n. 41. *Per Professionem condonantur omnia peccata commissa quoad pœnam temporalem illis debitam in Purgatorio.* c. 3. n. 1. *Tollitur irregularitas ex defectu natalium ad Ordines suscipiendos, licet nō quoad dignitates, seu Prælaturas.* *ibid.* n. 2. *Dissoluuntur sponsalia, & Matrimonium ratum non consummatū.* *ibid.* n. 3. *Expiatur macula quoad actus temporales.* *ibid.* n. 4. *Tollitur crimen ingratiitudinis filij profitentis erga Patrem.* *ibid.* n. 5. *Filius famulus liberatur à Patria potestate.* *ibid.* n. 6. *Omnia Vota simplicia in illam commutantur.* *ibid.* n. 7. *Per illam Professio gaudet priuilegio fori.* *ibid.* n. 8. *Nec possunt illos Laici accusare; nisi, &c.* *ibid.* n. 9. *Qui illis inferunt iniuriam in certis casibus sunt excommunicati.* *ibid.* n. 10. *Et illos percutientes.* *ibid.* n. 16. *Habent cōmunicationem in Priuilegijs cum multis alijs Religionibus.* *ibid.* n. 17. *Proprium non possunt habere Religiosisratione Voti Paupertatis.* c. 6. n. 6. *Et etiam ex vi præcepti Ecclesiastici.* *ibid.* *Hinc quidquid acquirit Monachus Monasterio acquirit.* *ibid.* n. 40. *Etiam quando est extrā Monasterium de cuiuscunque licetia.* *ibid.* n. 41. *Etiam habens pensionem Ecclesiasticam.* *ibid.* n. 42. *Proprietas quid sit.* c. 6. n. 2. *Peccatum Proprietatis quando committitur.*

ibid. d. n. 12. *In ea datur materia leuis.* *ibid.* n. 57. *Regulariter erit illa quæ, & in furto.* *ibid.* *Successiue minima retinentes, accipientes, seu expedientes, &c. sine licentia, peccant mortaliter quando peruenitur ad grauem quantitatem.* *ibid.* n. 58. *Pœna proprietatis, & proprietariorū.* *ibid.* n. 59. *An illas incurrant non obseruantes vitam communem.* *ibid.* n. 60.

Provinciales Titulares instituuntur à Generali Carmelitarum. c. 18. n. 98. *Cum quibus cōditionibus.* *ibid.* *Habent vocem in Capitulis.* *ibid.* *Psalmos Pœnitentiales, vel Graduales qui, & quando teneantur dicere.* c. 12. n. 22.

Purgatio Canonica. c. 27. n. 27.



Quantitas, quæ sufficit ad Peccatum mortale in materia Proprietatis quæ sit. c. 6. n. 57. & 58.

Quarta funeralis non soluitur à Conuentibus à quadraginta annis adificatis. c. 3. n. 13.

Questorū, seu questariorū munus nequeunt Religiosi exercere. c. 20. n. 17.

Quinquennij tēpus determinatum est Religiosis, ut possint reclamare cōtra suā Professionem. c. 2. n. 7. *Nisi allegauerint legitimas causas quare id facere non potuerint.* *ibid.* *Intelligitur quoad forū exterius, non quoad interius.* *ibid.* *Tenantur ad ratificandā Professionē transacto quinquennio quando sua culpa inualidē professi sunt.* *ibid.* *Ad quam ratificationē licet requiratur nouus consensus ex parte professi, probabile tamen est non requiri ex parte*

Con.

Conuentus. ibid. Vt reclamatio audiatur requiritur, quod fiat cum habitu, saltem quoad forū exterius. ibid. n. 8.

R.

Ratificatio Professionis quādo facienda. c. 2. n. 7. Cum aliquis fecit Professionem inualidam ob defectum ætatis, anni approbationis, vel aliam causam, quando censetur ratificare illam. ibid. n. 9. Vide verbo Quinquennij tempus.

Recipientes aliquid à Religioso non habente facultatem ad donandum tenentur ad restitutionem. c. 6. n. 53. Maxime propter Constitut. Clem. VIII. ibid.

Reclamatio Professi intra quinquennium. c. 2. n. 7. Debet fieri cum habitu. ibid. n. 8.

Rekursus Religiosorum ad personas extrā Ordinem pro consequendis Officijs, gradibus, dignitatibus, &c. omnino prohibitus sub magnis pœnis. c. 10. n. 17.

Recusare Prælatos Regulares non licet, nisi in casu quo euidenter constaret illos iniquè se gerere contra famam Religiosi in graui materia. c. 9. n. 8.

Redditus, seu præstationes aliquibus Generalibus concessæ, quomodo expendendæ. c. 18. n. 73.

Redditus annuos habere dependenter à voluntate Superiorum licet non sit prohibitum Religiosis ex vi iuris communis, aut Voti Paupertatis, est tamen hoc illis prohibitum ab Ecclesia, Summis Pont. & Concilijs. c. 6. d. n. 18. Nihilominus in aliquibus Conuentibus, & cum

quibusdam conditionibus permitti potest. ibid. d. n. 21.

Redeuntes Religiosi ad Monasterium quid facere debeant. c. 16. n. 6.

Regularis. Vide verbo Religiosus.

Regula Religionis quid sit. c. 7. nu. 1.

Vnde dicta. ibid. Ad illam obseruandam tenentur omnes Religiosi.

ibid. n. 2. Præter quattuor communes est alia specialis Diui Alberti

pro Carmelitis sapius ab Ecclesia approbata. Ad illam tenentur Carmelita

Obseruantes solum prout mitigatam ab Eug. IV. ibid. nu. 5.

Conditiones ab hoc Pontifice assignata in mitigatione Regula quomodo accipiendæ. ibid. Non omnia,

quæ in Regulis continentur obligant ad mortale, sed aliqua ad mortale,

aliqua ad veniale, aliqua ad nullum peccatum. ibid. n. 6. Quæ spectant ad

Obseruantiam Votorum essentialium obligant ad mortale. ibid. n. 7.

Quæ proponuntur ut consilia, & opera supererogationis non obligare neque ad veniale. ibid. n. 8. Obseruantia verò alia, quæ in Regulis

proponuntur, si Regule Institutor declarauit nolle obligare ad culpam, non obligant ad illam. ibid. n. 10. Si id non declarauit, attendendum est ad communem acceptionem Religionis. ibid. n. 11. Si hoc non extat, res & materia leuis non potest obligare ad mortale. ibid. n. 12. Attendenda etiam sunt verba, quibus Regula vtitur. ibid. n. 13. Regula Carmelitarum quoad istas Obseruantias solum obligat ad veniale. ibid. n. 14. Licet graue intra limites ventalis. ibid. nu. 15. Profluentes Regulam relaxatam

quoad Vota substantialia Religio-
nis, tenentur illam obseruare non
prout sic relaxatam. *ibid.* num. 16.
Profitentes verò Regulam relaxa-
tam quoad Obseruantias Regula-
res, si talis relaxatio legitima con-
suetudine introducta est, nō peccant
obseruando illam prout sic relaxa-
tam. *ibid.* 17. Idem de profitentibus
Regulam relaxatam per legitimam
consuetudinem quoad modos, vel
circumstantias Votorum essentia-
lium. *ibid.* n. 18. Si tamen Pontifex,
vel etiam alij Prælati Religionum
vellent illam reformare, tenentur
Religiosi non resistere, sed reforma-
tionem amplecti. *ibid.* n. 19.

Religio perfectior, qua censeatur.
c. 22. num. 5. Religiones gaudent
communicatione Priuilegiorum.
c. 3. nu. 17. Etiam concedendorum.
ibid. Quoad ius vtendi illis. *ibid.*

Religiosus omnis tenetur ex vi sua
Professionis tendere, & niti ad per-
fectionem Christianam. c. 1. nu. 3.
Non tamen tenetur esse perfectus in
facto esse. *ibid.* n. 4. Nec tendere ad
perfectionem per omnia opera con-
siliorum, aut supererogationis, sed
per illa, que sunt secundum Regu-
lam, & Constitut. Ordinis. *ibid.* n. 5.
Nec sibi persuadere se. facere pro-
fectum in perfectione. *ibid.* num. 6.
Perfectio hæc in quo consistat. *ibid.*
nu. 7. Vide verbo Perfectio Chri-
stiana. Hæc obligatio procurandi
perfectionem in Religiosis est sub
mortali. *ibid.* n. 8. Probabilius est
esse eandem cum obligatione ser-
uandi Vota, & Obseruantias Re-
gulares. *ibid.* n. 9. Contra eam pec-
cat Religiosus quando contemnit

ea, quibus venit ad perfectionem.
ibid. n. 10. Et quando transgreditur
Regulā, aut Constitutiones eo fine,
vt illam impediāt. *ibid.* Et quando
statuit apud se nihil curare de illa.
ibid. Et quando in animum inducit
non progredi. *ibid.* Et quando alios
inducit ad deprauatam vitam suo
malo exemplo. *ibid.* Non tenetur
ex vi huius obligationis habere do-
mitas omnes suas passiones, sed sus-
ficit ad hoc conari. *ibid.* n. 14.

Religiosi nequeant alteri confiteri,
nisi suis Prælati, aut designati ab
ipsis. c. 18. n. 26. Nec etiam appro-
bati ab Episcopis. *ibid.* Aut etiam
habentibus iurisdictionem à Papa.
ibid. Benè tamen Pœnitentiarijs
Papa. *ibid.* Nec possunt eligere sibi
Confessorem aliquem præter assi-
gnatos à suo Superiore, aut absoluti
à casibus Superiori suo reseruatis
virtute Cruciate, aut alterius Bul-
le, seu Priuilegij. c. 19. n. 29. Prohi-
bitum illis est accedere ad Mona-
stera Monialium, vel illas, aut
alias personas intrā clausuram exi-
scentes alloqui. c. 25. n. 36.

Reliquia insignis, vt ratione illius
possit fieri Officium de Sancto cuius
est, qua sit. c. 12. n. 33. & 35.

Residentia Prælatorum etiam obligat
Prælatos Regulares. c. 18. n. 12.

Reus Regularis quomodo citandus.
c. 27. nu. 12. Quando in carcerem
mittendus. *ibid.* Testimonia, &
probationes an illi patefieri debeāt.
ibid. Iuridicè interrogatus debet
veritatem confiteri sub mortali.
ibid. Etiam si illi immineat pericu-
lum Mortis. *ibid.* Secus si non iu-
ridicè interrogaretur. *ibid.* Sed nec
tunc

I N D E X.

tunc licet mentiri , sed uti amphibologia. *ibid.* Sumpta confessione si fatetur delictum potest condemnari , mitius tamen cum illo procedi debet. *ibid.* n. 13. Si neget quid faciendum. *ibid.* & n. 14. An possit torqueri . *ibid.* nu. 16. Si in tormentis non confiteatur delictum absolvendus. *ibid.* n. 17. Si verò confiteatur quid faciendum. *ibid.*

Romam venientes Religiosi sine licentia puniendi sunt. c. 10. n. 15. & 16.

S

S Abbato Sancto an celebrari possit Missa. c. 21. n. 18.

Sacerdos Regularis debet regulariter celebrare. c. 21. n. 1. Potest recipere stipendia pro Missis , nisi de hoc sit specialis prohibitio in Religione . *ibid.* n. 4. Non tamen plura stipendia pro una Missa . *ibid.* n. 5. Nec accipere Missam cum certa elemosyna , & illam alteri Sacerdoti committere , parte elemosyna sibi retenta. *ibid.* n. 7. Nec Missas anticipatè dicere pro incerto elemosynas daturò . *ibid.* Absolvit in casu extrema necessitatis , seu articuli mortis ab omnibus casibus , & censuris. *ibid.* n. 12. Et semper à peccatis venialibus , & mortalibus iam confessis . *ibid.* Cum licentia Superiorum. *ibid.* Sed non ab excommunicatione Minoris. *ibid.* n. 13. Vide verbo Missa .

Sacra Scriptura lectio habenda in Monasterijs. c. 9. n. 48. & c. 10. n. 20. Sancti addendi , vel non addendi Calendarijs qui sint. c. 12. n. 33. De quibus faciendum officium ratione

Ecclesia Titularis. *ibid.* & n. 34. De quibus ratione Reliquia . *ibid.* & n. 33. & 35. De illis , quorum Reliquia insignis habetur faciendum Officium. *ibid.* n. 37. Quorum Reliquia insignis non habetur si concedatur Officium erit semiduplex . *ibid.* De Sanctis Canonizatis non potest fieri Officium extrà propriam Ecclesiam , sine nova licentia. *ibid.* De Patronis , & Titularibus , quomodo , & à quibus faciendum Officium. *ibid.* n. 34. & 37. Sancti non Canonizati , aut non Beatificati quomodo non colendi . *ibid.* nu. 39. Priuatim possunt coli . *ibid.* nu. 40. Qualiter , aut quomodo. *ibid.*

Semiplena probatio quid sit. c. 27. n. 6. Sententia definitiva quando à Iudice Regulari proferenda. c. 27. n. 18. In scriptis , aut viva voce . *ibid.* Quae debeant illam precedere. *ibid.*

Sepulturam eligere non possunt Religiosi , nisi nimium absentes à Monasterio. c. 9. n. 10. Prelatis verò id aliqui cōcedunt. *ibid.* Inducentes ad sepulturas capiendas in eorum Ecclesijs sunt excommunicati. *ibidem.* num. 25.

Sermo de Religiosa disciplina singulis hebdomadis habendus. c. 18. n. 80.

Silentium Regulare necessarium Religiosis. c. 7. n. 25.

Simonia committitur vendendo Novitio Religiosum statum. c. 24. n. 30. Huius criminis pœna. *ibid.* nu. 31. In electionibus committitur si datur temporale aliquod munus , vel à manu , vel à lingua , vel ab obsequio pro Officijs , dignitatibus , &c. c. 15. n. 28. Vel pro voce , vel suffragio. *ibid.* Si fiat conventio , aut pactum.

I N D E X.

Etum. ibid. n. 29. Vel ne aliquis accusetur. ibid. n. 30. Non est tamen simoniacum offerre aliquid, ut non eligatur indignus, & ut eligatur dignus in communi. ibid. n. 31. Nec dando aliquid subornanti, ne subornet, aut electoribus ne iniuste electionem impediunt. ibid. In commutationibus autem Officiorum simonia committitur. ibid. nu. 32. Simoniacorum pœna. ibid. n. 33. Simoniaci à quo absolueri. cap. 18. num. 19.

Singularitas in victu, cibo, & potu etiam Prælati interdita. cap. 18. num. 72.

Sodomita peccat contra Castitatem. c. 5. n. 11. Grauiſſimis pœnis puni- tur. ibid. & c. 10. n. 8. Quid requi- ratur ad illas incurrendas. ibid. & n. 12. & 13. prædicti cap. 5.

Sollicitantes in Confessione ad inhone- ſta qualiter puniendi. c. 19. n. 33. & 34. Qui tales ſint cenſendi. ibid.

Status in Eccleſia triplex. c. 1. num. 1. Coniugatorum, Religioſorum, & Prælatorum. ibid. Regulares omnes ſunt in ſecundo ſtatu. ibid. Quo- modo deſiniuntur. ibid. Adumbratus in Lege Moysi, & natura. ibid. nu. 2. Perſectus, & conſummatus tem- pore Chriſti, & Apoſtolorum. ibid. Amplexatus ab Elia, & Eliſeo, & filiis Prophetarum. ibid.

Status Religioſus requirit profiteri tria Vota in aliqua Religione ap- probata, & conſtitui ſub iuriſdi- ctione Superiorum illius. c. 2. n. 1.

Statuta Religionum. Vide verb. Con- ſtitutiones.

Studia literarum convenientia ſunt Religioſis. c. 8. n. 29. Studentes ta-

men Regulares ad ſtudia deputati ſi notabiliter negligentes ſint ſape peccant mortaliter. ibid. Accedentes Religioſi ad ſtudia extrà clauſtra Religionis ſine licentia ſunt excom- municati. c. 9. n. 2. Etiam ſi vadant cum habitu. ibid. Et etiam ſi ſtudia ſint licita. ibid. Similiter exeuntes de Clauſtris ad audiendam Medi- cinam, vel Leges, niſi intra duorum menſium ſpatium redierint, ſunt excommunicati. c. 9. n. 3. Non com- prehendit hæc excommunicatio Re- ligioſos intra Clauſtra audientes iſtas ſcientias. ibid. Extenditur ta- men ad Doctores, qui Religioſos ha- bitu dimiſſo ſcienter docuerint, aut retinuerint in Scholis. ibid. Quali- ter Superiores Religionum tenean- tur curare ſtudia. c. 18. n. 84.

Suffragia in electionibus debent eſſe abſoluta. c. 15. n. 16. Certa, & deter- minata. ibid. Secreta. ibid. nu. 17. Per ſebedulam albam non irrita- tur electio, ſed denotatur illam mit- tentem noluiſſe habere vocem in illa electione. ibi. n. 18. Libera etiam à metu reuerentiali. ibid. n. 21. Po- teſt tamen fieri conſectatio ad certū genus perſonarum. ibid. Suffragium ſemel datum poteſt reuocari ſi non ſit publicatum, aut permixtum cum alijs. ibid. n. 22. Vide verb. Ele- ctiones.

Superſuum habere non licet Religio- ſis. c. 6. n. 13. Eſt peccatum Proprie- tatis, etiam ſi fiat cum licentia Su- periorum. ibid.

Superiores Regularium. Vide verbo Prælati.

Tabel-

TAbellionis munus nequeunt exercere Religiosi. c.9. n.13. Qui tamen in seculo habebant hoc Officiū possunt in Religione signare instrumenta. ibid. In causis etiam Fidei possunt id munus exercere. ibid. Vide verbo Notariorum institutio.

Tabernas ingredi prohibitum. cap.9. num.38.

Taciturnitas Superioris videntis Religiosum aliquid possidere, accipere expendere, &c. sine licentia, & non contradicentis non excusat Religiosum. c.6. n.56. Nisi quando ex alijs signis constat illam esse virtualem approbationem. ibid.

Taurorum agitationibus, aliarumque bestiarum assistere prohibitum est Religiosis. c.10. nu.7. Sub mortali peccato, & excommunicatione ferenda. ibid.

Tertiarij Ordinum Mendicantium. c.3. n.22. Recipiunt habitum ab illis. ibid. Non sunt veri Religiosi, nisi promittant tria Vota sub regimine Prælatorum. ibid. Possunt vocari tertij Ordinis. ibid.

Testari, aut testamentum facere non possunt Religiosi. c.9. n.19. Possunt tamen facere aliquam schedulam, qua rogent Prælatum, ut det aliqua alicui. ibid. Ex licentia etiam Papa testari possunt. ibid. Novitij autem possunt facere testamentum. c.24. n.35.

Testamenti executor non potest esse Religiosus absque licentia sui Superioris. c.9. n.9. Sufficit tacita licen-

tia. ibid. Minoribus de Obseruantia id non licet. ibid. Testamentorū executores Religiosi tenentur reddere rationem Episcopo. ibid.

Testes esse non est prohibitum in iure Religiosis. c.9. n.10. Etiam in testamento, in quo aliquid relinquitur Monasterio. ibid. Testis falsus perpetuò deponitur. ibid. n.42.

Testes Regulares in ipsorū Regulariū causis quomodo interrogandi. c.27. n.11. Iuridicè interrogati tenentur veritatē dicere. ibid. Nūquam possunt mentiri. ibid. Nec dicere ea, quæ sciunt per Sacramentalem Cōfessionem. ibid. Nec ea quæ sciunt sub secreto. ibid. Nisi quando id cedit in damnum aliorum. ibid. Nec tenentur dicere ea, quæ à non fide digno, aut appassionato audierunt. ibid. Nec testificari cum suo notabili damno. ibid. Testes oculares qui sint. ibid. n.15. Testes testes qui. ibid. Testes omni exceptione maiores, qui. ibid. Testes singulares, & testes non omni exceptione maiores, qui sint. Ibid.

Testimonium ferre Regulares in causis civilibus non possunt ad id cogi, nisi quando veritas aliter haberi non potest. c.11. n.24. In causa etiā sanguinis, nisi pro defensione, non possunt cogi. ibid. Si tamen velint transire aliquid per duanam tenentur iurare, & ad mentem emptorum gabbellarum. ibid. n.25.

Tortura dari potest Religiosis. c.18. n.17. Quæ tortura. ibid.

Transferre Religiosum de una Provincia ad aliam pertinet ad Generalem, sicut de uno Conuentu ad alium ad Prouincialem. c.18. n.91.

Id

Id tamen sine causa fieri non debet. ibid.

Transitus Religioſi ex una Religione ad aliam non licet ſine magna cauſa. c. 22. nu. 1. Cauſa tamen legitima poſita, & cum aliquibus conditionibus licet. ibid. n. 2. Prima, quod non fiat temerè, ex leuitate, aut cū ſactura Religionis, à qua receditur. ibid. n. 3. Secunda, petitiō licentiæ à Superiore. ibid. n. 4. Tertia, quod tranſitus ſit ad perfectiorem Religionem. ibid. num. 5. Quarta, quod hoc non ſit illi prohibitum. ibid. n. 6. Prima, & ſecunda conditionis defectus non irritat tranſitum. ibid. n. 7. Defectus tertia irritat illum. ibid. Defectus verò quarta aliquando irritat, aliquando non. ibid. Tranſire ad Religionem aequè perfectam qualiter ſpeſtat ad Papam. ibid. n. 8. Et ex cauſa Prælati ipſo inferioribus. ibid. n. 9. Ad tranſitum ad ſtrictiorem Prælati concedunt licentiā. ibid. n. 10. Probabiliter etiam ad laxiorem, cauſa legitima. ibid. n. 11. Ut concedatur tranſitus, certus debet eſſe Prælatus, quod alia Religio vult acceptare Religioſum. ibi. n. 15. Admittentes fratres alterius Ordinis præter ordinem iuris, grauiter peccant. ibid. n. 24. Totus etiam Conuentus poteſt tranſire ad alteram Religionem. ibid. n. 27.

Translatus de una Religione in aliam debet eſſe Nouitiſ in ea. c. 22. n. 16. Et de nouo profiteri. ibid. Quem locum debet habere. ibid. n. 17. Si reuertatur vnde exiuit acceptandus eſt. ibid. n. 18. Translatus modo legitimo non tenetur ad obſeruantias

prioris Religionis, neque ad Vota ſpecialia ipſius. ibid. n. 19. Nec eſt capax Beneficij ſecularis. ibid. n. 20. Et, ſi eſt ex Mendicantibus priuatur voce, & loco, & non poteſt aſſumi ad Officia. ibid. n. 21. Translatus illegitimè non eſt verè apoſtata, ſed fugitiuus. ibid. n. 22. Bona tranſlatorum ad quæ pertineant. ibid. n. 23. Translatus de una Religione in aliam ſemper debet manere in clauſtris. ibid. n. 29.

Trirremium pena licitè infligitur Religioſis. c. 16. nu. 32. Miniſtri illos verberantes ſi modum non excedāt non incidunt in excommunicationē. ibid. Ex trireribus redeuntēs non admittuntur ad Altare ſine diſpenſatione. ibid. A quo talis diſpenſatio concedenda. ibid.

Tutelam alicuius perſona prohibitū eſt Religioſis ſuſcipere. c. 9. nu. 17. Tutelam tamen legitimam, qua lege deſertur conſanguineis non videtur probiberi Religioſis. ibid.

V

V *Aletudinarium in ſingulis Cōuentibus inſtituendam. c. 10. num. 20.*

Venari, aut intereſſe venationibus prohibitum eſt Religioſis. cap. 9. n. 20. Quando autem non fuerit ſcandalum, aut alia praua circumſtantia non videtur mortale. ibid.

Venialia conſiteri poſſunt obligari ex Regula Religioſi. c. 7. n. 21.

Vicarij Conuentuum, qui in ipſis non habent Superiorem ſunt veri Prælati. c. 18. nu. 3. Secus verò de alijs Vicarijs, ſeu alio nomine vocatis,

I N D E X.

tis, qui in Conuentibus Superiorem supra se habent. ibid. Vicarij Monialium non sunt Prælati ipsarum. c. 25. n. 2.

Vicarij Episcopalis munus an possit exercere Religiosus. c. 9. n. 14.

Vidua, seu non virgo an eligi possit in Abbatissam. c. 26. n. 5.

Vinum cum aqua temperatum debent bibere Religiosi. c. 9. n. 38. Nec alios in conuiuijs ad bibendum inuitare. ibid. Nec ingredi tabernas. ibidem. Ebriorum pœna ibid.

Visitare debent Generales, et Prouinciales, Prouincias, & Conuentus. c. 18. n. 68. & 92. & c. 27. n. 1. Non possunt delegare hanc facultatem alicui extraneo extrâ Ordinem. c. 18. n. 92. Absolutiones, & dispensationes, quas tunc concedit quantum valeant. ibid. n. 93. Qualiter in Visitationibus procedere debeant Prælati Regulares. c. 27. à n. 2.

Visitatores Monialium impediētes. c. 25. n. 47.

Vita communis maximè necessaria Religiosis. c. 6. n. 7. Maximè etiam illis commendata ab Ecclesia in Concilijs, & Decretis SS. PP. ibid. n. 7. & sequentibus. An illam non obseruantes sint Proprietarij, & Proprietariorum pœnis plectendi. ibid. n. 60. Prælati, qui non curant illam obseruare sunt in malo statu. c. 18. n. 14. Etiam in cibo, potu, & alijs rebus obseruanda est à Prælati. ibid. n. 72.

Votum Castitatis. Vide verbo Castitas.

Votum Obedientiæ, Vide verb. Obedientia, & verbo Obedire.

Votum Paupertatis. Vide verbo Pau-

pertas, verbo Peculium, & verbo Proprium, & Proprietas.

Vota ad minus tria requiruntur ad essentiam status Religiosi. c. 2. n. 1. Ex vi illorum non est tam suus, quam Religionis Religiosus. ibid. Etiam vota, quæ emittunt Milites Sancti Iacobi, Sancti Ioannis, &c. illos constituunt Religiosos. ibidem. n. 2. Vota etiâ simplicia, quæ emittunt Patres Societ. Iesu post biennium. ibid. n. 3. Votum ingrediendæ Religionem licitum est, & honestū. c. 24. n. 27. Quid debeat facere, qui tale votum fecit. ibid.

Vota, & Promissiones facta à Populis, seu Communitatibus tenentur obseruare Regulares ibi existentes. c. 11. n. 13.

Vota Monialium non dispensantur, nec commutantur ab Abbatissis, seu Priorissis ipsarum, irritari tamen possunt ab illis. c. 26. n. 15.

Vota Regularium irritantur à Superioribus. c. 18. n. 47. Non solum indirectè, sed etiam directè. ibid. Etia illa, quæ sunt circa materiam preceptorum. ibid. Etiam facta cum licentia eorundem Superiorum. ibid. Excepto Voto transendi ad arctiorem Religionem. ibid. Etiam Vota Nouitiorum. ibid. Commutantur etiam eadem Vota à Superioribus. ibid. n. 48. Et dispensantur ea, quæ possunt dispensare Episcopi. ibid. n. 49. Secus in Votis reſeruat. is Papæ. ibid. Bene tamen Vota transendi ad strictiorem Religionem. ibid. n. 50. Requiritur semper causa. ibid. n. 51. Vota Prælatorum à quo dispensantur. ibid. n. 52. Vota essentialia Religionis nullatenus dispens-

I N D E X.

Spensantur à Superioribus . ibid. num. 54.

Vota secularium Episcopo reservata, an dispensari possint à Confessarijs Regularibus. c. 19. n. 22. Ad minus possunt commutari ab aliquibus ipsorum. ibid. n. 23. Vota autem Papa reservata quando perfecta sunt nec dispensari, nec commutari possunt à Regularibus Confessarijs. ibidem. n. 24. Quando verò talia non fuerint, possunt commutari. ibid.

Vsus irrevocabilis alicuius rei non potest concedi Religiosis. c. 6. n. 26. Nec etiam à Papa, nisi dispenset in Voto Paupertatis. ibid.

Vsufuctus quid sit. c. 6. n. 2. Vsus Iuris quid sit. ibid. Vsus facti quid sit. ibid. Vsufuctu, & usu Iuris priuatur Religiosus per Paupertatem. ibid. Non tamen priuatur usu facti, nec iste opponitur Paupertati Religiosa. ibid.

F I N I S.







